



V

Malabranch

A. 5

5. 4. 52

5 C. 4.



TRACTATUS DE INQUISITIONE VERITATIS

AUTHORE

R. P. NIC. MALEBRANCIO

Oratorii Gallicani Presbytero ,

VERSIO NOVISSIMA,

PRIORI AUCTIONIOR MULTO ET ACCURATIOR.

IN QUA PRÆTER EMENDATOS

prioris versionis errores, adjecta sunt, non modò *Illustrationes* in eâ
jam exstantes, verùm & Authoris *ELOGIUM*, quale a Celeberrimo

FONTENELLIO exaratum est, tum & plurimæ novæ *Elucidationes*

hic illic introsparsæ, nec non & varii *Tractatus* ab ipso Authore

in ultimâ hujus Operis Gallicâ Editione

postmodum superadditi.

TOMUS POSTERIOR.



GENEVÆ,

Apud FRATRES DE TOURNES.

MDCCLIII.

Ad uso del Padre Anton Felice da Pistoja Lettor Cappuccino, ed applicato alla Libreria de Cappuccini Basil di Pistoja con Licenza del P. Provinciale. 1759

INDEX CAPITUM TOMI SECUNDI.

LIBER SEXTUS.

De Methodo.

CAPUT I. *Hujusce libri Institutum declaratur, ut & duæ rationes generales conservandæ evidentiae in investigatione veritatis, quæ hujus libri argumentum constituent.*

Pag. 1

CAP. II. *Attentionem esse necessariam ad conservandam evidentiam in cognitionibus nostris. Modificationes mentis illam reddere attentam, sed ipsius capacitatem percipiendi plus æquo distrahere.*

P. 4

CAP. III. *Quomodo utendum sit affectibus & sensibus ad conservandam in his attentionem.*

P. 6

CAP. IV. *De usu imaginationis ad conservandam mentis attentionem, & de utilitate Geometriæ.*

P. 11

CAP. V. *De modis augendi extensionem & capacitatem mentis. Arithmeticam & Algebram ad id omnino necessarias esse.*

P. 23

PARS SECUNDA.

De Methodo.

CAPUT I. *De Legibus observandis in veritatis investigatione.*

pag. 30

CAP. II. *De Legge generali quæ versatur circa materiam studiorum*

† 2

- studiorum nostrorum. Philosophos scholasticos illam non observare, quod multorum in physicâ errorum causa est. p. 33
- CAP. III. De errore periculossimo Philosophiæ veterum. p. 38
- CAP. IV. Explicatio secundæ partis legis generalis. Illam a Philosophis non observari. Cartesium verò illam accuratè observasse in suâ Physicâ quod probatur ex summario quod de eâ traditur. p. 45
- CAP. V. Explicatio placitorum Philosophiæ Aristotelis, ubi ostenditur illum nunquam observasse secundam partem regulæ generalis, & quatuor ipsius elementa, & qualitates elementares examinantur. p. 60
- CAP. VI. Præcepta generalia necessaria ut ordine procedatur in inquirendâ veritate & in deligendis scientiis. p. 74
- CAP. VII. De usu primæ regulæ quæ spectat quæstiones speciales. p. 81
- CAP. VIII. Applicatio cæterarum regularum ad quæstiones speciales. p. 92
- CAP. IX. Ultimum exemplum ut istius operis utilitas pateat. In hoc exemplo examinatur causa physica durities sive cohesionis partium corporum inter se invicem. p. 105
- Concluduntur tres postremi Libri. p. 123
- LEGES GENERALES COMMUNICATIONIS MOTUUM. p. 127

Pars Prior.

In quâ expenditur quænam esse deberent hæ leges, si corpora in vacuo concurrerent, & per se dura essent 1°. Posito absolutam motûs quantitatem semper eandem manere. 2°. Posito eam indifferenter mutari. p. 129

Pars Posterior.

In quâ necessaria expono dogmata ad physicam legum motûs experienciâ confirmatarum rationem reddendam; has trado deinde Leges, proboque operationes quas præscribunt regulæ ad reperientiam motuum summam post impactum, menti exhibere naturales effectus quos reapse in corporibus producit impactus. Quæ secunda Pars majorem Lectoris attentionem mereatur. p. 139

RESPONSIO

RESPONSIO AD D. REGIS.	pag. 157
CAPUT I. <i>Ratio Physica eor diversæ magnitudinis appa- reant Sol & Luna in Horizonte & Meridiano, quam impu- gnaverat D. Regis.</i>	p. 159
CAP. II. <i>De naturâ Idearum, ac speciatim de ratione quæ res objectas nos circumcingentes cernimus.</i>	p. 168
CAP. III. <i>In quo falsas quasdam mihi imputatas contradic- tiones detestor ac deprecor.</i>	p. 188

INDEX ILLUSTRATIONUM.

PREFATIO. In quâ indicatur quid de variis sentiendum sit
judiciis quæ circa libros præjudicia impugnantes ferri solent.

p. 193

Ad Lectorem Admonitio.

p. 200

Prima Explicatio ad Caput primum primi Libri. *Deus efficit
quicquid realis est in motibus mentis, & in determinati-
onibus horum motuum, nec tamen est author peccati.* p. 201
*Efficit quicquid realis est in motibus concupiscentiæ, nec tamen
est Author concupiscentiæ nostræ.* p. 212

Secunda Illustratio ad Caput primum primi Libri. In quo
dixi, Voluntatem non posse determinare diversæ impressionem
quam habet versus bonum, nisi imperando intellectui, ut
sibi representet aliquod objectum speciale. p. 215

Illustratio ad tertium Caput. In quo dixi, Mirandum non
esse nos mysteria fidei evidenter non videre, cum ne ipso-
rum quidem habeamus ideas. p. 216

Illustratio ad hæc verba Capituli quinti. His ita positis di-
cendum est Adamum ad amorem Dei & ad ea quæ erant
officii sui voluptatibus prævenientibus inductum non fuisse;
quia cognitio quam de bono suo habebat, & gaudium quo
indisenter afficiebatur, quodque necessario sequabatur con-
templationem felicitatis suæ, sufficere poterant ut officio suo
adhereret, utque ageret majori cum merito, quam si volup-
tatibus prævenientibus veluti determinatus fuisset. p. 218

Illustratio ad Caput quintum. Ubi dico, Delectationem
prævenientem esse gratiam Jesu-Christi. p. 220

Illu-

VI

INDEX.

Illustratio ad ea quæ dixi initio Decimi Capitis Libri primi, & sexto secundi libri de Methodo. <i>Existentiâ corporum probatu esse admodum difficilem. Quid cogitandum sit de Argumentis quæ pro illorum existentiâ afferri solent.</i>	p. 222
Illustratio ad Quintum Caput secundi Libri. <i>De memoriâ & habitibus spiritualibus.</i>	p. 231
Illustratio ad Caput septimum secundi Libri. <i>Summa argumentorum & explicationum a me traditorum circa peccatum originis, cum responsionibus ad ea quæ mihi visus sunt posse objici.</i>	p. 232
Objectiones adversus argumenta & explicationes peccati originis.	p. 239
Obiectio adversus primum Articulum.	ibid.
Secunda obiectio contra Articulum primum.	p. 241
Obiectio contra secundum Articulum.	p. 243
Obiectio contra quartum Articulum.	p. 244
Secunda obiectio adversus Articulum quartum.	p. 245
Obiectio contra quintum Articulum.	p. 247
Obiectio contra Articulum sextum.	p. 248
Obiectio contra septimum Articulum.	p. 249
Obiectio contra Articulum undecimum & duodecimum.	p. 251
Secunda obiectio contra Articulum undecimum & duodecimum.	p. 254
Obiectio contra Articulum duodecimum.	p. 256
Secunda obiectio contra Articulum duodecimum.	p. 258
Obiectio contra Articulum decimum septimum & sequentes.	p. 260
Illustratio ad tertium Caput Tertiæ partis Secundi Libri. <i>In quo de vi imaginationis Authorum ac præcipue de Tertulliano agebam.</i>	p. 262
Illustratio super naturâ idearum. <i>In quâ explano quomodo omnia in Deo videantur, veritates etiam & leges æternæ.</i>	p. 267
Prima obiectio adversus ea quæ dicta sunt, nempe, Deum solum nos illuminare, omniaque in ipso videri.	p. 279
Secunda	

<i>Secunda objectio.</i>	pag. 281
<i>Tertia objectio.</i>	p. 283
<i>Objectio quarta.</i>	p. 286
<i>Illustratio ad Caput septimum secundæ partis Tertiæ Libri in quo probatur Nos non habere claram ideam naturæ nec modificationum mentis nostræ.</i>	p. 289
<i>Illustratio ad Caput octavum secundæ partis Tertiæ Libri. De vocibus vagis & generalibus nihil significantibus. Quo- modo ab aliis distinguantur.</i>	p. 295
<i>Illustratio ad conclusionem Trium priorum Librorum. Me- dicos & quos vocant Directores nobis esse omnino necessarios. Sed ipsos in multis casibus consulere & sequi periculosum esse.</i>	p. 300
<i>Illustratio ad Tertium Caput Quinti Libri. Amorem differre a voluptate & gaudio.</i>	p. 310
<i>Illustratio ad Caput Tertium secundæ partis sexti Libri. De efficaciâ causis secundis tributâ.</i>	p. 313
ILLUSTRATIO <i>de luce & coloribus, de ignis generatione, aliisque multis subtilis materiæ effectibus.</i>	p. 342
<i>Probatur hæc quam posueram hypothesis, parvis vorti- cibus necessario constare subtilem sive ætheream materiam; eisque vortices naturalem esse omnium quas patitur materia mutationum causam; quod ex generalium Physicæ effectuum explicatione confirmo, quales sunt corporum durities, flui- ditas, gravitas, levitas, lux ejusque radiorum refractionis & reflectio.</i>	p. 352
<i>Probatur id quod modo dixi, nempe, in cognita tempo- rum periodicorum planetarum ad suas a sole distantias pro- portionem pro temporibus eorumdem subijciatur præteritum, ean- dem detectum in proportionem ac quæ æquilibrium servat in cælestibus vorticibus stratis.</i>	p. 364
Ultima ILLUSTRATIO <i>de Opticâ descriptionem conti- nens partium quibus constat oculus, atque præcipuas ipsarum constructionis causas, ut facilius intelligantur quæ in primo Libro de erroribus visus dicta sunt.</i>	p. 380
<i>Oculi constructio.</i>	p. 381
	De

- De naturâ & proprietatibus lucis.* pag. 383
Retina præcipua pars est oculi, per eam enim Lux suam ad cerebrum actionem transmittit. p. 391
De sapientiâ Dei in oculorum constructione. p. 393
Observatio in infinitam Dei sapientiam, quæ non modò in præstantiâ ejus Operum elucet, sed lucidiùs adhuc in simplicitate viarum quibus ea format Opera. p. 399

ADDITAMENTUM Coronidis loco.

- Centrifuga vis corporum æqualis est quadrato ipsorum velocitatum per diametrum circuli quem uniformi motu suo describunt diviso.* p. 409
Explicantur ea quæ dixi supra §. XXI. Generalis Dioptricæ propositio cujus, nihil aliud est quàm corollarium, ea quæ pro verâ posita fuit in §. 21. novissimæ illustrationis. p. 410





D E

INQUISITIONE VERITATIS.

LIBER SEXTUS.
DE METHODO.
PRIMA PARS.

CAPUT PRIMUM.

Hujusce libri institutum declaratur, ut & duæ rationes generales conservandæ evidentie in investigatione veritatis, quæ hujus libri argumentum constituent.



IBRIS præcedentibus vidimus hominem errori valde obnoxium esse; ipsūque sensum ^a fallaciis, imaginationis ^b phantasmatibus, & mentis ^c abstractionibus perpetuò decipi; voluntatis ^d inclinationes, cordis ^e affectus veritatem ipsi penè semper surripere, eamque ipsi nunquam patefacere nisi falsis indutam coloribus quibus concupiscentiæ indulgetur. ^f Lib. I. ^g Lib. II. ^h Lib. III. ⁱ Lib. IV. ^j Lib. V.

A Jam

Malebranchii de Inquis. Verit. Tom. II.

Jam vias indicare quibus veritatis cognitionem assequi possumus, mentemque eâ vi & industriâ munire quâ has insistere queat sine inuiti labore, & erroris periculo, operæ pretium est.

Verum, ne in hujus postremi Libri lectione incassum quis laboret, imprimis monitum velim illum in eorum usum duntaxat compositum fuisse qui veritatem per se seriò quærere, & ad id propriis viribus uti volunt. Ab ipsis postulo ut per aliquod tempus omnes verisimiles contemnant opiniones; violentissimis ne fidant conjecturis; omnium Philosophorum auctoritatem susque deque habeant; ab omni præjudicio, philautiâ, & affectu vacui, quantum in illis erit, huc accedant; Sensibus & imaginationi diffidant; uno verbo eorum penè omnium quæ Libris præcedentibus dicta sunt accuratè recordentur.

Propositum nobis est in hoc Libro menti omnem quam naturaliter assequi potest perfectionem reddere, ei suppeditando auxilia necessaria, ut ipsis attentio & capacitas augeatur; eique præscribendo canones observandos ut error in investigatione veritatis vitetur, & ut quæcunque sciri possunt commodè addiscantur.

In hoc instituto, si ad suam perfectionem perduceretur, quod quidem in hocce specimine non affectamus, certè traderetur scientia universalis, ac qui illo bene uti vellent verè docti dici possent, utpote qui omnium scientiarum specialium fundamentum essent assequuti, ac illas, prout hac universali scientiâ uterentur, acquirerent. Hoc enim tractatu conamur mentem ad id idoneam reddere ut de quibuslibet quæstionibus ad ipsius captum accommodatis judicia certa & vera ferre possit.

Quemadmodum non sufficit ad perfectam Geometriæ cognitionem assequendam, ut quis memoriter teneat omnes demonstrationes Euclidis, Pappi, Archimedis, Apollonii & omnium qui de Geometriâ scripserunt. Ita, ut quis peritus habeatur Philosophus, ipsum non sufficit legisse Platonem, Aristotelem, Cartesium, &c. & ipsorum sententias circa omnes Philosophiæ quæstiones didicisse. Omnium opinionum & judiciorum aliorum hominum sive circa Philosophiam, sive circa Geometriam cognitio Historia potius est quàm Scientia: nam vera scientia, quæ sola mentem humanam ad perfectionem cujus nunc capax est adducere potest, consistit in certâ quadam capacitate solidè judicandi de omnibus ipsi accommodatis. At ne temporis fiat jactura, neve judiciis præmaturis quicquam antevertatur, jam rem tanti momenti aggrediamur.

Imprimis in memoriam revocandus est primus canon traditus & probatus in principio primi Libri, quia fundamentum est & primum axioma eorum omnium quæ sumus infrâ dicturi. *Plenum, scilicet, nunquam præbere assensum nisi propositionibus tam evidentè veris, ut ipsi ille assensus recusari nequeat, sine pœna cujusdam interna sensu, & internis rationis oburgationibus; hoc est, ubi assensum recusare nemo potest, quin clarè cognoscat se libertate suâ abuti, nisi velit assentiri.* Quotiescunque verisimilitudinibus assentimur, in certum erroris periculum incurrimus, ac penè semper

semper actu erramus, vel denique si non erremus, id casu fortuito contingit. Itaque perceptio confusa innumerarum verisimilitudinum circa varias res rationem nostram non reddit perfectiorem, ac solâ veritatis clarâ perceptione ipsi perfectio impetiri ipsique satisfieri potest.

Cùm igitur solâ evidentia juxta primum nostrum canonem certiores fiamus nos non errare, hinc concludere est nos imprimis ad id attendere debere ut hanc in perceptionibus nostris conservemus evidentiam, ut de omnibus rationi nostræ accommodatis solidè judicare, & omnes veritates quarum sumus capaces assequi possimus.

Quæ hanc evidentiam gignere & conservare possunt duplicis sunt generis. Alia sunt in nobis, aut a nobis aliquatenus pendente, alia a nobis non pendente. Nam quemadmodum ut res visibiles distinctè videamus, necesse est nos pollere visu perspicaci, illumque attentè in his rebus objectis defigere; quæ duo in nobis sunt & a nobis aliquatenus pendente; sic necesse est recto pollere ingenio, illudque strenuè appellere ad penitus inspicendas veritates intelligibiles: quæ duo etiam in nobis sunt, & a nobis aliquatenus pendente.

Sed, non secus ac oculi opus habent luce ad videndum, istud verò lumen pendet a causis alienis; sic mens eget ideis ad concipiendum, quæ ideæ, ut alibi probatum est, non pendente a nobis, sed a causâ alienâ illas producente. Si igitur ideæ rerum menti nostræ non adessent, quotiescunque illas habere optamus, & si Deus, qui mundum illuminat, illas nos latere vellet, huic defectui mederi, ac quicquam cognoscere nequaquam possemus; quemadmodum is nihil videre potest cui lumen deest. Verum non est quòd hoc metuamus, quippe præsentia idearum menti nostræ cùm sit naturalis & a generali & immutabili Dei voluntate pendeat, nobis nunquam deest ad res rationi naturaliter subjectas percipiendum. Nam Sol qui illuminat mentes haud similis est Soli illuminanti corpora, eclipsin nunquam patitur, ac omnia penetrat sine ullâ luminis sui dissipatione.

Cùm igitur ideæ rerum nobis perpetuò adsint, etiam ubi illas attentè non consideramus, quid aliud nobis superest ad conservandam evidentiam in omnibus perceptionibus nostris, nisi ut quæramus media quibus mens attentior & capacior fiat; quemadmodum ut res visibiles nobis adstantes distinctè cernantur nihil aliud necesse nobis est quàm ut visu perspicaci polleamus, illasque attentè consideremus.

Sed, quia res objectæ quas consideramus plures sæpe habent relationes quàm ut illas omnes unico mentis appulsu percipere valeamus; indigemus adhuc nonnullis legibus quibus instituiamur ad omnes difficultates ita diluendas, ut adjuti auxiliis quibus mens fiat attentior & capacior, omnes relationes rei quam examinamus evidentissimè percipere possimus.

Hunc igitur Sextum Librum in duas dividemus partes. In priori agetur de auxiliis quibus mens uti potest ut fiat attentior & capacior; In posteriori canones trademus quos illa sequi debet in investigatione veritatum, ad formanda judicia solida & extra erroris aleam posita.

CAPUT II.

Attentionem esse necessariam ad conservandam evidentiam in cognitionibus nostris. Modificationes mentis illam reddere attentam, sed ipsius capacuatem percipiendi plus æquo distrahere.

A Principio hujusce Operis ostensum est, intellectum duntaxat percipere; ac a parte intellectus, simplices perceptiones, judicia, & ratiocinia in eo solo inter se differre, quod judicia, & ratiocinia sunt perceptiones multo complexiores simplicibus perceptionibus; quia non modo plurimas res repræsentant, verum etiam relationes plurimarum rerum inter se. Nam simplices perceptiones res solas menti repræsentant: sed judicia relationes quæ inter res intercedunt exhibent: sed ratiocinia relationes repræsentant quæ inter relationes rerum sunt; si modo sint simplicia ratiocinia; at si sint ratiocinia composita, repræsentant relationes relationum, seu relationes complexas quæ sunt inter relationes rerum, & sic ad infinitum. Prout enim relationes multiplicantur, ratiocinia quæ menti repræsentant hæc relationes fiunt magis complexa. Sed judicia, ratiocinia simplicia, & ratiocinia complexa, nihil sunt præter meras perceptiones a parte intellectus, quia intellectus duntaxat percipit; ut jam dictum est.

Cum judicia & ratiocinia a parte intellectus nihil sint præter meras perceptiones, intellectum in errorem nunquam labi manifestum est; cum error in perceptionibus non reperiatur, immo non sit intelligibilis. Etenim error aut falsitas nihil aliud est quam relatio quæ non existit, quod autem non existit neque est visibile neque est intelligibile. Videri potest aut intelligi bis duo esse quatuor, vel bis duo non esse quinque, reapse enim est relatio æqualitatis inter bis duo & quatuor; & est etiam relatio inæqualitatis inter bis duo & quinque: Ergo veritas est intelligibilis. Sed nunquam videbitur aut intelligetur bis duo esse quinque, nulla quippe est æqualitatis relatio, jam verò quod non est non potest percipi. Error, sicut jam multoties dictum est, duntaxat consistit in præcipiti voluntatis assensu, quæ falso quodam lumine decipitur, & quæ, cum libertate, quantum potest, uti deberet, in veritatis specie securè acquiescit.

Nihilominus, quia sæpe intellectus ideas rerum confusas & imperfectas habet, hinc fit ut sit causa errorum nostrorum, quæ occasionalis dici potest. Quenadmodum enim visus corporeus sæpe nos inicit in errorem, quia res externas confuse & imperfectè nobis repræsentat; confusè,

confusè, scilicet, ubi nimis diffusæ sunt, uel ubi lumen deficit: & imperfectè quoniam illa duntaxat rerum latera repræsentat quæ nobis obijciuntur. Ita intellectus cum sæpe perceptionem rerum duntaxat confusam & imperfectam habeat, quia ipsi satis non sunt præfentes, nec omnes partes illarum percipit; causa est cur voluntas in ingentem incidat errorum numerum, facilius nimirum cedendo hisce perceptionibus obscuris & imperfectis.

Necesse igitur est quærere rationes quibus impediatur quominus perceptiones sint confusæ & imperfectæ. Et quia nullâ aliâ ratione clariiores & distinctiores fieri possunt quàm attentione, ut apud quemlibet constat, quærendæ sunt rationes quibus utentes attentiores evadamus. Hoc pacto evidentiam in ratiociniis nostris conservabimus, & uno intuitu connexionem necessariam inter omnes partes ratiociniorum nostrorum etiam maximè prolixorum, deprehendemus.

Ut istæ inveniantur rationes altè est imbibendum id quod jam alibi a nobis dictum est; nempe mentem non æqualem rebus omnibus quas percipit præbere attentionem. His enim quæ ipsam afficiunt, modificant, & penetrant longè magis attendit quàm iis quæ ipsi quidem adsunt, sed ipsam non tangunt, nec ad ipsam pertinent. Uno verbo propriis modificationibus longè magis occupatur quàm simplicibus rerum objectarum ideis, quæ ideæ aliquid sunt ab ipsâ diversum.

Hanc ob causam nonnisi cum fastidio & negligentia ideas abstractas intellectus puri consideramus: ad res quas imaginamur, præcipuè si imaginatione præditi sumus forti, ac alta in cerebro formentur vestigia, animum longè magis appellimus. Denique hanc ob causam, in qualitatibus sensibilibus consideratione toti detinemur, dum ideis puris mentis, quandiu aliquid jucundi, aut molesti sentimus, ne vel minimam attentionem præbere possimus. Namque cum dolor, voluptas, & aliæ sensationes nihil aliud sint quàm modificationes mentis, fieri nequit quin eas percipiamus, & quin mentis nostræ capacitas iis occupetur, cum omnes sensationes nostræ nihil aliud sint quàm perceptiones.

Res verò secus se habet de ideis puris mentis: possunt enim menti nostræ intimè conjunctæ esse, nec tamen a nobis ullo modo considerari. Licet enim Deus nobis quàm intimè jungatur & in eo reperiatur eorum omnium quæ videmus ideæ; illud tamen ideæ, quanquam nobis præfentes, nos latent ubi motus spirituum illarum vestigia non excitant; vel ubi voluntas nostra mentem his non applicat; hoc est, ubi non format actus quibus repræsentatio illarum idearum ab Authore naturæ alligatur. Hæc sunt fundamentum eorum quæ sumus infra dicturi circa auxilia quæ mentem nostram possunt præbere attentorem. Itaque hæc auxilia in ipsâ mentis naturâ erunt fundata; speramus itaque illa inutilia & chimerica non futura, ut plurima alia quæ mentem magis intrincant quàm juvant. Utut sit, quem optamus non sortiantur usum, hæud tamen erit inutile quæ de iis infra dicturi sumus legere, quia ex his na-

tura mentis melius cognoscetur.

Modificationes mentis ex tribus oriuntur causis, ex sensibus, imaginatione, & affectibus. Nemo non expertus est voluptates, dolores, & omnes in genere sensationes tantillum vehementes, imaginationes vividas, & violentos affectus mentem tantopere occupare, ut attentionis incapax sit quandiu his omnibus nimis afficitur; quia tum tota ipsius percipiendi facultas his impletur. Sed etiam si istæ modificationes essent leviores, hanc tamen mentis capacitatem aliquatenus saltem distraherent, adeo ut se totam rerum abstractarum considerationi applicare non posset.

Hinc igitur conclusionem hanc notatu maxime dignam elicimus; Eos omnes, scilicet, qui ad veritatis investigationem serio incumbere volunt, sedulo vitare debere, quantum id fieri potest, omnes sensationes nimis vividas, ut ingentem strepitum, lumen vividius, voluptatem, dolorem, &c. Imaginationis puritati perpetuo studere debent, ac impedire quominus in cerebro formentur vestigia profunda, quæ mentem perpetuo laceant & dissipant. Denique sistere imprimis debent affectum motus, qui in corpore & in mente tam altas edunt impressiones, ut mens ad aliud cogitare non valeat. Nam, etsi puræ veritatis ideæ, nobis perpetuo præsentibus adsint, illas tamen considerare nequimus, ubi capacitas cogitandi hisce modificationibus violentis occupatur.

Quia tamen mens sine affectu, sensatione, aut aliâ quavis modificatione speciali subsistere nequit, necessitati cedendum est, imo ex his ipsis modificationibus auxilia nobis comparare debemus, quibus attentiones fiat. Sed magnâ industriâ, & cautione opus est in usu istorum auxiliorum. Diligenter examinandum est quousque iis indigeamus, nec iis utendum nisi urgente necessitate.

C A P U T III.

Quomodo utendum sit affectibus & sensibus ad conservandam mentis attentionem.

Affectus quorum usus nobis necessarius est ut excitemur ad veritatis inquisitionem ii sunt quorum ope eam vim, eumque annum comparamus quo laborem superare valeamus quem in attentione præbendam experiri solemus. Inter illos affectus alii sunt boni, alii mali; boni, quale est desiderium inveniendæ veritatis, acquirendi sat luminis ut possimus nos ipsos regere, proximo utilitatem aliquam afferendi, & alii similes. Mali verò seu periculosi, ut desiderium famam sibi conciliandi, propriis rebus & commodis consulendi,

lendi, supra æquales sese extollendi, & nonnulli præter hos alii affectus pejores de quibus hic loqui necessarium non est.

In isto in quo versamur misero statu non raro contingit ut affectibus a ratione maximè alienis vividius ad veritatis investigationem feramur, & ab illis jucundius solatium accipiamus in laboribus ad id exantlandis, quàm affectibus maximè legitimis & rationi consentaneis. Vanitas, exempli gratiâ, nos longè vehementius stimulat quàm veritatis amor; ac quotidie videas homines ad studium perpetim incumbentes, quando alios reperiunt quibuscum communicare possint quæ didicerunt, ab illo verò penitus desistentes statim atque nemo est qui eos audire velit. Visus confusus gloriolæ cujusdam quâ circumdantur, dum suas venditant opiniones animum ipsorum sustentat & suffulcit in studiis etiam maximè sterilibus & fastidiosis. At si casu fortuito, vel propriis negotiis id postulantibus, ab illo assentatorum grege discedere cogantur, ipsorum æstus continuo deferebescit, studia etiam solidissima fastidium ipsis creant; ac denique tædio & mœnore confecti cuncta deferunt. Vanitas prius pigritiam naturalem vicerat, jam verò pigritia veritatis amorem superat; namque vanitas pigritiæ nonnunquam resistit, at pigritia de veritatis amore penè semper triumphat.

Cum tamen gloriæ cupido ad bonum finem possit referri, quia ad gloriam Dei & proximi utilitatem famâ nostrâ uti possumus; quibusdam forsân hoc affectu in nonnullis occasionibus veluti auxilio ad reddendam mentem attentam uti nefas non est. Sed sedulo cavendum est ne illo utamur, nisi duntaxat ubi affectus rationi consentanei, de quibus jam dictum est, non sufficiunt; etenim ad id officio nostro tenemur ut ad res arduas ac fastidiosas incumbamus. Jam autem dixi illo affectu utendum non esse nisi quando alii legitimi non sufficiunt; primo, quia hic affectus conscientiæ perquam noxius est. Secundo, quia in mala studia, quibus plus inest splendoris quàm utilitatis & veritatis, nos sensim injicit. Denique, quia ille affectus moderatu valde difficilis est, ab ipso sæpe deluderemur, ac dum mentem nostram illuminare illius ope crederemus, concupiscentiam, quæ non modò cor corrumpit, sed menti tenebras nunquam dissipandas affundit, forsân corroboraremus.

Animadvertendum enim est affectum illum augeri, corroborari, & sensim in corde hominis stabiliri; ac, ubi violentior est, tantum abest ut mentem sublevet in veritatis investigatione, ut potiùs illam mirum in modum occæcet, ac res pro votis se habere falsò ipsi persuadeat.

Tot falsis & imaginariis inventionibus, quæ sub egregio veritatum recens retectarum nomine nobis propinantur, non scateret orbis terrarum, nisi homines ardenti flagrarent desiderio inventorum famam sibi parandi. Firma enim & obstinata persuasio quâ nonnulli laboraverunt se invenisse, exempli gratiâ, motum perpetuum, & modum æquandi circu-

circuli cum quadrato, & duplicandi cubum ope Geometriæ vulgaris, ex eo, opinor, orta est quòd nempe aliquid feliciter fecisse, quòd cæteri inutiliter tentassent, videri vehementer cuperent.

Longè igitur satius est sese excitare ad eos affectus qui eò sunt utiles res ad veritatis investigationem quòd vehementiores sint, & circa quos modum excedere vix ullum est periculum; qualia sunt desideria bene utendi ingenio nostro; nosmet expediendi a præjudiciis & erroribus; sat acquirendi luminis ad nos in statu in quo versamur rectè regendos; & alii similes affectus, quibus ad studia inutilia & judicia præmatura non adigimur.

Prælibatâ semel voluptate quæ ex recto mentis usu percipitur, ac utilitate quæ ex illo redit probè cognitâ; abdicatis violentis affectibus, atque cum fastidio rejectis voluptatibus sensibilibus quæ, dum illis imprudentes nos permittimus, rationi tyrannicè dominantur; aliis opus non est affectibus quàm iis de quibus mox dictum est, ut attentius fiamus ad res meditandas.

Verùm plerique homines ab illo statu longè abhorrent. Præter sensibilia nihil amant, nihil intelligunt, nihil sapiunt. Ipsorum imaginatione numero prope infinito vestigiorum profundorum, quæ falsas tantum excitant ideas, corrupta est: Omnibus enim quæ sub sensus & imaginationem cadunt toti addicti sunt, ac juxta impressionem quam ex iis, hoc est relatè ad se recipiunt, de iis semper judicant. Superbia, intemperantia, varia negotia quibus intricantur, sollicita res suas stabilendi desideria in hominibus hujus sæculi tam frequentia veritatis lumen ab ipsis arcent, non secus ac pietatis sensum suffocant; quia his pravus affectibus a Deo, qui solus potest illuminare & regere, sejunguntur. Quippe conjunctionem nostram cum sensibilibus augere non possumus quin conjunctionem nostram cum veritatibus intelligibilibus minuamus; cum eodem tempore non possumus colligari cum rebus adeo diversis & oppositis.

Qui igitur imaginationem habent puram & castam; hoc est, ii quorum cerebrum vestigiis profundis quæ rebus sensibilibus applicant referunt non est, cum Deo faciliè colligari possunt, & ad veritatem ipsos alloquentem attendere: Affectus legitimi, & rationi consentanei ipsis sufficiunt. Mundani verò, quique pluribus rebus adhærent, & quorum imaginatio falsis & obscuris conspurcata est ideis quas res sensibiles in ipsis excitaverunt, ii, inquam, non possunt ad veritatem incumbere nisi affectu aliquo sustineantur satis vehementi ad deprimentum corporis pondus quo premuntur, & ad formanda in cerebro vestigia quæ possint spirituum animalium cursum divertere. Quia verò quilibet affectus per se duntaxat confundit ideas, iis uti non debent nisi uti necessitas postulat; & singuli homines sese explorare debent, ut affectus suos debilitati sine accommodent.

Rationes quibus in nobilinet ipsis affectus quos optamus possumus excitare facili negotio inveniri queunt. Nec parum ad id confert

fert conjunctionis corporis & mentis cognitio libris præcedentibus tradita: námque uno verbo sufficit nos cogitare attentè ad ea quæ juxta institutionem naturæ apta sunt ad excitandos affectus. Hoc pacto affectus nobis necessarios in corde nostro penè semper gignere possumus. At verò si illos penè semper possumus excitare, illos pariter non possumus extinguere, & meredi malis quæ in imaginatione produxerunt. Iis igitur moderatè est utendum.

Imprimis cavendum est ne de rebus ex affectu judicemus, sed ex claro duntaxat veritatis visu, quod observatu difficillimum est, ne dicam impossibile, quum affectus sunt tantillum vividè. Affectus ad id tantum conferre debet ut attentionem excitet; Verum ideas sibi proprias menti semper objicit, & voluntatem ad id vividè impellit ut de rebus per istas ideas quibus movetur judicet, potius quam per ideas puras & abstractas veritatis quibus non movetur. Adeo ut judicia sæpe formemus quæ cum affectu desinunt, quia, scilicet, non visu claro veritatis immutabilis, sed tantum ope circulationis sanguinis formata fuere.

Verum quidem est esse homines admodum pertinaces in suis erroribus, & eorum errorum plerosque per totam vitam præfactè retinere. Sed errores illi ab aliis oriuntur causis quam ab affectibus; vel pendent ab affectibus quibusdam constantibus ex conformatione corporis, ex pleonexiâ, aut ex aliâ quavis diu subsistente causâ oriundis. Pleonexia, exempli gratiâ, cum semper duret, affectum producit nunquam interitum, & judicia in quæ affectus hic nos injicit satis sunt durabilia. Cæteræ verò hominum opiniones ex affectibus specialibus pendent æquè inconstantes sunt ac fermentatio humorum. Mox hoc, mox illo modo loquuntur, ac sæpe sermones cogitationibus congruunt. Sicut a falso bono ad aliud falsum bonum affectus motum sequentes cursitant, & illud fastidiunt ubi motus cessat; pariter a falso systemate ad aliud falsum systema feruntur. Opinionem falsam alacriter amplectuntur, ubi affectus illam reddit verisimilem; at illam affectu extincto deserunt: affectuum ope quælibet bona degustant, nec tamen quicquam boni reperiunt; per eosdem affectus omnes vident veritates, nec tamen quicquam veri retegunt; quamvis affectus momento quicquid gustant ipsis supremum videatur bonum, & quicquid vident indubitata appareat veritas.

Secundum auxilium quod menti ad attentionem disponendæ inservire valet a sensibus oritur. Sensationes sunt propriæ mentis modificationes; ideæ verò puræ mentis sunt diversum quid. Sensationes igitur attentionem nostram longè vividius excitant quam ideæ puræ. Manifestum itaque est mentem attentam reddi posse ad veritates quæ ipsam non afficiunt, si exprimantur per res sensibiles quæ ipsam afficiant.

Malebrancii de Inquisit. Verit. Tom. II.

B

Hanc

Hanc ob causam Geometræ per lineas sensibiles exprimunt proportionēs quæ sunt inter magnitudines quas habent considerandas. Lineas illas chartæ inscribendo, ideas quæ ipsis respondent menti veluti insculpunt, eas sibi magis familiares reddunt, quia eas eodem tempore sentiunt & concipiunt. Hoc etiam pacto multa fatis difficilia possunt doceri pueri qui ob fibrarum cerebri teneritatem veritates abstractas aliter capere non possunt. Oculis nihil vident præter colores, tabulas pictas, imagines, sed mente contemplantur ideas istis rebus sensibilibus respondentes.

Imprimis attendendum est ne ea quæ considerare vel aliis consideranda præbere volumus tot rebus sensibilibus obruantur, ut mens circa hæc magis occupetur quàm circa ipsam veritatem; in hoc enim sæpissime & gravissimè peccatur. Quotidie videas Oratores iis quæ sensus afficiunt ita addictos, & mentem suam modo tam sensibili aperientes, ut veritas vanorum falsæ ipsorum eloquentiæ ornamentorum pondere suffocetur. Unde fit ut Auditores periodorum numero & figurarum motibus longè vividius affecti quàm rationibus, sese persuaderi sinant, nescii quo pacto & qua de re persuadeantur.

Videndum est igitur ut elocutionis sensibilitas ita temperetur, ut eâ mens duntaxat attentior fiat. Veritate nihil est pulchrius, & frustra quis illam coloribus sensibilibus quibus nihil inest solidi, quique per unicum tantum temporis momentum fucum facere queunt, pulchriorem reddere aggredieretur. Fortè ipsi aliquid mollietiei conciliaretur, sed de ipsius vi multum detraheretur. Illa tanto splendore circumdari non debet ut mens ornamentis attentior sit quàm ipsi veritati. Alioqui de illâ res se haberet ut de hominibus istis qui tantâ auri & margaritarum copiâ onusti sunt, ut ipsi ornamentis suis inferiores evadant. Veritas induenda est ad exemplum Magistratuum Venetorum, qui simplicem togam cum galericio striato gestare tenentur, in eum duntaxat finem ut ab hominum vulgo distinguantur, & veneratione, non ob vestis ornamenta, sed ob dignitatis maiestatem excipiantur. Denique cavendum est ne veritas tot jucundis rebus stipetur ut mens dissipatâ attentione illam dignoscere nequeat, ac ne alii cuiuspiam rei honores ipsi debiti deferantur; ut sæpe evenit Principibus qui dignosci nequeunt inter innumeros aulicos quibus stipantur, quique iisdem circumfulgent ornamentis ac ipsi Principes.

Verùm ut insignius afferatur exemplum. Dico, veritatem aliis esse exponendam ut ipsa sese exposuit. Cùm homines, a primi Parentis peccato, visu essent debiliore quàm ut veritatem in se possent considerare; suprema illa veritas sensibilem sese reddidit, humanam naturam nostram induendo, ut oculos nostros in se converteret, nos illuminaret, & sese nobis amabilem præberet. Illius igitur exemplo veritates

tates quas aut ipsi capere, aut alios docere volumus, re aliquâ sensibili possumus induere, ad mentem, quæ sensibilia amat, quæque facili non devincitur nisi iis quæ sensibus adblandiuntur, defigendam. Sapientia æterna sese reddidit sensibilem, non verò fulgentem; sese reddidit sensibilem, non ut in sensibilibus acquiesceremus, verum ut ad intelligibilia extolleremur; sensibilem se reddidit ut in personâ suâ damnetur, & veluti mortî addiceret omnia sensibilia. Itaque in cognitione veritatis uii debemus aliquâ *sensibilitate* quæ tamen cum nimio fulgore conjuncta non sit, quæque in sensibilibus nos nimis non detineat, sed quæ visum mentis in contemplatione veritatum merè intelligibilium possit sustinere; uti debemus aliquâ re sensibili quam possimus dispellere, annihilare, ac lubentes inmolare contemplationi veritatis versùs quam res illa sensibilis nos deduxit. Sapientia æterna extra nos sese modo sensibili obtulit, non ut nos detineret extra nos, sed ut nos intra nosmet ipsos revocaret, utque illam internè possemus considerare modo intelligibili. Pariter in veritatis investigatione aliquâ re sensibili uti debemus quæ fulgore suo nos extra nos non detineat, sed quæ ad id nos adigat ut intra nosmet ipsos secedamus, & attentî fiamus, quæque nos conjungat cum veritate æternâ quæ sola mentis nostræ domina est, illamque super re qualibet illuminare potest.


CAPUT IV.

*De usu imaginationis ad conservandam mentis attentionem,
& de utilitate Geometriæ.*

PRudenter admodum procedendum est in optione & in usu auxiliorum quæ hauriri possunt ex sensibus & affectibus, ut attentioni ad veritatem assuetiamus; quia affectus & sensus nostri æquo vividius nos rangunt, & capaciter mentis ita implent, ut sæpe, dum res in seipsis retexisse arbitrat, nihil videat præter sensationes suas. At verò res secus se habet de auxiliis quæ hauriri possunt ex imaginatione. Illa auxilia mentem reddunt attentam, nec ipsius capaciter inutiliter dissipant, atque hoc pacto ad percipiendas clarè & distinctè res objectas mirum in modum conferunt, adeo ut ea adhibere penè semper utile sit. Verum id exemplis illustremus.

Norum est certum corpus moveri a duabus vel a pluribus causis diversis, versùs duas aut plures diversas partes: corpus illud viribus istis pelli æqualiter aut inæqualiter; illas verò vires augeri aut minui

indefinenter, secundum proportionem cognitam, qualemcumque illam assignare libuerit. Jam quaeritur quam viam illud corpus insilire debeat; quo in loco debeat adesse momento assignato; quâ celeritate debeat procedere ubi pervenit ad talem locum, & alia similia.



A puncto A, unde corpus motum suum incipere supponitur, debent ante omnia describi lineæ indefinitæ AB, AC, quæ efficiunt angulum BAC, si sese mutuo secant: namque AB & AC, sunt in directum positæ, nec sese secant, quum motus quos exprimunt directè sunt oppositi. Ita distinctè representatur invaginationi, vel, si mavis, sensibus, iter quod sequeretur illud corpus si ab unâ tantum ex istis viribus, de quibus supra, impelleretur versus alterutram partem B, vel C.

2. Si vis quæ illud corpus movet versus B, æquat vim quæ illud movet versus C, debent secari in lineis AC, & AB, partes 1, 2, 3, 4, & I, II, III, IV, æqualiter distatæ ab A. Si verò vis movens

movens corpus versus B duplo major est quam vis illud movens versus C, partes secantur in AB duplo majores his quæ secantur in AC; Si vis illa est subdupla, partes subduplæ secantur. Si vis sit ter major aut ter minor, partes secantur ter majores aut ter minores. Istarum linearum divisiones adhuc exprimunt imaginationi magnitudinem diversarum virium quæ aliquod movent corpus, & eodem tempore spatium quod illis impellentibus potest emetiri.

3. Per has divisiones ducuntur lineæ parallelæ rectis AB, & AC, ut habeantur lineæ 1X, 2X, 3X, &c. æquales lineis A1, A11, A111, &c. & 1X, 11X, 111X, æquales lineis A1, A2, A3, quæ exprimunt spatia quæ corpus, viribus illis impulsum, potest emetiri, & per intersectiones istarum parallelarum ducitur linea AXYE, quæ repræsentat imaginationi primò veram magnitudinem motus compositi hujusce corporis, quod concipitur impulsu eodem tempore versus B, & versus C, duabus viribus diversis, secundum talem vel talem proportionem; Secundò viam quam insistere debet; Denique omnia loca in quibus debet esse certo tempore determinato. Adeo ut hæc linea non modò utilis sit ad sustinendum mentis visum in investigatione omnium veritatum detegendarum circa quæstionem propositam, verum etiam modo sensibili & evincenti illam resolvit.

Primò hæc linea AXYE veram exprimit magnitudinem motus compositi. Nam manifestum fit quòd si vires quæ illum produciunt motum possint separatim promoverè corpus illud ad unius pedis spatium intra unicum momentum seu horæ sexagesimam partem, motus compositus erit duorum pedum intra unicum momentum, si modò motus compositi sint perfectè æquales; tunc enim sufficit addere AB ad AC. Si verò motus illi non possint omnino æquari, compositus AE alterutrum componentium AB vel AC magnitudine superabit totà lineà YE. Si verò motus illi sint oppositi aliquatenus, compositus alterutro componentium minor erit totà lineà YE. Si verò sint penitus oppositi, nullus erit.

Vide pri-
mas Figu-
ras.

Secundò hæc linea AXYE, repræsentat imaginationi iter quod sequi debet illud corpus, & sensibile est secundum quam proportionem ad unam partem magis progrediatur quàm ad alteram. Manifestum etiam fit omnes motus compositos esse rectos, ubi uniusquisque componentium semper idem est, quamvis inter se inæquales sint; vel ubi componententes sunt semper æquales inter se, quamvis iidem semper non sint. Denique manifestum est lineas his motibus descriptas esse curvas, ubi componententes sunt inæquales inter se, nec semper iidem sunt.


Postremo hæc linea repræsentat imaginationi omnia loca in quibus corpus illud a duabus viribus diversis versus duas partes diversas impulsu existere debeat; adeo ut possit præcisè assignari

si punctum ubi corpus illud esse debet certo momento. Si scire cupias ubi, exempli gratiâ, principio quarti momenti esse debeat; dividendæ sunt lineæ AB , vel AC in partes quæ expriment spatium quod viribus illis separatim impellentibus corpus illud posset emetiri intra unum momentum; deinde oportet sumere tres ex istis partibus in alterutrâ ex duabus istis lineis; ac postea ab initio quartæ partis describere lineam $3X$ parallelam rectæ AB , vel $4X$ parallelam rectæ AC . Námque evidens est punctum X , quod alterutra istarum parallelarum determinat in lineâ $AXYE$, designare locum ubi corpus illud esse poterit initio quarti momenti motus sui. Itaque hæc ratio examinandi quæstiones non modò sustinet visum mentis, verùm etiam illarum solutiones ostendit; & ipsis satis affert luminis ut ignota ex paucis cognitis possit reterege.

His præmissis sufficit, exempli gratiâ, duntaxat scire corpus quod erat in A certo tempore, alio tempore in E reperiri, & vires diversas illud impellere per lineas efficientes angulum datum, qualis est BAC , id, inquam, scire sufficit ut lineam ipsius motus compositi deprehendamus & varios gradus celeritatis motuum simplicium: dummodo sciamus motus istos esse æquales inter se aut uniformes. Ubi enim habentur duo puncta lineæ rectæ, habetur linea integra; & potest comparari linea recta AE , seu motus compositus cognitus cum lineis AB & AC , hoc est, cum motibus simplicibus incognitis.

Iterum


Iterum si supponatur lapis impelli ab A versus B per motum uniformem, sed deicendere versus C per motum inæqualem, similem motui secundum quem corpora gravia vulgò creduntur tendere ad centrum terræ, hoc est, spatia quæ percurrunt inter se invicem esse veluti



quadrata temporum quæ insunt in illis percurrendis; linea quam describet erit semper parabola, & poterit summâ cum acribetâ determinari punctum ubi erit certo momento motus sui.

Namque si primo isto momento corpus illud spatio duorum pedum ab A versus C cadit, secundo momento spatio sex pedum, tertio decem, quarto quatuordecim; & impellatur motu uniformi ab A versus

sus B, quæ linea longa est sexdecim pedibus, manifestum est lineam quam describet fore *parabolam*, cujus *parameter* longa erit pedibus octo. Nam *quadratum applicatarum*, seu *ordinatarum* diametro, quæ indicant tempora & motum regularem ab A versus B, æquale erit *rec-*



triangulo parametri per lineas indicantes motus inæquales & acceleratos: & *quadrata applicatarum*, hoc est, *quadrata* temporum erunt inter se ut partes diametri inclusæ inter *polum* & *applicatas*.

$$16. 64 :: 2. 8.$$

$$64. 144 :: 8. 18. \&c.$$

Ut id manifestum evadat sufficiet considerare sextam figuram. Nam *semi-circuli* ostendunt A 2 esse ad A 4, hoc est, ad *applicatam* 2 X ipsi


ipſi æqualem , ut 2 X eſt ad A 8. A 18 eſſe ad A 12 , hoc eſt , ad applicatam 18 X , ut 18 X eſt ad A 8 , &c. Atque ita *reſtanguſa* A 2 per A 8 & A 18 etiam per A 8 eſſe æqualia *quadratis* ex 2 X & 18 X , &c. Ac ideo iſta *quadrata* inter ſe invicem eſſe ut iſta *reſtanguſa*.

Lineæ parallelæ ad A B & ad A C quæ ſecantur in punctis X. X. X. maniſeſtò etiam oſtendunt quodnam iter corpus illud percurrere debeat. Indicant loca in quibus illud debet eſſe certo tempore. Oculis denique repræſentant veram magnitudinem motûs compoſiti & ipſius *accelerationis* tempore determinato.

Inſuper ſupponendo corpus moveri ab A verſus C inæqualiter , ut etiam ab A verſus B : ſi inæqualitas par eſt initio & ſemper , hoc eſt , ſi inæqualitas motûs iſtius corporis verſus C ſimilis eſt inæqualitati motûs verſus B , vel ſi augetur eâdem proportione , linea quam deſcribet erit recta.

Sed ſi ſupponas eſſe inæqualitatem in incremento aut in diminutione motuum ſimplicium , quamvis inæqualitas illa ſupponatur pro lubitu , tamen facile erit invenire lineam quæ repræſentet imaginationi motum compoſitum ex motibus ſimplicibus ; exprimendo per lineas iſtos motus , & iſtis lineis deſcribendo lineas parallelas quæ ſeſe mutuò ſecent. Nam linea quæ per omnes interſectiones iſtarum parallelarum tranſibit repræſentabit motum compoſitum ex iſtis motibus inæqualibus , & inæqualiter *acceleratis* aut diminutis.

Exempli gratiâ , ſi ſupponamus corpus moveri a duabus viribus æqualibus aut inæqualibus , prout libuerit ; alterum ex his motibus ſemper augeri aut minui ſecundum progreſſionem Geometricam aut Arithmeticam quamlibet , alterum verò motum augeri aut minui etiam ſecundum progreſſionem Arithmeticam aut Geometricam quamlibet , ut inveniantur puncta per quæ tranſire debet linea quæ oculis & imaginationi repræſentat motum compoſitum horum motuum , ſic eſt procedendum.



Ante omnia describendæ sunt, ut jam dictum est, duæ lineæ AB & AC, ad exprimendos duos motus simplices, & dividendæ istæ lineæ secundum suppositionem *accelerationis* horum motuum. Si motus expressus per lineam AC supponatur augeri aut minui secundum hanc progressionem Arithmeticam 1, 2, 3, 4, 5, dividenda est linea in punctis 1, 2, 3, 4, 5, si verò motus designatus per lineam AB supponatur augeri secundum progressionem duplam 1, 2, 4, 8, 16, aut minui secundum progressionem sub-

duplam 4, 2, 1, — — — dividenda est linea in punctis notatis
2, 4, 8,

1, 2, 4, 8, 16, aut 4, 2, 1, — — — Deinde per has divisiones
2, 4, 8,

ducendæ sunt lineæ parallelæ ad AB & ad AC; & linea AE, quæ debet exprimere motum compositum quæsitum transibit necessariò per omnia puncta in quibus istæ lineæ parallelæ sese interfecabunt. Atque ita deprehenditur via quam illud corpus motum insistere debet.

Si quis cognoscere velit quantum præcisè temporis elapsum fuerit ex quo corpus illud incepit moveri, quando ad certum punctum pervenit; lineæ parallelæ ductæ ab isto puncto ad AB aut ad AC id indicabunt, nam divisiones lineæ AB & AC denotant tempus. Pariter, si quis scire velit ad quod punctum corpus illud pervenerit certo tempore; lineæ parallelæ ductæ ex divisionibus linearum AB & AC quæ repræsentant illud tempus, indicabunt intersectione suâ punctum quæsitum. Distantiam verò loci unde incepit motum suum cognoscere semper erit facile ducendo lineam ab illo puncto versùs A; nam longitudo istius lineæ cognoscetur per relationem ad AB vel ad AC cognitâ. Sed longitudo itineris quod corpus illud emensum fuerit ut perveniret

veniret ad istud punctum, difficilis erit cognitu, quia cum linea motus ipsius A E sit curva, non potest referri ad ullam istarum linearum reclarum.

Si quis verò vellet determinare puncta infinita per quæ corpus illud transire debet, hoc est, accuratè describere & per motum continuum lineam A E; comparandus esset circinus cujus pedes accuratè moverentur juxta conditiones statutas in suppositionibus suprà factis. Quod sæpe inventu difficillimum est, factu impossibile, & satis inutile ad deprehendendas relationes rerum inter se, quoniam non solet esse necessaria cognitio omnium punctorum ex quibus constat illa linea, sed tantum quorundam quæ conferunt ad imaginationem regendam ubi considerat tales motus.

Hæc exempla sufficiunt ut ostendamus plerasque ideas nostras posse imaginationi exprimi & repræsentari per lineas; & Geometriæ, quæ omnes docet comparationes seu collationes necessarias ad cognoscendas relationes linearum, usum longius patere quàm vulgò putatur. Etenim Astronomia, Musica, Mechanicæ Artes, & in genere omnes scientiæ quæ agunt de rebus quæ varios suscipiunt gradus, quæque ideo considerari possunt ut extensæ, hoc est, omnes scientiæ accuratæ possunt referri ad Geometriam; quia cum omnes theoreticæ veritates duntaxat consistant in relationibus rerum, & in relationibus relationum, possunt omnes referri ad lineas. Ex iis multæ consequentiæ possunt Geometricè deduci; & istis consequentiis per lineas quibus repræsentantur factis sensibilibus, vix ullum est erroris periculum, atque ingentes progressus in scientiis fieri hoc pacto facillimè possunt.

Causa, exempli gratiâ, cur in Musicâ distinctè cognoscitur & præcisè notatur octava, quinta, quarta, ex eo est quòd soni exprimantur chordis accuratè divisus; & quia notum est chordam quæ sonat octavam tonum esse in proportionem duplâ ad aliam quâ efficitur octava, quintam esse in proportionem sesqui alterâ, aut duorum ad tria, & sic de cæteris. Namque auris sola de sonis eâ quæ in scientiis requiritur acriter judicare nequit. Peritissimi Musici Practici, qui auri pollent delicatissimâ & subtilissimâ, nondum tamen sunt satis sagaces ut agnoscant differentiam quæ intercedit inter quosdam sonos; & nullam esse falsò sibi persuadent, quia de rebus judicant duntaxat per sentum suum. Sunt qui nullam admittunt differentiam inter octavam, & tres diatonos. Imo nonnulli arbitrantur tonum majorem a tono minori non differre; adeo ut *commata* quod constituit discrimen ipsis sit insensibile, & potiori ratione *Schisma* quod est tantum dimidia pars *commatis*.

Solâ igitur ratione manifestò comperimus quòd, cum spatium chordæ quod efficit differentiam inter nonnullos sonos, sit divisibile in plurimas partes, possunt adhuc esse permulti varii soni utiles & inutiles

ad Musicam, quos auris discernere nequit. Unde liquidò patet sine Arithmetica & Geometria Musicam accuratam nobis ignotam fore, adeo ut si in hac scientiâ aliquem faceremus progressum, id casu fortuito vel imaginationis ope fieret. Sicque Musica non esset amplius scientia demonstrationibus certis innixa; licet cantilenæ vi imaginationis compositz dulciores videantur cantilenis juxta leges accuratas factis.

Pariter, in Mechanicis gravitas alicujus ponderis, & distantia centri gravitatis hujus ponderis a fulcimento, cum varios possit fuscipere gradus, utraque potest exprimi lineis. Itaque maximus est Geometriæ usus ad retegendas & demonstrandas innumeras machinas vitæ utilissimas, & menti ob evidentiam suam jucundissimas.

Si, exempli gratiâ, pondus datum, ut sex librarum, constituere velis in æquilibrio cum pondere duntaxat trilibri; & pondus illud sex librarum adhæreat jugo trutinæ distanti ab ansâ duobus pedibus; dummodo scias axioma generale omnium Mechanicarum; scilicet, *Pondera, ut manent in æquilibrio, debere esse in proportionem reciprocam cum ipsorum distantis ab ansâ, seu aginâ*; Hoc est, pondus unum debere esse ad alterum pondus, ut distantia quæ est inter ultimum pondus & ansam est ad distantiam primi ponderis ab eâdem ansâ; facile erit deprehendere per Geometriam quâ im debeat esse distantia ponderis trilibris, ut fiat æquilibrio, inveniendò juxta duodecimam propositionem sexti Libri Euclidis quartam lineam proportionalem, quæ habebit quatuor pedes longitudinis. Itaque, si modò teneatur axioma generale Mechanicarum, possunt reteri cum evidentiâ omnes veritates quæ ab iis pendent, applicando Mechanicæ Geometriam, hoc est, exprimendo per lineas quæcunque in Mechanicis consideranda veniunt.

Lineæ & figuræ Geometricæ sunt igitur aptissimæ ad repræsentandas imaginationi relationes quæ sunt inter magnitudines, vel inter res quæ differunt gradibus, ut spacia, tempora, pondera, &c. tum quia sunt res simplicissimæ, tum quia facillimè imaginationem subeunt. Immo id laudis Geometriæ tribui posset, quòd lineæ possunt plura imaginationi repræsentare quàm mens potest cognoscere; cum lineæ possint exprimere relationes magnitudinum incommensurabilium, hoc est, magnitudinum quarum relationes non possunt cognosci, quia nullam habent communem mensuram quâ possit fieri comparatio. Verum ista Geometriæ prærogativa non est magni momenti ad veritatis investigationem, quia istæ expressiones sensibiles magnitudinum incommensurabilium menti nihil afferunt lucis.

Geometria igitur est utilissima ad reddendam mentem attentam resbus quarum relationes cognoscere volumus. Illam sâmen erroris occasionem nobis sæpe præbere fatendum est, quia circa demonstrationes evidentes & jucundas, quas illa nobis subministrat, ita detinemur, ut naturæ considerationem negligamus. Ex hac præcipuè causâ ori-

tur

tur infelix plerumque machinarum quæ quotidie excogitantur, successus; Hinc est quod omnes Musicæ compositiones, in quibus proportionibus consonantiarum accuratissimè observantur, non sunt omnium jucundissimæ; & supputationes Astronomiæ etiam accuratissimæ quantitatem & tempus eclipsium haud melius sæpe prædicunt. Natura nequaquam est abstracta: Vectes & rotæ Mechanicæ non sunt lineæ & circuli Mathematici; non eodem modo omnes homines sentiunt circa Musicæ modulationes & concentus, immo iidem homines variis temporibus variè sentiunt. Opiniones circa id variæ sunt pro varietate commotionis spirituum. Denique, Astronomiam quod spectat, nulla est perfectæ regularitas in Planetarum cursu. Cùm in ingentibus istis natent spatii a materiâ illos ambiente non regulariter abripiuntur. Itaque errores in quos circa Astronomiam, Mechanicam, Musicam, & omnes scientias quibus applicari solet Geometria, incidimus ex Geometria non oriuntur, hæc siquidem scientia certissima est, sed ex falsâ illius scientiæ applicatione.

Exempli gratiâ, vulgò supponuntur Planetæ describere motibus suis circulos & ellipses perfectè regulares; id verum non est. Ista tamen suppositio est necessaria ad ratiocinandum, nec ita damnanda est, quia parum abest quin id verum sit: At semper recordandum est, axioma quo nituntur ratiocinia esse suppositionem. Pariter, in Mechanicis, supponuntur rotæ & vectes, &c. perfectè dura esse, & similia lineis & circulis Mathematicis, sine gravitate, ac sine confricatione: seu potius ipsorum gravitas, confricatio, materia, & relatio horum omnium inter se satis non considerantur; non attenditur duritie, aut magnitudine augeri gravitatem, gravitate augeri confricationem, confricatione diminui vim; ac paulatim rumpi & destrui machinam; atque hoc pacto quod penè semper in parvis suum potest sortiri effectum in magnis vix unquam ex voto cedere.

Mirum igitur non est si toties errent homines, dum juxta hypotheses haud accuratè cognitæ ratiocinantur; nec arbitrandum est Geometriam esse inutilem, quia nos ab omnibus nostris non expedit erroribus. Suppositionibus semel factis, illius ope rectas elicere possumus consequentias. Dum illa nos attentioni assuescit ad ea quæ consideramus, eodem tempore evidentem illorum cognitionem nobis parit. Immo ipsius ope dignoscimus quandonam suppositiones nostræ sint falsæ. Sed sine Geometria & Arithmetica in scientiis accuratis nihil quod paulò difficilior sit, potest retegri, quamvis cæteroquin certis nitamur axiomatibus.

Geometria igitur habenda est tanquam species quædam scientiæ universalis, quâ ingenium acuitur, attentum redditur, & eò industria adducitur, ut imaginationem temperet, & ex eâ auxilium sibi necessarium mutuetur; namque Geometriæ ope mens imaginationis motum

temperat, & imaginatio moderata visum & applicationem mentis sustinet.

Verum ut legitimus Geometriæ admittatur usus, observandum est omnia quæ cadunt sub imaginationem eadem facilitate non obijci imaginationi; omnes enim imagines æqualiter non implent mentis capacitatem. Solidum difficilius imaginationi obijcitur quam planum, & planum difficilius quam simplex linea. Plus enim adhibendum est cogitationis in visu claro solidi, quam in visu claro plani, & lineæ. De diversis lineis res eodem modo se habet; plus requiritur cogitationis, hoc est, plus capacitatis mentis, ad sibi repræsentandam lineam parabolicam, aut ellipticam, aut quasdam alias magis complexas, quam ad sibi repræsentandam circuli circumferentiam; & plus ad circumferentiam circuli quam ad lineam rectam; quia difficilius imaginamur lineas descriptas per motus valde compositos & multas habentes relationes, quam lineas descriptas per motus simplicissimos, vel pauciores habentes relationes. Cum enim relationes non possint clarè percipi sine attentione mentis ad plura, eò majori opus est cogitatione ad eas percipiendas quò plures sunt numero. Dantur itaque figuræ adeo complexæ ut mens satis non habeat capacitatis ad eas distinctè imaginandas; sed aliæ etiam sunt quas mens multò facilius imaginatur.

Ex tribus angulorum rectilineorum speciebus, nempe acuto, recto, & obtuso; solus rectus excitat in mente ideam distinctam & fixam. Innumeri sunt anguli acuti omnes inter se diversi; de obtusis res non secus se habet. Itaque quum imaginamur angulum acutum, aut angulum obtusum, nihil accurati & distincti imaginamur. At verò ubi angulum rectum imaginamur nullum est erroris periculum; idea illius est distincta, quin & imago quam de ipso formamus in cerebro ut plurimum satis accurata est.

Possumus quidem determinare ideam vagam anguli acuti ad ideam specialem anguli triginta graduum, jam autem idea anguli triginta graduum non minus accurata est quam idea anguli 90. graduum, hoc est anguli recti. Sed imago quam de ipso nobis efformare conaremur esset longè minus accurata quam imago anguli recti. Hujus imaginis repræsentationi assuefacti nondum sumus, nec possumus illam formare nisi cogitando de circulo, aut parte determinatâ circuli divisi in partes aequales. Sed ut imaginemur angulum rectum, cogitatio illius divisionis circuli necessaria non est; sola idea lineæ ad perpendicularum ductæ sufficit imaginationi ut formet imaginem hujus anguli, nec mens ullam patitur difficultatem ut sibi repræsentet lineas ad perpendicularum ductas, quia omnia stantia, seu erecta, videre consuevimus.

Ut igitur habeatur aliquid simplex, distinctum, fixum, ad id aptum ut faciliè imaginationem subeat, ac ideo ut mentem reddat attentam, & evidentiam in veritatibus quas investigat conservet, ut, inquam,

quam, tale quid habeatur judicare facile est omnes magnitudines quas consideramus referendas esse ad simplices superficies, lineis & angulis rectis terminatas, ut sunt quadrata perfecta, & aliæ figuræ rectangulæ, vel ad simplices lineas rectas. Istarum enim figurarum natura facilius cognoscitur.

Auxilium quod ex Geometriâ petitur ad conservandam mentis attentionem sensibus tribuere potuissem: Verùm Geometriam ad imaginationem potius pertinere quàm ad sensus existimavi, quamvis lineæ sint aliquid sensibile. Quibus de causis id egerim hic referre inutile satis foret; id enim nullius usus esset, nisi ut ordinem a me in suprâdictis observatum lectori approbarem, quod non omnino necessarium est. De Arithmeticâ quoque & de Algebrâ non sum loquutus, quia numeri, & literæ Alphabeticæ, quibus istæ utuntur scientiæ, non tam conferunt ad attentionem mentis augendam, quàm ad ipsius extendendam capacitatem, ut Capite sequenti sumus explicaturi.

Hæc sunt auxilia generalia quibus mens attentior reddi potest. Nulla alia nobis suppetunt, præter ipsam voluntatem attendendi, de qua hic sermo non habetur, supponimus enim eos qui student attendere velle ad ea quibus student.

Multa tamen alia sunt auxilia specialia, propria quibusdam hominibus; ut certa quædam potius & cibi genera, quædam loca, quædam corporis dispositiones, & alia circa quæ quisque sibi magister esse debet propriam consulendo experientiam. Imaginationis habitus est examinandus post cibum sumptum, & attendendum quænam conservent aut dissipent mentis attentionem. Quod circa id generalius dici potest huc redit, usum, scilicet, moderatum alimentorum quæ multos faciunt spiritus animales esse aptissimum ad augendam attentionem mentis, & vim imaginationis languidæ.

C A P U T V.

De modis augendi extensionem & capacitatem mentis. Arithmeticam, & Algebram ad id omnino necessarias esse.

NON est continuò arbitrandum posse unquam verè augeri capacitatem & extensionem mentis. Mens humana est, ut ita loquar, quantitas determinata, & certa quædam cogitationis portio; mens majorem acquirere nequit extensionem seu capacitatem eâ quam habet; nec inflatur, nec extenditur, ut liquores, & metalla inflari & extendi creduntur. Denique non plus certo tempore quàm alio percipere nullo

mihi videtur, nec ullum habeo argumentum quod me ab eâ revocet sententiâ.

Id quidem experientiæ repugnare videtur. Sæpe de multis cogitamus, sæpe verò de unicâ re, immo sæpe nos nihil cogitare dicimus. Attamen si attendatur cogitationem esse menti id quod extensio est corpori, manifestò patebit, quòd quemadmodum corpus non potest revera nunc magis esse extensum quàm alio tempore, ita si res æquâ judicii lance perpendatur, mens nunquam potest plus cogitare uno tempore quàm alio, sive plurima percipiat sive unicam rem, immo etiam tempore quo nos nihil cogitare asserimus.

Verùm duplex est causâ cur credamus nos plus cogitare certo quodam tempore quàm alio; prior ex eo oritur quòd aliquando tanta nobis fit mentis libertas ut intra unum minutum, verbi gratiâ, sexaginta cogitationes habere possimus quæ sibi quàm citissimè succedunt, dum quandoque intra idem tempus eandem semper habeamus. Verùm inde non sequitur nos plus certo tempore quàm alio cogitare, vel, ut omnis tollatur æquivocatio, certo temporis momento quàm alio temporis puncto. Sexaginta quidem habemus diversas cogitationes, sed singulas per unum modò minutum secundum, quod idem est ac si per sexaginta minuta secunda eandem haberemus cogitationem. Cùm apertos habeo oculos in medio campo, nec eos circumvolvo, tantum habeo sensationis quantum si eos circumvolverem. Uno verbo mea videndi capacitas non ex successivarum augetur perceptionum varietate. Plura cerno quidem, sed nec melior est, nec latius extenditur visus meus.

Altera causâ cur credamus nos plus certo tempore quàm alio cogitare ex eo oritur, quòd satis non distinguamus quid sit discriminis inter percipere confusè & percipere distinctè. Certè plus requiritur cogitationis, vel capacitas cogitandi debet esse plenior ad percipiendas multas res distinctè, quàm ad unicam percipiendam; sed non plus requiritur cogitationis ad percipienda multa confusè quàm ad unicam rem distinctè percipiendam. Itaque plus non est cogitationis in mente ubi de multis rebus cogitat, quàm ubi de unicâ: cùm si de unicâ cogitet illam longè darius percipiat, quàm quum pluribus intenta est.

Observandum enim est unicam simplicem perceptionem tantundem quandoque includere cogitationis, seu tantundem implere capacitatem mentis, quantum judicium, immo ratiocinium complexum; quandoquidem experientia docet perceptionem simplicem sed vividam, claram, & evidentem unius duntaxat rei nos æquè applicare & occupare ac ratiocinium complexum, vel perceptionem obcuram & confusam multarum relationum inter multas res.

Quemadmodum enim tantundem aut etiam plus est sensus in visu sensibili rei alicujus quam præ manibus habeo, oculis cominus dispicio, & accuratè examino, quàm in visu ingentis planitie quam negligenter & securè oberrans circumspicio; ita ut claritas & distinctio sensationis

fatiosis quam habeo de illâ re oculis meis proximâ compenſet extenſionem ſenſûs confuſi multarum rerum quas in planitie ſecurus video; Pariter, viſus mentis circa unicam rem interdum adeo vividus & diſtinctus eſt, ut tantumdem aut etiam plus includat cogitationis, quàm viſus relationem quæ ſunt inter multas res.

Certis quidem temporibus contingit ut cogitare nobis videamur de unicâ re, quam tamen vix poſſumus capere, cùm contrâ alio tempore rem illam, multasque alias cum ipſâ quàm facillimè capiamus. Atque his adducti cauſis menti majorem eſſe cogitandi capacitatem certo quodam tempore quàm alio arbitramur. Verùm nos hallucinari evidens eſt. Cauſa cur certis temporibus res facillimas ægrè tamen concipiamus ex eo non oritur quod cogitatio mentis, vel ipſius ad cogitandum capacitas ſit imminuta, ſed quia hæc capacitas aliquâ ſenſatione vivida doloris, aut voluptatis, aut ingenti numero ſenſationum debiliſimum & obſcurarum, quæ ſtuporem quandam gignunt, occupatur; nam ſtupor ut plurimum aliunde non procedit quàm ex ſenſu confuſo plurimarum rerum.

Quælibet ceræ portio unam quidem figuram valde diſtinctam poteſt ſuſcipere; ſed duas ſuſcipere nequit quin una ab alterâ confundatur; nam eodem tempore perfectè rotunda, & perfectè quadrata eſſe non poteſt; ſi denique mille recipiat figuras, earum nulla erit diſtincta. Jam autem ſi illa ceræ portio proprias figuras poſſet cognoscere, ſcire tamen nequiret quàm terminaretur figurâ, ſi earum numerus æquo major eſſet. De mente noſtrâ res non ſecus ſe habet, cùm ipſius capacitas innumeris impletur modificationibus, eas diſtinctè percipere nequit, quia eas ſeparatim non ſentit. Itaque ſe nihil ſentire autumat. Dolorem, voluptatem, lucem, ſonos, ſapores ſe ſentire dicere nequit; horum omnium nihil diſtinctè ſentit, licèt his omnibus confuſè afficiatur.

Sed licèt ſupponeremus mentem non ſubmitti motui confuſo & inordinato ſpiritus animalium; ipſamque a corpore ita abſtrahi ut ipſius cogitationes a corporis motibus nequaquam penderent; poſſet tamen evenire ut quædam certo tempore faciliùs caperemus quàm alio, capacitate mentis noſtræ nullatenus tamen imminutâ, vel auctâ. Tunc enim de aliis rebus ſpeciatiim, vel in genere de ente indeterminato cogitaremus.

Idea generalis infiniti eſt inſeparabilis a mente, ipſiusque capacitatem omnino occupat, cum de re aliquâ ſpeciali non cogitat. Dum enim dicimus nos nihil cogitare, hinc concludendum non eſt nos non cogitare ad ideam illam generalem, ſed duntaxat nos ad nihil ſpeciale cogitare.

Certe ſi idea illa mentem noſtram non impleret, de rebus quibuſlibet cogitare non poſſemus, ut id tamen poſſumus; etenim de rebus planè ignotis cogitari nequit. Jam autem ſi idea illa menti præſentior non adeſ-

Malebranchii de Inquiſit. Verit. Tom. II.

D

ſet,

fet, ubi nihil cogitare nobis videmur, quàm quum de aliquâ re speciatim cogitamus, æquè facillè ad rem quamlibet pro lubitu cogitaremus, ubi ad quampiam specialem veritatem strenuè incumbimus, quàm quum nulli rei speciatim animum appellimus, quod experientiæ repugnat. Nam, exempli gratiâ, quum ad Geometricam propositionem fortiter incumbimus, de rebus quibuslibet eâdem facilitate cogitare non possumus, ac quando nullâ occupamur speciali cogitatione. Itaque eò magis cogitamus ad ens generale & infinitum, quò minùs cogitamus ad entia specialia & finita; atque ita semper tantumdem cogitur uno tempore quàm alio.

Verùm, quicquid sit, certum mihi videtur nos mentis extensionem & capacitatem non posse augere, ipsam, ut ita dicam, inflando; ipsique plus realitatis impertiendo, sed tantummodo illâ industriè utendo; quod apprimè fit Arithmeticæ & Algebræ ope. Istæ enim scientiæ ita contrahendi ideas, easque eo ordine considerandi rationem docent, ut mens, quamvis parvâ prædita capacitate, istarum scientiarum ope veritates maximè complexas, quæque primâ fronte incomprehensibiles videntur, possit tamen capere.

Veritas nihil aliud est quàm relatio realis sive æqualitatis sive inæqualitatis. Falsitas nihil aliud est quàm *negatio* veritatis, aut relatio falsa & imaginaria. Veritas est *id quod est*; falsitas verò non est, aut si mavis, *est id quod non est*. Ubi relationes quæ revera sunt videmus, nunquam fallimur; quia ubi videmus veritatem nunquam fallimur. At cum judicamus nos videre quasdam relationes quæ tamen non sunt, tunc fallimur, tunc enim falsitatem videmus, videmus id quod non est, seu potius nihil videmus. Qui videt relationem æqualitatis inter bis duo & quatuor, ille videt veritatem, quia videt æqualitatis relationem, quæ revera est sicut illam videt. Pariter quicumque videt relationem inæqualitatis inter bis duo & quinque, videt veritatem, quia videt relationem inæqualitatis quæ revera est. At qui judicat se videre relationem æqualitatis inter bis 2 & 5, ille fallitur, quia videt, vel potius quia se videre putat relationem æqualitatis quæ non est. Veritates igitur nihil sunt quàm relationes, & cognitio veritatum nihil est quàm cognitio relationum.

Sunt relationes aut veritates trium generum. Sunt inter ideas, inter res & ipsarum ideas, & inter res tantummodo. Verum est bis 2 esse 4 hæc est veritas inter ideas. Verum est existere solem, hæc est veritas inter rem & ipsius ideam. Verum est denique terram Lunâ esse majorem; hæc est veritas inter res tantummodo.

Ex tribus illis veritatum speciebus, quæ sunt inter ideas, illæ æternæ sunt & immutabiles, & propter ipsarum immutabilitatem sunt etiam regulæ & mensuræ cæterarum: omnis enim regula, aut omnis mensura debet esse immutabilis. Et hanc ob causam in Arithmeticâ, Algebrâ

gebrâ & Geometriâ solæ istæ considerantur veritates, quia istæ scientiæ generales includunt omnes scientias peculiares. Omnes relationes, vel omnes veritates quæ sunt inter res creatas, vel inter ideas & res creatas, obnoxia sunt mutationi cujus omnis res creata capax est. Solæ veritates quæ sunt inter ideas sunt immutabiles, quia Deus mutationi obnoxius non est, nec ideo ideæ quas includit.

Hinc est quòd nullas veritates solo mentis exercitio reterege conemur, præter veritates quæ sunt inter ideas. Sensibus enim penè semper utimur ad alias detegendas. Ut rerum existentia certiores fiamus manibus & oculis utimur, ut & ad cognoscendas earum relationes æqualitatis aut inæqualitatis. Solarum idearum mens potest cognoscere relationes sine erroris periculo & sine sensuum usu. Sed non modò est relatio inter ideas, sed etiam inter relationes quæ sunt inter ideas, inter relationes relationum idearum, ac denique inter conjunctiones multarum relationum, & inter relationes conjunctionum illarum relationum & sic in infinitum, hoc est, sunt veritates compositæ in infinitum. Geometriæ veritatem simplicem, hoc est, relationem unius ideæ integræ ad aliam, relationem 4 ad 2, vel ad bis 2, vocant *rationem Geometricam* aut simpliciter *rationem*; namque excessus aut defectus ideæ, vel, ut vocibus usitatis utar, excessus aut defectus magnitudinis non est propriè ratio, ut nec excessus aut defectus æquales sunt rationes æquales.

Jam autem observandum est omnes relationes aut omnes rationes, tum simplices tum compositas, esse veras magnitudines, & ipsam vocem *magnitudinis* esse vocem relativam quæ aliquam relationem necessariò designat. Quippe nihil magnum est per se, & sine relatione ad aliud, præter infinitum aut unitatem. Immo omnes numeri integri æquè sunt relationes & rationes, ac numeri fracti, aut numeri comparati cum alio, vel divisi per alium; quamvis id possit non animadverti, quia isti numeri integri possunt exprimi per unicum numerum arithmeticum, 4 exempli gratiâ, vel $\frac{8}{2}$ est æquè relatio vel ratio ac $\frac{1}{4}$

aut $\frac{4}{2}$; Unitas ad quam numerus 4 refertur non exprimitur, sed sub-

intelligitur, nam numerus integer 4 est relatio vel ratio, æquè ac $\frac{4}{1}$

aut $\frac{8}{2}$, cum numerus 4 æqualis sit istis $\frac{4}{1}$ vel $\frac{8}{2}$: Cum igitur om-

nis magnitudo sit relatio, aut omnis relatio magnitudo, omnes relationes numeris arithmetice exprimi, & signis imaginationi repræsentari posse evidenter patet.

Cùm itaque omnes veritates nihil sint quàm relationes; ut accurate

cognoscamus omnes veritates, tum simplices, tum compositas, sufficit nos accuratè cognoscere omnes earum relationes, tum simplices tum compositas. Duplicis sunt generis, ut jam dictum est; relationes æqualitatis & relationes inæqualitatis. Omnes relationes æqualitatis similes esse constat; itaque simul ac cognoscimus rem unam esse æqualem alteri cognitæ, illius relatio vel ratio accuratè cognoscitur. Sed de inæqualitate res secus se habet; notum est turrim esse majorem decempedâ, & minorem mille decempedis, illius tamen turris magnitudo, & ratio ad unam decempedam accuratè non cognoscitur.

Ut res inter se comparentur, vel potius, ut relationes inæqualitatis accuratè possimus metiri, opus est mensurâ justâ & accuratâ; opus est ideâ simplici & infinite intelligibili; mensurâ universali; quæque possit ad res quaslibet accommodari. Hæc mensura est unitas. In unaquaque igitur magnitudinis specie sumitur quævis pars determinata pro unitate aut communi mensurâ, exempli gratiâ, sumitur hexapeda in longitudinibus, hora in temporibus, libra in ponderibus, &c. Quæ omnes unitates in infinitum sunt divisibiles. En qua ratione omnigenas magnitudines exprimere, eas inter se conferre, earumque relationes deagere doceat Arithmetica.

Simplicissimè in Arithmeticâ, & novem numerorum ope omnes exprimuntur magnitudines secundum relationem quam cum unitate habent, hoc est, prout continent unitatem, aut determinatum numerum partium æqualium unitatis. Per numeros *integros* exprimuntur magnitudines quæ unitatem accuratè continent. Per *frac̃os* numeros, seu per *frac̃iones* eæ exprimuntur magnitudines quæ determinatum habent partium unitatis numerum. In Arithmeticâ etiam peculiaribus nominibus designantur eæ quæ *incommensurabiles* dicuntur magnitudines, quia cum unitate nullam habent communem mensuram, hoc est quia in quocunque partes æquales divisa concipiatur unitas, nullam ex his partibus certis vicibus accuratè continent eæ *incommensurabiles* magnitudines, sed semper superest residuum aliquod quod unâ ex his partibus minus est. Rationem itaque supplet Arithmetica omnes sive simplices sive compositas quæ inter magnitudines esse possunt relationes exprimendi. Ad id deinde nos instituit ut dexterè, evidentè, & miro cum capacitatis ingenii temperamento eos possimus facere calculos qui ad has relationes alias ex aliis deducendas, easque magnitudinum relationes quæ utiles esse possunt per eas quæ jam notæ sunt detegendas apti sunt.

Adeo finita est mens hominis, ipsius memoria ita infidelis, & imaginatio tam angusta ut absque numerorum arithmeticoꝝ & scripturæ usu, & sine industriâ Arithmeticæ ope partâ, nequaquam possint fieri operationes necessariæ ad cognoscendam accuratè inæqualitatem magnitudinum & rationum quæ sunt inter ipsas, & ad progrediendum in cognitione compositarum veritatum.

Ana-

Analysis tamen & Algebra multò adhuc præstantiores sunt Arithmetica; mentis capacitatem longè minùs dispelcunt, modo omnium simplicissimo & facillimo ideas contrahunt. Quod arithmeticae ope non nisi magno temporis dispendio fit, Algebrae ope unico temporis momento effectum datur, mente nullo modo turbata numerorum varietate & operationum longitudine. Una specialis Arithmeticae operatio unam modò veritatem reteggit, innumeras verò similis Algebrae operatio aperit.

Per Alphabeti litteras, qui omnium simplicissimi sunt & familiarissimi characteres, omnigenas magnitudines, omnèsque earum relationes exprimit Algebra. Eos omnes circa istas litterales magnitudines instituere docet calculos qui ad difficillimas & compositissimas relationes ex jam cognitis earumdem magnitudinum relationibus deducendas apti sunt. Ipsi calculi omnium sunt simplicissimi, facillimi; simùque generalissimi qui concipi queant. Eandem in his calculis servat magnitudinum expressionem quæ menti semper præsentis esse debent, ut perfecta acquiri possit earum quæ ex his constant magnitudinum cognitio. Ad simplices & generales, paucisque constantes litteris expressiones innumerosum solutiones problematum, imo quandoque integras scientias reducit. Duo hic tibi exempla adfunt, alterum ad tractatùs de motùs legibus, alterum ad hujùsce operis calcem.

Analysis verò ars est Algebraicis & Arithmeticis calculis utendi ad ea omnia detegenda quæ circa magnitudines, earumque relationes scire juvat. Ut solvantur omnes de magnitudinibus quæstiones primò docet specialibus characteribus incognitas quæ quærentur, ut &; quæ jam notæ sunt magnitudines exprimere, illas ultimis, has primis ut plurimum Alphabeti litteris, quanquam id propriè ab arbitrio pendet. Docet deinde cognitis quæ inter cognitæ & incognitas magnitudines intercedunt relationibus uti, ita ut unaquæque quæstio ad certas reducatæ æquationes quæ omnes quæstionis conditiones semper exprimunt. Denique hoc nixa axiomate, si, nempe, æqualibus æqualia addantur aut demantur, stat semper æqualitas, docet qui instituendi sint calculi circa ambo uniuscujusque æquationis æqualia membra, ut incognitæ expendantur magnitudines, cognitisque æquales reddantur, in quo sita est plena quæstionis solutio; si verò plures quæstio solutiones habere possit, eæ omnes obviæ continuò fiunt.

Ut detegantur compositæ Geometriæ veritates, docet etiam Analysis curvas lineas quas hæc contemplatur scientia ad certas reducere æquationes quæ præcipuas ipsarum proprietates exprimunt; docet deinde ex his æquationibus calculo deducere ceteras omnes harum figurarum proprietates; docet eas in diversa genera distinguere, easque describere; earum denique præcipuos usus aperit.

Calculi *differentialis*, & calculi *integralis* inventio Analysis infinitam quadantenus extensionem præbuit. Ipsi enim innumeras mechanicas

figuras, innumera Physicæ problemata submiserunt ii calculi. Ipsi rationem suppeditaverunt exprimendi elementa infinîtè parva ex quibus constare concipi possunt curvarum circuitus, figurarum area, & corporum per curvas formatorum soliditas; Ipsi rationem suppeditaverunt problemata utilia, atque etiam omnium quæ in Geometriâ proponi possint compositissima simplici & generali ratione solvendi, calculando scilicet horum elementorum expressiones.



PARS SECUNDA.

DE METHODO.

CAPUT PRIMUM.

De legibus observandis in veritatis investigatione.



EXPLICATIS rationibus & mediis quibus mens attentior & amplior, ac proinde perfectior fieri, hoc est, majorem perspicacitatem acquirere possit, jam veniendum est ad leges necessariò observandas in omnium quæstionum solutione. Hic diu satis immorabor, & rem multis exemplis illustrare conabor, ut legum illarum necessitas melius cognoscatur, & iis in praxin redigendis mens faciliùs assuescat. Illarum enim praxis earundem cognitione difficilior est.

Ceterùm hic nihil extraordinarii quod mentem percellat & fortiter applicet expectandum est; quin ut istæ leges prodesse possint, oportet eas esse simplices & naturales, paucas numero, intellectu facillimas, & a se invicem pendentes. Uno verbo mentem nostram duntaxat veluti manu ducere debent, ac attentionem moderari, illam verò non dissipare & diversam agere. Ex experientiâ enim satis constat Logicam Aristotelis admodum utilem non esse, quia mentem nimis occupat, illamque ab attentione ad res quas examinat abducit. Qui igitur solis delectantur mysteriis &

& figmentis extraordinariis indolem istam ridiculam aliquantisper abdicent, & attendant pro virili, an leges infra tradendæ sufficiant ad conservandam semper evidentiam in mentis perceptionibus, & ad retegendas veritates abditissimas. Dummodo iniquis non prævertantur judiciis circa hæcæ regulas ob ipsarum simplicitatem & facilitatem, confido ipsos, usu quem de illis faciendum mox indicabimus, esse agnituos axiomata clarissima & simplicissima esse omnium fecundissima, & res extraordinarias ac difficiles tantam non semper asserre utilitatem, quantam vana nostra curiositas nobis inducere solet.

Harum omnium legum prima est; *semper conservandam esse evidentiam in ratiociniis ut veritas sine erroris periculo retegatur.* Ab isto axiome pendet hæc generalis lex circa studiorum nostrorum materiam, nos, scilicet, non debere ratiocinari nisi de rebus quarum ideas habemus claras, ac per consequentiam necessariam, semper incipiendum esse a rebus simplicissimis & facillimis, & iis diutissime immorandum esse; atqueam veniamus ad inquisitionem rerum maxime complexarum & difficultium.

Leges circa rationem quâ procedere debemus ad solvendas quæstiones pendent etiam ab hoc eodem axiome; & prima illarum legum est. *Statim quæstionis solvendæ esse distinctissimè concipiendum, præterea ideæ vocum quibus exprimitur satis distinctæ esse debent ut possint comparari, & relationes quæstæ cognosci queant.*

At ubi relationes rerum inter se cognosci nequeunt eas immediatè comparando; secunda lex est: *aliquo mentis conamine unam aut plures ideas medias esse inveniendas, quibus uti possimus ut mensurâ communi ad agnoscendas earum ope relationes quæ sunt inter res illas.* Accuratè studendum est ut ideæ illæ sint claræ & distinctæ, prout relationes accuratiores, & plures numero deprehendere conamur.

Quum verò quæstiones difficiles sunt & longum requirunt examen; tertia lex est; *A materiâ agiandâ ea omnia esse amovenda quorum examen non est necessarium ad retegendam veritatem quæsitam.* Etenim capacitas mentis inutiliter non est dividenda, & omnis ipsius acies & vis collocanda est duntaxat circa res ex quibus lumen percipere potest. Quæ possunt eliminari ea sunt omnia quæ ad quæstionem non pertinent & quibus eliminatis quæstio integra subsistit.

Ubi quæstio intra paucas voces sic inclusa fuit, quarta regula est. *Materiam meditationis esse dividendam per partes, illisque partes singillatim esse tractandas juxta ordinem naturalem, incipiendo a simplicioribus; hoc est, ab iis quæ pauciores includunt relationes; nec ad magis complexas unquam transgrediendum, quin simpliciores prius distinctè cognita fuerint, & familiares reddita.*

Ubi hæc meditatione familiaria facta sunt, quinta regula est. *Horum omnium ideas esse contrahendas, & in imaginatione disponendas, vel in chartâ scribendas, adeo ut mentis capacitatem amplius non impleant.* Quam-

Quamvis hæc regula semper utilis sit, omnino tamen necessaria est duntaxat in quæstionibus difficillimis, quæque magnam mentis capacitatem exigunt, quia illa capacitas non potest extendi nisi contrahendo ideas. Istius & sequentium Regularum usus non cognoscitur accuratè nisi in Algebrâ. Ubi ideæ omnium necessariò considerandorum claræ, familiares, contractæ, in imaginatione ordine digestæ, vel in chartâ expressæ sunt; sexta regula est. *Omnia esse comparanda seu conferenda, juxta combinationum leges, alternatim inter se invicem, aut solo mentis intuitu, aut motu imaginationis conjuncto cum visu mentis, aut calculo calculi conjuncto cum attentione mentis & imaginationis.*

Si nulla ex omnibus relationibus quæ resultant ex istis omnibus comparationibus ea sit quæ investigatur; iterum ex omnibus istis relationibus ea sunt amovendæ quæ inutiles sunt ad quæstionis solutionem; aliæ verò familiares reddendæ, contrahendæ, & in imaginatione ordine disponendæ, aut in chartâ exprimendæ; invicem comparandæ juxta leges combinationum; & videndum an relatio composita quæ disquiriitur sit aliqua ex omnibus relationibus compositis quæ resultant ex novis istis comparationibus.

Si nulla ex istis relationibus repertis includat quæstionis solutionem; ex omnibus istis relationibus eliminandæ sunt inutiles; aliæ familiares sibi reddendæ, &c. Et hoc pacto pergendo veritas aut relatio quæ disquiritur quantumvis complexa comperietur: dummodo mentis capacitatem sufficienter extendere valeamus, contrahendo ideas, &c. in omnibus istis operationibus ad terminum nobis attingendum semper attendamus. Nam perpetuus quæstionis intuitus omnibus mentis progressionibus debet præesse, quia quò tendamus scire operæ pretium est.

Imprimis cavendum est ne falso quodam splendore aut verisimilitudine contenti decipiamur, ac comparationes ad veritatem de quâ agitur comperiendam necessariæ toties sunt iterandæ, quousque assensum nostrum cohibere non possimus, quin internis excipiamur objurgationibus a Magistro intus respondente quæstionibus nostris, hoc est, labori, mentis applicationi, & cordis desideriis. Tunc verò veritate illâ uti poterimus, ut axiomate certo ad progressus in scientiis edendos.

Leges suprâ traditæ necessariæ non sunt ad omnes in genere quæstiones; ubi enim quæstiones sunt facillimæ, prima sufficit; in quibusdam aliis prima & secunda duntaxat necessariæ sunt. Uno verbo, cum his legibus utendum sit donec verities quæsitæ fuerit comperita, eo plures sunt ad praxin adhibendæ quòd quæstiones sunt difficiliore.

Istarum legum numerus non est magnus. Omnes a se invicem pendunt. Naturales sunt, & iis ita assuecere possumus, ut sine magno negotio, prout casus postulabit, adhiberi queant. Uno verbo mentis attentionem possunt ita regere ut non dissipetur. Sed per se tam exigui momenti videntur, ut operæ pretium facturus sim eas commen-

dandi

dandi gratiâ, si ostendam Philosophos in plurimos incidisse errores ridiculos, quia ne vel duas primas, quamquam faciliores & utiliores, observaverunt. Et illis utendo Cartesium ingentes illas & sæcundas veritates, quæ in ipsius scriptis videri possunt, retexisse.

C A P U T II.

De lege generali quæ versatur circa materiam studiorum nostrorum. Philosophos Scholasticos illam non observare, quod multorum in Physicâ errorum causa est.

Primâ istarum legum, quæ versatur circa materiam studiorum nostrorum, docemur nos non debere ratiocinari nisi de rebus quarum ideas claras habemus, vel ratiocinia nostra niti debere ideis claris. Hinc concludendum est, ut ordine studia nostra instituamus, incipiendum esse a rebus simplicissimis & captu facilissimis, immo iis diu insistendum esse antequam pergatur ad investigationem rerum maximè complexarum & difficilium.

Hujusce generalis legis necessitas apud omnes in confesso esse debet; quis enim non videt eum in tenebris versari, qui in ratiociniis suis nititur ideis obscuris & placitis incertis? Sed forsan mirum videbitur, si asseram eam nunquam penè observari, & plerasque scientias quæ adhuc falsis quibusdam doctis superbiæ occasionem præbent, niti duntaxat ideis aut nimis confusis, aut generalioribus quàm ut ad veritatis indagationem utiles esse possint.

Aristoteles, inter Philosophos istius commatis facillè *Princeps*, quia istius Philosophiæ, quam tanto colunt studio, pater est, nunquam penè ratiocinatur nisi juxta ideas confusas quas sensuum ope percipimus, & juxta alias ideas vagas, generales, & indeterminatas, quæ nihil speciale menti repræsentant. Namque voces isti Philosopho solennes duntaxat idoneæ sunt ad exprimendas confusè sensibus & imaginationi sensationes confusas quas de rebus sensibilibus habemus; & sermonem seu orationem conficiunt adeo vagam & indeterminatam ut eâ nihil possit distinctè exprimi. Omnia penè ipsius scripta, ac præcipuè octo libri Physices, quorum tot sunt varii Commentatores quot sunt Philosophiæ Magistri, nihil sunt quàm mera Logica. In iis magna verborum est copia, sensus verò parum. Ille tamen author non est diffusus, sed illam callet artem ut conciso sermone nihil tamen proferat præter verba & voces. In aliis suis operibus adeo frequenter non utitur vocibus vagis & generalibus; attamen iis utitur qui solas sensuum confusas ideas excitant. Per has ideas in problematibus suis & alibi re-

solvere fatagit duobus verbis innumeras quæstiones, de quibus demonstrari potest eas non posse solvi.

Verum, ut hæc facilius intelligantur, recordandum est eorum quæ alibi a me dicta fuerunt, omnes scilicet voces quæ ideas sensibiles duntaxat excitant esse æquivocas, sed, quod notatu dignum est, æquivocas ex errore & ignorantia, ac ideo innumerosum errorum causam esse.

Ista vox, *Aries*, est æquivoca, significat animal quoddam ruminans, & constellationem; sed circa illam rarò hallucinamur. Quis enim nisi Astrologiæ spiritu emotus aliquam imaginetur relationem inter hæc duo hoc eodem nomine designata; & credat eos qui sub signo *Arietis* medicinas sumunt illas evomituros esse, quia aries est animal quod ruminat? Sed voces quibus idææ sensibiles exprimuntur quod attinet, nemo ferè est qui illarum æquivocationem deprehendat. Aristoteles & Veteres de illà nequidem cogitarunt. Qui aliquid ex ipsorum operibus legent illius rei veritatem nullo negotio comperient, dummodo quæ in re versetur illarum vocum æquivocatio distinctè teneant. Philosophos enim circa id diversum prorsus ab eo quod credendum est credidisse manifestò patebit.

Exempli gratiâ, quum Philosophi dicunt ignem esse calidum, herbam viridem, saccharum dulce, &c. puerorum & plebis instar existimant ignem in se continere id quod sentiunt dum calefiunt: herbam esse indutam coloribus quos in eâ se videre arbitrantur: saccharum dulcedinem includere quam edendo sentiunt; & sic de cæteris quæ videmus aut sentimus. Ipsorum scripta legenti res extra omne dubium est. De qualitatibus sensibilibus ut de sensationibus loquuntur; calorem pro motu accipiunt, & hoc pacto, propter vocum æquivocationem, confundunt modificationes corporum cum modificationibus spirituum.

Duntaxat ex quo floruit Cartesius hisce quæstionibus confusus & indeterminatis, an ignis sit calidus? an herba sit viridis? an saccharum sit dulce? &c. respondetur distinguendo æquivocationem vocum sensibilibus quibus illæ quæstiones exprimuntur. Si per calorem, colorem, saporem, intelligas talem vel talem motum parium insensibilium, ignis quidem est calidus, herba viridis, saccharum dulce. At si per calorem & cæteras qualitates intelligas id quod sentio prope ignem, id quod video dum video herbam, &c. contè ignis non est calidus, nec herba viridis, &c. nam calor quem sentimus & colores quos videmus sunt in solâ mente, ut primo Libro probatum fuit. Cum autem homines existiment id quod sentiunt idem esse ac id quod est in re objectâ, credunt se meritò judicare de qualitatibus rerum objectarum per sensationes quas earum occasione habent. Itaque vix ullum hac de re proferunt verbum quod aliquid falsi non includat, & quicquid dicunt obscurum & confusum est, ob causas sequentes.

1. Quia

1. Quia omnes homines eandem de iisdem rebus objectis non habent sensationes, immo nec idem homo diversis temporibus, vel quum eandem res objectas in diversis corporis partibus sentit. Quod huic frigidum alteri calidum erit; Quod homini frigenti calidum videtur, eidem homini calefacto frigidum videtur, vel ubi id sentit in diversis corporis partibus. Aqua alterâ manu videri potest calida, alterâ verò frigida, vel si aqua admoveatur alicui parti cordi proximæ. Sal linguæ salsum videtur, vulneri verò acre & acutum. Saccharum linguæ dulce est, aloë amarissimum: Sed cæteris sensibus nihil dulce aut amarum est. Itaque quum dicimus rem aliquam esse frigidam, dulcem, amaram, id nihil certi significat.

2. Quia diversæ res objectæ eandem possunt excitare sensationem gypsum, panis, nix, saccharum, sal, &c. eandem excitant coloris sensationem; Illorum tamen albor diversus est, si de iis aliter judicemus quàm per sensus. Itaque dum dicimus farinam esse albam, nihil distincti dicimus.

3. Quia qualitates corporum quæ excitant in nobis sensationes planè diversas, eandem ferme sunt; Illæ contrà quæ eandem penè in nobis efficiunt sensationes, sæpe perquam diversæ sunt. Qualitates dulcedinis & amaritudinis in rebus objectis vix sunt diversæ, quamvis sensationes amaritudinis & dulcedinis essentialiter differant. Motus qui gignunt dolorem & titillationem, tantum differunt gradibus, licet sensationes titillationis & doloris essentialiter differant. Contrà verò asperitas fructus non videtur gustui tam diversâ ab amaritudine quàm dulcedo, hæc tamen qualitas ab amaritudine omnium maximè differt; nam necesse est fructum asperum ob immaturitatem ingentem subire mutationum numerum, antequam sit amarus, amaritudine quæ ex putredine, aut ex nimia maturitate procedat. Cùm fructus maturi sunt, dulces, at ubi æquo sunt maturiores, amari videntur. Amaritudo igitur & dulcedo fructuum non differunt inter se nisi gradibus. Et hanc ob causam nonnullis dulces videntur, dum aliis amari; immo non desunt quibus aloë videatur dulce instar mellis. De omnibus ideis sensibilibus res non secus se habet. Voces dulcis, amari, salsi, acris, acidi, &c. rubri, viridis, flavi, &c. hujus aut illius saporis, odoris, coloris, &c. sunt igitur equivocæ, nec ullam in mente excitant ideam claram & distinctam. Attamen Philosophi Scholastici, & vulgus hominum de omnibus qualitatibus sensibilibus corporum non judicant nisi per sensationes quas de illis recipiunt.

Isti Philosophi de qualitatibus sensibilibus per sensationes quas in ipsis excitant non modò judicant; immo de rebus ipsis judicia ferunt pro judiciis quæ formaverunt circa qualitates sensibiles. Ex eo enim quòd sensationes recipiunt essentialiter diversas ex quibuscumque qualitatibus; judicant dari generationem novarum formarum, quæ producant imaginarias illas differentias qualitatum; frumentum videtur flavum,

durum, &c. farina verò alba, mollis, &c. atque inde concludunt ex oculorum & manuum testimonio hæc corpora essentialiter differre; dummodo non cogitent ad modum quo frumentum in farinam convertitur. Attamen farina nihil aliud est quàm frumentum tritum & molitum; sicut ignis nihil aliud est quàm lignum divisum & agitaturn; sicut cinis nihil aliud est quàm crassior portio ligni divisi, sed non agitati; sicut vitrum nihil aliud est quàm cinis, cujus singulæ partes fuerunt politæ & paulum rotundatæ, attritione ignis ope factâ, & sic de aliis corporum transmutationibus.

Hinc igitur patet voces & ideas sensibiles prorsus inutiles esse ad distinctè proponendas & clarè solvendas quæstiones, hoc est, ad veritatem retegendam; Attamen nullæ sunt quæstiones quantumvis intricatæ vocibus æquivocis sensuum, quas Aristoteles & plerique Philosophi solvere non satagant in Libris suis, licet distinctionibus suprà traditis non utantur; quia illæ voces æquivocæ sunt ex errore & ignorantia.

Si ii, exempli gratiâ, interrogentur qui per totam vitam studuerunt lectioni veterum Philosophorum & Medicorum, illorumque opiniones & ingenium hauserunt, an aqua sit humida, an ignis sit siccus, an vinum sit calidum, an sanguis piscium sit frigidus, an aqua vino sit crudior, an aurum argento vivo sit perfectius, an plantæ & bestię præditæ sint animâ, & ipsis innumeræ aliæ quæstiones indeterminatæ proponantur; ad eas imprudenter respondebunt, consultis duntaxat impressionibus quas res illæ objectæ in sensus ediderunt, aut iis quæ ex lectione memoriæ mandaverunt. Hæc voces æquivocas esse non animadvertent. Mirabuntur si quis eas definire velit; ac irascuntur si quis eos præcipitantæ insimulet & admoneat ipsos a sensibus decipi. Ipsi non desunt distinctiones ad confundenda ea quæ sunt evidentissima, sed in hisce quæstionibus, in quibus æquivocationem tollere tanti est momenti, nihil vident distinguendum.

Si animadvertamus plerasque quæstiones Philosophorum & Medicorum includere voces æquivocas iis similes de quibus suprà, constabit Doctos istos, qui voces quibus utuntur definire non potuerunt, nihil etiam solidi in ingentibus quæ composuerunt voluminibus dicere potuisse; & hoc sufficit ut omnes penè veterum opiniones evertantur. De Cartesio res secus se habet, omnia optimè distinxit, nullam quæstionem per ideas sensibiles solvit; ac si illum attentè legamus, videbimus præcipuos naturæ effectus ab ipso clarè & evidenter explicari per solas ideas distinctas extensionis, figuræ & motus.

Aliud genus vocum æquivocarum quo uti solent Philosophi comprehenditur omnes illas voces generales Logicæ, quibus omnia, sine ullâ rerum ipsarum cognitione, facile explicari possunt, Aristoteles eorum maximum admisit usum; his vocibus ipsius Libri sentent, ac multi solam sapiunt Logicam. Omnia proponit & solvit egregiis vocibus

cibus generis, speciei, *allicis*, potentia, natura, forma, facultatum, qualitatum, causae per se, causae per accidens; Ipsius Sectatores vix possunt credere istis vocibus nihil significari, nec quemquam doctiorem fieri ubi eos auditur dicentes ignem dissolvere metalla, quia habet facultatem dissolvendi, & hominem aliquem non concoquere cibos, quia habet stomachum debilem, vel quia facultas *concoctrix* non bene suas obit functiones.

Attamen qui his duntaxat utuntur vocibus & ideis generalibus ad res explicandas erroribus non sunt æquè obnoxii, ac ii qui utuntur duntaxat vocibus quæ nihil aliud in mente excitant quàm confusas sensuum ideas. Scholastici Philosophi errori tam obnoxii non sunt quàm quidam Medici qui de omnibus decidunt, verba sua dogmatum insilar propinant, & nonnullis experientiis, quarum rationes ignorant, freti, systemata stabiliunt; sed Scholastici vocibus adeo generalibus utuntur ut non inagnum ipsis ingruat errandi periculum.

Ignis calefacit, siccatur, obdurat, emollit quia præditus est facultate producendi hos affectus. Senna purgat qualitate purgativâ, atque etiam panis nutrit facultate nutritivâ; istæ propositiones extra erroris periculum sunt positæ. Qualitas est id quod efficit ut res tali nomine designetur: Id ceræ Aristoteli negari nequit. Ejusmodi loquendi formulæ non sunt quidem falsæ, sed revera nihil significant. Istæ ideæ vagæ & indeterminatæ in errorem non injiciunt, sed ad veritatem retegendam inutiles sunt.

Licet enim sciam esse in igne formam substantialem conjunctam cum innumeris facultatibus similibus facultati calefaciendi, dilatandi, liquefaciendi aurum, argentum & omnia metalla, illuminandi, urendi, coquendi, si tamen hæc difficultas solvenda mihi proponeretur, an, scilicet, ignis possit indurare lutum, an verò possit emollire ceram: ideæ formarum substantialium & facultatum producendi calorem, rarefactionem, fluiditatem, &c. nihil possent conferre ad solvendam difficultatem propositam; cum nulla sit connexio inter ideas duritiæ in luto & molliæ in cerâ, & ideas formæ substantialis & qualitatum producendi rarefactionem, fluiditatem, &c. De omnibus ideis generalibus res perinde est; itaque ad solvendam quamlibet quæestionem prorsus sunt inutiles.

At verò si sciam ignem nihil aliud esse quàm lignum, cujus partes in perpetuâ versantur agitatione, & hac solâ agitatione in nobis excitari sensationem caloris: Item, si sciam molliciem luti consistere duntaxat in commitione quâdam terræ & aquæ; cum ideæ istæ non sint confusæ & generales, sed distinctæ & peculiæres, haud difficili negotio judicabo calorem ignis debere indurare lutum; quia facile est intelligere corpus quoddam posse movere aliud corpus, si hoc agitatum in illud incidat. Cum calor quem prope ignem stan-

tes sentimus partium invisibilium quæ in manus impingunt motu producatur; ceterè si lutum ignis calori admoveatur, judicare facile est partes aqueas terræ admixtas, ut pote tenuiores ac proinde corpusculorum ex igne profusientium impulsione partibus crassis terræ citius agitata, debere exhalari & terram siccam ac duram relinquere. Pariter evidenter patebit ignem non posse indurare ceram, dummodo sciam partes ex quâ constat esse ramosas & ejusdem propemodum quantitatis seu molis & crassitudinis. Itaque ideæ speciales ad veritatis investigationem utiles sunt: cum contrà ideæ vagæ & indeterminatæ ad id nihil possint conferre, immo in errorem sensum conjiciant.

Nam Philosophi voces generales & ideæ vagas quæ his respondeant adhibere contenti non sunt: Volunt præterea hisce vocibus significari quædam entia specialia. Existimant quendam dari substantiam a materiâ diversam quæ sit forma materiæ; & innumera exigua entia distincta realiter a materiâ & a formâ; Et totidem supponere solent quot diversas habent corporum sensationes, & quot ab illis corporibus diversas in ipsis produci effectus arbitrantur.

Cuiuslibet tamen attento manifestum est omnia hæc parva entia ab igne, exempli gratiâ, distincta, quæque in eo contineri supponuntur, ad producendum calorem, lumen, duriciem, fluiditatem, &c. esse mera imaginationis a ratione deficientis figmenta. Ratio enim nullas habet ideæ speciales quibus hæc entia ipsi repræsententur. Si a Philosophis roges quænam entitas sit illa facultas illuminandi in igne, hoc solum respondebunt, scilicet, ens esse per quod ignis capax est producendi lumen. Adeo ut idea quam habent de illâ illuminandi facultate diversa non sit ab ideâ generali causæ & ideâ confusæ effectûs quem vident. Quum igitur illa entia generalia admittunt, nullam eorum quæ dicunt habent ideam claram. Itaque ea proferunt quæ nec ab ipsis, nec ab ullo possunt intelligi.

CAPUT III.

De errore periculossimo Philosophiæ Veterum.

NON modò Philosophi ea dicunt quæ non intelligunt, dum effectus naturæ per quædam entia explicant, quorum nullam habent ideam specialem; Verùm etiam placitum tradunt ex quo consequentiæ falsissimæ & periculossimæ directè deduci possunt.

Si enim, juxta illorum opinionem, supponamus esse in corporibus quasdam entitates distinctas a materiâ; cum illarum entitatum nullam

nullam habeamus distinctam ideam, facile judicare possumus illas esse veras & præcipuas causas effectuum quos videmus. Immo hæc est vulgaris Philosophorum opinio: non alio animo existimant esse formas substantiales, qualitates reales, & alias similes entitates, quàm ut explicant hos naturæ effectus. Si postea attentè consideremus ideam quam habemus de causâ, aut de potentiâ agendi, haud dubiè illa idea nobis repræsentabit aliquid Divinum. Nam idea potentiæ summæ est idea summi Numinis, & idea potentiæ inferioris est idea Numinis inferioris, sed veri tamen Numinis, saltem juxta Ethnicorum mentem, dummodo sit idea potentiæ, aut causæ veræ. Aliquid igitur Divini admittitur in omnibus corporibus quæ nos ambiunt, dum admittuntur formæ, facultates, qualitates, virtutes & entia realia idonea ad producendos quoddam effectus vi naturæ suæ: atque hoc pacto plerique, veneratione quâ colunt Philosophiam Ethnicorum, in ipsorum opiniones sensim reverteruntur. Illi quidem fide sustinentur, sed si cor Christianum sit, forsan merito dicere possumus mentem esse Ethnicam.

Præterea, credere difficile est veras potentias & entitates quæ in nos agere, nos aliquo dolore punire, aut aliquâ voluptate remunerari possunt, nec amore, nec timore dignas esse. At verò cum amor & timor sint vera adoratio, si hæc admittunt potentias ab iis adorandis difficilè arceri queunt. Quicquid in nos ut causâ vera & reactionis agere potest, necessariò est supra nos, juxta D. Augustinum & secundum rectam rationem; Jam autem juxta eundem Augustinum & eandem rationem, id lege immutabili statutum est ut inferiora superioribus serviant. Has ob causas ille Docteur agnoscit corpus non posse agere in mentem, * & nihil esse posse supra mentem præter Deum.

In Sacrà Scripturâ, ubi Deus Israëlitis probat se ab illis adorari, hoc est, amari & timeri debere; præcipuas hujusce mandati rationes deducit ex potentia suâ, quâ illos punire & remunerari potest: Beneficia, quæ in ipsos contulit, mala inflicta, & quæ adhuc infligere potest ipsis repræsentat. Illos vetat adorare Ethnicorum Deos, quia nullâ in ipsos pollent autoritate & potentiâ, nec quicquam boni aut mali ipsis possunt asserre. Sibi soli vult honorem tribui, quia ille solus est vera causâ boni & mali, nec ullum in ipsorum urbe evenit, quod, juxta Prophetam, ipse non efficiat: nam causæ naturales non sunt veræ causæ mali quod nobis creare videmur; Et cum Deus solus agat in ipsis, ille solus in ipsis timendus est & amandus, *Soli Deo honor & gloria.*

Denique ista notio, id timendum & amandum esse quod est vera causâ boni & mali adeo naturalis & legitima videtur, ut exui nequeat. Si itaque falsâ hæc Philosophorum opinio quam profligare conamur, supponatur; scilicet corpora quibus circumdamur esse

Ego enim ab animâ hoc corpus animari non puto, nisi intentionis factionis; nec ab isto quicquam illam pati arbitror, sed facere de illo & in illo tanquam subiecto Divinus dominationis suæ. *l. c. Myst. 5. * Vid. c. 34. August. de quantitate animæ. Amos. 3. 6.*

VERA

veras causas voluptatum & malorum quæ sentimus; ratio Religioni Ethnicorum favere & universalem, hoc pacto, morum corruptionem probare videtur.

Ratio quidem non docet cæpis, exempli gratiâ, & porris esse eandem deferendam adorationem ac summo Numini, quia illorum possessione summè beati, ut & illorum privatione prorsus infelices evadere non possumus. Ac revera Ethnici iis nunquam eundem tribuerunt honorem ac Maximo Jovi, a quo omnia Numina pendebant, aut Soli quem sensus nobis repræsentant tanquam causam universalem, quæ vitam & motum omnibus impertit; quemque vix possumus temperare quin habeamus ut summum numen, si cum Philosophis Ethnicis supponamus illum in essentiâ suâ includere veras causas omnium, quæ non modò in nostro corpore & in mente nostrâ, verùm etiam in omnibus entibus quæ nos ambiunt producere videtur.

Verùm si summus honos porris & cæpis tribui non debeat, saltem, juxta hanc Philosophiam, aliquâ speciali adoratione digna esse videntur; circa illa cogitatio potest occupari, possuntque aliquatenus amari, si verum sit nos ab ipsis beatitatem aliquam posse consequi: iis tribuendus est honos juxta proportionem boni quo nos afficere possunt. Et certè, homines qui sensuum testimonio fidunt, existimant hæc plantas posse ipsis bene facere. Nam Israelitæ, exempli gratiâ, cepas Ægypti in deserto non desiderassent, nec sese illarum privatione infelices existimavissent, nisi illarum fruitione se aliquatenus felices duxissent. Ii sunt errores in quos, ratione cum placitis Philosophiæ Ethnicæ conjunctâ, ac sensuum impressiones sequente, conjicimur.

Ut miseræ istius Philosophiæ falsitas extra omne dubium constituitur, & placitorum nostrorum soliditas, ac idearum quibus utimur perspicuitas evidenter pateat; veritates clarè oppositas veterum Philosophorum erroribus stabilire, & unicam esse veram causam, quia unicus est Deus; naturam, aut vim uniuscujusque rei nihil aliud esse quàm voluntatem Dei; omnes causas naturales non esse veras causas, sed tantùm causas occasionales, & alias veritates quæ ab his sequuntur, paucis probare operæ pretium est.

Nulla corpora, magna, parva, prædita esse vi sese movendi evidens est. Mons, domus, lapis, arenæ calculus, denique minimum vel maximum corpus, vim non habet sese movendi. Duplicis duntaxat generis habemus ideas, ideas spirituum, ideas corporum: Cùm autem de iis tantùm loqui debeamus quæ concipimus, juxta solas hæc duas ideas ratiocinari debemus? Cùm itaque idea quam de omnibus corporibus habemus nobis ostendat illa non posse sese movere, concludendum est illa a mentibus moveri.* Sed quum examinamus ideam quam habemus de omnibus mentibus finitis, nullam videmus connexionem necessariam inter illarum voluntatem, &

motum

*Vid. 7.
Colloq. de
metaph. &
5. medit.
Christian.

motum ullius corporis; contrà videmus nullam esse nec esse posse ejusmodi connexionem. Ex hoc igitur concludere debemus, saltem si juxta cognitiones nostras ratiocinari velimus, nullam mentem creatam posse movere ullum corpus, ut causam veram aut præcipuam, ut diximus: nullum corpus posse seipsum movere.

At verò quum attendimus ad ideam Dei, hoc est, entis infinitè perfecti ac ideò Omnipotentis, cognoscimus talem connexionem inter ipsius voluntatem & omnium corporum motum esse, ut nemo concipere possit illum velle aliquod corpus moveri, quin protinus moveatur. Solà igitur ipsius voluntate corpora moveri dicere debemus, si res ut eas sentimus dicere velimus. Vis motrix corporum non est igitur in corporibus quæ moventur, cum vis illa motrix nihil aliud sit quàm Dei voluntas. Itaque corpora per se omni actione destituta sunt, & ubi globus motus, alium sibi obvium movet, prior ille globus alteri nihil impertit quod habeat in se; ipse enim non habet impressionem quam communicat. Attamen globus est causa naturalis motus quem communicat. Causa naturalis non est igitur causa realis & vera, sed tantum causa occasionalis, quæ determinat Authorem naturæ ad agendum hoc vel illo modo, hoc vel illo tempore.

Corporum visibilium aut invisibilium motu omnia produci constat, nam experientia nos docet corpora quorum partes magis agitantur, magis etiam agere & majores in mundo efficere mutationes. Omnes igitur naturæ vires nihil aliud sunt quàm Dei voluntas. Deus creavit mundum, quia id voluit; *Dixit & facta sunt*: Omnia movet, & sic omnes quos videmus effectus producit, quia etiam certas voluit leges secundum quas motus communicarentur cum corporibus sibi invicem occurrentibus; quia verò leges illæ sunt efficaces, agunt, corpora verò ipsa non agunt. Nullæ igitur sunt vires, potentiæ, causæ veræ in mundo materiali & sensibili, nec ullæ in eo admittendæ sunt formæ, facultates, & qualitates reales ad producendos effectus quos corpora nequeunt producere; id enim est partem virtutis & potentiæ Deo soli essentialis corporibus tribuere.

Verum enim verò, non modò corpora non possunt esse veræ causæ ullius rei; Mentis, etiam nobilissimæ, in eadem versantur impotentiâ. Nihil possunt cognoscere, nisi Deus ipsas illuminet. Nihil possunt sentire, nisi Deus ipsas modifcet. Nihil possunt velle, nisi Deus ipsas versus se moveat. Possunt quidem determinare impressionem quâ Deus ipsas versus se inflectit; sed non satis scio an id dici possit potentia. Si posse peccare est potentia, certè est potentia quam Omnipotens non habet, inquit alicubi Augustinus. Si homines a se haberent potentiam amandi bonum, aliquam potentiam habere dici possent. Sed homines non possunt amare nisi quia Deus vult ipsos amare, & quoniam Dei voluntas est efficax. Homines non possunt amare, nisi quia Deus illos indefinenter impellit versus bonum in genere, hoc est, versus se.

Malebranchii de Inquisit. Verit. Tom. II.

F Deus

Deus enim illos duntaxat creavit propter se, illos nunquam conservat quin eos versùs se impellat; Ipsi igitur sese non movent versùs bonum in genere; a Deo moventur. Duntaxat hanc impressionem liberrimè sequuntur juxta legem Divinam, vel illam versùs falsa bona determinant juxta legem carnis; sed illam non possunt determinare nisi intuitu boni; cum enim nihil possint præter id quod Deus vult, nihil possunt amare præter bonum.

Sed licet supponeremus, quod quidem verum est aliquo sensu, mentes per se habere potentiam cognoscendæ veritatis & amandi boni, si ipsarum cogitationes & voluntates nihil extrinsecus producerent, merito dicere possemus illas nihil posse. Jam autem constare mihi videtur voluntatem spirituum vel minimum corpus movere non posse; nam nullam esse connexionem necessariam inter voluntatem nostram, exempli gratiâ, movendi brachium, & motum brachii evidens est. Moveatur quidem quando volumus illud moveri; ac proinde sumus causâ naturalis motus brachii nostri. Sed causæ naturales non sunt veræ causæ; nihil sunt quàm causæ occasionales, quæ non agunt nisi vi & efficaciâ voluntatis Divinæ, ut jam dictum est.

Quomodo enim brachium nostrum movere possemus? Ut moveatur opus est spiritibus animalibus, illi spiritus mittendi sunt versùs quosdam nervos, & versùs quosdam musculos, ut insentur & contrahantur; Sic enim brachium his alligatum movetur, vel juxta non-nullos nondum satis compertum est quomodo id fiat. Et experientia nos docet homines, qui nequidem sciunt an habeant spiritus, nervos, musculos, movere tamen brachia, immo faciliùs & solertiùs iis qui optimè callent anatomiam. Hinc igitur concludendum est homines quidem velle movere brachium, sed Deum solum posse & nosse illud movere. Si homo non possit turrim subruere, saltem novit rationes quibus illa possit subrui; Sed nullus est homo cui notum sit quid sit agendum ad movendum unum ex digitis suis ope spirituum animalium. Quo pacto igitur homines possent movere brachium? Hæc omnia mihi, & iis omnibus qui cogitare & attendere volunt, videntur evidentiâ, quamvis forsitan capi nequeant ab iis qui duntaxat sentire volunt.

Sed non modò homines non sunt veræ causæ motuum quos edunt in corpore suo, immo contradictorium videtur illos esse causas istorum motuum. Causa vera est causa inter quam & effectum mens deprehendit necessariam connexionem, rem enim sic intelligo. Jam autem nullum est ens inter cujus voluntatem & effectus mens deprehendat connexionem necessariam, præter ens infinitè perfectum. Deus igitur solus est vera potentia, & solus revera habet potentiam movendi corpora. Addo concipi non posse Deum posse communicare cum hominibus aut Angelis potentiam quam habet movendi corpora; Ac certè qui existimant potentiam quam habemus movendi brachium esse veram potentiam,

tentiam, debent fateri Deum posse etiam communicare cum mentibus potentiā creandi, annihilandi, faciendi omnia possibilia, uno verbo Deum posse illos reddere omnipotentes, ut infra sum ostensurus.

Deus non eget instrumentis ad agendum, sufficit ipsum * velle ut res sit, quia contradictorium est ipsum velle, & id quod vult non fieri. Ipsius igitur potentia est ipsius voluntas; & si suam communicaret potentiam, suam communicaret voluntatem. Jam verò suam communicare voluntatem cum homine vel Angelo, nihil aliud significat quàm velle, ut quum homo vel Angelus volet hoc vel illud corpus moveri, corpus actu moveatur. Quod si ita sit, video duas voluntates concurrentes ubi Angelus movebit corpus, voluntatem Dei & voluntatem Angeli; Ut igitur cognoscā utra sit vera causa motus corporis, sciendum est quānam sit efficax. Est connexio necessāria inter Dei voluntatem & effectum quem vult produci. Hoc posito, Deus vult ut, quotiescunque Angelus voluerit hoc vel illud corpus moveri, corpus actu moveatur. Ergo est connexio necessāria inter voluntatem Divinam & motum illius corporis: Ac ideo Deus est vera causa motus illius corporis, & voluntas Angeli causa occasionalis duntaxat.

Sed ut id clari⁹ ostendatur; supponamus Deum velle, ut contrarium eveniat ejus quod quædam mentes vellent evenire, ut id cogitari potest de Dæmonibus, aut de aliis quibusdam mentibus eādem potētia dignis, tunc Deus non possit dici cum ipsis communicare potentiam suam, cū nihil possent efficere eorum quæ vellent. Tamen voluntates istarum mentium essent causæ naturales effectuum qui producerentur.

Certa quædam corpora ad dextram moverentur, duntaxat quia mentes illæ vellent ea moveri ad sinistram; & desideria istarum mentium determinarent voluntatem Dei ad agendum, ut voluntates nostræ movendi partes corporis nostri determinant primam causam ad eas movendas, omnes itaque voluntates mentium nihil sunt quàm causæ occasionales.

Si quis his auditis rationibus vellet tamen adhuc asserere voluntatem Angeli quæ moveret corpus aliquod esse veram causam, non verò occasionalem motus; evidens est illum Angelum posse pari ratione esse veram causam creationis & annihilationis omnium. Deus enim posset cum ipso communicare potentiam suam creandi & annihilandi corpora; non secus ac potentiam illa movendi, modò vellet omnia creari & annihilari, uno verbo, si vellet omnia fieri secundum voluntatem Angeli; ut voluit in exemplo suprà allato corpora moveri ad nutum Angeli. Si igitur homo vel Angelus dicantur verè motores, quia Deus ad ipsorum voluntatem movet corpora; dicendum est pariter Angelum & hominem posse esse verè creatores, cū Deus possit creare entia quotiescunque volent. Immo & forsā animalia vilissima, aut materia sola dici posset revera causa creationis alicujus substantiæ; sup-

* Liqueat
me hic lo-
qui de pra-
cticis vo-
luntatibus,
hec est, de
iis quas ha-
bet cū
vult agere.

* Vide Illustrationem de efficacia crucis secundum Metaph. Colloq. 7.

ponendo cum Philosophis, exigente materiâ, Deum producere formas substantiales.* Denique, quia Deus ab æterno decrevit creare certo tempore certas quasdam res, tempora illa etiam dici possent causæ creationis illorum entium: quemadmodum globus in alium impingens globum existimatur vera causa motus quem cum ipso communicat; quia Deus voluntate suâ generali, quæ efficit ordinem naturæ, voluit ut quum duo corpora sibi invicem occurrerent, talis vel talis fieret motus communicatio.

Solus igitur Deus est vera causa, nullaque alia est præter illum; nec arbitrandum est id quod præcedit effectum illius veram esse causam. Deus ipse potentiam suam cum rebus creatis communicare nequit, si rationis lumina sequamur; non potest efficere ut sint veræ causæ; illas non potest facere Deos. Sed etiamsi id posset, concipere non possumus cur id vellet. Corpora, spiritus, puræ intelligentiæ, hæc omnia nihil possunt. Mentis ab auctore suo illuminantur & agitantur. Qui creavit cælum & terram, utriusque motus regit. Denique Creator noviter nostras voluntates exequitur, *semel jussit, semper parat*. Immo brachium nostrum movet, ubi etiam illo utimur adversus ipsius mandata, ipse enim per * Prophetam queritur nos illum eò adducere ut injussis desideris nostris obtemperet.

* Ezechiel 43. 24.

Varia illa omnia Ethnicorum Numina, & omnes illæ Philosophorum speciales causæ nihil sunt quàm chimæ a Cacodæmone excogitatae ad evitendum veri numinis cultum. Philosophia illa non ex Adamo sed ex serpente ad nos transiit, namque ex quo peccatum irrepsit, mens humana tota Ethnica facta est, hujus Philosophiæ cum sensuum erroribus conjunctæ ope, Sol olim fuit adoratus, & ex eadem origine fuit ingens mentis depravatio, & cordis corruptio quæ inter homines grassatur. Quare, inquiunt actionibus suis & sæpe verbis, quare non amaremus corpora, cum tot nos afficiant voluptatibus? Et cur ridentur Israelitæ dum desiderabant caules & cepas Egypti; cum revera essent infelices, utpote qui privati essent rebus ex quibus aliquam poterant consequi beatitudinem. Verum Philosophia quæ dicitur nova, quæ representatur ut spectrum ad deterrendos debiles animos, quæ contemnitur & damnatur, licet minimè intellecta; Philosophia, inquam, nova, cum illam eo velint nomine designare, omnes profanorum rationes destruit maximo ex dogmatibus suis, quod omnino consensit cum primo dogmate Religionis Christianæ; unum scilicet Deum esse amandum & timendum; quippe qui solus nos beatos reddere possit.

† Hæc est religio Christiana, fratres mei, quæ prædicatur per universum mundum, horrentibus inimicis, &

Si enim Religio nos docet unicum esse verum Deum, hæc Philosophia nobis demonstrat unicam esse veram causam. Si Religio nos docet omnia Ethnicorum Numina nihil esse quàm lapides & metalla sine vitâ & motu, hæc Philosophia nobis evincit omnes causas secundas, seu omnia Philosophiæ Numina nihil esse quàm materiam & voluntates inefficaces. Denique si Religio nos docet genu non esse flectendum coram

ram Dīs non Dīs, hæc Philosophia nos pariter docet imaginationem ubi vincuntur marmuribus, ubi prævalent se viventibus, hæc est Religio Christiana, ut colatur Deus, non multi Dei, quia non facit animam Beatorum nisi unus Deus; Aug. Tr. 13. in Joan.

Verum hæc non est indoles quorundam Philosophorum, Deum videre nolunt, de Deo cogitare nolunt: nam ex peccato orta est quædam inter homines & Deum repugnantia. Deos pro arbitrio sibi fingunt, & imaginationis figmenta, ut Ethnici opera manuum suarum, timore & amore libenter prosequuntur. Pueris similes, qui coram sodalibus suis quos ipsi conspurcavere, contremiscere solent. Vel, ut comparatione utamur nobiliori, licet forsitan minus accommodatâ, similes illustribus Romanis, qui ingenii sui figmenta venerabantur, & Imperatores suos, emissâ in ipsorum apothecis aquilâ, ineptè adorabant.

CAPUT IV.

Explicatio secundæ partis legis generalis. Illam a Philosophis non observari, Cartesium verò illam accuratè observasse in suâ Physicâ, quod probatur ex summano quod de eâ traditur.

Suprà observati sunt errores quibus ii obnoxii sunt qui secundum ideas sensuum falsas & confusas, & secundum ideas vagas & indeterminatas meræ Logicæ, ratiocinantur. Hinc non obscure patet, ad conservandam evidentiam in perceptionibus necessariò observandam esse legem suprâ præscriptam, & examinandum quænam sint ideæ claræ & distinctæ rerum, ut secundum illas ideas duntaxat ratiocinemur.

In eadẽ illâ lege generali, quæ versatur circa materiam studiorum nostrorum, hæc circumstantia sedulo animadvertenda est; nempe semper incipiendum esse a rebus simplicissimis & facillimis, & iis diu insilendum, antequam pergamus ad investigationem rerum maxime complexarum & difficilium. Nam si secundum ideas distinctas duntaxat ratiocinari debeamus ad conservandam evidentiam in perceptionibus nostris, manifestum est nunquam esse transeundum ad investigationem rerum compositarum, quin prius accuratissimè examinatæ & familiares redditæ fuerint simplices a quibus pendent; siquidem ideæ rerum complexarum claræ esse non possunt, quando simplicissimæ ex quibus componuntur non nisi confuse & imperfectè innoscunt.

F 3

Res

Res imperfectè tantùm cognoscitur, ubi certò nobis non constat an omnes illarum partes consideraverimus; & illas confusè cognoscimus, ubi menti nondum satis sunt familiares, quamvis certi simus nos omnes illarum partes considerasse. Quum res imperfectè duntaxat cognoscimus, ratiocinia quæ de illis habemus sunt tantùm verisimilitudines. Quum illas confusè percipimus, in ratiociniis nec ordo est, nec perspicuitas, nec ubi simus, vel quò tendamus satis notum est. At verò ubi illas simul imperfectè & confusè cognoscimus, quod solenne est; clarè nunquam scimus quid quæramus, nec rationes quibus illud invenire possimus. Omnino itaque necesse est hunc in studiis accuratè observare ordinem. *Ut, nempe, semper incipiamus a rebus simplicissimis, omnes illarum partes examinemus, illisque ita assuescamus ut nobis familiares reddantur, antequam pergamus ad res magis complexas a quibus ille pendens.*

Verùm hæc regula ab hominum ingenio abhorret, ad id naturâ feruntur ut facilia aspernentur; & ipsorum mens, utpotè non comparata propter rem finitam & captu facilem, non potest diu subsistere in consideratione istarum idearum simplicium, quæ præ se non ferunt characterem infiniti propter quod creati sunt. Contrà verò, & quidem eandem ob causam, magna, & ad infinitum aliquà similitudine accedentia, ut & obscura & mysteriosa venerantur & sollicitè quærant. Tenebras quidem non amant, sed in tenebris sperant se inventuros bonum & veritatem quæ ipsis satisfacere queat.

Superbia etiam multùm confert ad ingenia eò adducenda ut magnum & extraordinarium ambiant; & in illud, falsà spe decepti, sæpe præcipies agantur. Experienciâ constat cognitionem accuratam rerum ordinarium & usitatarum nullam apud homines conciliare famam; cognitionem verò rerum inusitatarum & insolentium, quantumlibet confusam & imperfectam, existimationem & venerationem capere apud eos qui grandem rerum, quas non intelligunt, sibi efformant ideam. Atque hæc experientia eos omnes qui inani gloriæ magis student quàm veritati, qui certè numero alios superant ad imprudentem inquisitionem cognitionum speciosarum & imaginariam cupislibet magni, rari & obscuri determinat. Quot reperias homines qui Cartesii Philosophiam rejiciant, hac egregiâ impulsu ratione quòd illius placita sint simpliciora & faciliora. Nullæ sunt voces obscuræ & mysteriosæ in illâ Philosophiâ; feminæ, & qui nec Græcè, nec Latine callent, possunt illam addiscere: Certè id arguit rem exigui momenti, nec æquum est magna ingenia ad illam incumbere. Dogmata adeo clara & simplicia satis secunda ipsis non videntur ad explicandas naturæ effectus quam supponunt obscuram & intricatam. Istorum Dogmatum usum primâ fronte non cognoscunt, quia ipsis simpliciora & faciliora videntur, quàm ut possint præbere attentionem necessariam ad illorum usum & amplitudinem cognoscendam. Malunt igitur

igitur explicare effectus, quorum causa ipsos latet per placita quæ nequaquam intelligunt, quæque intelligi nequeunt; quàm per placita simplicia & clara. Isti enim Philosophi res obscuras per dogmata non modo obscura, verum etiam incomprehensibilia explicant.

Quum quis res admodum obscuras & arduas per dogmata clara & omnibus nota explicare aggreditur, facile est deprehendere an rem inceptam bene gerat, quia, si quæ dicit a nobis concipiantur, nullo negotio cognoscimus an vera in medium proferat. Itaque docti falsò sic dicti, quum dogmatibus claris utuntur, admirationem quam exoptant non consequuntur; quoniam eorum quæ hisce claris dogmatibus adstruere vellent futilitas evidenter agnoscitur. At verò, ubi dogmatibus incognitis utuntur, ac de rebus valde complexis, quasi omnes earum relationes accuratè cognoscerent, loquuntur, tum admirationem in se movent; quia quæ ab ipsis dicuntur omnium captum fugiunt; jam autem a natura ita sumus comparati ut quæcunque captum nostrum exsuperant veneremur.

Cùm autem obscura & incomprehensibilia inter se invicem faciliùs connecti videantur, quàm obscura cum claris & intellectu facilibus, dogmata quæ mentis aciem fugiunt multò sunt commodiora in quæstionibus compositis quàm dogmata intellectu facilia. Nihil est quantumvis difficile, cujus Philosophi & Medici placitorum suorum ope paucis non reddant rationem. Cùm enim ipsorum dogmata multò difficiliùs intelligantur quàm qualibet quæstiones quæ ipsis proponi possent, ubi illa dogmata certa supponuntur, nullà difficultate possunt involvi dum his utuntur.

Hiscæ, exempli gratià, obscuris aut indeterminatis quæstionibus audacter & nullatenus hærentes respondent; cur sol vapores extollat, cur Quinquina sistat febriem quartanam, cur rhabarbarum bilem expurgat, & sal polychrestum phlegmata, &c. Et plerisque ipsorum responsis satisfiit, quia obscurum & incomprehensibile inter se facile consentiunt. Verùm dogmata ignota non possunt accommodari quæstionibus clarè expositis & solutu facilibus; quia illorum inanitas evidenter cognoscitur. Philosophi placitis suis explicare nequeunt quomodo equi currum trahant; quomodo pulvis horologii motum sistat; quomodo Samius lapis metalla, & scopæ vestes abstergeant. Omnibus enim ludibrium deberent, si motum attractionis & facultates *attrahitricas* supponerent, ad explicandum quo pacto currus sequatur equos ipsi junctos, & facultatem *deterfivam* in scopis ad detergendas vestes, & sic de ceteris. Ipsorum igitur placita usum duntaxat sortiuntur in quæstionibus obscuris, quia capi nequeunt.

Istis igitur dogmatibus, quæ clarè & evidenter non cognoscuntur, quæque sufficari possumus a nonnullis nationibus non admitti, fidentum non est. Idææ extensionis, figuræ, motus localis, & relationes quas inter se invicem habent. attentè sunt considerandæ; si ejusmodi

idææ

ideæ distinctè concipiuntur, ac ita claræ videantur ut manifestò pateat illas ab omnibus gentibus omni tempore admittas fuisse, iis immorandum est, & omnes earum relationes sunt examinandæ; si verò obscuræ videantur, tum aliæ sunt inquirendæ, si possint inveniri. Namque si, ut absque erroris periculo ratiocinemur, evidentiam in perceptionibus nostris semper conservare necesse sit, ratiocinandum est duntaxat secundum ideas claras & relationes clarè cognitæ.

Ut extensionis proprietates ordine possint considerari, incipiendum est, exemplo Cartesii, a relationibus simplicissimis, & a simplicissimis ad maxime complexas pergendum, non modò quia hæc methodus est naturalis, & mentem in operationibus suis quamplurimum juvat; verum etiam quia, cum Deus ordine semper agat & per vias simplicissimas, hæc ratione examinandi ideas nostras & earum relationes ipsius opera a nobis facilius cognoscuntur. Ac revera si animadvertamus relationes simplicissimas omnium primas etiam imaginationi offerri ubi non determinatur ad cogitandum potius de unâ re quàm de aliâ; hinc patebit sufficere res a nobis attentè & sine præconceptâ opinione expendi ut ordinem illum hic præscriptum assequamur, & veritates maximè compositas possimus reterege, dummodo ex uno ad aliud æquo celerius non properemus.

Si igitur attentè extensionem consideremus, primo veluti intuitu comperietur eam esse impenetrabilem, contradictorium enim est quòd bipedalis extensio sit tantum pedalis. Sed cum nulla viscernatur in ideâ quæ eam repræsentat, certò constat eam non esse per se duram, atque ideo unamquamque partem a sibi proximâ separari posse, si diversæ pellantur. Sic motus possibilis concipitur, etsi omnia sint plena, & corpora sint impenetrabilia, quia, cum extensio per se dura non sit, ubi progredietur una pars, reliquæ partes, quandoquidem omnia sunt plena, versùs eum locum repellentur quem progrediendo derelinquit, hucque ideo gliscunt, sicque circularis motus fiet. Quod si concipiamus innumeros motus directos in innumeris similibus partibus hujus immensæ extensionis quam consideramus, iterum necesse est hæc omnia corpora, quippe quæ sibi mutuò obsint, mutuâ actione & reactione, hoc est, mutuâ motuum specialium communicatione, ad id unâ conspirare ut motu circulari moveantur.

Prima hæc consideratio relationum simplicissimarum quæ sunt inter ideas nostras, jam nobis ostendit necessitatem vorticum Cartesii; hinc etiam patebit numerum illorum vorticum eò majorem futurum, quò motus recti omnium partium extensionis, utpote sibi invicem magis adversantes, difficiliùs in illo simili motu perseverare potuerint, & horum vorticum illos fore maximos in quibus plures partes in eundem motum conspiraverint, seu quorum partes majore vi præditæ fuerint ad continuandum motum suum secundum lineam rectam.

Sed

Sed cavendum est ne mens dissipetur & fatigetur inutili applicatione ad numerum infinitum & ad magnitudinem immensam vorticum. Primo aliquandiu insistendum est alicui ex his vorticibus, & investigandi sunt ordine & attentè motus materiæ quam includit, & omnes figuræ quas singulæ partes istius materiæ induere debent.

Cùm solus motus secundùm lineam rectam sit simplex, ille motus est primò considerandus; cum is sit secundùm quem omnia corpora motum suum dirigunt; Siquidem Deus secundùm vias simplicissimas semper agit, & revera corpora circulariter non moventur nisi quia in suis motibus directis perpetuas pariuntur oppositiones. Cùm itaque omnia corpora æqualis non sint magnitudinis, & eorum maxima majori prædita sint vi ad motum suum continuandum secundùm lineam rectam quàm alia; facile concipimus minima corpora ad centrum vorticis esse debere, maxima verò versùs circumferentiam, cùm lineæ quæ describi concipiuntur a motibus corporum quæ sunt ad circumferentiam ad rectam magis accedant, quàm lineæ quas describunt corpora quæ sunt prope centrum.

Denuo si cogitemus unamquamque partem materiæ non potuisse a principio moveri & in motu suo perpetuam pati oppositionem, quin rotundata fuerit, & ipsius anguli fracti fuerint, facile concipimus totam hanc extensionem ex duplici duntaxat corporum genere constare, * ex globulis scilicet circa centrum suum diversimode actis, quique præter motum suum specialem motu communi vorticis adhuc abripiuntur; & ex materiâ quadam fluidissimâ & maximè agitâ, ortâ ex confricatione & attritione globulorum. Præter motum circulem communem omnibus partibus vorticis, hæc materia subtilis specialem adhuc motum habebit secundùm lineam penè rectam a centro vorticis versùs circumferentiam, per intervalla globulorum qui ipsi transeundi copiam faciunt; adeo ut motus, ex istis motibus compositus secundùm lineam spiralem fiat. Hæc materia fluida, quam Cartesius appellat *primum elementum*, cùm divisa sit in partes multò tenuiores, quæque longè minorem habent vim ad continuandum motum suum secundùm lineam rectam, quàm globuli, seu *secundum elementum*; evidens est primum illud elementum esse debere in centro vorticis, & in intervallis quæ sunt inter partes secundi; partes verò secundi debere implere reliquum spatium vorticis, & accedere ad illius circumferentiam juxta proportionem crassitudinis, aut juxta vim quam habent ad continuandum motum suum directum. Ad figuram totius vorticis quod spectat, ex suprà dictis dubium non est quin distantia unius Poli ab alio longè minor sit lineâ quæ † Æquatorein trajicit. Si verò animadvertamus vortices sese mutuò circumdare & inæqualiter premere, clarè etiam patebit ipsorum æquatorein describere lineam curvam & non regularem; ellipsi non dissimilem.

Hæc sunt quæ menti sponte sese offerunt, ubi attentè expendimus *Malebranchii de Inquisit. Verit.* Tom. II.

G quid

* Cartesius hos globulos duos esse credit. Sed sunt potius minores vortices ex fluidâ constantibus materiâ, ut id observabo in illustratione circa lucem & colores: hic vero non aliam mihi mens est quàm aliquod summaria trahere Cartesii systematis. † Per Æquatorein intelligo maximam lineam curvam, quam materia vorticis describit.

quid contingere debeat partibus extensionis quæ indefinenter in motu secundum lineam rectam, hoc est, motu omnium simplicissimo pergere conantur. Jam si rem supponamus, quæ sapientiæ & potentiæ Dei adiutorem digna videtur, ipsum, nempe, ab initio hunc mundum unico voluntatis actu in eo statu constituisse, in quo ipsius partes sese temporis successu disposuissent secundum vias simplicissimas, illumque mundum ab ipso Deo per easdem leges naturales conservari. Uno verbo si cogitationes suprâ explicatas rebus objectis quas videmus adaptare velimus; judicare pronum erit Solem esse centrum vorticis, lumen corporeum quod undique dispergit nihil aliud esse præter perpetuum nilum globulorum, qui a centro vorticis recedere conantur; & lumen illud debere communicari unico momento per spatia immensa, quoniam cum omnia sint plena his globulis, ne unus quidem eorum potest premi, quin cæteri ipsi oppositi premantur.

Plurimæ adhuc aliæ consequentiæ e suprâ dictis poterunt deduci: namque dogmata simplicissima sunt etiam secundissima ad explicanda opera illius qui per rationes simplicissimas semper agit. Sed quædam adhuc in materiâ consideranda sunt. Attendendum igitur est multos esse adhuc vortices vortici suprâ dicto similes; centra horum vorticum esse stellas, quæ totidem sunt soles; Vortices sese mutuò circumdare, & ita disponi ut quàm minimè fieri potest sibi invicem obstant in motibus suis. Sed tamen res eò devenire non potuisse, quin vortices debiliores a fortioribus abrepti ac absorpti fuerint.

Ut id possit intelligi, animadvertendum est primum elementum, quod est in centro unius vorticis, posse subrepere, & actu indefinenter subrepere per intervalla globulorum versus circumferentiam ejusdem vorticis; ac eodem tempore quo centri illius, seu hujus stellæ materia per æquatorem suum dilabitur, aliud primum elementum, seu alias partes materiæ fluidissimæ quæ constituit primum elementum debere ingredi per polos vorticis in locum partium elapsarum; nam hæc stella ab una parte non potest evacuari quin ab alterâ impleatur, quia non datur vacuum in extensione, ut hic suppono, utque faciliè probari potest ex naturalibus effectibus, ex luminis verbi gratiâ transmissione. Quia verò innumeræ causæ possunt impedire quominus ingens primi elementi copia ingrediatur in stellam de quâ agitur; necesse est partes primi elementi quæ in eâ remanere tenentur, ita sese disponere ut eodem motu moveantur. Hinc fit ut inter se invicem agglutinentur, connectantur, & maculas forment, quæ in crustas coalescunt, centrum illud paulatim obtegunt, & ex omnium corporum subtilissimo & maxime agitato, efficiunt materiam solidam & crassam. Atque hæc est materia crassa, quam Cartesius appellat *tertium elementum*; & cum materia illa ex primo elemento, cujus figuræ sunt innumeræ, gignatur, illam in numeris figuris diversis indui, necesse est.

Hæc stella maculis & crustis sic obducta, & cæteris planetis similis facta,

facta, vorticem suum non potest sustinere ac tueri adversus impetum perpetuum aliorum vorticum quibus circumdatur. Vortex ille igitur paulatim minuitur. Materia ex quâ constat undique dispergitur: & vicinorum vorticum fortissimus maximam illius partem abripit, ac tandem planetam, qui est centrum illius, involvit. Hic Planeta, sic omnino circumdatus materiâ illius magni vorticis, in eo natat conservando, cum parvâ materiæ proprii vorticis copiâ, motum circularem quo antea ferebatur: ac denique ibi situm acquirit, quo constituitur in æquilibrio cum æquali portione materiæ in quâ natat. Si parum habeat soliditatis & magnitudinis, ad centrum vorticis quo involvitur quàm proximè accedit; quia cum parum habeat virium ad continuandum motum suum directum, debet collocari in loco istius vorticis, in quo æqualis portio secundi elementi eandem ac ipse planeta habeat vim ad recedendum a centro; nam in eo duntaxat loco potest esse in æquilibrio. Si iste Planeta sit major aut solidior, debet constitui in æquilibrio in loco remotiore a centro vorticis. Ac denique si in illo vortice nullus sit locus, in quo æqualis ipsius materiæ portio eandem habeat soliditatem ac ille Planeta, ac ideo eandem vim ad continuandum motum suum directum, quia ille Planeta forsitan erit valde magnus, & crustis solidissimis & crassissimis obductus; tum in vortice illo non poterit subsistere, quia non poterit constitui in æquilibrio cum materiâ ex quâ constat ille vortex. Hic igitur Planeta transgredietur in alios vortices, ac nisi in iis æquilibrio suum reperiat, in iis quoque non subsistet. Adeo ut instar Cometarum transcurrans, interdum conspiciatur, ubi in vortice nostro versabitur, & nobis satis propinquus erit; nec nisi post longum temporis intervallum denuo conspicietur, quandiu erit in aliis vorticibus vel in extremâ vorticis nostri parte.

Jam si cogitemus unicum vorticem magnitudine suâ, vi & situ idoneo, posse paulatim atterere, involvere & denique abripere plurimos vortices, immo vortices a quibus alii quidam antea abrepti fuerint; necesse erit Planetas qui in centris horum vorticum formati fuerunt, ubi ingressi fuerint magnum vorticem a quo fuerunt superati, in eo constitui in æquilibrio cum æquali portione materiæ in quâ natant, si itaque planetæ isti soliditate sint inæquales, constituti erunt in distantia inæquali a centro vorticis in quo natabunt. Quodd si eveniat ut duo planetæ eandem propemodum habeant vim ad continuandum motum suum secundum lineam rectam; vel si planeta in exiguum vorticem suum unum aut plurimos alios abripiat minores Planetas, quos, juxta nostrum modum concipiendi rerum formationem, superaverit; tunc parvi illi Planetæ agentur circa majorem, dum major agetur circa centrum suum; & omnes illi Planetæ motu magni vorticis in distantia prope æquali a centro ipsius abripiuntur.

Partes quæ constituunt mundum, quem per rationes simplicissimas formari existimamus, in hunc ordinem juxta rationis lumina digerere

tenemur. Nam quæcunque a nobis *suprà* dicta sunt nituntur ideâ extensionis, cujus partes supposuimus ad id tendere ut moveantur motu simplicissimo, qui est motus secundum lineam rectam. Ac revera quum per effectus examinamus an non hallucinati fuerimus, dum res per causas suas explicare volumus, corporum cælestium phenomena iis quæ a nobis *suprà* dicta sunt omnino consonare non sine admiratione comperimus. Videmus enim omnes Planetas qui sunt in medio parvi vorticis agi instar Solis circa proprium centrum; illos omnes in vortice Solis & circa Solem natare; minores aut minùs solidos. Soli esse proximos. Alios etiam esse, ut Cometas, qui in vortice Solis non possunt subnitere: Denique multos esse Planetas qui multos alios adhuc habent circa se actos, ut Luna circa Terram. Jupiter quatuor habet, Saturnus quinque. Immo forsan Saturnus tot habet adeo parvos, ut non differant a circulo continuo, cui nulla crassitudo ineffe videtur ob ingentem ipsius distantiam. Cum autem isti Planetæ eorum quos videmus maximi sint, possunt considerari utpote geniti ex vorticibus tantæ magnitudinis ut alios superare potuerint, priusquam a vortice in quo nunc versamur involuti fuerint.

* Cosmo-
theoros
p. 14.

Huygenius * ait annuli Saturni diametrum esse ad Solis diametrum ut 11. ad 37. diametrum ejus globi ut 5. ad 37. Jovis diametrum ut 2. ad 11. Martis, ut 1. ad 166. Terræ, ut 1. ad 111. Venëris ut 1. ad 84. Mercurij ut 1. ad 290. Saturnus verò circa Solem revolvitur intra annos 29, dies 174, horas 5. Jupiter intra annos 11. dies 317. horas 15. Mars intra dies propè 687. Terra, intra dies 365. horas 6. Venus intra dies 224, horas 18. Mercurius denique intra 88. dies.

Omnes isti Planetæ circa centrum suum aguntur, Terra intra 24. horas, Mars intra 25. aut circiter. Jupiter intra 10. aut circiter. Sed Luna intra unum tantummodo mensem, quoniam eandem semper faciem ostendit. Tota materia in quâ natant celerius circulum suum percurrit, ubi Soli aut vorticis sui centro propinquior est, quoniam linea ipsius motûs minor est. Post Keplerum hodie † contendunt Astronomi cubos distantie cujuslibet Planetæ a centro circa quod agitur, esse inter se ut quadrata temporis intra quod singuli revolvuntur, quod quidem etiam in satellitibus Jovis & Saturni animadvertitur. Cum Mars Soli oppositus est, Terræ propinquus satis est, sed ab eâ valde distat ubi Soli conjunctus est. De Planetis superioribus Jove & Saturno res non secus se habet; nam inferiores ut Mercurius & Venus, propriè loquendo, Soli nunquam sunt oppositi. Lineæ quas omnes Planetæ circa Terram describere videntur non sunt circuli, sed ad ellipses quàm proximè accedunt, omnes verò illæ ellipses admodum diversæ videntur, propter diversos situs Planetarum nostri respectu. Denique quicquid in cœlis certò observatur circa Planetarum motum cum iis quæ de ipsorum per rationes simplicissimas formatione dicta sunt optimè congruit.

Multi sunt qui Cartesianos vortices pro meris habeant chimæris.

Nihil

† Cosmo-
theoros
p. 105.

Nihil tamen demonstratu facilius est, si modò ponatur; 1^o. Omne corpus motum in id tendere ut motu directo seratur; 2^o. Planetas motus habere circulares; quæ duæ experienciâ certa comperiuntur. Liquet enim Jovem, verbi gratiâ, si in vacuo moveretur, secundum lineam rectam semper motum iri; Eamque, si moveretur in certâ quadam materiâ quæ vorticem non constitueret, aut quæ circa Solem non ageretur, non solum secundum lineam aut rectam aut spiralem moveri perrecturum esse, sed etiam motum suum paulatim deperditurum esse, cum scilicet communicando cum fluido quod dimoveret. Materiam igitur cælestem vorticem constituere necesse est, & in eo vortice unumquemque Planetam tali modo se constituere, ut ejus conatus ad recedendum a Sole æquilibris sit cum conatu æqualis hujusce materiæ voluminis.

Stellas fixas quod attinet, experientia docet nonnullas imminui & omnino evanescere, nonnullas etiam veluti recentes videri, quarum splendor & magnitudo magis magisque auferunt. Augentur aut minuantur prout vortices quorum sunt centra, plus vel minus recipiunt materiæ primi elementi. Illas videre desinimus ubi in iis formantur maculæ & crustæ; & illas percipere incipimus ubi maculæ quibus illarum splendor encabatur omnino dissipantur. Omnes illæ stellæ eandem prope inter se observant distantiam; cum sint centra vorticum, nec abripiantur quandiu aliis vorticibus resistunt, vel quandiu sunt stellæ. Omnes instar parvorum Solium fulgent, quia ut ipse Sol centra sunt quorundam vorticum nondum superatorum. Omnes a terrâ inæqualiter distant. Quamvis fornici cuidam infixæ oculis videantur; si enim nondum observata fuit parallaxis proximarum a parallaxi remotissimarum differentia per varium terræ situm alterno quoque semestri spatio, id ex eo ortum est quod hæc differentia situs magna satis non sit, propter distantiam inter nos & stellæ, ut parallaxes illæ possint observari. Telescopiorum ope aliquid forsitan quidem poterit deprehendi. Denique quicquid in stellis sensuum usu & experienciâ potest observari non differt ab eo quod mente percepimus, examinando relationes simplicissimas & maxime naturales quæ in extensionis partibus & motibus possunt observari.

Si corporum sublunarium naturam examinare velimus, primò attendendum est, cum primum elementum ex numero diversarum figurarum innumerabili constet, corpora quæ ex partium hujus elementi congerie formata fuere multiplicia futura esse. Quædam erunt quorum partes erunt ramosæ; alia quorum partes erunt longæ: alia quorum partes rotundæ, sed omnimodè abnormes. Si ipsorum partes ramosæ satis crassæ sint, erunt dura, sed flexilia nec elasticâ vi prædita; si illorum partes minus sint crassæ, erunt mollia aut fluida, ut gummi, pinguedo, oleum, &c. Si partes longæ corporum sint crassæ & inflexiles, erunt acuta, incorrupta, ad dissolvendum facilia ut sales: Si eadem partes longæ sint flexiles, corpora erunt insipida, ut aquæ: Si

partes habeant crassas & omnimodè abnormes, erunt similia terræ & lapidibus. Denique erunt corpora valde multiplicis naturæ; nec duo reperies omnino similia, quia primum elementum innumeras figuras potest suscipere, & quia omnes illæ figuræ nunquam conjungentur eodem modo in diversis corporibus. Hæc corpora, quibuscunque prædita sint figuris, si poros habeant satis magnos ut per eos undiquaque secundum elementum possit transire, erunt pellucida, ut aer, aqua, vitrum, &c. Quibuscunque figuris prædita sint hæc corpora, si quasdam eorum partes primum elementum omnino ambiat, easque vehementer & velociter satis agitet ad repellendum undique secundum elementum, erunt lucida ut flamma. Si hæc corpora repellant totum secundum elementum a quo feriuntur, erunt candidissima. Si secundum elementum recipiant nec illud ullatenus repellant, erunt nigerrima; denique si illud variis modis * seu vibrationibus repellant, inæquales istæ vibrationes colorum varietatem parient.

* Vid. 16.
illustr. in
hunc lo-
cum ad
calcem hu-
jus operis.

Eorum situm quod spectat, graviora seu minus levia, hoc est, quæ minorem habebunt vim ad continuandum motum suum secundum lineam rectam, erunt proxima centro, ut metalla. Terra, aqua, aer ab eo magis distabunt; & omnia corpora situm in quo ea cernimus conservabunt, quia a centro terræ eò remotiora esse debent quò majorem habent motum.

Nec mirum esse debet quòd nunc dicam metallis minorem esse vim ad continuandum motum suum secundum lineam rectam quàm terræ, aquæ & cæteris corporibus minus solidis; quamvis antea dixerim corpora solidissima majori prædita esse vi ad continuandum motum suum secundum lineam rectam quàm alia. Causa enim cur metallis minor sit vis ad continuandum motum suum, est quia metalla multò minus habent motus: cum verum semper sit si duo corpora inæqualia soliditate, æquali celeritate moveantur, solidiori majorem inesse vim ad procedendum secundum lineam rectam, quia tunc solidius plus habet motus; jam autem ex motu oritur vis.

Si verò causam assequi velimus cur versùs contra vorticum corpora crassa sint gravia, cur verò ubi a centro distant sint levia, (si enim terra, verbi gratià, soli propior esset, illuc subito ascenderet ubi nunc est) attendendum est corpora crassa motura suum recipere a materiâ subtili quæ illa circumdat & in quâ natant. Jam autem hæc materia subtilis circulariter actu movetur, & duntaxat conatur moveri secundum lineam rectam, & corporibus crassis quæ cursu suo abripit motum illum circularem impertit, licet cum ipsis non communicet conatum suum ad recedendum a centro secundum lineam rectam, nisi quantum nisus ille sequitur ex motu quem ipsis impertit. Observandum enim est partes materiæ subtilis, etsi versùs plurimas partes moveri conentur, duntaxat posse comprimere corpus crassum quod transferunt: namque corpus illud in varias partes eodem tempore tendere nequit. Sed quia

mate-

materia subtilis quæ est prope centrum vorticis totum motum suum non infumit circulando, corporibus crassis quæ abripit nullum alium imperit motum, præter circularem & omnibus suis partibus communem; & quia si corpora crassa aliunde haberent motum præter motum communem vortici, illum brevi deperderent, eum communicando cum corpusculis sibi obviis. Hinc evidenter patet corpora crassa prope centrum vorticis tantum non habere motum quantum habet materia in quâ natant, cujus singulæ partes multifariam moventur, præter motum circularem, seu communem. Jam autem si corpora crassa minùs habent motùs, certè etiam minori nisu conantur moveri secundùm lineam rectam; quod si ita sit, iis quæ majori nisu conantur moveri secundùm lineam rectam, cedere tenentur, ac ideo ad centrum vorticis accedere, hoc est, illa corpora eò graviora esse quò sunt solidiora. Vide accuratius expositam gravitatis causam in penultimâ illustratione sub finem; Hic enim non alia mens est quàm Cartesianæ Physicæ epitomen tradere.

At, ubi corpora crassa a centro vorticis sunt valde distita, cùm motus circularis materiæ subtilis tum sit maximus, quia totum ad id penè adhibet motum suum ut circa centrum vorticis agatur; corpora eò plus habent motùs quò sunt solidiora; cùm eadem procedant celeritate ac materia subtilis in quâ natant; itaque majorem habent vim ad continuandum motum suum secundùm lineam rectam. Adeo ut corpora crassa in certâ distantia a centro vorticis eo leviora sint quò sunt solidiora.

Ex eo igitur patet Terram esse Metallicam versùs centrum; eamque non esse valde solidam versùs circumferentiam: aquam & aërem persistere debere in eo situ in quo illa videmus posita: Sed omnia corpora illa esse gravia * aërem æquè ac aurum & argentum vivum, quia primo & secundo elemento solidiora sunt & crassiora. Hinc patet Lunam, utpote a centro vorticis terræ nimis distitam, non esse gravem, quamvis sit solida; Mercurium, Venerem, Terram, Martem, Jovem & Saturnum non posse delabi in Solem, nec satis solida esse ut e vortice suo sicut Cometæ egrediantur: illos Planetas esse in æquilibrio cum materiâ in quâ natant. Ac certè si plumbea glans vel tormentarius globus satis procul in sublime projici possent, hoc est ita altè ut motus circularis & communis partibus in quibus ista collocarentur corpora, qui solus est motus quem ab iis possint accipere, sufficeret superaret varium harumque earundem partium motum, hæc duo corpora fierent parvi Planetæ, vel satis solida essent ut instar parvorum cometarum evaderent quia in vorticibus suis subsistere amplius non possent.

Hæc omnia me satis explicuisse, aut ex simplicibus extensionis, figuræ & motus dogmatibus, omnes consequentias quæ ex iis deduci possunt deduxisse, hic non arbitror: Mihi duntaxat propositum est ostendere rationem quam Cartesius iniit ad naturam investigandam; ut ipsius ideæ ipsiusque methodus cum aliorum ideis & methodo possint conferri. Sed ausum asserere eos qui vim magneticam, fluxum & refluxum Maris, fragorem

* Hoc est illa ferri versùs centrum Terræ.

gorem tonitru, Meteororum generationem ex ipsorum causis cognoscere, uno verbo, qui Physicam penitus addiscere volunt, cum tempus utilius collocare non possint quam Cartesii opera legendo & meditando, ausim, inquam, asserere illos frustra quicquam tentaturos esse, nisi illius Philosophi methodum sequantur; hoc est, nisi ut ipse secundum ideas claras ratiocinentur, incipiendo semper a simplicissimis.

Huic quidem Authori erroris immunitatem tribuere non est animus, immo ipsum in multis ipsius operum locis hallucinatum fuisse me posse demonstrare confido. Sed eos qui Cartesium legunt fauiss est credere illum errasse, quam si omnia ipsius dicta vera esse persuaderentur. Si erroris immunis crederetur, sine examine legeretur, ipsius dictis fides cæca adhiberetur, ipsius opiniones historiarum instar addicerentur, ac sic lectorum mens non informaretur. Cartesius ipse monet legendo ipsius opera attendendum esse annon hallucinatus sit, nec eorum quæ dicit quicquam esse credendum, nisi ad id adigat evidentia. Doctis enim, falsò sic dictis, haud similis est, qui iniquâ in mentes usurpatâ dominatione, eò nos adstringere volunt ut in eorum verba juremus; quique ubi homines veritatis internæ discipulos efficere deberent, ideas claras duntaxat proponendo, eos tamen Ethnicorum authoritati submitunt, & ipsi opiniones quas non capiunt rationibus incomprehensibilibus obtrudunt.

Observandum est eo quo vivebat Cartesius tempore neminem adhuc virium *centrifugarum* mysteria scrutatum fuisse, earumque relationes meritum fuisse, quod tamen necessarium erat ad perficiendam cælestem physicam; observandum insuper ipsi ignotas fuisse novissimas observationes. Si modò pro comperto habuisset id quod hodie in confesso est apud peritos Astronomos, cubos, scilicet, distantiarum corporum cælestium a centro circa quod revolvuntur, esse inter se ut quadrata temporum quibus revolvuntur; si ipsi notum fuisset vires centrifugas esse inter se ut quadrata velocitatum per diametrum orbitæ divisi, nonnulla suæ Physicæ loca corrigere, eamque adeo perfectiorem facere facillimum fuisset. Nam, verbi gratiâ, in proportionem præcedenti temporibus substituendo eorum valorem, hoc est spatia percursa, vel circulationes divisas per velocitates, rationem detexisset naturalem æquilibrii materiæ cælestis, atque relationes celeritatum & distantiarum planetarum quos secum abripit in orbem sese movendo. Multas etiam alias ex cognitione virium centrifugarum deduxisset consequentias quas videre est in operibus quæ ab aliquot annis in lucem prodierunt; Verùm non a Deo nobis eo fine datus est Cartesius ut quicquid sciri potest nos edoceret, ut de Aristotele illud dicit Averroës. Imo sæpe erravit, non quòd prava esset ejus methodus, aut falsa ipsius præcipua dogmata, non alia enim supponit quam ipsas communes notiones atque ideas claras, sed quia ea sequi in examine complexiorum argumentorum difficile erat. Quod potissimum vitio vertitur circa methodum quâ Cartesius explicat Solis, Stellarum, Terræ, & omnium

cor-

corporum quibus circumdamur formationem in eo consistit, quòd illa methodus videatur contraria iis quæ Scriptura nos docet de creatione mundi; namque, ajunt, si isti Authori fides adhibeatur, mundus veluti a se ipso formatus fuisse videtur. Ad hæc multa possunt reponi.

Primò, qui Cartesium Mofi adversari dicunt, Scripturam Sacram & Cartesium forsitan non æquè examinaverunt, ac ii qui Scriptis publicis ostenderunt creationem mundi cum hujusce Philosophi hypothesibus aptissime convenire.

Verùm præcipua responsio ex eo desumitur quòd Cartesius nunquam arbitratus fuerit res paulatim factas fuisse eo modo quo illas describit, namque in primo articulo quartæ partis ipsius Philosophiæ, in quo sic habetur, *Falsam hypothesin quæ jam ante usi sumus esse retinendam, ad veras rerum naturas explicandas, contrarium positivè dicit.* Hæc sunt ipsius verba.

Etsi credi nolim, corpora hujus mundi adspectabilis, genita unquam fuisse illo modo qui supra descriptus est, ut jam satis præmonui, debeo tamen eandem hypothesin adhuc retinere, ad ea quæ supra terram apparent explicanda; ut tandem, si quemadmodum spero, clarè ostendam, causas omnium rerum naturalium hac viâ, non autem ullâ aliâ dari posse, inde meritò concludatur, non aliam esse earum naturam, quàm si tali modo genitæ essent.

Noverat Cartesius, ad naturam rerum accuratè cognoscendam, eas esse considerandas in origine & ab ortu, semper incipiendum esse a simplicissimis & principium ante omnia petendum esse: inquirendum non esse an Deus opera sua paulatim per vias simplicissimas formaverit, an verò ea uno actu produxerit: Sed quoquo modo ea Deus formavisset, ut accuratè cognoscerentur, ea esse primò consideranda in principiis, ac postmodum duntaxat esse examinandum, an quæ cogitata fuerunt iis consonent quæ Deus fecit. Noverat leges naturæ per quas Deus omnia opera sua conservat in ordine & in situ in quo subsistunt, easdem esse per quas illa formare & disponere potuit, namque nisi Deus unico voluntatis actu totum mundum eodem modo adornasset quo ipse mundus sese progressu temporis disposuisset, cuilibet attentè evidenter patet, totum naturæ ordinem eversum iri, quoniam leges conservationis essent contrariæ legibus primæ creationis. Si totus mundus in ordine in quo illum videmus persistat, id fit quia leges motuum, quibus in illo ordine conservatur, illum etiam in eodem ordine potuissent collocare. At si Deus mundum in diversum digessisset ordinem ab eo in quo hinc motus legibus sese constituisset, omnia jam everterentur, & vi harum legum in ordine in quo illum nunc videmus constituerentur. Si solem, verbè gratiâ, cubicæ figuræ fecisset, brevi certè sphaericus factus fuisset ex motus legibus.

Si quis pulli naturam cognoscere velit, in eum finem ova quæ gal-

Malebrancii de Inquisit. Verit. Tom. II,

H

linæ

linæ fovenda subjecerat, quotidie aperit, quid primum moveatur & crescat attendit; post breve tempus videt cor jam palpitare & undique pellere sanguinis canales, quæ sunt arteriæ; sanguinem illum reverti versùs cor per venas; cerebrum etiam statim apparere, ac denique ossa post omnes alias partes formari, hac viâ ex multis sese expedit erroribus, atque etiam ex illis observationibus multas consequentias ad animalium cognitionem utilissimas deducit. Quid in istâ agendi ratione visio verti potest? An quis dicet illum hominem eâ mente id agere ut persuadeat primum pullum a Deo formatum fuisse, primò creando ovum, cum ipso communicando certum quendam caloris gradum ut excluderetur, quia pullorum naturam in ipsorum formatione cognoscere conatus est?

Cûr igitur Cartesius quasi Scripturæ repugnaret traducitur, quia rerum visibilibus naturam examinaturus, earum etiam formationem per leges motûs quæ in omnibus casibus nunquam non observantur, examinavit? Certè Cartesius in dubium nunquam vocavit, *Quin mundus ab initio fuerit creatus cum omni sua perfectione; ita ut in eo Sol & Terra & Luna & Stella existerent, ac etiam in terrâ non tantum fuerint semina plantarum, sed ipsa plantæ; nec Adam & Eva nati sint infantes, sed facti sint homines adulti. Hoc fides Christiana, inquit, nos docet; bocque etiam ratio naturalis planè persuadet. Attendendo enim ad immensam Dei potentiam, non possumus existimare illum unquam quicquam fecisse quod non omnibus suis numeris fuerit absolutum. Sed nihilominus ut ad plantarum, vel hominum naturas intelligendas longè melius est considerare quo pacto paulatim ex seminibus nasci possint, quàm quo pacto a Deo in primâ mundi origine creati sint; ita si quæ principia possumus excogitare valde simplicia & cognitu facilia, ex quibus tanquam ex seminibus quibusdam, & sidera & terram & denique omnia, quæ in hoc mundo aspectabili deprehendimus, oriri potuisse demonstramus, quamvis ipsa nunquam sic orta esse probè sciamus; hoc pacto tamen eorum naturam longè melius exponemus, quàm si tantum, qualia jam sint, describeremus. Et quia talia principia mihi videor invenisse, ipsa breviter hic exponam.*

Existimavit quidem Cartesius mundum a Deo unico voluntatis actu formatum fuisse, verum etiam existimavit illum a Deo formatum fuisse in eodem ordine & in eadem partium dispositione in quibus fuisset, si ipsum paulatim per vias simplicissimas formavisset Deus. Ac sanè hæc opinio Dei potentiâ & sapientiâ digna est: ipsius potentiâ, quandoquidem unico momento omnia opera sua omnimodâ perfectione prædita creaverit; ipsius etiam sapientiâ, quoniam hoc pacto demonstravit se accuratissimè prævidisse quæcunque in materiâ necessariò erant eventura, si per motus simplicissimos ageretur; & quia etiam ordo naturæ subsistere non potuisset, si mundus per vias, hoc est, per leges motûs productus fuisset, contrarias legibus per quas conservatur,

Aric. 45.
Tertia pars
Philosophiæ.

vatur, ut modò dixi. Cæterum, multum interest discriminis inter formationem viventium & organisatorum corporum, atque formationem vorticum ex quibus constat orbis universus. Corpus organisatum innumeras complectitur partes quæ mutuo aliæ ab aliis pendent relatè ad quosdam speciales fines, & quæ omnes actu jam formatae esse debent ut cunctæ simul moveri queant. Non enim cum Aristotele arbitrandum est cor esse omnium partium primam quæ vivat, ultimam quæ moriatur. Cor micare non potest absque influxu spirituum animalium, hi in cor sese diffundere non possunt absque nervis, nervi autem originem ducunt e cerebro a quo spiritus accipiunt. Præterea cor micare atque sanguinem in arterias propellere non potest nisi ex jam factæ sint, ut & venæ per quas sanguis in cor refertur. Uno verbo manifestò patet aliquam machinam motum suum non prius edere posse quàm tota sit absoluta, atque ideo cor solum vivere non posse. Ita ut quo tempore in ovo quod gallinæ fovendum subjectum est illud conspicitur saliens punctum quod pulli cor constituit, jam pullus vivat; atque eadem de ratione ex quo concepit aliqua mulier, quod accuratè observare non abs re est, vivit jam ejus foetus, quia tunc incipit vita cum organa movent spiritus, jam verò non antè possunt moveri ea organa quàm actu sint formata & colligata. Pessimam igitur ille sequeretur methodum qui ex simplicibus generalibusque motuum communicationis legibus explicare vellet animalium, plantarum, ipsarumque partium successivam formationem; omnes enim diversè sunt aliæ cum aliis colligatae relatè ad diversos fines, diversosque usus in variis speciebus. Sed non eadem est ratio formationis vorticum; ii naturaliter nascuntur ex legibus naturalibus, ut modò partim saltem explicui.

Ridiculum est dicere Cartesium existimasse mundum potuisse formari a se ipso, cum ipse non secus ac ii omnes qui rationis lumina sequuntur agnoverit, nullum corpus posse moveri propriis viribus, & omnes leges immutabiles communicationis motuum nullas alias habere causas quàm voluntates immutabiles Dei, qui eodem modo semper agit. Deum solum impetiri motum materiæ, & motum in omnibus corporibus diversas formas quibus induuntur producere ipsum probasse satis erat, ut profanis suam impietatem illius systemate tegendi & fovendi omnis occasio tolleretur. Immo si Athei ad illius Philosophi dogmata attenderent, errores suos vel inviti agnoscerent. Nàmque si, Ethnicorum instar, materiam esse increatam audeant defendere, saltem asserere non sustinebunt illam potuisse unquam sese propriis viribus movere. Itaque Athei si verum creatorem agnoscere recusarent, verum motorem agnoscere saltem cogerentur. Verùm Philosophia vulgaris ipsis errorum alimenta satis suppeditat. Illa enim ipsis oggerit quasdam virtutes *impressas*, quasdam facultates motrices, uno verbo, nescio quam naturam, quæ est principium motus cuiusque rei; & quam

vis illius naturæ nullam habeant ideam distinctam, ipsos tamen juvat, propter cordis corruptionem, illam Deo substituere, ipsi tribuendo omnia mirabilia quæ videmus.

CAPUT V.

Explicatio placitorum Philosophiæ Aristotelis, ubi ostenditur illum nunquam observasse secundam partem regulæ generalis, & quatuor ipsius elementa & qualitates elementares examinantur.

UT Philosophia Cartesii cum Philosophiâ Aristotelis possit conferri, quid hic de elementis & corporibus naturalibus in genere senserit, brevier exponere operæ pretium est; Id autem juxta doctissimos continetur in quatuor ipsius Libris *de Cælo*. Nam octo ejus Libri Physices ad Logicam, vel si mavis, ad Metaphysicam potius pertinent quàm ad Physicam, in his enim nihil videas præter voces vagas & generales quæ in mente nullam ideam distinctam & specialem excitant. Quatuor isti Libri titulum habent *de Cælo*, quia cælum est præcipuum inter corpora simplicia de quibus agit.

Philosophus opus illud inchoat ab eo quod probat, mundum esse perfectum, hoc autem est ipsius argumentum. Omnia corpora tres habent dimensiones, plures habere nequeunt, nam numerus ternarius juxta Pythagoreos omnia complectitur; jam autem mundus est omnium corporum compages; ergo mundus est perfectus. Egregium sanè argumentum! quo etiam probari posset, mundum non posse esse imperfectiorem quàm actu est, quia non potest constare ex partibus quæ numerum dimensionum habeant ternario minorem.

In secundo capite ante omnia supponit veritates quasdam Peripateticas. 1. Omnia corpora naturalia per se habere vim sese movendi, quod nec ibi loci nec alibi ab ipso probatur; Quin, primo Capite secundi Libri Physices, affirmat eum fore ridiculum qui id probare contenderet; quia, inquit, res per se evidens est, ac ii duntaxat, qui id quod per se notum est ab eo quod per se notum non est dignoscere nequeunt, probare aggrediuntur id quod evidens est per id quod est obscurum. Sed alibi demonstratum est quàm falsum sit, corpora naturalia in se habere vim sese movendi, camque vim evidenter videri iis duntaxat qui ut Aristoteles sensuum impressiones sequuntur, & nullum rationis suæ adhibent usum.

2. Dicit omnem motum localem fieri secundum lineam vel rectam, vel circularem, vel compositam ex rectâ & circulari; at verò si ad

ea.

ea quæ temerariò profert attendere nolle, saltem oculos aperire debebat, & innumeros esse motus diversos qui nec constant ex recto neque ex circulari comperisset. Vel potiùs attendere debebat motus compositos ex motibus rectis, plures posse esse in infinitum, supponendo motus componentes augere aut minuere celeritatem suam mille diversis modis, ut ex suprà dictis videre est. Nulli, inquit, sunt motus simplices præter hos duos, rectum & circularem; ergo omnes motus ex hisce duobus constant. Verùm fallitur; motus circularis non est simplex; non potest concipi quin eodem tempore cogitetur de puncto ad quod relationem habet corpus motum potiùs quàm ipse motus, jam autem quicquid includit relationem, est relativum non simplex. Sed si definiatur motus simplex, ut definiri debet, ille qui semper ad eandem partem tendit, circularis motus esset infinitè compositus, quoniam ad diversas partes tendunt omnes circularis lineæ tangentés. Circulus relatè ad centrum definiri potest: sed perperam ageret qui de motus circularis simplicitate judicaret relatè ad punctum cuius respectu nullus est motus. Manifestò patet corpus quod movetur in circumferentiâ circuli non moveri relatè ad punctum mathematicum quod ipsius est centrum.

3. Dicit omnes motus simplices esse triplices, primum e centro, secundum versùs centrum; tertium circa centrum; sed falsum est ultimum esse simplicem, ut jam dictum est. Iterum falsum est nullos esse motus simplices præter eos qui sursum vel deorsum feruntur; nam omnes motus directi sunt simplices, sive accedant ad centrum, sive ab eo recedant, sive accedant ad polos, sive ab iis recedant, vel ab alio quovis puncto. Omne corpus, inquit, constat ex tribus dimensionibus. Ergo motus omnium corporum debet habere tres motus simplices. Quænam est relatio unius ad alterum, motuum simplicium ad dimensiones? Præterea omne corpus habet tres dimensiones, at nulum corpus habet tres motus simplices.

4. Supponit corpora esse vel simplicia, vel composita, & dicit simplicia ea esse quæ in se habent aliquam vim quâ moventur, ut ignis, terra, &c. & composita recipere motum suum ab iis ex quibus composita sunt. Sed hoc sensu nulla sunt corpora simplicia, nulla enim sunt quæ in se habeant aliquod principium motus sui. Nulla etiam sunt corpora composita, quia juxta hanc hypothésin, composita supponunt simplicia quæ non existunt. Hoc pacto nulla erunt corpora. Quàm ridiculum est corporum simplicitatem definire per potentiam sese movendi. Quis poterit distinctas alligare ideas hisce vocibus corporum simplicium & corporum compositorum, si corpora simplicia duntaxat definiantur per relationem ad vim sese movendi imaginariam? Sed videamus consequentias quas ex istis dogmatibus deducit. Motus circularis est motus simplex; Cælum movetur circulariter; ergo ipse motus est simplex. Jam autem nullus est motus simplex nisi corporis sim-

plicis, hoc est, corporis quod sese propriis viribus moveat: ergo Cælum est corpus simplex a quatuor elementis quæ secundum lineas rectas moventur distinctum. In toto hocce ratiocinio nihil nisi falsas & absurdas propositiones contineri satis patet. Alia ipsius videamus argumenta, multis enim, istque pessimis utitur ad probandam rem inuilem & falsam.

Secunda ratio quâ probare contendit Cælum esse corpus simplex a quatuor elementis distinctum, supponit esse motus duplicis generis, alterum naturalem, alterum verò *violentum*, seu contra naturam. Verum iis omnibus qui de rebus per ideas claras judicant clarè satis liquet, nullum esse motum violentum, seu contra naturam, siquidem corpora nullam habent per se naturam, aut principium motus sui, prout censet Aristoteles. Omnibus corporibus indifferens est, siue moveantur, & in quancunque partem moveantur, siue nullomodo moveantur. Aristoteles verò de omnibus per sensuum impressiones iudicans, corpora quæ legibus communicationis motuum in certo quodam situ, respectu aliorum corporum, semper collocantur, existimat ea sese in illo situ propriâ vi constituere; quia situs ille ipsis commodior & naturæ magis conformis est. Illud igitur est Aristotelis ratiocinium.

Motus circularis Cœli est vel naturalis vel contra naturam, si naturalis est, ut jam dictum est, Cœlum est corpus simplex distinctum a quatuor elementis, cum elementa non moveantur circulariter motu suo naturali. Si motus circularis est contra naturam Cœli, aut Cœlum est unum ex elementis, ut ignis, aut aliud quid. Cœlum non potest esse ullum ex elementis, nam, exempli gratiâ, si Cœlum esset igneum, cum motus naturalis ignis tendat sursum, Cœlum haberet duos motus contrarios, motum circularem & motum illum sursum tendentem; quod fieri nequit, cum corpus unum non possit habere duos motus contrarios. Si Cœlum sit aliud aliquod corpus quod non moveatur circulariter naturâ suâ, aliquem alium habebit motum naturalem, quod fieri nequit, namque si motu suo sursum feratur, erit vel ignis, vel aer; si deorsum erit aqua, vel terra: Ergo, &c. Omnes horum ratiociniorum absurditates hîc speciatim indicare superfedeo. In genere tantum asseram quæcunque hîc loquitur Aristoteles, nihil distincti significare, & in iis nihil veri, immo nullam legitimam contineri conclusionem. Tertia ipsius ratio hæc est.

Primus & perfectissimus omnium motuum simplicium, debet esse motus corporis simplicis, immo primi & perfectissimi inter corpora simplicia. Sed motus circularis est primus & perfectissimus motuum simplicium; quia omnis linea circularis est perfecta, nulla verò linea recta talis est. Nam si finita est, ipsi aliquid addi potest: Si infinita, nondum perfecta est, quia fine caret, & res perfectæ non sunt, nisi ubi finitæ sunt. Ergo motus circularis est primus & perfectissimus motuum.

motuum. Ergo Cœlum quod circulariter movetur est simplex, est primum & perfectissimum corporum simplicium. Hæc est quarta ipsius ratio.

Omnis motus est naturalis vel non, & omnis motus qui non est naturalis quibusdam corporibus, naturalis est quibusdam aliis. Videmus motus deorsum & sursum tendentes quibusdam corporibus esse naturales, quibusdam verò non. Nam ignis naturâ suâ non descendit, sed terra naturâ suâ descendit. Jam autem motus circularis non est naturalis quatuor elementis: oportet igitur esse aliquod corpus simplex cui motus ille sit naturalis. Ergo Cœlum quod circulariter movetur, est corpus simplex a quatuor Elementis distinctum.

Denique motus circularis vel naturalis est vel *violentus* alicui corpori. Si naturalis, corpus illud simplex & perfectissimum esse debere evidens est; si non naturalis, mirum est quòd ille motus semper dureret; cum experientia testetur omnes motus non naturales diu non durare. Ex his igitur rationibus concludendum est esse aliquod aliud corpus separatum ab iis omnibus quæ nos ambiunt, quod eò perfectioris naturæ est, quò a nobis magis distitum est. Sic ratiocinatur Aristoteles. Verùm cum illius Interpretum periculis ausim contendere, ipsum nullas unquam esse alligaturum ideas distinctas vocibus quibus utitur; nec ostensurum Aristotelem incipere a rebus simplicissimis, antequam ad maximè complexas procedat. Quod ad rectè ratiocinandum planè necesse est, ut jam probatum fuit.

Nisi Lectoribus fastidium parere metuerem; aliquot adhuc Aristotelis capita transcriberem; sed præterquam quòd ipsius placita, quum vocibus claris & sermone vulgari exprimuntur inepta omnibus videntur, ex suprâ dictis satis liquet ipsius rationem philosophandi esse prorsus iuventem ad veritatem inquirendam. Etenim, cum ipse fateatur quinto Capite istius Libri, eos qui ab initio aliquâ in re hallucinantur, multò immo infinitè magis hallucinatos esse si plura proferant, hinc manifestum est neminem sine maximo erroris periculo posse ipsius authoritati sine examine cedere, cum duo prima Capita Libri ipsius sint absurda. Verùm ut res extra omne dubium constitutur, in hoc primo Libro nullam esse caput in quò aliqua non includatur absurditas ostendam.

Tertio Capite dicit Cœlos esse incorruptibiles & omnis alterationis expertes; istius propositionis multa proferuntur argumenta perquam inepta; quia, exempli gratiâ, ibi est habitatio Deorum immortalium, & quia in illis nulla unquam observata fuit immutatio. Postrema ista ratio posset adiri, si Aristoteles testaretur aliquem inde rediisse, vel ad corpora cœlestia proximè satis accessisse, ad eorum mutationes accuratè observandas. Immo nescio an quisquam ipsius authoritati nunc cederet, quia telescopia contrarium testantur.

Quarto Capite motui circulari nullum esse motum contrarium probare.

bare conatur, cum tamen motus ab Oriente ad Occidentem manifestò contrarius sit motui ab Occidente versùs Orientem.

Quinto Capite corpora non esse infinita perperam probat, quia argumentum suum deducit ex motibus corporum simplicium; quid enim obstat quominus supra primum mobile ab ipso fictum sit adhuc alia extensio sine motu.

Sexto Capite probando elementa non esse infinita tempus frustra consumit. Quis enim id in dubium vocet, si cum ipso supponat elementa includi in Cœlo quod illa circumdat. Verùm dum id probat per illorum gravitatem & levitatem, certè ludibrium debet. Si, inquit, elementa essent infinita, daretur gravitas & levitas infinita, id fieri nequit; Ergo, &c. Qui ipsius argumentum fusiùs explicatum videre optaverint, illud in ipsius Libris legant. His immorari me piget.

Septimo pergit probando corpora non esse infinita; & primum ipsius argumentum supponit, necesse esse omne corpus esse in motu; quod non probat, nec probari potest.

Octavo multos non esse mundos ejusdem speciei hac egregià ratione defendit, quòd si alia esset terra ab eà quam habitamus, cùm terra sit gravis naturà suà; terra illa in nostram delaberetur quia nostra est centrum quò decidere debent omnia corpora gravia. Unde hoc accepit nisi a sensibus?

Nono multos mundos existere nequidem posse; quia si esset aliquod corpus supra cœlum, esset simplex vel compositum; in statu naturali, aut violento, quod esse nequit tribus rationibus quas haurit ex tribus speciebus motus, de quibus jam dictum est.

Decimo mundum æternum esse asserit, quia fieri nequit ut inceperit existere & semper duret; cùm videamus quicquid incipit esse temporis successu corrumpi. Id accepit quidem a sensibus. Sed unde accepit mundum esse semper duraturum?

Totum undecimum Caput infumit explicando quid intelligatur per incorruptibile, quasi æquivocatio hinc esset periculosa, & magnum explicationis suæ esset admissurus usum. Attamen vox illa *incorruptibile* adeo clara est per se, ut Aristoteles negligat explicare quid per eam sit intelligendum, & quid ipse intelligat. Prudentius fecisset si innumeras explicasset voces quibus utitur, quæ nihil præter ideas sensibiles excitant: namque hoc pacto ex ipsius operum lectione aliqua forsàn reddisset utilitas.

Denique ultimo Capite primi istius Libri de Cœlo mundum esse incorruptibilem ostendere conatur, quia fieri nequit illum incepisse & tamen semper durare. Omnia, inquit, subsistunt per tempus finitum vel infinitum. Sed quod infinitum est duntaxat uno sensu, nec est infinitum nec finitum. Ergo nihil potest subsistere hoc modo.

Atque

Atque sic ratiocinatur *Princeps Philosophorum, & genius natura*; qui cum deberet veram effectuum naturalium causam patefacere per ideas claras & distinctas, Philosophiam Ethnicam statuit, sequendo falsas & confusas sensuum ideas, vel ideas generiores quàm ut veritati inservire possint.

Hic Aristotelem non carpo, quòd ignoraverit mundum a Deo in tempore creatum fuisse, ad manifestandam ipsius potentiam & summum in res creatas imperium, illum mundum nunquam a Deo destructum iri, ut pateat ipsum, utpote immutabilem, consiliorum suorum nunquam poenitere. Sed Aristoteli ignoscere nequeo, dum invalidis probat rationibus mundum existisse ab æterno. Si in sententiis quas defendit videatur aliquando excusabilis, saltem in rationibus quas profert, dum de rebus paulò difficilioribus agit, excusari nunquam potest. Ex suprà dictis id jam satis constat; Licet omnes errores in illis ipsius libris mihi obvios hic non recensuerim, & ipsius sententias clariùs exposuerim quàm illas exponere solet.

Verùm ut luce meridianâ clariùs pateat *genium natura* ipsius arcana nunquam esse revelaturum, operæ pretium est ostendere, placita quibus utitur Philosophus ille ad explicandos naturæ effectus omni soliditate carere.

In Physicâ nil quicquam posse retegì manifestum est, nisi initium fiat a corporibus simplicissimis, hoc est, ab elementis: namque elementa sunt corpora in quæ cætera resolvuntur, quia in ipsis continentur, aut actu, aut potentiâ; Aristoteles sic definit elementa. Verùm in illius operibus non reperias ipsum per ideam distinctam explicuisse hæc corpora simplicia in quæ cætera resolvi existimat: cum itaque elementa ipsius clarè non cognoscantur, naturam corporum quæ ex iis constant cognosci non posse hinc sequitur.

Quatuor esse elementa, ignem, aërem, aquam, & terram, dicit quidem Philosophus. Sed eorum naturam clarè non explicat; nullam eorum ideam distinctam tradit; nequidem existimat illa quæ statuit elementa esse ignem, aërem, aquam & terram quæ videmus, si enim id sic se haberet, saltem aliquam haberemus illorum cognitionem per sensus nostros. Conatur quidem in multis operum suorum locis elementa explicare per qualitates caloris & frigoris, humiditatis & siccitatis, gravitatis & levitatis. Verùm hæc ratio illa explicandi ita insulsa & inepta est, ut stupendum sit tot viros eruditos in illâ acquievisse. Atque illud jam sum ostensurus.

Aristoteles in Libro suo *de Cælo*, existimat terram esse in centro mundi, & omnia corpora quæ simplicia appellare amat moveri debere motibus simplicibus, quia supponit ea per se naturâ suâ moveri. Præter motum circularem, quem simplicem esse defendit, & quo probat cælum esse corpus simplex, quia supponit illud moveri circulariter, asserit duos duntaxat esse simplices; alterum deorsum tendentem, seu a

Malebrancii de Inquis. Verit. Tom. II.

I circum-

Loquor secundum
Peripateticorum sententiam
cap. 3. L. 3.
de Cælo.

circumferentiâ ad centrum, alterum sursum, seu a Centro versùs circumferentiam. Afferit præterea istos motus simplices corporibus simplicibus competere, ac ideo terram & ignem esse corpora simplicia, quorum alterum omnino grave est, alterum verò omnino leve. Quia verò gravitas & levitas corpori possunt competere vel adæquatè vel inadæquatè, concludit esse adhuc duo elementa, seu duo corpora simplicia, quorum alterum leve est inadæquatè duntaxat, alterum verò grave inadæquatè, nempe aquam & aërem. Atque sic probat esse quatuor elementa, nec esse plura.

Iis qui hominum opiniones propriâ ratione examinant manifestum est, hæc omnes propositiones esse falsas, vel saltem haberi non posse ut axiomata clara & indubitata, quorum suppetant idæ clare & distinctæ, quæque Physicæ fundamentum esse possint. Numerum elementorum per qualitates imaginarias gravitatis & levitatis statuere velle, dicendo duntaxat & sine argumento, esse quædam corpora gravia, alia verò levia naturâ suâ, certè omnem absurditatem superat. Etenim, si res nullo argumento innixas deblaterare unusquisque velit, facile erit dicere omnia corpora esse gravia naturâ suâ, & eò tendere ut accedant ad centrum mundi, hoc est, ad locum quietis suæ; alius verò contrâ poterit defendere omnia corpora esse levia naturâ suâ, & eò tendere ut versùs Cælum extollantur, tanquam versùs locum perfectionis suæ. Namque si quis ei objiciat qui dixerit omnia corpora esse gravia naturâ suâ, aërem tamen & ignem esse leves, statim respondebit, ignem & aërem non esse leves, sed esse quidem minùs graves quàm aquam & terram, & hanc ob causam videri leves: De his elementis non secus se habere ac de ligno quod leve videtur in aquâ, non quòd per se leve sit, cum in terram decidat quando est in aëre, sed quia aqua gravior ligno se submittens illud sustinet & extollit.

Si contrâ ei objiciatur qui omnia corpora esse levia naturâ suâ dixerit, terram & aquam esse tamen graves, pariter respondebit, hæc corpora videri gravia, quia æquè levia non sunt ac cetera quibus ambiuntur. Lignum, exempli gratiâ, videri grave ubi est in aëre, non quòd sit grave per se, cum ascendat ubi est in aquâ, sed quia aëre minùs leve est.

Ridiculum ergo est supponere ut axiomata indubitata, corpora esse levia aut gravia naturâ suâ. Immo nullum corpus in se habere vim sese movendi evidens est; ac perinde esse si moveatur sursum aut deorsum, ab Oriente versùs Occidentem, vel ab Occidente ad Orientem, a Polo Meridionali ad Septentrionalem, aut alio quovis modo.

Sed concedamus Aristoteli esse quatuor elementa qualia illa statuit, quorum duo gravia sint, duo verò levia naturâ suâ, nempe, ignem, aërem, aquam & terram. Quid inde consequetur ad Naturæ cognitionem?

tionem? Quatuor hæc Elementa non sunt ignis, aer, aqua & terra quæ videmus; aliud prorsus est. Illa sensibus non cognoscimus, multò minùs ratione, cum illorum nullam habeamus ideam. Equidem concedam omnia corpora naturalia ex istis elementis esse composita; etenim id dixit Aristoteles. Sed natura istorum corporum compositorum nobis nota non est; & illa cognoscere non possumus, nisi priùs cognoscamus quatuor elementa, seu corpora simplicia ex quibus constant, compositum enim cognosci nequit nisi per simplex.

Ignis, inquit Aristoteles, est levis naturâ suâ. Motus sursum tendens est motus simplex, ergo ignis est corpus simplex, cum motus debeat proportionem æquari cum mobili. Corpora naturalia constant ex corporibus simplicibus; ergo est ignis in omnibus corporibus naturalibus, sed igni illi quem videmus nequaquam similis; namque sæpe est in potentia duntaxat in corporibus quæ ex illo componuntur. Quid, quæso, ex Peripateticis illis ratiociniis addiscimus? Ignem, scilicet, esse in omnibus corporibus sive *actualement*, sive *potentialement*; hoc est, omnia corpora constare ex re quæ conspicua non est & cuius natura non cognoscitur. Atque hoc egregium ex Aristotelis lectione emolumentum!

At si Aristoteles nos non doceat naturam ignis & aliorum elementorum ex quibus omnia corpora constant, forsitan quis posset existimare illorum qualitates & præcipuas proprietates ab ipso saltem explicari; hoc est quod jam examinandum venit.

Asserit esse quatuor præcipuas qualitates ad tactum pertinentes, calorem, frigus, humiditatem & siccitatem, ex quibus cæteræ omnes constant; atque hoc ordine quatuor elementis hæc primas qualitates distribuit. Igni calorem & siccitatem, aëri calorem & humiditatem, aquæ frigus & humiditatem, terræ frigus & siccitatem tribuit. Asserit calorem & frigus esse qualitates activas, ut siccitas & humiditas sunt qualitates passivæ. Calorem definit, id quod congregat res homogeneas, frigus, id quod congregat omnia sive homogenea, sive heterogenea; humidum, id quod non continetur facile propriis terminis, sed facile alienis; & siccum, id quod continetur facile propriis terminis, nec facile accommodatur terminis corporum ambientium.

Itaque, secundum Aristotelem, ignis est elementum calidum & siccum: Ergo est elementum quod congregat res homogeneas, & facile continetur propriis terminis, difficile vero alienis. Aer est elementum calidum & humidum; ergo est elementum quod congregat res homogeneas, nec facile continetur propriis terminis, facile vero alienis. Aqua est elementum frigidum & humidum; Ergo est elementum quod congregat res homogeneas & heterogeneas, nec facile continetur propriis terminis, sed facile alienis. Denique Terra est frigida & sicca; ergo est elementum quod congregat res homogeneas & heterogeneas, quod facile continetur propriis terminis, & sicilicet vero accommodatur alienis.

Hæc sunt Elementa explicata juxta sententiam Aristotelis, vel juxta definitiones quas tradidit de illorum præcipuis qualitatibus : Quia verò, si ipsi credimus, Elementa sunt corpora simplicia, ex quibus cætera constant, & illorum qualitates sunt qualitates simplices, ex quibus cæteræ componuntur; cognitio horum elementorum & illarum qualitatum debet esse admodum clara & distincta, cum tota Physica, hoc est, cognitio corporum sensibilibus, quæ ex iis constant, independeat.

Videamus igitur quid in illis principiis desideretur. Primò, Aristoteles nullam ideam distinctam alligat voci qualitatis. Dubium est an per qualitatem intelligat ens quoddam reale distinctum à materiâ, an verò duntaxat modificationem materiæ. Vocem illam aliquando uno sensu, aliquando verò alio intelligere videtur. Octavo quidem Capite de Cathgoriis qualitatem definit, id quod efficit ut res dicantur tales, verum id non est propriè quod quæritur. Secundò, definitiones quas dat quatuor primarum qualitatum, caloris, frigoris, humiditatis & siccitatis omnes sunt falsæ, aut inutiles. Sic definit calorem. *Calor est id quod congregat homogenea.*

Primò, hac definitione caloris natura adæquatè non explicatur, licet verum esset calorem semper congregare homogenea.

Secundò, falsum est calorem congregare homogenea. Calor partes aquæ non congregat, illas potius in vapores dissipat. Non congregat partes vini, nec partes cujuslibet alius liquoris, seu corporis fluidi; immo nec partes argenti vivi. Contrà omnia corpora solida & fluida homogenea & heterogenea resolvit & disgregat. Ac si quædam sint quorum partes ignis non possit dissipare, id non fit quòd sint ejusdem naturæ, sed quia sunt crassiores & solidiores quàm ut possint abripi motu partium ignis.

Tertiò, ut dicam quod res est, calor non potest congregare nec disjungere partes ullius corporis, sive homogenei, sive heterogenei. Ut enim congregentur, dissipentur, separentur partes alicujus corporis, necesse est movere illas. Jam autem calor nihil potest movere; Vel saltem calorem posse movere corpora evidens non est; Etenim, ad caloris naturam quantumvis attendam, deprehendere nequeo illum cum corpore communicare motum quem ipse non habet, videmus quidem ignem movere & separare partes corporum sibi obviarum, sed id forsitan non fit ipsius calore, immo ignem calore præditum esse evidens non est. Id potius fit perpetuâ illius partium actione, quas in perpetuo motu esse manifestum est. Evidens est partes ignis, si in aliquod corpus incidunt, cum ipso communicare debere aliquam partem motus sui; sive sit calor in igne, sive non. Si partes istius corporis sunt parum solidæ, ignis illas dissipare debet, si sint admodum solidæ & crassæ, ignis eas tantum movebit, & efficiet ut mutuò sese confricent; Denique si corpus illud ex partibus sub-

subtilibus & crassis simul mistis conflet, ignis eas tantum dissipabit quas satis impellet ut ab aliis separentur. Itaque ignis duntaxat potest separare; ac, si congreget, id fit duntaxat per accidens. Verum Aristoteles contrarium plane sentit. *Disjungere*, inquit, *quod nonnulli igni tribuunt, nihil aliud est quam congregare homogenea; namque per accidens duntaxat ignis effert res heterogeneas.* De Gen. & Corr. l. 2. c. 2.

Si Aristoteles ab initio distinxisset sensum caloris a motu particularum, ex quibus constant corpora calida dicta, ac postea definivisset calorem acceptum pro motu partium, dicendo calorem esse id quod agitat & separat partes invisibiles ex quibus constant corpora visibilia, definitionem caloris tradidisset non rejiciendam. Illa penitus satis non fieret; quia præcisè non explicaret naturam motuum corporum calidorum.

Aristoteles frigus definit, *id quod congregat corpora homogenea & heterogenea.* Iterum hæc definitio non est legitima, falsum enim est frigus congregare corpora. Ut corpora congregentur, necesse est illa movere, jam si ratio ausculetur, frigus non posse movere evidens erit. Revera per frigus intelligimus vel id quod sentimus dum frigemus, vel id quod gignit sensum frigoris. Jam autem clarum est sensum frigoris nihil posse movere, cum nihil possit pellere. Quod verò gignit frigoris sensum, evidens est, si res æquâ judicii lance perpendatur, illud nihil aliud esse quam quietem aut cessationem motus. Itaque cum frigus in corporibus nihil aliud sit quam cessatio illius motus qui calorem gignit, evidens est, si calor separet, frigus non separare. Itaque frigus nec res homogeneas nec heterogeneas congregat, quod enim nihil potest pellere, nihil etiam potest congregare, uno verbo, cum nihil agat, nihil congregat.

Aristoteles de rebus per sensus judicans, frigus æquè positivum esse ac calorem arbitratur, quia sensationes caloris & frigoris sunt ambæ reales & positivæ; atque etiam duas illas qualitates activas esse existimat. Reipsa si impressiones sensuum sequamur, frigus esse qualitatem activam merito credimus; cum aqua frigida congelet, congreget & obduret unico momento aurum & plumbum liquefacta, postquam e fornace super modicam aquæ portionem infusa fuerit, quamvis calor istorum Metallorum satis adhuc vehemens sit ad separandas partes corporum quæ tangunt.

Ex his quæ a nobis de erroribus sensuum Primo Libro dicta sunt, patet eum qui sensibus duntaxat utitur ad examinandas qualitates corporum sensibilium, nullam unquam posse retegere veritatem certam, quâ uti possit veluti axiomate ad cognoscendam naturam. Hac enim viâ nequidem deprehendere possumus quænam sint calida, quænam verò frigida. Ex multis hominibus qui manus admovent aquæ tepidæ, alii illam calidam, alii verò frigidam sentiunt, Qui calent illam reperiunt frigidam, qui frigent illam

sentiunt calidam. Ac si pisces sensûs capaces esse supponantur, verisimile est aquam ipsis calidam videri, dum hominibus frigidissima videtur. De aëre, res non secus se habet, juxta varias corporis dispositiones, calidus aut frigidus videtur. Aristoteles illum esse calidum existimat, verum haud putem Septentrionis incolas cum ipso hac in re sentire, cum etiam complures docti, quorum regio non est minus calida regione Græciæ asseruerint aërem esse frigidum. Verum hæc quæstio, quæ in Scholâ magni momenti semper visa fuit, nunquam decidetur, quin prius idea distincta voci caloris alligetur.

Definitiones caloris & frigoris ab Aristotele traditæ neutrius ideam possunt determinare. Aër, exempli gratiâ, & aqua ipsa quantumvis calida & fervida, congregant partes plumbi liquefacti, cum paribus cujuslibet alius Metallii. Aër congregat omnes adipēs junctas resinis, & quibuslibet aliis corporibus solidis. Ac cernè is tenax Peripateticus esset qui lino collam aëri exponeret ad separandum cinerem a pice, aut quædam alia corpora composita ad ea decomponenda, si fas sit ita loqui. Aër igitur non est calidus juxta definitionem caloris ab Aristotele traditam. Aër separat liquores a corporibus iis imbutis, inducat lumen, lintea expansa exsiccet, quamvis Aristoteles illum dicat humidum; ergo aër est calidus secundum eandem definitionem. Hæc igitur definitione non potest determinari an aër sit calidus, necne. Possumus quidem asserere aërem esse calidum respectu luti, cum separaret aquam a terrâ cui conjuncta est. At verò an erunt explorandi omnes aëris effectus in omnia corpora, ut sciamus an sit calor in aëre quem respiramus. Si sic procedatur res nunquam certa evadet. Itaque multò tutius est non philosophari de aëre quem respiramus; Sed de quodam aëre puro & elementari, qui in hac sublunari regione non reperitur; & asserendum est positivè, ut Aristoteles asserit, illum esse calidum; nec ad id probandum opus est argumentis, immo quid per illum aërem illiusque calorem intelligatur perinde esse debet. Namque hoc pacto tradentur dogmata, quæ difficile erit evertere; non propter ipsorum evidentiam & soliditatem, sed quia obscura sunt, & speciosis similia, quæ lædi nequeunt, quia corpore sunt destituta.

Definitionibus ab Aristotele traditis de humiditate & siccitate hic non immoror, quia illarum qualitatum naturam hæc definitionibus non explicari evidenter satis patet. Namque secundum hæc definitiones ignis non est siccus, cum propriis terminis facile non contineatur; glacies non est humida, quippe quæ propriis terminis facile contineatur, & alienis non nisi difficulter accommodetur. Glacies quidem non est humida, si per *humidum* intelligatur *fluidum*; Verum si res sic intelligatur, dicendum est flammam esse admodum humidam æquè ac aurum & plumbum liquefacta. Verum quoque est glaciem non esse humidam, si per *humidum* intelligatur id quod rebus quas tangit

tangit faciliè adhæret : sed hoc sensu , pix , adeps , & oleum aquâ multò humidiora sunt , cùm corporibus quæ attingunt tenaciùs adhæreant quàm aqua. Eo sensu argentum vivum est humidum , nàmque metallis adhæret ; & ipsa aqua non est perfectè humida , nam plerisque metallis non adhærescit. Itaque ad defendendas Aristotelis opiniones nequidem ad sensuum testimonium confugiendum est.

Verùm a longiori egregiarum istius Philosophi definitionum circa quatuor qualitates elementares examine supersedeamus : & supponamus etiam quæcunque a sensibus circa hæc qualitates accipimus vera esse. Fidem nostram denuo excitemus , & hæc definitiones esse perquam legitimas credamus. Videamus duntaxat an revera omnes qualitates corporum sensibilibus consent ex hæc qualitatibus elementaribus. Id censet Aristoteles , meritò quidem , cùm quatuor hæc primas qualitates habeat tanquam principia rerum , quas in Libris Physices nobis est explicaturus.

Nos igitur docet colores generari ex commissione quatuor qualitatum elementarium. Album fieri , ubi humiditas superat calorem , ut in senibus qui canescunt ; nigrum , ubi humiditas exsiccat , ut in muris cisternarum ; & sic de ceteris coloribus ; odores & sapes etiam fieri per variam *siccæ & humidæ* commissionem calore & frigore factam ; immo gravitatem & levitatem ab iis pendere. Uno verbo juxta Aristotelem , necesse est omnes qualitates sensibiles produci a duabus qualitatibus *activis* calore & frigore , & constare ex duabus *passivis* humiditate & siccitate ; ut inter ipsius principia & consequentias quas ex iis deducit , quædam sit verisimilis connexio.

Hæc omnia tamen cæteris a nobis hæcenus ex Aristotele allatis creditu difficiliora videntur. Vix credibile est terram & alia elementa non fore colorata aut visibilia , si essent in puris naturalibus , sine ullâ admissione qualitatum elementarium ; licèt docti Interpretes istius Philosophi id nobis afferant. Quid sibi velit Aristoteles non satis mihi notum est , dum canitiem capillorum ex humiditate oriri dicit , quia humiditas senum ipsorum calorem superat ; licèt , ut illius mentem meliùs possim assequi , definitionem posuerim loco definiti. Quis propositionem adeo absurdam posset intelligere ; capillos , scilicet , canescere in senibus , quia *id quod non facile continetur propriis terminis sed alienis* superat *id quod congregat homogenea* ? Haud putem saporem ab ipso aptiùs explicari , ubi dicit illum consistere in conjunctione siccitatis , humiditatis & caloris , præcipuè quum hæc vocibus adaptantur & substituuntur definitiones ab Aristotele traditæ , ut id fieri oporteret , si essent bonæ. Immo forsân risum vix ille posset tenere , qui loco definitionum famis & sitis quas tradit Aristoteles dicendo famem esse appetitum *validi & siccæ* , suum verò appetitum *frigidi & humidæ* , Lib. 1. c. 3. substitueret definitiones harum vocum appellando famem , *desiderium* de anima. *illius quod congregat homogenea* , & *illius quod facile continetur propriis terminis*.

terminis, difficile verò alienis, & definiendo sitim, desiderium illius quod congregat homogenea & heterogenea, quòque quamvis propriis terminis facile non contineatur, alienis tamen facile continetur.

Certè lex est utilissima ad cognoscendum an voces fuerint bene definitæ, & ad vitandum errorem in ratiociniis nostris, definitionem definito substituere. Hac enim ratione deprehenditur an voces sint æquivocæ, & mensuræ relationum falsæ & imperfectæ, an verò ratiocinia sint legitima. Hoc posito, quid sentiendum erit de ratiociniis Aristotelis, quæ nihil sunt quàm inanis & absurda verborum farrago, ubi juxta hanc regulam examinantur? Quid pariter dicendum erit de iis omnibus qui juxta ideas sensuum falsas & confusas duntaxat ratiocinantur, cum hæc regula quæ ratiociniis justis & solidis lucem & evidentiam conciliat, nihil præter confusionem ipsorum dictis afferat.

Totam ineptiam & absurditatem explicationum Aristotelis circa res quaslibet exponere nemo potest. Ubi quæ tractat simplicia sunt & facilia, ipsius errores sunt simplices, nec magno negotio possunt deprehendi. Ubi verò quæstiones compositas & ex multis causis pendentes explicare aggreditur, ipsius errores non minùs, ne quid dicam amplius, compositi sunt, quàm res quas tractat, nec possunt ipsi errores satis enucleari ut clarè aliis exponantur.

Sublime illud ingenium a quo ita eximie ad bene definiendum regulæ traditæ existimantur, nequidem novit quænam sint definienda; cum enim nullam admittat distinctionem inter cognitionem claram & distinctam, & cognitionem sensibus hausitam, res quarum nequidem habet ideam distinctam cognoscere autumat, & aliis explicare satagit. Definitiones rerum naturam debent explicare, & voces ex quibus constant ideas distinctas & speciales in mente excitare debent. Verùm qualitates sensibiles caloris, frigoris, coloris, saporis, &c. hoc pacto explicari nequeunt, ubi effectus cum causâ, motus corporum cum sensatione quæ illum comitatur, confunduntur: cum enim sensationes sint modificationes mentis, quæ non cognoscuntur per ideas claras, sed tantùm per sensum internum, seu conscientiam, ut tertio Libro exposui, ideas quas non habemus vocibus adaptare nequimus.

Cum ideas distinctas circuli, quadrati, trianguli, & eorum hoc pacto cognitionem distinctam habeamus, ea etiam accuratè definire possumus; immo ex ideis quas habemus de illis figuris possumus deducere omnes illarum proprietates, & eas vocibus clavis & distinctis aliis explicare: Sed calor & frigus, quatenus sunt qualitates sensibiles, explicari nequeunt, quippe non distinctè & per ideam, sed tantùm conscientia vel sensu interno cognoscuntur.

Calor qui est extra nos non debet pariter defini per effectus quosdam, nam si illius loco substituitur definitio quæ ipsi affingetur, satis patebit hanc definitionem menti in errorem injiciendæ duntaxat infer-

vire

vire posse. Si, exempli gratiâ, calor definiatur id quod congregat homogenea, nihil addendo præterea, juxta hanc definitionem, pro calore accipi poterunt res illi prorsus abfimiles. Magnes dici poterit coacervare scobem seu ramentum ferri, illudque ab argenti ramento separare, quia calidus est: Columbam semen cannabinum ab alio grano separare, quia columba est calida: Avarum nummos aureos ab argenteis secernere, quia ipse calet. Denique si quis eò stupiditatis deveniret ut hanc sequeretur definitionem, nullo errore non implicaretur. Hæc igitur definitio caloris naturam non explicat, nec illius ope possunt deduci caloris proprietates: quippe si ipsius vocibus præcisè adhæreamus, definitionemque in definiti locum substituamus, in absurditatem ruemus.

Si tamen calor ab ipsius causâ accuratè distinguatur, licèt non possit definiri, quippe quæ sit modificatio mentis cujus nullam habemus ideam, illius tamen causa potest definiri, quia motus ideam habemus distinctam. Sed observandum est calorem acceptum pro tali vel tali motu in nobis caloris sensationem non semper gignere. Nam aqua, exempli gratiâ, est calida, cùm ipsius partes sint fluidæ & in motu, & verisimile sit illam piscibus esse calidam, cumque saltem calidior sit glacie cujus partes sunt in majori quiete; sed frigida est respectu nostri, quia partes ipsius minùs moventur quàm partes corporis nostri; quippe quod minorem habeat motum quàm aliud, dici potest esse in quiete respectu alterius. Itaque relatè ad motum fibrarum corporis nostri non definienda est causa caloris, aut motus qui eum excitat; motus ille, si fieri possit, absolutè & in se definiendus est. Tunc definitiones quæ de ipso trahuntur ad patefaciendum naturam & proprietates caloris inservire poterunt.

Longiori, ni fallor, Aristotelicæ Philosophiæ examine abstinere possum; nec erroribus illius admodum confusus & intricatis expediendis diutius insistere operæ pretium est. Philosophum illum quatuor elementa a se posita nec probare, nec bene definire; ipsius qualitates elementares tales non esse quales illas existimat, earum naturam ab ipso non cognosci; & omnes qualitates secundas ex iis non constare; ac denique, licèt ipsi concederetur ex quatuor istis elementis omnia corpora esse composita, ut illorum qualitates secundas, totum ipsius systema fore tamen inutile, ad inquirendam veritatem, quia ipsius idæ satis non sunt claræ ad evidentiam in ratiociniis nostris semper conservandam, clarè satis demonstrasse mihi videor.

Si quis me veras Aristotelis opiniones non explicuisse suspicetur, potest rem comperire ex ipsius Libris de *Cælo*, & de *generatione & corruptione*. Hinc enim exscripsi quæcunque suprâ a me dicta sunt. De octo Libris *Phylices* nihil asserre volui, quia non pauci docti existimant illos esse meram Logicam; quod a verisimili non abhorret, cùm ibi nihil præter voces vagas & indeterminatas reperiatur.

Malebranchii de Inquisit. Verit. Tom. II.

K

Cum

Cùm Aristoteles sibi sæpe contradicat, & quælibet opiniones possint defendi quibusdam locis ex ipso depromptis, mihi dubium non est quin ex ipso Aristotele possint probari quædam sententiæ iis contrariæ quæ ipsi a me fuerunt attributæ. Verùm hanc rem meam non facio. Sufficit dicta mea ex Libris Aristotelis modò citatis probari posse. Immo an Libri illi Aristotelis sint nunc parum sollicitus sum, illo qualis est, & qualis vulgò admittitur utor; quippe eorum quæ parvi facimus genealogiam anxie disquirere futile foret; præter quàm quòd hoc est factum quod nunquam bene elucidari poterit, ut videre est ex *Peripareticis* Patricii *Discussionibus*.

CAPUT VI.

Præcepta generalia necessaria ut ordine procedatur in inquirendâ veritate & in deligendis scientiis.

ME in hoc opere duntaxat destruere, nihil verò certi & indubitati statuere, ne quis objiciat; ordinem in Studiis erroris vitandi gratiâ observandum a me hîc breviter exponi; immo nonnullas veritates & scientias maximè necessarias, in quibus talis sit evidentia ut assensus cohiberi nequeat, sine internis rationis objurgationibus, a me indicari operæ pretium est. Hâcce veritates & scientias susè non explicabo, res ab aliis jam peracta est, aliorum opera typis denuo mandare non est animus, sufficiet mihi Lectorem ad illa amandare. Ordinem duntaxat ostendam observandum in studio illorum librorum, ut evidentia in perceptionibus semper conservetur.

Cognitionum nostrarum prima est cognitio existentie mentis nostræ; omnes nostræ cogitationes illam existentiam invictè demonstrant, namque evidentissimum est ut quod maximè, id quod actu cogitat esse actu quid, seu actu existere. Verùm si mentis existentia faciliè cognoscatur, ipsius essentia & natura æquè faciliè non cognoscitur. Si qualis sit scire velimus, cavendum est ne illam confundamus cum rebus quibuscum colligata est. Si dubitemus, velimus, ratiocinemur, tantummodo credendum est mentem esse rem quæ dubitat, vult, & ratiocinatur, nihil præterea, quandiu alias in eâ non deprehenderimus proprietates; mentem enim nostram, non cognoscimus nisi sensu interno quem de illâ habemus. Mens accipienda non est pro corpore, pro sanguine, pro spiritibus animalibus, pro igne, nec pro innumeris aliis rebus quas Philosophi pro animâ acceperunt. De itente id duntaxat credendum est quod de illâ non credere non possumus, cuiusque planè convincimur sensu interno quem de nobis habemus, nam alioqui

alioqui falleremur. Itaque simplici visu seu sensu interno cognoscemus quicquid de mente cognosci potest, nec adigemur ad ratiocinia errori obnoxia. Ubi enim ratiocinamur, memoria nostra agit; jam autem ubi agit memoria, potest esse error, supponendo esse aliquem genium a quo in cognitionibus nostris pendeamus, quique nos decipiendo delectetur.

Si, exempli gratia, supponerem Deum aliquem in eo delectari ut me decipiat, eum me tamen in cognitionibus simplicis intuitus decipere non posse persuasus sum, veluti quum cognosco me esse, me cogitare, & bis duo esse quatuor. Etsi enim talem Deum, & quantumvis potentem fingerem, percipio tamen, nonobstante absurdâ illa suppositione, me quin sim, & quin bis duo æqualia sint numero quatuor nequaquam dubitare posse, quoniam ista simplici intuitu & absque usu memoriæ cognosco.

Quando autem ratiocinor cum ratiociniorum meorum axiomata clare & evidenter non videam, & ea me evidenter vidisse tantum meminerim, si *Deus ille* memoriam istam falsis axiomatibus connecteret, ut id, si vellet, efficere posset, falsò tantum ratiocinarem. Eo ferè modo quo ii qui longas instituunt computationes, se, quòd aliàs cognoverint novies novem esse 72, vel 21. esse numerum primum, vel alicujus similis erroris probè meminisse sæpe autumant.

Sic igitur Deum, eumque nullomodo deceptorem agnoscere necesse est, si planè convinci & certiores esse velimus quòd certissimæ scientiæ, ut Arithmetica & Geometria, veræ sint scientiæ. Absque eo enim certa non est evidentia, & cohiberi potest assensus. Et præterea necesse est ut simplici intuitu agnoscamus Deum non esse deceptorem, quia ratiocinium potest semper esse falsum, si Deus supponatur fallax.

Omnia argumenta quæ vulgò afferri solent ad probandam Dei existentiam & ipsius perfectiones, deprompta ex existentia & perfectionibus rerum creaturarum, hoc vitio laborare mihi videntur, quòd, nempe, mentem simplici visu non convincant, hæc argumenta quidem sunt ratiocinia quæ per se convincunt; sed cum sint ratiocinia, non convincunt, supposito malo genio qui nos fallat; Potentiam quandam esse nobis superiorem satis quidem convincunt, id enim adstruit hæc ipsa ridicula suppositio; sed planè non convincunt esse Deum seu Ens infinitè perfectum. Itaque in hisce ratiociniis conclusio evidentior est præmissis effato.

Potentiam quandam existere nobis superiorem evidentius est quàm existere mundum; cum nulla suppositio obflare possit quò minus demonstraretur superior illa potentia; cum contrà, supposito malo genio qui nos decipiendo delectetur, existentia mundi probari nequeat. Semper enim possemus concipere malum illum genium in nobis excitare sensaciones rerum quæ non existerent. Namque per som-

num & per quosdam morbos res quasdam videre nobis videmur quæ nunquam extitere, immo quandoque actu sensimus dolorem in membris irraginariis, quæ amplius non habemus, vel quæ nunquam habuimus.

Sed argumenta existentiae & perfectionum Dei deducta ex ideâ infiniti quam habemus sunt argumenta simplicis visus. Statim atque infinitum videmus, Deum existere pariter videmus. Quia existentia necessaria includitur in ideâ infiniti, vel, ut clarius loquar, quia infinitum non nisi in se ipso videri potest. Primum enim cognitionum nostrarum principium est nihilum non esse visibile, unde * sequitur quod si de infinito cogitemus, illud infinitum existere necesse est. Hinc etiam videmus Deum non esse fallacem, cum enim sciamus illum esse infinite perfectum, & infinito nullam posse deesse perfectionem, clarè videmus ipsum nolle nos decipere, immo non posse, cum nihil possit præter id quod vult, vel id quod potest velle. Existit itaque Deus, & quidem Deus verax qui nos nunquam decipit, quamvis semper non illuminet, & sæpe ipsi nosmet decipiamus, dum nos non illuminat. Omnes illæ veritates simplici visu ab ingeniis attentis percipiuntur, quamvis hæc ratiocinia formare videamur, ut eas aliis exponamus. Veritates illas possumus supponere ut axiomata indubitata quibus in ratiociniis inniti possumus: cum enim agnoverimus Deum nos decipiendo non delectari, jam libenter possumus ratiocinari.

Hoc axioma, Deum, scilicet, existere, ipsumque non esse fallacem, fidem etiam statuminari manifestum est. Namque existentia Dei & authoritatis Divinæ certitudo sunt potius cognitiones naturales & notiones communes ingeniis ad rem attentis, quam articuli fidei; quamvis nemo sine speciali Dei dono capax evadere possit attentionis necessariæ ad veritates illas bene percipiendas.

Ex hoc axioma *Deum non esse fallacem*, possemus etiam concludere nobis revera esse corpus quocum arcè colligati sumus, & nos multis aliis corporibus circumdari. Nam illorum existentia sensationibus perpetuis quas Deus in nobis excitat, quasque illasâ fide non possumus ratione corrigere, intus convincimur; quamvis ratione corrigere possumus sensationes, quæ illa nobis repræsentant cum qualitatibus & perfectionibus quibusdam quas non habent. Itaque credere non debemus corpora talia esse qualia illa videmus aut imaginamur, sed illa duntaxat existere, & talia esse qualia illa ratione concipimus.

Ut verò ordine ratiocinemur, nondum examinare par est an corpus habeamus, & an aliis circumdemur, an verò illorum duntaxat habeamus sensationes, licet actu non existant. Hæc quæstio nimias includit difficultates, nec forsitan illius solutio ad perficiendas cognitiones nostras, nec etiam ad accuratam Physicæ, Ethicæ, & aliarum quarundam scientiarum cognitionem assequendam, tam necessaria est quam vulgò putatur.

Nu-

Vid. 1. prima colloq. de Metaph. & cap. 1. Lib. 4. huius operis.

Vide illa. str ad 10. Cap. 1. lib.

Numerorum & extensionis, quorum existentia extra omne dubium posita est & natura immutabilis, ideas habemus, quæ cogitandi materiam perpetuam nobis præberent, si omnes relationes quas inter se habent cognoscere vellemus. Ac necesse est ut ab hisce ideis ingenio nostro uti incipiamus, propter rationes quas hic recensere operæ pretium est. Tres sunt præcipuæ.

1. Quia illæ ideæ omnium sunt clarissimæ & evidentissimæ. Si enim ad vitandum errorem, in ratiociniis semper sit conservanda evidentia, manifestum est potius esse ratiocinandum juxta ideas numerorum & extensionis, quam juxta ideas confusas aut compositas Physicæ, Ethicæ, Chymicæ, & aliarum scientiarum.

2. Quia illæ ideæ omnium sunt distinctissimæ & accuratissimæ.

Adeo ut habitus qui in Arithmetica & in Geometria contrahitur, non acquiescendi nisi prius rerum relationes præcisè cognitæ fuerint, menti quandam impertiat accurationem quâ non fruuntur qui verisimilitudinibus aliarum scientiarum contenti sunt.

3. Præcipue, quia illæ ideæ sunt regulæ immutabiles & mensuræ communes omnium quæ cognoscimus & cognoscere possumus. Qui numerorum & figurarum relationes perfectè cognoscunt, vel potius qui comparationes necessarias instituere norunt ad cognoscendas numerorum & figurarum relationes, quandam scientiam universalem & rationem notissimam ad omnia quæ limites humanæ non excedunt, certò & evidenter retegenda possident. Qui verò hac arte caret, veritates paulò complexiores certò assequi nequeunt, quamvis habeant ideas clarissimas rerum, quarum relationes compositas cognoscere conantur.

Hiscæ aut similibus rationibus ducti nonnulli inter veteres Arithmetici, Algebram, & Geometriam juvenes addiscere curarunt. Verisimile est ipsos compertum habuisse, Arithmetica & Geometria mentem quandam adipisci sagacitatem quæ aliis scientiis comparari nequit; & Geometria imaginationem ita regi, ut facili non turbetur. Namque hæc mentis facultas Geometriæ usu tantam acquirit accurationem & in gradu adeo iusto, ut illius opæ mentis acies difficultates maximè intricatas assequatur & penetret.

Qui igitur evidentiam in perceptionibus suis, & integram in ratiociniis certitudinem conservare volunt, primò Arithmeticæ, Algebræ, Analyti, & Geometriæ sive simplici, sive compositæ studere debent. E libris qui mihi noti sunt optimi ad edificandas Arithmeticam, Algebram & Analytici, quæ propriè ars est detegendæ veritatis in scientiis accuratis, sunt *scientia calculi magnitudinum in genere*, & primum volumen *analysis demonstrata* a R. Paire Keyneau Oratorii Presbytero. Ad Geometriam vulgarem edificandam legenda est Geometria Illustrissimi Ducis Burgundicæ. Ad edificandam compositam Geometriam Analyti utendum est, atque ideo ea legenda sunt opera in quibus ea tra-

Statutur scientia per analysin. Si non aliud edoceri cupias quàm præcipuas sectionum conicarum proprietates, earumque usus, adi modo priorem secundi voluminis partem *Analysis demonstrata*. Sed si plerasque proprietates harum sectionum cum ipsarum usibus discere velis lege opus Posthumum D. Marchionis De l'Hospital cui titulus est *Tractatus Analyticus de sectionibus conicis*. Addere potes Geometriam Cartesii propter hujus tam docti viri famam, verum ea nec tibi erit necessaria post lectionem superiorum librorum. Denique si quis novos ediscere velit calculos *differentialem* & *integrale* atque Methodos quæ ex his depromuntur ad intelligendas curvas lineas, quæ in Physicâ non sunt inutilis; Reperiet ille *differentialem* calculum, ejusque usus perspicuè, plenissimè atque magno ordine tractatos in eximio ejusdem Marchionis de l'Hospital opere cui titulus est *de infinitè parvis*. Reperiet etiam eundem *differentialem* calculum ejusque usus in secundâ parte secundi voluminis *Analysis demonstrata*; *integrale* verò calculum rationemque ipsum applicandi ad curvas lineas, mixtæque ex Physicâ & Mathematicâ problemata in tertiâ parte. Ex horum operum lectione faciliè quivis & per se poterit novis inventis has illustrare scientias, atque ea intelligere quæ existant sive in commentariis Academiæ scientiarum, sive in Extraneorum operibus.

Postquam hæc generalibus scientiis sedula & attenta opera data fuerit, complures veritates secundæ & ad omnes scientias accuratas & speciales necessariæ evidenter cognoscuntur. Verum ingenuè fatendum mihi videtur nonnihil esse periculi si quis iis diutius immoraretur. Eæ, ut ita dicam, scientiæ præ Physicâ atque Ethicâ temnendæ sunt atque negligendæ, quia hæ scientiæ multò sunt utiliores, quamvis parum conferant ad mentem rectam & perspicacem reddendam. Ac si evidentiam in perceptionibus nostris semper conservare velimus, cavendum est ne aliquo effato non evidenti nos anteverti sinamus; hoc est, effato quod Sinenses attentè expensum non admissuros esse concipere possimus.

Itaque quoad Physicam, duntaxat admittendæ sunt notiones communes omnibus hominibus; hoc est, axiomata Geometrarum, & idæ claræ extensionis, figuræ, motûs, & quietis, ac si quæ sint aliæ æque claræ. Foran quis dicet extensionem non esse essentiam materiæ; verum quid refert? sufficit mundum quem concipimus ex extensione formatum similem esse mundo quem videmus, quamvis materialis non sit secundum istam materiam inanem, de quâ nihil cognoscitur, quamvis de eâ tot egregia prædicentur.

Necesse omnino non est examinare an actu sint extrinsecus entia quæ respondeant hæc ideis; namque ratiocinia nostra hæc entibus non nuntantur, sed duntaxat illorum ideis: videndum est duntaxat ut ratiocinia quæ circa rerum proprietates formamus consonent cum sensationibus quas illarum occasione habemus, hoc est, ut id quod cogitamus optimè

optimè conveniat cum experientiâ; nâmq; in Physicâ ordinem & connexionem effectuum cum causis deprehendere conamur aut in corporibus, si actu existant, aut in sensationibus quas de iis habemus, si non existant.

Dubium quidem non est quin actu existant corpora si attendamus Deum non esse fallacem, & expendamus justum ordinem quem in sensationibus nostris instruit, sive in occasionibus naturalibus, sive in iis quæ duntaxat eveniunt ut ea credamus quæ naturaliter capere nequimus; sed necesse non est longo statim examine rem discutere quam nemo in dubium vocat, quæque valde non confert ad cognitionem Physicæ spectatæ ut veræ scientiæ.

Anxiè quoque inquirendum non est an sint necne in corporibus quibus circundamur quædam aliæ qualitates ab iis quarum claras habemus ideas, nâmq; juxta ideas nostras duntaxat ratiocinari debemus, ac si quid aliud sit cujus ideam non habeamus claram, distinctam & specialem, de eo nihil unquam cognoscemus, nec accuratè ratiocinari poterimus. Forfan si juxta ideas nostras ratiocinemur, juxta ipsam naturam ratiocinabimur, & comperiemus illam non esse tam abstrusam ac vulgò putatur.

Quemadmodum qui numerorum proprietatibus non studuerunt quædam problemata, licet simplicissima & facillima, solvi non posse sæpe arbitrantur; ita qui circa extensionis, figurarum & motuum proprietates nunquam sunt meditati, eò faciliè adducuntur ut credant & defendant quæstiones quæ circa Physicam formantur esse insolubiles. Eorum qui nihil unquam attentè saltem examinarunt judiciis fidendum non est. Quamvis enim paucae veritates circa res naturæ planè demonstratæ fuerint, quasdam tamen generales extra omne dubium positas esse constat, quamvis de iis sæpe non cogitetur, immo ignorentur, & negentur.

Qui ordine, otio & attentione ad id necessariè meditabuntur, multas ex his veritatibus certis de quibus mentio est deprehendent. Ut verò possint faciliùs animadverti, placita Philosophiæ Cartesii sunt attentè legenda, ex iis quæ dicit nihil admissio, nisi ubi ad assensum vi & evidentia rationum mens adigetur.

Cùm Ethica scientiarum sit maximè necessaria, illi etiâ sedulò imprimis studendum est; nâmq; in hac præcipuè scientiâ hominum opiniones sequi periculosum est. Sed ut error hic vitetur & evidentia in perceptionibus conservetur, meditationes nostræ duntaxat niti debeant axiomatibus indubitatis apud eos omnes, quorum cor voluptatibus non fuit corruptum, nec mens superbiâ occæcata; nâmq; in Ethicâ nullum est axioma indubitatum animis qui toti e carne & sanguine constant, & iis qui *ingeniorum fortium* titulum sibi arrogant. Istius commatis homines simpliciter veritates non capiunt, vel si capiant, illas spiritu contradictionis semper impugnant ad conservandam ingenii fortitudinis * famam.

Quædam

* Esprit
fort.

Quædam ex his Ethicæ generalioribus axiomatibus hæc sunt: Deum cum omnia propter se condiderit, mentem nostram creasse ad illum cognoscendum, & cor ad illum amandum: Cum sit iustus & potens Deus, ei qui ipsius mandatis non pareat non posse esse bene, ei verò qui iis pareat non posse esse malè. Naturam nostram esse corruptam, mentem a corpore, rationem a sensibus, voluntatem ab affectibus pendere; Nos esse in potentia faciendi id quod nobis ex officio faciendum esse clarè videmus; & nos Liberatore indigere. Multa adhuc alia sunt Ethicæ axiomata; ut, Secessum & poenitentiam necessaria esse ad imminuendam nostram cum rebus sensibilibus conjunctionem, & ad augendam illam quam habemus cum bonis intelligibilibus, veris bonis, bonis mentis: Nullà nos posse violentà frui voluptate quin ei mancipemur, nihil ex affectus impetu esse unquam suscipiendum &c. Quia verò hæc postrema axiomata præcedentibus & a cognitione hominis pendent, inter indubitata non sunt accensenda. Si super his axiomatibus ordine, & attentione quam in re tantà par est asserre meditemur, nihilque ut verum admittamus præter conclusiones ex his axiomatibus legitime deductas, habebimus Ethicam certam, quæque cum Ethicà Evangelii perfectè consonabit, quamvis hujus perfectionem non exæquet, nec æquè latè pateat. Ethicæ fundamenta in peculiari tractatu demonstrare conatus sum, sed mihi & alijs exopto ut quis accuratius & magis absolutum opus tradat.

Difficilius quidem in Ethicæ ratiociniis conservantur evidentia & accuratio, quàm in quibusdam aliis scientiis, & cognitio hominis omnino necessaria est iis qui in hac scientià progressus non vulgares edere cupiunt; Atque hanc ob causam pauci sunt quibus hoc studium prosperè cedat. Sese consulere nolunt ut naturæ suæ infirmitates agnoscant. Magistrum qui nos voluntates suas, quæ sunt leges immutabiles & æternæ, & vera Ethicæ præcepta intus docet, interrogare citius desinunt: Illum, quia sensus non alloquitur, secundum ipsorum desideria non respondet, & superbiæ non adblanditur, nonnisi cum fastidio audiunt. Vocem quæ strepitu suo imaginationem non percellit, quæque nisi silentibus rebus creatis clarè non potest intelligi, aspernantur. Verùm Aristotelem, Senecam, aut novos quosdam Philosophos, qui eos aut obscuritate verborum, aut sili elegantia & artificio, aut rationum verisimilitudine fallunt, cum voluptate & veneratione auscultant.

Ex quo peccavit primus homo, ea duntaxat quæ ad conservationem corporis & vitæ commoditatem pertinent, magni facimus; & quia hæc bona sensuum ope cognoscimus, eorum usum ubique admittere volumus: Sapientia Æterna quæ est vera nostra vita, & solum lumen quo possumus illuminari, cæcis duntaxat sæpe illucescit, & surdos alloquitur, dum in intimâ ratione tantum loquitur: quia ad æternam penè semper diffundimur. Cum res creatas indefinenter interro-

interrogemus, ut aliquid de bono quod quaerimus accipiamus, oportuit, ut jam alibi dictum est, hanc sapientiam sese oculis nostris extrinsecus offerre, intra nos tamen eodem tempore semper remanendo, ut verbis & exemplis sensibilibus, viam nobis indicaret quâ felicitatem aeternam possumus assequi. Deus amorem naturalem in nobis perpetuò imprimit, ut illum indefinenter amemus, & eodem illo motu ab illo indefinenter recedimus, totis quas nobis impertitur viribus currendo versus bona sensibilia ab ipso nobis prohibita. Itaque, cum a nobis amari vellet, oportebat ipsum fieri sensibilem, & sese coram nobis, ut ita dicam, sistere, ut ipsius gratiæ suavitatem vanas omnes nostras figeret agitationes, & sanationem nostram inchoaret a sensibus aut delectationibus quæ similes essent voluptatibus illis præventibus a quibus morbus noster ortum duxerat.

Hinc patet me non exilimare homines vi mentis propriâ posse facile assequi omnes Ethicæ leges necessarias ad salutem, multò minùs posse agere juxta ipsorum lumina; Namque cordis corruptio superat mentis corruptionem. Dico duntaxat homines, si nulla præter evidentiam admittant effata, & ex his effatis legitimis deducant consequentias, easdem veritates esse assequuturos quas in Evangelio discimus: quia eadem est veritas quæ immediatè per se eos alloquitur qui veritatem in evidentia rationum comperiunt, & quæ in Scripturâ sacrâ eos alloquitur qui illius sensum attingunt.

Debemus igitur Ethicam ex Evangelio haurire, ad declinandum meditationis laborem, & leges secundum quas mores nostros dirigere debemus certò addiscendas. Qui verò certitudine contenti non sunt, quia mentem duntaxat convincit, sed illam non illuminat, super hisce legibus sedulò meditari debent, easque ex fundamentis ipsarum naturalibus deducere, ut quæ fide jam certò cognoscebant, ratione evidenter cognoscere possint. Hoc pacto convincentur Evangelium librorum omnium esse solidissimum; Jesum Christum naturæ morbum & pessimum habitum perfectè cognovisse: illi remedium nobis utilissimum, & ipsius sapientiâ dignissimum attulisse; sed contrà Philosophorum lumina esse meras tenebras; ipsorum virtutes intolerabilem sapere superbiam, uno verbo Aristotelem, Senecam, aliòsque nihil fuisse præter homines, ne quid ampliùs dicam.

CAPUT VII.

De usu primæ regulæ quæ spectat quæstiones speciales.

IN explicandâ regulâ generali Methodi quæ circa studiorum nostrorum materiem præcipue versatur satis superque substitimus, satis etiam *Malebrancij de Inquis. Vtri.* Tom. II. L ostend-

ostendimus Cartesium illam accuratè sequutum fuisse in suo systemate mundi, Aristotelem verò & ipsius sectatores illam nequaquam observasse. Jam ad regulas speciales, ad quamlibet quæstionum solutionem necessarias transire operæ pretium est.

Quæstiones quæ circa res omnes possunt formari sunt multiplicis speciei, nec facile possunt enumerari. Ecce tamen præcipuas. Quandoque effectuum quorundam cognitorum causæ incognitæ quærentur; quandoque effectus incogniti quærentur per ipsorum causas cognititas. Ignis urit & dissipat lignum, illius effectus quæritur causa. Ignis consiluit in maximo motu partium ligni: Quæritur quosnam effectus motus ille possit producere, an possit indurare lutum & liquefacere ferrum, &c.

Interdum quæritur natura unius rei per ipsius proprietates: interdum quærentur proprietates rei cujus natura est nota. Notum est, vel supponitur lumen uno momento transmitti, illud tamen reflecti & coalescere in unum ope speculi concavi, ita ut dissipet aut liquefaciat corpora solidissima, & per has proprietates proceditur ad cognitionem naturæ luminis. Notum est contrà omnia spatia quæ a terrâ ad cælum usque extant, plena esse corpusculis sphaericis velocissimè agitat, quæque eò semper tendunt ut a sole recedant, & quæritur an nifus illorum corpusculorum uno momento possit transmitti, & an reflexione e speculo concavo debeant unâ coalescere, & dissipare, aut liquefacere corpora solidissima.

Quandoque quærentur omnes partes alicujus totius, aliquando verò totum quæritur per ipsius partes. Quærentur omnes partes *aliquotæ* numeri alicujus, omnes *radices æquationis alicujus*, omnes anguli recti quos continet aliqua figura &c. Et quæritur totum incognitum, cujus omnes partes notæ sunt, ubi multorum numerorum summa quæritur; multarum figurarum area, & capacitas multorum vasorum: vel totum quæritur cujus una pars est nota, & cujus aliæ partes, licet incognitæ, aliquam habent relationem cognitam cum eo quod est incognitum: ut cum quæritur quis sit numerus cujus habetur pars nota 15. & cujus pars altera ex quâ constat est dimidia vel tertia pars numeri incogniti; vel ubi quæritur numerus incognitus qui æqualis sit numero 15. & bis radici numeri incogniti.

Denique, quæritur quandoque an res quædam æquales sint aut similes aliis, aut quantò inæquales sint aut differant. Quæritur an Saturnus Jove sit major, vel quantò sit major; an aer Romæ sit calidior aëre Massiliæ, & quantò.

Id in omnibus quæstionibus generale est, quòd scilicet duntaxat fermentur ad cognoscendam veritatem aliquam: quia verò omnes veritates nihil sunt quàm relationes, dicere possumus in omnibus in genere quæstionibus nihil quæri præter cognitionem aliquarum relationum, sive relationes sint inter res, sive inter ideas, sive inter res & ipsarum ideas.

Sunt.

Sunt relationes multiplicis speciei, nempe inter naturam rerum, inter ipsarum magnitudinem, inter ipsarum partes, inter ipsarum attributa, inter ipsarum qualitates, inter ipsarum effectus, inter ipsarum causas, &c. Sed ad duas possunt reduci, nempe ad relationes *magnitudinis*, & ad relationes *qualitatis*; appellando relationes *magnitudinis* eas omnes quæ sunt inter res consideratas ut capaces plus minúsque suscipiendi, & cæteras nuncupando relationes *qualitatis*. Itaque omnes quæstiones ad id tendere dici possunt ut relationes sive magnitudinis sive qualitatis deprehendantur.

Prima & præcipua omnium regularum est, statum quæstionis solvendæ esse accuratissimè cognoscendum, & illius voces adeo distinctis i deis assequendas esse, ut possint inter se comparari, & sic relationes earum incognitæ deprehendi queant.

Primo igitur clarissimè percipienda est relatio incognita quæ in illâ quæstione quæritur, námque si nullum suppeteret indicium certum ad agnoscendam relationem incognitam, ubi comperta esset, illam frustra quæsitum iri evidens est.

Secundò, efficiendum est, quantum quidem fieri potest, ut ideæ quæ respondent vocibus sint distinctæ, amovendo æquivocationem vocum; & claræ, voces attentè expendendo. Námque, si illæ ideæ adeo confusæ sunt & obscuræ, ut non possint fieri comparationes, seu collationes necessariæ ad deprehendendas relationes quæsitæ, quæstio nondum solvi potest.

Tertiò, attentissimè animadvertendæ sunt conditiones expressæ in quæstione, si quæ sint: quia alioqui status quæstionis nonnisi confusè intelligitur; præterquàm quòd conditiones ut plurimum indicant rationem solvendi quæstionem. Ita ut, ubi semel statum quæstionis & ipsius conditiones quis assequutus est, certior sit quid quærat, & sæpe quâ viâ ad illud comperiendum procedere debeat.

In omnibus quidem quæstionibus conditiones non exprimuntur; verùm illæ quæstiones in quibus nullæ exprimuntur conditiones sunt indeterminatæ, & multifariam possunt solvi, ut si quis peteret numerum quadratum, Triangulum, &c. nec aliud determinaret: vel, qui illas proponit quæstiones modum illas solvendi vel ignorat, vel de industria celat, ut alium impediatur; ut si quis rogaret inveniri duas medias proportionales inter duas lineas datas, non addendo per intersectionem circuli & Parabolæ, aut circuli & Ellipsis &c.

Planè igitur necesse est ut indicium quo dignoscitur res quæsitæ sit maxime distinctum, non æquivocum, utque aliud designare non possit, alioqui dubium foret an quæstio proposita fuerit soluta. Pariter sedulò a quæstione amovendæ sunt omnes conditiones quibus posset intrinçari, & sine quibus integra subsistit; námque mentis capacitatem inutiliter solent distringere. Immo status quæstionis distinctè non cognoscitur, ubi conditionibus inutilibus impeditur.

L 2

Si,

Si, exempli gratiâ, quæstio his verbis proponeretur: efficere ut homo liquoribus perfusus & coronâ florêa ornatus, non possit quietus subsistere, licet nihil videat quo possit agitari. Sciendum est an vocabulum *homo* non sit metaphoricum, an vox *quietis* non sit æquivoca, an accipiatur relatè ad motum localem: an verò relatè ad affectus, ut hæc verba, *quamvis nihil videat quo possit agitari*, innuere videntur. Sciendum est an condiciones illæ, *perfusus liquoribus & coronâ florêa ornatus*, sint essentielles. Postèa statu istius ridiculæ & indeterminatæ quæstionis clarè cognito faciliè poterit solvi, dicendo, hominem esse collocandum in navi juxta condiciones expressas in quæstione.

Eorum qui ejusmodi quæstiones proponunt industria in eo consistit quòd iis adjungant condiciones quæ necessariæ videntur, quamvis revera tales non sint; ut eorum quibus illas proponunt attentionem divertant versus res inutiles ad quæstionis solutionem. Ut in hac quæstione, quæ pueris ab ancillis solet proponi. Vidi, inquit illæ, venatores, vel potiùs, piscatores qui secum auferebant id quod non capiebant, quique in aquam conjiciebant, id quod capiebant. Mens ideâ Piscatorum qui pisces piscantur præoccupata, quid sibi velit hæc quæstio capere nequit. Jam autem tota rei difficultas oritur ex eo quòd inutilis hæc quæstio clarè non intelligitur, nec attenditur, venatores & piscatores, æquè ac cæteros homines in vestibus suis animalcula quædam quandoque quærere, quæ si inveniant abjiciunt, sin verò, secum auferunt.

Quandoque etiam quæstionibus omnes non apponuntur condiciones necessariæ ad illarum solutionem, atque hoc pacto æquè difficile ad minimum redduntur ac quæstiones illæ quibus inutiles adduntur condiciones, ut in hac, hominem immotum reddere, quamvis nec vinciat nec lædatur, seu potiùs, auriculari digito cuiuspiam hominis in ejusdem aure collocato, hoc situ efficere ut immobilis fiat; ita ut e loco in quo fuerit constitutus exire nequeat, quin priùs digitum ex aure eduxerit. Id primâ fronte impossibile videtur, ac revera est; possunt enim quam faciliè incedere etiam digito auriculari in aure posito. Ac revera in hac quæstione deest conditio, quâ, si exprimeretur, tota amoveretur difficultas. Hæc est conditio, nempe cum qui digitum auri applicat, eò esse adigendum, ut columnam aliquam amplectatur, ita ut hæc columna intra ipsius brachium & aurem intercipiatur; námque hoc pacto non poterit discedere quin primò digitum ex aure extrahat, ut se a columnâ expediat. Hinc igitur patet in quæstione non additum fuisse aliquid adhuc requiri præter ea quæ expressa fuere, ne, scilicet, mens investigans quid sit aliud hoc, tandem rem assequatur. Itaque qui ejusmodi quæstiones solvere aggrediuntur, omnia debent postulare quæ quæstioni enucleandæ inservire possunt.

Ejusmodi quæstiones ex arbitrio fictæ nugatoriæ videntur, ac revera aliquo sensu tales sunt, quia ex earum solutione nihil novi addiscitur.

tur. Attamen a quæſtionibus naturalibus, ſeu Phyſicis magnopere non differunt. Ad utraſque ſolvendas eadem propemodum ſunt agenda; nãmque ſi hominum induſtria & malitia hæcæ quæſtiones arbitrarías reddat ſoluti diffiçiles, effectus naturales per ſe tenebris & difficultatibus ſunt pariter involuti. Ac ejuſmodi tenebræ mentis attentione & experimentis, quibus naturæ Authorem veluti interrogamus, ſunt diſcutiendæ; quemadmodum æquivocationes & circumſtantiæ inutiles a quæſtionibus arbitraríis, mentis attentione & callidis interrogationibus tolluntur. Hæc ordine, ſeriò & didacticè exponamus.

Quamplurimæ ſunt quæſtiones quæ diffiçillimæ videntur, quia non intelliguntur, quæ tamen axiomata, quæ quidem aliquà indigerent explicatione, potius haberi deberent quàm veræ quæſtiones. Etenim inter quæſtiones annumerari debere non mihi videntur propoſitiones quædam indubitatæ, ubi earum voces diſtinctè concipiuntur.

Quæritur, exempli gratiâ, ut quæſtio ſoluti diffiçillima, an anima ſit immortalis, quoniam qui hanc quæſtionem movent, aut ſolvere aggreſiuntur, illius voces diſtinctè non aſſequuntur. Cùm iſtæ voces, *anima*, & *immortalis* varia ſignificent, nec ſatis ſciant quomodo illas intelligant, ſolvere nequeunt, an anima ſit immortalis; præciſe enim quid quærant quidve petant neſciunt.

Per hanc vocem, *anima*, poteſt intelligi ſubſtantia cogitans, volens, ſentiens, &c. Anima accipi poteſt pro motu aut circulatione ſanguinis, & pro configuratione partium corporis. Denique anima accipi poteſt pro ſanguine ipſo & ſpiritibus animalibus. Pariter, per hanc vocem, *immortale*, intelligitur id quod perire nequit viribus naturæ ordinariis; vel id quod immutari nequit; vel denique id quod nec corrumpi nec diſſipari, ut vapor aut ſumus, poteſt. Itaque ſi vocibus iſtis, *anima* & *immortalis*, aliqua ex his ſignificationibus adaptetur, cum mediocri mentis attentione, judicare facile erit, an ſit immortalis necne.

Nam primò, *animam* primo ſenſu acceptam, hoc eſt pro ſubſtantia cogitante eſſe immortalem manifeſtum eſt, ſi *immortale* etiam primo ſenſu accipiat, & pro eo quod viribus naturæ ordinariis perire nequit; immo concipi nequit ſubſtantiam quampiam in nihilum poſſe redigi. Ad potentiam Dei extraordinariam conſugiendum eſt ut hoc eſſe poſſibile concipiatur.

Secundò anima eſt immortalis, ſi *immortale* accipiat ſecundo ſenſu, pro eo quod in vaporem & ſumum converti nequit; nãmque evidens eſt, id quod in partes innumeras dividi nequit, non poſſe corrumpi aut in vapores abire.

Tertiò, anima non eſt immortalis, *immortale* accipiendo tertio ſenſu, pro eo quod immutari nequit. Multa enim habemus argumenta mutabilitatis & mutationum animæ noſtræ; cùm modò dolorem, modò voluptatem ſentiat, quædam interdum velit, interdum eadem velle deſinat, cùm corpori nunc conjuncta ab eo poſſit ſeparari &c.

Si vox animæ alio quopiam sensu accipiat, facile pariter erit iudicare an sit immortalis determinando significationem *immortalis*. Adeo ut quæstiones illæ ideo tantum sint difficiles quod distinctè non concipiantur, & voces quibus exprimuntur sint nimis æquivocæ. Explicatione igitur potius quàm probatione indigent.

Non desunt quidem quorum ingenium adeo stupidum, vel imaginatio adeo secunda, ut sibi persuadeant animam nihil aliud esse quàm configurationem quandam partium cerebri, & motum spirituum: Istiusmodi nominibus certè probari nequit immortalitas & incorruptibilitas mentis. Immo, eo sensu quo animam accipiunt illam esse mortalem certum est. Itaque hîc non est quæstio solutu difficilis, sed est propositio, quæ non nisi difficulter ab iis intelligi potest qui easdem nobiscum non habent ideas, quique omnem conferunt operam ut eas a se eliminent, & sese sponte occæcent.

Ubi igitur an anima sit immortalis, vel quidlibet aliud quæritur, primò amovenda est vocum æquivocatio, & certò tenendum quo sensu accipiantur, ut status quæstionis distinctè intelligatur. At si ii qui quæstionem movent illius voces ipsi satis non intelligant, sunt interrogandi ut hoc pacto illuminari & determinari possint; Si ex interrogationibus pateat illorum ideas a nostris discrepare, ipsis respondere inutile est. Quid enim respondeas homini existimanti desiderium, exempli gratiâ, nihil aliud esse quàm motum quorundam spirituum, cogitationem nihil aliud esse præter vestigium aut imaginem quam res objectæ vel spiritus in cerebro formantur; & omnia ratiocinia hominum duntaxat consistere in vario situ aliquot corpusculorum quæ in capite multifariam disponuntur? Si ipsi respondeas animam eo sensu quo illam accipit esse immortalem, ipsum falles, vel ipsi ludibrium debebis; sed si respondeas illam esse mortalem, ipsum in errore gravissimo aliquatenus confirmabis. Ipsi igitur respondendum non est, sed duntaxat eò est adigendus ut secum se recipiat ac eo pacto easdem, quas jam habemus, a solo luminis Authore accipiat ideas.

Iterum hæc quæstio, an bruta animâ sint prædita, solutu satis difficilis videtur: Attamen ubi amovetur æquivocatio, jam tum admodum difficilis non videtur; ac eorum plerique qui existimant bruta prædita esse animâ, in eadem sunt sententiâ quamvis infcii ac ii qui existimant bruta carere animâ.

Anima accipi potest pro re aliquâ corporeâ per totum corpus diffusâ, a quâ motum & vitam accipit, vel pro re aliquâ Spirituali. Qui dicunt bruta carere animâ, id intelligunt secundo sensu: quippe nemo unquam negavit aliquid corporei inesse animalibus brutis, quod ipsum vitam & motûs principium est, id enim nequidem de horologiis negari potest. Qui contrâ asserunt bruta prædita esse animâ, animam intelligunt primo sensu, namque pauci sunt qui credant brutis inesse animum spirituales & indivisibiles. Itaque Peripatetici & Cartesiani existi-

existimant bruta prædita esse animâ, hoc est principio corporeo ipsorum motus: & utrique etiam credunt bruta carere animâ, hoc est in iis nihil esse spirituale & indivisibile.

Itaque discrimen quod inter Peripateticos & eos qui Cartesiani dicuntur intercedit in eo non versatur quod priores credant brutis esse animas, alii verò non: sed duntaxat in eo quod priores credant animalia posse sentire dolorem aut voluptatem, videre colores, audire sonos & omnes in genere habere sensationes & affectus quos habemus: Cartesiani verò contrarium existimant. Cartesiani distinguunt voces sensus aut sensationis, ut ab iis æquivocationem amoveant. Nam, dicunt, exempli gratiâ, ubi ad ignem propius accedimus, partes ligni in manum irumpere; illius fibras commovere, hanc commotionem ad cerebrum usque communicari, spiritus animales qui in eo continentur ad id determinari ut in partes externas corporis diffundantur modo apto ad ignem vitandum. Hæc omnia aut similia, animalibus competere posse & actu competere fatentur, quia sunt proprietates corporis, quod non differuntur Peripatetici.

Præterea Cartesiani dicunt commotionem fibrarum cerebri in hominibus esse conjunctam cum sensu caloris, & cursum spirituum animalium versus cor & versus viscera comitem habere affectum odii, seu aversionis; at negant hæc sensationes hosque effectus animæ brutis competere. Contrà Peripatetici asserunt bruta hunc calorem æquè ac nos sentire; illa æquè ac nos aversione dimoveri a rebus sibi molestis; ac illa omnium in genere sensationum & affectuum capacia esse, quibus afficimur. Bruta ullum dolorem ullamve voluptatem sentire, aut rem ullam amare & odisse non existimant Cartesiani, quia nihil non materiale admittunt in brutis, nec existimant sensationes & affectus esse proprietates materiæ, quicquid esse supponatur. Nonnulli contrà Peripatetici materiam sensus & affectus existimant esse capacem, ubi, inquit, fuit attenuata, bruta posse sentire ope spirituum animalium, hoc est ope materiæ subtilissimæ & tenuissimæ, immo animam ipsam esse capacem sensus & affectus duntaxat quia huic materiæ est conjuncta.

Itaque ut solvatur quæstio, an bruta prædita sint animâ, mens a sensibus est abducenda, & quàm attentissimè fieri potest, consideranda est idea quam habemus de materiâ. Tum si concipiamus materiam hoc vel illo modo figuratam, ut quadratam, rotundam, ovatam, esse dolorem, voluptatem, calorem, colorem, odorem, sonum, &c. asserere poterimus animam brutorum quantumlibet materialem sentiendi capacem esse. Si verò id non concipiamus, asserendum non est; id enim duntaxat asserendum est quod concipitur. Pariter si concipiamus materiam valde agitatam sursum, deorsum, secundum lineam circula-rem, spiralem, parabolicam, ellipticam, &c. esse amorem, odium, gaudium, tristitiam, &c. dicere poterimus bruta iidem quibus nos affectibus moveri: si non videamus, non est dicendum, nisi quidlibet
inf. ii.

inficii deblaterare velimus. At verò me posse asserere confido neminem unquam esse crediturum ullum motum materiæ posse esse amorem aut gaudium, dummodo ad rem seriò attendat. Itaque ut hæc solvatur quæstio, an bruta sentiant, ab eâ duntaxat amovenda est æquivocatio, ut ii amoverunt quos Cartesianos dicere amant: Námque hoc pacto ad quæstionem adeo simplicem redigetur, ut mediocri attentione solvi possit.

l. 4. de anima & ejus origine cap. 3. l. de quantitate animæ & aliis.

D. quidem Augustinus, juxta vulgare præjudicium supponens bruta esse prædita animâ (saltem ipsum illud seriò examinasse, aut in dubium vocasse non legi) & agnoscens contradictorium esse ut anima aut substantia cogitans, sentiens, cupiens, &c. sit materialis, credidit animam brutorum reapse esse spiritualem & indivisibilem. Omnem animam, hoc est, quicquid sentit, imaginatur, timer, cupit, &c. necessariò esse spirituale evidentissimè probavit: sed non animadverti ipsi ullam fuisse rationem quâ assereret bruta esse prædita animâ. Id probare sollicitus non fuit, quia tum temporis id a nemine in dubium revocatum fuisse verisimile est.

Quia verò nunc extant viri qui a præjudiciis suis sese expedire conantur, & idcirco omnes opiniones quæ ratiociniis claris & evidentibus non nituntur in dubium vocant, jam nunc dubitatur an bruta habeant animam eadem ac nos sentiendi capacem, sed multi etiam extant præjudiciorum vindices, qui bruta, non secus ac nos sentire, velle, cogitare, ac etiam ratiocinari, licèt modo imperfectiori, defendant.

Canes, inquit, Dominos suos agnoscunt, amant, verbera ab ipsis patienter ferunt, quia judicant sibi utile esse Dominos non deferere; cæteros verò homines tanto prosequuntur odio, ut nequidem ipsorum patiantur blandimenta. Omnia bruta suos catulos diligunt, & aves quæ in extremis ramis nidulantur, ex hoc satis arguunt se timere ne a quibusdam animalibus vorentur; hõce ramos debiliores judicant quàm ut inimicos suos ferre possint, & satis robustos ut ipsas cum pullis & nidis sustineant. Immo ipsæ aranæ & vilia insecta quædam præbent intelligentiæ specimina. Quis enim non miretur animalis illius industria, quod ut ut debile, suis tamen laqueis irretire potest alia animalia oculata & alata, quibus satis est audaciæ ad adorienda animalia ingentis molis?

Verum quidem est omnes actiones bestiarum arguere intelligentiam, quicquid enim ordine constructum est id denotat. Ipsum horologium id indicat. Illius rotæ casu fortuito non potuerit componi & adornari, & illius motus ab intelligentiâ determinari & dirigi necessariò debuerunt. Semen ordine inverso terræ committitur, radices quæ extra terram tendebant per se terræ infodiuntur, & germen quod versus terram fuerat primò conversum, etiam deflectitur ut e terrâ emergat: Id sanè arguit intelligentiam. Hæc planta in diversis spatiis nodos format ut corroboretur, semen suum pelliculâ quâ conservetur tegit, aculeis quibus

sese

fefe tutari possit circumdat: Id arguit intelligentiam. Denique quicquid in plantis fieri videmus, arguit intelligentiam æquæ ac in animalibus. Omnes veri Cartesiani id concedunt. Sed omnes veri Cartesiani distinguunt, & quantum possunt, vocum æquivocationem tollunt.

Motus brutorum & plantarum intelligentiam quidem arguunt, sed hæc intelligentia nequaquam est materia; a brutis distincta est, non secus ac intelligentia quæ totas horologii disponit distincta est ab ipso horologio. Etenim illa intelligentia, infinite sapiens & potens esse videtur, immo eadem quæ nos in utero matrum formavit, quæque nobis dat incrementum cui, omnibus mentis & voluntatis viribus, ne cubitum quidem addere possumus. Itaque in brutis nec intelligentia nec anima est, ut vulgò intelligitur. Edunt sine voluptate, clamant sine dolore, crescunt, nec norunt se crescere; nihil cupiunt, nihil timeant, nihil cognoscunt; & si agant modo qui intelligentiam arguat, id inde oritur quòd cum illa creaverit Deus ut ea conservet, eorum idcirco corpus ita conformavit ut mechanicè & sine timore, vitent quicquid ipsis interitum asserre potest. Alioqui dicendum foret plus esse intelligentiæ in brutorum minimo, vel etiam in uno semine quàm in hominum ingeniosissimo. Constat enim in animalculo & in semine plures esse diversas partes, & plures motus ordini conformes produci, quàm mens nostra potest assequi.

Quia verò homines omnibus confundendis assueverunt, & mentem in ipsorum corporibus omnes penè motus & mutationes quæ ipsis obveniunt producere arbitrantur. Voci, *anima*, falsò assignant ideam productricis & conservatricis corporis. Ita quoniam existimant mentem in ipsis producere quicquid necesse est ad vitæ conservationem, quamvis mens nequidem sciat quomodo corpus quod animat sit conformatum; judicant animam necessariò brutis inesse debere ad producidos in iis omnes motus & mutationes quæ ipsis contingunt, quia illi motus & mutationes satis similes sunt iis quæ in nobis fieri solent. Nam bruta generantur, nutriuntur, corroborantur non secus ac corpus nostrum; bibunt, edunt, dormiunt ut nos; quia quoad corpus penitus similes sumus brutis, & omne discrimen quod inter illa & nos intercedit in eo consistit quòd animam habemus, illa verò non. Verum anima quam habemus corpus nostrum non informat, alimenta nostra non concoquit, motum & calorem sanguini nostro non impertit: Sentit, vult, ratiocinatur. Animat corpus quatenus sensationes & affectus habet quæ ad illud referuntur: In membra nostra nequaquam diffunditur ut ipsis sensum & vitam impertiatur, nam corpus nostrum nihil eorum suscipere potest quæ in mente nostrâ sunt: Hinc igitur pater præcipuam causam propter quam pleræque quæstiones solvi nequeunt, in eo consistere quòd variz ejusdem vocis significationes non distinguantur.

Aliquando quidem contingit ut distinctio adhibeatur, sed plerumque

Malebrancii de Inquisit. Verit. Tom. II.

M

que

que tam perperam & præposterè admittuntur distinctiones, ut non modò his vocum æquivocatio non tollatur, sed etiam fiant obscuriores quàm antea. Exempli gratiâ, ubi quæritur, an corpus vivat, quomodo vivat, quo pacto anima rationalis illud animet, an spiritus animales, sanguis & alii humores vivant, an dentes, capilli, ungues sint animati, &c. Distingui solent illæ voces *vivere* & *animari*, inter vivere & animari animâ rationali, vel animâ sensitivâ, vel animâ vegetativâ. Sed hæc distinctio statum quæstionis confundit, nâmq; hæ voces indigent etiam explicatione; & forsân duæ postremæ anima *vegetativa*, anima *sensitiva* sunt inexplicabiles & inintelligibiles eo saltem modo quo vulgo accipiuntur.

At si ideam claram & distinctam voci, *vite*, alligare velimus, dicere possumus vitam mentis esse cognitionem veritatis & amorem boni, vel potius cognitionem esse ipsius vitæ; vitam verò corporis consistere in circulatione sanguinis & in iusto humorum temperamento, seu potius vitam corporis esse motum ipsius partium aptum ad conservationem. Tunc ideis voci *vite* alligatis claris hoc pacto factis, patebit. 1. Mentem non posse vitam suam communicare cum corpore, quippe quæ non possit efficere ut corpus cogitet. 2. Illam non posse cum corpore communicare vitam quâ seipsum nutriat, crescat, &c. cum ipsa nequidem sciat quid agendum sit ad concoquendos cibos. 3. Non posse efficere ut corpus sentiat, cum corpus sentiendi non sit capax, &c. Denique possunt nullo negotio solvi ceteræ omnes quæstiones quæ circa hanc rem moveri possunt, dummodo voces quibus enunciantur ideas claras excitent; nec solvi queunt, si ideæ vocum quibus exprimuntur sint confusæ & obscuræ.

Attamen semper omnino necesse non est ideas habere quibus res cujus relationes examinare volumus perfectè repræsentetur; sufficit sæpe si illius habeamus cognitionem imperfectam aut inchoatam, quia sæpe accurata non requiritur relationum istius rei cognitio. Rem explico.

Sunt veritates aut relationes duplicis generis; aliæ accuratè cognoscuntur, aliæ verò imperfectè duntaxat. Relatio quæ est inter hoc vel illud quadratum, & hoc vel illud triangulum accuratè cognoscitur, sed imperfectè tantum cognoscitur relatio quæ est inter Lutetiam & Aureliam: Notum est triangulum esse æquale triangulo, aut illius esse duplum aut triplum, &c. Sed notum est duntaxat Lutetiam esse majorem Aureliâ, accuratè verò non cognoscitur quantum sit major.

Præterea inter cognitiones imperfectas innumeri cognitionum gradus sunt; immo omnes illæ cognitiones non sunt imperfectæ nisi relatè ad cognitiones perfectiores. Exempli gratiâ, perfectè notum est Lutetiam esse majorem Foro seu Plateâ Regali: & hæc cognitio non est imperfecta nisi relatè ad cognitionem accuratam, secundum quam accuratè notum esset quanto Lutetia major hac plateâ quam includit.

Ita

Platea Parisiensis dicta Gallicè la Place Royale.

Ita sunt quæstiones multiplicis generis. 1. Quædam sunt in quibus quæritur cognitio perfecta omnium relationum accuratarum quas duo aut plura habent inter se.

2. Quædam sunt in quibus quæritur cognitio perfecta alicujus relationis accuratæ quæ est inter duæ aut plura.

3. Quædam sunt in quibus quæritur cognitio perfecta alicujus relationis ad accuratam accedentis, quæ est inter duo vel plura.

4. Quædam sunt in quibus duntaxat quæritur cognitio relationis satis vagæ & indeterminatæ.

Evidens est 1. ad solvendas quæstiones primi generis & ad perfectè cognoscendas omnes relationes accuratas magnitudinis & qualitatis quæ sunt inter duo vel plura, illarum rerum habendas esse ideas distinctas, quibus perfectè repræsententur, & res illas esse inter se conferendas, omnibus modis possibilibus: Exempli gratiâ, possunt solvi omnes quæstiones quæ ad id tendunt ut deprehendantur accuratæ relationes quæ sunt inter 2. & 8. ubi 2. & 8. accuratè nota sunt, possunt conferri simul omnibus modis necessariis, ad cognoscendas eorum relationes magnitudinis aut qualitatis. Innotescere potest numerum 8. quadruplo majorem esse numero 2. eos esse numeros pares, & 8. & 2. non esse numeros quadratos.

2. Clarum est, ad solvendas quæstiones secundi generis, & ad accuratè cognoscendam aliquam relationem magnitudinis aut qualitatis quæ sit inter duo vel plura, necesse esse & sufficere distinctè cognoscere *facies*; vel respectus secundum quos debent conferri ad deprehendendam relationem quæsitam. Exempli gratiâ, ad solvendas aliquot ex quæstionibus quæ ad id tendunt ut deprehendantur aliquot relationes accuratæ inter 4 & 16, ut 4 & 16 esse numeros pares & numeros quadratos, sufficit accuratè cognoscere 4 & 16 bisariam absque fractione dividi posse, & utrumque esse productum numeri per se ipsum multiplicati, & inutile est examinare quænam sit vera ipsorum quantitas. Evidens enim est, ut agnoscantur accuratæ relationes qualitaris quæ sunt inter res, satis esse habere ideam maximè distinctam ipsarum qualitatis, misâ ipsarum quantitate; non secus ac ut cognoscantur quantitaris relationes accuratæ sufficit accuratè cognoscere ipsarum quantitatem, neglectâ ipsarum qualitate.

3. Clarum est, ad solvendas quæstiones tertii generis, & cognoscendam aliquam relationem ad accuratam satis accedentem, quæ sit inter duo vel plura, sufficere si rerum illarum facies aut latera propemodum cognoscantur secundum quæ debent comparari, ad deprehendendam relationem veræ proximam quæ quæritur, sive magnitudinis sit, sive qualitatis. Exempli gratiâ, possum evidenter scire Radicem numeri 8. esse majorem numero 2. quia possum propemodum scire veram magnitudinem Radicis numeri 8. sed non possum cognoscere quan-

to præcisè Radix 8. major sit quàm 2. quia non possum accuratè cognoscere veram magnitudinem Radicis 8.

Denique evidens est, ad solvendas quæstiones quarti generis, & agnoscendas relationes vagas & indeterminatas sufficere res cognoscere quantum opus est ut illæ inter se conferantur ad detegendas relationes quæsitæ. Adeo ut necesse semper non sit, ad solvendas quaslibet quæstiones, habere ideas maximè distinctas vocum quibus exprimuntur, hoc est perfectè cognoscere res quæ illis vocibus significantur. Sed eò accuratius cognosci debent, quò relationes deprehendendæ sunt accuratiores & numero plures. Námque, ut modò dictum est, in quæstionibus imperfectis, sufficit habere ideas imperfectas rerum quas consideramus; ut illæ quæstiones, juxta id quod continent perfectè solvantur. Immo optimè possent solvi quæstiones, quamvis non habeatur idea distincta vocum quibus exprimuntur. Námque, ubi quæritur an ignis possit liquefacere sal, obdurare lutum, & innumera alia similia, illæ quæstiones omnino intelliguntur, & possunt optimè solvi, licet nulla habeatur idea distincta ignis, salis, luti &c. Quoniam qui has movent quæstiones, eas ideo tantùm movent ut sciant an aliquo experimento sensibili constet ignem hos effectus edidisse: Quapropter juxta cognitiones a sensibus ortas ipsis potest satis fieri.

C A P U T VIII.

Applicatio cæterarum regularum ad quæstiones speciales.

Quæstiones sunt duplicis generis, aliæ simplices, aliæ compositæ; priorum solutio pendet a solâ mentis attentione ad ideas claras vocum quibus exprimuntur. Aliæ non possunt solvi nisi per collationem cum tertiâ aut pluribus aliis ideis; non possunt cognosci relationes incognitæ, quæ vocibus quæstionis exprimuntur, comparando immediate ideas vocum illarum; non possunt enim conjungi aut comparari. Habendæ sunt igitur una aut plures ideæ mediæ ad instituendas collationes necessarias, ut deprehendantur illæ relationes; & accuratè attendendum est ut ideæ illæ mediæ sint claræ & distinctæ, prout relationes quæsitæ sunt vel accuratiores vel numero plures.

Hæc regula est consuetudinem quoddam primæ, nec minoris momenti. Námque, si necesse sit, ad rerum quæ inter se comparantur relationes accuratè cognoscendas, earum habere ideas claras & distinctas, eâdem ratione necesse est accuratè cognoscere ideâs medias, secundùm quas institui debent illæ comparationes; cum distinctè cognoscenda sit relatio-
men-

mensuræ ad unam quamque rem quam metimur, ut singularum rerum possint deprehendi relationes. Adfunt exempla.

Ubi vasculum quoddam admodum leve, in quo sit lapis magneticus, libenter aquæ supernatare sino, si Polo Septentrionali istius magnetis obijciatur idem Polus aliûs magnetis quem præ manibus habeo; illico prior magnes veluti vento quodam vehementi impulsus recedere cernitur. Et quæritur causâ istius effectûs.

*Explicatur
proprietas
magnetis*

Ad reddendam rationem motûs istius magnetis, satis patet satis non esse cognoscere relationes quas habet cum alio; etsi enim omnes accuratè cognoscerentur, tamen facilius non conciperetur quo modo hæc duo corpora possint sese mutuò pellerè, cum tamen sese mutuò non tangant.

Examinandum est igitur quænam distinctè cognoscamus posse juxta ordinem naturæ aliquod corpus movere, quæstio enim est de causâ naturali motûs magnetis qui sanè est corpus. Itaque ad nullam confugiendum est qualitatem, formam aut entitatem, quam clarè non concipimus posse movere corpora, immo nec ad intelligentiam; certò enim non constat intelligentias esse causas ordinarias motuum naturalium corporum, immo certum non est an possint producere quempiam motum.

Evidens est eam esse legem naturæ, ut corpora sese moveant dum sibi invicem occurrunt. In id igitur incumbendum est ut Magnetis motum explicemus ope alicujus corporis quod ipsi occurrat. Potest quidem fieri ut quid aliud a corpore distinctum moveat magnetem; sed quia nullam habemus ideam distinctam illius alterius rei, illâ uti non debemus ut modo apto ad deprehendendum & aliis explicandum id quod quærimus. Ille enim effectûs rationem non reddit qui illum explicat per causam quam nemo clarè assequitur. Igitur sollicitè quærendum non est, an sit nec ne quædam alia causâ naturalis motûs corporum, diversâ ab illorum mutuò occurssu, supponendum potiùs nullam aliam esse ejusmodi causam, & attentè considerandum quodnam corpus possit occurrere Magneti, illumque movere.

Liquet primò illud corpus non esse Magnetem quem præ manibus habeo, quippe qui non attingat Magnetem motum. Quia verò hic non movetur nisi accedente illo quem manu teneo, nec per se movetur; concludendum est, quamvis magnes quem teneo non moveat alium magnetem, hunc motum procedere debere ab aliquot corpusculis ex-euntibus e meo Magnete, & ab eo etiam impulsus versùs alium magnetem.

Ut hæc corpuscula deprehendantur non aperiendi sunt oculi, nec ad Magnetem accedendum; sensus enim rationi fortè fucum facerent, & ad id fortè impellerent ut nihil revera e magnete exire judicaretur, quia oculi nihil deprehenderent. Fortè etiam non recordaremur oculis non cerni ventos etiam vehementissimos, neque subtilem materiam quæ pri-

mitivè omnes effectus naturales producit.

Strenuè igitur acquiescendum in conclusione modò deductâ, & accuratè sunt inspiciendi omnes effectus magnetis, ut possimus assequi quomodo sine substantiæ suæ imminutione possit indefinenter ex se pellere hæc corpuscula. Nam experimenta quæ fient ostendent hæc corpuscula dum ex uno latere exeunt, eodem tempore per alterum regredi. Et hoc pacto omnes difficultates quæ adversus hanc solvendæ quæstionis rationem formari possunt explicabuntur. Sed observandum ab hac explicandi ratione non esse desistendum propter quasdam difficultates ex solâ in quâ versamur multorum ignorantia natas.

Si non lubeat examinare cur Magnetes sese repellant, ubi iidem poli ipsis invicem obijciuntur : sed potius cur ad se invicem accedant & sese mutuò jungant, ubi polus Septentrionalis unius obijcitur Polo Meridionali alterius, quæstio erit difficilior, & unica idea media non sufficit ad illam solvendam. Non sufficit accuratè cognoscere relationes quæ sunt inter polos amborum Magnetum, neque confugere ad ideam adhibitam in quæstione præcedenti, namque hæc ratio videtur potius obstat effectui cujus quæritur causa. Non est etiam recurrendum ad ullam ex iis rebus quas clarè non cognoscimus causas esse naturales & ordinarias motuum corporeorum, nec declinanda est difficultas quæstionis per ideam vagam & indeterminatam *qualitatis occultæ* in magnetibus quâ sese mutuò attrahant; mens enim capere nequit unum corpus posse aliud attrahere.

Impenetrabilitate corporum admissâ, facile est concipere motum posse communicari per impulsione, & ex experientia liquidò constat motum revera hoc pacto communicari : sed nulla ratio nullumve experimentum clarè demonstrat motum *attractionis* : Namque in experimentis quæ aptissima videntur ad probandam hanc speciem motus, ubi vera & certa deprehenditur causa effectus qui motum attractionis innuere videbatur, evidentè patet id quod per attractionem fieri credebatur, fieri revera per impulsione. Itaque alia non quærenda est communicatio motus ab illâ quæ fit per impulsione; cum hæc ratio sit certa & indubitata; aliæ verò quæ excogitari possent obscuritate ad minimum laborent. Immo verò licet demonstrari posset in rebus merè corporeis alia esse principia motus diversa a concursu corporum; hoc meritò rejici non posset. Immo cæteris quibuscumque præponi debet, cum sit omnium clarissimum & evidentissimum, ac adeo indubitatum videatur, ut asserere hic non dubitemus illud omni tempore ab omnibus gentibus fuisse admissum.

Ex experientia liquet magnetem in aquâ liberè natantem accedere ad alium magnetem quem quis præ manibus haberet si ipsi certum quoddam latus obijciatur : concludendum est igitur magnetem accedentem ab alio impelli. Quia verò Magnes quem quis tenere supponitur non pellit

pellit magnetem natantem, nec tamen Magnes natans accederet nisi alter ipsi objiceretur: evidens est ad minimum recurrendum esse ad duas rationes ut hæc quæstio explicetur: si illam per principium admis- sum communicationis motuum solvere velimus.



Magnes c accedit ad Magnetem C. Ergo aër quo circumdatur illum pellit, cum nullum aliud sit corpus a quo pelli possit, & hæc est prima ratio. Magnes c non accedit nisi præsentem magnetem C. Ergo necesse est ut magnes C determi- net aërem ad pellendum magnetem c; & hæc est secunda ratio. Hæc duas rationes planè necessarias esse evidens est. Adeo ut difficultas nunc in eo

consistat, ut hæc duæ rationes simul jungantur, quod bisariam fieri po- test, vel incipiendo ab aliquâ re cognita in aëre quæ circumdet mag- netem c, vel incipiendo ab aliquâ re notâ in magnetem C.

Si notum sit partes aëris, ut cæterorum corporum fluidorum in per- petuâ versari agitatione, dubium non erit quin indefinenter agantur in magnetem c quem ambiunt; & quia illum undique æqualiter ferunt, illum ab unâ parte non magis pellunt quàm ab aliâ, quandiu ubique æqualis est aëris portio. Cum hæc ita sint, facile est judicare magne- tem C impedire quominus tantumdem sit hujus aëris de quo loquimur, versùs a, quantum versùs b. Sed id fieri nequit quin dispergantur quæ- dam alia corpora in spatio quod intercedit inter C & c: ergo debent exire corpuscula ex magnetibus ad occupandum illud spatium; atque id etiam docet experientia, quum magneti circumfunditur ferri * li- matura; visibilem enim reddit hæc limatura cursum horum invisibilium corpusculorum. Itaque cum corpuscula illa pellant aërem qui est pro- pe a, magnes c minùs pellitur ab hac parte quàm ab alterâ; & pro- inde accedere debet ad magnetem C, cum omne corpus debeat mo- veri versùs partem unde minùs pellitur.

Sed nisi magnes c in polo suo a multos haberet poros aptos ad re- cipienda corpuscula quæ exeunt è Polo B alterius magnetis, & mi- nora quàm ut possint recipere partes aëris; evidens est hæc corpuscu- la, cum sint magis agitata quàm aër, si quidem illum pellunt & spatio quod intercedit inter duos magnetes, esse impulsura magnetem c & illum a magnetem C remotura. Cum itaque magnes c accedat ad mag- netem C aut ab illo recedat, ubi diversi ipsi obijciuntur Poli, necessariò concludendum est Polos a & b magnetis c repletos esse poris diversis; alioqui corpuscula quæ exeunt e magnetem C non transirent liberè & non pulsò magnetem c ad latus a, illumque non repellerent ad latus b. Quod de uno magnetem dictum est de altero pariter intelligi debet.

Hoc

* Vid:
Cartes.
Philosoph.
4. part.

Hoc modo secundum ideas claras & axiomata indubitata ratiocinandi aliquid semper innotescere manifestum est. Hoc pacto enim patuit aërem qui circumdat magnetem e pelli e spatio quod interceptur a corporibus quæ indefinenter exeunt ex illorum Polis; quæque ab unâ parte transitum liberum habent, ab alterâ verò clausum. Si autem vellemus aliquatenus saltem cognoscere quænam sit magnitudo & figura pororum magnetis per quos hæc corpuscula transeunt, alia essent facienda experimenta; Verum hæc nos ab instituto nostro longius abducerent. Circa hæc quæstiones consuli possunt placita Cartesij, non ad ea cæcè sequenda, sed ut ejus philosophandi methodo assuecatur. Addam modò, ut ad id respondeam quod objici posse videtur, cur hæc corpuscula non possint regredi per eisdem poros ex quibus exire, addo, inquam, præter certam quandam figuram, aut determinatam magnitudinem quæ in poris idonea supponi potest ad eum effectum producendum; inflexionem ramusculorum ex quibus constant illi pori posse ab unâ parte seu uno sensu cedere corpusculis quæ per illos transeant, ab alterâ verò parte veluti surrigi, ipsisque transitum præcludere. Continuum subtilis materiæ fluxus ex uno in alterum polum sufficit ad impediendum quominus per poros unde egressa est regrediat; hujus enim materiæ pars hunc fluxum ita vincere non potest ut sibi viam aperiat per poros unde effluxit, aut per poros Poli ejusdem nominis qui fluxum habent contrarium. Itaque non est quòd quis tantoperè miretur discrimen quod est inter duos Polos Magnetis, illud enim discrimen multifariam potest explicari, ac in eo duntaxat versatur difficultas ut nempe inter diversas illas causas vera dignoscatur.

Si quis quæstionem modò examinatam solvere conatus fuisset incipiendo a corpusculis quæ e magnete exire supponuntur, idem comperisset, & deprehendisset etiam aërem sive crassum, sive subtiliorem constare ex innumeris partibus perpetuò agitatis, nisi enim res sic se haberet, magnes e nunquam posset accedere ad magnetem C. His explicandis non immoror, quippe quæ difficilia non sint.

Investigatur
causa
motus
membrorum
nostrorum.

Sed alia est quæstio magis complexa quàm præcedentes, & in quâ plurimæ regulæ sunt adhibendæ. Quæritur quænam possit esse causa naturalis & mechanica motus membrorum nostrorum.

Idea causæ naturalis est clara & distincta, si eodem modo intelligatur quo illam explicui in quæstione præcedente. Sed vox motus membrorum nostrorum est æquivoca & confusa, multiplices enim sunt ejusmodi motus. Sunt voluntarii, naturales, & convulsivi. Varia etiam sunt membra in corpore humano. Itaque juxta primam regulam rogare debeo, cuiusnam ex illis motibus hic quærratur causa. Si verò quæstio maneat indeterminata ita ut illam pro arbitrio possim solvere, quæstionem ad hunc modum explicio.

Horum motuum proprietates attentè considero. Quia verò primâ fronte animadverto motus voluntarios ut plurimum celerius fieri quàm con-

nem, innumeræ fieri deberent fermentationes magnæ & parvæ, promptæ & lentæ, quæ inciperent, &, quod juxta hanc suppositionem explicatu adhuc difficilior est, quæ desinerent pro istius hominis arbitrio. Hæc fermentationes oporteret totam suam non dissipare materiam, & hanc materiam ad inflammationem semper esse paratam. Ubi homo decem leucarum iter emensus est, quoties, rogo, musculi qui ad incedendum inserviunt, impleri & evacuari debuerunt? Certè res in infinitum procederet; & quot opus esset spiritibus si singulis quibusque gressibus, fermentatio illos dissiparet & extingueret? Hæc igitur ratio est imperfecta ad explicandos motus corporis nostri, qui omnino pendunt a voluntate nostrâ.

Hanc præsentem quæstionem in hoc Mechanicæ problemate consistere evidens est. Nempe; *Machinis pneumaticis invenire rationem superandi hanc vel illam vim, ut vim centumpondii, per aliam vim quantum libet parvam, ut per vim ponderis unius uncie; & efficere ut applicatio parvi istius ponderis ad producendum effectum suum pendeat a voluntate.* Jam autem istud problema solutu facile est, & illius demonstratio est clara.

Potest solvi ope vasis cui duo sint orificia, cujus alterum altero sit majus paulò plus quàm 1600^{tes}. & in quibus inserantur tubi duorum follium æqualium; & applicetur vis 1600^{tes}. duntaxat major alterâ folli majoris orificii, tunc enim vis 1600^{tes}. minor superabit majorem, & illius problematis demonstratio clara est ex mechanicis disciplinis, quoniam vires non sunt accuratè in proportionem reciprocam ad orificia, & relatio parvi ponderis, seu debilioris vis ad angustum orificium sit major quàm relatio magnæ vis ad magnum orificium.

Verùm ut istud problema solvatur per machinam quæ melius representet effectum musculorum, parumper sufflandum est in follem luforium, & deinde huic folli vento ad dimidiam partem inflato applicandum est saxum ingentis molis, vel collocandus est folli super mensâ, asserere tegendus & asseri ingens saxum imponendum; vel faciendum ut homo quispiam ponderosissimus huic asseri infideat, ipsi permittendo aliquo fulcro uti ut folli intumescenti possit resistere. Si quis enim de-nuo ore duntaxat in follem insufflet, sublevabit lapidem quo comprimebatur, vel hominem qui ei infidebat. Dummodo canalis per quem ventus subit follem habeat valvulam quæ vento exitum præcludat, ubi respirandum erit. Hujusce rei hæc est ratio; nempe orificium folli adeo exiguum est, vel adeo exiguum supponi debet, relatè ad totam ejusdem folli capacitatem, qui resistit pondere saxi, ut hoc modo vis minima possit vincere maximam.

Si attendatur pariter, solum halitum vel flatum, vel sufflationem posse violenter pellere glandem plumbeam, ope tubulorum pneumaticorum Gallicè *Serbacanes*, vel *Sarbatanes*, quia vis flatûs non dissipatur, & indefinenter renovatur: Manifestò patebit, proportionem necess-

Liii

fariâ inter orificium & capacitatem follis semel suppositâ maximas vires solo flatu faciliè vinci posse.

Si igitur concipiamus musculis integris, vel singulis fibris ex quibus constant, esse ut folli capacitatem aptam ad recipiendos spiritus animales, poros per quos spiritus in eos insinuantur esse adhuc minores proportionem servatâ quàm vesicæ collum, aut follis foramen; spiritus cohiberi & pelli in nervos serè tanquam flatum in tubulos pneumaticos suprâ dictos; & spiritus magis esse agitados quàm aërem in pulmonibus, & impulsos majori impetu in musculos, 'quàm aërem in folles: Hinc patebit motum spirituum qui in musculos diffunduntur posse superare vim gravissimorum ponderum quæ possint portari: Quòd si his graviora non possint portari, defectus virium non tam est a parte spirituum, quàm a parte fibrarum & pellicularum ex quibus constant musculi, quæ disrumperentur nimia conatûs violentiâ. Præterea, si attendamus per leges conjunctionis mentis cum corpore, motus horum spirituum, quoad illorum determinationem, pendere a voluntate hominum, faciliè patebit motus brachiorum esse voluntarios.

Brachium quidem tantâ velocitate movemus, ut primâ fronte incredibile videatur effusionem spirituum in musculos ex quibus constat brachium, satis habere velocitatis ad producendum illum motum. Sed animadvertere debemus hõce spiritus esse perquam agitados, ad id semper paratos ut e musculo in alium possint intrare, & paucos duntaxat sufficere ad illos musculos inflandos, quantum necesse est ut soli moveantur, vel ubi aliquid levissimum e terra tollere volumus. Ubi enim aliquid grave nobis est tollendum, id celeriter efficere non possumus. Ubi pondera sunt gravia, musculi sunt valde inflandi & intendendi. Ut hoc modo insentur, aliis adhuc opus est spiritibus præter eos qui sunt in musculis vicinis aut antagonistis vel oppositis. Ut igitur spiritus illi aliunde accersantur, & illorum sufficiens infundatur copia ad resistendum gravitati, tempore opus est. Unde fit ut ii qui sunt onerati non possint currere, & qui e terrâ aliquid grave tollunt, id eadem velocitate non efficiant ac si festucam tollerent.

Iterum si attendamus eos quibus est temperamentum calidius, vel qui vinum paulò largiùs potarunt cæteris esse promptiores: inter animalia ea quibus spiritus sunt magis agitati, ut aves, velociùs moveri, quàm ea quibus sanguis est frigidus, quales sunt ranæ; ac etiam quædam esse ut Camelæonem, Testudinem, & nonnulla insecta, quorum spiritus adeo lentî sunt, ut iporum musculi citiùs non implerentur quàm folliculus in quem insufflaretur. Si hæc omnia, inquam, sedulo animadvertantur, forsân explicatio nostra digna videbitur quæ admittatur.

Sed quamvis huic parti quæstionis propositz, quæ versatur circa motus

tus voluntarios, satisfecisse nobis videamur, asserendum tamen non est illam plenè fuisse solutam, & nihil ampliùs esse in corpore nostro quod ad hos motus producendos conferat. Etenim verisimile est in musculis nostris esse innumera organa quæ hos motus reddunt faciliores, quæque æternùm latebunt eos etiam qui in Operibus Dei explicandis feliciùs conjiciunt.

Secunda pars quæstionis quæ examinanda venit versatur circa motus naturales, vel illos motus in quibus nihil est extraordinariù; ut esse solet in motibus convulsivis: sed qui planè necessarii sunt ad machinæ conservationem, quique ideo a voluntate nostrâ non dependent.

Primò igitur quàm attentissimè possum considero quinam sint ejusmodi motus, & an sint inter se penitus similes: Quia verò primo intuitu agnosco penè omnes a se invicem differre, ne æquo majorem rerum numerum amplectar, soli cordis motui immoror. Hæc pars est omnium maximè nota, & ipsius motus omnium maximè sensibiles. Ipsius igitur structuram examino, & duo imprimis observo. Primò, cor ut cæteros musculos ex fibris constare. Secundò in eo esse duas cavitates non exiguas. Judico igitur ipsius motum fieri posse spirituum animalium ope, quandoquidem est musculus, & sanguinem in eo fermentari & dilatari, cum in eo sint cavitates. Prius judicium iis quæ modò dixi fretum est, & secundum ex eo petitur quòd cor multò calidius sit cæteris corporis partibus; quòd calorem cum sanguine omnibus membris distribuat; quòd duæ illæ cavitates non potuerint formari & conservari nisi dilatatione sanguinis, ac proinde eidem causæ interserviant quæ illas produxit. Possum igitur sufficientem reddere rationem motûs cordis per spiritus qui illud agitant & per sanguinem qui illud dilatat dum fermentatur: Quamvis enim causa quam afferro ipsius motûs forsan non sit vera illius causa, certum tamen mihi videtur illam sufficere ad producendum illum motum.

Principium quidem fermentationis aut dilatationis liquorum forsan non satis innotescet iis omnibus qui hæc legent, ut existimem me penitus explicuisse effectum, ostendendo duntaxat in genere ipsius causam esse fermentationem: sed omnes quæstiones speciales non debent solvi ascendendo ad primas causas. Possumus quidem ad eas ascendere, & hoc pacto verum systema patefacere, ex quo omnes effectus speciales dependent, dummodo solis immoremur ideis claris: sed hæc philosophandi ratio nec accuratissima nec brevissima est.

Ut rem clariùs explanem, sciendum est quæstiones esse duplicis generis. In prioribus, detegendæ veniunt natura & proprietates alicujus rei. In aliis, quæritur an hæc vel illa res habeat hanc proprietatem necne, aut si notum sit illam hanc habere proprietatem, quæritur duntaxat quænam sit illius proprietatis causa.

Ut quæstiones primi generis solvantur, res ab ortu sunt examinandæ,

dæ, & concipiendum est illas semper gigni per vias simplicissimas & maximè naturales. Ut aliæ quæstiones solvantur, diverso procedendum est modo; solvendæ sunt per suppositiones, & examinandum an hæc suppositiones ad aliquod absurdum, vel ad aliquam veritatem clarè cognitam ducant.

Exempli gratiâ quæritur quænam sint proprietates cycloïdis vel alicujus ex *sectionibus conicis*. Considerandæ sunt illæ lineæ in ipsarum generatione, & formandæ juxta vias simplicissimas & omnium minimè intrincatas; Hæc est enim optima & brevissima ratio detegendi illarum naturam & proprietates. Nullo negotio patet subtenfam cycloïdis esse æqualem circulo cujus ope ducta fuit; Sed si hac viâ facile non detegantur multæ ex illius proprietatibus, id oriatur ex eo quòd linea circularis quæ ad illam formandam inservit satis cognita non sit. Ad lineas verò merè Mathematicas quod spectat, quarum relationes faciliùs cognosci possunt, quales sunt sectiones conicæ, ut illarum quamplurimæ detegantur proprietates, sufficit illas lineas considerare in ipsarum generatione. Duntaxat attendendum est, cum lineæ illæ possint generari ex motibus diversimode ordinatis, quamlibet generationem non esse æquè idoneam ad erudiendam mentem; simplicissimas esse omnium optimas, & tamen contingere ut quædam rationes, seu modi speciales aliis sint aptiores ad demonstrandas quasdam proprietates speciales.

Sed si non quærantur in genere proprietates alicujus rei, sed duntaxat an res aliqua hanc vel illam habeat proprietatem. Tum supponendum est rem illam revera hanc habere proprietatem, & attentè examinandum quid ex hac suppositione sequi debeat, an ad manifestum ducat absurdum, an ad veritatem indubitatam, quâ ad veritatem quæ disquiritur inveniendam via sternatur. Atque hac ratione utuntur Geometræ ad solvenda sua problemata. Quod quærun supponunt, & examinant quid inde consequi possit. Relationes quæ ex ipsorum suppositionibus resultant attentè considerant. Hæc omnes relationes quæ includunt conditiones problematis per *æquationes* repræsentant, & postea hæc *æquationes* juxta regulas quas circa id habent, reducunt; ita ut quod ignotum est, uni aut pluribus rebus planè cognitis æquale reperiatur.

Si igitur quærat in genere natura ignis & diversarum fermentationum, quæ sunt causæ maximè universales effectuum naturalium. Dico viam brevissimam & notissimam esse id examinare in principio suo. Consideranda est formatio corporum maximè agitatorum, & quorum motus diffunditur in ea quæ fermentantur. Per ideas claras & vias simplicissimas examinandum est, quid motus possit producere in materiâ, & quia ignis & variz fermentationes sunt res maximè generales, quæque proinde a paucis pendent causis; Opus non erit longo examine ad considerandum quid materia efficere possit, ubi motu

*Vide 16.
Illustrationem,
ab iis quæ dico
de ignis
generatione
ad finem
usque.

agitatur, ut natura fermentationis in ipsius principio cognoscatur. Et eodem tempore multa alia deprehenduntur omnino necessaria* ad cognitionem Physices. Cùm contrà si in hac quæstione quis vellet per suppositiones ratiocinari, ad ascendendum hoc pacto ad primas causas, & ad leges naturæ secundùm quas omnia formantur, multas faceret falsas suppositiones & prorsus inutiles.

Possêt quidem agnosci causam fermentationis esse motum materiæ cuiusdam invisibilis qui cum partibus materiæ quæ agitatur sese communicat; satis enim notum est ignem & varias fermentationes corporum consistere in ipsorum agitatione, & legibus naturæ corpora motum suum immediate non recipere nisi ex concursu aliorum magis agitatorum. Hoc pacto materiam esse imperceptibilem, cujus motus, fermentationis ope, cum visibilibus corporibus communicatur, detegi posset. Verùm suppositionum ope nequaquam posset deprehendi quomodo id fiat: quod longè facilius est ubi elementorum aut corporum ejusdem naturæ formatio examinatur; ut patet ex systemate Cartesii.

Tertia pars quæstionis, quæ versatur circa motus convulsivos, solutu non erit admodum difficilis, dummodo supponantur esse in corpore spiritus animales alicujus fermentationis capaces, & humores satis subtilēs, ut sese insinuent in poros nervorum, per quos spiritus diffunduntur in musculos; dummodo etiam determinare non aggrediamur quænam sit vera dispositio partium invisibilium, quæ conferunt ad hos motus convulsivos producidos.

Ubi musculus separatus fuit a reliquo corpore, & ipsius extrema manu tenentur, manifestum est illum ad id niti ut contrahatur, ubi in ventre pungitur. Verisimile est id pendere ex constructione partium imperceptorum ex quibus constat, quæ veluti totidem occulta elaterica organa motu punctionis ad certos motus determinantur. Verùm quis posset considerare se invenisse veram dispositionem partium quæ producendo illi motui inserviunt, quisve illius rei posset demonstrationem tradere indubitam? Certè id impossibile videtur, quamvis forsitan iterum atque iterum scrutando, posset excogitari constructio musculorum aptorum ad omnes quos videmus producidos motus. Non igitur sibi proponendum est determinare quænam sit vera musculorum constructio; sed quia nulla est legitima ratio dubitandi quin sint spiritus capaces fermentationis ex admisione alicujus materiæ subtilis, aut quin humores acres & pungentes possint sese insinuare in nervos, id potest supponi.

Igitur ad solvendam quæstionem propositam, primò examinandum est quotuplices sint motus convulsivi: quia verò illorum numerus videtur indefinitus, insistendum est præcipuis quorum cause videntur esse diversæ. Considerandæ sunt partes in quibus excitantur illi motus, morbi qui illos præcedunt & sequuntur: an cum dolore, an verò sine dolore fiant, & præcipuè quænam sit illorum velocitas & violentia:

lencia: Quidam enim cum celeritate & violentiâ, quidam verò sine celeritate & violentiâ fiunt. Quidam desinunt & sæpius recurrunt; quidam partes corporis reddunt rigidas & sine motu per aliquod tempus; quidam verò illarum usum omnino prohibent ac illas penitus distorquent.

His omnibus animadversis, facili negotio in genere explicari potest quomodo isti motus convulsivi fieri possint, si attendatur ad ea quæ modò dicta sunt de motibus naturalibus & voluntariis. Si enim concipiamus commiseri spiritibus qui in musculo continentur; aliquam materiam aptam ad illos fermentandos, musculus ille inflabitur, & in hac parte motum convulsivum producet.

Si huic motui facilè resistitur, hinc patebit nervos nullo humore esse obstructos, cum iidem spiritus qui musculum subiverant ex eo possint emitti & ad id determinari ut insint musculum antagonisam, vel oppositum. Si verò id fieri nequeat, hinc concludendum erit humores pungentes & subtiles ad illum motum aliquid saltem conferre. Immo quandoque fieri potest ut humores illi sint sola causa horumce motuum convulsivorum: Possunt enim determinare cursum spirituum versus quosdam musculos, vias aperiendo per quas intra illos feruntur, alias verò claudendo, præterquam quòd penetrando illorum poros, illorum tendines & fibras contrahere possint.

Ubi pondus gravissimum pendet de fune non parum elevatur si tantum funem madefeceris; quia partes aquæ sese veluti totidem cuneoli inter fila ex quibus funis constat insinuant, funem dilatando contrahunt. Pariter humores subtiles & pungentes sese insinuando in poros nervorum, illos contrahunt, partes quæ illis alligantur trahunt, & in corpore excitant motus convulsivos, admodum lentos, violentos, & dolorificos, & partem per aliquod tempus maximè distortam sæpe relinquunt.

Ad motus convulsivos qui celeriter fiunt quod spectat, illi a spiritibus producuntur, sed necesse non est hosce spiritus aliquam recipere fermentationem; sufficit duntaxat ut illorum ductus magis ab unâ quàm ab alterâ parte pateant.

Ubi omnes corporis partes sunt in situ suo naturali, spiritus animales in eas aequaliter & celeriter, relatè ad machinæ commodum, diffunduntur, ac voluntatis mandata fideliter exequuntur. Sed ubi humores dispositionem cerebri turbant, & nervorum officia immutant aut movent, vel, penetrando musculos, elaterica illorum pellunt organa; spiritus in corporis partes modo prorsus inusitato diffunduntur, & motus insolitos inconsultâ voluntate producant.

Possunt tamen cohiberi illi motus, si strenuè & seriò iis resistatur, immo possunt paulatim imminui vestigia quæ ad illos producendos inserviunt, ubi habitus penitus est contractus. Qui sibi cavent ab invectivis oris compositionibus, aut a situ corporis indecoro facilè abstinent, licet

licet corpus ad id sit dispositum: immo hæc quamvis habitu corroborata ægrè quidem superant, sed superant tamen. Illi enim habitus in principis suis sunt semper impugnandi, & antequam curius spirituum inierit viam clausu difficiliorem.

Causa horum motuum nonnunquam est in musculo qui agitur: quia nempe ab aliquo humore pungitur, vel in eo spiritus quidam fermentantur. Sed causa illa in cerebro assignanda est, præcipuè ubi convulsiones non modò unam aut duas corporis partes speciatim, sed omnes in genere agitant, ut & in multis morbis qui naturalem sanguinis & spirituum constitutionem immutant.

Cùm unus nervus quandoque diversos habeat ramos, qui diffunduntur in partes corporis satis a se invicem remotas, ut in vultu & in viscera; sæpe quidem contingit ut convulsio, suam habens causam in parte aliquâ in quam quidam ex illis ramis se inserit, possit communicari cum partibus quibus alii rami respondent, quamvis nec cerebrum illius convulsionis causa, nec spiritus corrupti sint.

Sed ubi motus convulsi communes sunt penè omnibus corporis partibus, necesse est dicere, aut spiritus fermentari modo inusitato, aut ordinem & dispositionem partium cerebri esse turbata, vel utrumque evenire: huic quæstioni diutius non insisto, nàmque adeo complexa evadit & a tot rebus pendet, ubi speciatim examinatur, ut facile non possit inservire ad claram explicationem legum suprâ traditarum.

Nulla scientia aptiora suppeditat exempla ad demonstrandam harumce legum utilitatem, quàm Geometria, & præcipuè Algebra, nàmque illæ duæ scientiæ harum legum perpetuum admittunt usum. Geometria necessitatem quæ incumbit semper incipiendi a rebus simplicissimis, quæque minores includunt relationes clarè ostendit. Hæc relationes per mensuras clarè cognitæ semper examinat. Quicquid inutile est ad illas retegendas eliminat. Quæstiones compositas in partes dividit, partes illas in ordinem digestas ordine etiam expendit. Denique unicus defectus qui, ut jam dictum est, in hac scientiâ potest deprehendi, in eo consistit quòd nullam habeat rationem satis aptam ad contrahendas ideas & relationes quæ cognitæ fuerunt. Itaque quamvis imaginationem intra justos cohibeat limites, & menti rectitudinem afferat, illius capacitatem parum auget, nec ipsam reddit idoneam ad detegendas veritates admodum complexas.

Sed Algebra, cùm rationes tradat ideas & earum relationes modo omnium brevissimo contrahendi, mentis capacitatem admodum auget. Nihil potest concipi adeo complexum in relationibus magnitudinum, quod mens tandem non possit reterege per illos quos suppeditat modos, ubi quis novit quomodo ipsis utendum sit.

Quinta regula & aliæ, in quibus agitur de modo contrahendi ideas hanc solam spectant scientiam; nulla enim est in aliis scientiis illarum contra-

contrahendarum commoda ratio : Itaque iis explicandis non immorabor. Qui ad scientias Mathematicas proclives sunt, & menti totam vim totamque capaciatem quam potest suscipere conciliare volunt, atque hoc pacto cò devenire ut possint innumeras novas veritates ipsius reterege, postquam Algebrae seriò studuerint, agnoscent hanc scientiam ad veritatem inquirendam ideo duntaxat esse tantopere utilem, quia leges a nobis præscriptas observat. Sed hic per Algebram intelligo præsertim Algebram illam quâ Cartesius & nonnulli alii usi fuere.

Antequam huic Operi finem imponam, asseram exemplum cui paulò propius immorabor, ut melius cognoscatur utilitas ex toto hoc Libro ducenda. In hac quæstione represento processum mentis, quæ ad quæstionis non levis examen se accingens, sese a præjudiciis expedire conatur. Immo primâ fronte illam induco in errorem aliquem lapsam, ut hoc pacto alibi a me dicta in memoriam revocentur; sed postquam attentione tandem assequutâ est veritatem quam quærebat, illam introducto positivè loquentem, ut loqueretur homo qui quæstionem a se examinatam solvisse existimaret.

CAPUT IX.

Ultimum exemplum ut istius operis utilitas patefiat. In hoc exemplo examinatur causa physica duritiæ, sive cohesionis partium corporum inter se invicem.

Corpora simul triplici modo coherant per *continuitatem*, per *contiguitatem*, & tertio quodam modo, qui caret nomine speciali, quémque voce generali *conjunctionis* indicabo.

Per *continuitatem*, seu per causam continuitatis intelligo illud quo partes unius corporis ita inter se coherant, ut sine molimine separari nequeant, & unicum totum simul conficere existimentur. Et illud est nescio quid aliquatenus ignotum, quod quæro.

Per *contiguitatem* illud nescio quid intelligo, ex quo judico duo corpora sese immediatè tangere, ita ut inter illa nihil sit; quæ tamen arctè coherentia non censeo, cum illa faciliè separare possim.

Per tertiam illam vocem, *conjunctionem*, iterum intelligo nescio quid, quod efficit ut duo vitra aut duo marmora, quorum superficies mutuâ confractione attritæ & expolitæ fuerint, ita inter se coherescunt ut, quamvis tabulas illas marmoreas faciliè separaveris si ita moveas ut contiguar ac lubricar earum superficies parallelo motu decurrant, id tamen difficilè præstiturus sis si eas aliter divellere coneris.

Malebranchii de Inquis. Verit. Tom. II.

O

Jam

Jam autem hæc non est *continuitas*, cum duo illa vitra, seu duo illa marmora hoc modo conjuncta, non concipiantur quasi unicum totum constituerent, quoniam uno quodam situ facillimè possunt separari: non est etiam simpliciter *contiguitas*, quamvis ad contiguitatem quàm proximè accedat; quia hæ duæ partes vitri aut marmoris satis arcte immo longè magis coherent quàm partes corporum mollium & liquidorum, ut partes butyri & aquæ.

His vocibus ita explicatis, jam querenda est causa quæ conjungit corpora, & disquirenda sunt discrimina quæ deprehenduntur inter *continuitatem*, *contiguitatem* & *conjunctionem* corporum sensu jam determinato intellectam. Primò, quæram causam *continuitatis*: vel in quo consistat illud nescio quid quod efficit ut partes corporum inter se ita cohereant, ut sine molimine separari nequeant, utque unicum totum constituere existimantur. Hac causâ semel compertâ, spero reliqua facili negotio resectum iri.

Jam necesse mihi videtur ut illud nescio quid, quo partes etiam minime hujusce ferri quod præ manibus habeo inter se colligantur, sit aliquid robustissimum, cum non sine ingenti nisu illius particulam frangere possim. Verùm ego forsân fallor; nonne fieri potest ut illa difficultas quam patior, si minimam ferri particulam frangere velim, ex debilitate meâ, non verò ex ferri resistentiâ oriatur? Etenim memini me olim majorem adhibuisse vim quàm nunc adhibeo, ad rumpendam æqualem ferri portionem; ac si morbus invaderet membra mea, forsân ad illud frangendum pedibus manibûsque frustra eniterer. Hinc igitur patet mihi absolutè judicandum non esse de firmitate cohesionis partium ferri inter se ex conatibus meis ad illas sejungendas. Judicare duntaxat debeo illa inter se invicem maximè colligari, relatè ad virium mearum tenuitatem; vel illas arctius inter se coherere quàm partes carnis meæ; cum ex sensationibus doloris quem ex conatibus meis contraho, judicem partes corporis mei potius sejunctum iri, quàm partes ferri.

Quemadmodum igitur nec sum robustus nec debilis absolutè, agnosco pariter ferrum aut alia corpora non esse dura aut flexilia absolutè, sed duntaxat relatè ad causam quæ agit in ea; & conatibus meis me non posse uti ut normâ secundum quam metiar magnitudinem roboris adhibendi ad vincendam resistentiam & duritiem ferri. Namque normæ debent esse immutabiles, jam autem effectus illi pro temporibus, pro spirituum animalium copia, & pro carniû duritiæ mutantur, cum eosdem effectus iisdem conatibus semper producere non possim.

Hac animadversione mens mea præjudicio quo præpediebatur libera facta fuit, nempe ad connectendas corporum partes imaginabatur fortia vincula quæ forsân non existunt; ac spero hanc observationem mihi in posterum utilem futuram esse; etenim ad id vehementer propendo,

pendeo, ut de omnibus relatè ad me judicem, & sensuum meorum impressiones sequar, ab illo igitur vitio accuratius nunc mihi cavebo. Sed pergamus.

Postquam aliquandiu cogitavi, & artæ istius cohesionis causam sedulò & incassum tamen quæsvi, negligentia meâ & naturæ meæ propensione ad id feror ut cum pluribus aliis existimem formam corporum conservare mutuam conjunctionem inter ipsorum partes, vel id oriri ex amicitia atque propensione quâ moventur in partes sibi similes. Quid enim commodius est quàm sese quandoque errori permittere, & sic parvis sumptibus eruditionem assequi?

Verùm, cum nihil credere decreverim quod prius clarè non cognoscam, veterum illum excutiam, nec me falsis splendoribus perstringi sinam. Mittamus igitur hæc formas & inclinationes, quarum nullas distinctas & speciales, sed duntaxat confusas habemus ideas, quæ tantum relatè ad naturam nostram a nobis formari mihi videntur, & quarum existentiam permulti homines ac forsân nationes integræ dissentientur.

Causam artæ hujusce cohesionis partium ex quibus constant corpora dura videre mihi videor, nihil in iis admisso præter id quod in iis actu existere apud omnes constat, aut id quod saltem in iis existere posse ab omnibus distinctè concipitur. Omnes enim distinctè concipiunt omnia corpora ex particulis constare, aut saltem constare posse. Itaque inter illas partes fieri potest, ut sint quædam uncinatæ & ramosæ instar exiguorum vinculorum idoneorum ad firmè detinendas alias partes, vel ita sese ramis intricent ut nonnisi difficulter possint se jungi.

Ad id credentium eò facilius adducor quòd experiar partes visibiles corporum crassorum sese hoc pacto mutuò detinere & jungere. Verùm præjudicatis opinionibus meis & sensuum impressionibus nimium diffidere nequeo. Rem igitur penitus inspiciam, & inquiram etiã causam cur minimæ & ultimæ partes solidæ corporum, uno verbo, cur ipsæ partes uniuscujusque horum vinculorum inter se cohereant: Námque illæ connecti non possunt aliis vinculis minoribus, cum illas supponam solidas. Vel si dicam illas hoc pacto connecti, a me iterum meritò quæretur quid connectere possit alias illas partes, & sic in infinitum.

Adeo ut hic vertatur totus rei cardo, quo pacto, scilicet, partes horum exiguorum vinculorum, vel illarum partium ramosarum, possint inter se adeò arctè connecti, cum B quas suppono partes quod idem est, cum corpora sunt solidiora & pauciores hanc quomodo partes columnæ compositæ ex materiâ quæ nullum ha-



A, exempli gratiâ,
exigui vinculi. Vel,
eò duriora sint quò
bent poros, quæritur

bet porum fortiter inter se jungi, & corpus durissimum componere. Non est enim quod quis dicat partes hujus columnæ inter se colligari exiguorum vinculorum ope, cum enim sint sine poris, nullam habent figuram specialem.

Parum abest quin adhuc dicam hanc columnam esse duram naturâ suâ, vel parva vincula ex quibus constant corpora dura esse atomos quarum partes dividi nequeunt, cum sint partes essentielles & ultimæ corporum, quæque essentialiter uncinatæ sunt aut ramosæ, aut figurâ intricatâ præditæ.

Sed quætionem hoc pacto non explicari ingenuè fateor. Certè cum præjudicatis opinionibus & sensuum hallucinationibus valedicere statuerim, confugere ad formam abstractam, & Logicæ phantasma amplecti absurdum esset. Absurdum, inquam, esset concipere ut aliquid reale & distinctum, ideam vagam naturæ, aut essentiæ, quæ nihil aliud exprimit quàm quod jam notum est; & sic accipere formam abstractam & universalem, tanquam causam Physicam effectus maximè realis. Duo enim sunt a quibus nunquam non cavere debeo. Primum est sensuum meorum inpressio, alterum facilis propensio quâ feror ad accipiendas naturas abstractas generales Logicæ pro ideis realibus & specialibus, & memini me hujus erroris principis fuisse sæpe deceptum.

Etenim, ut ad difficultatem redeam, concipere nequeo quomodo exigua hæc vincula essent indivisibilia essentiâ & naturâ suâ, ac proinde quomodo essent inflexibilia, cum contrâ illa necessariò per essentialitatem & naturam divisibilia concipiam. Nàmque pars A est certè substantia æquè ac B; & ideo A potest existere sine B, cum substantiæ possint subsistere seorsim aliæ sine aliis, alioqui non essent substantiæ.

A non esse substantiam dicere nemo potest; illud enim concipere possum etsi de B non cogitem; quicquid autem solum vel sine alio concipi potest non est modus; quoniam soli modi non possunt concipi soli aut sine iis quorum sunt modi. Itaque cum A non sit modus, est substantia, quoniam omne ens necessariò sit aut aliqua substantia, aut aliquis modus. Quicquid enim est vel solum concipi potest, vel non potest. Nullum est medium in contradictoriis propositionibus; atque ens vel substantia vocatur quod potest concipi idèque creari solum. Ergo A potest existere sine B, & potiori jure pars A potest existere seorsim a B. Ita ut illud vinculum sit divisibile in A & in B.

Præterea si illud vinculum esset indivisibile, vel uncinatum naturâ & essentiâ suâ, hinc nasceretur effectus experientiæ contrarius; nullum enim corpus posset frangi. Supponamus ut antea, ferrum constare ex mul-

multis vinculis quæ sese mutuò irretiunt. A, a & B, b esse duo ex his vinculis. Dico quòd illa vincula non possent se jungi, nec proinde ferrum frangi. Ut enim frangeretur, essent flectenda vincula ex quibus constat, quæ tamen inflexilia essentiâ & naturâ suâ supponuntur.



Si verò inflexilia non supponantur, sed duntaxat indivisibilia naturâ suâ, hæc suppositio ad solvendam quæstionem nihil facit. Tunc enim quæretur, cur hæc exigua vincula non cedant impetui qui fieri solet ad flectendum vectem ferreum. Si tamen non supponantur inflexilia, non debent pariter supponi indivisibilia. Nam si partes horum vinculorum inter se invicem possint mutare situm, possent etiam separari: quippe nulla ratio est cur pars quæ ab aliâ potest parumper recedere, omnino recedere non possit, sive igitur vincula illa inflexilia supponantur, sive indivisibilia, quæstio neutro modo solvetur: si enim duntaxat indivisibilia supponantur, nullo negotio potest rumpi ferrum; si verò supponantur inflexilia, frangi non poterit, quia parva vincula ex quibus constat ferrum utpote inter se invicem intricata, non poterunt se jungi. Jam igitur quæstionem effaris claris & indubitatis solvere, & rationem cur exigui hujusce vinculi duæ partes A, B inter se invicem tam arctè cohæreant, invenire conemur.

Meditationis meæ materiam in partes dividendâ necessitatem mihi imponi video, ut illam accuratius & commodius examinem, cum ad illam primo & simplici intuitu solvendam frustra desudaverim. Nec inutilis fuisset labor meus, si initio rem adorsus fuisset, ut jam sum adorsurus. Cum enim veritates quas disquirimus sunt abdiæ, satius semper est illas per partes examinare, nec falsâ prosperi successus spe deludi.

Quæro causam arctæ cohesionis quæ existat inter particulas ex quibus constat exiguum vinculum A, vel B. Jam autem tria duntaxat distinctè concipio esse posse causam effectûs circa quem jam occupor; nempe partes ipsas istius exigui vinculi, vel voluntatem Authoris naturæ, vel denique corpora invisibilia quæ circumdant hæc parva vincula. Possem inter illas causas referre formam corporum, qualitates duriæ, aut aliquam qualitatem occultam, sympathiam inter partes homogeneas, &c. Quia verò egregias illas entitates distinctè non concipio, æquum non est iis me ratiocinia mea suffulcire. Itaque si causam circa quam quærendam detineor non nanciscor in rebus quarum distinctas habeo ideas, non est animus oleum & operam perdere in contemplandis istis ideis vagis & generalibus Logicæ, ac de iis quæ non intelligo loqui desinam. Sed primum illud examinemus, quid sit illud quod efficere potest ut partes exigui istius vinculi inter se cohæreant, quæ nempe sint particulae ex quibus constat.

Principia
Ren. Car-
tesii, art.
55. secun-
dæ parti.

Quum attendo duntaxat ad partes ex quibus corpora dura maxime composita sunt, ad id facile adducor ut credam nullum posse excogitari glutinum; quod particulas hujus vinculi firmitus conjungat inter se, quàm ipsismet, & ipsarum quietem. Quid enim esse posset glutinum istud? Non substantia, quia cum particula ista sint substantia, nulla ratio est cur per aliam substantiam potius quàm per seipsas jungeremur, non etiam est modus ullus diversus a quiete; nullus enim magis adversari potest motui per quem istæ particulae separantur, quàm ipsarum quies. Atque præter substantias & earum modos nullum aliud rerum genus cognoscimus.

Verum quidem est partes corporum durorum persistere coherentes quandiu juxta se quiescunt; & illas, ubi semel quieverunt, quantum fieri potest per se in quiete perseverare. At illud non est quod quæro. Hallucino. Non quæro unde fiat ut durorum corporum partes juxta se invicem quiescant, sed detegere conor unde fiat ut partes corporum durorum eâ præditæ sint vi, ut possint in quiete juxta se invicem permanere, atque impetui aliorum corporum resistent.

Ren. Car-
tesii, art. 43.
ejusd. part.
& seq. art.
43.

Posssem equidem respondere unumquodque corpus eâ præditum esse vi quâ possit permanere in eodem statu in quo est, & hanc vim esse æqualem ad motum & ad quietem; sed partes corporum durorum in quiete juxta se perseverare, & ægrè separari & agitari, quia non satis motus adhibetur ad vincendam illarum quietem. Id quidem verisimile est, sed certitudinem quæro, si inveniri possit, non verisimilitudinem. Quo pacto autem certò & evidenter scire potero unicuique corpori vim esse permanendi in statu in quo est, & vim illam esse æqualem ad motum & ad quietem; cum potius materia indifferens ad motum & ad quietem & omni vi destituta esse videatur. Veniamus igitur ad voluntatem Creatoris, ut Cartesius, quæ forsân est vis quam corpora in se habere videntur. Illud est quod secundo diximus posse conservare partes exigui istius vinculi adeo arctè inter se conjunctas.

Profecto, fieri potest ut Deus velit unumquodque corpus permanere in statu in quo est, & ipsius voluntatem esse vim quæ singulorum corporum partes inter se jungit; quemadmodum etiam novi ipsius voluntatem esse vim motricem corporum. Cum enim materia non possit per se moveri, judicare, ni fallor, par est mentem aliquam, immo Authorem ipsum naturæ illi motum indere, illamque in motu conservare, illam conservando successivè in pluribus locis simplici voluntate suâ, cum ens infinitè potens non utatur instrumentis ad agendum, & effectus ipsius voluntatem necessariò sequantur.

Ren. Car-
tesii, art. 3.
2. Part. Art.
45. & seq.

Agnosco igitur fieri posse ut Deus velit unumquodque corpus permanere in eodem statu in quo est, sive sit in quiete, sive sit in motu; ita ut hæc voluntas sit potentia naturalis quâ corpora prædita sunt ad permanendum in eodem statu in quo constituta fuerunt. Quod si ita sit,

fit, exemplo Cartesii, metienda erit hæc potentia, concludendum quoniam illius debeant esse effectus, & sic leges habendæ de vi & communicatione motuum ad concursum diversorum corporum, juxta proportionem magnitudinis illorum; cum nulla nobis alia suppetat ratio quâ possimus assequi illam voluntatem generalem & immutabilem Dei, quæ constituit variam potentiam corporum ad agendum vel sibi invicem resistendum, præter diversam illorum magnitudinem & velocitatem.

Attamen nullum est mihi certum argumentum Deum velle voluntate positivâ ut corpora maneant in quiete. Et sufficere mihi videtur Deum velle materiam existere, ut non modo existat, verum etiam ut existat in quiete.

Rex secus se habet de motu, quia idea materiæ motæ duas potentias ad quas refertur, nempe potentiam quæ creavit materiam, & præterea potentiam quæ illam agitavit, necessario includit: sed idea materiæ quiescentis nihil includit præter ideam potentia quæ illam creavit; nec opus est ullâ potentiâ ad illam in quiete constituendam, sic equidem res concipio. Jam autem juxta ideas meas judicare teneor; & secundum ideas meas quies nihil aliud est præter privationem motus, vis e quâ pendere dicunt quietem nihil aliud est præter privationem illius vis quæ motum efficit; sufficit enim, opinor, Deum definire vel le corpus moveri, ut non amplius moveatur & actu quiescat.

Ac sanè ratione & sexcentis experimentis doceor, si e duobus corporibus falsâ æqualibus alterum cum uno velocitatis gradu moveatur, alterum verò cum semi gradu, vim prioris vi alterius fore duplo majorem. Si posterioris velocitas est tantum pars quarta, centesima, millionesima velocitatis alterius, vis ejusdem pars erit utique quarta, centesima, millionesima vis prioris. Unde colligere est, si posterioris velocitatis infinitè parva esset, vel tandem nulla, ut in quiete, sic & ejus vim infinitè parvam fore, aut nullam tandem, si quiescat. Mihi igitur evidenter patet quieti nullam esse vim quâ vi motrici resistat.

Verum memini me audivisse a plurimis viris eruditis, motum æquè sibi videri privationem quietis, ac quies videri posset privatio motus. Immo quis inter eos assererat, rationibus quas equidem satis assequi non poteram, probabilius esse motum esse privationem, quàm quietem; Nunc distinctè non recordor rationum quas asserbant; sed tamen id me monet ideas meas posse esse falsas. Etenim, quamvis plerique homines quicquid libet circa res parvi momenti dicere soleant, existimo tamen illos de quibus loquor tum delectatos fuisse dicendo ea quæ concipiebant. Ideas igitur meas iterum accurato examini subijciam.

Extra omnem dubitationis aleam positum esse mihi videtur, & illi etiam viri id admittebant, scilicet voluntatem Dei movere corpora. Vis igitur quam habet hic globus quem moveri nunc video, est voluntas Dei quæ illum movet. Quid jam Deo faciendum est ut illius

illius motum sistat? An oportet ipsum velle voluntate positivâ ut quiescat, an verò sufficit ipsum definire velle ut ille globus moveatur? Si modò Deus definat velle ut ille globus agitur, evidens est cessationem illius voluntatis Dei, effecturam cessationem motûs globi & ideo quietem. Nam cessante voluntate Dei, quæ erat vis movens globum, hæc vis non ampliùs existet, ac proinde globus non ampliùs movebitur. Itaque cessatio virtutis moventis efficit quietem; Quies igitur nullam habet vim quâ producat. Et in Deo admitteretur voluntas positiva sine causâ & necessitate, si corporibus vis aliqua ad persistendum in quiete tribueretur.

Sed invertamus, si fieri possit, illud argumentum. Globum quem in motu supponebamus jam supponamus in quiete. Ad eum agitandum quid Deo faciendum est? Sufficitne ipsum definire velle ut globus quiescat? Si hoc ita sit, ego nihil promovi, nâmq; hoc pacto motus æquè erit privatio quietis ac quies est privatio motûs. Suppono igitur Deum definire velle ut globus quiescat. Sed hoc supposito, non video illum moveri; si quis verò illum moveri videat, rogo ut mihi dicat secundum quem motûs gradum moveatur. Certè ille moveri nequit quin aliquem habeat motûs gradum, & ex eo quòd concipitur Deus cessare velle ut quiescat concipi nequit illum aliquo motûs gradu moveri: quia de motu res secus se habet ac de quiete. Multiplices in infinitum sunt diversi motus: Possunt innumeros suscipere gradus, sed cùm quietes nihil sint, non possunt inter se differre. Idem globus qui duplo majori celeritate uno tempore quàm alio procedit, duplo majori etiam vi aut motu hoc tempore quàm alio præditus est. Sed globus dici non potest uno tempore plus habere quietis quàm alio.

In Deo igitur admittenda est voluntas positiva ut globus in motu constituatur, vel ut globus tali præditus sit vi ad se movendum; & sufficit ipsum definire velle globum moveri, ut non moveatur ampliùs, hoc est, ut quiescat. Pariter ut Deus creet mundum, non sufficit ipsum definire velle ut mundus sit non existens. Sed necesse est ipsum velle positivè modum quo mundus existere debet, sed ad mundum annihilandum non oportet Deum velle ut non existat, quia non potest velle rē nihil voluntate positivâ, sufficit duntaxat Deum definire velle ut existat mundus.

Hic motum & quietem secundum relativam ipsorum existentiam non considero: Manifestum enim est corpora quiescentia habere relationes æquè reales ad ea quæ ipsis circumstant, ac corpora quæ sunt in motu. Concipio duntaxat corpora quæ moventur habere vim moventem, corporibus verò quiescentibus nullam esse vim ad quietem suam: Quia cùm semper immutetur relatio corporum motorum ad corpora ambientia, opus est vi perpetuâ ad producendos continuos illos motus: Ac revera quicquid novi in naturâ evenit, ex hisce mutationibus

nibus oritur. Sed nullâ opus est vi ad nihil agendum. Ubi relatio alijus corporis cum circumstantibus eadem semper est, nihil agitur; & hujusce relationis consideratio, hoc est, actio voluntatis Divinæ quæ conservat illam relationem, diversa non est ab eâ quæ conservat ipsum corpus.

Si, ut res a me concipitur, verum sit quietem nihil aliud esse quàm privationem motus, minimus motus hoc est, motus minimi corporis agitati majorem vim aut potentiam includet quàm quies maximi corporis. Itaque minimus nifus, seu minimum corpus quod in vacuo * concipietur agitatum adversus corpus maximum & valissimum, illud movere poterit; quoniam cum quiescat ingens illud corpus, nullam habebit potentiam ad resistendum actioni illius corpusculi quod in ipsum impinget, ita ut reluctatio partium corporum ad impediendam separationem suam ab aliquâ aliâ re quàm ab ipsarum quiete necessariò oriatur.

Sed quæ rationibus abstractis jam fuere probata experimentis sensibilibus sunt demonstranda, ut videamus an ideæ nostræ cum sensationibus quas a rebus objectis accipimus consentiant. Nam ejusmodi rationibus sæpe fallimur, vel saltem alii non convincuntur, ii præcipuè qui contrariis opinionibus sunt præoccupati. Cartesii autoritas tanti est ponderis apud nonnullos ut ad illos erroris convincendos omnibus modis sit probandum magnum hunc virum fuisse hallucinatum.

Qui mentem opinione contrariâ non habent anteoccupatam supradicta faciliè quidem assequuntur: immo rebus quæ ipsis indubitatè videntur probandis me diutius insistere querentur. Sed argumenta nostra Cartesianis ne invidemus; digni sunt qui a nobis hunc impetrent laborem, ipsis satisfaciendi gratiâ. Hæc ab aliis, si tædiosa videantur, omitti poterunt.

Ecce aliquot experimenta quæ sensibili probant modo quieti nullam esse vim ad resistendum motui, quæque proinde ostendunt voluntatem Authoris naturæ, quæ unicuiusque corporis ad permanendum in statu in quo est vim & potentiam efficit, tantum versari circa motum, nequaquam verò circa quietem; cum corpora per se nullam habeant vim.

Experientia non docet ingentia Navigia quæ in aquâ natant à minimis corporibus ipsis obvis agitari; hinc irritis Cartesii & Cartesianorum effugiis, ingentia illa corpora multò faciliùs, si in vacuo existerent, agitatum iri patet. Causa enim ob quam non sine levi quadam difficultate moveatur Navis in aquâ ex eo est quòd aqua resistit motui ipsi impresso, quod in vacuo non contingeret. Quod autem manifestò arguit aquam resistere motui qui imprimitur Navi, in eo consistit quòd Navis vel vas quodcunque, desinat agitari aliquantò postquam motum fuit. Id enim non eveniret nisi vas motum suum perderet illum cum aquâ communicando, vel si aqua ipsi cederet sine ullâ resistentiâ, vel denique si aqua ipsi de suo aliquid impertiret motu. Cum

Makbrancii de Inquisit. Verit. Tom. II.

P

itaque

* Per corpus in vacuo intelligo corpus ita separatum ab aliis tum duris tum liquidis, ut nullum sit quod inferat, vel obstat communicationi meum.

itaque vas in aquâ agitatum moveri paulatim desinat, id manifestò arguit aquam ipsius motui resistere, tantùm abest ut illum faciliorem reddat, ut contendit Cartesius. Itaque ingens corpus in vacuo agitare longè facilius esset quàm in aquâ, siquidem nullam a corporibus circumstantibus pateretur resistentiâ. Hinc igitur evidenter patet quieti nullam esse vim ad resistendum motui, & minimum motum plus habere virtutis & potentiae quàm maximum corpus quiescens; vel saltem non metiendam esse vim motûs & quietis secundum proportionem quæ extat inter magnitudinem corporum quæ moventur vel quiescunt, ut meritis est Cartesius.

Merito quidem credi potest vas agitari statim atque est in aquâ, propter perpetuam mutationem partium aquæ illud ambientium, quamvis locum mutare non videatur. Atque id eò impulit Cartesium & nonnullos alios ut crederent vas in aquâ non promoveri solâ vi illius a quo pellitur, sed cum jam multum motûs acceperit a particulis corporis liquidi quæ ipsum circumdant & æqualiter utrinque pellunt, motum illum duntaxat determinari novo motu illius a quo pellitur vas, ita ut quod agitatur corpus in aqua illud agitare non posset in vacuo. Hoc pacto Cartesius & ipsius affectæ leges motûs quas tradidit tuentur.

Supponamus, exempli gratiâ, ligni portionem magnitudinis pedis quadrati in corpore liquido constitutam. Singulæ particulæ corporis liquidi agunt & moventur in ipsam, & quia æqualiter illam utrinque pellunt, a parte *A* ut a parte *B*, non potest in illam partem progredi. Si igitur pellant aliam ligni portionem semipedalem adversus primam a parte *A*, video illam promoveri. Atque hinc concludo minorem vim fore adhibendam ad illam in vacuo movendam, quàm adhibita fuit a ligno ad illam pellendam, ob rationes allatas. Si verò de quibus mentio est id negant, & respondent ingens lignum progredi statim atque a parvo pellitur, quia parvum, quod non posset illud movere sic solum esset, junctum cum partibus corporis liquidi jam agitatis, illas determinat ad pellendum ingens lignum, & cum ipso communicandam aliquam motûs sui partem. Verùm juxta hanc responsionem evidenter patet lignum semel agitatum motum suum nunquam minuire, sed potius semper augere debere. Namque juxta hoc responsum lignum ab aquâ magis pellitur a parte *A*, quam a parte *B*: ergo debet semper progredi. Et quia hæc impulsio est continua, ipsius motus debet augeri. Verùm, ut jam dictum fuit, tantùm abest ut aqua illius motum juvet, ut potius illi semper resistat, & cum illâ aquæ resistentiâ minuatur motus, tandem fit ut nullo modo percipiatur.

Jam probandum est lignum ab aquæ partibus ipsi circumstantibus æqualiter pulsus nullum planè habere motum nullamve vim quâ possit moveri, quamvis locum immediatum perpetuò moveat, & aquæ superficies quæ ipsum circumdat eadem nunquam sit diversis temporibus. Si enim revera corpus utrinque æqualiter pulsus, ut illud lignum,

nullum

nullum habeat motum; extra omne dubium erit, motum ipsi suppeditari a solâ vi extraneâ quæ in illud agit, cum eo ipso tempore quo vis illa extranea pellit lignum aqua illi resistat, immo motum ipsi impressum paulatim imminuat, namque moveri paulatim definit. Id autem manifestum est: Corpus enim æqualiter undique pulsatum potest comprimi, sed certè transferri nequit, siquidem $+ vis a - vis a = 0$.

Iis saltem quos alloquor certum esse debet in naturâ nunquam esse plus motûs certo quodam tempore quàm alio, & corpora quiescentia nunquam incipere moveri, nisi propter occursum corporum agitatorum, quæ ipsis suum impertiunt motum. Hinc concludo corpus quod planè quiescens in mediâ aquâ creatum suppono, nullum unquam a particulis aquæ quibus circumdatur, quæque in illud indefinenter impingunt, esse accepturum motûs gradum, dummodo illud utrinque pellant. Quia omnes illæ particule quæ in illud æqualiter aguntur resistentes cum toto suo motu, nullum prorsus cum ipso communicant motum; ac proinde corpus illud veluti quiescens ac sine ullâ vi movente semper considerari debet, licet superficiem perpetuò mutet.

Id autem eò me adducit ut credam, hæcse particulas sic cum toto motu suo resilire, quia, præterquam quòd res aliter concipi nequit, aqua quæ illud corpus attingit valdè refrigerari, imò congelari, ac prope modum instar ligni in superficie obdurari deberet, cum motus partium aquæ in particulas corporis quod ambiunt distribui deberet.

Verùm ut iis me accommodem, qui a partibus Cartesii stant, lubens concedam scapham in aquâ tanquam quiescentem considerari non debere. Concedam etiam omnes aquæ partes quæ illam circumdant unâ conspirare cum novo motu ipsi a naviculario impresso, quamvis ex diminutione motûs scaphæ evidenter pateat aquæ particulas ipsi magis resistere a parte versùs quam tendit, quàm a parte unde pellitur. Attamen hoc supposito, dico ex omnibus aquæ partibus quæ sunt in fluvio, eas solùm, juxta Cartesium, quæ scapham a parte unde pulsa fuit immediatè attingunt, posse ipsius motui inservire. Namque juxta illum Philosophum, cum aqua sit fluida, omnes partes ex quibus constat non agunt simul in corpus quod movere volumus, sed tantùm partes quæ corpus illud tangentes totæ simul in illud incumbunt. Jam autem partes quæ conjunctim in scapham incumbunt cum naviculario centies sunt minores quàm tota scapha. Itaque ex ratione quam Cartesius in hoc articulo reddit difficultatis quam patimur manibus rumpendo clavum, evidens est magnum corpus posse agitari a corpore se longè minori. Etenim manus nostræ æquè fluidæ non sunt ac aqua; & quum clavum dividere volumus, plures sunt partes simul junctæ quæ conjunctim in manibus nostris agunt, quàm sunt in aquâ quæ pellant scapham.

Sed ecce experimentum magis sensibile. Si sumatur asser valde politus, vel aliud quodlibet planum admodum durum, etque ad dimi-

Art. 63.
Art. 50.

diam partem inferatur clavus, & planum illud parumper inclinetur, si veſtis ferreus centies millies clavo craſſior ad unius aut duorum digitorum ſpatium ſupra clavum collocetur, & ſinatur veſtis lubrico & parallelo motu deferri, dico hunc clavum nequaquam fractum iri. Obſervandum tamen eſt, juxta Carteſium, ſingulas veſtis partes conjunctim incumbere & agi in clavum, namque hic veſtis eſt durus & ſolidus, ſi igitur *nullum aliud eſſet glutinum* ad conjungendas partes quæ componunt clavum, *quàm quies* veſtis ferreus cum infinite ſit craſſior clavo, juxta quintam Carteſii regulam, & juxta rationem, aliquid communicare deberet motus ſui cum parte clavi in quam ageret, hoc eſt illum dividere, & hoc pacto illum prætereire, quamvis hic veſtis motu lentifſimo decurreret. Itaque alia quærenda eſt cauſa duriſſimi corporum, aut capacitatis reſiſtendi actioni aliorum, quàm quies partium, cum quies nullam jam habeat vim ad reſiſtendum motui. Cæterum hæc experimenta ſufficere exiſtimo ut pateat argumenta abſtracta a nobis allata non eſſe falſa.

Tertium igitur quod efficere poſſe dixi aſſam coheſionem inter partes corporum durorum examinandum venit. Nempe materia quædam inviſibilis quæ illa circumdat, quæ vehementer agitata partes externas & internas horum corporum violentiſſimè pellit, & ita comprimit, ut ad eas ſeparandas major vis ſit adhibenda, quàm vis materiæ illius inviſibilis, quæ admodum eſt agitata.

Cohaſionem partium ex quibus conſtant corpora dura a materiâ ſubtili quæ illas circumdat & comprimit pendere concludere poſſ: mihi videor, cum duo quæ ſuſpicati fueramus eſſe cauſas hujus coheſionis revera tamen non ſint; & cum oſenſum fuerit, cum difficultatem repერიam rumpendo ferrum, & illa difficultas non oriatur a ferro, nec a voluntate Dei, ut ni fallor, probavi, illam ab aliquâ materiâ inviſibili oriri neceſſe eſt; jam autem illa materia alia eſſe nequit quàm ea quæ ipſi immediate circumſtat, & quâ comprimitur. Quam ſententiam jam explanabo & probabo.

Ubi accipitur ſphæra ex aliquo metallo duriuſculo conſecta, intus cava, & in duo hemiſphæria ſecta, & duo illa hemiſphæria conjunguntur agglutinata in loco contactus ſaſciolâ cereâ, & aër inde educitur; hemiſphæria ita ſibi invicem adhærent ut plurimi equi globo, ſibularum quarundam ope, utrinque juncti, non poſſunt illa divellere, dummodo hemiſphæriorum magnitudo tantò major ſit quò plures ſunt equi. Attamen ſi aërem regredi ſinas unicus homo hemiſphæria nullo negotio divellet.

Ex hoc experimento concludere facile eſt duo illa hemiſphæria tam aſſè ideo ſibi coheſiſſe, quòd cum ad ſuperficiem externam & convexam ab aëre circumſtante comprimerentur, eodem tempore ad ſuperficiem concavam & internam non comprimerentur. Ita ut aſſio eorum, qui duo utrinque trahebant hemiſphæria, innumerarum particula-

ticularum aëris quæ, duo illa hemisphæria comprimendo, ipsis resistebant impetum vincere non possent. Sed minima vis potest illa divellere, ubi aër in sphæram cupream regressus superficies internas & concavas tantum pellit quantum aër externus superficies externas & convexas comprimit.

Si contrà accipiatur vesica piscis cyprini, disti Gallicè *carpe*, & vasi inferatur ex quo aër educatur, hæc vesica aëre plena crepat & disrumpitur, quia tunc nullus est aër extra vesicam qui resistat aëri interno. Eandem etiam ob causam jam allatam circa prius experimentum, duo plana vitrea aut marmorea invicem attrita ita junguntur, ut non sine difficultate possint divelli uno sensu, quia duæ illæ partes marmoris comprimuntur ab aëre externo, non ita ab interno. Innumera alia possem afferre experimenta quibus probarem aërem crassum qui circumdat corpora ipsorum partes artissimè colligare. Sed hæc sufficiunt ad mentem meam circa quæestionem præsentem clarè aperiendam.

Dico igitur causam cur partes corporum durorum & exiguorum illorum vinculorum de quibus antea, sic artè inter se invicem cohærent, ex eo oriri, quod alia sint extrinsecus corpuscula longè magis agitata quàm aër crassus quem spiramus, quæ illas corporum partes pelunt & comprimunt, & difficultatem quam experimur illa dividendo non oriri ab ipsorum quiete, sed ab agitatione corpusculorum illorum a quibus circumdantur. Adeo ut id quod resistit motui non sit quies, quæ illius duntaxat est privatio, & per se nullam habet vim, sed motus aliquis contrarius.

* Vide 16. Illustrationem, sub finem; ubi vim centrifugam vorticum subtilis materiz supplico.

Simplex hæc sententiæ meæ expositio rationi satis consentanea forsitan videbitur; subolsacio tamen multos ægrè illam esse admissuros. Corpora dura tantam in sensus nostros ubi nos feriunt, vel ubi illa frangere conamur, impressionem agunt, ut faciliè credamus ipsorum partes longè fortius cohæreere quàm revera cohærent. Corpuscula quæ ipsis circumstare dixi, quibus vim tribui hanc efficiendi cohæSIONEM, cum nullam in sensus edant impressionem, debiliora esse videntur quàm ut effectum adeo sensibilem producere queant.

Sed ad profligandum hoc præjudicium quod solis sensuum impressionibus, & difficultate quæ nobis inest imaginandi corpora tenuiora & velociora iis quæ quotidie videmus, fretum est; attendendum est duriciem corporum non metiendam esse relatè ad manus nostras, vel ad conatus quos edere possumus pro variis temporibus. Etenim si maxima hominum vis nihil penè esset præ vi materiz subtilis, absurdum esset credere, adamantis vel quorumlibet durissimorum corporum duriciem non posse oriri ex compressione corpusculorum maximè agitarum quæ illa circumdant. Jam autem manifestò patebit vim hominum esse oppidò exiguam, si attendamus potentiam quâ pollent movendi tot modis corpus suum oriri duntaxat ex mediocri sanguinis fermentatione, quæ illius partes paululum agit, & sic spiritus animales producit.

Namque agitatio horum spirituum efficit vim corporis nostri, & nobis dat potentiam hōce conatus exserendi quos immeritiō velut aliquid magis & potentis habemus.

Verū accuratē observandum est hanc sanguinis nostri fermentationem nihil esse præter exiguam communicationem motūs istius materiæ subtilis, de quā modō loquuti fuimus: Nam omnes fermentationes corporum visibilium, nihil sunt præter communicationes motūs corporum invisibilium, cū omne corpus agitationem suam ab alio accipiat. Mirum igitur non est vim nostram non æquare vim istius materiæ subtilis a quā illam accipimus, sed si sanguis noster tantopere fermentaretur in corde tantopere pulvis pyrius fermentatur ubi ignis admovetur sclopeto; hoc est, si sanguis noster æquē magnam a materiā subtili acciperet motūs communicationem ac pulvis pyrius, extraordinaria facilitate præstaremus; rumperemus, exempli gratiā, ferrum, domos everteremus, &c. Dummodo supponatur æqua proportio inter membra nostra & sanguinem hoc pacto agitarum. Deponendum est igitur illud præjudicium, nec arbitrandum, juxta sensuum impressionem, partes corporum durorum adeo arctē inter se coherere, quia illa vix rumpere possumus.

Si præterea attendamus ad effectus ignis in cuniculis, ad gravitatem corporum, & multos alios naturæ effectus, qui nullam aliam habent causam, quā agitationem horum corporum invisibilium, ut Cartesius id multis locis probavit, manifestō agnosceamus illa posse conjungere & comprimere partes corporum durorum, eo modo quō illa actu coherentia & compressa videmus. Neque enim dicere vereor globum tormentarium, cujus ita extraordinarius videtur motus, ne centesimam quidem, imo forsan ne millesimam partem accipere motūs materiæ subtilis quā circumcingitur.

Id in dubium vocari non poterit ab iis qui animadvertent. Primō, pulverem pyrium totum non inflammari, nec eodem momento. Secundō, licet totus & eodem momento inflammaretur, illum per breve admodum temporis spatium nasare in materiā subtili, & corpora quæ non diu aliis innatant ab iis parum motūs accipere: ut patet ex scaphis fluenti aquæ peritulis, quæ nonnisi paulatim accipiunt motum suum. Tertiō, & præcipuē, quia singulæ partes pulveris pyrii nullum possunt suscipere motum præter eum qui materiæ subtili competit; nam aqua nullum scaphæ impertit motum præter directum qui communis est omnibus partibus, & motus ille ut plurimum admodum exiguus est relatē ad alios.

Magnitudinem motūs materiæ subtilis adhuc possent probare iis qui admittunt placita Cartesii ex motū terræ & gravitate corporum. Verum id ad institutum nihil facit. Ut verō qui non legerint Opera Cartesii habeant argumenta certa agitationis materiæ subtilis, cui attribuo duritiam corporum, sūmme eos attentē legere quæ circa id a me jam dicta sunt.

sunt in IV. Libro c. 2. n.º 5. vel potiùs quæ dicam in xvi. Illustratione n.º x1. usque ad finem.

Cum igitur nunc præjudicia depofuerimus, quæ nos eò adducebant ut conatus nostros admodum validos, conatum verò materiæ subtilis quæ circumdat & comprimit corpora dura admodum debilem existimemus, cum præterea agitationis violentiæ hujus materiæ, ex iis quæ jam de pulvere pyrio dicta sunt, persuadeamur, hinc manifestò patet materiam illam in superficiem corporum durorum quæ circumdat & comprimit longè vehementiùs agentem quàm intra eadem corpora necessariò debere esse causam illorum duritiei, seu illius resistentiæ quam patimur dum illa rumpere volumus.

Jam autem cum semper ingens sit copia hujus materiæ invisibilis quæ per poros corporum durorum transit, illa non modò dura reddunt, ut jam explicuimus, sed præterea efficiunt ut quædam vim habeant elasticam, & postquàm curvata fuere figuram suam rectam per se recuperent, quædam verò curvata persistant, alia fluida & liquida sint; denique sunt causa non modò vis quæ partes corporum durorum pollent ad permanendum juxta se invicem, sed etiam vis quæ partes corporum fluidorum possunt sese divellere, hoc est, hanc causam efficere ut quædam corpora sint dura, quædam verò fluida. Dura, nempe cum ipsorum partes se se immediatè tangunt; fluida, cum eorundem partes se se immediatè non tangunt, sed interfuit materia subtilis.

Innumeris autem difficultatibus quæ adversus suprà dicta moveri posse prævideo solvendis non insisto; quia si Physica lateat eos qui ejusmodi movent difficultates, ipsis nequaquam satisfaccrem, quin potiùs fastidium crearem. Si verò sint viri eruditi & perspicaces, ipsis respondere non possem nisi ingenti figurarum & ratiociniorum numero. Itaque eos rogatos velim quibus in suprà dictis aliqua occurreret difficultas, ut hoc caput & 16. illustrationem attentius relegant, spero enim, si illud ut par est relegant & meditentur, fore ut difficultates evanescant. Ut ut sit, si iterata lectio ipsis molesta videatur, quiescant, non tanti enim est cognitio causæ duritiei corporum.

Hic de corporum contiguitate non loquor: manifestum enim est res contiguas sese tam parum attingere, ut multum semper intersit materiæ subtilis, quæ motum suum dirigens secundum lineam rectam, impedit quominus cohareant.

Conjunctionem verò, quæ sibi leviter adhærent duo marmora invicem attrita & admodum polita, explicui, & manifestum est, etsi materia subtilis semper inter hæc duas partes quantumvis conjunctas transeat, aërem tamen non posse inter easdem transire, ac hoc pacto illum hæc duo marmoris frustra juxta se comprimere, & efficere ut vix uno sensu possint divelli, nisi, ut jam dictum est, illa ita moveas ut continuæ ac lubricæ eorum superficies parallelo motu decurrant.

Conti-

Legenda
sunt quæ
de naturâ
& effectibus
materiæ subtilis
dic-
co in 16.
Illustratione
n.º 14.
& seqq. ut
quæ jam
dixi bene
intelligan-
tur.

Continuitatem, contiguitatem, & conjunctionem duorum marmorum in vacuo unum & idem futuras esse ex his patet: Earum enim diversas non habemus ideas; & ii dicunt quod non intelligunt, qui dicunt eas absolute & in se differre, non verò relatè ad corpora circumstantia.

Jam adsunt quædam animadversiones in sententiam Cartesii, & ipsius erroris originem. Ipsius sententiam erroris nomine designo, quia nullam reperio rationem defendendi ea quæ dicit de legibus motus, & de causâ duritiæ corporum, circa finem secundæ partis ipsius Philosophiæ multis in locis, & quia sententiæ oppositæ veritatem satis demonstrasse mihi videor.

Magnus ille vir distinctè concipiens materiam a seipsâ non posse moveri, & vim motricem naturalem omnium corporum, nihil aliud esse quàm voluntatem generalem Authoris naturæ, ac proinde communicationem motuum corporum ad motum ipsum concursum ex sola eadem voluntate oriri posse, eò faciliè adductus est ut crediderit non posse dari leges variæ communicationis motuum, nisi relatè ad proportionem quæ inter varias corporum obviorem magnitudinesprehenditur, cum consilia & voluntas Dei penetrari nequeant. Quia verò judicavit unamquamque rem præditam esse vi permanendi in eodem statu in quo est, sive moveatur, sive quiescat, quoniam Deus, cujus voluntas hanc vim efficit, eodem semper agit modo, conclusit quietem tantumdem virtutis ad agendum habere quantum motum. Itaque vis quietis effectus metitus est ut effectus vis motus, nempe per magnitudinem corporis in quo est illa vis. Atque ea impulsus causâ tradidit leges communicationis motuum quas in ejus principiis videmus, & duritiæ corporum eam assignavit causam quam refutare conatus sum.

Opinionem Cartesii non amplecti satis difficile est ubi res iisdem oculis eodemque respectu inspiciuntur quibus eas illè inspexit, nec attenditur quòd etsi ad quietem non secus ac ad motum positiva in Deo & efficaci opus sit voluntate, non inde sequeretur vim quietis futuram esse æqualem vi motus; cum Deus alteram alteri subjicere potuisset, ita ut prior posteriori semper cederet.

Quòd hæc igitur opinio Cartesii mentem subierit non miror, ad omnia enim cogitare difficile est. Sed miror duntaxat quòd hunc errorem non emendaverit, ubi ulterius progressus existentiam & nonnullos effectus agnovit materiæ subtilis quæ circumdat corpora.

Miror, nempe, quòd in articulo 132 Quartæ Partis huic materiæ subtili vim tribuerit quâ pollent quædam corpora resiliendi & pristinam recuperandi figuram, & in articulis 55. & 93. Secundæ Partis & alibi, eidem materiæ non tribuerit duritiem corporum aut ipsorum resistentiam ubi
ea fle-

ea flectere & rumpere conamur, sed hos effectus soli partium quieti tribuerit. Manifestum est causam quæ dat vim resiliendi, & rigida reddit quædam corpora, eandem esse cum eâ quæ ipsis dat vim resistendi, ubi illa frangere conamur, etenim vis quæ adhibetur ad rumpendum chalybem non nisi imperfecto modo differt a vi quæ adhibetur ad illum flectendum.

Ad hæc probanda multas rationes congerere non est animus; quibusdam etiam non respondebo difficultatibus ex eo petitis quòd quædam sint corpora dura quæ sensibilibus non resiliunt, quæque tamen non sine difficultate flecti queunt. Namque ut hæc difficultates in auras abeant, considerare sufficit materiam subtilem non posse facile sibi sternere vias novas per corpora quæ rumpuntur ubi flectuntur, ut vitrum & chalybs aquâ temperatus, & id facilius efficere posse in corporibus compositis ex partibus ramosis, nec fragilibus, ut in auro & plumbo; ac denique nullum esse corpus durum quod aliquomodo non resiliat.

Vix mihi persuadeo Cartesium positivè credidisse causam duritiæ diversam esse a causâ quæ efficit ut corpora dura resiliant, & verissimile est illum huic rei solitam attentionem non præbuisse. Ubi circa quid diu sumus meditati, & quod scire quærebamur suimus assequuti, de eo cogitare ut plurimum desinimus. Cogitationes nostras habemus vice veritatum indubitatarum, quas amplius examinare foret inutile. Verùm tot sunt in homine quæ illum ab attentione deterrent, ad assensus præcipientes ferunt, & errori obnoxium reddunt, ut quamvis mens acquiescat, illam tamen veritatem fuisse adeptam certum non sit: Cartesius non secus ac nos erat homo; nullibi unquam plus soliditatis, iudicii, capacitatis, & sagacitatis mentis quàm in ipsius operibus effulsit; id equidem fateor; sed non erat supra errorem. Itaque sententiam suam tam altè imbiberat ut non cogitaverit se aliquid propriis placitis repugnans, protulisse. Rationibus admodum speciosis & verissimilibus suam stabiliverat sententiam; sed talibus tamen ut earum evidentiâ ad assensum non adigeretur, iudicium suum cohibere adhuc poterat & proinde debebat. In corpore duro non sufficebat examinare quid esse possit quod illud tale efficere valeat; ad corpora invisibilia etiam debebat attendere quæ illud durum reddere possunt, ut ad ea attendit in fine principiorum Philosophiæ, dum ipsis causam vis e'acticæ tribuit. Divisionem accuratam instituire debebat, quæ conplecteretur quicquid ad duritiem corporum conferre poterat. Illius præterea effectus causam in voluntate Dei quærere non sufficebat, ad materiam subtilem quæ circumdat corpora animus advertendus erat. Licet enim hujusce materiæ admodum agitatæ existentia in illo ipsius principiorum loco ubi egit de duritie nondum probata fuisset, rejecta tamen non fuerat: iudicium igitur suum cohibere debebat, & recordari ea

Q quæ

quæ scribebat de causâ duritiæ & legibus motuum denuo esse aliquando relegenda ; quod ipsum satis non animadvertisse puto. Vel saltem satis non penitavit veram rationem rei cognitu facilitatæ, quæque in physica ingentis est momenti. Rem illam explico.

Cartesius ad suffulciendum suum systema, cujus veritatem in dubium vocare merito nequibat, noverat necesse esse, ut ingentia corpora de motu suo parvis corporibus sibi obviis impertirent, utque parva, nihil amisso de suo motu, ad majorum occursum reflecterentur. Namque, si res ita non se haberet, primo elemento omnis non esset motus quem par est ipsum habere supra secundum, & secundo supra tertium ; & totum hoc pacto ipsius systema planè falsum esset, ut qui illud meditati sunt probe norunt. Sed supponendo quietem vim sufficientem habere ad resistendum motui, & ingens corpus quiescens non posse moveri a minori, quamvis impetu violentissimo in ipsum agatur, manifestum est ingentia corpora, multò minorem habere debere motum quam æqualem portionem minorum corporum, cum juxta hanc suppositionem possint semper communicare motum quem habent, nec possint a minoribus semper recipere. Itaque cum hæc suppositio non sit contraria iis omnibus quæ Cartesius dixerat in principis suis ab initio usque ad positionem legum de motu, & optime consonaret cum reliquis ipsius placitis, leges motus quas ex ipsarum causâ demonstrasse autumabat, effectibus satis confirmari arbitrabatur.

Equidem cum Cartesio fateor ingentia corpora motum suum facilius communicare quàm parva ; ac itaque primum ipsius elementum magis agitatum esse quàm secundum, secundum verò quàm tertium. Sed istius rei causa clara est nullo habito respectu ad ipsius suppositionem. Parva corpora & corpora fluida, aqua, aer &c. cum ingentibus corporibus nullum præter motum suum uniformem & omnibus partibus communem possunt communicare : aqua fluminis nullum motum potest communicare cum navigio præter motum fluenti qui communis est omnibus partibus ex quibus constat aqua, & unaquæque harum particularum, præter hunc motum communem, innumeros habet speciales. Itaque manifestum est hac ratione navigium, exempli gratiâ, nunquam posse tantum habere motus, quantum habet æqualis aquæ portio, cum navigium nullum motum possit accipere ab aquâ præter directum & communem singulis partibus. Si viginti partes corporis fluidi aliquod corpus versus certam partem impellunt, totidem illud versus aliam impellent ; immotum igitur manet, & singulæ corporis fluidi partes in quibus natat reflectuntur cum toto suo motu. Itaque corpora crassa, & quorum partes inter se invicem conjunctæ sunt, nullum possunt recipere præter motum circularem & uniformem vorticis materiæ subtilis quæ illa circumdat.

Hæc ratio sufficere mihi videtur ut pateat corpora crassa æquè non
agitari

agitari ac parva, nec ad hæc explicanda necesse esse supponere quieti aliquam inesse vim ad resistendum motui. Certitudo placitorum Philosophiæ Cartesii non potest stabilire ipsius regulas de motu. Nec, opinor, Cartesius, si ipse placita sua absque præiudicio examinasset, expendendo rationes superioribus similes, credidisset effectus naturæ confirmare ipsius leges, nec in contradictionem incidisset duritiem corporum durorum soli partium quieti tribuendo, ipsorum verò vim reiliendi & pristinam recuperandi figuram materiæ subtilis impetui.

Cæterum observandum mihi videtur nihil Physicæ Cartesii magis nocere quàm istud falsum placitum quieti vim aliquam inesse, inde enim falsas elicit motus leges; inde & collegit globulos ipsius secundi elementi per se duos esse; unde falsas transmissionis lucis, varietatis colorum, & generationis ignis, imperfectasque omnino gravitatis rationes deduxit. Uno verbo falsa illa opinio quieti vim inesse aliquam per totum influit ejus systema quod tamen ingenium prodiit longè superius omnibus qui ante eum existerent Philosophis; Hæc omnia, spero, erunt in confesso, ubi lecta fuerit & bene concepta 16. illustratio; Verùm simul & fateor me Cartesio aut ejus philosophandi methodo debere ipsas sententias quas ejus sententiis oppono, atque hanc cum reprehendendi audaciam.

CONCLUDUNTUR TRES POSTREMI LIBRI.

In quarto & quinto Libro, ni fallor, satis ostendi inclinationes naturales & affectus hominum eos sæpe in errorem conjicere; quia illos minùs impellunt ad res accuratè examinandas quàm ad præcipitata de iis judicia ferenda.

Quarto libro ostendi inclinationem ad bonum in genere esse causam anxietatis & inquietudinis voluntatis; voluntatis sollicitudinem mentem conjicere in perpetuam agitationem, mentem verò indefinenter agitatam ad veritates tantisper obscuras retegendas esse penitus ineptam: amorem nostrum erga nova & extraordinaria nos sæpe in eorum gratiam prævertere, & quicquid infiniti charactereni præ se fert posse inaginationem nostram perstringere, nosque decipere. Quomodo inclinatio quæ ad dignitates, elevationem & summum imperium propendimus, ad falsam eruditionem, & omnium illarum scientiarum vanarum & inutilium, quæ superbiæ nostræ ablandiuntur, quia nobis hominum admirationem conciliant, studium nos sensim ducat explicui. Inclinationem ad voluptates mentis visum a veritatum abstractarum, quæ omnium sunt simplicissimæ & secundissimæ, contemplatione perpetuò divertere demonstravi, quia de rebus attentè & sine præiudicio judicare ei non permittit. Voluptates, cum sint animæ modificatio-

nes, mentis capacitatem necessariò diversam agere & mentem ita dissipatam non posse assequi res paulò difficiliore. Ostendi denique relationem atque naturalem nostram cum iis quibuscum vivimus colligationem multorum errorum occasionem esse in quos ipsi incidimus, & quos cum cæteris communicamus, quemadmodum nobiscum communicant alii eos quos ipsi admiserunt.

In quinto, dum affectuum nostrorum aliquam tradere ideæ conatus sum, satis ostendi, ni fallor, illos ad id institutos fuisse ut omnibus sensibilibus adhæresceremus, utque eam fortiremur dispositionem quæ necessaria est ad vitæ nostræ conservationem. Quòd quemadmodum sensus nostri nos colligant cum corpore nostro, & in omnes ipsius partes animam veluti diffundunt, ita commotiones nostræ nos veluti extra nosmetipsos educunt, ut in ea omnia quæ nobis circumjacent diffundamur: Illos denique affectus nobis semper res repræsentare non ut in se sunt, ad formanda vera judicia, sed juxta relationem quam habent nobiscum, ad formanda judicia ad nostram & eorum quibuscum aut naturâ aut voluntate nostrâ colligati sumus conservationem utilia.

Postquàm errores in causis suis reterege, & mentem a præjudiciis quibus obnoxia est liberare conatus sum; tandem existimavi temporis rationem petere ut illam ad veritatis inquisitionem præpararem. Itaque sexto libro rationes meo judicio maximè idoneas & naturales ad augendam attentionem & capacitatem mentis explicui, ostendendo quomodo utendum sit sensibus, affectibus & imaginatione, ad imperitiendam menti omnem quam suscipere potest vim & sagacitatem. Postea, leges quasdam ad quamlibet detegendam veritatem necessariò observandas tradidi: illas multis exemplis, ut palpari possent, illustravi, & exempla cooptavi utilissima, vel quæ veritates secundiores & generatioribus includerent, ut attentius legerentur ex leges, & menti familiares fierent.

Foran ex hoc Methodi specimine agnoscetur necessitas quæ incumbit duntaxat ratiocinandi juxta ideas claras & evidentes, quasque certò scimus ab omnibus gentibus admitti; nec unquam ad rerum complexarum examen deveniendi, quin prius simplicissimæ a quibus pendent fuerint examinatæ.

Qui attendent Aristotelem & ipsius sectatores leges a me explicatas non observasse, ut id extra omne dubium, tum argumentis a me allatis, tum opinionum quas acerrimi hujusce Philosophi vindices profertur cognitione, positum fuit, foran ipsius doctrinam aspernabuntur irritis omnibus honorificis laudibus quibus eum extollunt qui vocibus quas non intelligunt se perstringi sinunt.

Sed si ad Cartesii philosophandi rationem attendatur, de illius soliditate nemo dubitabit; satis enim ostendi ipsum duntaxat juxta ideas claras & evidentes ratiocinari, & incipere a rebus simplicissimis priusquam

quam ad maximè complexas transeat. Qui eruditi istius viri opera legent, eorum quæ de ipso hîc testor facillè convincentur, dummodo illa cum attentione necessariâ legant; interno afficiuntur gaudio quòd in eo sæculo & climate nati sint, in quo non opus sit Ethnicos Philosophos, regiones maximè distitas & Barbaras adire, ut Doctorem habeamus qui nos veritatem doceat, vel potiùs fidelem monitorem qui nos ad eam edificandam inclinet.

Nilominus cùm humanarum opinionum magnopere solliciti esse non debeamus, me pigeret si existimatio quâ hîc Cartesium prosequi videor, quemquam in ipsius gratiam ita anteverteret, ut ipsius opiniones legerentur & memoriæ mandarentur propter Authoris famam duntaxat, non verò propter veritatem. Ii enim Deo anteponerent hominem, ipsum loco Dei consulerent, & obscuris Philosophi, qui nos illuminare nequit, acquiescerent responsis, quia nimis laboriosum existimant eum meditatione interrogare qui nobis eodem tempore respondet & illucet.

Quamlibet sectam amplecti, & ipsius Authores erroris immunes existimare iniquum est. Hanc ob causam Cartesius homines veritatis discipulos, non verò pervicaces sententiarum suarum sectatores efficere cupiens, disertis verbis monet, *nihil eorum quæ scripsit credi & admitti debere, nisi quod invicta & evidens ratio persuadebit.* Quemquam in ipsis verba jurare non postulat, ut nonnulli Philosophi; semper ipsius memoriæ obversatur se hominem esse, & cùm nonnisi reflexum lumen communicare possit, eorum qui sicuti ipse illuminari volunt mentes semper convertere debere versùs summam Rationem, quæ sola intelligentiæ dono ipsos perfectiores reddere potest.

*Sub finem
ipsum prin-
cipiorum.*

Præcipua utilitas ex studiis percipienda in eo consistit, ut mentem nostram rectiorem, perspicaciorem & aptiorem ad quaslibet detegendas veritates reddamus. Qui verò legunt Philosophos duntaxat ut eorum opiniones memoriæ mandent, & aliis exponant, ad illum non accedunt qui est vita & alimentum mentis. Commercio quo utuntur cum iis qui illos illuminare nequeunt, ipsorum mens debilitatur & occæcatur. Falsâ eruditione, cujus pondere opprimuntur & fulgore perstringuntur, pleni sunt. Et dum se doctissimos existimant, quia ipsorum caput antiquorum Philosophorum opinionibus refertum est, non attendunt se eorum discipulos fieri de quibus Paulus dicit *ipsum factos fuisse stultos, dum se dicerent sapientes.*

Methodus quam tradidi iis qui ratione rectè uti, aut a Deo responsiones, quas iis omnibus largitur qui ipsum ritè interrogant, accipere volunt, prodesse posse mihi videtur: Existimo enim me omnia dixisse quæ ad attentionem mentis corroborandam & regendam conferre possunt; jam autem attentio est oratio naturalis quæ ad verum omnium hominum magistrum dirigitur, ut ab eo erudiamur.

Q 3

Quia

Quia verò hæc ratio naturalis quærendi veritatem est admodum laboriosa, & ut plurimum duntaxat utilis est ad solvendas quæstiones quorum usus rarus est, & quarum cognitio superbiam magis palpat, quàm mentem perficit. Hic coronidis loco dicere teneor, brevissimam & tutissimam viam quâ veritatem invenire, & cum Deo, modo purissimo & perfectissimo possumus colligari, in eo consistere, ut vitam verè Christianam degamus, ut præcepta Veritatis Æternæ, quæ se nobiscum eo fine duntaxat conjunxit, ut Deo nos reconciliaret, sequamur. Ut fidem nostram potius quàm rationem exaudiamus, & ad Deum tendamus, non tam viribus naturalibus, quæ a peccato labefactatæ sunt, quàm auxilio fidei, quâ solâ Deus vult nos deduci ad immensum veritatis lumen; quod omnes nostras discutiet tenebras: Etenim cum probis aliquot annos in quarundam rerum ignorantia versari, & uno temporis momento lumen in æternum duraturum consequi, quàm naturalibus mediis ingenti cum applicatione & labore scientiam imperfectam, quæque nos in æternis relinquat tenebris, adipisci longè satius est.





LEGES GENERALES MOTUUM COMMUNICATIONIS.

AD LECTOREM

ADMONITIO.



UM diversæ esse debeant motûs leges pro diversis quæ fieri possunt suppositionibus tum circa naturam concurrentium corporum, & fluidæ materiæ ipsa circumcingentis, tum circa principia ex quibus deducuntur hæ leges, ideo hoc opusculum in duas partes divido. In priori scilicet, suppono concurrentia corpora per se durissima esse, atque in vacuo moveri; atque probo quænam esse debeant hæ leges non solum in hypothesi Cartesianâ quæ motum non deperdi ponit, quamque falsam existimo tamen, respectu saltem eorum corporum quæ per vim elasticam tantum sunt dura, non solum, inquam, in eâ hypothesi, verum etiam in eâ quæ ponit contrarios motus se se destuere, quod quidem verum esse ex multis constat experimentis.

In posteriori parte nullam arbitrariam sequor hypothesim; corpora sumo qualia sunt naturâ: Quæ sit eorum duri-

duritiei & vis elasticæ causa inquiri, atque sic legum motûs quæ experientiâ detectæ sunt rationem physicam reddere enitor; atque mihi præcipuè animus est clare probare eas operationes quæ ad detegendum quid ex corporum motibus post impactum resultet præscribuntur, naturales impactûs effectus menti clare repræsentare, quod quidem, ut mihi videtur, nondum peractum est in libris quos super hocce argumento legi, etsi id necessarium sit ut menti aliquatenus satisfiat.

Ita concilium est hoc opusculum ut obscurum forsitan nonnullis futurum sit; sed non mihi fusiùs exponendæ visæ sunt veritates quas non ita utiles esse judico, quæque meritò negligent plerique ut ad meliora studium convertant. Altera modò pars alicujus in physicâ utilitatis est, nec ad aliud quicquam prioris examen prodesse potest quàm ad mentem exercendam. Sed cùm in tractatu de † *Veritatis inquisitione* de legibus motûs olim loquutus fuisset relatè ad eas quas tradiderat Cartesius, novissimæ hujus editionis occasio ad id me impulit ut hocce argumentum propiùs expenderem.

† Lib. 6.
cap. ult.
priorum
editionum.

Eruditus ille Philosophus cui potius quàm aliis simul omnibus meam debeo, si quæ sit, in scientis solertiam, duobus præcipuè effatis motûs leges fundavit; quorum prius est quietem esse vim veram, alterum, eandem semper in mundo motûs quantitatem Deum conservare. Priùs horum effatorum jam equidem impugnaveram, verùm posterioris falsitatem aut æquivocationem nondum agnoscebam. Atque ideo hodie a vero abhorre mihi videntur quæ ante triginta annos in ultimo tractatûs de Veritatis inquisitione capite, & longo post tempore in opusculo quodam de his scripseram legibus. Certè in eo casu nonnisi per evidentiam detegi potest veritas. Cùm enim Creatoris consilia amplecti, atque eorum ad ipsius attributa relationes intelligere non possimus, æqualem absolutam motûs quantitatem conservare aut non conservare; illud est quod a merè arbitrariâ Dei voluntate omnino pen-

pendere videtur, quodque ideo non aliter comperiri potest quam per aliquam revelationem qualis est experientia. Jam verò ad varia quæ Doctissimi atque accuratissimi viri circa corporum impactum instituerant experimenta nondum satis attenderam, quia iis utpote sæpe fallacibus diffidebam experimentis, atque occupatus erat animus meus in gratiam Cartesii, utpote qui verosimili ratiocinio quodam de quo in hocce loquar tractatu deceptus fuisset. Hæc sunt itaque quæ nunc sentio de motus legibus. Lectorum attentorum est de meis judicare placitis, attentorum inquam, difficilius enim est argumentum quam primâ fronte videtur.

DE GENERALIBUS MOTUUM COMMUNICATIONIS LEGIBUS.

PARS PRIOR,

In quâ expenditur quanam esse deberent hæc leges si corpora in vacuo concurrerent, & per se dura essent, 1.º posito absolutam motûs quantitatem semper eandem manere. 2.º posito eam indefinenter mutari.

I. **H**ic suppono motus se se communicare, & corpora tantundem motus perdere quantum impertiunt iis quibuscum concurrunt; vel Deum æqualem semper motûs absolutam quantitatem conservare: absolutam dico, ut inuicem motus contrarios se se invicem non destruerent. Cum hæc a Cartesio atque Cartesianis admittatur sententia; atque etiam a ratione non videatur abluere, ipsam hic ponere possum ut leges illas tales statuam quales eas hic Philosophus, me iudice, statuisse debebat. Hæ enim primæ leges ab experimentis non pendent.

Malebranchii de Inquisit. Verit. Tom. II.

R

Quæ

Quæ sum itaque jam dicturus non alios spectant quàm qui Cartesii sententiam admittunt. Nec mihi tamen minùs certum videtur, quod attinet ad impactum corporum durorum elasticorum, Deum non æqualem semper motùs quantitatem absolutam servare, sed æqualem ipsius semper quantitatem servare in eandem partem; atque centrum gravitatis corporum manere semper aut moveri eadem cum velocitate ac ante impactum, hoc est contrarios motus se se invicem destruere; ita ut \div hic vel ille motus in anteriorem partem — idem ille motus in posteriorem non sit vis aut motus duplo major, sed vis aut motus omnino nullus. Verùm ea fient clariora, & comprobabuntur in alterâ hujusce tractatùs parte.

II. Pono etiam corpora esse impenetrabilia, perfectè dura, ac proinde sine ullâ vi elasticâ, atque in vacuo mota, hoc est, ita ut neque crassus aër, neque subtilis materia ipsorum motui aut resistat aut fa-
veat.

III. Pono denique corpora quæ sibi concurrunt per lineam rectam moveri quæ per ipsorum gravitatis centrum, atque concursus puncta transit.

IV. Quieri nulla vis inest ad resistendum motui, ut id sufficienter probasse mihi videor.*

* Inquis.
verit. l. c.
cap. ult.

V. Motus definitur corporis e loco in locum translatio, quæ quidem vel velocior vel minùs velox esse potest relatè ad aliam translationem.

VI. Velocitatis quantitas est relatio spatii ad tempus, hoc est spatium percursum divisum per tempus insumptum.

VII. Motùs igitur quantitas est velocitas corporis per ejusdem massam multiplicata: sic etiam exprimitur quantitas vis motricis quæ actu ad producendum motum adhibetur, effectus enim omnes æquam servant proportionem cum viribus eos efficientibus.

VIII. Impactus est naturalis sive occasionalis causa distributionis ac proinde communicationis motuum: ut enim corpus A moveat corpus B, oportet ut ipsum pellat, seu in ipsum impingat; atque si illud moveat, illud movere debet pro impactùs magnitudine.

IX. Duorum æqualium corporum, aut quorum velocius est simul majus, duorum, inquam, illorum corporum impactùs quantitas statui debet per summam, aut differentiam velocitatum; per summam, in velocitatibus in contrarias partes, per differentiam in velocitatibus in eandem partem. Posito itaque æqualia esse corpora, aut velocius esse simul majus, impactùs quantitas æqualis est summæ aut differentiæ velocitatum per alterutrum, si æqualia sint, aut minoris, si inæqualia, massam multiplicatæ. Ideo enim sese pellunt corpora quia sunt impenetrabilia. Ergo duntaxat agunt secundum velocitatem quâ in se impingunt ipso impactùs momento. Cùm igitur velocius est etiam majus, non agit in minus sibi obvium secundum totam suam vim, sed secundum velocitatem respectivam, aut velocitatum summam duntaxat: mul-

multiplicatam per minoris massam quod antrosum pellit, quia est velocius.

X. Impactus quantitas duorum inæqualium corporum, quorum velocius est simul minus æqualis est summæ ipsorum virium aut motuum, si ex oppositis sibi mutuò occurrant. Cum enim corpora sint impenetrabilia majus corpus juxta totam vim suam in minus impingit quod vicissim illud pellit ex totâ suâ vi. Sed si alterutrum assequatur præcedens, impactus quantitas duntaxat æqualis est velocitatum differentię per minoris massam multiplicatæ, quia majus corpus nullam vim habet contrariam.

XI. Cum tantò magis moveantur quantò fortius pelluntur, manifestum est ex impactus quantitate statuendam esse quantitatem motus quo debilius post impactum donari debet. Debilius itaque considerari debet ut quiescens, si motus quo ante impactum gaudebat motui fortioris erat contrarius, sed considerari debet ut jam aliquo motu gaudens si eandem in partem movebatur ac illud quod ipsum assequitur, & pellit. Ita ut debilius resilire debeat cum motu æquali impactus quantitati, vel motum suum continuare cum incremento æquali impactus quantitati. Ea omnia ita se habere debent, quia hic suppono motum nullatenus deperdi, corpora esse impenetrabilia atque dura infinite, motum immediate, & uno temporis puncto sese communicare per impactum; atque imprimis, adverte lector, quia cum idem corpus duas vires aut duos motus contrarios eodem tempore suscipere non possit, fortius utique a debiliori nihil unquam accipere potest, sicque vis debilioris in ipsum recidere debet cum novâ vi quam ipsi impertit fortius. Posito enim corpora esse perfecte dura, omnes eorum partes æqualiter vel progrediuntur, vel retrogrediuntur. Cum contra retrogrediatur pars impacta durorum elasticorum, quo tempore progredi pergit ejusdem corporis pars impactæ opposita. Ita ut hæc corpora duos semper contrarios habeant motus ipso impactus momento. Fortius in parte impactâ semper debilioris motum accipit, qui sese deinde in insensibilem transmittit materiam, quæ eum motum post impactum continuò restituit. Atque ea est causa cur tantum intersit discriminis inter leges motus in corporibus elasticis, & eas quæ pendent a jam positis, ut deinde probabo.

Sunt qui contendant si corpus perfecte durum aliud feriret ejusdem naturæ, atque immobile, prius quieturum, nec resoluturum esse, quia, inveniunt nulla foret nova causa motus retrogradi, atque sola vis elastica causa est cur post impactum corpora resiliant. Verum nullâ hic attentione habitâ ad Creatoris voluntates, cum hic ponamus corpus immotum, quod naturaliter fieri non potest; in hypothesi Cartesianâ responderi potest novam esse motus retrogradi causam, eamque causam ipsum esse impactum, quo æquè pelluntur & corpus impingens, & corpus impactum, quia sunt æquè impenetrabilia, & corpus impactum supponitur immotum.

Exempli gratiâ, si duo globi æquales A & B perfectè duri sint, atque A impingat in B quiescens, A totum amittet motum, illūque B suscipiet: Res ita se habere debet, nam etsi B sit impenetrabile, nullam tamen vim habet quâ fiat immotum. Pellitur, nec repellit, siquidem quieti nulla vis inest quâ motui resistat. Cum ergo A non repellatur, non debet resilire, cūque pellat B totā vi suā, B totum ejus motum debet suscipere. Cum enim moventur corpora, tantò fortius moventur quantò fortius pulsa sunt. Hoc est, opinor, axioma indubitatum.

Nunc autem ponamus globum qualicumque vi immotum fieri, manifestum est globum A, si in eum impingat, tantumdem repulsum iri quantum pepulerit, quandoquidem uterque impenetrabilis est. Ergo, secundum illud essatum, corpora moveri pro vi quâ pelluntur, eādem quâ concurrebat resiliat. Cum enim non eādem sint circumstantiæ ac in præcedenti positione, certè in effectibus aliqua esse debet diversitas. Ideoque concipi nequit quiescere globum A, postquam impiegit contra corpus immotum. Verum, inquires, nulla est vis elastica, quæ sola retrogradum motum efficit. In corporibus elasticis, ex vi elasticâ, fateor, efficitur motus retrogradus. Verum id fit ex eo quòd totam insumant vim suam moticem corpora elastica in intendendo elaterio, ut ita dicam. Id ex eo fit quòd totum suum impertiant motum materiæ cuidam invisibili quæ eum ipsis continuò restituit, & quæ ea tantum repellit quantum ab ipsis pulsa fuit, ut * postea probabo. Suum ducunt motum retrogradum ex vi sui motus in partem anteriorem; vis enim elastica quâ repelluntur non alunde oritur quam ex vi impactus, ut in corporibus perfectè duris & non elasticis. Verum id deum pendet ex arbitrariis Creatoris voluntatibus qui velle potuisset ut corpora dura & non elastica motus suos ex impactu amitterent.

* Vide in
16 Illustratione
locum ubi
duritiæ &
vis elasticæ
causam
trado.

DEFINITIONES.

Voco *m* alicujus corporis massam, globum, verbi gratiâ, cui diameter esset unius pollicis, sicque voco $2m$, $3m$, $4m$, &c. corpora quorum massa esset dupla, tripla, quadrupla &c.

Voco *m* corpus aliquod quiescens; m_1 , m_2 , m_3 , &c. corpora quorum velocitas est unius, duorum, aut trium graduum; denique m_1^2 , m_2^2 , &c. corpora quorum velocitas est unius semi-gradus, aut $\frac{1}{2}$ gradus.

Itaque $2m_3$ significat corpus cujus massa est dupla, velocitas tripla. Prior numerus massam, posterior velocitatem denotat; Cūque nullus est numerus ante aut post *m*, subaudiatur unitas. Igitur *m* idem significat ac $1m_1$, m_2 idem ac $1m_2$; $2m$ idem ac $2m_1$. Hoc signum + plus significat, hœc verò — minus, sicque $+3-2$ significat plus 3 minus 2.

PKI-

XII. *Agitur de duobus corporibus quorum quiescit alterum.*

E X E M P L A.

	<i>Ante impactum.</i>		<i>Post impactum.</i>	
1.	$m2.$	mo	$mo.$	$m2.$
2.	$n.$	$2mo$	$mo.$	$2m\frac{1}{2}.$
3.	$2m.$	$m\sigma$	$2m\frac{1}{2}.$	$m.$
4.	$3m2.$	mo	$3m\frac{1}{2}.$	$m2.$
5.	$3m2.$	$4mo$	$3mo.$	$4m\frac{1}{2}.$

Hæ motus communicationes eo nituntur,

1. Quòd nullam vim habeat quies quâ motui resistat.
2. Quòd cùm infinitè dura ponantur corpora, immediatè, & uno momento in corpus impactum vis impingentis agat, ac proinde illud pellat secundùm totam suam velocitatem.
3. Quòd ea vis excepta semel per totam massam, propter suppositam duritiem, distribui debeat. Ea vis itaque dividatur per massam, habebitur corporis impacti velocitas.
4. Quòd corpus impingens totum sibi servet motum quem impactu non imperit; itaque si residuus quem servat adhuc per ipsius massam dividatur motus, habebitur velocitas in eo remanens.

XIII. *Agitur de duobus corporibus quæ in eandem partem moventur, & sese tamen impingunt.*

E X E M P L A.

	<i>Ante impactum:</i>		<i>Post impactum.</i>	
6.	$m2.$	m	m	$m2$
7.	$2m2.$	m	$2m\frac{1}{2}$	$m1.$
8.	$m2.$	$2m.$	m	$2m\frac{1}{2}.$
9.	$2m4.$	$3m2.$	$2m2.$	$3m\frac{1}{2}.$

Hæ communicationes iisdem nituntur fundamentis atque tres primæ; liquet enim corpus aliquod quod in eandem cum alio partem movetur nullam vim habere contrariam quâ ipsi resistat, nec nisi

secundum differentiam velocitatum ab eo quod ipsum affequitur impingi.

Atque hæ primæ leges extra omnem controversiam mihi videntur esse. Accipe nunc eas quæ corpora sese per motus contrarios impingentia spectant, posito semper nullum deperdi motum.

XIV. *Agitur de duobus corporibus se se cum contrariis motibus impingentibus.*

E X E M P L A.

<i>Ante impactum.</i>			<i>Post impactum.</i>	
10. $m.$	$m.$		$m.$	$m.$
11. $m2.$	$m.$		$m0.$	$m3.$
12. $2m.$	$m2.$	in sensum	$2m.$	$m2.$
13. $2m.$	$m.$	contrarium.	$2m\frac{1}{2}.$	$m2.$
14. $2m2.$	$m.$		$2m.$	$m3.$
15. $3m.$	$m.$		$3m\frac{1}{2}.$	$m2.$
16. $3m.$	$m2.$		$3m\frac{1}{2}.$	$m3.$

Hæ motûs communicationes ex articulis 8, 9, 10, 11. necessariò sequuntur. Quamvis paradoxæ videantur, ad hanc tamen generalem regulam redeunt.

R E G U L A G E N E R A L I S,

Cum duo sese impingunt corpora, sive alterum moveatur, alterum verò quiescat, sive ambo in eandem partem, aut in contrarias partes moveantur.

1. Quare motûs quantitatem, aut productum velocitatis per massam utriusque corporum in contrarias partes motorum. Illud e duobus quod majus habebit productum, si sit fortius (ex 7.) alterum vincet, & repellet; si verò fortius sit simul minus, quiescet. Motus itaque ipsius duntaxat addendus erit debilioris motui; cum (ex 10) impactûs magnitudo sit in eo casu æqualis ipsorum motuum summæ. Sed cum in eandem partem moventur corpora, aut alterutrum quiescit, celerius semper erit fortius, quia alterum, etsi massâ majus, nullam vim habet contrariam quâ ipsi resistat (ex 4.)

2. Sume (ex 9. aut 10.) impactûs quantitatem, habebis (ex 11.) debilioris motum retrogradum; si cum contrariis viribus sese impegerint corpora; aut ipsius motûs incrementum, si in eandem partem moverentur.

3. Hunc

MOTUUM. COMMUNICATIONIS. 133

3. Hunc motum sive hoc incrementum per debilioris massam divi-
dito, atque ejus velocitatem (ex 7.) habebis.

Cujus regulæ demonstratio ex articulis 7. 8. 9. 10. & ex 11. speciatim
dependet.

E X E M P L U M.

$m12$ incurrens contra $3m2$ in sensum contrarium.

1. Vis $v\bar{v}$ $m12$ est 12. vis $v\bar{v}$ $3m2$ est 6.

2. Impactus quantitas est 18. sive virium summa.

3. Quæ si per 3. sive massarum debilioris numerum dividatur, da-
bit 6. quæ velocitas erit $v\bar{v}$ $3m2$ quod fit $3m6$ in contrariam partem
post impactum; atque $m12$ fit $m6$.

Sed si $4m3$ incurrat contra $3m2$, cum in eo casu fortius sit simul
majus, impactus quantitas erit $3m5$ quæ est productum summæ ve-
locitatum 2& 3 per corpus debilius 3m. Ergo $3m2$ per impactum fiet
 $3m5$ in partem contrariam, & $4m3$ redigetur ad $4m\frac{1}{2}$.

Atque hæc dicta sufficiant circa primas leges posito scilicet absolu-
tam motus quantitatem eandem semper manere: quo quidem posito
nituntur partim leges motus a Cartesio traditæ, quæ ab his tamen mag-
nopere differunt, quia vim veram inesse quieti existimavit, quâ motui
resistere valeret.

O B S E R V A T I O.

*Deum in Orbe Universo eandem semper motus quantitatem servare
autumavit Cartesius. Quam opinionem doctæ indubitato stabiliebat axioma-
te, Creatoris scilicet actionem ipsius immutabilitatis characterem semper præ-
se ferre debere, ac proinde, cum vis motrix corporum in motu creatorum
aut conservatorum nihil aliud esset præter ipsius voluntatem, eam vim ean-
dem semper manere debere. Quod quidem essatum, Dei scilicet agendi
rationem ejus attributorum characterem præ se ferre debere, extra om-
nem controversiam positum est; evidenter enim patet Dei voluntatem nihil
aliud esse quàm ipsum amorem quo se propriasque perfectiones prosequi-
tur, idcircoque, quoniam per voluntatem duntaxat agit, fieri nequit ut per
suam actionem alium se prodatur ac eum exhibent ejus attributa quibus ne-
cessario delectatur, aut in quibus suam reperit legem, ad cujus normam
suam inviolatè componit agendi rationem. Cum enim Dei voluntas non
sit impressio extrinsecus accepta, & quæ ipsum aliò delectatur, sibi ipse est
& finis & lex. Verùm tamen errasse Cartesium experientiâ comprobatum
est, non quid falsum sit axioma Metaphysicum quo ipsius opinio nititur,
sed quia non vera est inde ab ipso deducta conclusio, etsi primâ fronte
verosimilis admodum videatur, imò ita verosimilis ut neque sacri erubesc-
cam me olim in eâ falsum fuisse. Et isthuc quidem jam exponere conabor.*

In eâ propositione æqualem semper motus quantitatem in universo

con-

* Ratio-
nem phy-
cam jam
jam trade-
re conabor.

conservat Deus, Laet equivocatio, ex quâ fit ut ista propositio sit certo sensu vera, certo sensu falsa, & experientia aut conformis aut contraria. Vera est hoc sensu, quod scilicet gravitatis centrum duorum aut plurium corporum qua quacunq; ratione se se impingunt, eadem semper moveatur velocitate ante & post impactum. Ita ut verum sit Deum aequalem semper motus quantitatem ex eadem parte servare, aut aequalem materiam translationem. Exempli gratiâ, cum m6 impingit in smo, * experientiâ constat m6 post impactum resilire m4, smo progredi sm2. Jam verò sm2 vel m10 in partem anteriorem — m4, aut quod idem est + m4 retrorsum, = m6 qua quantitas est motus ex eadem parte, sive vis eadem qua ante impactum subsistebat. Hoc itaque sensu vera est illa propositio Deum aequalem semper motus quantitatem servare.

Verum falsa est & experientia contraria hoc sensu accepta, summam scilicet motus singulorum corporum, quacunq; ratione se se impingant, post impactum ei aequalem esse quam ante impactum habebant, vel absolutam motus quantitatem eandem semper manere. Etenim in superiori exemplo aut experimento motus quantitas ante impactum erat dimaxat m6, cum nulla esset quantitas motus tu smo; sed post impactum ea fit m14, quandoquidem sm2 sive m10 + m4 = m14. Itaque per impactum motus quantitas absolute sumpta, hoc est nullo habito respectu ad contrarios sensus quibus moventur corpora, indefinenter augetur aut minuitur.

Attamen ea propositio, Aequalem semper motus quantitatem in universo Deus conservat, si sumatur sensu verò & experientia consentaneo, multò magis attribuendum Divinorum characterem præ se ferre mihi videtur, non obstante infinitâ motuum varietate in corporibus specialibus. Secundum enim eam propositionem in suo vero sensu acceptam, idem semper est omnium in genere corporum motus; in perfecto, ut ita dicam, atque immutabili equilibrio omnia permanent. Manifestè patet Deum eodem semper modo, constanter perfectâque simplicitate agere, cum eam legem in infinitis corporum impactibus indefinenter observet, ut scilicet ipsorum gravitatis centrum, non obstante impactu, eadem semper celeritate moveatur, aut quiescat; ac proinde idem semper existit motus aut eadem vis in omnibus simul sumptis Universi partibus, non obstantibus variis specialium corporum motibus qui ad perficiendum Universum, atque Creatoris sapientiam aliâque attributa exprimentia sunt necessarii.

De legibus communicationis motus, posito, ut constet experientiâ, motus quantitatem per impactum corporum mutari.

XV. Corporum impactus leges modò tradidi quales Cartesius eas, meâ quidem sententiâ, statuissè debebat, etiam posito quod ponebat, Deum scilicet aequalem semper motus quantitatem servare, si præterea existimavisset nullam quieti vim inesse quâ motui resistat, sed meram esse

MOTUUM COMMUNICATIONIS. 137

esse motus privationem. Nunc verò si ponatur indefinenter mutari absolutam motus quantitatem, atque contrarios motus se se per impactum destruere non solum in corporibus duris & elasticis, ut experientia constat, verum etiam in corporibus quæ per se infinite dura supponerentur, de quibus nihil certi definire potest experientia, si inquam id ponatur, ex iis quæ præfatus sum facile deduci potest quænam in omnibus diversis casibus motus leges esse debeant. Manifestum enim est eam suppositionem, contrarios scilicet motus se se destruere mutuo, nihil in iis legibus mutare quas modò statui cum corpora in eandem partem moventur, aut cum quiescit impactum, quoniam in his duobus casibus nullæ sunt vires contrariæ, nulli contrarii motus, ac proinde eadem tunc manere debet absoluta motus quantitas.

Verum cum contrariis motibus corpora moventur, eni tibi generalis regula.

GENERALIS REGULA.

1. Ex utroque corporum impingentium detrahe motus quantitatem debilioris, siquidem hi motus, cum sint contrarii, sese mutuo juxta suppositionem destruunt. Itaque post eam detractionem debilius spectat ut quiescens.

2. Quære quæ debeat esse fortioris velocitas, dividendo per ejus massam, motum in ipso remanentem; ipsūque concipe impingere in alterum quod ex priori operatione tanquam quiescens spectatur.

3. Vel fortius est minus vel est majus; si sit minus debiliori impertire debet totum sibi residuum motum, atque quiescere; ac proinde debilius moveri debet cum velocitate per secundam operationem detecta, & per ipsius massam divisâ. Si verò fortius simul sit majus, minus movebitur eâ cum velocitate quæ fortiori supererat per secundam operationem, majusque moveri perget cum motu sibi residuo. Hic dico minus motum iri cum eâ velocitate quæ fortiori supererat post secundam operationem, non verò cum summa velocitatum quæ ante impactum exstabant, quod scilicet hic ponam perisse motus contrarios, ideoque horum motuum velocitates. Satis autem intelligitur centrum gravitatis corporum se se impingentium eadem semper ante & post impactum processurum esse.

EXEMPLA.

	<i>Ante impactum.</i>		<i>Post impactum.</i>	
1. <i>m.</i>	<i>m</i>	<i>Qua habent signum — in contrariam partem resiliunt.</i>	<i>mo.</i>	<i>me</i>
2. <i>m.2.</i>	<i>m</i>		<i>mo.</i>	<i>m.</i>
3. <i>2m.</i>	<i>m</i>		$2m\frac{1}{2}$	$m\frac{1}{2}$
4. $3m$.	<i>m</i>		$3m\frac{1}{2}$	$m\frac{1}{2}$
5. $3m$.	$m2$		$3m\frac{1}{2}$	$m\frac{1}{2}$
6. $2m2$.	<i>m</i>		$2m\frac{1}{2}$	$m\frac{1}{2}$

Et sic de cæteris.

OBSERVATIO.

Quamvis postremas hæc leges tradiderim posito motus contrarios se se mutuò destruere, non eas tamen pro veris affirmo si ponatur corpora per se infinite dura esse. Docet quidem experientia contrarios motus se se continuo destruere ante elaterii *reactionem*, ut deinde observabo, sed causa est quòd pro mollibus haberi possint corpora dura & simul elastica, ut deinceps probabo, ita ut ex iis. nihil possit colligi respectu corporum infinite durorum. Indubitatum mihi videtur istud axioma, corpora scilicet eodem modo moveri quo pelluntur. Ita ut duo corpora æqualia, exempli causa, quæ sese invicem cum æqualibus velocitatibus impingunt, resiliere debeant, non verò quiescere, ut id collegi ex suppositione factâ: His autem primis motus legibus diutius immorari non expedit, quippe quæ in Physicâ sint inutiles. Ad eas veniamus quæ utiliores sunt, & quarum rationes detectu simul difficiliores sunt.

DE

DE GENERALIBUS
MOTUUM
COMMUNICATIONIS
LEGIBUS,
PARS POSTERIOR,

In quâ necessaria expono dogmata ad Physicam legum motûs experientiâ confirmatarum rationem reddendam; has trado deinde leges, probôque operationes quas præscribunt regulæ ad reperiendam motuum summam post impactum, menti exhibere naturales effectus quos reapse in corporibus producit impactus. Quæ secunda pars majorem lectoris attentionem meretur.

XVI. **I**Nter actionem corporum se se impingentium, cum per se perfectè dura, hoc est non elastica, ponuntur, & eorum actionem quæ non nisi per elaterium suum dura sunt, hoc essentialè discrimen interest, quòd illorum immediatè & unico momento, horum successivè actio se se communicet; quia nempe horum poros penetrat subtilis materia, impressionemque corporum se se impingentium accipit & retribuit. Cum verò ex hoc discrimine imprimis oriatur differentia quæ occurrit inter leges quas modò tradidi, & eas quæ ex experimentis, quantum sensus feriunt, deducuntur, illud discrimen fusiùs exponere, & ritè demonstrare jam necesse est.

Ad agendum, aut ad alicui actioni resistendum vi aliquâ certè opus est. Dura corpora, quæ sunt elastica, se se reflectunt cum inflexa sunt, actioni resistunt quâ quis ea frangere conatur. Ergo iis aliqua vis inflexit. Atqui non oritur ea vis ex quiete ipsorum parium, aut ex quiete parium ipsa circumdantium & penetrantium. Etenim si res ita se haberet, omne corpus durum semel inflexum semper inflexum maneret. Ergo vi & conatu alicujus motûs elastica corpora se se reflectere necesse est. Ac sane quicumque de corporibus ipsorumque proprietatibus ex idè claris duntaxat quas de iis habemus ratiocinari volet, is certè

materiæ nullam aliam vim, nullam aliam actionem tribuet præter illam quam ex proprio motu depromit. Vim igitur elasticam ex aliquo oriri motu agnoscendum est. Atqui ille motus non est in partibus ipsis corporum elasticorum, quoniam omnes eæ partes juxta se invicem quiescunt, cùm tensum manet elaterium. Ergo tandem dicendum est motum unde * oritur vis, elasticorum corporum esse motum subtilis aut invisibilis materiæ quâ circumcinguntur, quæque ipsorum poros penetrat. Hoc, si lubet, pro merâ habeatur hypothefi; verum, ut ritè intelligatur, seriò meditandum est, & ad alias quas jam propositurum sum suppositiones sedulò attendendum; Quod enim jam dicturus pro merâ suppositione habeatur per me licet. Tutius deinceps judicabitur veritatè sint hæ suppositiones an meræ visiones.

* Non abs-
re esset ul-
timam re-
legere ca-
put libri 6.
in quo cor-
porum du-
ritiem ex-
plico per
gravitatem
aut com-
pressionem
æthereæ
materiæ,
vel potiùs
XVlam
Illustratio-
nem sub fi-
nem.

XVII. Sit A ordinarium quodcunque corpus solum retentumque super plano immobili atque infinitè duro. Si malleo feriatur qui sit ejusdem cum plano duritiei, profectò ut mihi quidem videtur, pars illa quæ malleo immediatè percussit antrosum procedet, subtilémque materiam, quæ poros corporis A percussæ parti propiores penetrat, propellet; subtilis hæc materia partem illam quâ propulsa fuit comprimet non secus ac partes corporis A anteriores sive plano propiores, atque hæc anteriores partes vicinas itidem propellent, ut modo dictum est de parte percussâ. Si autem subtilis hæc materia quæ sola jam, etsi nullus fuisset impactus, vi gaudebat activâ, non magnam in corpore A reperiatur resistentiam ut proprium servet motum, simul & illum quem ab ictu mallei accipit, corpus A planum fiet; quia cùm non sibi firmiter cohereant tenues ex quibus constat partes, utpote quarum singulæ a vicinis omnino penè per interfluentem subtilem materiam sejunctæ sint, ipsarum situm vel levissimus contactus mutare poterit. Mentem hîc fusiùs asperire non vacat.

XVIII. Si verò magnam in corpore A resistentiam reperiatur subtilis materia quominus proprium servet motum, illumque quem ab ictu accepit; tunc vel aliquam sibi novam aperiet viam quâ facillè possit ut antea moveri pergere; sicque aliquantulum manebit planum corpus A post impactum, idque pro vi impactus.

XIX. Vel eadem illa subtilis materia texturam & dispositionem partium corporis A non poterit mutare, neque sibi, ipsum frangendo, aliam aperire viam quâ facillè ut antea moveri pergat; ita ut in poros a se parum relictos tota regredi cogatur, ut faciliùs totum suum expleat motum; tuncque corpus A tale videbitur quale ante impactum erat. *Molle* vocatur corpus A si facillè fit planum, *durum* si nequit plium fieri, *elasticum* denique si per impactum nonnihil planum fit, & priorem subitò post impactum recipit figuram.

XX. Ex his sequitur I^o ubi aliquod corpus aliud impingit quiescens aut resistens, motum impactu impressum non se se totum uno momento communicare. Cùm impactus aliquantulum cedant partes percussæ corpo-

MOTUUM COMMUNICATIONIS. 141

corporis, & materiæ subtilis ipsarum poros interfluentis, evidens est corpus impingens impressionem suam persequi, istud enim corpus tamdiu procedit, quamdiu illi cedit corpus percussum.

2°. Idem evenire in corpore seriente, nempe corporis impacti subtilisque materiæ contra corpus feriens reactionem non totam uno momento peragi, sed successivè & ex unâ parte in aliam, ita ut tunc duntaxat completa sit reactio cum pars impingentis a puncto concursus remotissima versùs corpus impactum non amplius procedit.

3°. Fieri quoddam æquilibrii genus ubi materiæ subtilis nimis compressæ conatus vi corporum sese impingentium æqualis est, deinde resultationem incipere quæ successivè quidem sed celerrimè augetur, atque tantò celerius quantò major est vis elastica, seu, quod idem est, quantò magis compressa fuit subtilis materia per resistentiam quam opposuit impacto corpori corpus impingens.

XXI. In hypothesi Cartesianâ motum scilicet non deperdi, superius probatum est, si duo sese impingant corpora infinite dura contrariis motibus mota, fortius nullam vim, nullum effectum accepturum esse ab impactu debilioris, quia fortius a debiliori motum nullum accipere potest quin duos simul contrarios motus suscipiat, quod fieri nequit, visque corporum, seu ipsorum impactus effectus nihil nisi motus seu actualis translatio esse potest. Verùm in corporibus elasticis, quantumvis dura ponantur, res secus se habet; quia nempe ejusmodi corpora successivè duntaxat suum communicant motum. Itaque, etsi debilius non possit fortius vincere, certam tamen particularum quas in fortiori impingit quantitatem vincere valet, quæ particulæ ab iis quæ a puncto concursus remotæ sunt sufficienter non suffulciuntur, quia illud corpus non est per se durum, sed per subtilem materiam, quæ impactus conatui semper cedit.

$$\begin{array}{|c|c|c|c|c|} \hline m2 & & & & \\ \hline 6 & 5 & 4 & 3 & 2 & 1 \\ \hline \end{array}$$

$$\begin{array}{|c|c|c|c|c|c|} \hline m & & & & & \\ \hline a & b & c & d & e & f \\ \hline \end{array}$$

XXII. Ut hæc explicentur, & facilius intelligantur quæ de elasticis corporibus dixi modò, sint ambo corpora $m2$ & m , hoc est, duo corpora æqualia, sed quorum alterius velocitas sit duplo major, quæque contrariis motibus in se concurrant. Si infinite dura sint hæc corpora, & in sese agant immediatè atque uno momento, $m2$ fiet post impactum $m0$, m verò fiet $m3$, quia debilius m non potest fortius $m2$ vincere, propriùsque ipsius conatus in ipsum recidit cum conatu $m2$, si modò ponatur motum non deperdi. Si verò attendatur duo hæc corpora ex innumeris constare particulis sive corpusculis ut 1. 2. 3. 4. &c. a , b , c , d &c. quæ juxta invicem quiescunt, & subtili materiâ quæ ipsa interfuit, suffulcit, & comprimit; facile quisvis animadvertet 1°. duas particulas a & b tantundem vis habere quantum partem 1. etsi duplo majori velocitate donatam. 11°. tres particulas a , b , c . debere

S. 3

ipsam

ipsam vincere & motu retrogrado donare, donec ipsam sustineat particula 2. III^o particulas 1. 2. vicissim motum retrogradum particulas *a. b. c.* imprimere debere, ac proinde corpuscula in *m2* non secus ac in *m* retrorsum repelli, quia nempe, ut jam dixi, *m2* non agit in *m* ex totâ simul suâ vi, neque uno momento, quòd scilicet subtilis materia quæ corpuscula *a. b. c.* 1. 2. 3. interfuit, ad certum usque punctum cedat, ubi impactus vis est in æquilibrio cum subtilis materiæ resistentiâ, quod quidem æquilibrio unum duntaxat momentum manere potest.

XXIII. Jam verò post illud æquilibrio, cùm subtilis materia nimis compressa, hoc est, nimis coacta in suo circulari motu intra poros corporum, quem motum impactus mutaverat, cùm, inquam, ista subtilis materia ipsa in pristinam figuram restituat, * si saltem perfecta sit vis elastica, æqualiter utrinque repellit corpora quæ sese impeerant. Æqualiter dico, quia cùm ponam hæc corpora ejusdem esse naturæ, non aliam ob causam potuit fortius subtilem materiam intra debilioris poros comprimere, quàm quia ipsi per motum contrarium resistebat debilius, nec ipsi resistere poterat quin eo ipso in certâ parte fortioris suæ massæ æquali eandem quam patiebatur compressionem efficeret, aut compressionem tantò majorem quantò minor erat pars massæ compressæ, nullum enim esse potest æquilibrio nisi adfit virium contrariarum æqualitas. Sed quamvis æqualiter a materiâ subtili repellantur impacta corpora, non æquali velocitate resilire debent, nisi jam æqualia, æquali etiam velocitate sese impegissent; manifestum est ipsa resilire debere cum velocitatibus quæ sint in reciproca ratione ipsorum massarum. Jam ad Leges motus experientiâ nixas veniamus.

* Vide argumentum hujus in XVIâ Illustratione, ubi probetur, vim elasticam, gravitationemque corporum omni ex vi centrifugâ minorum ætheris conjungi.

LEGES GENERALES MOTUUM COMMUNICATIONIS
EXPERIENTIA NIXÆ.

Sequentes nobis reliquerunt leges plurimi Docti † Mathematici post † D. MA: accuratissima quæ de corporum impactu sumpturunt experimenta. note.

REGULA GENERALIS
circa impactum mollium.

XXIV. Cum duo sibi occurrunt corpora mollia, contrarii motus, si qui sint in iis, sese destruunt, ipsaque simul moveri pergunt cum motu residuo. Eorum itaque post impactum velocitas æqualis est differentie motuum quibus ante impactum gaudebant, per summam ipsorum massarum divisæ. Sed si nulli sint ipsis motus contrarii, una post impactum procedunt cum summâ suorum motuum. Ipsorum itaque velocitas æqualis est summæ ipsorum motuum per massarum summam divisæ.

REGULA GENERALIS
circa impactum corporum elasticorum.

XXV. 1. Spectentur primò tanquam mollia; sicque dividatur summa aut differentia ipsorum motuum per summam massarum; summa, si contrarii non sint ipsorum motus, differentia, si secus; Haberetur ipsorum communis & in eandem partem velocitas, si mollia forent.

2. Sed propter vim elasticam, in diversum, hoc est, reciprocè ad massas distribuaturs ipsorum ante impactum respectiva velocitas, hoc est, ipsorum velocitatum summa, si motus sint contrarii, differentia, si similes.

3. Addantur motus similes, subtrahantur contrarii. Exemplis elucidabitur regula. Signum — motum contrarium denotat, signum = æqualitatem.

PRIMUM EXEMPLUM.

A = m 24.	impingens in	B = 3m0
1. A = m 6.		B = 3m6
2. — m18.		3m6
3. m6 — m18 = —		3m6 + 3m6
		= 3m12.

Ergo A habebit m 12 motus retrogradi, B verò 3m12 antrorsum.

SECUN-

SECUNDUM EXEMPLUM.

Sit nunc $A = m12$. impingens in $B = 3m12$. per contrarios motus

1. $A = m6$.	B = $3m6$.
2. $= m18$.	$= 3m6$.
3. $= m6 = m18 = m24$.	Et $3m6 = 3m6$.
	$= 3mo$

Ergo A refiliet $m24$. B verò quiescet.

TERTIUM EXEMPLUM.

Sit $A = m12$. affluens B = $3m4$.

1. $A = m6$.	B = $3m6$
2. $= m6$.	$3m2$
$m6 = m6 = mo$.	$3m6 + 3m2 = 3m8$.

Ergo A quiescet, B verò erit $3m8$.

Alia adferre exempla inutile foret, satis enim clara est regula. Verum non primâ fronte adparet regulæ ratio physica, quia operationes quas præscribit menti non satis repræsentant naturales effectus impactûs in corporibus quæ sese impingunt. Mentem clariùs jam expono.

Duo præscribit hæcce regula. Posito enim $A = m24$ impingere in $B = 3mo$, præscribit scilicet,

1. Ut spectentur hæcce duo corpora tanquam mollia, & æquali velocitate post impactum procedere supponantur. Sic $m24$ fit $m6$, & $3mo$, $3m6$.

2. Ut reciprocè ad massas distribuatur summa aut differentia velocitatum, quia æqualiter repelluntur ambo corpora. Ita ut $m6$ retrorsum cum velocitate 18 repelli debeat, antorsum verò $3m6$ cum velocitate 6. Additis ergo similibus velocitatibus, detractis verò contrariis, corpus A fit $= m12$, corpus B. $3m12$. Quod significat corpus B habere $3m12$ motûs in anteriorem partem, A vero $m12$ motûs retrogradi.


XXVI. In regulis quæ spectant physicam, requiritur ut operationes quas præscribunt effectibus naturalibus respondeant, eosque menti repræsentent. Si enim cum naturæ operationibus non consentiat calculus, manifestè patet falsam esse regulam quæ ipsum præscribit, quamvis aliquando possit cum experientiâ consentire. Hujusmodi regula, nedum ad aliquam intelligendam veritatem ducat nos, erroris occasio nobis est ut plurimum.

1. Ab-

1. Absurda primo intuitu videtur prior operatio, quandoquidem mollium regulam duris adaptare jubet. Prior itaque calculus effectui naturali quem menti exhibere debet primo intuitu respondere non videtur.

2. Rationi pariter contraria videtur posterior operatio, ponendo enim corpus A quiescenti B occurrens totâ vi suâ nempe $m24$ subtilem comprimere materiam, hujus subtilis materiæ reactio sive vis elaterii duntaxat erit $m24$. Jam verò si juxta regulam reciproce ad massas distribuat veloxitas 24, repellitur A cum vi $m18$, B cum $3m6$, hoc est vim elasticam esse debere $m36$, seu tertiâ parte majorem quàm $m24$; atque major adhuc fuisset illa vis, si majoris massæ fuisset corpus B. Si enim in infinitum augeatur massa quiescentis B, reactionis vis tandem fit dupla ex secundâ operatione quam regula præscribit. Jam verò, ut jam observavi, vis elastica sive subtilis materiæ reactio vim quæ ipsam compressit superare non posse videtur. Id neque rationi, neque etiam experientiæ consentire videtur; etenim si liberè decidere sinas globum elasticum in planum immobile & itidem elasticum, nunquam altius quàm unde delapsus est resiliet globus. Quæ argumenta verosimillima quidem eò me olim adduxerant ut de experimentorum acribetâ dubitarem, falsâque reputarem regulam generalem quâ indefinenter mutari supponitur absoluta motûs quantitas.

Cùm tamen plurimis & accuratissimè, ut supponere est, sumptis experimentis confirmetur regula, cùmque, aliæ si statuuntur operationes quæ fortè primo intuitu verosimiliores viderentur, fieri nequeat ut non aliquid statuatur quod istis non repugnet experimentis, ideo non modò regulâ standum est, verùm etiam physicas operationum quas præscribit rationes detegere nitendum est.



XXVII. Experimentâ constat si duo corpora dura, quales essent duo globi eburnei aut vitrei A & B, filo suspensâ, in se invicem impingant, *Mélebranchi de Inquis. Veris. Tom. II.* T refi-

resiliantque utrumque certâ cum motûs quantitate ab eâ quidem longè diversâ quâ gaudebant ante impactum, constat, inquam, ipsa eandem servare motûs quantitatem in eandem partem. Exempli gratiâ, si ante impactum A impingat cum vi $m12$ in B cujus vis contraria sit $2m3$. A resiliet cum vi $m8$, B cum $2m7$. Jam autem $m12 - 2m3 = m6 = 2m7 - m8$. Ergo eadem erit ante & post impactum motûs quantitas in eandem partem, hoc est eadem vis. Si $m24$ impingat in $11m0$, $m24$ resiliet $m20$; atque $11m0$ fit $11m4$. Jam verò $m24 = 11m4 - m20$. Et sic de cæteris. Unde patet peculiare quidem motus variari posse, sed eandem semper manere vim in genere in eandem partem, sive centrum gravitatis corporum sese impingentium eandem habere velocitatem ante & post impactum.

XXVIII. Inde sequitur quod experientia pariter confirmatur, si nempe corpora A & B denuò in se incidunt, & iterum concurrant, se se in eundem resituent statum in quo erant ante priorem impactum; hoc est, si B tum vi $2m7$ impingat in A $m8$, B fiet $2m3$, A verò $m12$; atque duo globi per secundum impactum eodem ascendent ubi erant ante priorem impactum. Pariet corpora $m20$ & $11m4$ post secundum impactum se se resituent $m24$, & $11m0$. sicque de cæteris, cum contrarii sunt motus, aut alterum e duobus quiescit.

Ac sane, res aliter evenire nequit, posito eandem motûs quantitatem in eandem partem semper manere, atque secundi impactus magnitudinem æqualem esse magnitudini prioris, quia summa 15 velocitatum $m8$ & $2m7$ quæ constituit impactûs magnitudinem non potest ita dividi ut eadem semper maneat motûs quantitas in eandem partem, nisi tribuantur $12 \frac{2}{3} m$, & $3 \frac{1}{3} 2m$. Neque etiam eadem conditione dividi potest 24 quæ summa est velocitatum $m20$ & $11m4$, quin e duobus corporibus alterum fiat $m24$, alterum $11m0$. Quæ omnia cum innumeris experimentis se se invicem confirmantibus demonstrata sint, jam physicas operationum quas præscribit regula rationes detegere enitamur.

XXIX. Manifestum mihi videtur omne corpus esse per se infinitè molle, cum nulla quieti vis infir quâ motui resistat, sicque pars quæcunque corporis alicujus vicinâ magis pulsa ab eâ non potuit non seungi. Ita ut dura corpora non aliter dura sint quàm per compressionem invisibilis materiæ ipsa circumcingentis, eorûmque poros penetrantis, ut alibi jam probavi. Ergo secundum priorem regulæ operationem tanquam mollia spectanda sunt corpora vulgò dicta dura; saltem talia haberi possunt usque ad perfectam compressionem aut reactionem subtilis materiæ ex quâ pendet vis elastica; huc usque enim particulæ ex quibus constant corpora concurrentia impactûs conatui singulæ reciprocè & successivè cedunt, quemadmodum explicui in * articulis XX. XXI. & XXII. Huc usque subtilem materiam comprimit vis contrariorum motuum, & cum eâ suam communicat motum. Deinde fortioris corporis motus residuus

Vid. ubi
mum caput
tractatus
de veritatis
inquisitio-
ne.

* Ea om-
nia rele-
genda sunt,

duus in eâ ipsius parte, quæ a puncto concursus remotissima est, æqualiter in reliquâ utriusque corporis massâ se se, ut in corporibus molli-
bus, distribuit. Facile igitur quivis intelligit priorem regulæ operationem, quæ contrariorum motuum differentiam per massarum summam dividere jubet, naturalem impactûs corporum in contrariam partem motorum effectum menti exhibere, nullâ attentione habitâ ad vim elasticam cuius effectum exprimit altera operatio, ut jam videbimus.

XXX. In eo consistit hæc secunda operatio ut nempe respectiva corporum velocitas reciprocè ad eorum massas dividatur. Quod quidem rationi non repugnat; quæ enim se se impeerunt corpora debent, post illud quod prior exprimit operatio momentum, hoc est, ipso æquilibrii superius expositi §. 22. & 23. momento; debent, inquam, tantò magis minùse repelli quantò major minorve est materiæ subtilis compressio unde pendet vis elastica, ipsaque illa compressio ex respectivâ pendet velocitate quâ se se impingunt corpora. Ipso autem æquilibrii momento, hoc est ipso perfectæ compressionis subtilis materiæ momento, hujus compressionis conatus æqualis utrinque esse debet in utroque corporum concurrentium, nullum enim esse potest æquilibrium nisi adsit contrariorum virium æqualitas. Necesse est ergo ut vis elastice conatu ipsorum velocitates reciprocè sint ut ipsorum massæ.

Verùm ut clariùs adhuc intelligantur & regula & physica operatio-
num quas præscribit rationes, nonnulla asserre juvat exempla.

Cùm duo corpora A & B contrariis moventur motibus, aut quiescit alterutrum.

I. E X E M P L U M.

A.	m24.	impingit	B.	5m8.
1.	m4.			5m4.
2.	m20.			5m4.
Summa — m16.				5m8.

Ergo A resilit m16, B verò progreditur 5m8. Si verò se se rursus impingant, sic se se secundum regulam resiliunt:

Resiliunt.

A.	m16.	adversus	B.	5m8.
1	— m4.			5m4.
2	— m20.			— 5m4.
Summa — m24.				5m0.

T 2

Ergo

Ergo secundum regulam se se restituunt A & B. quod etiam experientia confirmatur.

II. E X E M P L U M.

A.	3m2.	adversus	B.	5m0.
1.	—3m3.			5m3.
2.	—3m5.			—5m3.
<hr/>				
Summa	—3m8.			5m0.
Ergo A fit 3m8 retrogradum, B verò quiescit, sicque se se restituunt.				

Restituito.

A.	3m8.	impingit	B.	5m0.
1.	3m3.			5m3.
2.	3m5.			5m3.
<hr/>				
Summa	—3m2.			5m6.

III. E X E M P L U M.

De corporibus se se impingentibus et si utrumque in eandem tendat partem.

A.	m24.	assequitur.	B.	3m4.
1.	m9.			3m9.
2.	—m15.			3m5.
<hr/>				
Summa	—m6.			3m14.

Restituuntur ex regulâ motuum contrariorum: A enim—m6 tendit in unam partem, B verò in alteram 3m14.

Restituito.

A.	m6.	adversus	B.	3m14.
1.	—m9.			3m9.
2.	—m15.			3m5.
<hr/>				
Summa	—m24.			3m4.

IV. EX-

MOTUUM COMMUNICATIONIS. 149

IV. E X E M P L U M.

Per motus similes

A.	3m2.	assequitur	B.	m.
1.	3m $\frac{1}{2}$.			m $\frac{1}{2}$.
2.	— 3m $\frac{1}{4}$.			m $\frac{1}{4}$.
Summa	3m $\frac{1}{2}$.			m $\frac{1}{2}$.

Ad restitutionem sequenda est regula similium motuum; nam A & B in eandem adhuc partem pergunt.

Refitutio.

A.	3m $\frac{1}{2}$.	attingitur a	B.	m $\frac{1}{2}$.
1.	3m $\frac{1}{2}$.			m $\frac{1}{2}$.
2.	3m $\frac{1}{4}$.			— m $\frac{1}{4}$.
Summa	3m2.			m.

V. E X E M P L U M.

A.	m8.	assequitur	B.	m4.
1.	m6.			m6.
2.	— m2.			m2.
Summa + m4.				m8.

In eo casu, ut in contrariis motibus fit duntaxat reciproca motuum permutatio propter massarum æqualitatem. In eo enim casu prior similium motuum operatio secundæ contrariorum, secunda priori respondet, mutatis signis + & —, ut in hoc exemplo cognoscitur.

A.	m8.	adversus	B.	m4.
1.	m2.			— m2.
2.	— m6.			— m6.
Summa — m4.				— m8.

XXXI. In primo exemplo liquidò partet corpus m24 adversus sm0 fieri post impactum — m16, corpus verò sm0 fieri sm8. In secundo verò exemplo corpus 3m8, etsi vim æqualem habeat vi corporis m24, dum impingit sm0, fit duntaxat — 3m2; corpus verò sm0 fit tantum sm6. Idem etiam apparet si inter se conferantur tertium & quartum exemplum. Id autem rationi repugnare primâ fronte videtur. Vis enim alicujus corporis est ipsa ejus velocitas per massam multiplicata; corpus igitur m24 eadem vi gaudet ac 3m8. Æqualis ergo

esse deberet in utroque exemplo subtilis materiæ compressio ex quâ pendet vis elastica, quod tamen regulæ contradicit.

Respondet subtilis materiæ compressionem sive vim elasticam in his duobus exemplis æqualem non esse, etsi æquales sint vires $m24$ & $3m8$. In priori enim exemplo vis hujus compressionis $\tau\phi$ $m20$ æqualis est, in posteriori $\tau\phi$ $3m5$, ut in secundis horum exemplorum operationibus notatum est. Cujus hæc est causa quod corpus $m24$ in ipso maximæ compressionis momento, de suo motu duntaxat conservet $m1$, dum corpus $3m8$ ejusdem motus adhuc conservat $3m3$, uti apparet in prioribus operationibus. Observandum est enim corporum elaterium se se duntaxat comprimere ad æquilibrii usque momentum, quod æquilibrium non ante fit quàm cum simul pergere possunt corpora quæ se se colliserunt. Tunc enim cum fortius in debilius non agat amplius, ipsorum pori non amplius reciproce comprimuntur. Tunc ergo sese retendere incipit elaterium per subtilis materiæ ipsâ penetrantis actionem. Ex quo sequitur corpus A $m24$, cum non procedere possit quin B $5mo$ tantumdem celeritatis acquisiverit, non plus quàm $m4$ motus sui servare posse ipso æquilibrii momento quo æquales sunt velocitates, & quo proinde B $5mo$ factum est $5m4$. Atqui eadem ratione corpus $3m8$ postquam iniegit corpus $5mo$, sui motus adhuc conservat quantitatem $3m3$, cum $5mo$ factum est $5m3$. Sic itaque in priori exemplo corpus $m24$ compressit corpus $5mo$ cum vi $m20$, dum factum est $m4$, & $5mo$, $5m4$. Verùm corpus $3m8$, etsi eandem vim habens ac $m24$, compressit corpus $5mo$ duntaxat cum vi $3m5$, & factum est $3m3$, & $5mo$, $5m3$. Subtilis igitur materiæ compressio non æqualis est vi quâ gaudebant corpora ante impactum, sed æqualis est & esse debet vi quam ad se comprimendum adhibent donec simul pergere possint; hoc est, æqualis est vi quæ detrahatur per priorem operationem in quâ pro mollibus posita sunt. Idque adhuc probat hæc operationes accuratè sequi & exprimere effectus naturales corporum impactus.

Pariter, quamvis $m16$ & $4m4$ sint vires æquales, attamen corpus $m16$ per impactum ad quietem redigit corpus $5m8$, sed corpus $4m4$ ex ejus motu ipsi relinquit adhuc quantitatem $5m24$. Sic corpus $3m2$ etsi æquale corpori $2m3$ ad quietem tamen per impactum redigit corpus $5m6$; corpus vero $2m3$ ipsi adhuc ex ejus motu in eandem partem relinquit quantitatem $5m4$. Cujus causa percipitur ex operationibus, dum attendatur ad ea quæ modò dixi, ut physicam harum operationum causam traderem. Hæc sunt operationes.

A. $4m4$.

A.	$4m4.$	adversus	B.	$5m8.$
1.	$4m9.$			$5m9.$
2.	$m9.$			$5m9.$
Summa				$4m9.$

Impactus corporis m16 adversus 5m8 exstat in restitutione primi exempli, vide supra.

A.	$2m3.$	adversus	B.	$5m6.$
2.	$2m9.$			$5m9.$
1.	$2m9.$			$5m9.$
Summa				$2m9.$

3m2 adversus 5m6. exstat in secundo exemplo superius allato.

Atque nunc quivis, opinor, physicas regulæ, & operationum quas præscribit causas videre potest. Neque fufius eadem diducere, pluraque exempla aut experimenta afferre necessarium ducō. Multa si velis reperies in præstantissimo opere D. Mariotte de percussione aut impactu corporum.

Cum autem difficultas quam superius in §. XXVI. proposui adversus secundam regulæ operationem eò me quondam adduxerit ut de experimentorum accuracione dubitarem, ea mihi fufius exponenda videtur. Quod ut præstetur ad certum hocce axioma attendendum est, reactionem, scilicet, resistentiæ quam actio patitur æqualem esse, sive corpus quodcunque quod aliud impingit eandem in suis partibus compressionem experiri quam in altero producit, ut id jam exposui in §. XXII. & XXIII. 2º. Observandum est compressionem, cum proportionem sequatur resistentiæ quam fortius corpus in debiliore experitur, compressionem illam, inquam, tamdiu duntaxat augeri donec debilius eandem acquisiverit velocitatem quam corpus fortius, quia tum non amplius ipsi resistit debilius, neque amplius ejus motui obstat. Unde sequitur si aliquod corpus aliud impingat quiescens & infinitè magnum, compressionem æqualem esse vi quâ gaudebat impingens. Sed si A m24 impingat B 3m0, non major esse potest compressio quàm m18, quia tunc, cum A factum fuerit m6, B verò 3m6, obstat velocitatum æqualitas quominus augeatur compressio. Atque eandem ob causam, ut jam dixi, si corpus 4m6, utut æquale corpori m24, impingat corpus 2m0, non major esse potest compressio quàm m8, cum 4m6 factum est 4m4; 2m0 verò 2m4. Cum autem in utroque corpore æqualis sit compressio, atque immediatè alterum alteri innitatur, elaterium ipsorum partium sese per actionem subtilis materiæ retendens, ipsa in contrarias partes æquali vi repellere debet, quod aliter fieri nequit quàm velocitatum reciproce ad massas dividendo, ut præscribit secunda regulæ operatio.

PROBLE-

PROBLEMA

Reperiatur in genere motuum summa in duobus post impactum corporibus.

Instituantur duntaxat ambo calculi quos præscribit generalis regula, & quorum superius physicam tradidi causam, non circa corpora & velocitates determinatas, sed circa corpora quorum massæ & velocitates generaliter exprimantur. Quod ut præstetur, sunto ambo corpora m & n : v esto prioris, r posterioris velocitas. Pono corpus mv fortius esse corpore nr ; hoc est massam corporis m per ejus velocitatem v multiplicatam majoris esse quantitatis quàm massam corporis n per ejusdem velocitatem r .

Quod spectat motus in contrarias partes.

* Ea re- Per priorem regulæ generalis * operationem quâ corpora tanquam
legatur. mollia spectantur, habebitur $mv - nr$ pro vi aut motu ipsis superflite. Jam verò corporum motus per ipsorum massas divisi eorumdem velocitates exponunt. Ergo $\frac{mv - nr}{m + n}$ exprimit velocitatem corporis m . Atqui velocitas corporis n , eadem est ac velocitas corporis m , cùm simul currant, aut potiùs currere tendant quatenus mollia. Eadem, inquam, est velocitas sed in partem contrariam ei versùs quam ante impactum pergebant; positum enim fuit corpus nr debilius esse corpore mv . Mutatis igitur signis quibus exprimebatur velocitas corporis m nempe $\frac{mv - nr}{m + n}$ habebitur $\frac{nr - mv}{m + n}$ quæ velocitas erit corporis n .

Per alteram generalis regulæ operationem velocitatum summa $v + r$ ad massas reciproce distribuenda est. Hæ igitur insituentur proportionones.

Prima. $m + n. v + r :: n. \frac{nr - mv}{m + n}$ quod spectat velocitatem corporis m .

Secunda. $m + n. v + r :: m. \frac{mv - nr}{m + n}$ quod spectat velocitatem corporis n .

Sed mutanda sunt signa numeratorum harum divisionum quibus hæ exprimuntur velocitates, quia elaterium per mutuam horum corporum compressionem intensum, ea debet, se se retendendo, in partes contrarias repellere.

Amba

Ambas itaque velocitates per priorem operationem repertas adde his duabus novissimis, nempe priorem, $\frac{mv - mv}{m + n}$ cum $-\frac{mv - mv}{m + n}$, quæ negativa facta fuit per signorum mutationem; atque sic habebis formulam $\frac{mv - mv - mv}{m + n}$ vel $v - 2n \times \frac{v + r}{m + n}$ quæ exprimet velocitatem corporis m post impactum.

Pariter, additâ velocitate corporis n quæ deducitur ex priori operatione, nempe $\frac{mv - mv}{m + n}$ cum $\frac{mv - mv}{m + n}$ habebitur formula

$\frac{mv - mv - mv}{m + n}$ sive $r - 2m \times \frac{v + r}{m + n}$ quâ exprimetur velocitas corporis n post impactum.

Hæ duæ formulæ generaliter exprimunt velocitates quæ in corporibus duris & perfectè elasticis resultant, postquam se se impegerint motibus directò contrariis, quæcunque sint ipsorum massæ, quæcunque ante impactum fuerint ipsorum velocitates. Ita ut ad solvendos casus speciales litteris m n v r , duntaxat in formulis substituendi sint numeri qui massarum & velocitatum ante impactum magnitudinem expriment.

E X E M P L A.

Duo corpora m & n se se collidunt motibus contrariis. m . sex habet massæ, tres velocitatis gradus, n . verò duos massæ, quatuor velocitatis; hoc est, $6m3$ adversus $2m4$. Massam enim semper exprimunt numeri litteras m & n præcedentes, velocitatem sequentes. Quæritur quid per impactum eventurum sit. Quod ut reperiatur, litteris m . n . v . r . in formulis substituendi sunt numeri 6. 2. 3. 4. atque velocitas corporis m post impactum erit $v - 2n \times \frac{v + r}{m + n}$ hoc est $3 - 4 \times \frac{3 + 4}{6 + 2} = 3 - \frac{28}{4} = -\frac{1}{2}$. Ideo corpus m propter signum $-$ retrogreditur cum velocitate $\frac{1}{2}$. Pariter velocitas corporis n quæ exprimitur per formulam $r - 2m \times \frac{v + r}{m + n}$ erit $4 - 12 \times \frac{3 + 4}{6 + 2} = 4 - 10\frac{1}{2} = -6\frac{1}{2}$. Ergo corpus n retrogreditur cum velocitate $6\frac{1}{2}$ propter signum $-$ Et sic de cæteris.

*QUOD SPECTAT MOTUS SIMILES
vel in eandem partem, cum hoc illud assequitur & callidit.*

In eo casu corporibus m & n tribuet prior regulæ generalis operatio velocitatem $\frac{mv + \frac{1}{2}nv}{m + n}$; altera ejusdem regulæ pars reciprocè ad massas distribuere jubet non summam sed differentiam velocitatum $v - r$. Insituitur ergo proportio præcedenti similis, & habebitur $\frac{nv - \frac{1}{2}mv}{m + n}$

quæ erit velocitas corporis m ; et $\frac{mv - \frac{1}{2}nv}{m + n}$ quæ erit velocitas corporis n . Verùm mutanda sunt signa quibus exprimebatur velocitas corporis m , quia, cum assequatur alterum, ab ipso in contrariam partem repellitur, per elaterium corporum compressorum. Addendo denique ambas velocitates corporis m nempe $\frac{mv + \frac{1}{2}nv}{m + n}$ cum $\frac{nv + \frac{1}{2}mv}{m + n}$ in quibus

signa mutata sunt; habebitur formula $\frac{mv - \frac{1}{2}nv + \frac{1}{2}nv}{m + n}$, vel $v + \frac{1}{2}x$.

$\frac{v - \frac{1}{2}x}{m + n}$ quæ erit velocitas corporis m . Pariter addendo ambas corpo-

ris n velocitates, nempe $\frac{mv + \frac{1}{2}nv}{m + n}$ cum $\frac{mv - \frac{1}{2}mv}{m + n}$, habebitur formula

$\frac{mv - \frac{1}{2}mv + \frac{1}{2}nv}{m + n}$ vel $\frac{r + \frac{1}{2}m \times v - \frac{1}{2}r}{m + n}$ quæ erit velocitas corporis n post impactum.

E X E M P L U M.

3m4 assequitur 6n2. Si redigatur velocitas corporis m quæ est $\frac{v + \frac{1}{2}nv - v}{m + n}$, ea erit $\frac{1 + \frac{1}{2} \times 1 - 1}{9} = \frac{1}{9}$; Velocitas verò corporis n

quæ est $\frac{v + \frac{1}{2}mv - r}{m + n}$ fiet $\frac{1 + \frac{1}{2} \times 1 - 1}{9}$ sive $3\frac{1}{9}$. Atque hæc duæ velocitates erunt positivæ & versus eandem partem.

Sed si poneretur corpus m 10 assequi corpus n 2 velocitas corporis m post impactum esset $-\frac{1}{11}$; quæ velocitas contraria foret priori ipsius motui propter negativam magnitudinem $-\frac{1}{11}$. Itaque m post impactum retrogrederetur, n verò traheret velocitatem antrotrorsum $\frac{1}{11}$.

CUM

CUM ALTERUM E DUOBUS QUIESCIT.

Quod quiescit esto corpus n , de formulis duntaxat expungendus erit terminus in quo reperitur ejus velocitas r , quia cum r sit zero, ipse se destruit ille terminus. Velocitas itaque corporis m erit $\frac{mv - rv}{m + n}$; corporis verò n velocitas erit $\frac{3mv}{m + n}$ post impactum.

E X E M P L U M.

Corpus $m6$ impingit $5n0$. Velocitas corporis m nempe $\frac{mv - rv}{m + n}$ erit $\frac{6 - 10}{6 + 5} = \frac{-4}{11} = -\frac{4}{11}$. Itaque $m6$ fiet $-m4$ hoc est reflit retrorsum cum 4 gradibus velocitatis. Corpus verò n antrosum movebitur cum velocitate $\frac{3mv}{m + n} = \frac{18}{11} = 2$. Ergo $5n0$ fiet $5n2$.

O B S E R V A T I O.

Hæ duæ formulæ

Ior. $\frac{mv - rv - 2nr}{m + n}$ quæ denotat velocitatem corporis m post impactum

IIa. $\frac{mv - nr - 2nv}{m + n}$ quæ denotat velocitatem corporis n .

Hæ duæ inquam, formulæ generaliter exprimunt quod resultat ex motuum communicatione, I°. Contrariorum motuum si apponatur signum — ante $2nr$ & $2nv$; II°. Similium verò aut in eandem partem si ibidem apponatur signum +; III°. Denique motuum qui ex impactu resultant cum quiescit alterutrum n verbi gratiâ, si ut nullus negligatur terminus $2nr$ in quo reperitur ejus velocitas r . Hæ duæ itaque generales formulæ sufficiunt ut cognoscatur motuum summa post tres diversas duorum corporum impactus species, atque etiam nonnullis quæ in id argumentum moveri possunt quæstionibus solvendis inservire possunt, uti videre est ex commentariis Regiæ scientiarum Academiæ anni 1706.

Ea est resolutionum & expressionum Algebraicarum fecunditas.

V 2

Imo

156 LEGES COMMUNIC. MOTUUM.

Imo si attendatur ad vel unum ex his dogmatibus quæ ex hisce formulis deduci possunt, eandem scilicet ante & post impactum corporibus esse respectivam velocitatem, sive eandem esse motus quantitatem in eandem partem, sive etiam gravitatis centrum corporibus se se collidentibus commune eadem ante & post impactum celeritate moveri aut manere, facile intelligetur vel unam formulam, illam, verbi gratia, quæ corporis *m* post impactum velocitatem exprimit, etiam sufficere posse ad reperiendam velocitatem corporis *n*. Cum enim sciatur in primo exemplo respectivam velocitatem ante impactum esse 7. atque corpus *m* juxta ejus formulam cum $\frac{1}{2}$ gradu velocitatis retrocedere debere, facile percipitur etiam inconsultâ secundâ formulâ corpus *n* retrocedere debere cum velocitatis $6\frac{1}{2}$ gradibus, ut eadem post impactum sit respectiva velocitas quæ ante.



RES-



RESPONSIO

A D

DOMINUM REGIS.

A D M O N I T I O.



UM observassem Dominum Regis in suo Philosophiæ systemate eo me decoravisse honore ut mea reprehenderet placita, eorumque nonnulla damnaret, proprias decisiones nullis solidis stabiliendo argumentis, id mihi negotii incumbere continuò ratus sum ut ei responderem; sed cum certis de causis eò adductus fuisset ut laborem a more meo ita abhorrentem, & quem non ita necessarium judicabam, aliquantisper differrem, mihi interea nunciatum est alium quempiam proprias hujusce Philosophi de Metaphysicâ, atque imprimis de Ethicâ opiniones sibi, me infcio, refutandas sumpsisse, ipsûmque in suo opere placita mea acerrimè defendere. Id nescio verumne sit an falsum, † neque hanc vidi de quâ loquor refutationem, neque ipsam antè videre volo quàm typis subjecta fuerit. Et hujus quidem monitum esse cupio Dominum REGIS, ut mihi non aliud tribuat quàm quod verè meum est. Neque enim ullum mihi jus esse existimo in aliorum opera, neque ipsos eò velim adigere ut eodem scribant modo quo ipse scriberem. In propriâ causâ judicem me nolo instituere, neque aliis potestatem eripere quod de meis ipsiusque libris sentiunt liberè aperiendi; imo nec satis certò scio an

† Quod hic
dico typis
subjectum
est anno
1693.

ille quem dico quicquid in meis operibus carpit Dominus REGIS æquè generaliter approbet ac mihi nunciatum est.

Cùm igitur audivissem ea quæ meditabar jam ab alio, & felicius fortè quàm potuisssem ego, præstita fuisse, Domino REGIS respondere non ampliùs mihi animus erat. Cùm ta-


† Prodiit
hoc opus
anno 1694.

men istud opus nondum in lucem prodiret, & † incertus essem an illud unquam evulgaretur, id consilii cepi tandem ut brevem ipse responsionem reponerem. Quod ut præstarem omnes in *Systemate Philosophiæ* quæsi locos in quibus author me citat ad marginem, meaque studiosissimè impugnat placita, aliòsque ejusdem locos omisi. Si nempe Domino REGIS me interroganti non respondissem, cùm tamen ex ejus ad marginem citationibus cuilibet apertum fieret me eum esse quem petit, ex meo fortè silentio ipse ejusque Discipuli judicassent vel me ipsum contempniui habere, quod me parum certè deceret, vel me propriam confiteri impotentiam, quod veritatè placitorum meorum noceret. Contrà, si indubitatis demonstrarem argumentis pro ipso non pugnare rationem in iis quos studiosissimè, & me citando, refutat locis, tunc omnibus dubitandi locus erit de iis quæ generaliter non modò adversùs librum *de Veritatis Inquisitione*, verùm & adversùs placita multò magis reverenda profert. Cùm enim, ut ipsum refutem, non ea seligam quæ mihi in ejus *Systemate* debiliora videntur, sed ea diruere suscipiam quæcunque contra me validissima judicat, profectò si in confesso sit, ut fore spero, Veritatem mihi favere, id legitimum erit præjudicium adversùs totum ipsius Opus, hoc est adversùs proprias ipsius opiniones. Neque enim affirmo nihil esse solidi in ipsius Philosophiâ, quippe qui sic præstantissimos damnamus Auctores quos ut meos spectro Magistros. Id volo duntaxat, ut ea omittam quæ ad me nihil attinent, ipsum ibi nunquam verè loqui ubi me impugnat. Magna, fateor, & grandia admodum spe præsumo; verùm id fateri mihi licitum arbitror, non modò quia spes mea solidis nixa fundamentis mihi videtur, verùm etiam ut qui Domini REGIS Opera non secus ac mea legent, sibi vigilantissimè præcaveant.

CAPUT

CAPUT PRIMUM.
RATIO PHYSICA.

*Cur diversæ magnitudinis adpareant Sol & Luna in Horizon-
te & in Meridiano, quam impugnaverat Dominus Regis.*



UT clarè exponatur id de quo quæstio est, linea FG exhibeat planam vasti campi superficiem, arcus verò BDD cælum quale propemodum apparet, nempe terram veluti tangens in extremitatibus Horizontis FG. Constat experientiâ tantò majorem apparere Lunam quantò Horizonti propior est; Quæstio est autem quænam sit vera cur talis appareat causa.

Lunam ideo nobis ad Horizontem in B majorem apparere quàm in Meridiano ad D, quia cum plurimos tunc eam inter & nos interjacentes agros videamus, eam tantò remotiore judicabamus quantò Horizonti propior erat, mihi sufficienter demonstrasse videbar in 1. Libro * de *Inquisitione Veritatis*. Atque etiamnum persuasum habeo iis omnibus * Cap. 7. §. 5. & 9. 63. quod demonstrativa visum iri mea argumenta quicunque ea animo non præcaput relegerint non abs re foret. Verùm aliquid dare æquum est famæ Domini REGIS & R. Patris TAQUET quibus vera non videtur ea quam tradidi hujus phænomeni causa.

1.^o Centrum est corpus PQ duplo majus verbi gratiâ corpore MN, atque duplo firtul remotius ab oculo A, in nervo optico imaginem delineare ei sensibilibiter æqualem quam in eo delineat corpus MN, seu ipsum eodem sub angulo conspici. Radii enim PA & MA, QA & NA sunt in eisdem lineis rectis; Cùmque ab horum corporum extre-

mitatibus

* Tom. 3.
pag. 140.
primam
cito editio-
nem in
quarto.

mitatibus proficiantur, ipsorum utique altitudinem determinant. Et hoc quidem * confitetur Dominus REGIS.

2.^o Corpus PQ duplo altius circiter apparet corpore MN, si nempe ipsius observetur distantia; duplo *circiter* altius dico, quia oculis non potest accuratè de rerum objectarum distantia judicari. Nanus quidam a nobis duobus distans passibus longè minor certè apparet quàm Gigas aliquis triplo major qui sex distaret passibus, quamvis uterque sub æqualibus angulis possint conspici, seu, quod idem est, quamvis æquales esse possint utriusque imagines in intimo pictæ oculo.

3.^o Ergo cum illius apparentis inæqualitatis causa non ex opticorum angularum aut imaginum inæqualitate oriatur, nam certè æquales sunt in intimo oculo, ea profectò oriri debet ex distantie inæqualitate.

4.^o Verùm ut in apparenti duorum corporum æquales imagines pingentium magnitudine inæqualitatem efficiat distantie inæqualitas, oportet ut actu sensitus percipiatur ea distantie inæqualitas. Etsi enim eam aliunde cognosceremus, cum ea cognitio nihil actu mutet in organo sensuum nostrorum, nihil etiam in sensationibus nostris mutaret, quia Deus ex legibus conjunctionis mentis cum corpore non aliter agit in mente nostrâ, non aliter res objectas nobis conspiciendas præbet quam occasione imaginum quæ pinguntur in oculis nostris, atque mutationum quæ in nostro eveniunt corpore. Ideo Astronomi solem non vident majorem quàm cæteri homines, licet ipsum infinitè remotiorem judicent quàm vulgò putatur. Etenim, ut jam dixi, distantia quæcunque sensibus actu non percepta pro nullâ habenda est, vel ipsâ niti nequit naturale judicium quod in nobis de rerum objectarum magnitudine fertur. Præcedentem jam nunc resumamus figuram.

5.^o Cum e medio campo spectatur cælum, non accuratè sphæricus videtur ejus fornix ut *bdd*, sed semi-sphæroides tantisper planus BDD; ita ut horizontalis linea AB duplo vel triplo major appareat perpendiculari AD. Cum igitur Luna est in puncto *d*, esse videtur in D; cum est in puncto *b*, esse videtur in B. Atqui AB major est quàm AD, est verbi gratiâ duplo major. Ergo, cum Luna est in Horizonte duplo major est apparens ejus distantia quàm cum est in meridiano. Ergo, etsi insensibilis serè sit imaginum inæqualitas quas in oculis pingit ex his duobus sitibus, duplo tamen ejus diameter in Horizonte major apparere debet quàm in Meridiano, quia, cum æquales sunt in oculo duorum corporum imagines, ipsorum magnitudo tantò major apparet atque apparere debet quantò major est eorum non realis, sed apparentis distantia, prout modò dixi.

6.^o Atque demonstrativa certè est ea ratio. Sed ut sensibili modo mens ipsius convincatur, hoc inter alia multa institui potest experimentum. Plani vitri ut e fractâ fenestrâ fumatur frustum, horizontaliter agatur ad flammam candelæ e distantia trium aut quatuor digitorum, ne frangatur, sed paulatim & æqualiter ubique calciasit; cumque erit cali-

dura

dum super ipsam deprimatur flammam, atque ita super ipsam agatur ut fumo cooperiatur, donec trans istud vitro distinctè conspiciamus flammam candelæ, imperceptis aliis omnibus minùs splendidis rebus objectis. Id vitrum, uti facile quisvis intelligit, plus minùsve obscurari debet, prout vel Solem vel Lunam trans ipsum conspiciere cupis.

Dico igitur ejusdem trans tale vitrum plus minùsve obscuratum in horizonte pariter & in meridiano magnitudinis sensibilibiter apparitura esse Solem & Lunam si modò oculis proximè admoveatur istud vitrum, atque cælum & terras oculis omnino surripiat; omnino, inquam, si enim vel tantillum conspicerentur cælum & terra nihil immutaret istud vitrum in apparenti solis magnitudine, quia his terris confusè conspectis remotior semper judicari posset, nec enim res objectas distinctè conspiciere necesse est ut de ipsarum extensione judicetur. Si sol est in Horizonte, duplo circiter propior per interpositum vitrum apparebit, adeoque quadruplo minor vel circiter neque enim perfecta requiritur præcisiō. Si verò suprà Horizontem multum elevatus sit, nullam sensibilem in ipsius distantia adeoque nec in ejus apparenti magnitudine mutationem efficiet vitrum.

7°. Hoc posito manifestò patet per interpositum vitrum sensibilibiter non immutari imaginem quam Luna in intimo pingit oculo, quandoquidem nihil de apparenti magnitudine deperdit, etsi per id conspecta vitrum, cum capitis imminet. Jam verò cum est in Horizonte, notabiliter minuuntur per interpositum vitrum apparentes ejus & distantia & magnitudo, quod tamen vitrum ejus imaginis magnitudinem non immutat, sed alias duntaxat res objectas oculis eripit. Ergo evidens est Lunam ideo majorem in Horizonte quam in meridiano apparere quòd ex interpositis terris remotior judicaretur. Nec defendi potest Thesis quam probare contendit Dominus REGIS Cap. 30. 3^o Tomi suæ Philosophiæ, & quâ illud absolvit caput. Ergo, concludit ille, in genere licet affirmare apparentem rerum objectarum magnitudinem ex imaginum quas pingunt in retina magnitudine unice pendere.

8°. Non eadem est omnino sententia R. Patris TAQUET qui apparentem rerum objectarum magnitudinem non unice sed fere semper pendere dicit ex ipsarum imaginum magnitudine; unde tamen in nonnullos incidit errores. Verùm hæc sunt quæ dicit circa sententiam quam modò probavi. *In æriò igitur nonnulli recentiores, nescio quibus ducti præjudiciis, angulos prædictos ut fallaces, & ineptos ad apparentes rerum magnitudines determinandos rejiciunt. Dicunt credo, objecta non apparere aequalia, quamvis eodem vel aequali angulo conspiciantur, quando visus inæquales distantias percipit. Quæro igitur, an Sol prope horizonem positus major appareat, cum terræ superficies illum inter atque oculum interjecta cernitur, quam dum manu vel pileo terræ conspectu impedito spectatur solus? Quisquis voluerit experiri, æqualem utroque casu deprehendet &c.* Manifestum est Patrem TAQUET imperfecto experimento suo deceptum.

Malebranchii de Inquisit. Verit. Tom. II.

X

tum

tum fuisse. Ut enim evanescat apparens Solis ad occasum vergentis distantia, non sufficit pileo terræ conspectum impedire, Cælum etiam totum oculis eripi necesse est. Verùm doctus ille vir ad cælorum fornicem dubio procul non attendebat, qui, ut modò dixi, cum ferè planus appareat, eandem propemodum distantiae speciem quam interpositi campi exhibere debet. Certò constat igitur apparentem distantiarum inæqualitatem actû cum imaginum in oculo depictarum æqualitate, ut in nobis naturale feratur de rerum objectarum magnitudine iudicium, comparari debere. Verùm sic tota res intelligi debet. Hic Lectorem attentum esse velim, plurimæ enim deduci possunt consequentiæ ex hocce quod duntaxat expositurus sum dogmate.

9^o. Cùm ad id non nos comparaverit Deus ut relationes cognoscere-mus quas corpora inter se, & cum eo quod animamus, habent, sed tamen necesse sit ad vitæ conservationem ut de iis multa edoceamur, ea nos sufficienter edocet per brevem sensûs viam, absque ullâ mentis nostræ applicatione. Quo momento oculos in agro aperimus, omnes nobis simul Deus imperit sensus, omnia in nobis format iudicia quæ ferremus ipsi, si cum mente infinitæ propemodum sagacitatis opticam insuper perfectè calleremus, nec modò magnitudinem & relationem omnium quæ in oculis nostris pinguntur imaginum, verùm omnes in genere mutationes quæ in corpore nostro eveniunt, cùm ad hæc dirigenda iudicia possunt vulgò aut debent inservire. Sic Lunam, Solem, & stellas, imò ipsas nubes æquè distantes conspiciamus, quia, ut id in nono hujus Operis capite probavi, nulla est sensibilis in iis quæ in nostro corpore eveniunt differentia, quâ judicare possimus stellas Lunâ infinitè distantes esse, & quia Luna, Nubes & Horizon nobis distantes apparet quàm Zenith, quandoquidem cum Cælum & Terra nos inter & Horizontem interjacentes suas in oculis nostris depingant imagines, mens, qualem ipsam supposui, inde colligere debet Horizontem illum esse multò remotiorem quàm Zenith quod inter & nos nihil interjacere videtur. Ita ut tantò magis minuantur omnes omni apparentis gradus quantò propius ad Zenith accedunt. Cùmque Luna, in quacunque Cœli parte versetur, semper sub angulo unius semigradûs conspiciatur, mens ex legibus Optices ipsam longè majorem videre debet in Horizonte quàm in Meridiano.

10^o. Si caput inclino, aut si ambulo aliquam intuens rem objectam, ex eodem dogmate res illa objecta non ideo minùs apparebit recta & immobilis. Cùm enim sitûs aut motûs mei corporis conscia sit mea mens, ex eo colligere non debeo rem objectam locum mutare quod ipsius imago locum mutet in retinâ. Si verò in nave transferretur mori qui nihil in corpore meo mutaret, tunc, cùm non alio nixa sint fundamenta naturalia quæ in me formantur iudicia quàm mutationibus quæ in eo eveniunt, immotus mihi videret, dum res objectas moveri judicarem. Idem de omnibus corporum nos circumcingentium appar-
rentibus,

rentibus qualitatibus dicendum est. Ex generalibus conjunctionis mentis cum corpore legibus Deus nos uno temporis puncto omnium quæ per motus leges nostros feriunt oculos magnitudinem, situm, figuram, motum & quietem edocet, & maximâ quidem cum acribetâ, dummodo ea non sint nimis remota, atque angulus quem formant radii ad ipsam rem objectam terminetur. Deus itaque in nobis ea naturalia, ut ita dicam, format judicia quæ ferremus ipsi si tales essemus quales posui, hoc est infinitâ penè præditi mentis sagacitate, opticam perfectè callentes, atque omnes quæ actu in fibris cerebri nostri sunt mutationes edocti. Sed cum non ad id nati simus ut rebus sensibilibus toti distineamur, & vitæ nostræ conservationi unicè vacemus, totum huncce laborem nobis eximit Deus, nosque viâ brevi & gratissimâ innumeras penè veritates edocet, innumera miracula nobis uno momento offert conspicienda. Verum jam Domini REGIS expendamus opinionem, videamusque numnam aliquid esset in ejus Opticâ emendandum; Hæc sunt ejus verba.

11^o. *Sunt alii qui volunt hanc apparentem Lunam in horizonte magnitudinem non ex pupillæ dilatatione, non ex crystallini humoris compressione pendere, sed ex eo quod Lunam, cum est in Horizonte, remotiorem a nobis judicemus, quam cum est in Meridiano, atque huic judicio eam tribuunt virtutem ut major appareat res objecta, est ut minor sit ejus imago in retinâ.*

Tom. 3;
pag. 243.

Ex iis quæ modò dixi, & ex iis quæ in 9^o. Capite Tractatus de Veritatis inquisitione diduxi, facillè intelligitur quomodo intelligenda sit hæc sententia meæ expositio.

Pergit Author: *Respondemus autem nihil legibus Optices magis repugnare quàm istam explicationem, atque tantum abesse ut ex isto judicio majores appareant res objectæ, ut contrâ minores inde appareant delectant.*

Responsio. Miram sanè decisionem! *Legibus Optices nihil magis repugnat. Quid ergo? Si Dominus REGIS e medio cubiculo agros conspiceret, an omnes quas cerneret res objectæ ipsi fenestrâ minores apparerent propter hancce quâ omnia nituntur ejus Optices legem, apparentem rerum objectarum magnitudinem ex imaginum quas in retinâ pingunt magnitudine duntaxat pendere? Cum enim montis imago, exempli gratiâ, in retinâ sit minor quàm fenestræ ipsius imago, quandoquidem hæc illam continet, minorem apparere montem utique necesse est. Si enim remotissimum esse montem judicaret, ut inde ipsum esse maximum colligeret, istud judicium eum ipsi minorem exhiberet. Secundum ipsius dogma, quod dogma sic probat. Ratio est, inquit, quod pendeat istud judicium ex certo pupillæ motu qui talis est, ad distinctè cernendas res objectas, ut quanto longius distant, tanto magis dilatetur ipsa, atque quanto magis dilatatur, tanto magis comprimuntur oculus & crystallini humor. Jam verò evidens est minores esse res objectas citra compressum est oculus, ac proinde minores etiam esse rerum objectarum imagines*

gines quas operantur in retinâ. Ego contrâ ex crystallini compressione colligerem, ac proinde *maiores* sunt rerum objectarum imagines quas in retinâ operantur refractiones. Idem enim efficit crystallinus humor ac vitra convexa in conspiciis, jam verò experientiâ constat tantò *maiores* esse imagines quas hæc convexa vitra in foco colligunt, quantò planiora sunt, *minoresque* operantur refractiones. Hic unde pendeat nostrum de rerum objectarum distantia iudicium explicare inutile foret, cum id satis jam exposuerim in 9^o. Capite Tractatus de Veritatis inquisitione. Quis sese in retinâ colligent radii si simul *planiores*, sicut oculus & crystallinus humor? Si planior fiat crystallinus, oculum elongari necesse est, si contrâ oculus, crystallinum humorem convexiorem fieri opus est, ut peragi possit visio, & se se in retinâ colligant radii, hic enim loquor de rebus objectis quæ remotissimæ sunt. Cum pace Domini Regis dixerim magnum ei negotium incumbere qui rei falsæ rationem reddere conatur. Verùm extat fortasse in ejus ratiocinio aliquod impulsionis erratum unde oritur illud impedimentum quod expedire nequeo. Sic autem pergit.

12. Ut igitur simpliciorum & magis naturalem quàm superioris tradamus explicationem, eam apparentem Lunæ in Horizonte magnitudinem dicemus pendere ex vaporibus qui in aëre indefinenter attolluntur, quique ita circum terram se se disponunt, ut convexa ipsorum superficies cum terrâ sit concentrica unde sequitur hosce vapores ita Lunæ radios refringere ut ad perpendicularum accedant; sique majorem Lunæ imaginem in retinâ depingant, quemadmodum convexa vitra eorum omnium imaginem amplificent quæ trans ipsa cernuntur.

Responsio. Simplex est explicatio, sed falsa simul plurimis de causis.

1^o. Falsa est per eam quam tradidi sententiæ meæ demonstrationem, atque per illud quod initio attuli obscurati vitri experimentum.

Injunct. ver-
rit. cap. 9.
tag.

2^o. Falsa est per eam rationem quam in eo ipso quem refutat loco tradidi. Cum enim Lunæ diametrum metiuntur Astronomi, ipsam in meridiano majorem quàm in Horizonte reperiunt, quia tunc unâ semidiametro terræ propior est. Jam verò si Lunæ imaginem in oculis majorem efficerent refractiones, certè iis omnibus evidens est, qui prima Optices elementa callent, easdem illas refractiones eam imaginem in telescopio pariter amplificaturas esse. Mirum est responsum quod huicce subijcit experimento cujus veritatem agnoscit; Ipsum jam jam repeties in fine hujusce primi responsi. Verùm alia adderamus argumenta, cum hæc jam legere potuerit in meis Libris.

3^o. Igitur falsa est quia falsum dogma pro vero ponit, radios nempe Lunæ eam pati refractionem in superficie Atmosphæræ aeris aut vaporum. Jam verò falsum est hocce dogma. In eâ enim insensibilis penè est densitatis differentia, atque experientiâ constat eandem rem objectam leucâ distantem, quæ manè in telescopii vitrum incidebat, in ipsum meridianum tempore non amplius incidere, propter refractiones quæ

res objectas attollunt. Jam autem longè hinc abest superficies vaporum qui se se circa terram in circulum disponunt, ad nubium enim altitudinem ad minimum ascendunt.

Tempus certè mihi videret terere, lectorumque horas malè collocare si diutius immorarer demonstrandæ falsitati dogmatis Domini REGIS qui refractiones quas in Lunæ radiis operantur vapores eodem modo fieri docet quo vitæ convexa res omnes objectas amplificat quæ trans ipsa cernuntur. Eam hujusce dogmatis falsitatem agnoscent, opinor, Lectores ipseque Dominus REGIS. Verùm forsitan id a me postulabit ut refractionum, de quibus est quæstio, ipse igitur explicem effectum; Cui postulationi jam faciam satis; non quòd eam judicem necessariam ad mea probanda placita, sed quia lectori forsitan id scire ingratum non erit, nisi jam ipse id melius norit quàm ego qui non ita harum rerum peritus esse studeo.

13. Existimo igitur apparentem Lunæ magnitudinem, nedum his augeatur refractionibus, iis contrà minui; quia, cum est in horizonte, eæ refractiones ipsius altitudinem, seu perpendicularem diametrum minuant, nullà in ejus latitudine seu horizontali diametro, sensibili allatâ mutatione, unde elliptica apparet. Atque hæc est mea ratio. Quòd, nimirum eæ quas in Lunæ aliarumque omnium rerum objectarum radiis vapores operantur refractiones in ipsis vaporibus eveniant qui per totum aërem diffusi sunt, non verò, ut vult Dominus REGIS, in ipsorum superficie terræ concentricâ. In eâ enim superficie insensibilis est fluidorum densitatis differentia. Neque eadem est hujusce superficiei ratio ac superficiei nubium quas comprimunt venti, quâque instar declivis planitie conformare possunt. id ex eo, * de quo modò loquutus * Vid. t. 3. sum, telescopii experimento confirmatur, nec quinquam id in dubium revocare posse existimo. Sic autem has fieri opinor refractiones.

Radii non secus ac omnia corpora mota secundum rectam lineam semper moventur, aut moveri tendunt, nec ab ipsâ rectâ lineâ deflectunt quàm cum ex unâ parte plus resistentiæ patiuntur quàm ex alterâ. Radii, exempli gratiâ, qui obliquè ex aëre in aquam incidunt, ad perpendiculum accedunt, quia ad communem horum duorum fluidorum superficiem minùs resistentiæ in poris aquæ reperiunt quàm in aëre, cujus minutæ partes ipsis continuo succussu resistunt. Paulatim igitur ac sine sensu ad terræ superficiem deflectunt Lunæ radii, quia ibi minùs resistentiæ patiuntur ubi plus est vaporum, hoc est plures sunt aquæ guttæ, & quia ut plurimum plus est vaporum in inferiori parte quàm in superiori. Sic ergo curvam hi radii describunt lineam cujus natura Geometris explicanda relinquitur; atque tangens, quæ hancce curvam in eo tangit puncto quod oculum ingreditur, apparentis lunæ loci radius est, quia semper secundum rectam lineam res objectas conspicimus.

Ex his faciliè intelligitur per has refractiones debere Lunam non solum

attolli, sed tantò magis attolli quantò Horizonti propior est, quia eò plus vaporum reperiunt ii radii quò terræ sunt propiores, longiusque ibi trajiciunt spatium ubi sunt diffusi ii vapores. Imò inde colligi potest tunc duntaxat cessare debere refractiones cùm Luna directè verticibus nostris inninet, etsi jam sensibiles esse definant cùm 45^{um} aut 50^{um} gradum altitudinis supra Horizontem attingit. Neminem utique latet scriptas fuisse, ad Astronomicas observationes, refractionum tabulas quæ pro diversâ planetarum supra horizontem altitudine diversas etiam statuunt apparentes elevationes, earumque calculi his quæ dico in totum nituntur. Postremò neque factum controversi potest. Omisiss igitur iis quæ modò attuli argumentis ex hocce facto sic argumentor.

14. Certum est radios ex superiori Lunæ limbo manantes supra Horizontem uno circiter semi-gradu iis altiores esse qui ex inferiori proficiscuntur. Jam autem experientiâ & refractionum tabulis docemur, eò majores esse refractiones, adeoque eò augeri apparentum rerum objectarum elevationem, quò ad Horizontem propius eæ res objectæ accedunt. Ergo per refractiones magis attolli debet inferior lunæ limbus quàm superior. Ergo per refractiones ad se se invicem accedunt duæ perpendicularis diametri Lunæ extremitates, ac proinde minuitur ejusdem altitudo. Cùm verò ambæ horizontalis diametri extremitates æqualiter supra Horizontem elatæ sint, manifestum est ex refractionibus mutari non debere ejus speciem, siquidem ordinarius hic est duntaxat refractionum effectus ut attollantur res objectæ.

Ex refractionum tabulâ superior Lunæ extremitas, cùm est in Horizonte, plus quàm duobus minutis a vaporibus magis attolli videtur quàm inferior extremitas. Cùm itaque 30. circiter minutorum sit Lunæ diameter, duodecimâ circiter parte refractionibus minuitur ejus altitudo. Si igitur diametrum ejus horizontalem notabiliter augerent vapores, ea non circularis ferè, sed valde elliptica videretur. Sed si contra ponatur diametrum ejus horizontalem refractionibus nullatenus, vel, si quis malit, perinde enim est, insensibili duntaxat parte augeri, tunc apparere debebit ejus figura qualis omnino apparet.

Certò igitur constat plus minui per refractiones Lunæ altitudinem quàm per easdem augetur ejus latitudo, ac proinde minorem ex refractionibus apparere debere in Horizonte, utut per eas refractiones augetur ejus species, quàm in Meridiano. His diutius immorari necesse non est. Verùm ut meas rationes cum argumentis Authoris Lector comparare possit, reliquum hocce ipsius Philosophiæ caput hîc transcribam. Qui Opticam callent multa sane in eo exilupefcent.

15°. D. REGIS. Ex quarto etiam axioma evidentè patet, Lunæ radios, quum est in Horizonte majores pati debere refractiones quàm in Meridiano, quò magis inclinantur. Jam v:ò ex refractionum magnitudine pendet imaginum magnitudo. Verum refractionum effectum modò explicui, falsa est autem sequens consequentia. Siquitur ergo majorem esse

esse in retinâ Lunæ imaginem, cum ea in Horizonte sita est, quàm cum est in Meridiano. Nec quidquam dicere prodest a nobis remotiorem esse Lunam cum in Horizonte sita est, quàm cum in Meridiano; facile enim concipi potest multo magis refractionibus augeri Lunæ imaginem quàm distantia minuiur, unde major apparere debet Luna in Horizonte quàm in Meridiano, ut constat experientiâ.

Facile agnoscit auctor Tractatus de Veritatis inquisitione, plurimos esse Philosophos qui id vaporibus e terrâ euectis tribuant, atque cum his facitur eos vapores, cum rerum objectarum radios frangant, debere ipsas majores exhibere, & plus esse vaporum nos inter & Lunam cum oriur, quàm cum aliè supra caput eminet, ac proinde ipsam aliquantio majorem apparere debere quàm revera apparet, si semper æquè a nobis distaret. Neque tamen vult hancce radiorum Lunæ refractionem causam esse harum apparentium in ejus magnitudine mutationum, neque enim impedit ea refractione, inquit ille, quò minùs minor sit ea quæ in retinâ pingitur imago, cum Lunam videmus orientem, quàm ea quæ ibidem pingitur cum jam pridem orta est.

Certissima etiamnum mihi videtur hæc ratio.

Ut adhuc respondeamus sic ex hujusce Auctoris * placitis ratiocinamur. Radios ita frangunt vapores ut res objectas majores exhibeant. Atqui plus est vaporum nos inter & Lunam orientem quàm nos inter & Lunam capitibus imminet; Ergo major apparere debet Luna in Horizonte quàm in Meridiano; † dummodo ejus in retinâ imaginem plus augeant illæ refractiones in Horizonte, quàm minuit ejusdem Lunæ a nobis distantia. Ex hujus Auctoris dogmatibus tam sponte fluit ea consequentia ut quæ ex iis diversam prorsus elicerit vix concipi possit. Afferri enim majorem esse diametrum imaginis quæ in retinâ pingitur (omissum est cum est in meridiano.) Sic autem everuntur omnia Optices fundamenta.

Scilicet deest conditio, dummodo &c. &c. imaginem Lunæ non augent refractiones, vel, si malis, non tantum augent quantum ipsam minuit distantia, ut id ex accuratâ ipsius diametri mensurâ omni tempore sumptâ colligo.

Quod addit observare Astronomos, dum Planetarum diametros metiuntur, tantò majorem fieri quavis aliorum est, id non inficias inuis, verum id non explicat ille, sed nos jam explicabimus.

Hujus phænomeni rationem reddidi in illo ipso quem citavit tractatus de Veritatis inquisitione † loco. Atque hæc est; Lunam, scilicet cum oriur a nobis esse remotiorem uno circiter terræ semi-diametro, quàm cum est in meridiano; Ergo ipsius diameter major ab Astronomis in Horizonte deprehendi debet quàm in Meridiano. Hæc non ita sunt abstrusa. Verum hancce affert Dominus REGIS rationem. De quâ ut bene judicetur, ea rectè ante omnia intelligenda est, nec ad id una forte lectio sufficit.

* Quare hæcce mihi tribuit placita, cum ea aliis tribuam Philosophis? Ea sunt vulgaria placita quæ non mihi sequi visus sum. Quicquid ipsi jubet eloquitur D. Regis. † Observa hæcce conditionem: Dunt modò &c. ‡ Cap. 91.

Ut id explicetur, eorum recordandum est quæ modò dicta sunt de magnitudine imaginis quam in retinâ pingunt res objecta, idque jam pro certo ponendum quod deinceps probabitur, telescopiorum, scilicet, vitra tantò majores in radiis refractiones efficere quo obliquiores sunt ii radii. Quo posito, affirmare licet Lunam, dum eam metimur, ideo minorem cum oritur quam cum capitis imminet apparere quod ejus imaginem minùs augeat telescopium, dum ipsa in Horizonte versatur quam cum ad Meridianum accedit, cujus ratio est quòd tantò minores sunt ex telescopii refractiones quò minùs obliqui sunt radii; atque certum est * in telescopium tantò minùs obliquè incidere radii cum Luna est in Horizonte quam cum est in Meridiano, quantò fortiores sunt refractiones quas ii patiuntur radii in aërem intrantes, quanto inquam fortiores sunt, dum Luna oritur, quam cum altè capitibus imminet. Quo fit ut non aliunde inæqualitas oriri possit in magnitudine imaginis quam in retinâ pingit Luna, quam ex diversa ipsius distantia. Jam autem ex §. 3. cap. 17. cæteris paribus quò remotiores sunt res objecta, eò minores earum pinguntur imagines: Ergo cum a nobis distantior sit Luna cum est in Horizonte quam cum est in Meridiano, non mirum est quòd minori sub diametro appareat.

* Id verum non est. Perpendiculariter incidere debent in telescopium, quocunque in situ Luna sit: nec id probare opus est. Miror & planè de-miror hancce orationem. Quid Dominus Regis tam in mente volubabat? Quid concipiebat? Præcisè tamen judicat.

Constat ergo Lunam, etsi in Horizonte minor apparere deberet, quia tunc est remotior, majorem tamen apparere posse, & revera toties apparere, quoties ipsius radiorum refractiones plus augent materialem ipsius in retinâ imaginem quam eandem minuit ipsius a terrâ distantia; quod etiam experientiâ confirmatur ex quâ constat rem quampiam objectam, etsi remotiorem, posse tamen majorem apparere, si trans convexum vitrum conspiciatur, quam appareret si propior etiam per hancce vitrum non conspiceretur. Transcripsi, legisti; Decide ergo, Lector æque, uter, an ego, an Dominus REGIS omnia subvertat Opices fundamenta.

CAPUT II.

De Naturâ idearum, ac speciatim de ratione quâ res objectas nos circumcingentes cernimus.

Id pertinet ad secundam partem Lib. 3. de Inquis. Veris.

LECTORIS attentione longè adhuc dignius est hocce argumentum quam quod modò tractavi. De natura idearum nobis res objectas representantium hic agitur. Quæstio est an Universalis quædam Ratio omnes mentes immediatè ac per se illuminet, an verò unaquæque mens individua in diversis propriæ substantiæ modalitatibus possit omnium sive creatorum sive possibilium Entium naturam, ipsumque Infinitum detegere. Nulla certè ad nos propius atinet quæstio, etsi eam parum curent

rent plerique; De re enim agitur quæ ipsam hominis definitionem ingreditur. Definuitur ut plurimum animal rationis particeps, quid sit autem Ratio quæstio est. Lectoris igitur attentionem effragito, nec eum argumenti sublimitatem perhorrescere velim. Illud argumentum sensibus, ut ita dicam, subicere conabor, eorum saltem respectu qui colores rebus objectis non inesse vel jam norunt vel pro certo ponere volunt; quæ veritas nunc a plerisque jam agnoscitur & a me satis superque demonstrata fuit in primo de *Veritatis Inquisitione* libro.

Specialis quæstio quam ante omnia jam elucidare conabor, quæque eò me adducet ut de *Idearum naturâ* in genere loquar, hæc est; quæ scilicet res cernamus nos circumcingentes. Mira sane videtur mea de hoc argumento sententia, nec eam libenter accipit imaginatio, censeo nimirum nos omnia in Deo cernere; Fusè hanc stabilivi sententiam in tractatu de *veritatis inquisitione*, * & alibi. Cum enim in eo Tractatu omnes indiscriminatum alloquerer, omnigena etiam argumenta mihi afferenda erant. Hic verò, cum Dominum Regis præcipuè atque nonnullos Cartesianos compellem, brevior & magis concisus ero, quia scilicet unum argumentorum genus seligam. Uter itaque rectè sentiat judicatu non erit difficile.

*Vid. Resp. ad lib. de veris & falsis idcis; tum colloquia de metaph. 1. & 2.

1. Pro indubitata pono veritate colores non rebus objectis sed menti duntaxat inesse. Id non diffitetur Dominus REGIS, ideòque pro re compertâ pono. Per *colorem* non particularum intelligo configurationem ex quibus constat, exempli gratiâ, papyrus hæc, quæ quidem configuratio insensibilis est. Sed per colorem id intelligi quod cernitur, dum hæc conspicitur papyrus, hoc est, apparentem ejus albedinem.

2. Certò itidem constat nos non nisi per colorem cernere corpora, nec aliter diversam eorum naturam oculis distingui posse quam per colorum diversitatem. Argumentis hinc non opus est, sed mediocri ad colorum in picturâ effectus attentione.

3. Si nunc igitur hunc Librum, hunc Pluteum, hæc Lacunar conspicio, si de eorum, aërisque circumcingentis differentiâ judico, id fit ex eo quod extensionis idea secundum diversas suas partes mentem meam hinc certo, ibi alio colore modificet. Cumque aër sit invisibilis, hæc idea mentem meam non aliquo colore, aut aliqua sensibili perceptione, modificat, ut eum aërem ipsi exhibeat, sed purâ modificat perceptione. Sic certè cernuntur res objectæ; Hoc est enim, attende, axioma quo hæc nituntur.

4. Certò constat omnes homines menti præsentem habere extensionis ideam, eo etiam tempore quo clausos habent oculos. Ad id ipse * D. REGIS * Tom. I. integrum destinat caput ut probet hanc ideam animæ, hoc est menti quatenus cum corpore conjunctæ, essentialem esse. Cum quis clausos habet oculos, quandoquidem nullam tunc in organa visus impressionem faciunt res objectæ, mentem hæc idea non diversis coloribus, hoc est, diversis sensibili-

Malebranchii de Inquisit. Verit. Tom. II.

Y

bus

bus perceptionibus modificat, sed leviori duntaxat perceptione, vel pure intellectuali quā immensa exhibetur hæc extensio absque ullā in ejus partibus diversitate, quia mentem non diversè modificat hæc idea. Hic enim suppono non agere imaginationem, sive nullas peculiare generalis hujus ideæ imagines formare. Nunc igitur hominem istum qui clausos habebat oculos concipiamus ipsos in medio campo aperire, atque sic videamus quid novi ipsi eventurum sit. Ipsi jam inerat extensionis idea cum clausos habebat oculos; Hæc enim idea menti essentialis est, inquit Dominus REGIS. Ergo eam adhuc fervabit ideam. Verum hanc non videbit uniformitatem quam inter ejus partes concipiebat; quia cum antea intellectuali duntaxat perceptione mentem ejus modificaret hæc idea, actu nunc ipsam plurimis sensibilibus perceptionibus, sive diversis coloribus modificabit: soli enim menti insunt colores. Nihil aliud sunt quā vividæ atque sensibiles perceptiones, quæ directè ad extensionis ideam ipsos producentem referuntur, indirectè verò ad res objectas quæ horum colorum vulgò sunt occasio. Vulgò, inquam, quia nonnunquam certæ quædam rei cernuntur nequaquam existentes.

5. Quæ cum ita sint, *corpora cernere* nihil aliud est quā actu mentis præsentem habere extensionis ideam quæ mentem afficit, seu diversis modificat coloribus; neque directè aut immediatè in se ipsis cernuntur. Constat ergo nos corpora non aliter cernere quā in intelligibili & generali extensione quæ per colorem sensibilis & specialis redditur, constat item nihil aliud esse colores præter sensibiles perceptiones quas habet mens de extensione, cum in ipsā agit, eāque modificat extensio. Cum *extensionem* dico, intelligibilem dico extensionem; materiam ideam seu archetypum intelligo. Manifestum enim est materiam extensionem directè & efficaciter in mente nostrā agere non posse. Per se ea omnino invisibilis est. Solæ intelligibiles ideæ Entia Intelligentia possunt afficere. Quicquid sit, fatetur Dominus REGIS cerni corpora in extensionis ideā, idque hic mihi nunc sufficit.

6. Si igitur extensionis ideam in Deo solo reperiri, nec ipsam esse posse mentis nostræ modificationem demonstravero, eo ipso compertum erit in Deo cerni corpora. Cum enim omnia specialia corpora ex communi quādam generalique extensione seu materiā, atque speciali formā constent, sic & speciales corporum ideæ ex generali duntaxat extensionis ideā constant, quæ sub intellectualibus aut sensibilibus & diversis formis vel perceptionibus cernitur. Id non inficias iturum credo Dominum REGIS qui confiteatur * *specialia omnia corpora menti confusè & in genere præsentia esse, quoniam nihil aliud est ipsorum præsentia quā ipsa extensionis idea*. Patet itaque ad id redire totam quæstionem, an, scilicet, extensionis idea nihil aliud sit præter mentis modificationem, uti vult Dominus REGIS; an hæc idea anterior sit ipsā ejus perceptione, & in Deo solo reperiat; sic igitur argumentor.

7. Finitæ sunt necessariò omnes finiti cujuscunque Entis modificationes.

* Tom. I.
pag. 186.

nes. Cùm enim alicujus substantiæ modificatio sit duntaxat ejus *essendi* modus, liquet eam modificationem latius ipsâ substantiâ non posse patere. Atqui finita est mens nostra, infinita extensionis idea; Ergo hæc extensionis idea mentis nostræ modificatio esse nequit.

Finitam esse mentem nostram quis neget cùm tantò magis confusæ sint perceptiones nostræ quantò plura complectuntur? Si infinita actu esset mens nostra, infinitum actu posset comprehendere. Verùm hanc, opinor, veritatem nemo negabit. Superest ergo probandum infinitam esse extensionis ideam.

8. Infinitum est procul dubio quodcunque certò scimus nullos habere limites. Atqui talis est extensionis idea ut certi simus nos eam nunquam exhausturos esse, nec ultimam ejus lineam reperturos esse, quancumque tandem nifu conetur mens nostra. Ergo certi sumus infinitam esse hanc ideam. Finita quidem est nostra hujusce ideæ perceptio, quia, cùm finita sit mens nostra, finitæ etiam sunt ejus modificationes. Atque idcirco etiam infinitum complecti aut comprehendere non potest mens nostra. Verùm spatii aut immensitatis ideam certò scio infinitè superare ideam quæ mihi est de mundo, aut de omni finito mundorum, quancumque sint, numero. Lectorum in hanc rem testem appello conscientiam. Hæc enim una est ex his veritatibus quæ aliter demonstrari nequeunt, quia nihil demonstrari potest quin prius eadem agnoscantur ideæ.

9. Si igitur infinita sit extensionis idea, in Deo solo ea reperi potest. Jam autem probavi non aliter cerni corpora quàm in extensionis ideâ, siquidem *diversa cernere corpora* nihil aliud est quàm diversis modificari coloribus secundùm diversas intelligibilis extensionis partes. Ergo certum est in Deo solo cerni corpora. Et revera ipse solus mentes nostras modificare potest; ipse solus intelligibili modo in propriâ includit substantiâ omnium entium creatorum perfectiones, hoc est ideas aut archetypa juxta quæ ipsa formavit. Etenim mundi creationem cognitione quam de eo habet Deus anteriorem esse, non intelligo quî, illasâ ipsius sapientiâ, atque in formandis decretis præscientiâ, affirmari possit. Possem adhuc D. Augustino duce inde probare in Deo cerni extensionis ideam quòd æterna, immutabilis, necessaria, omnibus spiritibus, ipsique Deo communis sit hæc idea; ac proinde a mutabilibus & specialibus mentis nostræ modalitatibus longè differat. Persuasum enim habeo nec Deum, qui meas cognoscit sensationes, nec omnes in genere spiritus easdem illas sentire sensationes, aut iis modificari. Verùm argumentari sufficit ex eâ quæ in extensionis ideâ detegitur infinitate; dummodo non aliud dicatur quàm quod clarè concipitur.

10. Agnoscit Dominus REGIS* per ideam immensitatis illimitatam exhiberi extensionem. Sed contendit simul infinitum per ideas finitas exhiberi posse, quia, scilicet, immensitatis ideam cum eâ quam de ipsâ

* Tom. I.
p. 183.

- * pag. 190. mens habet perceptione confundit, atque in genere affirmat * omnes ideas, quibus mens ad percipienda corpora utitur, simplices duntaxat
 † pag. 194. esse mentis modificationes, † & ideas ut ut finitas pro infinitis eo sensu haberi posse quod infinitum repræsentent.

Evidens mihi videtur non satis esse realitatis in eo quod finitum est, ut infinitum immediatè repræsentet. Si finita sit idea mea, seu mavis, si finitum sit id quod menti meæ immediatè obijcitur, nihilque directè videam præter eam ideam, quod certè indubitatum est; cum ea sola me afficiat, indubitatum est pariter me nihil infiniti directè visurum esse. Si igitur finita esset immensitatis idea, qualem eam supponit Dominus REGIS, etiam si in me ageret secundum totam suam extensionem, nunquam infinitum mihi posset exhibere. Eam igitur ideam infinitam esse necesse est, siquidem in eâ video includi illimitatam immensitatem, ipsamque certò scio nullos habere limites. Fateor eam infinitam ideam, cum agat in spiritu meo qui finitus est, non aliâ quàm finitâ perceptione ipsum posse modificare. Verùm ut percipiamus infinitum, ut certò sciamus infinitum esse id quod percipimus, haud necesse est infinitam esse ipsam perceptionem haud necesse est. Sola infiniti comprehensio, sola illa perceptio quæ infinitum metitur, infinita esse debet. Ut sciamus infinitum esse id quod videmus, sufficit si infinitum mentem afficiat, ut ut levem in ipsam faciat impressionem. Neque enim unquam suarum idearum realitati respondent perceptiones. Cum me pungit acus aut urit ignis, ideæ, ut ita dicam, minimæ vividissimam & maximam perceptionem habeo: Cum contrâ Cælos mihi fingo, vel de spatorum immensitate cogito ideæ vastissimæ minimam & debilissimam perceptionem habeo. Plus perceptionis ferè semper inest, vel, quod idem est, minoribus ideis plus quàm majoribus distrahitur nostra cogitandi capacitas. Unde certò liquet longè differre ideas nostras ab ipsarum perceptionibus, nec de idearum magnitudine ex modificationibus quas in nobis producant judicandum esse, sed ex realitate quæ in ipsis detegitur. Cum autem in ideâ immensitatis extensio detegatur illimitata, quod videmus id nos credere par est, hoc est, infinitam esse hanc intelligibilem extensionem, etsi non solum finita sit ipsius in mentem nostram impressio, sed etiam longè levior eâ quam operari posset simplicis acûs idea.

Tom. I.
Dni. Regis
pag. 189.

II. Hic mihi monendum videtur inde non judicandum esse mundum nullos habere limites, quòd nullos habeat extensionis idea. Neque enim inde meritò colligeretur Deum vel unum creasse extensionis pedem. Ex extensionis ideâ deduci quidem possunt proprietates ad corpora pertinentes, quoniam ipsorum naturam exhibet hæc idea, ut pote quæ sit Archetypum juxta quod Deus ipsa creavit, & quoniam de rebus judicandum est ex ipsarum ideis. Verùm, cum arbitraria sit, & a voluntate Creatoris pendeat materiæ creatio, quoniam infinita, necessaria, æterna est idea quæ ipsam repræsentat, evidens est utique absolute

solutè fieri posse ut hujus ideæ perceptionem haberemus, etsi nullus exstaret mundus creatus. Certè Deus mundum talem vidit, etiam antequam ipsum crearet, qualem ipsum nunc videt. Vidit quidem quatenus duntaxat possibilem, ante sua decreta, vel sepositis decretis; sed positis decretis vidit eum ut actu existentem. Hæc autem moneo, quia contendit Dominus REGIS creatam extensionem *causam* esse *exemplarem* idearum ipsam exhibentium; cum contrà, creata fuerit materia ex ideâ extensionis tanquam Archetypo seu exemplare. Nonnulla adhuc afferam argumenta ex quibus pateat ideas nostras a modificationibus seu perceptionibus nostris longè differre; Ea enim quæstio totius controversiæ fundamentum est.

12. Cum nunc adspicio manum, menti præsentem habeo ejus ideam per coloris modificationem quâ animam meam afficit hæc idea. Color enim quem video menti meæ duntaxat inest non manui quam moveo. Id fatetur Dominus REGIS. Nec aliter quàm per eum colorem manum ab aère circumcingente, seu manûs ideam ab aëris ideâ distinguere possum; non aliter enim quàm per colorem visibiles sunt res objectæ. Ponamus etiam manum hancæque aquæ immergi calidæ. Menti meæ præsens iidem erit hæc manûs idea per caloris modificationem. Menti enim soli inest calor latente eodem Domino REGIS. Atque id etiam observandum est, experientiâ, scilicet, constare me in hac manu dolorem sentire posse, etiam si mihi amputatum fuisset brachium; atque eâdem de causâ, si eo modo succuteretur nervus opticus quo eum succuti oportet ut manus cernatur, eam manum simul etiam viderem. Quibus positis sic argumtor.

Calor non idem est cum colore. Hæc sunt duæ diversæ mentis meæ modificationes. Jam autem duas non video aut sentio manus. Eadem est extensionis idea quæ mentem colore & calore modificat. Ergo ideam manûs meæ ab ejusdem perceptione distinguere debeo. Anteriores sunt ergo res objectæ ipsis earum perceptionibus. Ergo non sunt meæ mentis modificationes, sed veræ harum modificationum causæ. Unde sequitur in Deo solo has ideas reperiri, cum solus in mente nostrâ possit agere, eamque diversis modificare perceptionibus, per propriam substantiam, non qualis est in se ipsâ, sed quatenus est lumen sive universalis spirituum ratio, quatenus rerum creaturarum *repræsentativa* est, & ab ipsis participari potest; quatenus denique intelligibilem extensionem materiæ archetypum continet. Ne quis autem a me possit ut lucidiùs adhuc rationem explicem quâ Deus indefinenter in mentibus agit; Plura me non nosse fateor.

13. Verùm nonnulla adhuc observemus circa discrimen quod ideas inter & perceptiones nostras interest, inter extensionis, sive, verbi gratiâ, quadrati ideam, atque ejusdem perceptionem. Profectò ideam quadrati clarè cognoscimus, atque per eam materialia quadrata, si talia quædam existent creata. Verùm quadrati perceptionem, sive intel-

lectualem, sive sensibilem, confusè tantùm cognoscimus & per intimum sensum. Si a vertice unius ex angulis quadrati rectam duco quæ unum ex oppositis lateribus medium secet, clarè video triangulum illud quod sic e quadrato demetur ejusdem quadrati fore quartam partem: Si duos oppositos angulos secet hæc recta, clarè video ipsam triangulum æqualiter divisuram esse; clarè iterum video quadratum ex hac diagonali lineâ institutum duplo majus fore priori quadrato; & sic de cæteris proprietatibus quas in hacce ideâ possum detegere. Verùm mentis meæ modificationem, seu ideæ quadrati perceptionem ita parum cognosco, ut in eâ nihil queam detegere. Sentio equidem a me percipi hanc ideam; verùm inimus ille sensus non me docet quâ ratione mentem meam modificari oporteat ut vel intellectualem vel sensibilem excipiam albedinis perceptionem quâ talem figuram cognoscam aut videam. Deus perceptionum mearum naturam clarè cognoscit, nec eas tamen experitur, quia cùm in se habeat mentis meæ ideam sive archetypum, in hac intelligibili & luminosâ ideâ videt qua ratione mentem oporteat modificari, ut hanc illamve experiatur albedinis, doloris, aut aliam quamlibet perceptionem quam ipse non sentit. Ego verò contrâ perceptiones meas sentio, nec cognosco: quia cùm claram mentis meæ ideam non habeam, non aliter quàm per intimum sensum detegere possum quasnam suscipere possim modificationes.

14. Denique æquè manifesta mihi videtur differentia quæ inter nostras perceptiones & ideas intercedit, ac illa quæ nos inter qui cognoscimus & id quod cognoscimus interest. Nihil aliud enim sunt perceptiones nostræ quàm mentis nostræ modificationes, sive ipsa mens nostra hoc illdve modo modificata; id autem quod cognoscimus aut videmus, nihil est propriè quàm nostra idea. Si enim *representativæ* sint ideæ nostræ, id ex eo fit quòd Deo lubuerit Entia creare quæ ideis istis responderent. Etsi Deus nulla creavisset corpora, corporum ideas tamen mentes nostræ habere possent. Cùm oculis apertis domum quampiam aspicio, profectò domus quam video, vel id quod immediatè menti meæ obversatur non est ipsa illa domus quam conspicio. Id enim quod video videre possem, etsi non amplius ibi præsens adstaret illa domus, quandoquidem ut domum quampiam videam, sufficit ideam extensionis mentem mentem meam modificare coloribus eodem distributis modo ac si actu domum conspicerem. Diutius hisce me immorari necesse non est; quia hæc elucidare in aliis operibus meis satis superque conatus sum. Verùm ex his omnibus colligere est creatos spiritus accuratius forsitan definitum iri *substantias ea percipientes quæ ipsas ferunt aut modificant*, quàm cum simpliciter definiuntur *substantiæ cogitantes*. Persuasum enim habeo ex iis quas hic & alibi tradidi rationibus, non modò solum esse Deum qui sese contemplando perfectè se noscat, & in se ipso omnia Entia possibilia, verùm etiam solum ipsum immediatè in mentibus nostris agere posse, atque nos per propriam

am afficiendo substantiam, quatenus ad entia creata & possibilia relativa est, hoc est, quatenus diversè & imperfectè participari potest, nobis horum eorumdem entium aeternas & necessarias essentias sive ideas aperire. Quod attinet ad rerum creaturarum existentiam, cum ea non directè & in se ipsis cernantur, manifestum est eam non aliter detegi posse quàm per naturalem quamdam revelationem, hoc est, per sensationes quas Deus facit ut experiamur ex generalibus conjunctionis mentis cum corpore legibus. Verùm jam Domini REGIS censuram examinemus. Totum ipsius textum hìc transcribam, ut tutius de ejus censurà judicari possit. Sic autem incipit 14. Caput Lib. 2. Metaphysicæ suæ.

15. *Est recens quidam Philosophus * qui nos in Deo corpora cernere docet, non quatenus eorum ideas in nobis producit Deus, sed quatenus ipse est veluti idea in quâ vel per quam cernimus corpora.*

* Male: brancius.

Ut autem suam stabilitas opinionem contendit ille Philosophus non aliis quàm hisce modis † mentem posse corpora cernere. „ Asserimus igitur, prorsus necessarium esse ut ideæ quas habemus de corporibus ac de cæteris rebus quæ per se ipsas non percipiuntur ab illis corporibus aut ab illis rebus oriantur; vel ut mens nostra polleat virtute istas produciendi ideas; vel ut Deus eas cum mente, ipsam creando, producat; vel eas producat quotiescunque de re aliqua cogitamus; vel ut mens in se ipsa possideat omnes perfectiones quas in istis corporibus videt; vel denique ut conjuncta sit cum Ente summè perfectissimo, quoddque in se omnes in genere includat rerum creaturarum perfectiones. „

† Lib. 3. part. 1. cap. 1. §. 2.

Ex his omnibus modis ita enumeratis expendit deinde quanam omnium sit verosimilissima; atque pro probato ponens corporum ideas neque e corporibus oriri, neque ex mente, neque ex eo quodd Deus eas producat ideas quotiescunque mens iis indiget, tandem inde concludit ex eo oriri corporum ideas quodd Deus, qui omnes in genere corporum perfectiones includit, cum mente sit conjunctus. Ut autem hujus conclusionis vitium aperiat, jam ad rationes quibus ea nititur responsuri sumus, utque ordo servetur, singulas ejus rationes, simul ac proponuntur, refutabimus.

Responsio. Omnes possibiles cernendi corpora modos enumeravi. Probavi deinde nullo ex enumeratis præter quàm ultimo modo ea cerni corpora. Atque tandem collegi ea ergo cerni hoc ultimo modo. Id me peregrisse hìc latetur Dominus Regis; Quid ergo ipse debebat peragere, ut hujus conclusionis vitium aperiret? Nempe, opinor, probare vel perfectam non esse enumerationem, vel falsam esse argumenta quibus priores excludebam modos. Non hoc est tamen quod peragit. Id tantum studet ut nonnullas refutet rationes quas fortè ex abundantia duntaxat attuleram. Etenim posito accuratam esse enumerationem, atque rectè probatas esse exclusiones, nullum *aperiri potest vitium in conclu-*

conclusionem. Domino igitur REGIS satius fuisset rem aliter aggredi quam enumerationem meam referendo, vel ita rem aggrediens exclusiones meas impugnare debuisset, atque probare mentem quicquid cognoscere potest in se ipsâ, in propriis perfectionibus sive modificationibus posse videre. Cûnque eam sententiam in eo refutaverim capite quod locum quem expendit immediatè præcedit, meis debuisset respondere argumentis. Hic equidem, cûm omnibus scriberem, ipsius sententiam non ita fusè refutavi, quia cûm ea sententia non æquè vulgaris esset ac reliquæ, non ita multis argumentis mihi demonstrandam esse ejus falsitatem credidi.

Cæterum si Dominum REGIS solum impugnare animus fuisset, diversas quæ vulgò ventilantur opiniones non enumerassem, nec eas, ut meam stabilirem, refutavissem. Vel si quod 15. aut 20. duntaxat post annis evenit haniolari potuissem, in meo de *Veritatis inquisitione* tractatu scripsissem quæ in aliis plurimis * operibus deinde observavi ut ipsius sententiam fusius refutarem. Verùm ea opera expendere & potuisset & debuisset Dominus REGIS, cûm me impetere vellet. Fortè ea etiam expendit. Cur ergo argumenta non refutat quibus in iis ejus sententiæ falsitatem probavi? Cur prorsus omittit caput 5. quod immediatè præcedit illud e quo ea petit argumenta quæ hic impugnât, cûm opinionem ejus directè refutet hocce caput? Cur denique in eo ipso quod reprehendit capite, & de quo nuper dicebat *se argumenta, simul ac proponuntur, refutaturum esse*, cur, inquam, ea omittit quæ validiora sunt, & ejus opinionem † directè eunt oppugnatum, ea duntaxat refutans quæ ipsum non spectant? Nimirum in eo est vel imprudentia, vel negligensia. Hanc enim omissionem spectare non audeo tanquam impotentis confessionem. Verùm cum ejus pace dixerim contemptui haberi Authorem cujus æquè negligenter opera carpuntur ac ille meum carpit; sic petgit ille.

16. *Primum hujus Auctoris argumentum est Deum semper agere per vias simplicissimas atque facillimas; unde inferi Deum debere omnia corpora menti exhibere, hoc simpliciter volendo ut id ipsa videat quod est in medio ipsius, propriam scilicet Dei essentiam qua omnia representat corpora.*

Responsio. Observandum est 1º. hocce argumentum, quale illud exponit Dominus REGIS, id concludere quod ego concludere nolo. Neque enim concludo *videri propriam Dei essentiam qua omnia representet corpora.* Contrà hic continuò subjicio; *Inde concludi non posse Dei essentiam a spiritibus videri quod omnia in Deo videant.* Falsum est revera per essentiam Dei corpora representari. Corpora representat extensionis idea. In Deo est procul dubio hæc idea, sed ejus essentiam non constituit. Qui essentiam dicit, dicit Ens absolutum quo nihil finitum representari potest. Sed representantur per Dei substantiam relatè ad res

* In illustrationibus circa tractatum de veritatis inquisitione; in responsis ad librum de veris & falsis ideis; in colloquiis de Metaphysica.
† Inferius quænam sunt videbis
art. 11.

res creatas sumptam, sive quatenus ab ipsis participari potest; in eâ substantiâ sunt rerum ideæ seu archetypa.

2º. Neque per hócce primum argumentum ipsam Domini REGIS sententiam, sed vulgarem opinionem impugnare volo. Sic enim præmoneo. *Hæc sicut autem argumenta quibus probari videtur Deum opera sua potius nobis ostendere velle nolis aperiendo id quod est in ipso quod ea representat, quàm innumeras in unaquaque mente creando ideæ. Id & continuò subijcio. Non igitur sit verosimile Deum, nolis opera sua ostendendi causâ, eisdem idearum infinitatis numerorum infinitorum producere, quot sunt creati spiritus.* Hoc igitur argumentum adversus illos quibuscum loquor non parum facere posset, etsi Domini REGIS opinionem nullatenus infringeret. Videamus tamen quodnam huic argumento subijciat responsum.

Concedit Deum omnia semper agere per vias simplicissimas; Nec diffitetur quin simplicius sit corpora exhibere per ideam extensionis quæ est in Deo, quàm infinitum idearum numerum in unaquaque mente creando; Quibus tamen concessis demonstrativum est argumentum. Sed orationem connectit quæ in se optima esse posset; si vero esset bona, falsa est opinio mea: Verum valeat aut non valeat oratio ista, non magis primum ferit argumentum quàm quodlibet ex aliis. Videtur ergo non debuisse Dominus REGIS hoc referre argumentum, cum non aliter illud impugnaturus esset quàm per hancce orationem.

17. D. REGIS. *His respondemus, si mens in Deo videt corpora, id aliunde non posse oriri quàm quia Deus est menti conjunctus. Quærimus ergo quid sit ista Dei cum mente conjunctio; eam enim similis esse necesse est conjunctioni vel duorum inter se corporum, vel duorum inter se spirituum vel spirituum cum corpore. Nullum enim aliud conjunctionis genus inter duas conjunctas substantias potest concipi. Jam verò Dei cum mente conjunctio similis esse nequit conjunctioni duorum inter se corporum, quia duo corpora inter se per mutuum coniunguntur contactum, omnis autem contactus sit ad superficiem quæ nec in Deum nec in mentem cadit. Nec etiam similis est conjunctioni duorum inter se spirituum; ea enim conjunctio in eo sua est ut se mutuò pendeanz eorum spirituum cogitationes & voluntates; jam autem certum est Dei cogitationes ac voluntates non posse pendere a mentis cogitationibus ac voluntatibus. Denique nec similis est conjunctioni spirituum cum corpore similis ob rationem. Ex his efficitur ergo Deum esse cum mente conjunctum, vel, * si conjunctus est, hanc conjunctionem ei similis esse quæ causam inter et effectum occurrat, quæ quidem in eo sua est quod scilicet effectus quidem a causa non causa ab effectu pendeat: Quamobrem, si Deus cum mente conjunctus est, cum ea dumtaxat conjunctus est eo quod ipsam creaverit, conservet, ac in eâ producat omnes ejus ideæ, omnes ejus sensationes quæ sunt ejus prima causa, in dictum est, sive quatenus exemplaris est causa ideæ quam mens habet de Ente perfecto.*

* Addenda essent hæc verba; eodem modo quo inter se conjuncta sunt et creata.

Malbranche de l'inquissit. Verit. Tom. II.

Z

In eâ

In eâ Domini REGIS oratione nihil est quod impugnet propositiones quæ primum constituunt argumentum quod retulit. Itaque de ipsius Libro tollendum esset hoc primum argumentum, ac proinde etiam tollenda essent hæcce verba quibus suam orditur orationem; *His respondemus. Addit, si mens in Deo corpora videt, id aliunde oriri non potest quàm quia Deus est menti conjunctus. Querimus ergo quid sit ista Dei cum mente conjunctio? Merito quidem quid sit ista conjunctio quæreret, si id prius non definitum fuisset. Hæc est enim una ex Vocibus maximè æquivocis. Verùm quod attinet ad varias conjunctionis species quas eo sine refert ut probet Deum non ita cum mente conjunctum esse ut corpora sunt inter se conjuncta, nec ut spiritus cum spiritibus, nec ut spiritus cum corporibus; ea sanè enumeratio mihi perquam inutilis videtur, atque etiam posset de ipsius libro recidi; Neque enim quemquam existimo hanc mihi opinionem tribuere Deum scilicet nostris cum mentibus ita conjunctum esse ut inter se conjunctæ sunt res creatæ. Verùm falsissimum est certè quod ex hac concludit enumeratione. Deus enim cum mentibus arctius multò conjunctus est quàm cum corporibus. Non in eo duntaxat cum Spiritibus conjunctus est, quòd eos creaverit, conservetque cum omnibus eorum modificationibus, quemadmodum corpora creavit atque conservat; sed in eo etiam quòd cum eo peculiarem habere possint societatem, atque cogitationum & sensuum communionem, quòd possint id cognoscere quod cognoscit, id amare quod amat. Omnes res creatæ sive spiritus sive corpora pendent a potentiâ Creatoris. Verùm soli possunt spiritus ejus sapientiâ illuminari, atque ejus amore animari. Contendo igitur Rationem illam universalem quæ omnes intus illuminat homines, quæque sensibilem induit carnem ut se se ad eorum infirmitatem accommodaret, eosque per sensus alloqueretur, illam, inquam, Rationem ipsam esse Dei sapientiam in quâ omnes includuntur ideæ, omnes veritates. Contendo nos per eam cernere partem eorum quæ Deus clarissimè videt; ac proinde nos cum Deo per illam & inter nos quamdam inire societatem, atque sine illâ Ratione spiritus ne vel minimam quidem inter se habere posse relationem, nullam mire societatem, nec de ullâ quacunque veritate consentire. Verùm hic me ea repetere non necesse est quibus alibi probavi solam intelligibilem summæ Rationis realitatem in spiritibus agere posse, & cum ipsis aliquam Veritatis intelligentiam communicare. Osendi, & id satis esse debet, totam hancce Domini REGIS orationem primo nullatenus respondere argumento quod tamen retulit ut ipsam refutaret. Quod ad secundum reponat argumentum videamus.*

18. D. REGIS. *Secundum hujus Authoris argumentum est hancce cernendi corpora rationem mentem a Deo verè pendente fieri, quia juxta ipsius sententiam nihil potest mens cernere nisi Deus hoc ipsam videre sinat.*

Observatio. In eo unde hoc petit argumentum loco dixeram, modum,

dum, quo rem explicabam, *mentes creatas facere a Deo omnimodò pendentes*, cum contrà ea quam ubi refuto sententia supponat mentem in se habere omnes ideas necessarias ad cogitandum de re quacunq;. Igitur opinionem Domini REGIS non impugno, cum ipse itidem credat Deum in nobis nostras omnes formare cogitationes. Attamen manifestum est mentem nostram ex meâ sententiâ magis adhuc a Deo pendere quàm ex opinione Domini REGIS. Etenim ex ejus opinione a potentia Dei duntaxat pendet mens, ex meâ verò sententiâ non tantùm ab ejus potentia pendet verùm & ab ejus sapientiâ; quoniam ex meâ sententiâ neque nostras cognoscimus modificationes, neque iis illuminamur; sed intelligibiles modò cognoscimus ideas quæ nullibi præterquam in Summâ Ratione occurrunt, & iis solis illuminamur. Merito igitur dixi *mentes in meâ sententiâ supponi omnimodò a Deo pendentes*. Ea sunt ipsa mea verba. Quod tamen negare Domino REGIS placuit. En ipsius responsum.

19. D. REGIS. *Quibus respondemus hâncce rationem cernendi corpora in Deo, nedum mentem a Deo faciat pendentem, contrà rem exhibere quasi Deus ipse a mente perderet, propter communionem quam cum ipsâ haberet. Probatum est enim omnem realem utramque communionem, qualem admittit Auctor mentem inter & Deum, supponere conjunctas partes a se mutuò & verè pendere.*

Responso. Quæro a Domino REGIS ubinam probatum fuerit eam communionem quam inter mentes intelligentes summamque Rationem admittit supponere. Conjunctas partes a se mutuò & verè pendere. Nihil est in meis scriptis unde cordatus quisquam possit non dico judicare, sed vel etiam suspicari tam insulam, tam impiam mihi inquam fuisse sententiam. Id saltem certò scio talem nunquam mihi mentem subisse. Verùm, inquiet, nonne jam probavi tres esse duntaxat communionis species quæ singulæ supponunt conjunctas partes mutuò a se pendere? &c. Quid ergo? Quia supponis res creatas a se mutuò pendere propter communionem quâ Deo visum est eas inter se conjungere, an inde meritò concludas P. MALEBRANCUM, atque omnes Philosophos & Theologos non ampliùs docere posse mentes cum Deo communionem habere quin eo ipso doceant creatorem a rebus creatis pendere? Id certè capi nequit. Interest enim aliqua Creatorem inter & res creatas differentia. Videamus quæ sequuntur.

Addendum est. pergit ille, *mentem, si corpora in Deo videret, quia ab ipso pendet, in ipso etiam eadem de causâ visam ceteras mentes, & se ipsam; alioquin dicendum esset ipsum fore sibi proprium lumen, si non respectu corporum, solum respectu spirituum, quod certè ipsis hujusce Auctoris dogmatibus repugnat.*

Responso. Hujusce ratiocinii sensum non facillè, opinor, Lector intelliget. Verùm ego mihi videor mentem Domini REGIS assequi, eamque adeo jam clariùs aperiam. Scilicet recordandum est 1^o. me statim

tuisse aliud esse per. *ideam* claram aliquid cognoscere, aliud per. *sensum* intimum. 2°. Me docere extensionem per *ideam* claram cognosci, mentem verò nostram per *sensum* intimum. 3°. Nos ea quæ per *ideam* claram cognoscimus videre in Deo qui has includit ideas; ac proinde in Deo videri extensionis *ideam*, sive materiæ archetypum, verum in Deo non cerni mentis nostræ *ideam*, sive spirituum archetypum. Ex his positis Deum esse dico lumen nostrum eo sensu quòd luminosæ sunt *ideæ* quas in illo videmus. Ita clara est, verbis gratiâ, ita intelligibilis, tot veritatibus secunda extensionis *idea*, ut Geometriæ & Physici ex eâ totam suam Geometriæ & Physicæ cognitionem hauriant. Mentem dico non esse ipsam sibi lumen, quia non aliter se cognoscit quàm per experientiam sensus intimi, ipsam non posse ex sui contemplatione cognoscere quarumnam modificationum sit capax, ipsamque, nedum in se omnium rerum *ideas* includat, ne sui quidem *ideam* includere. Ea sunt mea dogmata; Ea nunc probare non locus est, sed iis jam opponendum est Domini REGIS ratiocinium.

Addendum est, inquit ille, menuem, si corpora in Deo videret, quia ab ipso pendet, in ipso etiam eadem de causâ visuram, cæteras mentes, & se ipsam.

Respondeo ipsam revera se & cæteras mentes in Deo visuram esse, si reapse se videret. Verùm ipsa se non videt, ipsa se non cognoscit. Sentit duntaxat se esse, atque evidens est ipsam non alibi se sentire posse quàm in se ipsâ. Se videt, se cognoscit, si velis, sed per intimum duntaxat sensum; qui sensus consultus est, nec ei aperit quid ipsa sit, quænamve natura sit ullius ex ejus modalitatibus. Non ei aperit ille sensus ipsam non extensam esse, nedum ipsam doceat, colorem, albedinem, exempli gratiâ quam in hæc chartâ videt nihil aliud esse realiter quàm propriæ ipsius substantiæ modificationem. Tenebrosus ergo ipsi est omnino, sensus ille. Nullum in ipsâ lumen, nullam veritatis intelligentiam producit, ut ut ad eum attentâ sit. Mens ergo se non videt; quia non ipsi manifestatur *idea* sive archetypum mentis. Deus, ut ut nec colorem, nec dolorem sentiens, clarè tamen horum sensuum naturam cognoscit. Perfectè nescit quomodo mentem oporteat modificari ut eos experiatur sensus. Nos etiam aliquando videlicet id videbimus. Verùm tunc tantum id clarè videbimus cùm Deus in propriâ substantiâ nobis manifestare volet spirituum archetypum, *ideam* scilicet ad cujus normam mens creata fuit. Quæ *idea* luminosa est & perfectè intelligibilis, quia solæ *ideæ* Divinæ mentes illuminare possunt. Eousque mens sibi semper erit incomprehensibilis. Tenebrosas duntaxat modalitates in se sentiet, quæ ut ut vividæ sint & sensibiles hæ modalitates, ipsam nunquam ducent ad claram veritatis cognitionem absque auxilio intelligibilium veritarum. Mens ergo se non videt; sed extensionem videt. Ipsiùs naturam ac proprietates cognoscit. Novas indefinenter veritates detegit, *ideam* extensionis consulendo; quia cùm in Deo

Deo sit hæc idea, clarissima est, maximè intelligibilis & luminosa, atque a confusis & tenebrosis mentis modificationibus longè diversa.

Si igitur ponatur nos claram corporis ideam habere, nullam mentis talem; vel si quis me ex propriis dogmatibus impugnare velit, ut hîc conatur Dominus REGIS. Ipsi propositio huicæ similis omnino videtur. Si verum esset hominem a Deo pendere ut brachia moveat, ab eodem utique pendere deberet eandem de causâ ad movendas alas. Imo sanè, responderem, si ipsi essent alæ. Verùm cum nullæ sint ipsæ, non pendet a Deo eo respectu. Pariter, si mens se ipsam videret, vel si clarè suam ipsius naturam ex contemplatione ideæ seu archetypi ad cuius normam Deus eam creavit, cognosceret, in eo utique penderet a Deo, se ipsam in Deo videret. Sed cum non aliter se cognoscat quàm ex intimo sensu, nec se alibi sentire possit quàm in se ipsâ, pendet quidem a potentiâ Dei qui in ipsâ agit, sed eo respectu ab ejus sapientiâ non pendet. Hoc est, intelligibili Divinarum idearum realitate non illuminatur. Nihil quicquam in eis video quod propriis repugnet dogmatibus; atque eos omnes qui metaphysicis gaudent veritatibus, & in ipsis sapiunt, nihil existimo in iis reperturos quod rationi non sit conforme, dummodo mea seriò meditentur argumenta, quod quidem hæcenus non fecit Dominus REGIS. Docebit temporis successio an ego aberraverim. Verùm præmonendum mihi videtur longo opus esse tempore antequam opinio tam insolita, imaginationis ac sensuum præjudiciis tam opposita, opinio simul ita abstrusa atque difficilis generaliter admitti queat, non ab omnibus dico hominibus, id enim nunquam continget; sed a Doctis, & ab eo Doctorum genere qui Metaphysicæ, & Humanis cognitioni seriò student.

20. D. REGIS. *Tertium argumentum est modus quo mens omnia percipit corpora. Omnes enim expertos esse contendit nos, ubi de corpore aliquo volumus cogitare, primò omnia inueneri corpora, atque illius de quo speciatim cogitare volumus considerationi deinde adharere. Jam autem extra dubium est nos non posse teneri desiderio aliquod corpus speciatim videndi quin illud jam videamus quamvis confusè, & modo quodam generali. Adeo ut cum possumus duci cupiditate omnia videndi corpora, nunc hoc, nunc illud, inde certò sequatur omnia corpora menti præsentia esse; Jam verò omnia corpora menti præsentia esse non possunt nisi quia ipsi præsens est Deus, hoc est ille qui est omne Ens, seu Ens Universale quod in suâ simplicitate omnes res creatas complectitur.*

Observatio. Rectius certè fecisset Dominus REGIS si ipsa mea retulisset verba. Neque enim meam contraxit orationem. Generale est meum ratiocinium, neque quicquam ridiculi mihi videtur habere; Ipse autem D. REGIS illud minùs generale fecit, atque sic aliquantulum certè deforme. Illud tamen restituas si vocem corpora demas, quam septies reperit, quàmque ne semel quidem ego scripseram, & quæ substituas vocem. *Entia*. Quæ nisi fiat substitutio, meritò forsan mira videbitur.

debitur hæc oratio ; verbi gratia : *Menti præsentia esse nequeunt omnia corpora quàm quia ipsi præsens est Deus, hoc est, ille qui est omne Ens, sive Ens universale.* Dixeram ergo ; *Omnia enim menti adesse præsentia non posse videntur, nisi quia ipsi præsens est Deus, hoc est ille qui in simplicitate sui omnia complectitur.* Quæ locutio cerè nihil habet quod offendat, neque stultam illam ingenerare potest ideam quam mox mei honoris gratiâ impugnabit Dominus REGIS, nempe *Deum non esse Ens Universale, seu compositum ex aliis entibus tanquam suis partibus, quia omnes partes sunt vel inegregantes vel subiectiva, & cætera quæ inferius videbis.*

D. REGIS. *Ad hocce tertium argumentum reponimus, specialia corpora menti semper in genere & confusè præsentia esse ; sed ipsorum præsentiam nihil aliud esse quam ipsam extensionis ideam quam Deus menti injectis, eam cum corpore colligando, quàmque specialia deinde corpora diversè modificans pro diversitate suarum actionum in organa sensuum.* Unde, si menti semper in genere & confusè præsentia sint specialia corpora, id ex eo non oritur quòd Deus ea tanquam Ens Universale complectatur, sed ex eo quòd inclusa sint in extensione cuius idea menti semper præsens est uti probatum fuit.

Responsio. Ut ea tantùm attingam quæ ad quæstionis decisionem necessariò pertinent, plurimas mitto observationes circa modum quo meam sententiam exponit & impugnat Dominus REGIS, quæ quidem eos omnes non fugient qui aliquo pollent iudicio, atque ad rem venio. Omnia corpora menti confusè & in genere præsentia esse fateor, quia in ideâ extensionis inclusa sunt. Ea est ipsa mea sententia, quæ alia nunquam fuit. Rem sic exposui in Tractatu de *verisais inquisitione*, atque in aliis meis Operibus. Neque magnum in eo est mysterium, neque enim, opinor, res aliter concipi posset. Ad hoc igitur quæstio redit num scilicet hæc extensionis idea aliqua sit mentis modalitas. Id est autem quod nego, quia nimis est vasta illa idea, quia infinita est, ut modò probavi, atque finitæ sunt necessariò omnes cujuslibet finitæ substantiæ modalitates. Hanc igitur ideam non alibi quàm in Deo occurrere necesse est, quia solus ipse est Infinitus. Contendo nempe ideam Entis in genere, sive Entis infiniti, in quâ in genere & confusè omnia videmus entia, quemadmodum omnia cernimus corpora in extensionis ideâ, illam, inquam, entis infiniti ideam non alibi reperiri posse quàm in Deo. Hinc pendet tota vis ratiocinii mei adversùs Domini REGIS opinionem. Neque id, si modò rem animadverterit, dissimulare debebat. Illud verbis iisdem referre debebat, quibus illud proposueram, atque ad illud ita respondere. Denique non id omittere debebat quod solum in eo capite directè contradicit ejus opinioni, quòdque tertiam hanc rationem quam refutat immediatè sequitur ; sic enim pergebam.

21. *Mens etiam sibi ideas universales generis, speciei, &c. repræsentare posse non videretur, nisi omnia entia in uno inclusa videret. Cui enim omnis*

omnis res creata sit aliquod ens individuum, nemo potest dicere se aliquod creatum videre; cum videt, exempli gratiâ, triangulum in genere. Denique non putem quemquam posse ritè rationem reddere modi quo mens multas cognoscit veritates abstrusas & generales, nisi per præsentiam illius qui potest illuminare mentem innumeris modis.

Denique * argumentum existentia Dei illustrissimum, nobilissimum, solidissimum, ac primum, aut quod a minori rerum numero pendet, ducitur ex ideâ quam habemus de infinito. Constat enim mentem percipere infinitum, quamvis illud non capiat; ipsamque habere ideam maxime distinctam Dei, qua ipsi aliunde quàm ex conjunctione suâ cum Deo non potest suppetere, cum concipi nequeat ideam entis infiniti perfecti, quæ est idea quam de Deo habemus, esse aliquid creati. Verum mens non modò habet ideam infiniti, immo etiam illam habet ante ideam finiti &c. Cætera transcribere non necesse est.

* Vide hoc argumentum diductum lib. 4. c. 11.

Videtur mihi Dominus REGIS non hæc sine responso prætermittere debuisse, dum alia impugnat argumenta quæ directè non aggrediuntur ejus placita; Nam, uti jam dixi, in toto capite nihil est præter huncce locum quod propriè eam speciet opinionem quam refutat, atque hic unicus locus mihi sufficere videtur ad offendendam hujus opinionis falsitatem. Manifestum enim mihi videtur generales ideas non posse speciales esse modificationes. Verum hanc fusiùs evolvam rationem, & quid reponere possit Dominus REGIS videamus.

Speciales necessariò sunt omnes modalitates entis alicujus specialis qualis est mens nostra. Cum autem de circulo in genere cogitamus, nihil specialis habet hæc idea, sive id quod menti immediatè obversatur. Ergo idea circuli in genere non est mentis modalitas.

Hoc quidem argumentum formâ syllogisticâ. propositum nullum fa-
cesseret negotium adolescenti Theses defendenti, atque ex omnibus se
se extricanti per unum *distinguo*. Audacter responderet; Nihil specia-
lis habet idea circuli in genere: *Distinguo*. In *repræsentando*: concedo.
In *essendo*: nego. Id autem responsum litem dirimeret, & omnes e
disputatione contenti abirent. Verùm si mihi seriò responderet Domi-
nus REGIS, quamlibet mentis modalitatem, etsi specialem, posse tamen
figuram in genere repræsentare, quemadmodum † contendit ideam fini-
tam posse repræsentare infinitum, sive extensionem illimitatam; respon-
derem ego mihi non esse factum satis. Etenim per hæc verba, idea
circuli in genere, vel idea infiniti, nihil aliud intelligo quàm quod video.
Jam verò generale est aut infinitum quod actu video. Certè nihil nisi se-
ipsam mihi repræsentat idea circuli in genere. Constat enim nullum esse
in mundo circulum in genere, imò nec Deum posse talem ullum creare,
quoniam infinitam extensionem creare valeret. Sic ergo argumentor.

† Tom. I. pag. 194.

* Idea circuli in genere nihil mihi repræsentat quam id quod ipsa includit
in se; Atqui nihil generalis in se includit hæc idea, quoniam specialis est
duntaxat, mentis modalitas juxta Dominum REGIS. Ergo nihil generalis
mihi

* Vid.
Tom. II.
huius ope-
ris pag. 96.
& seqq.

mihî repræsentat idea circuli in genere. Quæ quidem est visibilis contraditio, unde sequitur non immerito me superiori responso non fore contentum. Verùm solidiora videlicet mihî afferenda habet responsa Dominus REGIS.

22. Ego verò ideas meas ab earumdem perceptione distinguo, hoc est a modificatione quam in me produciunt, cùm me afficiunt. Mentis meæ modalitates sive perceptiones meas non aliud mihî repræsentare credo quàm se ipsas; & id equidem existimo ex sensu intimo, quia docet me experientia mentem intus sentire quicquid actu in ipsâ agit. Ideas verò meas nihil mihî existimo directè repræsentare quàm se ipsas, me scilicet nihil directè & immediatè videre quàm id quod ipsæ includunt; nihil enim videre est non videre: sed si Deus aliquod ens creavit quod ideæ meæ velut archetypo suo respondeat, possum dicere; Meam ideam ens illud repræsentare, atque me illud indirectè videre, cùm illam directè video. Ut hujus Entis proprietates cognoscam, ipsius ideam consulo, non verò modalitates meas, quoniam illa ipsa idea, non modalitas mea archetypum est ad cujus normam Deus illud ens creavit. Verùm nihil de actuali hujus Entis existentia concludo; quia Deus non id necessariò peragit quod repræsentant ipsius ideæ, seu Entia quæ ipsius ideis respondeant; arbitraria est eorum entium creatio. Hæc certè dogmata ab illis quæ defendit Dominus REGIS longè diversa sunt. Fateor enim nos rarò idem sentire, imprimis circa Metaphysicam & Ethicam. At ipsam oro ut ea confessio, quæ mihî in ejus mente multùm nocebit, non a me ejus alienet animum. Eam enim confessionem mihî extorsit veritatis amor. Quod probare tamen non me juvaret. Ut ut sit, Dominum REGIS ab ejus opinionibus distinguo. Pari erga me moveatur æquitate; Cùmque non rarò meas in Opere suo impugnaverit opiniones, me nonnunquam nominatim citando, non inique ferre debet quòd ea confirmem quæ palam fecit.

23. Sic pergit Dominus REGIS. Jam verò concipere longè facilius est specialia corpora confusè inclusa esse in extensione quàm in Deo qui nullam habet cum ipsis relationem * (vidisti Lector de hoc non esse questionem.) Si enim Deus esset omne ens, vel Ens universum, quemadmodum docet Auctor ille, necesse est ut omnia entia Dei partes essent vel integrantes vel subjeclivæ; aliud enim partium genus fingi nequit. Jam verò Entia non sunt Dei partes integrantes, quippe tunc ex eniibus constaret Deus, ut ex Organis & rotis constat horologium, quod simplicitati naturæ Divinæ repugnat. Neque etiam entium subjeclivæ sunt Dei partes, quia tunc Deus esset universa quadam natura quæ non alibi existeret quàm in illius intellectu qui ipsam conciperet, quod videm repugnat ideæ Dei quæ ipsum repræsentat ut rem omnium maxime singularem, & maxime determinatam. Superest ergo Deum non alio sensu esse omne Ens, vel Ens universum, quàm quia efficiens est omnium entium causa mediata vel immediata.

QUERE-

* Resp.
art. 10.

QUERELA. Huiusce orationi Domini REGIS non respondeo, de ipsa queror, atque utinam apud ipsum duntaxat quereretur. Verum res est jam nimis vulgata. Agedum, Vir Docte, dic ingenue, Num meam voluisti impugnare sententiam, cum probavisti Deum non ens esse universum, quia omnia entia non *integrales* sunt, non *subjectivæ* Numinis *partes*? Cave, obsecro, inde quivis colligeret te quod legis non intelligere. Peritissimum * enim atque etiam malevolentissimum Aristar-
* Lib. 3: cap. 5. dic-
 co Deum
 esse Ens
 universum.
 Quem lo-
 cum legat
 Lector ve-
 lim.
 chum eò provocho ut iis qui Opera mea legerunt eam inijiciant suspicio-
 nem me ullibi hanc impietatem vel minimè docuisse, *Deum scilicet* eo
 sensu. *Ens universum esse, quòd Entia creata integrales sint ejus par-*
tas. Non id ipse credis profectò, si saktum tuum illud de meà sen-
 tentià judicium ex ipsa mei *de Ideis tractatus* lectione. Qui ergo id in
 opus tuum irrepsit? An culpà Librarii aut negligentis cujuspiam cor-
 rectoris, an occulti cujusdam inimici malignitate? An denique tuum
 scripsisti responsum ex quibusdam deformatis Libri de *Veritatis inquisi-*
tione commentariis? Quamquam in eo etiam casu, postulabat æquitas
 criticis ita necessaria, ut opus ipsum consuleres. Queror igitur, Vir
 Docte, de hoc libri tui loco, sed ad ipsum nihil respondeo, hac uni-
 cā adductus ratione quòd nullum credam esse Lectorem satis stupidum
 ut eam quam meo sub nomine impugnans impietatem inibi tribuat.

24. D. REGIS. *Quarum & ultimum argumentum est, fieri non posse*
ut actionum suarum alium Deus habeat finem præcipuum quam se ipsum:
unde sequitur Deum non posse neminem aliquam creare que ejus opera co-
gnoscat, quin Deum quadantenus videat hac mens; ita ut affirmare li-
ceat, nos nullam rem visuros esse, si Deum quodammodo non videremus,
quia nihil aliud sunt omnes rerum creatarum idea quàm limitationes
idea Creatoris.

Observatio. Non arbitrandum est argumentum hócce eodem hîc ex-
 poni modo ac in meo tractatu. Duas circiter. libri mei paginas habet,
 hîc verò Dominus REGIS illud ad septem aut octo lineas redigit. Sic
 autem breviri posset ita ut vis aliqua ipsi superesset.

Cum Deus sibi soli mentes creaverit, neque ullam ex mentes cum
 ipso societatem habere possint, nisi idem cum ipso cogitent, proprias
 ideas cum ipsis quadantenus communicare debet, archetypa scilicet re-
 rum a se creatarum quæ in se includit, & ad quorum normam ipsas
 formavit. Mentis illuminare debet suâ sapientiâ, sive summâ illâ Ra-
 tione quæ sola potest nos ipsi similes, sapientes, atque cordatos effi-
 cere. Si Deus mentes nostras illuminet, resque a se creatas nobis re-
 velet per illas ipsas ideas quas ipse de illis habet, evidens est nos ar-
 tius cum ipso conjunctos esse quàm cum rebus ab ipso creatis, nos cum
 ipso directè, cum rebus creatis indirectè & per eum duntaxat conjun-
 ctos esse. Sic verum erit ad litteram mentes nostras ipsi duntaxat crea-
 tas fuisse, quamvis res ab ipso creatas etiam videamus, quia eas in ip-
 so tantum, per ipsum, & sicut ipse videmus, hoc est eas in iisdem
 videmus ideis atque ipse Deus. Ita ut eodem modo quo ipse cogita-

Malebranchii de Inquisit. Veris. Tom. II.

A a

turi

turi sumus. Per easdem ideas aliquam cum ipso societatem habebimus. *Ad huius imaginem atque similitudinem creati fueramus*, per hanc specialem cum Sapientiâ & Ratione Divinâ conjunctione. Sic eum Geneseos locum interpretatur D. Augustinus, ut initio Præfationis mei Libri videre est. Si verò in propriis modalitatibus res creatas videamus, in eo pendebimus quidem a potentiâ Dei, uti corpora, uti ignis, exempli gratiâ, ab eâ pendet ad comburendum. Sed cum ejus sapientiâ non erimus conjuncti. Dici posset Deum creavisse mentes ut se cum rebus creatis immediatè conjungeret. Non ampliùs ita perspicuè pateret quò omnes spiritus possint inter se & cum Deo veram habere societatem, & cogitationum communionem, per communem quandam & supremam Rationem & veritatem. Non ampliùs mihi constare posset mentes omnes eandem quam video videre veritatem, cùm circuli proprietates, verbi gratiâ, detego; Neque enim sine specialis revelationis auxilio perspicere possum quænam sint aliorum spirituum modalitates. Nullo itaque certo fundamento niteretur omnes scientiæ, omnes Ethicæ veritates. Nihil ampliùs posset demonstrari; quippe non potest demonstrari spiritibus inesse aut non inesse certas quasdam modalitates; quoniam arbitrarie essent hæ modalitates, & a voluntate Dei penderent, omnis autem demonstratio ab aliquo pendet necessario axiomate. Atque hæc sufficiunt, argumentum enim producerem, cùm ipsum brevare velim. Dominum REGIS audiamus.

Legendus est liber meus ut auctoritate sententia quæ in hac D. REGIS oratione non repetitur.

Respondemus ut Deus omnia sibi præcipuè fecerit, non necesse esse nos in Deo corpora videre, sed sufficere nos ea in ideis nostris vel per ideas nostras cernere, dummodo ea sic videntes incitemus ad Deum qui ea creavit & conservat collaudandum. Quod addit omnes operum Dei ideas ab ipsius ideâ separare non posse, id fatemur; verum non ideo credimus specialium corporum ideas esse ideâ Dei limitationes; contra concipimus id esse non posse, quia nullam nec materialem nec formalem cum ideâ Dei relationem, habent specialia corpora, sed cum ideâ extensionis duntaxat habent relationem; etenim affirmare licet quidem triangulum & quadratum esse extensionis limitationes, verum dici nequit extensionem esse limitationem. Ennis quod perfectè cogitat: Unde sequitur si corpora in Deo videamus, id ex eo non oriri quòd eorum ideæ sint Dei ideæ limitationes, sed ex eo quòd extensionis ideam Deus in mente produxit, quæ deinde ideæ diversè modificatur specialibus corporibus quæ diversè, uti dictum est, agunt in organa.

Supereſt ergo nos in Deo non videre corpora, ut contendit auctor ille, sed per ideas quæ utriusque inſunt, quæque pendunt a corporibus quæ repræſentantur ut a ſuis exemplaribus cauſis, a mente quæ eas excipit ut a materiali ſua cauſa. a Deo qui eas producit, ut ab efficiēti ſua cauſa, ab actione ſpecialium corporum denique, ut a ſecundâ ſua efficiēti cauſa, uti jam dictum eſt.

Responsio. En argumenta mea æquè solidè refutata ac nitidè fuerunt exposita. Tantam profectò in totâ hac oratione confusionem reperio, ut ad ipsam commentandam non possim adduci. Id unum Lectores oro

oro ut evidentiz soli cedant. Quod si concedant, argumenta mea in hoc Domini REGIS capite intelligere certè non poterunt, ac proinde nullus vereor ne ea ipsis ibi solide refutata videantur.

Non obstante itaque eà quam modò transcripsi refutatione, arbitror e quatuor consequentiis quas ex eà concludit Dominus REGIS, falsas esse tres primas, quartam tantummodo veram esse, dum æquo, cui par est, accipiatu sensu. Arbitror ergo;

1°. Nos opera Dei cernere in eorum ideis sive archetypis quæ nullibi quàm in Deo reperiuntur; ac proinde eas *ideas non ab Entibus creatis ut ab exemplari suâ causâ pendere*, cùm contrà ipsæ sint enim creatorum *exemplaria*. Ut enim id obiter observem, ut sapiens sit consilium quod liberè Deus inivit mundum condendi, Deum oportet cognovisse quod voluit, ac proinde mundi & innumerorum possibilem mundorum *exemplar* creationis voluntate aut decreto antèrius fuerit. Præjudicium illud ut ut crassum nondum exuere valeo.

Vid. tom:
I. pag. 91.
systematis
D. REGIS,

2°. Arbitror *ideas non a mente ut a materiali suâ causâ pendere*, vel ut clariùs loquar, ipsas non esse mentis modificationes; id mihi videor demonstrasse.

3°. Nec mihi possum persuadere *ideas a Deo ut ab efficienti suâ causâ pendere*. Cùm enim æternæ sint, immutabiles, & necessariæ, nullâ efficienti causâ indigent; etsi meam harum idearum perceptionem a Deo pendere confitear ut ab efficienti suâ causâ. In eo etiamnum versor errore, Geometricas scilicet & Numericas veritates, ut bis duo esse quatuor, æternas esse, a nemine pendentes, atque ipsis liberis Dei decretis anteriores. Neque comprobare possum eam quam tradit Dominus REGIS æternarum veritatum definitionem, cùm dicit: * *Eas sitas esse in substantiis quas Deus creavit, quatenus eas substantias certo modo considerat, easque inter se comparat juxta varias quas secum habent relationes*. Aliam cognosco paulò breviorē, & quæ mihi videtur accuratior; Eas scilicet *definitio relationes quæ inter ideas intercedunt*. Est quædam æqualitatis relatio inter bis duo & quatuor, sive ad eam attendam, sive non attendam. Nec enim opus est percipi hanc æqualitatis relationem, ut reapse existat.

* pag. 179;

Longè est ergo etiamnum ut ad placita Domini REGIS accedam. Si verò quis scire velit quare ab iis tam longè absum, legat ille tractatum de *V. rit. inquisitione*, atque *illustrationes*. Legat insuper meam ad D. Arnaldi librum de veris & falsis ideis *responsionem*. Fortè etiam melius expositz reperientur rationes meæ in *duobus primis De Metaphysicâ & Religione colloquiis*; atque in meâ ad tertiam D. Arnaldi epistolam *responsione* quæ in quarto *responsionum* meorum tomo extat. Etenim existimare par est Authoris alicujus opera novissima prioribus esse minùs malè scripta. Rectius itaque forsan se gessisset Dominus REGIS si eas impugnasset rationes quas in novissimis operibus n. eis reperisset, quæ directè feriunt ejus opinionem quam in iis fuscè refutavi, potiùs quàm librum aggregeretur viginti ante annos scriptum, & in quo nihil ferme oppono argumentis quæ asserre possit ad suam defendendam opinionem.

Ex ejus agendi ratione mentem subeunt nonnullæ suspiciones ipsi non non ita honorificæ. Eas equidem non admitto suspiciones. Atque libens opinor ipsum hæc mea novissima opera non vidisse, vel ea legendi curiositate non fuisse motum, cujus si eum reprehenderem injurius ipsi mihi viderer. Cæterum aliorum opinionibus non semper contradicendum est. Accedo igitur ut hanc admittam propositionem, *ide. s. scilicet ab actione specialium corporum in organa sensuum pendere ut a secundâ suâ efficiuntur causæ*, dummodo per ideas intelligatur actualis ipsarum mentis præsentia sive nostra earum perceptio. Si aliter rem intelligat Dominus REGIS, a grè fero certè quòd nulla ex ejus placitis mihi probentur.

CAPUT III.

*In quo falsas quasdam mihi imputatas contradictiones
d. testor ac deprecor.*

Hæc referuntur ad cap. 10. Lib. 4. De Verit. inquisit. quod relegeret opus prædium foret.

Absolvissè mihi videbar breve hocce responsum ad objectiones Domini REGIS: Verùm locum adhuc offendi quemdam in ejus Libro in quo id mihi criminis ingerit, *me in manifestas incidisse contradictiones* in margine citat Tractatum de *Veritatis inquisitione*. Locus ille unus est ergo ex iis quibus respondendum est mihi, cum statuerim ipsi tunc duntaxat respondere, cum me interrogat ipse. Nec enim ad ea omnia respondere vacat quæ adversus mea placita profert, nec eum arbitror id a me expectare. Verùm si tacerem cum me compellat, merito de hocce contemptu quereretur, vel potiùs existimaret forsàn, existimarent & alii nonnulli me nihil habere quod respondeam, & errorem meum fateri. Non tantùm revera mihi noceret ea suspicio, sed mihi adhuc gravior est eam dispellere suspicionem, præsertim si vera sunt mea placita. Si tamen eorum falsitatem agnoscerem, tunc, si bene me novi, culpam confiteri mallem. Nec id tamen pro certo affirmare audeo, verens scilicet ne Deus, confidentiæ meæ puniendæ gratiâ, internis me derelinqueret superbiæ suggestionibus ac motibus. Verùm ad rem veniamus. En tibi textus ipse Domini REGIS.

Tom. 1.
Pag. 245.

*Hoc igitur interest discrimen sensuum voluptates inter & internam delectationem, quòd, scilicet, hæc sit absolutum bonum, cum ne unus quidem repèri queat casus in quo eâ frui non sit utile, cum contrâ sensuum voluptates non sint vera bona nisi quatenus ad intimam mentis delectationem referuntur; si enim ad eam non referantur, aut ipsi sint contraria, nedum sensuum voluptates sint vera bona, contrâ sint vera mala, quòd quidem rite observandum est ne eorum error admittatur, qui internam mentis delectationem cum sensuum voluptatibus confundunt. * Sic enim hæc duo confundendo in manifestas contradictiones incidunt, cum dicunt; Voluptatem esse semper bonum, sed eam degustare non esse semper utile: voluptatem nos semper actu felices reddere, sed importunos ferè semper conscientiæ mortuus ipsam comitari,*

* Author Veritatis inquisitionis Lib. 4. cap. 10.

ri, &c. Facile enim patet ipsos per illam voluptatem qua nos actu semper felices reddit non aliud intelligere posse quam internam mentis delectationem, per illam verò quam ferè semper comitantur importuni conscientie morsus, non aliud quam sensuum voluptates. Jam verò certum est non minùs ab internâ mentis delectatione differre sensuum voluptates quàm media a fine differunt.

Facti expositio. In eâ oratione contendit Dominus REGIS

1°. *Me in hunc incidisse errorem quòd internam mentis delectationem cum voluptatibus sensuum confunderim.*

2°. *Contendit me hæc duo confundendo in manifestas incidisse contradictiones; quia in eo quod citat capite dixi voluptatem esse bonum, sed eam degustare non semper expedire; eam nos semper actu felices reddere, sed importunos conscientie morsus eam ferè semper comitari.*

3°. *Sic autem probat me voluptatem cum internâ mentis delectatione confundere, quòd scilicet facile pateat ipsos per eam voluptatem qua nos semper actu felices reddit non aliud intelligere posse quàm internam delectationem.*

Responsio. Si Lectorem sperare possem hocce quod citat Dominus REGIS Libri mei caput non invium relecturum esse, hoc unicum esset meum responsum, orarem ipsum scilicet, ut illud relegeret, atque judicaret an in eo sint manifesta contradictiones. Ut ut enim manifesta Domino REGIS videantur, persuasum habeo tamen eas ipsum fugituras esse. Verùm cum paulò longius sit hocce Caput, nec lubens forsàn illud relegeret Lector, brevius huc mihi respondendum est responsum.

In eo capite refutare mihi animus erat Stoicorum opinionem qui dolorem non esse malum, voluptatem non esse bonum contendunt. Contrà sentio igitur dolorem nos actu infelices reddere, voluptatem felices. Non dico solidè felices; non dico felices & contentos; non dico felices quatenus perfectionem includit felicitas. Duo hæcce distinguo, quia sunt realiter distincta. Mens enim non aliter perfecta est quàm per cognitionem amorémque veri boni, nec aliter est felix solidâ saltem felicitate quàm per fruitionem hujusce boni, quæ quidem fruitio in gratis sita est modificationibus voluptatum quas in mente producit illud bonum, & per quas menti se se degustandum præbet. Id modò contra Stoicos affirmo voluptates sensuum nos posse aliquatenus felices reddere. Illud aliquatenus perspicue satis denotat quid ego sentiam. Sed quamvis hanc in eo capite non apposuissem exceptionem, manifestò pateret eam esse subintelligendam. In eo enim capite multis probo modis voluptates esse fugiendas; nec arbitror id mihi quemquam tribuere posse, quòd probare voluerim ea fugienda esse quæ nos solidè felices reddere possunt. Hoc posito,

Respondeo, 1°. *me internam delectationem cum voluptatibus sensuum non confundisse.* Duo hæcce semper distinxì ubi ea distinguenda erant, imò eam distinctionem repertu tam difficilem sub finem capitis quod citat Dominus REGIS attuli. Ibi equidem gaudium voco quod ipse delectationem appellat. Sed ipsum non existimare arbitror me ad id teneri ut isdem semper quibus ipse vocibus utar. Vox gaudium aptior mihi videtur propter ip-

si oppositam vocem tristitiam. Verum tamen, si velit, delectationem pro gaudio, ægritudinem pro tristitiâ scribam.

Respondeo 2^o. mihi nullam apparere *manifestam contradictionem* in hacce propositione; *Voluptas bonum est, verum eam degustare non expedit semper*. Si dixissem, *Voluptas summum aut verum est bonum*, sed illud summum degustare bonum non semper expedit, in eâ, fateor, propositione *manifesta* esset *contradictio*. Verum ita manifesta foret ea contradictio, ut continuo judicaret Lector quilibet in eo esse erratum. Certe non mentem ipsius subiret me asseruisse *non semper expedit frui summo bono*. Ubinam est ergo *manifesta illa contradictio*? Si bonum quoddam, & quodcunque voles, non summum est bonum, manifestum est tunc eo frui bono non expedit, cum eo frui non poteris quin vel summum vel etiam aliud notabilius bonum amittas. Pullus gallinaceus modicum est bonum; ipsius conedendi voluptas te esurientem aliquatenus felicem reddit. Eo tamen frui pullo, seu ipsius comedendi voluptatem degustare per quadragesimam non expedit. An tunc naturam mutat ille pullus, nec eundem habet per quadragesimam saporem? Minime sane. Ergo Pullus ille, seu ipsius comedendi voluptas bonum est quo frui non expedit, quia nunquam expedit bonum aliquod ingens amittere ad minus bonum obtinendum. Malè igitur probavit Dominus REGIS me in *manifestas* incidisse *contradictiones*. Jam ipsum, si lubet, singularem pro plurali numerum reponere oportet, atque scribere in *manifestam contradictionem*, non verò in *manifestas contradictiones*. Quin imo melius esset fortassis omnia expungere.

En ea quæ superest propositio. *Voluptas nos actu semper felices reddit, sed eam importuni conscientie morsus serè semper comitantur*. Si scripsissem voluptas nos semper *solidè felices*, vel etiam simpliciter *beatos*, in eâ propositione *vera* esset & *manifesta contradictio*, quia nemo solidè felix aut perfectè beatus esse potest dum aliquam simul ægritudinem, aut *importunos conscientie morsus* pateretur. Verum in eo verborum misero præjudicio, Homines scilicet inæqualiter esse felices, atque neminem ita hinc in terris esse felicem ut non aliqua parte doleat & infelix fiat. Stoicorum sapientem cujus neque podagra neque acutissimi dolores perturbant felicitatem, illum inquam sapientem spectro tanquam virum rarum atque singularis speciei nec ipsi ullum unquam profectò scripsi librum. Sexcentas enim, cerò scio, *manifestas contradictiones* in eo reperisset. Hominibus scripsi mihi similibus. Cúmque felicem me reddat voluptas, infelicem dolor, eo nixus fundamento satius existimavi infelicem esse in hocce mundo, quàm æternis in altero premi ærumnis: Mihi, inquam, visus sum affirmare posse, voluptates sensuum, etsi actu nos felices reddant, fugiendas esse tamen propter importunas poenitudines quæ ipsas comitantur, quia injustæ sunt, quia nos rebus sensibilibus addicunt, quia a Deo nos abducunt, atque plurimas ob alias rationes quæ in meis libris reperientur, atque in ipso illo capite Stoicos impugnante in quo *manifestas* seputat Dominus REGIS reperisse *contradictiones*.

Cùm eas quas mihi tribuit contradictiones ex eo pendere dicat Dominus REGIS quòd sensuum voluptates cum internâ delectatione confuderim, viden-

dendum est quomodo id probet. Prævidit enim neminem solo ipsius testimonio credidurum me eum esse qui duo confuderim quæ nemo unquam, opinor, confudit. Sic igitur id probat.

Dixit Author tractatus de veritatis inquisitione: *Voluptatem nos actu semper felices reddere, sed eam ferè semper comitari importunas pœnitudines.* Confundit ergo voluptates sensuum cum internâ delectatione. Id facile probatur. Manifestè enim patet ipsum Authorem non aliud per illam quæ nos actu semper felices reddit voluptatem intelligere posse quàm internam delectationem, nec aliud per illam voluptatem quam semper consequuntur pœnitudines quàm voluptatem sensuum; Ergo &c.

Responsio. Omnis alius contrà sic, opinor, ratiocinaretur. Dixit Author *voluptatem nos actu semper felices reddere, sed eam ferè semper importunos conscientia morsus comitari.* Atqui internam delectationem nunquam comitantur importuni illi morsus. Ergo distinguit procul dubio Author ille voluptates de quibus loquitur ab illâ internâ delectatione. Quæ quidem conclusio conclusioni ipsius directè adversatur. Qui igitur dicere potuit per illam voluptatem quæ nos actu semper felices reddit, *Authorem non aliud potuisse intelligere quàm internam delectationem?* Aliud intellexit Author, id enim est possibile: Concedo, dicit fortasse Dominus REGIS. *Potuit aliud intelligere, sed non debuit.* Voluptas enim & dolor nec felices nec infelices nos reddunt. Esto; in eo erravi, vulgari laborabam præjudicio; veritatem defendunt Stoici. Verùm, in capite quod cialisti, horum Philosophorum opinionem actu impugno. Immerito igitur arbitrabaris me cum ipsis sentire. Qui igitur ipsorum opinionem mihi tribuebas, dicens *me per voluptates quæ felices nos reddunt non aliud potuisse intelligere quàm internam delectationem*, ut inde colligeres me ea confundere quæ certè nemo unquam confudit, atque ea confundendo me in manifestas incidisse contradictiones? Tuam nimirum non bene aperuisti mentem. Neque enim existimo quicquam intelligi posse in eâ quam ipsius tradis expositione..

Existimo tamen, vir Doctè, te merito censere eam esse internam delectationem quæ nos verè felices reddit, quantum saltem in hæc te felices esse possumus; dum modo per eam intelligas, uti credo te intelligere, internam voluptatem quâ Deus nos cum officio nostro fungimur remuneratur, & quæ est veluti pignus aut prægiustus bonorum quæ per Jesum Christum speramus: dum modo per eam intelligas internum hæc gaudium quod in nobis scilicet Christiana producit; non verò internam illam Stoicorum delectationem quæ nihil aliud est quàm vana illa voluptas quam ex superbâ in fictitiarum nostrarum perfectionem contemplatione nanciscimur, quæque nedum vero bono nos conjugat, rei creatæ duntaxat nos addicit, nihilque nobis imperit quàm nostri ipsorum fruitionem.

Si vir bonus quispiam internâ illâ destitueretur jucunditate quæ morum sanctimoniam ut plurimum conlatur, ut id nonnunquam cerè evenit: cum nonnulli quandoque quæsti fuerint viri sanctitate insignes & horrendas siccitates experiri; si vir quispiam, inquam, internâ illa jucunditate, interno illo sensu ad tempus privaretur, Deo scilicet ipsum explorante, & ejus la-

bes

bes eluente, vulgarem tunc sermonem loqui mihi viderer dicendo non amplius felicem esse illum virum; etsi adhuc esset justus, virtute præditus, perfectus. Quia, scilicet, vulgò felices dicuntur qui aliquo fruuntur bono; nec aliter quàm gratis sensibus aliquis frui bono, aut bonum degustare potest. Si ab illo viro probo quærerem, an actu sit felix, mihi nimirum responderet; Heu! Qui actu felix essem, cum eam quam olim sentiebam jucunditatem in me non amplius sentiam! Ecquid ergo, an internam aliquam exprobrationem experiris? An poenitudo te mœrore conficit? Hæc mihi nequaquam. Verùm non amplius degusto quàm benignus sit Dominus; non amplius illo fruor prægusto quem producit spes sive hæc fides vivida quæ Domini Jesu promissa expectabam.

Quid ergo nos formaliter reddit felices? nempe sensus gratus, sive boni degustatio. Jam verò grata est omnis voluptas; ergo vulgari sermone actu nos felices reddit omnis actualis voluptas. Sed cum voluptates sint aliæ ingentes, aliæ modicæ, quemadmodum aliæ sunt justæ, aliæ injustæ, aliæ fugitivæ, aliæ durabiles; cumque sæpe fiat ut tenuis voluptas ingenti nos privet, etiam si voluptas quæcunque felices nos reddat suo modo, evidenter patet non omnem degustare voluptatem semper expedire. Ejus generis sunt sensuum voluptates. Eæ propter rationes quas & in eo capite quod reprehendit Dominus REGIS & alibi passim tradidi, cum horrore, & speciali quadam vigilantia vitandæ sunt.

Interrogasti me, Vir Docte, ego tibi pro ingenii modulò respondi. An mea probes responsa me latet. Diu equidem in re tam levi mei expectationem feci, verùm in eo tibi ingratum facere non mihi visus sum. Si iterum eo me digneris honore, ut me interroges, haud mora, relictisque omnibus rebus tibi satis faciam; atque tunc, servatâ omni quam tibi debeo reverentiâ, multorum quæ mihi in tuâ Metaphysicâ atque Ethicâ negotium facessunt elucidationem a te quæram. Neque tamen coram tot auditoribus loqui me juvat, quibus fortasse ludos præbamus. Verùm cum eò necessitatis adigor, tunc me quàm citissimè possim conor expedire, ita ut solus non ludos præbeam. Placidè, mihi crede, Vir Docte, vivamus. In id otia infumamus nostra ut proprias opiniones rigidi castigemus. Iis ne ante assentiamur quàm eò nos cogat evidentia. Ne illos unquam in Operibus nostris nominemus quorum placita damnamus. Sic enim ingratae ferè semper accersuntur responsiones. Id attentus cavi ut nihil esset in responso meo quod te lædere posset, idque mihi videor obtinuisse. Non alius mihi videtur fuisse animus, quàm propria placita strenuè defendere, quia ipsa vera existimo. Si verò in disputationis æstu quædam subrepsit paulò durior locutio, quod tu melius sentire potes, vide, quæso, numnam ipse eam tibi acceiseris. Ut ut sit eam mihi libens æquè ignoscas, atque ego, uti debeo, certas quæ me in Opere tuo lædunt agendi rationes missas facio.

ILLU.

ILLUSTRATIONES

S E U

EXPLICATIONES

AD LIBROS PRÆCEDENTES.

P R Æ F A T I O.

In quâ indicatur quid de varijs sentiendum sit judicijs quæ circa libros præjudicia impugnantes ferri solent.



UUM liber aliquis in lucem prodit, quis de ipsius fato consuli debeat ignoratur. Neque enim ipsius nativitati præsumt astra, quippe quæ in eum nequaquam influant, neque quos voluturus sit casus prædicere auderent audacissimi etiam Astrologi. Cum veritas non sit hujusce mundi, corpora cœlestia nihil in ipsam valent, cumque naturâ suâ sit omnino spiritualis, diversæ materiæ configurationes & combinationes ad ipsam vel stabiliendam, vel destruendam nihil conferre possunt. Præterea hominum judicia circa res easdem ita diversa sunt, ut qui felicem aut infelicem alicujus libri sortem ominari satageret, temeritatem & imprudentiam in prælagiendo ulterius vix posset ferre. Quisquis igitur Authorem se gerere audet, audet etiam apud cæteros homines quicquid volet audire. At verò inter authores, ii præsertim qui ad profliganda præjudicia sese comparant, condemnationem suam in dubium revocare non debent; ipsorum lucubrationes plerisque hominibus nimis adversantur, unde fit ut si inimicorum suorum affectibus sese surripiant, incolumitatem suam soli veritati quâ teguntur acceptam referre debeant.

Id vitium omnibus hominibus commune est, quòd nempe ad judicia ferenda sint nimis præcipites. Omnes enim errori sunt obnoxii, jam autem errores eorum non aliunde manant quàm ex hoc

Malebrancii de Inquisit. Verit. Tom. II.

Bb

ipso

ipſo vitio. Porro omnia judicia præcipitata præjudiciis ſunt conformia : Authores itaque qui impugnandis præconceptis opinionibus occupantur non poſſunt quin damnentur ab iis omnibus, qui ſolas veteres opiniones conſulunt, tanquam leges ex quibus de cunctis judicium ſemper ferre debent. Plerique enim Lectores & judicum & partium adverſarum perſonam reſpectu illorum Authorum eodem tempore ferunt. Illorum ſunt judices, nemo eſt qui poſſit ire inficias; ſunt etiam illorum partes adverſæ; quia Authores iſti ipſos in præjudiciorum ſuorum poſſeſſione laceſſunt, in quæ jus præſcriptionis ſibi vindicaverunt, & quibus a multis annis per quàm familiariter uſi ſunt.

Fateor quidem plurimum æquitatis, ſinceritatis, & judicii in nonnullis Lectoribus reperiri, & nonnunquam extare judices æquiſatis amantes, ut Opiniones vulgi tanquam certas Veritatis regulas non revereantur. Multi ſunt qui apud ſe ipſos deſcendentes veritatem internam, ad cujus amuſſim cuncta ſunt exigenda, conſulant. Sed pauci ſunt qui illam ubique conſulant. Nulli verò illam veritatem internam eâ conſulunt attentione & fidelitate, quæ ad vera de cunctis & ſemper ferenda judicia requiruntur. Licet igitur quis ſupponeret opus aliquod eſſe omnis erroris aur defectûs immune, quod ſine immodicâ ſui opinione nemo de ſe ſperare poteſt, haud credam tamen quemquam reperiri poſſe qui in illo opere omnia approbaret; præcipuè ſi iſtud opus ipſius præjudiciis adverſaretur. Quî enim fieri poteſt ut judex perpetuis injuriis a reo irritatus & laceſſitus, æquum de ipſo in omnibus poſſit ferre judicium? aut quî fieri poteſt ut ſedulò, totiſque incumbat viribus ad ejus expendenda argumenta quæ primo intuitu paradoxa inepta aut paralogiſmi ridiculi ipſi videntur.

Verum etſi multa in aliquo Libro arrideant, ſi forte quædam etiam ingrata occurrant, tum Lector eorum quæ primò allubuerunt immemor ad ea duntaxat quæ diſplicuerunt animum advertere ſolet. Innumeræ ſunt cauſæ quibus ad ea quæ minùs placent damnanda a philauriâ impellimur; ac ratio hiſce cauſis tum planè aſſentitur; errorem enim impugnare & veritati patrocinari arbitrantur qui ſua defendunt præjudicia, eòſque damnant qui iſtis præjudiciis adverſantur. Itaque vel æquillimi librorum præjudicia impugnantium judices generalia ut plurimum de iis, nec multum ſcriptoribus honorifica ferunt judicia. Forſan dicent aliquid boni eſſe in ejuſcemodi opere, Authoremque in quædam præjudicatas opiniones

niones meritò invehì; At illum damnare, temeritatísque in quibusdam insimulare non dubitabunt, atque iudicum instar graviter & imperiosè decident ipsum in his aut illis locis res æquo strictius urgere. Quandiu enim Author in eas insurgit opiniones quibus lector non est præoccupatus, quicquid dicit author ille ad rationis normam satis quidem eatenus exactum videtur. Sed idem ultra legem opus tendere semper videbitur, cum præjudicia quibus lector mordicus adhærescit aggredietur.

Cum autem non eadem sint omnium præjudicia, si varia quæ de rebus iisdem feruntur iudicia quis accuratè colligeret, is juxta varia istæc iudicia, nihil boni & simul nihil mali esse in ejusmodi libris sæpissimè deprehenderet. Nihil esset boni quia nullum est præjudicium quod non probet aliquis: Nihil etiam esset mali, nullum enim quoque est præjudicium quod quis non respuat. Iudicia igitur illa quæ de his libris formari solent ad æquitatem ita, si Deo placet, accedunt, ut si quis iis ad opus emendandum uti vellet, vel omnia ipsi necessariò essent tollenda, ne quicquam relinqueret quod damneretur, vel omnia relinquenda, ne quid ab eo tolleretur, quod probaretur. Adeo ut inter hæc omnia undique iudicia fausta & contraria anxius hæreat miser omnis Author qui neminem vult lædere, ac nisi animo statuat se se obfirmare, & propriarum sententiarum tenacior audire, ipsum sibi singulis contradicere momenti necesse sit, toridémque varias induere formas, quot sunt in magno populo capita.

Interea tamen tempore cuncta in lucem edente, unusquisque pro meritis habetur, atque paulatim invalescit veritas quæ primâ fronte spectrum quoddam ridiculum videtur. Homines, oculis semel apertis, ipsam attentè considerant, ipsiusque pulchritudinis agnitæ desiderio tenentur. Ac fieri potest, ut qui Authorem damnat circa opinionem quandam quam ipse non probat, incidat casu fortuito in hominem qui eandem illam probet opinionem cui adversatur, quique vice versâ damnet alias opiniones quas ille ut indubitatas tenet. Uterque secundum mentem suam loquitur, ac uterque sibi invicem contradicit. Proprias tum rationes cum rationibus ab altero allatis confert, & expendit. Deinde lites moventur, mens attentius applicatur, hæret ambigua, nec tam præceps est ad iudicandum de iis quæ non fuerunt examinata; quòd si quis a sententiâ desistat, & agnoscat Authoris sententiam fuisse opinione rectiorem, tum in pectore excitatur occulta quædam propensio quâ quæ de illo prius malè fuerunt

runt cogitata & pronunciata in laudes sæpe convertuntur. Sic ergo qui se veritatis vindicem strenuum gerit, licet plerosque offendant, aut iis saltem risum moveat, non ideo desperare debet quin veritas quam defendit de validissimis hominum præjudiciis victoriam aliquando tandem reportatura sit. Istud enim intercedit discrimen inter bonos & malos Libros, inter eos qui mentem illuminant & eos qui sensibus & imaginationi arident, quòd hi primà fronte videantur lepidi & jucundissimi quidem, sed tempore veluti flaccescant, illi nescio quid duri & asperi præ se ferant, quod primò mentem terret, eique negotium facessit, sed mens iis temporis successu degustatis, attentè perlectis & præponderatis assuefiat; Ex temporis enim successione totum vulgò pendet rerum pretium.

Libris quidem ad evertenda præjudicia scriptis plus opus est temporis ad eum quem sperant Authores ferendum fructum, quàm aliis libris, quippe qui per vias nondum tritas ducant. Cùm enim spes & opinio, quas de authoribus istorum librorum concipiunt nonnulli, eos ut plurimum fallat, pauci sunt qui illos legant, pauciores adhuc qui illos probent; omnes penè ipsos damnant, legerint necne. Et quamvis exploratum habeatur vias maximè tritas ad metam propositam non ducere; si quis tamen novam & vestigiis carentem ingrediatur, tanto horrore in ipso aditu corripitur, ut eam ulteriùs insistere non audeat. Oculos sursum non dignantur attollere ut rectà incedant; Solo defixi lumina præeuntes cæcè sequuntur; juvat ire cum multis comitibus; inde percipitur solatium; Incogitantes procedunt, quò pergant nescii, imo non rarò quò tendant obliti.

Homines ad id sunt constituti ut societatem inter se ineant: sed ut illa foveatur societas non sufficit ipsos eodem uti idiomate, ipsos præterea idem loqui, & idem sentire necesse est. Vitam juxta opinionem instituunt oportet, quemadmodum actiones ex alieno dirigunt exemplo. Omnia commodè, jucundè & tutè ad corporis nostri bonum Fortunæque stabilimentum cogitamus, dum in aliorum sententias descendimus, ac nos per habitum externum impressionemque sensibilem imaginationis eorum qui loquuntur persuaderi sinimus. Sed ingens labor est exantlandus, fortunæque in certum adducitur discrimen, dum quis internæ veritati duntaxat auscultare, omniâque sensuum præjudicia, omnesque opiniones sine examine præconcepas, cane pejus & angue fugere decernit.

Toto igitur errant cælo ii librorum præjudicia impugnantium scriptores, si se his aliorum gratiam captaturos sperent. Si ipsorum lucu-

lucubrationes scopum attigerint, ipsorum operibus forsan, postquam ipsi fuerint humati, pauci inter Doctos luculenta perhibebunt testimonia, sed per vitae curriculum certè nihil aliud sperare debent, præter contemptum plerorumque; immo ab iis etiam qui sapientissimi & moderatissimi audiunt calumniis & maledicentiis proscinduntur.

Ac revera tot tamque validis pellimur rationibus ad eodem agendum modo quo ii quibuscum degimus agere solent, ut sæpe non injurià ii habeantur morosi & fanatici qui aliorum exemplo sese conformare detrectant, & quia vulgus non satis distinguit quid sit discriminis inter agere & sentire, inter mores & opiniones, hinc fit ut iniquo serar animo quosdam esse qui in præjudicia insurgant. Nempe autumant plerique, ut observentur societatis civilis leges, non sufficere si quis sese externè opinioni & ritibus receptis conformer; Assèrunt præterea illum esse temerarium qui ad trutinam expendit opiniones vulgares, illum charitatis vinculum rumpere qui veritatem consulit, quia societates civiles non tam veritate quam opinione & consuetudine connectuntur.

Aristoteles in Academiis seu Universitatibus viget, pro normâ veritatis habetur; tanquam errare nescius laudatur, quod ait negare hæresis est Philosophica; uno verbo sub Genii naturæ titulo colitur; dum tamen ipsius Physicæ peritissimi nullius rei rationem reddere possunt, immò fortè nil quicquam certi tenent. Et plerique studiosi postquam Philosophiæ cursum emensi sunt, quid a suis Magistris didicerint coram viris cordatis non audent proferre. Atque ex eo solo forsan quisque attentus faciliè intelliget quid de hujusmodi studiis censendum sit. Non enim admodum solida videtur illa doctrina cujus te oblivisci oportet si sapiens velis fieri: Temeritatis tamen insimularetur qui rationum quibus tam insolenti agendi rationi patrocinantur nonnulli falsitatem ostendere vellet; magnasque procul dubio cum iis exerceret inimicitias quibus emolumento est ejusmodi agendi ratio, si ita solerti esset ingenio ut publicum dispelleret errorem.

Nonne manifestum est ex cognitis ad incognita esse procedendum? Certè is Gallum irrideret qui ipsi traderet Grammaticam versibus Germanicis conscriptam ut Germanicam linguam disceret. Versus tamen Latini Despauterii pueris traduntur ut linguam Latinam edoceantur. Versus omnimodè obscuri traduntur pueris qui res omnium facillimas vix possunt capere. Ratio & experientia adversus hunc morem manifestò pugnant, pueri multum consumunt

temporis ad linguam Latinam perperam satis discendam. Qui tamen hunc morem audet culpae temerarius audit. Rideret eum omnis Sinenfis; hic verò ubi vivimus non possunt quin eum probeant vel sapientissimi & doctissimi.

Si opiniones adeo falsæ & crassæ, ritusque tam absurdi, quorum tamen tantum est momentum, innumeros nanciscantur propugnatores, qui fieri posset ut assensus daretur rationibus quæ impugnant præjudicia merè theoretica? Attentio levissima sufficit ut percipiamus institutionem quâ pueri solent informari multis laborare vitiis, id tamen quantumvis clarum a multis non agnoscitur. Opinio & consuetudo rationem & experientiam vincunt. Quis igitur posset sibi persuadere Libros in quibus multa profligantur præjudicia non damnatum iri in multis, ab iis etiam qui habentur eruditissimi & sapientissimi?

Animadvertendum est eos apud homines haberi peritissimos & eruditissimos qui plures legerunt libros tum bonos, tum malos, qui memoriâ felici, imaginatione vividâ & vastâ præ cæteris præditi sunt. Illi autem homines de rebus ut plurimum præcipientes judicant nullo admissio examine. Memoriam consulunt, ac in eâ protinus legem aut præjudicium reperiunt ex quo deinde raptim decidunt. Cum cæteris se anteponant ad ea quæ legunt parum attendunt. Unde fit ut non rarò contingat fœminas & pueros falsitatem quorundam præjudiciorum consuatorum agnoscant, quia non audent judicare nisi rem prius expenderint, & quantum possunt attentionem præbent iis quæ legunt: Docti verò contra opinionibus suis mordicus adhærescunt, quia opiniones aliorum examinare non dignantur, si iis quæ prius cogitaverunt adversentur.

Qui verò pompam mundanam sectantur, ac apud Magnates vivunt, a tot rebus dependent ut sese colligere, eamque præbere vix possint attentionem quæ necessaria est ad discernendum verum a verisimili. Sunt tamen quædam præjudicia quibus non valde adhærent; Qui enim mundo omnino addictus est, nec vero nec verisimili adhærescit. Cum apparens modestia, ut & urbanitas & externa moderatio sint virtutes omnibus spectatissimæ, & omnino necessariæ ad fovendam inter homines ingenti supercilio & ambitione tumentes societatem, hinc fit ut ii urbani homines virturi & laudi ducant nihil asseverare, nihilque indubitatum credere. Apud ejusmodi homines in usu fuit & semper erit omnia
ut

ut incerta spectare, atque de sanctissimis etiam veritatibus libere & audacter loqui, ut nullius placiti tenaciores videantur. Cum enim isti homines de quibus sermo est de fortunâ suâ duntaxat sint solliciti, nullus affectus commodior rationisque concinnior ipsis videtur quàm qui more apud optimates recepto nititur. Cum itaque Authores præjudicia impugnantes ex alterâ parte hominum illorum superbiæ atque pigritiæ blandiantur, ab iis æquo excipiuntur animo : At verò si quid satagant asseverare ut certum, veritatemque Religionis & Ethicæ Christianæ adversus Antagonistas asserere, tum illos habent ut homines opinionibus suis præpeditos, ac veluti e Scyllâ in Carybdin incidentes.

Quæ jam a me dicta sunt, unicuique, ni fallor, patefacere possunt quid mihi respondendum esset variis judiciis variorum hominum adversus Librum DE INQUISITIONE VERITATIS ; ab applicatione itaque quam unusquisque nullo negotio, & utiliter facere potest supersedeo. Non me quidem latet omnes hanc applicationem non esse facturos ; Verùm iudex in meâ causâ viderer, si me totis viribus defenderem. Jus igitur meum Lectoribus attentis qui genuini sunt librorum iudices transmittito ; & eos obtestor ut precis illius recordentur quâ ipsos jam in Præfatione istius libri & alibi compellavi. *Ne, scilicet, de opinionibus meis judicent nisi ex responsis claris & distinctis quæ ab unico hominum Magistro attentione seriâ interrogato accipient.* Si enim consulant præjudicia ut leges quæ quid circa Librum DE VERITATIS INQUISITIONE sentiendum sit decidunt, fateor istum Librum esse pessimum, quippe qui ad id de industriâ compositus sit ut legum istarum falsitatem & injustitiam demonstraret.



A D

LECTOREM

ADMONITIO.

CUM hic subiectæ Illustrationes eo consilio fuerint additæ ut nonnullorum desiderio fieret satis, qui specialiore a me quarundam ingentis momenti veritatum expositionem optaverunt, monitos velim Lectores, infra dicenda clarè intelligi non posse, nisi prius nota sint aliquatenus Dogmata in Libro De Inquisitione veritatis exposita. Frustra itaque quis ad eas animadversiones legendas sese accingeret, nisi prius totum opus cui elucidando destinatæ sunt aliquâ cum attentione legerit. Secunda tantum lectione examinandæ erunt, ut margo eas consulendas indicabit. Hæc tamen admonitio Viris ingenio perspicaci præditis non omnino necessaria est, eo enim modo scribere conatus sum, ut istæ Illustrationes legi possent quasi nullam haberent ad Opus propter quod compositæ fuerunt relationem. Scio equidem nihil esse cui homines minùs conferant operæ quàm veritati. Vix a se possunt obtinere ut locos alicujus libri inter se connexos mutuâ collatione perlustrent. Libros plerumque continuatâ serie perlegunt, ac ea tantum retinent quæ negligenter legendo possunt retineri. Ut itaque huic ingenii dispositioni mimet adtemperarem in id præsertim studui ut hæcæ observationes intelligendas præstarem iis etiam quibus loci qui in Libro de Inquisitione Veritatis, ad eas observationes referuntur memoriâ excidissent. Eos tamen precor quibus arduum nimis videbitur accuratum examen istarum explicationum, ne eas damnent propter consequentias falsas & absurdas quæ ab iis non bene intellectis possent deduci. Id sanè non sine causâ postulo, præter quàm quòd enim a Lectoribus qui iudices mei sunt jure possum exigere ne me inauditum damnent, suppetunt mihi aliæ causæ quas huc afferre non est necessarium.

I L



ILLUSTRATIONES
S E U
EXPLICATIONES
A D L I B R U M
D E
INQUISITIONE
VERITATIS.

PRIMA EXPLICATIO

ad Caput primum primi Libri.

Deus efficit quicquid realis est in motibus mentis, & in determinationibus horumce motuum, nec tamen est Author peccati.

Efficit quicquid realis est in motibus concupiscentiæ, nec tamen est Author concupiscentiæ nostræ.



NONNULLI sunt qui existiment comparationem inter spiritum & materiam in superioribus institutam a me non satis urgeri & citius æquo relinqui, quippe qui arbitrentur spiritum non majori vi pollere quam materiam ad determinandam impressionem sibi a Deo datam. Optant igitur, ut explicem, si potis sum, quid Deus agat in nobis, quid item nosmet ipsi agamus dum peccamus. Ex eorum enim iudicio, ad alterutrum horum confitendum in meâ explicatione adigar.

Malebrancii de Inquisi. Veris. Tom.II.

C c scilicet

scilicet, aut hominem posse sibi novam aliquam dare modificationem, aut Deum esse revera Auctorem peccati.

Illis verò respondeo Fidem, rationem ac sensum internum quem de meipso habeo me ad id adigere ut a comparatione meâ eo loco desistam quo ab eâ destiti; omnigenis enim argumentis exploratum habeo me habere in meipso principium quoddam determinationum mearum: nec infirmioribus fretus argumentis existimo materiam ejusmodi principio carere. Id infra probabitur. Sed ecce jam id quod Deus efficit in nobis, quodque nosmetipsi facimus, dum peccamus.

Primo Deus perpetuò nos impellit, idque impressione invictâ versùs bonum in genere. Secundo, nobis repræsentat ideam boni alicujus specialis, aut ipsius sensum in nobis excitat. Denique nos fert ad id bonum speciale.

Deus, inquam, nos indefinenter impellit versùs bonum in genere. Deus enim nos fecit & nos conservat propter se ipsum; omnia quæ bona sunt vult a nobis amari; Primus aut potius unicus est motor. Quid moror? Id ex innumeris a me antea prædictis patet; idque apud eos quibuscum res mihi nunc est, inconfesso est.

Præterea; Deus nobis repræsentat ideam boni alicujus specialis, aut ipsius sensum in nobis excitat. Ipse enim solus nos illuminat; & corpora quæ nos ambiunt non possunt agere in mentem nostram. Uno verbo, nobismetipsis nostrum non sumus lumen, nostraque felicitas. Id in tertio libro & alibi fuscè a me probatum fuit.

Denique; Deus nos fert versùs bonum illud speciale; Cum enim Deus nos ferat versùs omnia bona, hinc necessario sequitur ipsum nos ferre versùs bona specialia, cum illorum ideam aut sensum menti nostræ imprimit. Illud omne est quod Deus efficit in nobis dum peccamus.

Sed cum bonum speciale non omnia in se includat bona, mensque dum illud bonum speciale visu claro & distincto contuetur non possit imaginari omnia bona in illo includi; Deus nos necessario & invictè non fert ad amorem istius boni. Sentimus in nobis libertatem ibi subsistendi aut ulteriùs progrediendi, immo sentimus adhuc nos habere motum quo ulteriùs progredi possimus: uno verbo, impressionem quam habemus versùs bonum universale, vel, ut cum vulgo loquar, voluntatem nostram nulla vi ad id cogi ut huic speciali bono insistat.

Videamus igitur quid faciat peccator; subsistit; conquiescit; Deum non sequitur, nil agit, peccatum enim nihil est. Pro comperto habet præcipuam legem quam observare tenetur, in eo consistere, ut libertate suâ utatur, quantum quidem potest, nec cuiquam bono adhæreat nisi intus apud se vincatur se adversus ordinem in rerum naturâ institutum peccaturum si illi bono adhærere recuset. Si hanc legem per lumen rationis non percipiat, illam saltem ex internis conscientie exprobrationibus ediscit. Impressionem igitur quam versùs bonum universale

facit

sale accipit sequi, & ad alia bona ab eo quo potitur, & quo ipsum duntaxat uti oporteret, cogitationes suas ferre deberet. Quippe dum de aliis bonis ab eo quo potitur diversis cogitabit, tum poterit producere in se novas determinaciones amoris sui & usum libertatis admittere. Jam autem probò ipsum impressione sibi a Deo datà versùs bonum in genere, posse cogitare de aliis bonis ab eo quo potitur differentibus. In eo enim præcipuè consistit difficultatis nodus.

Hæc est lex naturæ, nempe, ideas rerum objectarum offerri menti nostræ quotiescunque de iis volumus cogitare, dummodo capacitas quam habemus cogitandi, non occupetur sensationibus vividis & confusis eorum occasione quæ in corpore nostro aguntur natis. Jam verò possumus *velle* cogitare de omnibus; quia impressio naturalis quæ nos fert versùs bonum extenditur ad ea omnia de quibus cogitare possumus; atqui possumus omni tempore *cogitare* de omnibus, quia illi conjungimur qui in se includit ideas rerum omnium ut suprà probavi. *

* Vide supra c. 6. part. 1. l. 3. & ejus explicationem in sequentibus.

Si igitur constat nos posse *velle* cominus contemplari ea quæ jam videmus veluti eminus, quoniam Enti universali conjungimur; ac si consisteret juxta leges naturæ ideas rerum ad nos accedere seu nobis observari statim atque id volumus. Hinc colligere est;

Primò, *Nos habere principium determinationum nostrarum.* Námque præsentia actualis idearum specialium ea est quæ determinat præcisè versùs bonum in genere, quæque hoc pacto amorem nostrum naturalem in amores liberos convertit. Assensus noster seu conquiescentia, ut ita dicam, in contemplatione boni alicujus specialis, nihil est realis aut positivi respectu nostri, ut infrà sum explicaturus.

Secundò, *Illud principium determinationum nostrarum semper esse liberum respectu bonorum specialium.* Ad ea enim amanda modo insuperabili non scrimus; cum ea in se ipsis examinare, ac cum ideâ quam de summo bono habemus, aut cum aliis bonis specialibus conferre possimus. Itaque principium libertatis nostræ in eo consistit quòd cum facti simus propter Deum & cum ipso conjuncti simus, ad verum bonum aut ad alia bona ab iis de quibus actu cogitamus diversa cogitationes nostras ferre semper possimus; quòdque nostrum semper liceat consensum cohibere, atque seriò expendere an illud quo fruimur bonum sit an non sit verum bonum.

Suppono tamen nostras sensationes non occupare capacitatem mentis nostræ. Ut enim liberi simus libertate de quâ sermo est, necesse est non modò ut Deus nos non impellat motu insuperabili versùs bona specialia, sed præterea ut possimus uti impressione quam habemus versùs bonum in genere, ad aliud amandum quàm quod actu amamus. Jam autem cum non alia possimus amare quàm ea de quibus possumus cogitare, nec queamus actu cogitare de aliis quàm de iis quæ in nobis excitant sensationes vividiores; hinc manifestò patet nostram cum corpore conjunctionem & ipsius imperium in nos libertatem nostram

minuere, ac non raro omnino impedire quominus illâ uti queamus. Cum itaque sensationes nostræ ideas nostras deleant, & conjunctio quæ nobis est cum corpore, quæ facit ut nihil videamus præter nos ipsos, eam extenuet conjunctionem quam cum Deo habemus, quæ facit ut omnia nobis sint præsentia; Cum, inquam, hæc ita sint, mens non debet sinere se distringi sensationibus consulis, si principium determinationum suarum perfectè liberum conservare velit.

Ex his omnibus evidenter liquet Deum non esse Authorem peccati, hominēque novas non sibi dare modificationes, Deus non est author peccati, cum peccanti, sive illi qui in bono aliquo speciali subsistit, imprimat perpetuū motum quo possit ulterius progredi, det ipsi facultatem cogitandi de aliis rebus, & sese ferendi versus alia bona quàm versus bonum quod actu ipsius cogitationi obversatur, quodque amore complectitur; ipsi præscribat ne illud amet a cujus amore potest abstinere sine ullis conscientiæ morsibus; ac ipsum internis propriæ rationis objurgationibus ad se indefinenter revocet.

Verum quidem est aliquo sensu Deum ferre peccatorem ad eam rem amandam quæ ipsi peccandi occasionem præbet, si res illa sub boni specie appareat peccatori: Nam ut ajunt plerique Theologi, quicquid positivi, actualis, ac motus est in peccato, a Deo est. Sed falso tantum mentis nostræ judicio bonæ nobis videntur res creatæ, hoc est pollentes facultate agendi in nobis atque nos reddendi felices. Peccatum hominis cujuspiam in eo consistit quod non referat omnia bona specialia ad summum, aut potius in eo quod non consideret seu non amet summum bonum in specialibus, atque sic * non dirigat amorem suum juxta voluntatem Dei aut secundum ordinem essentialem & necessarium, cujus homines cognitionem habent eò perfectiorem, quod arctius cum Deo conjunguntur, & quod impressiones sensuum & affectuum vividas minus sentiant. Namque sensus nostri mentem per corpus dissipant ac veluti diffundunt, ac affectus eam quasi transferentes in corpora circumjacentia nos remouent a lumine Dei quod nobis affulget & affunditur.

Homo quoque novas non sibi dat modificationes quæ ipsius substantiam modificent, aut physice murent. Motus enim amoris quem Deus indefinenter in nobis imprimi, nec augetur nec minuitur, quamvis actu amemus aut non amemus; Hoc est, quamvis naturalis ille motus amoris sit determinatus aut non determinatus per aliquam specialem mentis nostræ ideam. Ne motus ille quidem cessat per acquiescentiam, (sit verbo venia) in possessione boni, ut motus corporum cessat per quietem. Verisimile est Deum nos semper ad se aequè vi impellere, nos enim impellit versus bonum in genere, quantum quidem ad eum motum sumus idonei, jam ad illum semper sumus æquè idonei omni tempore, quia voluntas nostra aut capacitas naturalis volendi semper æqualis est sibi ipsi. Itaque impressio aut motus naturalis quo-

versus

* Vid. Illustrationem in cap. 3. part. 1. lib. 6. sub finem, ubi mentem distinctè aperio.

versus bonum ferimur nunquam augetur nec minuitur.

Fateor quidem nos non habere ideam claram aut sensum internum istius æqualitatis impressionis aut motus naturalis versus bonum. Sed id ex eo est quod nos ipsos non cognoscimus per *ideam*, ut * alibi probatum est, quodque non sentiamus facultates nostras, quum non agunt actu. Non sentimus in nobis quod naturale, ordinarium, & semper idem est, quemadmodum non sentimus calorem & pulsationem cordis nostri. Nostros ne quidem sentimus habitus, nec an amare an irâ Dei digni simus. In nobis fortè sunt innumeræ facultates nobis penitus ignotæ.

* Vide cap. 7. part. 2. lib. 3. & ejus explicationem in seq. Nemo scis utrum amore vel odio dignus sit. Eccl. IV. 1.

Quicquid enim sumus nos id sensu interno non percipimus, sed id tantum quod sentimus actu. Si nullum unquam dolorem sensitsemus nullæque bona specialia appetivissemus, non possemus sensu interno quem de nobismet ipsis habemus comperire an apti essemus ad sentiendum dolorem aut ad volenda talia bona, nec ne. Memoria nostra non verò sensus internus nos docet nos esse capaces sentiendi id quod non amplius sentimus, nosque posse agitari affectibus quorum nullus amplius in nobis superest motus. Nihil itaque est quod impediatur quominus credamus Deum nos semper impellere versus se vi æquali, quamvis modo valde differenti; ipsūque semper conservare in mente nostrâ æqualem aptitudinem ad volendum, aut eandem voluntatem, sicut in materiâ æqualem motus quantitatem semper conservat. Sed dato non concesso rem non sic se habere, haud putem quemquam dicere posse amissionem aut diminutionem motus naturalis mentis nostræ pendere a nobis, cum non possimus esse causa extensionis voluntatis nostræ, nec a nobis pendeat velle felicitate frui.

Ex suprâdictis insuper constat Deum etiam conservare in nobis quidquid est realis & positivi in determinationibus specialibus motus mentis nostræ, nempe ideas & sensationes nostras. Illud enim est quod determinat versus bona specialia motum nostrum ad bonum in genere; sed modo non insuperabili, cum nobis sit motus quo possimus ulterius progredi. Illud igitur est quod facimus dum peccamus; nempe; id omne non facimus quod possumus facere propter impressionem quam habemus versus illum qui omnia includit bona; quæ impressio nobis hancce suppeditat potentiam; nihil enim possumus nisi per potentiam quam accipimus ex nostrâ cum illo qui omnia facit in omnibus conjunctione. Atque mihi sit evidens nos nullum unquam speciale bonum amare posse nisi felices esse desideraremus, vel si nullam experiremur versus bonum in genere impressionem. Causa autem præcipua cur peccemus in eo versatur quod cum malimus potiri rebus quam eas examinare, quia magnam in potiundo voluptatem, ingentem verò in examinando experiri laborem; definimus uti motu nobis dato ad querendum bonum, illudque examinandum, & in frustione rerum quibus uti duntaxat de-

beremus, subsistimus. Sed qui ad rem animum seriò advertent facili negotio agnoscent in eo nihil esse realis a parte nostrà nisi quòd ab inquirendo desistimus, quæ cessatio inquisitionis corrumpit, ut ita dicam, actionem Dei in nobis, sed quæ tamen illam non potest destruerè. Quid igitur agimus quum non peccemus? Jam illud omne agimus quod Deus efficit in nobis; dum verò peccamus quid agimus? Nihil prorsus; falsum quoddam amamus bonum quod amare Deus non nos cogit invictà impressione. Verum bonum quærere desinimus, inutilémque reddimus eum motum quem in nobis Deus imprimit; Nos sistimus tantum, ac requiescimus; id fit actu quodam procul dubio, sed actu immanenti qui nihil physicum in nostrà producit substantià, actu qui ne ullum quidem in eo casu physicum in nos effectum, non ideas, non sensationes novas a verà exigit causà; hoc est, uno verbo, actu qui nihil operatur, neque ad quicquam operandum generalem adigit causam, quatenus generalem, sive seposità ipsius iustitià; nullam enim vim, nullam efficaciam physicam habet animæ uti nec corporum quies. Jam autem quum bonum aliquod speciale unice aut contra ordinem amamus, a Deo æqualem accipimus impressionem amoris ac si in hoc bono non subsisteremus. Præterea determinatio illa quæ nec est necessaria nec insuperabilis, a Deo etiam nobis data est. Ergo quum peccamus novam in nobis non producimus modificationem.

Fateor tamen nos, dum non peccamus, & dum resistimus tentationi, dici posse aliquo sensu nobis dare novam modificationem, quia nunc & liberè volumus cogitare de aliis bonis quàm de falsis illis bonis quæ nos tentant, non verò in eorum fruitione acquiescere. Verum id duntaxat volumus quia felices esse cupimus, idque produciunt per actionem quam Deus nobis indit, hoc est, per motum versùs bonum in genere, aut per voluntatem nostram auxilio gratiæ adjutam, hoc est lumine illuminatam, & delectatione præveniente impulsam. Etenim, si autemet quis diversas res velle idem esse ac sibi varias impertire modificationes, aut varios nostros consensus, quos pro liberis habeo inquisitionis & examinis cessationibus, physicas esse realitates, faveor equidem eo sensu mentem sese variè modificare posse per actionem aut felicitatis desiderium sibi a Deo impressum, ipsique eo unique sensu * veram inesse potentiam: Ast non major mihi videtur esse realitas in eo quum bono præbemus consensu, quàm in eo qui malo præbetur; qui ex vero sequitur iudicio ille mihi rectus videtur consensus, qui a falso pendet inordinatus; atque me iudice a rebus objectis unice deducitur consensus nostrorum moralitas: Quies mentis in Deo iusta est, ipse enim est verum bonum, vera felicitatis causa; Inordinata verò est eadem illa in rebus creatis quies, quia nulla res creata vera est felicitatis causa. Verum non video nostras quietes, si fas sit ita loqui, si sint rectæ siue inordinatæ, quæque nos vel iustos vel culpandos efficiunt, substantiam mentis nostræ per se physicè mutare. Imo id mihi contra-

* Vide
Vol. II.
meorum
ad D. Ar-
naldum
Responso-
rum pag.
411. & seq.

dictorum videtur, ac proinde ne Deum quidem posse veram rebus a se creatis potentiam impertire, easve ullius physicae realitatis causas statuere; Certe enim mihi videtur nihil esse conservationem præter continuatam creationem, siquidem eadem est voluntas quæ velle pergit id quod voluit; atque ea est vulgaris Theologorum sententia; Existit, verbi gratia, corpus aliquod, quia Deus illud esse vult, idque vult vel hic vel alibi, ipsum enim nulli creare non potest. Si verò illud hic creet, quis concipiat ullam rem creatam posse illud hinc tollere, atque aliò transfere, nisi simul Deus velit illud alibi creare, ad aliquid de sua potentia rei a se creatæ impertendum eo sensu quo ejus est capax? Sed cum etiam poneretur rem esse possibilem, aut nullam includere metaphysicam contradictionem, id enim solum Deo est impossibile quoniam rationis aut Religionis dogmate exhiberi possunt res creatæ minus a Deo pendentes? Verum alibi de fictitiis causarum secundarum efficacis loquar *; Huc unde digressus sum redeo.

* Vid. Illustrationem circa hoc argumentum, a quo sepe sumus de Metaphysicâ colloquimus.

Dico igitur actionem illam aut potius impressionem sive hanc nobis omnibus innatam felicitatis cupiditatem pendere a nobis, nec esse insuperabilem respectu bonorum specialium. Namque, cum bonum aliquod speciale nobis offertur, sensum habemus internum, seu conscientiam nostræ libertatis ipsius respectu, ut conscientiam sumus voluptatis nostræ, & doloris nostri, cum alterutro afficimur. Eadem ratione nostræ, convincimur libertatis, quâ convincimur existentia nostræ, sensu enim interno sive cogitationum nostrarum conscientia quæ in nobis est, nos existere docemur. Ac si eo tempore quo libertatem nostram sentimus respectu boni alicujus specialis, dubitare debemus nos esse liberos, quia libertatis nostræ ideam non habemus claram; certe etiam pari ratione nos dubitare oportebit de dolore nostro, ac de existentia nostrâ eo ipso tempore quo infelicis sumus, cum nec mentis nostræ, nec doloris ideam habeamus claram, sed internum duntaxat sentium.

De sensu interno res secus se habet ac de sensibus nostris externis. Hi semper in aliquâ re nos decipiunt ubi eorum testimonium sequimur, ille verò nunquam. Per nos sensus externos video colores in superficie corporum, sonum audio in aëre, dolorem sentio in manu meâ; & in erranti incido, si de his rebus ex sensuum testimonio iudicem. Sed per sensum internum video colorem, audio sonum, patior dolorem; nec fallor credendo me videre dum video, me audire dum audio, ac pati dum patior; dummodo ibi subsistam. Hæc futius non explico, quippe eæ per se clara sint. Cum igitur sensum habeamus internum libertatis nostræ eo tempore quo bonum aliquod speciale se sentienti nostræ objicit; nullo modo dubitare debemus quin liberi simus respectu illius boni. Quia tamen illum sensum internum sive conscientiam sentiri non habemus, & quia quandoque id duntaxat consilium quod de illo nobis superest in memoria modo per quam confusio possumus, inter cogitandum de rationibus abstractis, quæ nos a sensu nostrâ

stri arcent, nobis persuadere fieri non posse ut homo sit liber. Quemadmodum Stoicus cui nihil deest ad vitam commodè vivendam, quique tranquillè philosophatur, potest imaginari dolorem non esse malum, quia sensus internus quem habet de se ipso, nullo actuali experimento ipsum contrariè convincit sententiæ. Potest probare post Senecam, rationibus quæ aliquo sensu sunt veritatis, contradictorium esse sapientem posse esse infelicem.

Nihilominus tamen si sensus internus quem de nobismetipsis habemus non sufficeret ad evincendum nos esse liberos; id ipsa ratio nos posset edocere. Quippe cum convincamur lumine rationis Deum non agere nisi propter se, nec nobis posse ullum impertiri motum qui versùs illum non tendat, impressio quidem versùs bonum in genere potest esse invicta; Sed manifestum est impressionem quæ nos fert versùs bona specialia necessariò debere esse liberam. Nam si illa impressio esset insuperabilis, non amplius haberemus motum quo possemus tendere versùs ipsum, cum tamen motum nobis duntaxat impertiatur propter se; ac in bonis specialibus subsistere & quiescere cogemur, quamvis Deus, ordo, & ratio id prohibeant. Adeo ut nostrà culpà non peccaremus, & Deus verè esset causa aberrationum nostrarum, quippe quæ non forent libere, sed merè naturales.

Itaque licet libertatis nostræ non convinceremur per sensum internum quem de nobis habemus, possemus tamen ex ratione edificare necesse esse ut homo creatus sit liber; posito quòd possit appetere bona specialia, nec possit appetere illa bona nisi per impressionem aut motum quem Deus ipsi indelenter impertitur ad ipsum amandum; quod etiam ratione probari potest. Verùm res eodem modo non se habet de capacitate patiendi aliquem dolorem. Ut quis comperiat an illum habeat capacitatem, nulla alia est ratio quàm sensus internus; nemo tamen est qui dubitet hominem esse obnoxium dolori.

Cum dico internum nobis esse libertatis nostræ sensum, affirmare mihi non est animus nobis esse sensum internum potentie alicujus quæ ad aliquid volendum absque ullo physico incitamento valeamus animum adicere, quam potentiam nonnulli vocant *puram indifferentiam*, manifestam mihi videtur hæc potentia includere contradictionem. Id facile satis intelligitur, si quæ modò dixi rectè accepta fuerint; liquet enim aliquo opus esse incitamento, liquet antè sentiendum esse, ut ita dicam, quàm consentiatur: Sæpe quidem de illo non cogitabamus incitamento quod nos ad agendum impulit, sed id ex eo fit quòd animum ad illud non advertamus, in rebus imprimis quæ non ita magni sunt momenti: Profectò in vel minimis nostris actionibus occultum semper adest & confusum aliquod incitamentum; imò id ipsum est quod nonnullis suspensionem injicit se non esse liberos, atque etiam ipsos ad id audacter affirmandum impellit, quia cum attentè se se contemplantur, occulta & confusa quibus ad volendum impelluntur incita-

menta

menta detegunt. *Atti* quidem fuerunt, ut ita dicam, hoc est impulsus fuerunt; verum etiam egerunt ex actu sui consensus, quem consensum non præbendi, quo tempore præbuerunt, potentiam habebant; atque hujus quidem potentie internus ipsis erat sensus quo momento eam usi sunt, eamque diffiteri non ausi fuissent si quis eo momento an eam sentirent interrogasset. Quum igitur dico internum nobis esse libertatis nostræ sensum qui fallax esse nequit, de *purâ* non loquor *indifferentiâ* quâ fieret ut ab actione Dei in nos, seu a physicis incitamentis quæ in nobis producit, & per quæ ad quicquid ipse vult volendum & liberè exequendum nos & novit & valet impellere, quadantenus non penderemus: Illam intelligo actualem potentiam quâ gaudemus nostrum scilicet cohibendi consensum respectu incitamentorum quæ nos ad eum præbendum sollicitant & urgent, nostrum, inquam, cohibendi consensum, cum ea incitamenta totam non implent, ut ita dicam, mentis capacitatem: Quam tamen potentiam non æqualem in omnibus esse fateor, neque in eodem homine diversis temporibus, quemadmodum * alibi exposui.

*In tertio sermone Tractatus de Natura & Gratia.

Possem insuper nostram probare libertatem ex horrendis consequentiis quas secum trahit illorum error qui eam diffidentur: Verum his non immoror. Facile quivis intelligit eo errore funditus everti omnes Religiones, totam Ethicam, omnemque denique sive Dei sive hominum justitiam: Quod fanè indubitatum est nostræ libertatis argumentum.

Cum mentem nostram per ideam claram non cognoscamus, † ut id † Lib. III. alibi a me expositum est, frustra conamur deprehendere id quod in nobis est quod terminat actionem quam Deus nobis imprimit, aut id quod in nobis est quod se vinci finit determinatione non insuperabili, quamque unusquisque potest mutare voluntate suâ vel impressione suâ versus illud omne quod bonum est, & conjunctione suâ cum illo qui omnium entium ideas includit. Etenim nullam habemus ideam claram ullius modificationis mentis nostræ. Solus sensus internus seu conscientia nos existentiam & essentiam nostram docet. Ille igitur sensus internus consulendus nobis est ut convincamur nos esse liberos. Circa id responsum nobis dat satis clarum sensus ille internus, cum aliquod bonum speciale possidendum actu nobis proponimus. Nemo est enim qui possit dubitare se modo insuperabili non ferri ad edendum aliquem fructum, aut ad vitandum dolorem aliquem levissimum. Verum si inconsulto sensu interno attendimus ad rationes abstractas, quæque nos amoveant a cogitatione nostrâ, tum fortè per illas abstractiones a nobismetipsis aberrantes obliviscemur quid simus: ac scientiam Dei & potestatem absolutam quâ in nos pollet cum libertate nostrâ conciliare volentes in errore incidemus qui omnia Religionis & Ethicæ dogmata funditus everit.

Vulgarissima, atque specie tenus validissima quæ adversus libertatem Malebrancii de Iniquis. Verit. Tom. II. D d movea-

moveatur difficultas hæc est. Conservatio, inquit, nihil aliud est in Deo quàm continuata creatio; nihil aliud est in Deo quàm eadem semper efficax voluntas. Cum itaque loquimur vel incedimus, quum cogitamus & volumus, tales nos creat Deus quales sumus, creat nos loquentes, incedentes, cogitantes, volentes. Si quis aliquam rem objectam percipit & degustat, Deus ipsum creat illam percipientem & degustantem; Si verò motui qui in ipso excitatur consentiat, atque in eâ re objectâ acquiescat, Deus ipsum creat in eâ re acquiescentem, ipsique immorantem; ipsum talem creat qualis est eo momento; in ipso illum creat consensum, qui ab homine non magis producitur quàm a corporibus motus quo transferuntur.

Respondeo Deum nos creare loquentes, incedentes, cogitantes, volentes; ipsum in nobis nostras producere perceptiones, nostras sensationes, nostros motus, ipsum denique id omne in nobis operari quod reale est aut physicum, uti suprâ explicui. Verum nego Deum nos creare consentientes, præcisè quatenus consentientes, aut in speciali aliquo bono vero vel apparenti acquiescentes. Deus nos duntaxat creat indefinenter potentes huic illive bono immorari. Id evidens est; cum enim nos semper creet felicitatem cupientes, cum nos indefinenter versùs bonum in genere, versùs bonum universum impellat; manifestum est ipsum non nos ita versùs hoc illudve bonum speciale impellere, ut in eo acquiescamus; Nos quidem impellit Deus versùs hoc illudve bonum sive ex legibus conjunctionis mentis cum corpore, sive aliter, concedo: Verum quòd Deus invictè ad illud nos impellat, quamdiu hocce bonum totum non implet innatum illud & invictum quo flagramus. boni universi desiderium, duo sunt quæ secum pugnant. Nos igitur creat Deus non præcisè quatenus consentientes aut consensum nostrum. cohibentes, sed quatenus gaudentes potentiâ ipsum præbendi aut cohibendi: Cum enim indefinenter nos creet Deus non volendi *potentiâ* gaudentes. Sed felicitatem cupientes, simulque finita sit nostra mens, certo nobis opus erat temporis spatio ad expendendum verumne an falsum esset hoc illudve speciale bonum, imo an nobis huic illive bono immorantibus quod nobis exhiberetur aut quod sentiremus ut verum bonum, sive ut actualis voluptatis causam, an, inquam, nobis huicce bono immorantibus illud bonum nobis non nociturum esset amissione: nimirum majoris alicujus boni.

Ex modò dictis sequitur 1°. nos versùs bonum in genere physicè *prædeterminari*, cum invictè cupiamus esse felices, atque felicitatis desiderium in sit nobis sine nobis.

2°. Nos etiam physicè versùs specialia bona eo sensu *prædeterminari* quòd versùs ea omnia impellamur quæ cognoscimus aut degustamus ut bona: Naturalis nentis motus versùs specialia bona nihil aliud est revera quàm sui versùs bonum in genere motus naturalis sequela. Omnis ergo,

ergo voluptas per se respectu voluntatis efficax est, eam enim movet & impellit, ut ita dicam, versùs rem objectam.

3°. Omnem voluptatem aut omne physicum incitamentum quamvis per se respectu voluntatis quam movet efficax, non tamen per se efficax esse respectu consensùs voluntatis, quoniam menti non eripit solidæ felicitatis desiderium, neque cohibendi consensùs potentiam; semper expendere valet an hæc illave voluptas consentiat cum summâ felicitate quam invictè cupit.

4°. Proinde gratiam * Jesu-Christi, prævenientem delectationem, ut * Fulsit ut per se respectu voluntatis quam excitat & movet efficacem, per se hæc diducuntur in 15 tamen non esse efficacem respectu consensùs voluntatis quæ potest ei non assentiri, quæque frequenter nimis ipsi resistit, sive quia mente diutius consensum suum cohibente definit spiritualis delectatio, sive quia incitamenta ipsi contraria indefinenter suppeditat concupiscentia. ex quatuor Epistolis quæ extant in Vol. II^a.

5°. Deum tamen eum esse qui in nobis per gratiam suam & voluntatem & actionem operatur; ipse enim est qui nostram inchoat conversionem: Ipsius gratiam necesse est nostram prævenire voluntatem, ea enim gratia antè, ut ita dicam, sentienda est quàm ei consentiatur. meorum ad D. Arnaldum responsorum. Deus itaque non cooperatur, uti volebant Pelagiani, operatur, nos cooperamur; ipse enim inchoat opus; ipse est sine quo nihil possumus, quique, propriè loquendo, ille est qui operatur. Dei gratia, ut ita dicam, voluntatem antecurrit, & cum ipsâ etiam concurrit, conconsensum actum producendo, sed activæ mentis facultati relinquendo ipsum producendi voluntatem quam movet: Tantòque splendidiùs elucescit Dei omnipotentia, quòd æquè feliciter utatur liberis causis ac necessariis, tum & ejus bonitas eo quòd, cùm nos liberè omnino agere sinat, sic per ejus gratiam merè gratuitam promissas mereamur mercedes quas iis justè rependere vult qui cum eâ gratiâ cooperantur. *His ergo modis, inquit D. Augustinus, quando Deus agit cum anima rationali, ut ei credat, neque enim credere potest quodlibet libero arbitrio, si nulla sit suasio vel vocatio cui credat; profectò & ipsum velle credere Deus operatur in homine, & in omnibus misericordia ejus prævenit nos: consentire autem vocationi Dei, vel ab eâ dissentire, sicut dixi, propria voluntatis est.* De spiritu & litterâ Cap. 34.

Porro unum adversùs suprâ dicta objici solet, quod, ut ut levissimum, negotium tamen multis facessere solet. Odium, inquiunt, adversùs Deum est actio in quâ nihil quicquam est boni. Ergo tota illa actio est peccatoris, Deus nullas in illâ partes agit. Ac ideo homo agit, ac sibi ipsi dat novas modificationes, actione quæ a Deo nequaquam manat. Id quidem certo sensu verum est, sed respondeo peccatores non odisse Deum nisi quia liberè & falsò judicant Deum esse malum: Bonum non potest odio haberi quatenus bonum. Deum itaque ode-runt ipso motu amoris quem Deus ipsis imprimit erga bonum. Jam autem judicant Deum non esse bonum quia libertatis suæ eum non ad-

mittunt usum quem deberent. Cùm evidentia plenâ & invictâ non convincantur Deum non esse bonum, non deberent illum existimare malum, nec proinde illum odisse.

Tria sunt distinguenda in odio; Sensus mentis, motus voluntatis & consensus huic motui præbitus. Sensus non potest esse malus, est enim modificatio mentis quæ in se nec bonum nec malum morale includit. Motus verò haud etiam est malus, quia non distinguitur a motu amoris. Malum enim quod est extra nos cùm nihil aliud sit quàm privatio boni, hinc patet manifestò fugere malum idem esse ac fugere privationem boni, hoc est tendere versùs bonum. Itaque quicquid reale & positivum est in ipso odio adversùs Deum nihil habet in se mali, formalis itaque peccati malitia non alibi occurrit quàm in consensu mentis falso judicio depravatæ; Atque peccator non potest odisse Deum nisi flagitioso & abominando usu actionis quâ Deus ipsum indefinenter fert ad amorem ipsius, nec ita potest eâ actione abuti quàm quia consensu sentit, & falsò judicat Deum non esse suum bonum, atque falsas expendere definit rationes quibus eò adducitur ut credat non creatorem sed res creatas causas esse ipsius felicitatis. In solâ denique malitiâ morali, sive in depravatione amoris peccatoris nullæ sunt Dei partes.

*Deus facit quicquid reale est in motibus concupiscentiæ,
nec tamen est Author concupiscentiæ nostræ.*

Cum difficultates quæ moveri solent circa Concupiscentiam multum habeant connexionis cum iis quas jam enucleavi; operæ pretium facturus videor si hîc demonstrarem Deum non esse Authorem concupiscentiæ, quamvis ipse efficiat quicquid reale est, ac ipse solus voluptates etiam sensibiles in nobis excitet.

Propter rationes a me quinto capite primi libri de *Inquisitione Veritatis* & alibi etiam allatas constare nî fallor debet hominem juxta leges naturales conjunctionis mentis cum corpore, etiam ante peccatum ad usum bonorum sensibilium voluptatibus prævenientibus impulsum fuisse; ac in ipsius mente certas quasdam cogitationes natas fuisse, quotiescûmque certa quædam vestigia efformabantur in præcipuâ parte ipsius cerebri. Jam autem leges illæ erant rectissimæ ob rationes supradicto capite memoratas. Hoc posito, cùm ante peccatum omnia ordine intermerato procederent, homo eâ necessariò pollebat potestate in corpus, ut pro lubitu impediret formationem illorum vestigiorum. Ordo enim postulat ut mens domineatur in corpus. Jam autem illud imperium quo mens hominis pollebat in ipso corpore consistebat præcisè in eo quòd juxta sua desideria variaque studia sistebat communicationem motuum qui in ipsius corpore excitabantur ope corporum ipsi adjacent-

Nec Explicatio relationem habet ad Cap. 1. Lib. 1. De Inquisitione Veritatis.

jacentium, in quæ voluntas potestatem immediatam & directam, ut in proprium corpus non habebat. Haud credo posse alium concipi modum quo homo impedire valeret quominus vestigia in suo formarentur cerebro. Voluntas itaque Dei, aut lex generalis naturæ, quæ est vera causa communicationis motuum, pendeat quandoque a voluntate Adami. Deus enim istius erat erga ipsum, ut ita dicam, indulgentiæ ut in ipsius corpore, aut saltem in præcipuâ istius corporis parte, cuicque mens immediatè conjungitur, novos sine ipsius consensu non produceret motus.

Talis erat naturæ institutio ante peccatum : Ordo justitiæ immutabilis ac Deus proinde cujus voluntas essentialis & necessaria semper ordini conformis est rem sic postulabant. Jam autem illâ voluntate semper eadem persistente, peccatum primi hominis evertit ordinem institutum; quia ordo non finit ut primus homo in peccatum lapsus absolutè dominetur in quicquam, haud æquum est peccatorem posse suspendere communicationem motuum, voluntatem Dei sese accommodare ipsius voluntati; ac in ipsius gratiam dari exceptiones in legibus conjunctionis mentis cum corpore. Unde fit ut homo sit obnoxius concupiscentiæ; mens ipsius a corpore pendeat; intra se ipsum sentiat voluptates inde liberatas ac motus involuntarios & rebelles per consequentiam legis æquissimæ quæ conjungit duas partes ex quibus constat.

Itaque *res formale* concupiscentiæ non secus ac *res formale* peccati nihil est reale. Nihil aliud est in homine quàm privatio potestatis quâ pollebat suspendendi communicationem motuum in quibusdam occasionibus. Non est admittenda in Deo voluntas positiva ad illam privationem producendam. Illa istius potestatis privatio in homine non est sequela ordinis, aut voluntatis immutabilis Dei, quæ semper ordini conformis est, semperque eadem permanet; est sequela peccati quod reddidit hominem indignum prærogativâ soli ipsius innocentie ac justitiæ debitâ. Dicendum itaque est Deum non esse causam concupiscentiæ, sed peccatum duntaxat, quo mentis cum corpore conjunctio in subjectionem mutata est.

Quod tamen positivi & realis est in affectibus & motibus concupiscentiæ, illud Deus efficit. Deus enim efficit quicquid exilit; sed illud non est malum. Lege generali naturæ, ac voluntate Dei res sensibiles excitant in corpore humano motus quosdam, ac motus illi excitant in mente quasdam sensationes utiles ad conservationem corporis aut ad præparationem speciei. Quis igitur audeat dicere isthæc in se non esse bona?

Scio equidem non deesse qui dicant peccatum esse causam nonnullarum voluptatum. Multi, inquam, id dicunt; Sed an concipiant necesse? Quis cogitet peccatum quod nihil est, posse actu aliquid producere? Quis potest concipere nihilum esse causam alicujus rei? Id tamen est quod vulgò dicitur. Sed qui id dicunt forsân ideò tantum

In Objecti
art. 7. Ex-
plicationis |
Cap. 7. Lib.
1. explicio
id quod hic
generaliter
dico de ja-
cturâ quam
fecit homo
potestatis
quam in
proprium
corpus ha-
bebat.

dicunt quòd ad dicta sua satis non attendant. Vel quia non audent se accingere ad explicationem quæ adversatur iis quæ a viris, majori cum gravitate & confidentiâ, quàm attentione & cognitione loquentibus acceperunt.

Peccatum est causa concupiscentiæ, sed non est causa voluptatis; Sicut Liberum Arbitrium est causa peccati, nec tamen est causa motus naturalis mentis. Voluptas mentis est bona, æquè ac ipsius motus aut amor; Nec quicquam est boni quod Deus non efficiat. Rebelio corporis, & malignitas voluptatis oriuntur a peccato. Sicut applicatio mentis ad bonum aliquod speciale aut quies in ipso est a peccatore. Sed illa nihil aliud sunt quàm privationes & merum nihil quorum res creata capax est.

Omnis voluptas est bona; immo aliquatenus beatum efficit illum qui eâ potitur voluptate, saltem per tempus quo illâ potitur. Voluptas tamen dici potest mala, quia cùm mentem ad primam veramque voluptatis causam extollere deberet, contingit ut errore rationis nostræ & cordis corruptione, illam mentem deprimat versùs res sensibiles quæ videntur esse causæ voluptatis. Mala est voluptas, quia cùm sumus peccatores, ac ideo poenam potius quàm mercedem mereamur, iniquitas est in nobis ad id cogere Deum ut sequendo voluntates suas nos sensationibus jucundis remuneretur. Uno Verbo, (nam piget hic jam dicta repetere) mala est voluptas, quia Deus eam nunc prohibet, quippe quæ a se avertat mentem quam propter se solum formavit & conservat. Illud enim quod Deus olim instituerat ad conservandum hominem justum in suâ innocentia, idem illud est quod nunc ipsum peccatorem detinet in peccato; ac sensationes voluptatis quas sapienter instituerat, ut brevissima argumenta quibus homo ratione suâ ab eo quod contemplari debet nequaquam deflectâ, edoceretur an adherere deberet corporibus ipsum ambientibus; illæ, inquam, sensationes totam nunc mentis ipsius capacitatem implent, ipsumque certis rebus applicant quæ in ipsum nequaquam agere queunt, quæque infra ipsum longè subjacent; quia illas res objectas tanquam veras felicitatis quâ ipsarum occasione potitur causas existimat, nec ab ipso pendet cohibere motus quos eæ res in ipso excitant.

SECUNDA ILLUSTRATIO ad Caput primum primi Libri,

In quo dixi *Voluntatem non posse determinare diversè impressionem quam habet versùs bonum, nisi imperando intellectui, ut sibi repræsentet aliquid speciale.*

ARBITRANDUM non est voluntatem imperare intellectui alio modo quàm desiderii ac motibus suis; voluntas enim nullam aliam actionem habet. Nec etiam credendum est intellectum obedire voluntati producendo in se ideas rerum quas mens exoptat: Nam intellectus nequitiam agit; tantum recipit lumen seu ideas rerum illarum; per conjunctionem necessariam quam habet cum illo qui includit in se modo intelligibili omnia entia, ut explicatum est in tertio Libro.

In hoc igitur vertitur totus rei cardo. Homo supremam rationem participat, & cum ipsâ colligatur, ac veritas sese ipsi patefacit pro attentione quam supremæ illi rationi præbet, & pro assidue precum quas ad illam fundit. Jam autem desiderium mentis est oratio naturalis quæ semper exauditur; nam lege naturali sancitum est ut ideæ eò præsentiores sint menti quò voluntas eas appetit vehementius. Itaque dummodo nostra cogitandi capacitas, seu intellectus noster, non impleatur sensationibus confusis in nobis excitatis occasione eorum quæ aguntur in corpore nostro; nunquam optamus cogitare de aliquâ re, quin idea illius rei nobis illico præsens adsit, immo ut ex ipsâ liquet experientia, eò præsentior & clarior est, quò desiderium nostrum est vehementius, vividiorque attentio, & quò sensationes confusæ quas per corpus recipimus sunt debiliores ac minùs sensibiles ut præcedenti observatione jam dictum est.

Itaque dum dixi voluntatem imperare intellectui ut sibi repræsentet aliquid speciale, per id duntaxat significare volui mentem aliquid considerare volentem ad illud desiderio suo accedere, quia desiderium illud propter voluntates efficaces Dei, quæ sunt leges naturæ inviolabiles, est causa præsentia & claritatis ideæ quæ repræsentat illam rem specialem. Nec cenè tum alio modo loqui poteram, nec e re fuisset eo quo nunc modo mentem meam tunc aperire; quia nondum probaveram Deum esse solum autorem idearum nostrarum; voluntateque nostras speciales esse causas occasionales illarum idearum. Tum secundum vulgarem opinionem loquebar, & ad id faciendum sæpe coactus fui, quia omnia non possunt eodem tempore dici. Aequanimi debent esse lectores; & ad tempus auctori aliquid debent indulgere, si sibi satisfaceri velint. Eorum enim Generæ possunt omnia semper præsentia exhibere.

Nec

Vid. Illustr.
Cap. 6. 2.
Part. 3. Lib.

Nec arbitrandum est diversas mentis facultates, quarum præcipuæ sunt intellectus & voluntas, entitates esse quasdam ab ipsâ mente diversas. Manifestum est in ideâ clarâ quam habemus materiæ seu extensionis in longum, latum, & profundum, manifestum est, inquam, eas quibus gaudet motum variâsque figuras excipiendi capacitates ab ipsius essentia non distinctas esse. Atque si mentis æquè claram haberentus ac corporis ideam, mihi persuasum est æquè tunc manifestum fore ipsius intellectum ac voluntatem ab ipsâ non esse diversa. Videremus scilicet mentem esse substantiam essentialiter cogitantem sive percipientem quicquid eam ferit; eam esse Ens Intelligens, sed quod non aliter actu intelligens efficitur quàm per efficaciam diversarum idearum quæ solæ in eam agere, eam afficere, modificare, illuminare possunt, ut alibi explicui. Ipsa igitur est mens quæ propriè loquendo percipit, non intellectus quatenus aliquid a mente distinctum conceptus: Res non secus se habet de voluntate: Ea facultas nihil aliud est quàm ipsa mens quatenus suam amat perfectionem & felicitatem, quatenus felix esse cupit, sive quatenus, per motum quem Deus ipsi indesinenter imprimit versùs bonum in genere, capacitatem acquirit id omne amandi quod ipsi bonum videtur. Libertas pariter nihil aliud est quàm mens ipsa quatenus non invictè impellitur versùs specialia bona, sive quæ non actu implent naturale ipsius desiderium; Vis enim quâ mens pollet suum cohiberediconsensum respectu falsorum bonorum ex ipso ejus ad felicitatem, ad veram solidamque felicitatem naturali & invictò motu deducitur. Vulgò dicunt voluntatem esse activam, liberam cùm contrà dicere deberent mentem esse activam & liberam. Verùm aut parum perspicax aut iniquus omnino esset ille criticus qui inde secum pugnare aliquem contenderet Authorem, conferendo scilicet ad id probandum varia loca quæ secum pugnare viderentur.

ILLUSTRATIO

ad tertium Caput,

In quo dixi, *Mirandum non esse nos Mysteria Fidei evidenter non videre, cùm ne ipsorum quidem habeamus ideas.*

QUum dico nos non habere ideas mysteriorum fidei, ex antecedentibus & consequentibus satis patet, me loqui de ideis claris, quæ lucem & evidentiam menti asserunt, quibûsque rei objectæ comprehensionem adipiscimur, si fas sit ita loqui; fateor equidem rusticum nunquam fore crediturum, exempli gratiâ, filium Dei factum fuisse hominem, aut esse tres personas in Deo, nisi aliquam haberet ideam conjunction-

*Ne omnino
sacerdotes
interrogati
quid tres
spiritus esse*

junctionis Verbi cum humanitate nostrâ , & aliquam notionem personæ. Sed si ideæ illæ essent claræ , possemus per attentam meditationem illa mysteria omnino assequi & aliis explicare. Non essent amplius mysteria inenarrabilia. Vox personæ , juxta Divum Augustinum , dicta fuit de Patre , Filio , & Spiritu Sancto , non tam ut exprimeretur clarè id quod sunt , quàm ne taceretur mysterium de quo loqui tenemur.

Hic dico nos non habere ideas Mysteriorum nostrorum eodem sensu quo alibi dixi nos nullam habere ideam mentis nostræ ; quia idea quam habemus de mente nostrâ , non secus ac ideæ quas de mysteriis habemus , non est clara. Itaque hæc vox , *idea* , est æquivoca. Illam nonnunquam accepi pro eo omni quod aliquid menti repræsentat sive clarè , sive confusè. Immo illam etiam accepi sensu generali pro eo omni quod immediatè menti obversatur. Sed illam quoque accepi pro eo quod res menti modo ita claro repræsentat , ut possit uno intuitu cognosci an hæc aut illæ modificationes ad ipsas pertineant. Atque hanc ob causam nos aliquam mentis nostræ habere ideam * interdum dixi , † interdum verò ullam nos habere negavi. Difficile est immo sæpe tædiosum & molestum in suis vocibus tantam observare acribetiam.

Quam Author aliquis sibi ipsi non contradicit nisi in mente criticorum qui ipsum in contradictionem involvere optarent , id certè illum valde anxium habere non debet. Ac si omnibus quæ ignorantia & malignitas nonnullorum ipsi opponerent longis explicationibus satisfacere aggredederetur ; non modò pessimum confilaret librum ; sed ipsi lectores ægrè ferrent responsiones factas ad difficultates imaginarias , ac æquitati quam omnes sibi arrogant repugnantes. Homines in suspicionem ignorantiaë aut malignitatis venire non gaudent ; ac ut plurimum non licet respondere difficultatibus invalidis aut malignis , nisi quum quis certi nominis eas movit , & eo pacto Lectori non potest exhiberi tales exegisse responsiones.

* Cap. 10. l. 1. de Inq. Ver.

† Vid. Cap. 7. part. 1. l. 3. & illius illust.

I L L U S T R A T I O

ad hæc verba Capitis quinti,

His ita positis, dicendum est Adamum ad amorem Dei & ad ea quæ erant officii sui voluptatibus prævenientibus inductum non fuisse: quia cognitio quam de bono suo habebat, & gaudium quo indefinenter afficiebatur, quoddam necessario sequebatur contemplationem felicitatis suæ, sufficere poterant ut officio suo adhereret, utque ageret majorem cum merito, quam si voluptatibus prævenientibus veluti determinatus fuisset.

UT totum illud distinctè intelligatur solam lucem, solamque voluptatem nos ad agendum impellere sciendum est. Si enim aliquam rem objectam amare incipiamus, id fit, vel quia illam bonam esse ratione cognoscimus, vel quia illam jucundam esse voluptate sentimus. Jam autem magnum intercedit discrimen inter lucem & voluptatem. Lux illuminat mentem nostram, nobisque bonum notificat, nullo erga illud actuali & efficaci impresso in nobis amoris motu: Voluptas verò contrà nos impellit & determinat efficaciter ad amandam rem objectam quæ illam parere videtur. Lux nos ad nihil fert per seipsam, efficit tantum ut liberè, & ex nobis ipsis seramur ad bonum quod ipsa nobis offert; Nos totos nobismet ipsis permittit. Voluptas contrà prævertit rationem nostram; nos ab eâ consulendâ deterret, nos ad amandum ex instinctu impellit, nos totos non permittit nobismet ipsis, & libertatem nostram debilitat.

Itaque cum Adamus ante peccatum esset in tempore destinato ad merendam beatitudinem æternam, cum ad id plenâ & integrâ libertate præditus esset, ipsiusque lumen sufficeret, ut Deo quem jam amabat motu naturali amoris arcè conjunctus persisteret; certe non debebat ferri ad officium suum voluptatibus prævenientibus, quæ ipsius libertatem minuendo ipsius etiam meritum minuissent. Adam aliquo cum jure de Deo queri potuisset, si ipsum impedivisset, quominus suam, ut par erat, hoc est actionibus omnino liberis felicitatem mereretur. Libero ipsius arbitrio injuriam quandam intulisset Deus, si ipsum hac gratiæ speciei donasset, quæ nobis nunc tantum necessaria est propter voluptates prævenientes concupiscentiæ. Cum Adamus omnibus ad perseverandum necessariis instructus esset; certe ipsum prævertere nihil aliud fuisset quam ipsius virtuti dissidere, ipsumque veluti inde-

Fortissimo
quippe di-
mittit atque
permittit fa-
cere quod

infidelitatis infirmulare, ac sanè aliqua ipsi data fuisset materia sibi mul-
tùm arroganti, si ipsi omnium necessitatum quibus laborare, & infirmitatum
in quas labi poterat sensus planè ademptus fuisset; fateor enim illum tunc
temporis nullis infirmitatibus aut necessitatibus laborasse. Denique, * quod
cætera infinitis superat momentis, hoc pacto indifferens reddita fuisset
Incarnatio Jesu Christi, quæ haud dubiè primum & maximum est in
ter decreta illius, qui omnes involvi † permisit peccato, ut iis om-
nibus in Jesu Christo misericordiam faceret; ut qui gloriatur gloriatur
tantummodo in Domino.

Manifestum igitur mihi videtur Adamum nullas in officio suo præ-
venientes sensisse voluptates. Sed ita certum non mihi videtur, ipsum
sensisse gaudium, licèt id hic supponam, quia rem admodum proba-
bilem existimo. Sed mentem meam jam aperiā.

Illud est discrimen inter prævenientem, & voluptatem
gaudii, seu a gaudio ortam, quòd illa rationem prævertit, hæc ean-
dem sequitur. Nam gaudium oritur naturaliter a cognitione quam ho-
mo beatus habet beatitudinis, aut perfectionum suarum, cum nemo
possit se considerare ut beatum & perfectum, quin protinus gaudio
pertentetur. Cum beatitudo possit sentiri voluptate, aut cognosci ratio-
ne, duplex est gaudii genus. Sed hic non loquor de gaudio merè
sensibili, loquor de gaudio quo Adamus poterat affici, *Veluti seque-
lā necessariā cognitionis quam habebat felicitatis suæ sese conjungendo Deo.*
Nec desunt rationes ob quas Adamum hoc gaudio reverà affectum fuisse
dubitare quis possit.

Præcipua ratio in eo posita est quòd gaudium illud mentem ipsius for-
tè ita implevisset, ut ipsum suā privasset libertate, Deoque conjunxi-
set modo insuperabili. Gaudium enim illud, ut saltem verisimile vide-
tur, utpote attemperatum felicitati quā fruebatur Adam, omnem etiam
modum excedere debebat.

Sed primò respondeo gaudium merè intellectuale mentem omnino li-
beram relinquere, ipsius intelligendi capacitatem oppidò parum occu-
pare. Atque hoc ipso differt a gaudio insensibili, quod ut plurimùm ra-
tionem turbat, libertatemque minuit.

Respondeo secundò, felicitatem Adami primo ipsius creationis mo-
mento positam non fuisse in possessione plenā & integrā summi boni.
Illud amittere & infelix evadere poterat; ipsius felicitas in eo potissimum
consistebat, quòd nullum pateretur dolorem, ac illius a quo perfec-
tam beatitudinem, si in innocentia persistisset, accipere debebat favore
gauderet. Itaque gaudium ipsius omnem non excedebat modum. Im-
mo timore quodam comitatum erat, aut saltem comitatum esse debe-
bat; sibi ipsi enim diffidere debebat.

Denique respondeo gaudium ad veram ipsius causam mentem non
semper applicare. Cum unusquisque sentiat gaudium suas contemplan-
do perfectiones; illam contemplationem existimare est causam esse istius
gaudii.

vellet. Ang.
de corrupt.
& grat.

* Vid. se-
cundum
di. I. h. um
colloquio-
rum Chri-
stianorum,
e. lib. I. p. 11.
ulā permis-
sio is pec-
cati ratio-
nem reddo:
† Rom. 11.

32.
Gal. 3. 21.

gaudii. Quum enim res quæpiam ab aliâ re semper sequitur; hæc res consecraria considerari solet ut effectus illius a quâ præcedebatur. Ac sic unusquisque se ipsum censet autorem præsentis felicitatis suæ; sibi in perfectionibus suis complacet & congratulatur, se ipsum amat; & ratio admodum de illo qui omnia in nobis operatur modo impercepto cogitat.

Adamus quidem præstantissimo quovis. Philosopho distinctius cognoscebat Deum solum posse agere in ipsum, ac in ipso gignere gaudium illud quod sentiebat, suam felicitatem suasque contemplando perfectiones. Id, inquam, clarè quidem, quotiescumque ad rem attendebat, lumine rationis cognoscebat; non sentiebat tamen. Immo sentiebat potius gaudium illud esse sequelam perfectionum suarum, idque sentiebat semper ac nullâ ad id præbitâ attentione, itaque hic sensus eò poterat illum adducere ut suas consideraret perfectiones, ac sibi ipsi complaceret, si oblivisceretur, ac, ut ita dicam, extra visus spiritualis aciem illum eliminaret cujus operationes non sunt sensibiles. Adeo ut tantum absit ut gaudium illum reddiderit impeccabilem, ut existimatur, ut ipsius forsân gaudium fuerit occasio ipsius superbiæ & exitiî, atque hanc ob causam dico in capite jam laudato, Adamo cavendum fuisse, ne sineret capacitatem ipsius mentis impleri gaudio arroganti ipsi ex contemplatione perfectionum suarum ingenito.

I L L U S T R A T I O

ad Caput quintum,

Ubi dico, *Delectationem prævenientem esse gratiam Jesu Christi.*

Quamvis in hoc capite dixerim delectationem prævenientem esse gratiam illam quam Jesus Christus nobis speciali modo meritus est, & alibi nuncupaverim absolutè delectationem illam gratiam Jesu Christi, ideo credendum non est me existimare nullam aliam esse gratiam præter hanc, aut quandam esse gratiam quam Jesus Christus nobis non sit meritus. Sed illam voco gratiam Jesu-Christi, ut illam distinguam a gratiâ quam Deus largitus fuerat primo homini ipsum creando, quæ vulgò dicitur gratia Creatoris. Nam gratia illa per quam Adam poterat perseverare in innocentia erat præcipuè gratia luminis, ut modò exposui in observatione præcedenti; Cùm Adamus ab omnis concupiscentiæ esset immunis, non indigebat voluptatibus prævenientibus quibus adversus illam pugnaret.

Verùm gratia quæ nunc nobis necessaria est ut perstemus in officio, utque

utque charitas in nobis producat & foveatur, est delectatio præveniens. Nam cum voluptas gignat & foveat amorem rerum ex quibus illa oritur aut oriri videtur, voluptas præveniens quam occasione corporum percipimus in nobis generat & fovet cupiditatem. Cum itaque cupiditas charitati omnino repugnet, nisi Deus in nobis produceret & foveret charitatem delectationibus prævenientibus, manifestum est voluptates prævenientes concupiscentiæ eò magis esse debilitaturas charitatem, quò cupiditatem augerent magis.

Caterum quæ hîc dico supponunt necessariò Deum in nobis concupiscentiam non cohibere, ipsamque non minuere nobis inspirando odium rerum sensibilium quæ nos, posito peccato, tentare debent. De rebus loquor ut ordinariè sese habere debent. Horror enim injustitiæ æquè realis est gratia ac justitiæ delectatio, sed ponamus Deum non auctà, ut solet, delectatione gratiæ, minuere concupiscentiam, idem sequetur effectus. Certè nemo est qui non videat libram cujus altera lanx præ pondere deprimitur, posse bifariam in æquilibrio constitui, non modò addendo in alterà lance pondera quæ libram æquent, verum etiam detrahendo ex alterà quædam ex ponderibus quibus deprimebatur.

Haud etiam volò hominem ineptum esse ad omnem bonam actionem sine delectatione præveniente. Mentem meam hac de re satis aperit capite quarto tertii libri. Ac mihi ita evidens videtur hominem amore Dei intus commotum posse, solà vi istius amoris, ac sine ullà delectatione præveniente, egeno unum assem erogare, exempli gratiâ, aut levem aliquam perferre injuriâ, ut quemquam rem in dubium vocare merito posse non existimem. Delectatio non mihi videtur necessaria nisi cum tentatio est vehemens, aut amor erga Deum debilis; Si tamen absolute necessaria dici possit homini iusto, cujus fides, opinor, satis firma spesque satis certa esse debet ut violentissimas vincat tentationes; Quippe gaudium seu anticipatus sensus bonorum æternorum ex certâ spe ortus potest resistere illecebris sensibilibus bonorum caducorum. Delectatio quidem aut Gratia actualis necessaria est ad omnem bonam actionem patrândam, si per vocem delectationis aut Gratia intelligatur Charitas actu excitata, aut delectatio ipsam comitans, ut intelligere solet D. Augustinus; evidenter enim patet quicquid propter Deum non fit nihil quicquam valere. Sed si tollatur æquivocatio, & accipiat vox delectationis eodem sensu quo illam accepit, haud credo quemquam posse dubitare de iis quæ dixi.

Sed in eo stat rei difficultas. Voluptas & amor idem esse supponuntur, quia sese semper comitantur, ac quia Divus Augustinus utrumque sæpe non distinguit. Hoc supposito, quæcumque dici solent merito dicuntur. Cum D. Augustino ex hac hypothesi asserere quisque potest, *Quod nos amplius delectat, secundum id operemur necesse est.* Illud enim cerè volumus quod amamus. Ac dici potest, nihil boni

Ad cap. 3:
l. 5.

aut meritorii, (sit venia verbo) posse fieri, sine delectatione aut sine charitate. Sed spero me demonstraturum esse in illustratione quam super Tractatu de affectibus tradam, tantum esse discriminis inter voluptatem & amorem deliberatum aut indeliberatum, quantum inter cognitionem nostram & amorem, aut, ut sensibili exemplo hoc discrimen exprimam, quantum inter figuram corporis & ipsius motum.

ILLUSTRATIO

Ad ea quæ dixi initio decimi Capituli Libri primi, & sexto secundi Libri de Methodo; *Existentiæ Corporum probatu esse admodum difficilem.* Quid cogitandum sit de Argumentis quæ pro illorum existentia afferri solent.

ID perquam solemne est hominibus ut ea prorsus ignorent quæ tamen se optimè cognoscere existimant; ac vice versâ quædam assequi quorum ne ideas quidem se habere autument. Cum sensus in ipsorum iudiciis partes suas agunt, assensum ut plurimum præbent iis quæ non capiunt, aut quæ non nisi modo valde imperfecto cognoscunt: at quum ipsorum ideæ sunt merè intelligibiles, aut nihil habent sensibile quod eos feriat, vix, ac ne vix possunt admittere demonstrationes indubitatas.

Quid, exempli gratiâ, censet vulgus hominum cum ipsi probantur pleræque veritates Metaphysicæ; quin ipsi existentia Dei, efficacia ipsius voluntatum, & immutabilitas ipsius decretorum demonstrantur; quum, unicum Deum aut unicam veram causam quæ omnia in omnibus efficit: unicam supremam rationem quam omnes intelligentiæ participant; unicum amorem necessarium qui est principium omnium voluntatum creaturarum existere assentis? Existimant, scilicet, isti homines, sonos edi sine sensu; eos qui talia proferunt nullas illorum habere ideas; ac operæ pretium facturos si tacerent. Cum veritates & argumenta Metaphysica nihil habeant sensibile; homines iis non afficiuntur, ac proinde ipsorum veritatis non convincuntur. Interea tamen certum est ideas abstractas esse omnium maximè distinctas, ac proinde veritates Metaphysicas esse omnium clarissimas & evidentissimas.

Homines quandoque dicunt se nullam Dei ideam, nullamque ipsius voluntatum habere cognitionem. Ac sæpe id quod dicunt revera cogitant: sed id fit quia non satis cognoscunt ea quæ forsân certissimè tenent. Ubinam enim reperietur homo qui interrogatus an Deus sit sapiens,

sapiens, justus, potens, an sit triangularis, divisibilis, mobilis, mutabilis nec ne, tantillum hæsitet, ac protinus non respondeat? Tamen nemo potest respondere sine erroris periculo, an quædam qualitates alicui subiecto competant nec ne, nisi aliquam illius subiecti habeat ideam. Pariter, quis audeat dicere Deum non sequi in agendo vias simplicissimas, ipsum in consiliis suis nullum observare ordinem, nullum modum, ipsum monstra producere voluntate positivâ, directâ & speciali, non verò necessitate quadam; uno verbo ipsius voluntates esse, aut esse posse contrariam ordini, cujus cognitio saltem aliqua, si non integra, nullum hominem fugit. Sed si nullam haberemus ideam voluntatum Dei, saltem possemus dubitare an agat secundum leges quasdam, quas quidem ipsum sequi debere evidenter concipimus, posito quodd vellet agere.

Homines igitur habent ideas rerum merè intelligibilium, & ideæ illæ sunt longè clariiores ideis rerum sensibilium. Homines certiores sunt existentie Dei quàm existentie corporum; ac quum intra seipsos seclè recipiunt, quasdam Dei voluntates, juxta quas producit & conservat omnia enia, longè clariùs deprehendunt quàm voluntates illorum quibus maximè familiariter utuntur, quorumque indolem per totam vitam exploraverunt. Namque conjunctio mentis ipsorum cum Deo, & conjunctio voluntatis ipsorum cum voluntate Dei, hoc est, cum lege æternâ seu cum ordine immutabili, est conjunctio immediata, directâ, & necessaria: At verò ipsorum conjunctio cum rebus sensibilibus, cum duntaxat instituta sit ad conservationem sanitatis & vitæ ipsorum, ipsis res objectas etiam exhibet relatè tantum ad illud proprium, hoc est, ad conservationem vitæ.

Hæc conjunctio immediata & directâ, quæ tantum cognoscitur, ait Divus Augustinus, ab iis quorum mens est pura, nos illuminat in intimo rationis secessu, nosque in imo pectore hortatur, & commovet. Per eam conjunctionem docemur quid Deus cogitet, & etiam quid velit, per eam accipimus veritates & leges æternas; quasdam enim earum nos evidenter cognoscere dubium non est: Sed conjunctio nostra cum amicis charissimis nos evidenter non docet quid cogitent, quidve velint. Id quidem sæpe assequi credimus. Sed circa id penè semper hallucinamur; cum id tantum ex ipsorum ore accipimus.

Conjunctio quam per sensus habemus cum corporibus nobis adjacentibus non potest quoque nos illuminare. Quippe testimonium sensuum nunquam est omnino verum, immo sæpe omnino falsum est, ut in libro de quo agitur explicui. Atque hanc ob causam dico difficilius esse quàm vulgò cogitatur, positivè probare existere corpora, quamvis sensus nostri id nobis contestentur: quia ratio nos id tam facile non docet quàm vulgò putamus, nec id possumus certò scire nisi ipsam maximè cum attentione consulamus.

Sed quia homines sensibus magis afficiuntur quàm ratione instituuntur,

tur, ac lubentiùs auscultant testimonium sensuum quàm veritatìs internæ documenta: semper consuluerunt oculos suos ut existentiae materiae certiores fierent, rationis inlitiones circa id aspernari: unde fit ut oblupefcant, cùm quis illam corporum existentiam probatu difficilem esse asserit. Existimant aperiendos duntaxat esse oculos ut convincamur existere corpora, ac si subit erroris & hallucinationis periculum, sufficere ad illa corpora admoveri, ill.que contrectare; Sed postea ægrè ferunt quemquam esse qui circa illorum existentiam dubitandi rationes afferat.

Verùm oculi nostri nobis repræsentant colores in superficie corporum, & lucem in aëre & in sole; auribus nostris percipimus sonos quasi per aërem & per corpora resonantia diffusos; ac si cæterorum sensuum testimonio credamus, calor erit in igne, dulcedo in saccharo, odor in moscho, cæteraque qualitates sensibiles in corporibus quæ illas emittere ac diffundere videntur. Certum tamen est ob rationes in primo libro de Inquisitione Veritatis allatas omnes illas qualitates non esse extra animam quæ illas sentit; saltem evidens non est ipsas esse in corporibus quæ nos ambiunt. Cur igitur ex solo sensuum testimonio qui nos usquequaque fallunt concluderemus reapse existere corpora extrinsecus, ac etiam illa corpora similia esse iis quæ videmus, hoc est iis, quæ immediatè menti nostræ obversantur, cùm quædam adspicimus oculis corporeis. Certè quicquid dicatur id difficultate non caret.

Præterea si ex testimonio sensuum possumus certiores fieri existentiae quorundam corporum, sanè id præcipuè continget circa corpus cui mens immediatè colligatur. Vividior sensatio, quæque relationem magis necessariam ad aliquod corpus actu existens habeat, est dolor. Sæpe tamen contingit ut qui altero brachio truncati fuerunt in eo sentiant dolores acerrimos diu etiam postquam fuit amputatum. Sciunt quidem se illud brachium non ampliùs habere cùm memoriam consulunt, aut in corpus oculos conjiciunt; sed sensatio doloris ipsos fallit; ac si, ut id quandoque accidit, supponeremus eos pristini statùs penitus oblivisci, ac ex omnibus sensibus nullum ipsis superesset præter sensum illum cuius ope sentiunt dolorem in brachio imaginario; certè non possent sibi persuadere se non habere brachium illud in quo tam vehementes sentiunt dolores.

Exitère homines qui arbitrantur se habere cornua in capite; alii qui imaginarentur se esse butyros aut vitreos; aut se non habere corpus formatum ut cæteri homines, sed quale Gallus gallinaceus, lupus, bos habere solent. Illi, inquires, insaniebant, id equidem fateor; sed saltem fatendum est ipsorum mentem capacem fuisse erroris circa hæc omnia, cùm revera erraverit; ac ideo omnes homines posse labi in similes errores, si de rebus objectis judicent ex sensuum testimonio. Animadvertendum enim est insanos illos sese reapse tales videre quales cogitant se esse: error non est præcisè in ipsorum sensatione, sed in iudicio quod formant.

formant. Si tantummodo sese sentire, aut sese videre similes Gallo dicerent, non hallucinarentur. In eo tantum falluntur, quod credant suum corpus esse simile corpori quod sentiunt, hoc est, corpori quod immediate ipsorum menti obverlatur dum sese contuentur. Itaque ii etiam qui se tales esse credunt quales sunt reipsa, non sunt cautiore in judiciis quæ de se ipsis fuerunt quam infani, si præcisè duntaxat judicent ex testimonio sensuum: Si non fallantur id fortunæ non rationi acceptum referre debent.

Sed verò, quo freti fundamento asseremus eos qui infani vulgò dicuntur insanos revera esse? Nunquid posset quis dicere, illos ideo tantum haberi insanos quia de rebus judicia ferunt sibi pecuniaria? Nam certè homo aliquis insanire existimatur, non quia videt id quod non est, sed præcisè quia res planè contrarias videt his quæ cæteri homines vident; sive cæteri fallantur, sive non.

Rusticus, exempli gratiâ, oculos habet ita dispositos ut videat lunam qualis in se est, vel tantum qualis videri solet, aut qualis forsitan videbitur aliquando cum perspicillis novæ inventionis. Illam admirabundus aspicit & ad familiares exclamat. Quot video montes excelsos, quot valles profundas, quot maria, quot lacus, quot gurgites, quot rupes? Nonne videtis, pergeret, multa maria ab Oriente; ac nihil penè esse versùs Occidentem & Meridiem præter terras & montes? Non videtis ab eadem parte montem unum omnibus quos unquam viderimus excelsoiorem; Et nonne admiramini mare prorsus nigrum aut gurgitem horribilem qui in centro istius Astri conspiciendum se præbet? ad ejusmodi exclamationes quid responderent illius rustici familiares? quidve de illo cogitarent? Ipsum scilicet insanire, ac malignis Planetæ quem contemplatur mirabundus influxibus fuisse affectum. Solus est sententiæ suæ sectator. Id sufficit ut damnetur. Ut itaque quis in aliorum mente videatur infanus, necesse non est ut reapse talis sit, sufficit si cogitet aut res videat secus quam ipsi. Nam si omnes homines crederent se esse similes gallis, is certè qui se talem qualis est judicaret esse, insanus haberetur.

At, inquit, homines habentne rostrum in extremo naso, & cristam in capite? Haud equidem id credam. Nescio tamen, cum de re tantum judico per sensus meos, iisque ut par est non utor. Frustra id cogniturus contrecto vultum caputque meum: Corpus meum cæteraque circumjacentia contrecto manibus duntaxat quarum nec figuram, nec mensuram novi: Immo haud satis scio an revera manus habeam: id tantum novi quia illo temporis momento quo manus movere mihi videor, excitantur quidam motus in quadam cerebri mei parte, quæ, ut fertur, est sedes sensus communis. Sed forsitan illam ipsam partem adeo decantatam, parum tamen notam, ego non habeo. Saltem illam in me non sentio, quamvis manus meas sentiam. Adeo ut debeam potius credere me habere manus quam glandulam illam de qua quotidie digladiantur Philosophi. Sed denique nec figuræ, nec motus istius glandulæ

Malebranchi de Inquisit. Verit. Tom. II. ff ullam

Hæc pro-
pmodum
cernuntur
quam luna
aspicitur
telescopio.

ullam habeo cognitionem, asserunt tamen me sine istis motibus & figurâ illius glandulæ non posse cognoscere motum & figuram corporis mei & corporum circumstantium.

Quid igitur super his omnibus cogitandum venit? Rationem a corpore non erudiri, partem illam cui mens immediatè connectitur nec visibilem esse nec intelligibilem per se: Corpus nostrum & cætera quibus circumdatur non posse immediatè menti nostræ obversari. Nos non posse a cerebro nostro edoceri an actu existat, multò minùs an existant corpora quæ nos ambiunt. Ac proinde nos agnoscere debere dari aliquod Ens intelligens superius quod solum potest agere in nobis; & quod ita potest agere in nobis, ut nobis revera repræsentet corpora extra nos, nullâ ne vel minimâ nobis datâ cerebri nostri ideâ; quamvis motus excitati in cerebro sint occasio nobis objiciendi hæc corpora. Etenim oculis quorum figuram non cognoscimus, quomodo corpora nobis adjacentia sint figurata deprehendimus. Et quamvis colores qui in rebus objectis conspiciuntur non sint vividiores coloribus pictis in nervo Optico, hos tamen neutiquam videmus eo ipso momento quo illorum fulgorem demiramur.

Verùm enim verò quamobrem teneretur intelligens illud Ens nobis ostendere corpora quum quidam excitantur motus in cerebro nostro? Præterea an necesse est existere corpora extra nos ut excitentur motus in cerebro nostro? Somnus, animi affectus, insania nonne eosdem excitant motus sine corporum externorum interventu? An evidens est corpora quæ non possunt sese invicem movere * posse communicare cum iis quæ obviâ habent vim moventem quam ipsa non habent? Attamen esto: Corpora sese & sibi obvia moveant; An is qui dat esse omnibus non poterit etiam per se excitare in cerebro nostro motus quibus ideæ mentis nostræ alligatæ sunt? Denique ubinam in eo est contradicção ut nullis novis in cerebro excitationis motibus mens tamen novas habeat ideas? cùm certum sit motus cerebri non excitare ideas mentis, immo ne illos quidem cognoscamus motus, Deusque solus possit nobis repræsentare ideas nostras, † ut id alibi probavi. Omnino igitur necesse est, ut existentie corporum externorum certi positivè fiamus, cognoscere Deum qui in nobis excitat sensum illorum, & scire, illud Ens, utpote infinitè perfectum non posse nos fallere. Nam si intelligens illud Ens quod nobis omnium rerum dat ideas vellet, ut ita loquar, oblectari repræsentando nobis corpora ut actu existentia, quamquam nullum existeret corpus; id ipsi fore facillimum evidenter patet.

His, aut similibus de causis Cartesius Philosophiam suam fundamentis immotis stabiliturus, non existimavit se posse supponere existentiam corporum, nec illam argumentis sensibilibus, quamvis apud vulgus certissimis probare debere credidit. Ipse, opinor, æquè ac nos noverat, aperiendos duntaxat esse oculos ad videnda corpora; ac unumquemque posse ad illa admoveri, illaque contrectare, periculum erroris visitis vitandi causâ. Humani ingenii cognitionem satis erat assequutus, ut ejusmodi

* Vid.
cap. 3. 1.
part. lib. 6.
& illustrat.
ad idem
illud cap.

† Vid.
cap. 6.
part. 2. l. 1.
& illustrat.
ad idem
illud cap.

modi argumenta ipsi placitura judicaret. Verum nec verisimilitudines, nec varia hominum suffragia quærebat. Veritatem licet spretam gloriæ ex inani famâ ortæ anteponebat. Ac per dubitationes quæ tenuis ingeniolis ridiculæ videntur ludibrio, esse malebat quàm res asserere quas nec certas, nec indubitatas ducebat.

Sed quamvis Cartesius validissima proposuerit argumenta quæ ratio sola possit suppeditare ad probandam corporum existentiam; quamvis evidens sit Deum non esse fallacem; ac ipse nos revera fallere posset dici, si hallucinaremur dum mente nostrâ, cæterisque facultatibus quarum Author est ritè & ut par est utimur; tamen existentiam materiæ nondum perfectè, id est Geometricè, demonstratam dicere possumus. Etenim in rebus Philosophicis nihil quicquam debemus credere nisi ad id evidentiâ impellamur. Libertate nostrâ quantum possumus uti debemus. Judicia nostra perceptionibus non debent latius patere. Itaque quum videmus corpora, judicemus duntaxat nos videre corpora, illaque corpora seu visibilia seu intelligibilia actu existere: Sed cur posuimè judicaremur existere extra nos mundum materiale mundo intelligibili quem videmus similem?

At, inquires, illa corpora videmus extra nos, & quidem a nostro maxime disita. Judicia igitur nostra latius non paterent perceptionibus, esset illa corpora extra nos existere judicaremus. Sed quid? Nonne videmus lucem extra nos, & in sole, quamvis nec extra nos sit nec in sole. Nichilo secius, concedo illa corpora quæ videmus extra nos, revera esse extra nos: id enim extra omne dubium est. Sed nonne evidens est dari loca externa, distantias, & spatia in mundo intelligibili qui immediatè menti nostræ obversatur. Corpus illud materiale quod nos animamus, (id attentè expensum velim) non est illud quod videmus dum illud adspicimus, hoc est, dum convertimus oculos corporeos versùs illud: Corpus est intelligibile quod videmus. Suntque spatia intelligibilia inter corpus illud intelligibile & solem intelligibilem quem videmus; quemadmodum sunt spatia materialia inter corpus nostrum, & solem quem adspicimus. Certè Deus videt dari spatia inter corpora quæ creavit: Sed nec videt corpora, nec spatia illa per seipsa. Non potest illa videre nisi per corpora & spatia intelligibilia. Deus lucem suam aliunde non habet quàm a seipso, mundum materiale non videt nisi in mundo intelligibili quem includit, & in cognitione voluntatum suarum quæ existentiam & motum dant actu omnibus. Ergo dantur spatia intelligibilia inter corpora intelligibilia quæ videmus, sicut sunt spatia materialia inter corpora quæ adspicimus.

Jam autem observandum est quòd cum Deus solus cognoscat per se ipsum voluntates suas quæ omnia producant entia, impossibile esse ut ab alio quoquam sciamus quàm ab ipso an sit reapse mundus materialis extra nos, similis mundo quem videmus, quia mundus materialis nec visibilis est nec intelligibilis per se ipsum: ut itaque omnino convincamur existere corpora, demonstrandum est non modò Deum existere,

Deumque non esse fallacem; sed præterea Deum nos certos fecisse se revera creasse corpora : Atque illud est quod in Cartesii operibus probatum non video.

Deus mentem alloquitur, ipsamque ad credendum cogit bifariam duntaxat, per evidentiam scilicet & per Fidem. Fateor nos Fide eò adduci ut credamus existere corpora, evidentiam verò quod spectat plena mihi non videtur; nec puto nos ad credendum quicquam existere præter Deum, & mentem nostram, ullo argumento insuperabili ferri. Verum quidem est nos ad id valde proclives esse ut credamus existere corpora quæ nos circumdant; id lubens Cartesio concedo : at illa propensio quantumvis naturalis, ad id tamen credendum nos non adigit per evidentiam, ad id tantum nos impellit per impressionem. Jam autem in judiciis nostris liberis nihil sequi debemus præter lucem & evidentiam, ac si impressioni sensibili nos permitamus, penè semper decipiemur.

Cartes.
Medit.
sexta.

Cur fallimur in judiciis a nobis formatis circa qualitates sensibiles, circa magnitudinem, figuram, & motum corporum nisi quia sequimur impressionem similem illi impressioni quâ impellimur ad credendum existere corpora? Nonne ignis calidus, nix alba, sol luce undique affluens nobis videntur? Nonne videmus qualitates sensibiles extra nos æquè ac corpora? Certò tamen constat illas qualitates sensibiles quas videmus extra nos revera non esse extra nos : aut saltem, si quis id malit, nihil certi est hac super re. Quo igitur moti argumento possumus judicare, præter corpora intelligibilia quæ videmus, dari adhuc alia corpora quæ adspicimus? Quâ evidentiâ cognoscimus impressionem quæ non modò circa qualitates sensibiles, verum etiam circa magnitudinem, figuram & motum corporum fallax est, nos etiam non fallere circa existentiam actua-lem eorundem corporum : circa id, inquam, evidentiam quæro; fat enim scio verisimilitudines non deesse.

Non me latet illud esse discriminis inter qualitates sensibiles, & corpora, quòd ratio longè faciliùs corrigat impressionem seu judicia naturalia quæ circa qualitates sensibiles feruntur, quàm quæ circa existentiam corporum. Immo omnes rationis admonitiones, & emendationes respectu qualitatum sensibilibus Religioni & Ethicæ Christianæ posse optimè accommodari; existentiam etiam corporum non posse negari ullo dogmate religioni conformi.

Nullo negotio concipimus voluptatem & dolorem, calorem, & ipsos colores non esse modificationes seu modos essendi corporum; qualitates sensibiles in genere non includi in ideâ materiæ; uno verbo, sensus nostros nobis non repræsentare res sensibiles quales in se sunt sed quales sunt relatè ad conservationem sanitatis & vitæ nostræ. Id non modò rationi, sed multò magis Religioni, & Ethicæ Christianæ conforme est; ut id in multis hujusce operis locis demonstratum est.

Sed non æquè facile est sibi positivè persuadere non existere corpora extra nos, ac sibi persuadere dolorem & calorem non esse in corporibus
quæ

quæ illas sensationes in nobis excitare videntur, saltem sanè certum est fieri posse ut existant corpora extra nos. Nullum nobis suppetit argumentum quod probet non existere corpora, quin imo vehementer ferimur inclinatione ad credendum corpora illa reapse existere. Potiori igitur jure credimus revera dari corpora quàm crederemus non dari. Itaque ad credendum existere corpora teneri videmur. Naturâ enim ferimur ad sequendum judicium nostrum naturale, quum illud non possumus positivè emendare luce & evidentiâ. Cùm enim omne judicium naturale a Deo sit, judicia nostra libera juxta hoc possumus conformare, quum nullâ ratione possumus deprehendere falsitatem istius judicii naturalis. Ac si in ejusmodi casibus falleremur, Author mentis nostræ errorum nostrorum aliquatenus Author videri posset.

Ratiocinium illud forsân fatis rectum est, fatendum tamen est illud non posse haberi instar demonstrationis evidentis existentie corporum. Etenim Deus nos non fert modo insuperabili ad assensum plenum huic ratiocinio præbendum, si illi assentimur liberè assentimur. Possumus non assentiri. Si ratiocinium illud meum rectum est, credere debemus admodum verisimile esse corpora existere. Sed hoc solo ratiocinio illius corporum existentie planè convinci non debemus. Alioqui nos ipsi agimus non verò Deus in nobis. Actû libero, ac proinde errori obnoxio assentimur, non verò impressione insuperabili. Credimus enim, quia liberè volumus id credere, non verò quia id videmus, ita evidenter, ut ad credendum adigamur, ut ex Mathematicis demonstrationibus adigimur.

Certè sola fides potest nos convincere realis corporum existentie. Accurata demonstratio non potest haberi existentie ullius entis nisi entis necessariò existentis. Ac si rem attentè incipiamus, facilè comperiemus nequidem posse fieri ut cognoscamus cum plenâ evidentiâ an Deus verè sit nec ne Creator mundi materialis & sensibilis; talis enim evidentia reperitur tantum in relationibus necessariis; Jam autem nulla est necessaria relatio inter Deum & ejusmodi mundum. Potuit illum non creare, ac illum duntaxat condidit, quia sic voluit, & quidem liberè.

Beati in cœlo luce evidenti optimè vident Filium a Patre genitum fuisse, & Spiritum Sanctum procedere a Patre & Filio; quippe illæ emanationes sunt necessariæ. At verò cùm mundus non sit emanatio necessaria a Deo, non sequitur eos qui ipsius Dei essentiam clarissimè vident, ea quæ extrinsecus producit clarè etiam videre. Credo tamen Beatos certò scire mundum existere: Sed id sciunt quia Deus id illos edocet ipsis manifestando voluntates modo nobis incognito: & nos ipsi in hisce terris degentes mundi existentiam certò tenemus, quia fides nos docet mundum a Deo creatum fuisse; & quia fides illa judiciis naturalibus seu sensationibus nostris complexis, quum ex omnium sensuum nostrorum testimonio confirmantur, memoriâ nostrâ emendantur, & ratione diriguntur, conformis est.

Haud equidem ignoro argumentum, seu principium fidei nostræ pri-

mâ fronte supponere videri existentiam corporum, *fides ex auditu*. Supponere videtur Prophetas, Apostolos, Scripturam Sacram, Miracula; sed si ad rem seriò attendamus, agnoscemus quamvis nihil præter species seu *apparentias* hominum, Prophetarum, Apostolorum Scripturæ Sacræ, Miraculorum &c. supponeremus, tamen id quod per suppositas illas apparentias didicimus, esse extra omne dubium; cum, ut id jam multoties exposui, Deus solus possit repræsentare menti suppositas illas species seu apparentias, Deusque non sit fallax, nam fides hæc omnia supponit. Jam apparentiâ Scripturæ Sacræ, & per apparentias Miraculorum docemur Deum condidisse cælum & terram, verbum assumpsisse carnem, & alias similes veritates quæ supponunt existentiam mundi creati. Ergo ex fide constat existere corpora, & omnes illæ apparentiæ per fidem fiunt realitates. Responsioni ad objectionem quæ hominibus e vulgo nimis abstracta videtur diutius insistere inutile esset: suprâ dictis ni fallor satisfiet lectoribus non ita morosis.

Ex his igitur concludamus nos posse immo debere emendare judicia naturalia aut perceptiones complexas quæ relationem habent ad qualitates sensibiles quas tribuimus corporibus nos circumstantibus, aut nostro. Judicia verò naturalia quod spectat quæ relationem habent ad existentiam actualem corporum, quamvis absolute loquendo possimus temperare a iudiciis liberis quæ his accommodantur, non debemus tamen, quia judicia illa naturalia cum fide maximè consentiunt.

Porro tota hæc observatio præcipuè ad id destinata fuit ut hæc veritates seriò expendantur; nempe corpora in spiritus agere, aut iis sese conspicienda præbere non posse, eaque quæ conspiciuntur dum aperimus oculos ab ideis quæ illa repræsentant, & quæ nos afficiunt, multum esse diversa; mentem nostram non alibi lucem, vitam & pabulum quàm in Deo reperire; ipsam non ad alium quàm ad ipsum directam & immediatam habere posse relationem, eamque relationem, quam habet cum corpore suo & iis quæ ipsam ambiunt, ab illâ necessario pendere quam habet cum efficaci & luminosâ Numinis substantiâ; Quæ substantia nobis aperit res creatas ut possibiles, aut actu existentes, aut ad nos pertinentes, pro diversis modis quibus nos afficit, quatenus ipsarum est *repræsentativa*, ut possibiles, si pura est perceptio ejus idea nos afficit, ut existentes, si sensibilis est perceptio, atque est ad nos pertinentes, & nostri partem constituentes, si vividissima sit, propriumque commodum proximè spectet, qualis est dolor. Non me quidem fugit vulgus hominum hæc cogitationes nequaquam esse approbatum, & ratiocinia mea eis, pro copiâ aut penuriâ spirituum ipsorum animalium, risum aut indignationem paritura. Quippe imaginatio ferre nequit veritates abstractas & inusitatas; Illas habet aut tanquam spectra quibus terretur, aut tanquam phantasmata quæ ridet. At imaginationibus vividis & audacibus malo esse ludibrio, atque indignationem terroremque incutere debilibus & timidis, quàm veritati testimonium non perhibere.

hibere, ac de iis qui adversus impetum corporis in mentem strenuè renitentes responsa sapientiæ nos illuminantis a testimonio sensuum & confuso imaginationis nos perturbantis & decipientis tumultu discernere norunt non benè mereri.

ILLUSTRATIO

ad quintum Caput secundi Libri.

De Memoria & Habitibus spiritualibus.

IN illo capite de memoriâ & habitibus spiritualibus loqui multis de causis operæ pretium non duxi, inter quas præcipua petitur ex eo quod non habeamus ideam claram mentis nostræ: quomodo enim posset clarè explicari quænam sint dispositiones quas operationes mentis in ipsâ relinquant, quæ dispositiones sunt ipsius habitus, cum nequidem clarè cognoscatur natura mentis? Certè nequeunt cognosci mutationes quæ entî alicui possunt obvenire, quum illius natura clarè non cognoscitur. Nam si, exempli gratiâ, ideam claram extensionis non haberent homines, frustra ipsius figuras cognoscere conarentur, frustra, exempli gratiâ, rationem reddere conarentur facilitatis quâ tandem circa axim suum rota revolvitur post multas revolutiones. Tamen quandoquidem a me efflagitur ut de re quæ per se mihi nota non est verba faciam, sic procedo ut hac in re solis ideis claris nitar.

Suppono Deum solum agere in mentem, ipsique ideas omnium præsentare; ac si eveniat ut mens aliquam rem objectam per ideam clarissimam & vividissimam percipiat, id fieri quia Deus ipsi illam ideam modo perfectissimò repræsentat.

Præterea cum voluntas Dei ordini & justitiæ sit omnino conformis, suppono sufficere, ut quid obtineatur, id jure esse debitum; his quæ distinctè intelliguntur positis; memoria spiritualis facilè explicatur. Cum enim ordo possulet, ut mentes quæ de aliquâ re sæpius cogitarunt, de eadem denuò faciliùs cogitent, ideamque illius habeant clariorem & vividiorè iis quæ de illa non nisi parumper cogitarunt; Voluntas Dei qui secundum ordinem indefinenter operatur, ipsorum menti repræsentat, statim atque id optant, ideam claram & vividam illius rei objectæ. Adeo ut juxta hanc explicationem memoria & cæteri habitus Entium purè intelligentium non consistant in facilitate ad operandum, quæ ex quibusdam ipsarum modificationibus oriatur, sed in ordine immutabili Dei, & in jure quod mens sibi vindicat in res quæ ipsi fuerunt subiectæ: Et tota mentis potentia a Deo solo immediatè & unicè dependeret. Cum vis seu facilitas ad agen-

das

dum quam omnes res creatæ in suis deprehendunt operationibus nihil aliud sit, hoc sensu, quàm voluntas efficax Creatoris.

Nec putem ab istâ explicatione esse desistendum propter pravos habitus peccatorum, & damnatorum. Quamvis enim Deus efficiat quicquid reale & positivum est in actionibus peccatorum, evidenter tamen patet ex iis quæ in primâ illustratione dixi Deum non esse Authorem peccati.

Credo tamen, & nî fallor, credere debeo, post actionem mentis, in ipsâ superesse quasdam mutationes quæ ipsam ad eandem illam actionem insituant. Sed quia illas mutationes non novi, illas etiam explicare nequeo; ideam enim claram mentis meæ non habeo, in quâ possim deprehendere omnes modificationes quas potest suscipere.

V. Illustr. ad Cap. 7. Part. 2. Lib. 3. Credo argumentis Theologicis, non verò argumentis claris & evidentibus motus, causam cur Entia purè intelligentia videant clariùs res objectas quas jam contemplata sunt quàm alias non præcisè esse quia Deus ipsis repræsentat illas res objectas modo vividiori & perfectiori, sed quia ipsa magis prompta sunt ad recipiendam in se eandem actionem Dei. Quemadmodum facilitas ad pulsanda instrumenta, quam sibi comparaverunt nonnulli, non consistit in eo quòd spiritus animales ad movendos digitos necessarij majori in ipsis polleant vi & agilitate quàm in cæteris hominibus, sed in eo quòd viæ per quas spiritus fluunt sint magis lubricæ & planæ, habitu exercitio comparato, ut id cap. suprâ notato explicui. Fateor tamen omnes usus memoriæ, & cæterorum habituum non esse necessarios iis qui cum Deo intimè conjuncti in ipsius lumine quaslibet ideas, & in ipsius voluntate omnem facilitatem ad agendum quam possent optare reperiunt.

ILLUSTRATIO

ad Caput Septimum secundi Libri.

Summa argumentorum & explicationum a me traditorum circa peccatum originis. Cum responsionibus ad ea quæ mihi visa sunt iis posse objici.

UT difficultatibus quæ circa peccatum originis ipsiusque propagationem possunt oriri ordine respondeam, nihil abs re me facturum puto si ea quæ in multis locis hujusce operis super hac materiâ dixi paucis hic resumam, hæc sunt igitur præcipua mea argumenta. Illa modo speciali ita disposui ut iis fierent magis clara qui illa examinare attente voluerint.

I. Deus vult ordinem observari in operibus suis. Quicquid clarè concipimus conforme esse ordini, illud Deus vult; ac vice versâ quicquid

quid clarè concipimus ordini repugnare, illud Deus non vult. Hæc veritas evidenter patet iis omnibus qui visu fixo & puro Ens illud infinitè perfectum possunt contempleri quod immutabilem includit illum * ordinem, quem pro lege sequi debent omnia Entia intelligentia, atque ipse etiam Deus; Nihil est quod eos turbare aut quatere possit super hac re: Et clarè vident omnes difficultates quæ possunt moveri circa illud effatum oriri tantum ex ignorantia in quâ versantur homines circa ea quæ ipsos scire necesse esset ad solvendas illas difficultates, † ex falsâ nimirum & imperfectâ quam Divinæ Providentiæ habemus fidem.

II. Deus nullum habet alium finem quàm se ipsum in operationibus suis: Id ordo postulat.

III. Deus creat & conservat mentem hominis, ut circa ipsum occupetur, ipsum cognoscat & amet; Deus enim est finis operum suorum. Ordo id postulat, Deus non potest velle ut ametur id quod non est amabile; seu potius Deus non potest velle ut quod minus amabile est, potissimum ametur. Hinc igitur patet naturam esse corruptam & inordinatam; cum mens amet corpora quæ non sunt amabilia, vel quæ nullam habent efficaciam ad agendum in ipsâ; immo ipsâ Deo sæpe anteponat amore suo. Peccatum igitur originis, seu naturæ depravatio haud indiget probatione: Unusquisque enim satis sentit in seipso legem quæ ipsum captivum detinet & perturbat; quæque a Deo instituta non est, cum ordini, qui ipsius voluntatis regula est, repugnet.

IV. Interea tamen homo ante lapsum sensationibus prævenientibus non verò cognitionibus claris admonebatur an sese corporibus circumjacentibus adjungere, an verò ab iis secedere deberet. Ordo id postulat. Contra ordinem est mentem ad id adigi ut corporibus sese applicet. Potest quidem ipsis colligari, sed propter ipsa non fuit creata. Cognoscere igitur Deum, corpora verò sentire debet. Præterea, cum corpora ipsius bonum non possint constituere, mens non posset iis colligari nisi ægrè admodum, si ea duntaxat cognosceret ut in se sunt, nec in ipsis sentiret id quod non inest. Falsum itaque bonum debet discerni sensu præveniente, ut ametur amore instinctus; & verum bonum debet cognosci cognitione clarâ, ut ametur amore libero & rationali. Denique format, & conservat hominem Deus ut ab ipso cognoscatur & ametur. Ergo capacitas ipsius mentis figurarum & configurationum infinitarum corporum ipsum ambientium, & corporis quod animat cognitione, ipso invito, non impleri immo nec displicere debet. Tamen ut pateat cognitione clarâ, an hic fructus hoc tempore alimento corporis aptus sit, tot prænoscentia mihi videntur, totque formanda ratiocinia, ut mens capaciore iis omnibus tota occuparetur.

Malebranchii de *Inquis. Verit.* Tom. II.

G g

V. Ve-

* Insa in
icâ illu-
strat one
ex plico
quid sit im-
mutabilis
ille ordo.
† Vid. in
colloq. de
Metaph.
quæ spec-
tant Pro-
videntiam.

V. Verùm, licet primus homo sensationibus prævenientibus præmoneretur, an deberet uti corporibus ipsum circundantibus an verò secus, non agitabatur tamen motibus involuntariis aut rebellibus; Immo ideas rerum sensibilibus ex mente suâ pro lubitu debebat, sive iis uteretur sive non: Id enim ordo postulat. Mens potest quidem colligari cum corpore, sed ab eo non debet pendere, ipsi debet imperare. His adde quod omnis amor quem Deus nobis imprimit debeat ad ipsum terminari: Deus enim nihil producit in nobis quod propter ipsum non sit. Denique corpora non sunt amabilia, subsidunt infra id quod in nobis amoris capax est. Ergo in primâ naturæ institutione corpora non possunt mentem insclectere versùs se, nec illam ferre ad ipsa consideranda & amanda tanquam bona.

VI. Corpora quibus circundamur in mente nostrâ non agunt nisi quum quosdam motus in corpore nostro excitant, & motus illi ad præcipuam cerebri partem transeunt. Nam pro mutationibus in illâ parte factis, ipsâ mens mutatur & rebus sensibilibus agitur. Id satis jam probavi, satisque experienciâ demonstratur. Hoc posito, ex articulo præcedenti evidenter patet primum hominem pro lubitu motus illos stitisse qui in ejus corpore, aut saltem in præcipuâ ipsius cerebri parte excitabantur. Ordo id postulabat, ac idem ideo volebat is cujus voluntas ordini semper conformis est, nihilque adversùs ordinem potest efficere, quamvis sit omnipotens. Homo itaque poterat interdum legem naturalem communicationis motuum suspensam inhibere; cùm esset sine concupiscentiâ, nec intra se ullos sentiret motus involuntarios & rebelles.

VII. Verùm primus homo in peccatum semel lapsus ab illâ potestate decidit: Ordo id sic postulat: Æquum enim non est ut in peccatoris & rebellis gratiam, in lege generali communicationis motuum aliæ sint exceptiones, præter eas quæ omnino sunt necessariæ ad vitæ nostræ & societatis civilis conservationem. Cùm itaque corpus hominis actione rerum sensibilibus perpetuò concutiat, ipsiusque mens omnibus præcipuæ partis ipsius cerebri motibus agitur; Hinc sequitur ipsam mentem nunc a corpore cui tantùm fuerat colligata, cuique ante peccatum imperabat, pendere.

VIII. Jam autem hic fuit Adami processus in peccando. Amare voluptatem illamque gustare naturæ conforme est; id Adamo non fuerat prohibitum. Res eodem se habet modo de gaudio: ex perfectionum suarum naturalium contemplatione gaudium percipere licet; hoc in se non est illegitimum. Homo ad id conditus fuerat ut esset beatus; jam verò voluptas & gaudium realem conciliant felicitatem. Igitur primus homo ex usu bonorum sensibilibus percipiebat voluptatem, gaudioque afficiebatur suas contemplando perfectiones naturales; nos enim tanquam

tanquam felices, aut perfectos considerare non possumus, quin gaudium sentiamus. Sed tales in officio suo non experiebatur delectationes; Nam licet Deum ipsius bonum esse probè nosset, id tamen non sentiebat, ut id multoties probavi. Itaque gaudium quod in officio suo præstando percipiebat haud erat admodum sensibile. His suppositis: Cum homini non esset capacitas mentis infinita, ipsius voluptas, aut gaudium minuebat, visum clarum mentis quo cognoscebat Deum esse suum bonum, solam ejus gaudii & voluptatum causam, eamque solum ab ipso amari debere. Nam voluptas est in mente, ipsamque modificat, adeo ut quò magis voluptas nos afficit & agitat, eò magis impleat nostram cogitandi capacitatem. Id experientià aut sensu interno quem de nobis habemus edocemur.

Vide Illustrationes ad Cap. 1.

Illud igitur est quod hac de re possumus cogitare. Postquam primus homo paulatim sivit impleri capacitatem mentis suæ sensu vivo alicujus gaudii e superbiâ orti, aut forsan aliquâ cupiditate seu voluptate sensibili, præsentia Dei, & cogitatio de officio evanuerunt ab ipsius mente, quia in veri boni inquisitione lumen Divinum quo gaudebat strenuè sequi neglexerat. Atque sic distractus, labilis factus est; præcipua enim ipsius gratia, præcipuaque vis posita erat in lumine quo potiebatur & in officii sui cognitione, cum tunc delectationibus prævenientibus non indigeret, quæ nobis nunc necessariæ sunt ut concupiscentiæ resistamus.

IX. Atque observandum est nec sensus prævenientibus quibus Adam afficiebatur in usu bonorum corporis, nec gaudium quod ex felicitatis & perfectionis suæ consideratione percipiebat, veras esse causas ipsius lapsus. Probè enim noverat Deum solum posse in ipso excitare voluptatem aut gaudium. Illum itaque unum amare debebat, cum id duntaxat sit amandum quod vera est causa felicitatis nostræ. Cum nihil esset quod turbaret cognitionem & lumen primi hominis, cum illud purum conservare volebat, omnes sensationes quæ poterant ipsum diversum agere, & ab eo a quo illuminabatur & corroborabatur distrahere ex mente suâ delere poterat & debebat. Recordari ipsum decebat, Deum ipsi sese non sentiendum ut bonum, sed ut talem cognoscendum duntaxat præbere, ut citius mereretur mercedem, usu perpetuo libertatis ipsi indultæ.

Posito igitur quodd Adamus & Eva peccaverint, ac post peccatum motus involuntarios & rebelles in se ipsis senserint: Dico ipsorum liberos debuisse nasci peccatores, ac motibus concupiscentiæ obnoxios ut ipsi erant. Hæc sunt assertionis meæ argumenta.

X. In capite quod hæc sribendi mihi fuit occasio fuisse probavi tantam esse communicationem inter cerebrum matris & cerebrum infantis ipsius, ut omnes motus omniaque vestigia in cerebro matris impressa excitentur etiam in cerebro infantis. Cum itaque mens infantis

colligetur corpori ipsius eo ipso momento quo creatur; quia conformatio corporis ad id adigit Deum ut sequendo voluntates suas generales ipsi det mentem quo *informetur*; hinc evidenter patet mentem illam eodem ipso momento quo creatur habere inclinationes corruptas & versus corpora verti; cum ab eo momento inclinationes habeat respondentes moribus actu excitatis in cerebro cui colligata est.

XI. Sed quia contra ordinem est mentem versus corpora converti, ipsaque amare; infans est peccator & inordinatus statim atque creatur. Deus qui amat ordinem illum odit in hoc statu. Ipsi tamen peccatum non est liberum: Ipsi mater illum in iniquitate concepit propter communicationem institutam, ordine naturæ inter cerebrum maternum & cerebrum infantis; per corpus enim duntaxat, per generationem mens, quæ non generatur, corrumpitur & originis peccatum contrahit.

XII. Jam autem illa communicatio optima est in sua institutione multis de causis. Primò, quia utilis est & forsitan necessaria ad *conformationem foris*. Secundò, Quia poterat ope illius communicationis commercio uti cum parentibus; æquum enim erat ipsum cognoscere a quo haberet corpus quod animabat. Denique infans non poterat scire quæ extrinsecus agebantur, quidve de illis cogitare deberet, nisi ope illius communicationis. Cum corpus haberet, par erat ipsum habere cogitationes quæ ad illud referrentur, nec privati contemplatione operum divinatorum inter quæ vivebat. Multas alias existimo dari rationes istius communicationis præter has a me allatas; sed hæc ad illam vindicandam adversus omnes obmurmuratores, omnemque arcendam criminationem ab operibus illius cujus omnes voluntates ordini necessario sunt conformes sufficere videntur.

XIII. Æquum tamen non est infantem si justus esset, invitum excipere vestigia rerum sensibilium, ac si mens unico momento ante suam colligationem cum corpore crearetur, si per unicum momentum in innocentia & ordine flaret, pleno jure, & ex necessitate ordinis aut legis æternæ posset suspendere illam communicationem; quemadmodum primus homo ante peccatum sistebat pro arbitrio motus in ipso excitatus; etenim ordo postulat ut corpus menti obtemperet: Sed quia mens infantium nunquam fuit grata Deo; nunquam justum fuit Deum in eorum gratiam mutare legem communicationis motuum. Justum itaque est infantes nasci peccatores & inordinatos, & ordo naturæ non est causa illorum peccati: ordo ille justus est. Sed peccatum parentum est causa peccati ipsorum. Hoc sensu justum non est parentem peccatorem procreare liberos se perfectiores, ipsosque imperium in corpus habere quod mater in suum non habet.

XIV. Post peccatum Adami quod omnia pervertit & corrumpit, Deus quidem poterat aliquid immutando in ordine naturæ malis ex peccato.

peccato natis mederi. Verum Deus voluntates suas ita non mutat. Nihil vult quod non sit justum. Quod semel voluit, illud semper vult: sese non corrigit: ipsum non poenitet: Constantiter vult id quod vult. Ipsius aeterna decreta non pendent ab humanae voluntatis inconstantia, nec aequum est illa huic submitti.

XV. Verum enim verò si liceat mortalibus in Dei consilia penitus introspicere, ac cogitata sua proferre circa causas ob quas ordinem supra memoratum instituit, peccatumque primi hominis permittit; haud ullam credo fore sententiam Majestate divina digniorem, magisque Religioni & rationi conformem, quam quae statueret præcipuum Dei consilium in operationibus externis, esse Incarnationem Filii: Deum instituisse ordinem naturæ, perturbationemque in eo factam permisisse ut tanto faveret operi: Ipsum sivilisse omnes homines mancipari peccato, ne quisquam in se ipso gloriaretur; immo ipsum permittere concupiscentiam in sanctissimis, ne sibi superbè complacent. Cum enim quis perfectiones suas considerat ægrè se adspernatur; nisi eodem tempore videat & amet summum bonum, ad cuius præsentiam omnis nostra perfectio omnisque magnitudo nostra evanescit.

Fateor concupiscentiam meriti materiam posse nobis præbere; ac maxime æquum esse mentem ad tempus ægrè sequi ordinem, ut pro hoc merito digna habeatur quæ illi ordini in æternum cum voluptate subsiciatur. Deum, præviso peccato, hoc fine concupiscentiam permisisse non inficior. Sed cum concupiscentia non sit absolutè necessaria ad merendum, si Deus eam permiserit, id eo consilio fecit, ut nemo bonum posset facere sine auxilio quod Jesus Christus nobis meritus est, atque ne homo propriis viribus gloriaretur. Clarum enim est hominem non posse sibi bellum inferre, ac sese vincere, nisi animeretur spiritu Jesu Christi, qui utpote fidelium caput, ipsis impertit motus qui omnino sunt oppositi motibus concupiscentiæ a primo homine oriundæ, *A Deo enim nobis datus est Jesus Christus ut esset*, * inquit D. * 1. Cor. 1. Paulus, *sapientia, justitia, sanctificatio & redemptio nostra; ut quicumque glorietur, in Domino gloriatur.*

XVI. Posito igitur quod infantes cum concupiscentiâ nascuntur, ipsos peccatores esse evidenter sequitur, cum ipsorum cor versùs corpora quantum potest conversum sit. In ipsorum voluntate nihil adhuc est præter amorem, & quidem ille amor est inordinatus. In iis itaque nihil est quod Deus possit amare, cum Deus amare nequeat quod ordini repugnat.

XVII. At verò cum in Christo fuerunt regeneriti, hoc est, cum ipsorum cor versùs Deum conversum fuit, sive motu actuali amoris, sive potius habitu quodam, aut internâ animi dispositione, illi simili quæ remanet post actum aliquem perfectum amoris erga Deum: Tum concupiscentia non ampliùs est peccatum in ipsis: Tum enim non am-

Vid. 1 & 5:
Dialogum
Colloquiorum
Christianorum;
edit. Par.
1701.
Aug. in Jak.
1. 6. c. 3.

* 1. Cor. 1.

† Aug. de
pliùs nupte, &c.

concup.
cap. 15.

plius sola est in corde ipsorum; ei non amplius dominatur. Amor habitualis in ipsis remanens gratiâ Baptisminis in Jesu Christo liberior aut fortior est amore in ipsis habitante per concupiscentiam ab Adamo contractam. Similes sunt Iusti qui salvâ suâ iustitiâ, per somnum concupiscentiæ motus sequuntur, gratiam Baptisminis non amittunt, quia istis motibus liberè non consentiunt.

XVIII. Nec ita mirum videri debet si posse fieri credam, ut infantes ipso baptisminis momento, Deum amore libero ament. Cùm enim secundus Adamus priori sit contrarius, cur tempore regenerationis non liberabit infantes ex servitute corporis cui mancipati tantùm sunt propter primum Adamum: Ut illuminari, & excitati gratiâ vivâ & efficaci ad Deum amandum, ipsum omnes ament amore libero & rationali, primo Adamo nihil obstante. Nemo unquam deprehendit, inquiet aliquis, ipsorum corpus vel per unicum momentum definire agere in mentem: sed quis miretur se non videre id quod visibile non est? Unicum momentum sufficit ad patrandum illum actum amoris quo cor mutatur. Cùm autem ille actus possit formari in mente, nullis ex eo impressis vestigiis cerebro, mirandum quoque non est quòd ipsius nunquam recordentur: Quippe memoria eorum quæ nulla cerebro insculpunt vestigia non conservatur.

XIX. Veterem hominem seu concupiscentiam cum Jesu Christo crucifigi, nosque mortuos & sepultos esse cum eo per Baptisma nos docet Divus Paulus. Nunquid id fieret quia tum liberamur ab impetu corporis in mentem, concupiscentiæque veluti extincta est hoc momentum? Verùm quidem est illam reviviscere: sed cùm semel deleta fuerit, ac infantes in eo permisserit statu ut amarent Deum, ipsis amplius officere nequit, quamvis in iis reviviscat. Cùm enim duplex amor in corde sit, amor naturalis, & amor liber; ordo postulat ut solius amoris liberi ratio habeatur: Ac si infantes in Baptismo amarent Deum actu nullatenus libero, corpora postea multis actibus ejusdem speciei amantes; Deus fortè non posset ordinem sequendo unicum actum plurius facere multis actibus, iisque omnibus naturalibus, & non liberis. Seu potius si amores illi contrarii inter se vi æquales essent, postremi rationem habere deberet; eadem ratione quâ cùm in uno corde duo amores liberi inter se contrarii fuerunt, Deus posterioris semper habet rationem, cùm gratia amittatur unico peccato mortali.

XX. Negari tamen non potest Deum posse, nequaquam suspensâ dominatione corporis in mentem infantis, ipsum reddere iustum, aut ipsius voluntatem versùs se inflectere, in ipsius mentem indendo dispositionem illi similem quæ remanet post motum actualem amoris Dei. Verùm illa agendi ratio ad naturam æquè prope accedere non videtur ac alia; Clarè enim non concipimus quid possent esse illæ remanentes dispositiones. Id quidem mirum non est; cùm enim ideam mentis claram

Vid. Cap. 7.
part. 1.

ram non habeamus; ut id alibi probavi, mirum non est quod non cognoscamus omnes modificationes quas potest suscipere. At menti non potest satisfieri rebus quas clarè non percipit. Miraculum extraordinarium videtur necessarium ut mens illas dispositiones acquirat sine actu præcedenti. Id fieri nequit per vias quæ omnium simplicissimæ videntur. Cum contrà, secundo Adamo producente in mente infantis qui baptizatur prorsus contrarium ab eo quod primus Adam in eadem mente antea produxerat; sufficit ut regeneretur, Deum per vias ordinarias, quibus adultos sanctificare solet, in ipso agere. Cum enim infans per illud temporis momentum nullis afficiatur sensationibus aut motibus quæ ipsius cogitandi & volendi facultatem impleant; nihil impedit quominus cognoscat & amet verum suum bonum. Plura non addo, quia necesse non est scire præcisè quomodo fiat regeneratio infantium, modò vera in ipsis regeneratio admittatur, aut justificatio interna & realis ex actibus, si velis, qui Sacramentum comitantur, sed potiùs ex habitibus fidei, spei, & charitatis nata. Si Explicationem præjudicii adeo contrariam proposui, id eo consilio feci, ut iis etiam satisfacerem, qui nolunt admittere habitus spirituales, ipsisque probarem possibilitatem regenerationis infantium; namque *imputatio* manifestam contradictionem involvere mihi videtur; Deus enim non potest habere ut iustus, & amare actu res creatas quæ actu sunt in statu peccati; quamvis possit propter Jesum Christum consilium inire eos in ordinem restituendi, & actu amandi postquam resipuerint.

OBJECTIONES ADVERSUS ARGUMENTA.

& Explicationes peccati originis.

OBJECTIO

Adversus primum Articulum.

DEUS vult ordinem, id quidem verum est; verum voluntas ipsius instituit illum ordinem, non verò supponit. Quicquid Deus vult est juxta ordinem, non alià de causâ, quàm quia ipse id vult. Si Deus velit mentes corporibus subniti, ipsa amare & timere, non est contra ordinem: Si Deus velit bis 2. non esse 4. is non mentiretur qui diceret bis 2. non esse 4. id verum esset. Deus est principium omnis veritatis: Magister omnis ordinis: nihil supponit, nec veritatem, nec ordinem: omnia ipse etlicet.

Ad singulas objectiones recurrendum est ad art. in quem facta sunt.

Respon-

Responsio.

Vid. infrà
illustrat. de
naturâ ide-
arum.

Omnia igitur eversa sunt. Nulla amplius est scientia, nulla Ethica, nulla argumenta pro Religione quorum vis eludi non possit. Hæc consequentia videbitur clara cuicumque assequutus fuerit falsum illud principium; Deum scilicet producere ordinem & veritatem voluntate potius liberâ. Sed respondeamus accuratius.

Respondeo igitur Deum nil posse agere & velle sine cognitione; atque ita ipsius voluntates aliquid supponere; sed id quod supponunt non est quid creatum. Ordo, veritas, sapientia æterna, est exemplar omnium Dei operum: Jam verò illa sapientia non est creata: Deus qui omnia fecit illam tamen nunquam fecit, quamvis ipsam Deus perpetuò ex suæ essentia necessitate gignat.

Quicquid Deus vult est juxta ordinem, eâ solâ de causâ quòd Deus id vult; fateor; sed res sic se habet, quia Deus non potest adversus seipsum, adversus sapientiam & lumen suum agere. Potest quidem nihil producere *ad extra*. Sed si agere velit, non potest quin sequatur ordinem immutabilem sapientiæ quam necessariò amat: Nam Religio, & ratio Deum, sine Filio, Verbo, & Sapientiâ suâ nihil agere me docent. Non dubito igitur dicere Deum non posse positivè velle ut mens subjiçatur corpori; quia hæc sapientia secundum quam Deus vult quicquid vult, mihi clarè notificat id esse contra ordinem. Atque id in illâ ipsâ sapientiâ clarè video: Quia illa est ratio suprema & universalis, quam omnes mentes participant, ob quam Entia omnia intelligentia sunt creata, per quam omnes homines ratione gaudent. Quippe nemo inter mortales est sibi ipsi ratio, sapientia, & lumen. Nisi forsân cùm alicui est ratio peculiaris a ratione universali diversa, falsus splendor pro verâ luce, & mera stultitia pro sapientiâ.

Cùm plerique homines haud distinctè norint solam sapientiam æternam ipsos illuminare, ideæque intelligibiles quæ immediatè ipsorum menti obversantur creatas non esse; leges æternas veritatesque immutabiles tales institutas esse voluntate Dei liberâ arbitrantur. Atque illo præjudicio præpeditus Cartesius dixit Deum potuisse efficere ut bis quatuor non essent octo, utque tres anguli cuiuspiam trianguli non essent æquales duobus rectis, quia *nullus est ordo, inquit, nulla lex, nulla bonitatis & veritatis ratio quæ a Deo non pendeat*, & quia ipse ab æterno decrevit, & instituit ut supremus Legislator veritates æternas. Nempe, Doctissimus ille Philosophus fatis non attendebat esse ordinem, legem, rationem supremam quam Deus amat necessariò, quæ ipsi cœterna est, & secundum quam necesse est ipsum agere, si modò velit agere. Deus enim indifferens est in operibus exter-

Responsio
ad sextas
objectiones
adversus
Medit. art.
6. art. 8.

ternis, verum non est indifferens, quamvis sit plane liber, in modo agendi; semper modo sapientissimo & perfectissimo agit, ordinem immutabilem & necessarium semper sequitur. Ita, Deus potest nec mentes, nec corpora creare; sed si duo illa entium genera creet, illa debet creare per vias simplicissimas, & in ordinem perfectissimum digerere. Potest, e. g. colligare mentes corporibus, sed ipsum non posse mentes corporibus subicere defendo; nisi pro ordine quem semper sequitur, peccatum ad id ipsum adigat, ut jam exposui articulo septimo, & in prima observatione sub finem.

Vid. II. Iustr. c. 6. 2. part. l. 3. aut 9. coll. de Metaph.

Ut nonnullis instantiis quibus urgeri possem occurram, operæ pretium me facturum esse puto, si moneam, homines immerito sese ipsos consulere, quum doceri volunt quid Deus facere, aut velle possit. De ipsius voluntatibus ex inclinationum suarum conscientia seu sensu interno judicare non debent. Deum saepe injustum, crudelem, peccatorem efficerent, ut eum Omnipotentem efficerent. Principium illud generale omnium præjudiciorum quibus occæcantur abdicare debent, quo de omnibus relatè ad seipsum judicant; Idque solum Deo tribuere quod clarè concipiunt includi in ideâ entis summè perfecti: De rebus enim judicandum non est nisi per ideas claras. Tunc Deus quem adorabunt non erit similis Diis veterum Ethnicorum, qui ut ipsorum factores crudeles, adulteri, & libidinosi erant. Immo nec similis erit Deo nonnullorum Christianorum, qui ut illi omnem potentiam quâ peccator pollere optaret affingant, ipsi dant potestatem agendi contra omnem ordinem, peccatum impunitum relinquendi, & homines adjudicandi poenis æternis quantumvis justos & insones.

SECUNDA OBJECTIO

Contra Articulum Primum.

Si Deus velit ordinem secundum quem fiunt monstra, haud dico inter homines, quippe qui peccaverint; sed inter animalia, & plantas. Quænam est causa corruptionis generalis in aëre quæ tot morbos gignit; Quo ordine tempestates solitum non observant ordinem, sol aut gelu comburit fruges? An id vocaveris cum ordine & sapientia agere, dare animali membra prorsus inutilia, ut fructus formati gelu pereant permittere? Nonne fatius est dicere Deum facere quodcumque ipsi lubet, ipsumque supra omnem ordinem legemque esse. Etenim ut de rebus majoris momenti agamus quàm de fructibus, de quibus quodlibet fieri potest; certè terra ex quâ Deus conficit vasa ad iram, eadem est ex quâ parat vasa ad misericordiam.

Responsio.

Ejusmodi difficultates ad id tantum aptæ sunt ut veritatem obscurant, quia ex mentis tenebris duntaxat oriuntur. Sciunt homines Deum justum esse; sciunt pariter malos esse beatos: quid? an id negabunt quod vident? an id in dubium vocabunt quod sciunt; quia fortè nonnulli satis erunt stupidi ut ignorent, alii verò satis audaces, & prophani ut non credant id quod Religio de pœnis æternis nos docet. Pariter sciunt homines Deum esse sapientem, ipsumque nihil facere quod bonum non sit? vident tamen monstra, vident opera imperfecta. Quid igitur credent? Deum aberrasse, aut illa monstra ab ipso non esse? Certè vir cui mens erit sana & firma neutrum credet. Quippe Deum omnia facere certò constat, & ab ipso nil posse fieri quod perfectum non sit quantum esse potest, pro simplicitate & paucitate modorum quibus utitur ad suum formandum opus. Tenaciter adhærendum est iis quæ videmus, nec commoveri debemus difficultatibus quæ ob ignorantiam nostram solvi nequeunt. Si ignorantia formet difficultates quæ dogmata solidius statuta evertant, quid inter homines quibus omnia scire non datum est certi erit ampliùs? Quid! lucēs fulgentissimæ non poterunt discutere minimas tenebras? ac tenebræ levissimæ lumina clarissima & vividissima obscurabunt?

Verum enim verò quamvis sine ullo dogmatis nostri detrimento possemus non respondere difficultatibus ejuscemodi; haud abs re tamen erit offendere nobis non deesse quæ illis respondeamus. Nam mens humana in judiciis suis ita obliqua est ut opiniones quæ ex illis difficultatibus imaginariis sequi videntur, præferre possit veritatibus certis, quæ in dubium non possunt venire, nisi apud eos quibus est dubitandi animus; quique eo consilio ab illis difficultatibus examinandis abstinant. Dico igitur Deum * velle ordinem, quamvis sint monstra; immo esse monstra quia Deus vult ordinem. Cujus rei hæc est ratio.

Leges naturæ, per quas Deus infinitam quæ in orbe deprehenditur varietatem producit, simplicissimas & paucissimas esse postulat ordo. Jam autem simplicitas illa legum generalium in quibusdam casibus specialibus, & propter dispositionem subjæctæ materiæ, producit motus irregulares, seu potius combinationes monstrosas; ac ideo monstra in rerum naturâ fiunt quia Deus vult ordinem. Itaque Deus non vult positivè, seu directè dari monstra; sed vult positivè quasdam leges communicationis motuum, ex quibus monstra necessariò sequuntur: quia leges illæ quamvis simplicissimæ, sunt tamen idoneæ ad producendam illam formarum varietatem omni admiratione majorem.

Exempli gratiâ, secundum leges generales communicationis motuum
quæ-

* Vid. in colloquiis de Metaph. quæ spectant providentiam colloq. 9. & seqq.

quædam corpora pelluntur propemodum versùs centrum terræ: corpus alicujus hominis seu alicujus animalis est unum ex illis corporibus: quod ipsum sustinet in aëre liquefit sub ipsius pedibus: an justum est, & ordini congruum Deum voluntates suas generales illius specialis casus ergo mutare? Certè id verisimile non videtur. Oportet igitur ut illud animal contraret sibi corpus aut aliquo membro mutiletur. De generatione monstrorum idem ferendum est judicium.

Ordo quidem vult omnia entia habere quicquid ipsis necesse est ad conservationem & propagationem speciei: dummodo per vias simplicissimas & sapientiâ divinâ dignas id fieri possit. Ac videmus quidem animantibus, & plantis ipsis suppetere rationes generales conservandæ & propagandæ speciei. Ac si ejusmodi rationes nonnullis desint animalibus in quibusdam casibus specialibus, id factum est quia leges generales secundum quas formata fuere, id ferre non potuerunt, quoniam leges illæ non illa sola spectant animalia; sed in genere omnia entia; jam autem bona publica privatis sunt anteponenda.

Certè si Deus unicum formaret animal, illud monstruosum non efficeret, sed ordo postulare ut Deus illud animal per eandem non formaret leges per quas omnia nunc format. Nam actio Dei ipsius proposito attemperata esse debet Deus per leges naturæ non unicum animal, sed mundum condere vult. Illumque per vias simplicissimas, ut id ordo postulat, condere debet. Sufficit igitur mundum illum non esse monstruosum, aut effectus generales dignos esse legibus generalibus, ut nihil sit in opere Dei quod carpi queat.

Si Deus leges speciales adscripsisset omnibus specialibus mutationibus; aut si in unaquaque re naturam seu principium speciale omnium ipsius motuum instituisset, inter tot ordini manifestò repugnantia, difficile revera foret omnem culpam ab ipso amovere. Necesse forsàn esset fateri aut Deum non amare ordinem, aut ipsum non posse mederi inordinationi: Etenim qui numerum propè infinitum causarum secundarum, virtutum, qualitarum, facultatum naturalium iis naturæ ludis seu aberrationibus vulgò dictis alligant, sapientiæ & potentie infinitæ Authoris rerum omnium injuriam haud dubiè inferunt. Cùm Deus omnia peragat, ad simplicitatem legum generalium confugere necesse est ut a Providentiâ Divinâ omnis amoveatur culpa, * ut alibi explicatum reperietur.

* Vid:
Tract. de
Nat. &
Grat. mex-
que ad D.
Arnaldum
responsa,
sive supra
laudata
colloquia
metaph.

O B J E C T I O

Contra Secundum Articulum.

Deus non potest agere propter se. Qui sapiens est nihil facit inutile. Jam autem quicquid Deus faceret propter se esset inutile; Ipsi enim ni-

H h 2 hil

nihil deest, Deus nihil sibi vult; ex essentiae necessitate habet quicquid sibi posset velle. Jam verò si Deus nihil optet sibi, nihil facit propter se; quandoquidem tantum agit per efficacitatem voluntatum suarum. Ista est boni natura ut sese communicet & diffundat; utile sit aliis non verò sibi; ut quærat, ac si possit creet quos beatos efficiat? Cum itaque Deus sit essentialiter & summè bonus, ipsum propter se agere reputat.

Responsio.

Deus potest agere *propter se* bifariam: vel ut aliquam percipiat utilitatem ex eo quod agit; vel ut res ab ipso creata suam in ipso nanciscatur felicitatem & perfectionem. Nunc non excutio an Deus agat propter se priori modo, & an aliquem sibi conciliaturus honorem se dignum omnia fecerit & restauraverit per Filium, in quo, Scripturâ testante, omnes res creatæ subsistunt. Defendo duntaxat Deum nec posse creare, nec conservare mentes ut cognoscant & ament res creatas ut suum bonum, aut felicitatis causam, quandoquidem eæ res creatæ non sunt verum ipsarum bonum; Lex immutabilis, æterna, necessaria fert, ut cognoscant & ament Deum, ut tertio articulo expositum est. Itaque objectio illa non impugnatur dogma meum, ipsi contrà favet: Ac si natura boni in eo consistat ut sese communicet & diffundat (illud enim axioma jam non exigo) hinc patet Deum utpote essentialiter & summè bonum non posse non agere propter se eo sensu quem induco.

O B J E C T I O

Contra Quartum Articulum.

Cum ignorantia sit consequentia peccati, Adam ante lapsum perfectus pollere debebat cognitione naturæ corporis sui & circumjacentium. Ergo non opus erat ut moneretur quid ipsi agendum esset ad conservationem vitæ suæ. Necesse fuit, exempli gratiâ, ipsum penitus cognovisse naturam omnium animalium ut ipsis nomina unicuique accommodata imponeret. Soli enim sapientes, inquit Plato & Pythagoras, rebus nomina imponere norunt.

Responsio.

Errant qui id obijciunt. Ignorantia nec est malum, nec series peccati; at verò error seu occæcatio mentis est malum & sequela peccati. Deus Omnis omnia novit, nihilque ignorat. In Entibus intelligentibus & maximis cogitationibus ornatis inest quædam ignorantia. Quicquid si-

finitum est non potest capere infinitum. Itaque nulla est mens finita quæ vel possit capere omnes triangularum proprietates. Adam in momento creationis omnia noverat quæ ipsum nosse necesse erat; nihil præterea: Nec necesse erat ipsum planè cognoscere dispositionem omnium partium corporis sui, & corporum ambientium. Rationes attuli articulo suprâ notato & alibi. Tom. I. c. 5.

Impositio nominum denotat potiùs in Scripturâ auctoritatem quàm cognitionem perfectam. Ut Dominus cœli fecerat Adamum terræ Dominum, Adamum animalibus nomina indere consentiebat, ut ipse dederat stellis. Evidens est sonos aut voces nullam habere, nec habere posse relationem cum rebus quas significant quicquid dicant Divinus Plato, & Mysteriosus Pythagoras. Posset forsan explicari natura Equi, aut Bovis in libro integro, sed una vox non est liber. Ac ridiculum est arbitrari monosyllaba ut *Sus* quod Hebraicè significat equum & *Schor* quod significat bovem, repræsentare naturam istorum animalium. Verisimile tamen est Adamum istæc nomina istis animalibus imposuisse; cum reperiantur in Genesi. Et ipse Author Geneseos asserit nomina quæ Adamus dedit animalibus, eadem quæ suo tempore usurpabantur fuisse. Haud credo enim ipsum aliud designare his verbis: *Omne quod vocavit Adam anima viventis, ipsum est nomen ejus.* Sed do Adamum animalibus imposuisse nomina quæ aliquam habeant analogiam cum ipsorum naturâ, ac eruditus cujusdam hujus sæculi authoris etymologia calculum lubens adjicio. Volo primum hominem nuncupasse animalia domestica *Behemot* quia silent, arietem *Ajil* quia fortis est, hircum *Sair* quia est hirsutus; porcum *Chajir* quia habet parvos oculos, & asinum *Chamor*, quia in oriente multi extant asini rubri. Sed non video aliud Adamo necesse fuisse quàm aperire oculos, ut cognosceret hircum esse hirsutum, asinum rubrum, & porcum habere parvos oculos. Adam nuncupat *Beir* & *Behema* id quod vocamus brutum aut grande animal domesticum, quia jumenta illa sunt muta & stupida: quid inde sequitur? Ipsum penitus cognovisse illorum naturam? Id non est evidens. Certè vereretur potiùs ne hæc inde eliciatur consequentia: Nempe Adamum eâ fuisse simplicitate ut interrogaret bovem utpote inter animalia domestica maximum; at verò cum ipsum nil respondere admirabundus vidisset, illum postea in contemptus argumentum vocavisse *Beir* & *Behemab*. Omibus
eis nomina
vocat.
Pf. 47.

Cap. 49. 17.
& 32. 5.

SECUNDA OBJECTIO

Adversus Articulum Quartum.

Sunt sensationes prævenientes incommodæ & molestæ: Atqui Adamus erat justus & innocens; Ergo iis non debebat affici: Ergo ubique, & usquequaque debebat rationis & lucis ductum sequi, non verò sensationibus iis quæ nunc habentur similibus præveri.

Responsio.

Fateor equidem esse sensationes injucundas & molestas; At illæ nulum unquam primo homini faceſcebant negotium: quia eo ipſo momento quo ipſum moleſtabant, iis nolebat ampliùs affici; & deſinebant ipſum afficere eo ipſo momento quo id volebat. Senſationes illæ duntaxat ipſum reverenter admonebant quid ſibi faciendum eſſet, quid verò non: ipſius felicitatem non turbabant: per eas tantum admonebatur ſe poſſe illam amittere, ac eundem Deum a quo omnis ipſius pendebat beatitudo poſſe ipſum punire miſerumque efficere, ſi ab illo deſiceret.

Ut conſtet primum hominem nullo unquam dolore vivo ipſum ſubito occupante fuiſſe affectum; duo duntaxat ſunt conſideranda. Primum; dolorem eſſe leviffimum quum motus quibus alligatur ſunt debiliſſimi; cum dolor viribus motuum qui ad præcipuam uſque cerebri partem communicantur ſemper attemperatus ſit. Alterum motum ſuâ naturâ ſemper includere ſucceſſionem temporis; nec poſſe eſſe violentum primo momento quo communicatur cum partibus nervi noſtri corporis ſimilibus, quippe hi nervi aliquantulum ſunt laxi a cerebro ad cutem uſque. Hoc poſito; primum hominem nulum unquam dolorem a quo præoccuparetur & miſer fieret ſenſiſſe patet. Motus enim ex quibus oriebatur ille dolor ſiſtere poterat; at ſi verum eſt ipſum potuiſſe illos ſiſtere eo ipſo temporis momento quo agere inchoabant; certè illos ſiſtere eo ipſo temporis momento quo agere inchoabant; & ſenſus doloris naturâ ſuâ averſationem movet. Præterea ipſius utique innocentia id merebatur ut ſpeciali modo a Deo defenderetur.

Adam igitur nulum unquam dolorem violentum patiebatur: at non video quicquam ad id nos adſtringere ut etiam negemus ipſum levibus affectum fuiſſe doloribus, qualem ſentire ſolemus, cum de fructu immaturo delibamus ipſum maturum eſſe credentes. Certè ipſius felicitas admodum mediocris fuiſſet, ſi tam levi de cauſâ turbari potuiſſet: nam delicatula conſtitutio eſt debilitatis argumentum; Et ſanè voluptas ac gaudium ſunt parum ſolida, cum adeo facilè interrumpuntur, & evaneſcunt. Dolor felicitatem verè interrompere nequit, niſi quum involuntarius eſt, ac nobis invitis ſubſiſtit; Jeſus Chriſtus cruci affixus beatus tamen adhuc erat, quamvis acerrimis affectus doloribus, quia nihil patiebatur quod lubens non pateretur. Cum itaque Adam nihil invitus perferret; non eſt quòd quis dicat nos ipſum efficere infelicem ante peccatum, quia hic ſupponimus ipſum ſenſationibus prævenientibus ſed moderatis, & ſubmiſſis monitum fuiſſe de iis quæ ad vitæ conſervationem vitanda habebat.

OBJE-

O B J E C T I O
Contra Quintum Articulum.

Adam voluptatibus prævenientibus afficiebatur : Sed voluptates prævenientes sunt motus involuntarii : Ergo Adam motibus involuntariis agitabatur.

Responsio.

Respondeo ; in Adamo sensationes prævertisse rationem ; Idque probavi in articulo quarto. Sed nego illas ipsius voluntatem prævertisse , aut in ipsâ rebelles quosdam motus excitasse. Námque Adam per istas sensationes de iis quæ sibi ad vitæ conservationem essent agenda admoneri quidem volebat. At verò invitatus agitari nolebat ; id enim involuit contradictionem. Præterea cùm ad veritatis contemplationem non interruptè incumbere volebat ; ipsius & sensus & affectus altum filebant ; Id ordo postulat & ex summo quo in corpus pollebat imperio necessariò sequitur.

Respondeo secundò ; Voluptatem mentis nequaquam idem esse cum ipsius motu & amore : voluptas & amor sunt modificationes mentis ; at voluptas nullam habet relationem necessariam ad rem objectam quæ illam parere videtur ; amor ad bonum necessariò refertur. Voluptas est menti id quod figura est corpori ; & motus est corpori id quod amor est menti. Jam autem motus corporis ab ipsius figurâ longè differt. Volo equidem mentem quæ versùs bonum indefinenter fertur ad illud faciliùs , ut ita loquar progredi , quum sensu voluptatis afficitur , quàm quum dolorem patitur : quemadmodum corpus impulsum faciliùs movetur cùm figurâ est sphæricâ , quàm ubi figuram cubicam habet ; sed figura corporis differt ab ipsius motu , ac potest esse sphæricum & quiescere. Verùm quidem est de spiritibus rem secus se habere ac de corporibus. Illi voluptate affici non possunt quin sint in motu ; quoniam Deus , qui ipsos propter se creat & conservat , ipsos versùs bonum indefinenter impellit ; sed id non probat voluptatem idem esse in mente ac ipsius motum ; quippe duo quamvis diversa possunt tamen simul occurrere.

V. Illustr.
 ad Cap. 3.
 Lib. 5.

Respondeo denique , licèt voluptas non differret ab amore seu motu mentis , voluptatem quam primus homo sentiebat in usu bonorum corporeorum ipsum non tulisse ad amanda corpora. Voluptas fert mentem versùs rem objectam quæ illam in ipsâ parit ; concedo ; At fructus quem comedimus cum voluptate ipse non est qui parit in nobis voluptatem illam ; Corpora non possunt agere in mentem , illamque ullo modo beatam efficere. Deus solus id potest efficere. Erramus dum cogitamus corpora in se habere id quod sentimus ipsorum occasione.

Adam

Adam ante peccatum ita stupidus non erat ut arbitretur corpora esse veras ipsius voluptatum causas. Itaque motus cum voluptatibus ipsius conjunctus solum ipsius corpus non animum ferebat versùs corpora. Si voluptas ad primi hominis lapsum aliquid contulit; certè id non contulit efficiendo in ipso id quod jam efficit in nobis. Id duntaxat contigit quia implendo & dispendendo ipsius cogitandi capacitate, in ipsius mente veri boni & officii præsentiam diminuit aut delevit.

O B J E C T I O

Contra Articulum Sextum.

An verisimile est voluntatem Dei immutabilem ab humana voluntate dependisse? in lege generali communicationis motuum datas fuisse exceptiones in gratiam Adami?

Responsio.

Saltem evidens non est non posse dari tales exceptiones. Jam autem postulat ordo immutabilis corpus subijci menti; & contradictorium est Deum non amare & nolle ordinem: * Deus enim necessariò amat Filium suum, Sapientiam illam quæcum totam suam communicat substantiam; Ergo necesse erat ante peccatum primi hominis dari in ipsius gratiam exceptiones in lege generali communicationis motuum. Id forsàn apparet paulò abstractius. En aliquid clarius.

* In Illustr.
circa natu-
ram idea-
rum expli-
cabo spe-
cialius quid
sit ordo, &
cur Deus
illum amet
necessariò.

Homo, quamvis peccator, brachium suum pro lubitu movere & sistere potest. Ergo pro variis hominis voluntatibus spiritus animales determinantur ad producendos aut sistendos quosdam motus in ipsius corpore, quod certè fieri nequit per legem generalem communicationis motuum. Cum igitur voluntas Dei nostræ, si fas sit ita loqui, etiamnum submittatur, quidni & Adami voluntati submissa fuisset? Si bono corporis & societati civili consulturus Deus cohibuit in peccatoribus communicationem motuum, quidni illam stitisset in homine justo, in ipsius mentis bonum, & ad fovendam conjunctionem & societatem quam cum ipso habebat; Deus enim eum propter se duntaxat considerat. Cum Deus nullam velit inire societatem cum peccatoribus, ipsis post peccatum eam ademit potestatem quâ poterant, ut ita dicam, deponere corpus ut cum ipso Deo conjungerentur. Sed ipsis illibatam reliquit potestatem sistendi aut mutandi communicationem motuum relatè ad conservationem vitæ, & ad societatem civilem; quia noluit suum destruerè opus; & quia etiam antequam ipsum formasset, illud, juxta Divum Paulum, in Christo restituere & restaurare decrevit.

OBJE-

O B J E C T I O

Contra septimum articulum.

Homo corpus suum undique adhuc transfert: omnes ipsius partes, quarum motus ad bonorum investigationem & malorum sensibilibum fugam necessarius est, pro lubitu movet. Ac ideo sistit aut mutat singulis momentis communicationem naturalem motuum, non modo propter res parvi momenti, sed etiam propter res inutiles ad vitam & societatem civilem, quibus vita brevitur, Deusque ad iram provocatur. Deus vult ordinem, id equidem fateor. Sed Deus postulat-ne ut leges motuum violentur propter malum, & sint inviolabiles propter bonum? Cur homo motus eos sistere non posset quos in ipsius corpore excitant res sensibiles, cum illi motus impediunt quominus bonum patrare, ad Deum postliminio reverti, & ad officium redire queat, cum tamen possit adhuc tot mala in mundo patrare, linguâ, brachiis, cæterisque corporis partibus quarum motus ab ipsius voluntate pendet?

Responsio.

Ut huic objectioni satisfiat, animadvertendum est hominem post peccatum debuisse in nihilum reverti. Cum enim non amplius esset in ordine, nec posset in ordinem regredi, existere amplius non debebat. Deus nihil amat præter ordinem, atque in ordine non versatur peccator, ergo illum Deus non amat. Peccator igitur non potest subsistere, cum res creatæ non subsistant nisi quia Deus vult ipsas existere; jam autem Deus non vult ipsas existere nisi ipsas amet. Peccator non potest etiam per se in ordinem regredi; quia non potest per se ipsum se se culpâ purgare, quicquid perferre potest ipsius noxam æquare nequit. Ergo in nihilum reverti deberet. Sed quia a ratione abhorret ut Deus opus faciat ad ipsum annihilandum aut ad permittendum ut in statum labatur ipso nihilo pejorem; evidenter patet Deum hominem non conditurum fuisse nec ipsius peccatum permissurum fuisse, nisi in consilio æterno decrevisset incarnationem Filii in quo omnia subsistunt, & ex quo mundus pulchritudinem, perfectionem, & magnitudinem, sapientiâ & potentiâ ipsius authoris dignissimam recipit.

Potest igitur considerari homo post peccatum utpote sine restauratore existens, sed expectans Restauratorem. Si sine Restauratore consideretur, clarum est ipsum cum Deo societate conjungi non debere; nulla in se ipso vi præditum esse quâ possit ad Deum reverti, a Deo, ut ita dicam, repelli debere, cum corpori nuncium irriter fatagit ut cum ipso conjungatur; hoc est hominem post peccatum privari debere facultate sese expediendi ab impressionibus sensibilibus & a motibus con-

Malebrancii de Inquisit. Verit. Tom. II.

Ii cupit

Vid. 5. Dialogum Colloquiorum Christianorum.

cupiscentiæ. Immo ob rationes allatas in nihilum deberet redigi. Sed expectat Restauratorem, & si tanquam illum Restauratorem expectans consideretur, patet ipsum subsistere debere una cum posteris suis ex quibus nasci debet Restaurator, & ex quibus Ecclesiam suam conditurus est; atque ita necesse esse ut homo post peccatum conservet adhuc potestatem diversè movendi omnes corporis partes quarum motus ad ipsius conservationem possunt conferre.

Fateor equidem hominis potestate quâ pollent excitandi quosdam motus indefinenter abuti; potestatemque, exempli gratiâ, quâ linguam variè movere possunt, innumerabilium malorum esse causam. Sed si ad rem attendatur, clarè patebit potestatem illam omnino necessariam esse ad fovendam societatem, ad sese invicem in necessitatibus vitæ præsentis sublevandos, ad sese mutuo erudiendos circa Religionem, quæ istius liberatoris per quem mundus subsistit spem facit. Si attentè expendamus quosnam motus possimus in nobis excitare, & in quibus corporis partibus eos excitemus, manifestum erit Deum eam duntaxat nobis reliquisse potestatem in corpus quæ ad vitam conservandam, societatemque fovendam necessaria est. Palpitatio cordis, exempli gratiâ, dilatatio diaphragmatis, motus peristalticus viscerum, circulatio spirituum & sanguinis, varique nervorum motus in affectibus excitantur in nobis inconsultâ mente. Cum propè iidem semper esse debeant in omnibus casibus, Deus non tenetur eos submittere nunc voluntati hominum. Sed cum motus muscutorum ad linguam, crura, & brachia movenda necessariorum, singulis momentis mutari debeant pro varietate propemodum infinitâ rerum objectarum bonarum seu malarum quibus circumdamur, istos inquam, motus a voluntate humanâ pendere necesse fuit.

Fusè Pro-
videntiam
explicui in
Co. 5. quibus
de Metaphysicâ.

Jam autem attendendum est Deum semper agere per vias simplicissimas legesque naturæ debere esse generales; cum itaque nos donaverit potestate movendi brachia nostra & linguam, nobis non debet adimere potestatem percutiendi hominem immerito, aut ipsum calumniis proscindendi. Si enim facultates nostræ naturales penderent a consiliis nostris, nulla esset uniformitas nullaque regula certa in legibus naturæ quæ tamen debent esse simplicissimæ & generalissimæ, ut sapientiâ Divinâ dignæ sint & ordini conformes. Adeo ut Deus sequendo decreta sua, malit facere *res materiale* peccati, ut loqui amant Theologi, aut inservire iniquitati hominum, ut loquitur Propheta, quàm voluntates suas mutare ad coercenda peccati mala. At ultionem tanti abusus dissert ad tempus illud quo illibatâ decretorum immutabilitate poterit illam sumere, hoc est postquam corporibus hominum voluptati addictorum morte corruptis, Deus non amplius tenebitur eâ quam sibi ipse imposuit lege, ipsis nimirum sensationes & cogitationes quæ ad illud corpus referantur impertiendi.

Esaïas 43.
24.
Se-vire me
fecistis in
peccatis ve-
stris.

OBJEC-

O B J E C T I O

Contra articulum undecimum & duodecimum.

Peccatum originis hominem non modò corpori & concupiscentiæ motibus marcipat, illum etiam vitiis naturâ suâ omnino spiritualibus replet: Non modò corpus infantis ante baptismum corruptum est, sed ipsa mens, ipsiusque facultates peccato labefactatæ fuerunt. Quamvis corporis rebellio sit principium quorundam vitiorum crassorum ut sunt intemperantia, & impudicitia; non tamen est causâ vitiorum merè spiritualium ut superbiæ, & invidiæ: Itaque peccatum originis longè differt a concupiscentiâ quâcum nascimur; & verisimile est illud consistere in privatione gratiæ, seu justitiæ originis.

Responsio.

Fateor infantes privari justitiâ originis: Immo id probo ostendendo ipsos non nasci justos, & in Dei odium incurrere. Namque, non potest, opinor, dari idea clarior justitiæ & rectitudinis, quàm dicendo voluntatem esse rectam quum aorat Deum, ac esse inordinatam quum versus corpora insecutur. At si per justitiam aut gratiam originis intelligantur quædam qualitates incognitæ, his similes quas Deus dicitur resperxisse in mente primi hominis, ad ipsam ornandam & efficiendam acceptam oculis suis; adhuc evidenter patet privationem hujus justitiæ non esse peccatum originis; nam, propriè loquendo, ista privatio non transmittitur. Si infantes istis non præditi sunt qualitatibus, id fit quia Deus illas ipsis non impertitur; Si illas ipsis non dat, id fit quia illis indigni sunt. Illa igitur indignitas est quæ transmittitur, quæque causa est privationis justitiæ originis. Itaque illa indignitas est propriè peccatum originis.

Illa autem indignitas quæ, ut ostendi, consistit in eo quòd inclinationes infantium actu sint corruptæ, ipsorum cor versus corpora sit conversum, illaque ament, est recipi in illis: non est imputatio peccati parentis; actu sunt inordinati. Quemadmodum qui in Christo, cujus Adam erat figura, justificantur, non justificantur per imputationem: Acty restituti sunt in ordine per justitiam internam, diversam a justitiâ Jesu Christi, quamvis Christus ipsis illam meritis sit.

Mens duas tantum habet relationes naturales seu essentielles alteram ad Deum, alteram ad corpus cui connectitur. Jam verò relationem seu conjunctionem quam cum Deo habet ipsam corrumpere aut vitiösam efficere non posse evidenter patet. Ergo eo temporis momento quo creatur talis non est, nisi per relationem quam habet cum corpore. Itaque necessariò dicendum est aut superbiam, & cætera vitia quæ

spiritualia appellantur, posse communicari per corpus, aut infantes illis non esse obnoxios natiuitatis momento. Dico natiuitatis momento; quippe non nego prauos istos habitus posse comparari quàm facillimè. Quamvis Entia purè intelligentia nullam aliam habeant relationem quàm ad Deum, & natiuitatis momento nulli vitio essent obnoxia, tamen lapsa sunt: sed id tantùm contigit quia libertate suâ perperam usa sunt; jam autem infantes libertate nequitiam utuntur, nam peccatum originis non est liberum.

Verùm, ad rem, illos hallucinari arbitror qui existimant rebellionem corporis duntaxat causam esse vitiorum crassorum, quales sunt intemperantia, & impudicitia; non verò illorum quæ spiritualia dicuntur: ut sunt, superbia, & inuidia, ac pro certo habeo tantam esse analogiam inter dispositiones cerebri nostri & dispositiones mentis nostræ, ut nullus fortè sit malus habitus in mente qui suum non mutuetur principium a corpore.

Divus Paulus in multis Epistolarum locis appellat legem carnis, sapientiam carnis, desideria carnis, & opera carnis, quicquid contrarium est legi spiritus: vitiorum spiritualium nullam habet mentionem: idolatriam, hæreses, dissensiones, & multa alia vitia, quæ spiritualia dicuntur, inter opera carnis refert, sese vanæ gloriæ, iræ, inuidiæ permittere, est secundùm ipsum, sequi motus carnis. Denique ex istius Apostoli verbis patet omne peccatum originem suam ex carne ducere; non quòd caro illud admittat; aut quòd spiritus hominis, sine gratiâ, aut sine spiritu Jesu Christi bonum faciat; sed quia caro ita agit in mentem hominis, ut ea nihil mali perpetret quin ad id a carne fuerit priùs instimulata. Sic loquitur Paulus in Epistolâ ad Romanos. *Delector legem Dei quoad interiorem hominem. Sed video. aliam Legem in membris meis belligerantem adversus legem mentis meæ, & captivum reddentem me Legi peccati, qua est in membris meis.* Et paulo inferiùs, *Ipse ego meum quidem servo Legi Dei, carne verò Legi peccati.* Sic in multis aliis Epistolarum locis loquitur. Itaque concupiscentia, aut rebellio corporis non fert modò ad vitia quæ carnalia seu impura dicuntur, sed præterea ad ea quæ spiritualia existimantur. Id modo sensibili probare conabor.

Quum quis in aliquo mundanorum coetu fortuitò occurrit, in ipsius cerebro vestigia mechanicè imprimi, & in spiritibus animalibus motus, qui in ipsius mente gignunt cogitationes & inclinationes pravas, excitari certum mihi videtur. Tunc temporis cogitationes nostræ non sunt naturaliter conformes veritati, nec inclinationes ordini. In nobis propter corporis & vitæ præsentis bonum nascuntur, quia a corpore excitantur; Itaque Dei præsentiam, cogitationemque de officio nostro a nobis eliminant: Atque eò duntaxat tendunt ut caterorum hominum amicitia & existimatione digni habeamur. Arcana igitur illa superbia quæ tum in nobis excitatur est vitium spirituale, cujus principium est rebellio corporis.

Exem-

Exempli gratiâ, si homines in quorum conspectu adflamus, ad aliquam dignitatem sint provecti, ipsorum Majestatis fulgore perstringimur, & percellimur: Ut vestigia ad ipsorum præsentiam cerebro nostro impressa, nonnunquam sunt maxima, motusque vividissimi; vestigia illa toti corpori, ut ita dicam, illucescunt; per faciem diffunduntur; atque in nobis venerationem, timorem, omnisque mentis nostræ affectiones abditissimas manifestò retegunt; Dein vestigia illa per characteres illos sensibiles motuum internorum mentis nostræ, agunt etiam in hominem illum coram quo adflamus & cujus occasione omnes illi motus fuere excitati: In illo pariunt dispositiones ad mansuetudinem, & comitatem, ope vestigiorum quæ habitus noster venerabundus, seu timidus ipsius cerebro mechanice insculpunt; illa autem vestigia in illius cerebro, modo quo dixi, excitata, in ipsius faciem transmissa, delent in ipsâ Majestatem illam quæ primo intuitu sese conspiciendam præbuerat, & totum ejus corpus eo informant habitu quo terror e nobis excutitur, cui succedit confidentia. Itaque post multos characterum illorum sensibilibus percussus, multasque transmissiones, eam denique in habitu nostro induimus speciem, eamque agendi rationem institui-mus quæ optimati illi allubescit.

Jam autem cum omnes spirituum animalium motus cum motibus mentis sint conjuncti, & vestigia cerebri cogitationibus mentis sint corticata. Manifestum est nos ut pote privatos potentia delendi illa vestigia, & sistendi illos motus ad id sollicitari, præsentia illius qui nobis imperat, ut in omnes ipsius sententias, & voluntates descendamus, ipsique tori adhærescamus; quemadmodum ille ad id fertur ut sese nobis adjungat, licet modo planè diverso. Atque hanc ob causam consuetudo cum mundanis superbis concupiscentiam excitat & auget; quemadmodum consuetudines impuræ, cupidæ, voluptatum sensuum usurpatio, augent concupiscentiam carnis. Quod ad Ethicam observare admodum necesse est.

Utilissimum est dari in cerebro vestigia quæ hominem sibi metipsi indefinenter repræsentent, ut sui curam gerat; utilissimum quoque est alia dari vestigia quæ formandæ & fovendæ societati inserviant, cum homines non nati sint ut solitariè vivant: sed ex quo illa vestigia delendi, pro lubitu, ac ubi expediret, potentiam amisit homo, ab iis continuo ad malum infligatur. Cum non possit quin semetipsum sibi metipsi perpetuò repræsentet, ad superbis, & vanitatis motus, ad alios aspernandos, ad omnia in sui bonum vertenda indefinenter incitatur: & cum non sit arbitri vestigiorum quibus ad fovendam cum aliis societatem sollicitatur; obsequii, adulationis, invidiæ, & simili-um affectuum motibus invitius agitur. Itaque illa omnia vitia quæ spiritus alia dicuntur a carne oriuntur, æque ac impudicitia, & intemperantia.

Non modò sunt in cerebro nostro dispositiones quæ in nobis exci-

tant sensus & motus tendentes ad propagationem speciei , & conservationem vitæ ; forè etiam plures sunt quæ excitant in nobis cogitationes , & affectus , relatè ad societatem , & ad vitæ nostræ nec non amicorum tranquillitatem , ac securitatem stabilendum. Omnibus corporibus nos ambientibus naturâ conjuncti sumus & per illa corpora omnibus rebus quæ ad nos aliquatenus referuntur. Jam autem non possumus iis conjungi nisi per certas dispositiones in cerebro existentes. Cùm itaque non possimus impedire actionem illarum dispositionum naturalium, conjunctio nostra vertitur in dependentiam , & per corpus nostrum obnoxii sumus omni vitiorum generi.

Non sumus Entia purè intelligentia : omnes mentis nostræ dispositiones quasdam in corpore producant etiam dispositiones , sicut dispositiones corporis excitant etiam pares dispositiones in mente , credendum tamen non est mentem nihil omnino posse accipere nisi per corpus ; sed id fit quia , quandiu ipsi conjuncta est , nullas suscipere potest mutationes in suis modificationibus quin corpus ipsum quasdam etiam recipiat. Potest quidem illuminari aut excipere novas ideas , corpore eas nil participante ; sed id fit , quia ideæ puræ non sunt modificationes mentis , ut id alibi probavi : hic non loquor de ideis sensibilibus , illæ enim ideæ includunt sensationem ; jam autem omnis sensatio est modificatio quæ movet mentem , & ad ipsius utilitatem pertinet.

SECUNDA OBJECTIO

Contra articulum undecimum & duodecimum.

Sicut per unum hominem peccatum in hunc mundum intravit. Rom. 5.

In iniquitatibus conceptus sum & in peccatis concepit me mater mea. Psalm. 10. A muliere initium factum est peccati & per illam omnes morimur. Eccles. 25: licet enim , quia vir est caput & dominus mulieris. Videmus Evangelistas

Si peccatum originis transmittitur propter communicationem inter cerebrum matris & cerebrum infantis , mater est causa peccati , Pater verò nullas hinc partes agit. Paulus tamen nos docet , per hominem peccatum introivisse in mundum : ne loquitur quidem de muliere , Ergo &c.

Responsio.

David se a matre in iniquitate conceptum fuisse asserit , & Ecclesiasticus dicit , peccatum a muliere esse oriundum ac per illam nos omnes morti obnoxios esse. Neuter de viro verba facit. D. Paulus contrà dicit peccatum intraisse in mundum per hominem , de muliere mentionem nullam agit. Quî conciliabuntur istæ testimonia , & uter amborum excusari deberet , si alterutrum excusare necesse esset ? In sermone vulgari nunquam mulieri tribuitur res quæ ad ipsam nullo modo spectat , quæque tota est viri ; sed sæpe viro tribuitur quod spectat ad mulierem , quia vir est caput & dominus mulieris. Videmus Evangelistas

&c

& ipsam Beatam Virginem appellare Divum Josephum Patrem Jesu Christi, cum illa dicit filio suo; *Ecce pater tuus & ego dolentes quare-* Luc. 2. 48;
hamus te. Cum itaque Scriptura Sacra asserat nos per mulierem obnoxios esse morti & peccato; credere omnino necesse est, nec potest in virum solum rejici; sed quamvis in aliis locis asserat per hominem peccatum intrasse in mundum, id credendi non tanta incumbit necessitas, cum id quod est mulieris viro tribui possit; ac si per fidem virum aut mulierem excusare teneremur, virum potius quam mulierem excusare rationi magis consentaneum esset.

Existimo tamen locos suprà laudatos ad literam esse explicandos, ac dicendum virum & mulierem veras esse peccati causas, sed quemque suo modo; mulier, in eo quod per illam peccatum communicatur, sicut per illam vir gignit liberos: Vir autem, quia ipsius peccatum est causa concupiscentiæ, ut ipsius actio est causa secunditatis mulieris, aut communicationis quæ est inter matrem & infantem.

Certè vir est qui mulierem secundam facit, ac ipse ideo causa est communicationis quæ inter corpus matris & corpus infantis deprehenditur, cum ista communicatio sit principium vitæ infantium. Ista autem communicatio non modò corporibus infantium dat dispositiones corporis matris, ipsorum etiam menti dat dispositiones mentis matris: Ergo dici potest per unum hominem peccatum introivisse in mundum, ut dixit Paulus; sed nihilominus propter illam communicationem dicendum quoque est, *peccatum oriri ex muliere*, per eam, *nos omnes obnoxios esse morti & matrem nostram nos concipisse in iniquitate*, ut id in aliis Scripturæ locis dicitur.

Dicit fortè aliquis, etsi vir non peccasset mulierem tamen semper parituram fuisse liberos peccatores: cum enim ipsa peccasset, potestatem amiserat quam Deus ipsi in corpus concefferat, atque ita licet vir justus permansisset, cerebrum, & proinde mentem infantis ipsa corrumpisset, propter communicationem quam cum ipso habebat.

Certè id verosimile non videtur; cum enim vir justus nihil faciat nisi sapienter, & consultò, non potest dare mulieri miseram illam secunditatem gignendi liberos peccatores. Si justus perisset, liberos non vult habere nisi propter Deum, jam verò liberi peccatores nunquam possunt esse accepti Deo, nullum enim hic suppono mediatorem. Volo tamen, re sic positâ, matrimonium semper subsistisse, virumque uxorem cognovisse. Sed omnino certum est corpus uxoris ad matrimonium pertinuisse; illius corpus ex corpore mariti educum fuerat; *duo erant in carne unâ.* Certum quoque est liberos æquè pertinere ad patrem ac ad matrem. Hoc posito non possum mihi persuadere sternam post peccatum suum fuisse amissuram potestatem in corpus, nisi maritus æquè ac illa peccasset. Si enim eâ potentiâ mulier privata fuisset, dum maritus in innocentia perstitisset, hæc in Universo fuisset perturbatio quod scilicet vir justus corpus tamen corruptum, peccatoresque liberos habuisset.

Jam.

Jam autem est contra ordinem, seu potius contradictorium est, Deum justum animadvertere in virum in integritate perfectâ versantem. Hanc ob causam Eva statim post peccatum nullos sentit trorsus involuntarios & rebelles; ipsam nondum pudet nuditatis suæ; latebras nondum quærit, quin immo ad maritum licet ut ipsa nulum accedit; ipsius oculi nondum sunt aperti; summo, sicut antea, imperio utitur in corpus. Ordo postulabat ut statim post peccatum ipsius mens ob rebellionem corporis, & ob suam & mariti nuditatem turbaretur; justum enim non erat Deum ulterius suspendere leges communicationis motuum in ipsius gratiam, ut dixi articulo septimo. Sed verò quia ipsius corpus pertinet ad conjugem, & ipsius conjux adhuc innocens est; non punitur in illo corpore; poena differtur donec ipse conjux comederit de fructu sibi ab ipsâ oblato. Tum uterque sensit corporis rebellionem; nuditatem suam deprehendit, & præ pudore ad tegumenta e foliis ficus con-

Gen.cap.3. fugit. Dicendum itaque est Adamum veram esse causam peccati originis & concupiscentiæ; cum ipsius peccatum privaret uxorem æquè ac ipsum potestate quam in corpus exercebant. Cùmque illâ potestate deficiente mulier producat in cerebro infantis vestigia quæ mentem simul ac creatur corrumpunt. Verùm tamen, sive vir sive mulier peccatum in mundum introduxerit, res ad idem redit juxta * D. Augustinum. Sive autem a muliere, sive ab Adam dicatur initium factum esse peccati, & per illam omnes mori, utrumque ad primum hominem pertinet; quoniam sicut novimus, mulier ex viro est, & utriusque caro una est.

* Aug. de
pecc. mor.
& rem.

O B J E C T I O

Contra articulum duodecimum.

Dicere communicationem cerebri matris cum cerebro infantis esse necessariam aut utilem conformationi fortis nihil aliud est quàm divinare; nulla enim est communicatio inter cerebrum gallinæ, & cerebrum pul-
lorum, pulli tamen optimè conformantur.

Responsio.

Respondeo me capite septimo secundi Libri satis demonstrasse istam communicationem, dum illâ utor ad explicandam generationem monstrorum, & ad explicanda quædam stigmata, & quædam formidines naturales. Namque evidenter patet hominem qui animo linquitur ad conspectum colubri, quia mater ipsius, dum ipsum utero gestabat, hoc reptili territa est, hac infirmitate laborare duntaxat quia in ipsius cerebro olim formata fuere vestigia iis similia quæ aperiuntur dum videt colubrum, istaque vestigia simili deliquio comitata fuisse.

Hic

Hic itaque non divino, quippe quâ in re præcisè consistat hæc communicatio determinare non satago. Imo credo peritissimorum etiam Anatomistarum solertiam semper fugituras esse vias quibus ea peragitur. Possem dicere illam fieri per radices quas foetus pellit in uterum matris, & per nervos quibus illa pars matris verisimiliter plena est. Atque hac in re non magis divinarem quàm homo qui nunquam visis *Samaritana* machinis assereret ibi esse rotas & antlias hydraulicas quibus aqua elevetur. Credo tamen nonnunquam licere divinare, dummodo Prophetiæ munus nobis non vindicemus, ac nimis confidenter non loquamur. Credo cuique licere suam aperire mentem, dummodo sibi erroris immunitatem non arroget, nec dominium in aliorum mentem usurpet, certis loquendi modis quæstionem audacter decidentibus, aut ope certarum vocum falsam eruditionem jaclantium quæ Lectores parum attentos decipere possunt. Is non semper divinat qui res profert quæ sub oculos non cadunt, quæque præjudiciis adversantur: dummodo ea quæ dicuntur clarè possint intelligi, & mentem cujuslibet viri cordati & attenti faciliè subeant.

Dico igitur, positis legibus generalibus communicationis motuum quales sunt, admodum verisimile esse communicationem specialem cerebri matris cum cerebro infantis necessariam esse, ut corpus hujus ritè informetur: aut saltem illam communicationem esse necessariam, ut cerebrum infantis recipiat certas quasdam dispositiones quæ pro temporibus & regionibus mutari debent, ut in eodem capite explicui.

Fateor quidem nullam esse communicationem inter cerebrum gallinæ & cerebrum pulli qui formatur in ovo, & nihilo secius corpus pullorum optimè conformari: sed animadvertendum est sedulò pullum ad perfectionem longè magis accedere in ovo, dum mater illud parit, quàm foetum dum descendit in uterum. Rem sic se habere credendum est, cum longè minus temporis spatium requiratur ut ova excludantur, quàm ut catuli, exempli gratiâ, prodeant in lucem: quamvis, utero canis calidissimo existente, ac ipsius sanguine perpetuo motu agitato, catuli citius formari deberent quàm pulli excludi, nisi pulli in ovis essent grandiores catulis in suis germinibus. Jam autem admodum verisimile est hanc formationem pulli in ovo antequam a gallinâ partum fuerit factam fuisse ope istius communicationis de quâ mentio est.

Respondeo secundò incrementum corporis avium forsan esse magis conforme legibus generalibus motus quàm incrementum quadrupedum, & sic communicationem cerebri matris cum cerebro pullorum æquè necessariam non esse in avibus ac in cæteris animalibus. Illa enim communicatio videtur necessaria, ut legum generalium defectui occurratur, quæ in nonnullis casibus specialibus non sufficiunt ad formationem & incrementum animalium.

Denique respondeo necessariam non esse ad conservationem vitæ avium totidem esse dispositiones speciales in ipsarum cerebro quot in cerebro cæterorum animalium: habent alas quibus malum fugere, &

Malebrancii de Inquis. Verit. Tom. II.

Kk

in

in prædam involare possint : Non indigent omnibus illis organis specialibus a quibus pendent industria & docilitas quorundam animalium domesticorum. Unde fit ut matri non opus sit, ipsas formando, multa ipsas docere, aut ad id apias reddere ut dispositione cerebri ad docilitatem idoneâ plurima possint addiscere. Qui canes juvenes venari docent multos sæpe reperiunt qui naturâ & sponte prædæ deprehensæ accubent, propter institutionem a matre acceptam, quæ sæpe venata erat dum foeta esset : Aliquod semper observatur discrimen inter progenies illorum animalium, quædam sunt dociliora ac imperia facilius observant quàm alia ejusdem speciei. Sed non putem ullam unquam extitisse avem, quæ aliquid inusitati edocuerit pullos suos, ac ullam unquam gallinam, exempli gratiâ, ullum peperisse pullum qui aliud posset agere quàm id quod pulli sponte agere solent. Aves igitur non sunt æquæ dociles & disciplinæ capaces ac cætera animalia. Dispositio ipsorum cerebri non potest ut plurimum multas suscipere mutationes; non æque agunt per imitationem ac quædam animalia domestica. Anates tenellæ quas gallina alit, non expectant ipsius exemplum, ut in aquam immergantur. Ac contra pulli natæ non addiscunt, quamvis anas quæ ipsis incubavit, easque ducit, indefinenter natet. Sed sunt animalia quæ facile & promptè imitantur motus extraordinarios quos ab aliis fieri vident : Non est tamen quòd quis putet me a quoquam exigere ut his postremis a me cogitatis innitatur; hæc ad id quod iniendo non sunt necessaria.

SECUNDA OBJECTIO

Contra articulum duodecimum.

Afferere matrem ante peccatum potuisse uti aliquo commercio cum foetu iterum est divinare, nulla enim est necessaria relatio inter cogitationes nostras & motus qui in cerebro nostro excitantur. Itaque illa communicatio cerebri matris cum cerebro infantis est inutilis.

Responsio.

Sine illâ communicatione infantem nisi miraculo speciali non potuisse habere commercium cum matre, nec matrem cum infante evidenter patet. Jam autem ante peccatum ordo exigebat matrem moneri de omnibus necessitatibus corporis infantis, infantiæque non ignorare quibus vinculis parentibus esset devinctus. Ergo cum omnia in ordine versari debuissent ante peccatum, Deus modo ordini conformi semper agat, mater & infans aliquod inter se habuissent commercium opæ illius communicationis.

Ut intelligamus quâ in re commercium illud potuisset consistere, attendendum est vestigiorum cerebri cum ideis mentis vinculum multifariam.

fariam posse fieri, aut per naturam, aut per voluntatem hominum, aut aliquo alio modo, ut id explicui in secundo Libro. *

* Cap. s. r.
part.

Dum quadratum, seu hominis cuiuspiam dolore quodam affecti habitum externum consideramus tum quadrati, vel hominis dolentis ideam habemus in mente. Id apud omnes gentes generale est & vinculum illud inter has ideas & hæc vestigia est naturale. Dum Gallus aliquis audit pronuntiari aut legit vocabulum illud *quadratum* habet eodem tempore etiam ideam quadrati: sed vinculum inter sonum seu characteres hujus vocabuli, & ipsius ideam, nequaquam est naturale, nec est generale apud omnes homines. Dico igitur matrem & infantem naturaliter habituros commercium inter se circa omnia quæ possunt representari menti per vincula naturalia. Si mater, exempli gratiâ, unum vidisset quadratum, illud etiam vidisset infans, si infans imaginatus fuisset aliquam figuram, excitasset etiam vestigium ejusdem figuræ in imaginatione matris. Sed mater & infans nullum naturaliter inter se habuissent commercium circa res merè spirituales, immo nec circa res corporeas, quum eas nullo admissio sensuum & imaginationis usu concepissent. Mater potuisset cogitare de Deo, audivisset seu legisset verbum illud *quadratum*, nec tamen infans cognovisset quâ de re illa cogitavisset, nisi succedente tempore cum ipso novum id eorum intellectualium commercium instituere potuisset, quemadmodum penè agere solent nutrices cum infantibus loquendi rationem docent. Hæc explico, & probô.

Explicatione a me traditâ causæ averfationum hæreditariorum, & stigmatum quorundam naturalium, vestigia matrum cum infantibus communicari jam satis probasse mihi videor. Jam autem vestigia rerum corporearum inseparabilia sunt ab ipsarum ideis. Ergo illæ ideæ etiam communicantur, atque infantes eadem vident, sentiunt & imaginantur quæ matres. Nunc inviti sentiunt eadem ac matres; sed si non essent peccatores possent impedire, quotiescunque vellent, effectum communicationis quam habent cum matribus. Possent etiam excitare in proprio cerebro vestigia quæ ab illis acceperant; eandem ob rationem ob quam quilibet imaginatur cum vividioribus non agitur motibus. Hoc posito, evidenter patet matrem, dum infanti accuratè attenderet, posse cognoscere quodam repercussu an reciperet nec ne impressionem quam ipsa in illo excitaret, immo cætera de quibus ille cogitaret; quemadmodum enim mater non posset commovere fibras cerebri sui, quin fibræ cerebri infantis inde impressionem acciperent; infans quoque non posset sistere illam commotionem, aut aliam excitare, quin de illâ mater communefieret levi aliquâ impressione, dummodo ad rem seriò attenderet potestate quâ valeret alium quemvis sedandi tumultum diversum ab eo quem infans in ipsâ excitaret. Itaque fatendum est matrem & infantem fuisse habituros inter se aliquod commercium ante peccatum, aut neganda est relatio cerebri unius cum cerebro alterius, aut

imperium mentis in corpus; quale illud antea statui. Id evidens videtur, quicquid regerant imaginatio & præjudicia. Verum quidem est commercium illud duntaxat circa ea quæ sensus & imaginationem feriunt fuisse futurum. Cum infantes matribus per corpus duntaxat colliguntur, haud necesse est illos ipsarum ope alias accipere ideas quàm rerum sensibilium. Cum enim ipsorum mens arctè cum Deo conjuncta sit, si peccati immunes spectentur, omnes ideas nullam ad corpus relationem habentes a Deo immediatè accipiunt. Sed quia paulatim idæ maximè abstractæ rebus sensibilibus quæ ad illas ideas nullo modo referuntur possunt alligari, commercium matrum cum infantibus ad res etiam maximè spirituales, ut verisimile est, extensum fuisset, si super his sermones inter se conferere conati fuissent.

Non me latet istæc plerisque hominibus probatum non iri, ac futurum esse ut ii etiam qui adversus præjudicia & impressionum sensibilium impetum perpetuò renituntur tam novâ & inauditiâ cogitatione obstupefiant. Sed si seriò attendatur ad modum quo magister instruit discipulum, quæ varias adhibere debeat rationes docendi ut ipsi ideas suas de rebus notas faciat, quibus utatur comparisonibus ad eas illustrandas, quæ judicia de iis ferat, & cæteras mentis dispositiones respectu illarum idearum; inde nullo negotio patebit matres longè faciliùs posse aperire cogitationes & dispositiones internas infantibus, quàm magistros discipulis suis; posito duntaxat vestigia cerebri matrum imprimi cerebro infantium, quod ex suprâ dictis evidenter patet. Etenim manifestum est voces seu loquelam & omnia signa externa quibus utimur ad aperiendas cogitationes nostras aliis hominibus, suum nancisci effectum, quia duntaxat eadem cerebro auditorum imprimunt vestigia, easdemque excitant spirituum commotiones, quæ comitari solent ideas nostras & dispositionem internam ipsorum respectu.

O B J E C T I O

Contra Articulum Decimum-Septimum & sequentes.

Infantes in Baptismo motibus actualibus voluntatis suæ versùs Deum justificari sine temeritate non possunt dici. Novæ opiniones non sunt vulgandæ; Id nihil nisi turbas excitat.

Responsio.

Fateor positivè asserendum non esse infantes justificari actibus formalibus ipsorum voluntatis. Id certò sciri non credo, jam autem nihil positivè asserendum quàm quod pro certo constat. Uno credo ipsorum charitatis habitum nullo amoris Dei actu præcessum fuisse; sed quia plures æquo sunt homines qui ad id proclives sunt ut credant justificationem infantium esse tantùm externam & per *imputationem*, quia, inquit, nullum

nullum possunt formare actum amoris Dei; non abs re fore existimo si ipsis ostendam ipsos istam opinionem ex præjudicio duntaxat defendere. Talia enim sunt hominum præjudicia erga infantes, ut vulgò autem ipsos in sinu materno & per primos infantie annos neutiquam cogitare, immo cogitandi nequaquam capaces esse. Credunt ipsos nullas adhuc rerum ideas habere apud se ipsos; Magistros ipsos illas ideas inter colloquia ingenerare; ipsorumque inclinationes, si quas habeant, ejusdem non esse naturæ ac nostras, nec posse ipsos ad summum usque bonum evehere. Plerique non distinctè concipiunt mentem infantium similem esse adultorum; ipsam inslar corporis non corroborari nec ad perfectionem gradatim tendere; ipsamque, si per unicum temporis momentum ab impressione corporis expeditur, ac delectatione gratiæ afficeretur, eo momento fore magis illuminatam & puram quàm mentem Illustrissimorum sanctorum, qui in mente & corde semper quosdam sentiunt concupiscentiæ effectus.

Concupiscentia vulgò habetur quasi esset naturalis; nec semper satis attendunt homines illam esse peccati sequelam. Hoc freti præjudicio stupiditatem infantium ex corporis infirmitate, ætatis teneritudine, & etiam ex mentis imbecillitate necessariò sequi incauti existimant. Jam autem illud judicium seu potiùs præjudicium ipsorum menti semper præsens adest, ac ipsam ita prævertit ut rem in seipsâ examinare nequeat. Qui itaque de Baptismi effectû superioribus sæculis egerunt, infantium regenerationem per motus actuales ipsorum cordis non exposuerunt, non quòd validis adducti argumentis rem crediderint impossibilem; nam ex ipsorum operibus nequidem liquet ipsos ad rem eam examinandam se accinxisse. Sed (ut satis superque patet) quia rem sic supposuerunt, nec ipsis forsitan in mentem venerit illam in dubium vocandi: vel forsitan quia explicationem præjudicii vulgò receptis adversantem tradere noluerunt, eo præcipuè tempore quo præjudiciis eâ quâ nunc sit strenuitate non vale dicebatur.

Sed si attendatur ad necessitatem quæ incumbit tradendi explicationem magis præcisam eâ quam, exempli gratiâ, tradit Augustinus in quibusdam locis, quæ * *imputationi* favet, quamvis alibi ipsi favere non + videatur. Si attendamus *imputationem* esse oppidò commodam, atque eo consilio admittam fuisse a quibusdam priscis Theologis + valde Orthodoxis, immo eam esse planè necessariam iis qui, licet nullo allato valido argumento, habitus in mente negant, (atque simul negant infantes esse capaces actualis amoris,) quibus satisfacere forsitan operæ pretium foret. Denique si æquiritatis naturalis quæ occultas animi intentiones damnare vetat ratio habeatur, id quod dico forsitan verisimile non judicabitur. Sed tamen haud credo quemquam ægrè ferre quòd id dicam, atque hoc pacto ingenii etiam morosissimis coner satisfacere respectu difficultatum quas reperiunt circa transmissionem & remissionem peccati originis, quia Mediatoris necessitas atque tota Religio hanc naturæ nostræ per hócce peccatum corruptionem supponunt.

* 1. 1. de
nup. c. 25.
26. 17. in
Jul. 1. 6. c. 1.
& alibi.
† Ep. 23.
1. de pecca-
torum me-
rioris cap. 19.
& alibi.
† Innoc. 3.
in Decret.
de Baptismo
& ejus effe-
ctu. Cap. 1.
Majores
Et in Conc.
Vienneſi
Generali
15. sub Cle-
mentie V.

ILLUSTRATIO

ad Tertium Caput Tertiæ Partis Secundi Libri.

*In quo de vi imaginationis Authorum ac præcipuè de
Tertulliano agebam.*

CUm generalius fecundiùsque errorum quibus scientiæ ac præcipuè Ethica laborant principium in impressione imaginationum vividarum in mentem hominum qui mechanicè potius quàm rationis ductu agunt petitur esse pro comperto habeam; operæ pretium me facturum existimavi, si hanc veritatem rationibus ad excutiendum hominum venterum circa illam impressionem aptissimis patefacere. Quia autem exempla ac ea præcipuè magna & extraordinaria nos efficaciter movent; existimavi illustria Tertulliani, Senecæ & D. Montagne non inattentionem excitatura, ac imperium illud contagiosum imaginationis in rationem evidenter cuilibet esse demonstratura. Etenim si voces mortuæ, nec habitu externo ac specie sensibili istorum Authorum celebrium animatæ, plus adhuc valeant ratione plurimorum, si vel ipse elocutionis modus qui non nisi debili modo adumbrat actionem sensibilem quam imaginatio vividè diffundit per vultum & per totum corpus eorum quibus ea quæ dicunt sunt altâ mente reposta, innumeros homines possit agitare, penetrare, & convincere; certè satendum est maximè periculosum esse auscultare cum attentione & veneratione homines quorum imaginatio est fortis & vivida: ipsorum enim species externa, loquendi modus & gestus modo invictò imaginationem alloquuntur. Dictis suis tantam affundunt vivacitatem, ut affectus & sensus ad defectionem a ratione penè semper concitent, ac in adstantes convictionem & persuasionem, ut ita dicam, afflent.

Præferam equidem, me insignia hæc asserendo exempla, nihil impetraturum ab iis quos trium horum illustrium Authorum lectio in admirationem & stuporem olim rapuisset. Qui erim tantillum in hominis cognitione versati sunt, vulnera cerebri difficiliùs curari probè norunt quàm vulnera cæterarum corporis partium; ac longè faciliùs esse vulnus nullius corporis externi impulsu exacerbatum claudere, quàm omnino excutere quædam præjudicia rationibus admodum verisimilibus perpetuò confirmata.

Vestigia cerebri omnino claudere admodum difficile est, quia spirituum cursui exponuntur, ac innumeris aliis vestigiis, ut ita dicam, adventitiis indefinenter possunt renovari. Ejusmodi vulnera non possunt

sunt ut plurimum curari aut constringi, nisi postquam cerebrum alia accepit magis profunda ac prioribus opposita: tunc enim vehemens & perpetua sit revulsio in spiritibus. Credendum non est præjudicium omnino obsolevisse, statim atque illud actu non agit in mentem nostram: præjudicium omnino obsoletum est duntaxat ubi vestigium planè deletum fuit; non verò statim atque spiritus ob specialem aliquam causam per illud vestigium cursum suum non amplius dirigunt.

Eos igitur qui impetu & motibus Tertulliani fracti & obstupefacti, grandiloquentiâ & leporibus Senecæ abrepti ac perstrikti, liberis & ingenuis loquendi modis D. Montagne pellecti & labefacti fuerant, lectis aliquot Libri mei paginis sententiam non deserturos esse, optimè equidem noveram. Quin immo judicabam fore ut ægrè ferrent quòd fucum ipsis ab illis authoribus factum detrahere conatus essem.

Quia verò sperabam illa exempla ad propositum meum ob rationes supra memoratas factura esse, credidit satius me facturum si quorundam virorum cordatorum apud quos præjudicia non valent utilitati consulerem, quàm si nonnullis, quibus libertas mea poterit displicere, molli-ter indulgerem. Apud me reputabam paucos esse in gratiam illorum Authorum ita præoccupatos ut rationis admonitiones non possent amplius exaudire. Denique existimabam etiam pervicacissimos mihi in quibusdam assensuros, quia nemo forsitan est qui pari erga tres illos Authores ducatur studio & existimatione; ob diversum imaginationis, ut ita dicam, genium & characterem istorum Authorum.

Non me latet opera Tertulliani maximâ veneratione digna esse, tum propter res de quibus agit, tum propter approbationem virorum qui peniti rerum æstimatorum haberi debent. Atque me erga illum sic affectum esse satis ostendi per ea quæ de illo Authore dixi, non secus ac per Tractatum quem elegi ut de ipso liberius mentem meam aperirem; nam de hoc uno tractatu liberè loquutus sum, quamvis alii ejusdem Authoris extent qui ad propositum meum magis forsitan fecissent.

Sed quicquid sit haud putem tempus ullam rerum ideis afferre immutationem ipsâque augere. Quicquid antiquum est non est venerabile; nec falsæ rationes & ineptiæ ullam apud nos habere debent pondus, quia diu ante nos extiterunt. Haud credo affectatas obscuritates debere admitti ut mysteria sacra; imaginationis subtilim gradientis igniculos instar lucis splendētis habendos esse, aut nimios Africanos cœli æstus ferventem jam sponte suâ hominem agitantem censendos esse motus spiritûs Prophetici, qui nihil præter veritates sublimes potest revelare.

Scio equidem eos etiam qui opera Tertulliani maximè exosculantur hæc omnia non distiteri, ac æqui nimis observantes esse ut imaginationis deliria adversus rationem tutentur. Sed forsitan similes sunt his viris quibus judicium quidem non deest quique veritatem adamant, sed tamen modis sensibilibus alliciuntur. Persæpe incidi in nonnullos quibusdam vividis, energicis & magnificis Tertulliani loquendi modis ita fasci-

fascinatos, ut, postquam ipsis Authorem illum parvi esse iudicii & a ratione sæpe abhorreere demonstraveram, locos illos ipsis adeo gratos ad nauseam usque mihi oggerent, illorum elegantiam me decipere & pellicere conantes.

Fateor apud Tertullianum occurrere loquendi formulas energicæ & audaces, quæ imagines vividissimas ac veluti spirantes in mente imprimunt. Nec aliam ob causam illo usus sum, ut exemplo quo ostenderem imaginationes fortes multum valere ad agitandum & convincendum per impressionem. Qui itaque hæc mihi obijciunt, sententiam meam confirmant, non impugnant. Præoccupatio & existimatio quæ erga Tertullianum ducuntur causæ meæ favet. Tot loci ab illis frequenter citati, & sesquipedalia verba quæ de illo Authore afferunt, dicta mea comprobant. Nam in colloquiis mutuis nunquam ferè citantur ratiocinationes integræ alicujus authoris; sed sæpissime proferuntur phrasæ vividæ & energicæ, ut impressione sensibili perstringatur & commoveatur auditor.

Nec est, opinor, quòd quis credat me hic velle censorem agere tot illustrium virorum qui perpetuò Tertullianum laudant & in cathedrâ & in aliis locis. Id agunt suis adducti rationibus quas penetrare meum non est. Quæ de illo authore dixi mihi videntur evidentiâ, quisque pro lumine suo suas eliciat consequentias, nec mihi cogitationes affingat quæ meæ haudquaquam sunt. Qui in aliorum mentem penitus introspicere satagunt sibi sæpe efformant phantasmata sibi ipsis duntaxat similia. Quippe cogitationum nostrarum malignitatem in alios, ut ita dicam, transfundere solemus. De omnibus relatè ad nos judicamus; ac qui me hic vituperant sese fortasse licèt incogitanter vituperant, sed si demum, quid de Tertulliani citationibus sentiam, palam proferre expediat; Fateor illum authorem multis de causis jure merito citari; immo id persæpe admodum utile esse ad clariùs oculis obijciendas quasdam veritates praxeos, quæ steriles sunt & inanes, quandiu in rationis intimis remanent, nec excitant motus contrarios iis quos in nobis excitare solent bona corporea.

Haud tamen improbare possum illorum sententiam qui existimant authores dum citantur non debere designari nomine suo, nisi quum illi authores sunt erroris immunes; ac neminem unquam debere citari, si eas excipias res quæ ratione non nituntur, aut in quibus authoritas locum habet. Talis fuit olim Patrum consuetudo. Divus Cyprianus nunquam citavit Tertullianum, quamvis de illo multa hauserit, ac si id quod B. Hieronymus de illo sancto Episcopo a quodam audivisse refert, verum sit; nempe sanctum Cyprianum Tertullianum ipsum vocare solitum fuisse magistrum suum; si inquam, id verum sit; certè aut nomen Tertulliani non magnâ pollebat autoritate, aut ipse verba non eâ erant efficacia quâ nunc sunt: Aut denique Divus Cyprianus temporis sui consuetudini admodum religiosè adhærebat: res enim stupenda est ejusmodi discipulum de magistro suo non esse loquutum in ullo ex operibus suis.

Hac

Hac Divi Hieronymi historiâ ii plerunque utuntur qui pro Tertuliano pugnare volunt; ac non desuere qui mihi dicerent me prudenter non agere tam liberè loquendo de viro quem Cyprianus appellabat magistrum suum. Sed profectò vereor ne B. Hieronymus fuerit nimis credulus circa ea quæ Tertulliano erant gloriosa. Ipsi nimis indulgere videtur; cùm ipsius lapsum aliquatenus excusaverit, ipsius haeresin in Clericorum Romanæ Ecclesiæ invidiam & contumelias rejiciens. Sed si illa historia quam B. Hieronymus ut solo unius hominis testimonio fretam narrat, vera sit fateor me non satis assequi causam tam alti silenti B. Cypriani circa Tertullianum. Silentium illud discipuli mysterium aliquod Magistro nequaquam honorificum premere videtur: Ac si historia æquè ac opera Tertulliani satis non ostenderent ipsum omnino dignum ingenti illâ existimatione quâ multi illum cogunt; nescio an tota Divi Cypriani erga Tertullianum agendi ratio, ipsius silentium, stylus, cæteraque indicia externa non sufficerent ad minuendam illam existimationem; & ad persuadendum multis famam Tertulliani forsân non ita floruisse in ipsâ Africâ, quæ tamen ipsi potiùs favere debebat quàm regio æquè temperata ac nostra Gallia.

Invidiâ postea & contumeliis Clericorum Romanæ Ecclesiæ ad Noniani dogma delapsis in multis libris novæ Prophetia nominis, Hieron. in Cata'og. de Script. Eccl.

Gallia & Africa ingenia producant longè diversa. Cùm Gallorum ingenium sit ingenuum, naturæ & rationis amicum, ab affectatis & scenicis abhorrens modis, mirum est apud eos reperiri homines qui Authorem naturæ adeo imperium & a naturâ adeo recedentem, quique rationem, quam solam consulere deberet, negligens abrupto imaginationis impetu in voces perobscuras, portentosas, & omnem rationem modumque excedentes diffunditur, tot efferant laudibus.

Sed id forsân accidit quia imaginatio tantùm valet ut rationem debilitet, naturamque ipsam mutet. Revera homo aliquo motu percitus nos turbat, situmque naturalem imaginationis nostræ mutat, ut illam suæ similem efficiat. Tunc verò nullus est motus qui non videatur naturæ conformis, nulla vox quæ non ardeat, nulla tam inutilis & indigesta rerum farrago, quæ non convincat; quia nihil tunc temporis examini subijcitur. Cùm autem affectus sese mutuò defendant, & imaginationes inordinate perturbatione suâ delectentur, sanum de rebus judicium ferri nequit, quandiu cerebrum conservat impressionem violentam quam primò accepit. Nullus est homo aliquo animi motu abreptus qui ad id perpetuò non incitetur ut affectum suum vindicet ab omni vituperio; nullus est homo perturbatus quem suæ non juvet perturbatio; Nam si homines illi qui se gallos gallinaceos, lupos, boves sacros fuisse imaginantur, sese quam plurimum oblectent actionibus istorum animalium imitandis, quanquam naturæ humanæ valde repugnent, quantò magis non damnabimus illorum agendi & loquendi rationes qui contagione imaginationis suæ nos aliquatenus sibi simi-

M. de Brancani de Inquis. Verit. Tom. II.

L 1 les

les effecerunt! Quippe satis cognoscimus nos non posse illos damnare, quin nosmet etiam ipsos damnemus.

Porro inter cæteras egregia est ratio cur nonnulli Docti gloriæ ducant Tertulliani partes tueri, & quare maxima erga illum Authorem ducantur veneratione. Obscuritas nimirum est quam ille ut præcipuam Rhetorices suæ regulam observat & affectat.

* *Galima-
tiar.*

† *Vid.
Quintilia.
Inst. orat.
lib. 8, c. 2.*

A genio hujus sæculi ita abhorrent * locutiones haud perspicuæ ut rejiciamus omnes phrasas obscuras & intricatas; sed non defuere qui obscuritatem † censerent esse præcipuam artis oratoricæ partem; apud illos homines ars persuadendi consistebat in eo qui non intelligeretur loquendi modo.

Si oratores veritatem quas persuadere conantur ideas claras & distinctas semper haberent, ac si auditores semper alloquerentur satis attentos ut ipsorum dicta ab iis possint intelligi, præceptum illud quod obscuritatem affectare docet esset omnino absurdum: Sed quamvis illud præceptum rationi planè advesetur, tamen plerorumque hominum ingenio satis accommodatum est; non modò quia loquentium ignorantiam tegit, sed etiam quia mystica illa obscuritas plerosque auditores ita disponit ut cedant & fidem adhibeant.

Experientiâ satis constat plerosque homines id magni facere quod non intelligunt, ac mysteriorum instar venerari ea quæ ipsorum caput exsuperant, & oratorem præconiis ad coelos usque evehere, quum ipsius loquendi modis fulgentibus, ac sermone imaginationem feriente, & rationi prorsus incognito obstupefacti sunt.

Pompam veritati anteponunt homines. Itaque fastuosa verborum moles pondere suo opprimens potius quàm persuadens ipsis magis arridet, quàm meræ ratiocinationes quæ solâ evidentia suâ persuadent. Evidentia non acquiritur nisi meditationibus operosis: Sed convictio ex sensibus orta in mentem diffunditur, ipsamque suavissimè pervadit.

Bonum quod solum nobis potest satisfacere est simul infinitum & inaccessum, jam autem grandes & obscuræ loquendi formulæ illum præ se ferunt characterem. Adeo ut obscuritate desideria nostra excitante, ut Majestas admirationem & existimationem nostram movet, illæ loquendi formulæ nos devinciant motibus quos in nobis excitant.

Quum quis Authorem obscurum & difficilem assequitur, aut assequi autumat, se iis qui illum non assequuntur anteposit, eosque ut ignaros habet; Labor in eo intelligendo exantlatus illum in ipsius laudes & defensionem instigat. Dum enim illum authorem veneratur, ac ipsi cæterorum venerationem conciliare conatur, studiis suis patrocinatur. Jam autem ut nemo est qui sese ab omni culpâ purgare non studeat, Author ille magna animi contentione ac modo vivido & sensibili laudari & defendi debet.

IIæ

Hæ rationes, cum quibusdam aliis minùs validis, sufficiunt, ni fallor, ut quisque intelligat obscuritatem Tertulliani ipsi non fuisse noxiam respectu quorundam; nec illum certè tanti duxissent si veritates in ipsius operibus dispersas per ideas clarissimas & simplicissimas exposuisset.

Relationes & veritates Mathematicæ ad suos *exponentes* semper reducuntur, hoc est ad voces simplicissimas quibus exprimi possint, ac iis omnibus quibus possint implicari & obscurari expediuntur: Nam puram putam veritatem amant Geometræ; convincere nolunt per impressionem, sed per evidentiam & lucem. Quorum evaderent multæ cogitationes Tertulliani, si juxta Logicorum Geometrarumque leges ad *exponentes* suos reductæ, ac fastu illo sensibili rationi fucum faciente spoliatæ fuissent? Hujusce rei faciendum est periculum, ut de illius Authoris ratiociniis solidum feratur judicium.

Non dico tamen Tertullianum scribere debuissè Geometrarum modo. Figuræ quibus sententias & affectus nostros exprimimus circa veritates quas aliis exponimus sunt omnino necessariae. Immo arbitror præcipuè in sermonibus qui de Religione & Ethicâ habentur, ornamentis opus esse quæ venerationem veritati concilient, motusque excitandos esse qui mentem agitent, eamque ad actiones virtutis ferant. Sed spectrum omni realitate & corpore vacuum ornamentis non est circumcingendum: motus inutiles non sunt excitandi: cùm volumus in auditorum mente convictionem & persuasionem vehementer imprimere, convictio illa ad aliquid reale & solidum referri debet. Nemo debet convincere ac se convinci sinere nisi evidenter, distinctè & præcisè sciat quâ de re convincat aut vincatur. Ea quæ dicuntur intelligenda sunt, ut & ea quæ creduntur. Veritas & lux duntaxat sunt amandæ; alios occæcare non oportet, postquam nos occæcari simus.

ILLUSTRATIO

super naturâ idearum.

In quâ explano quomodo omnia in Deo videantur, veritates etiam & leges aeternæ.

Sperabam fore ut ea quæ de idearum naturâ dixi sufficerent ut unusquisque caperet Deum esse qui nos illuminat; Sed experior, quàm plurimos esse qui attentionem satis diligentem non possunt præbere ut

rationes quibus illud dogma stabiliri capere possint. Quod abstractum est a plerisque concipi nequit; Sensibilibus excitantur iisdemque acies ipsorum mentis figitur & sustentatur. Quæ sub sensus & imaginationem non cadunt minimè possunt contemplari, multò minus capere. Hoc a me jam sæpe dictum nunquam potest satis inculcari.

Corpora per se non esse visibilia, non posse agere in mentem nostram, nec ipsi se repræsentare evidens est; Id probatione non indiget. Id unico mentis intuitu absque ratiocinio apprehenditur; ut id enim detegatur sufficit vel levissima mentis ad claram materiæ ideam attentio. Id multò magis certum est quàm certum est corpora secum invicem communicare motum suum, dum sese mutuò pellunt; Sed id iis solis certum est qui sensibus ad silentium adactis solam auscultant rationem. Omnes itaque credunt, quamquam sine solido argumento, corpora sese invicem pellere, quia id sensus contestantur; Sed corpora non creduntur per se planè invisibilia, & inepta ad agendum in mentem, quia sensus id non dicunt; quin planè contrarium dicere videntur.

Nonnulli tamen reperiuntur quorum firma & intrepida ratio usque ad veritates maximè abstractas evehitur; Illas attentè contemplantur; ac sensuum & imaginationis impressioni strenuè resistunt; sed corpore paulatim deprimente mentem, recidunt. Idæ illæ abstractæ dissipantur; & postquam imaginatio alias ideas vividiores & sensibiliores excitavit; priores non apparent amplius nisi tanquam spectra quibus diffidunt, & a quibus illudi verentur.

Homines, aut res quorum familiaritate non utimur, & a quibus nullam percipimus sensibilem voluptatem apud nos facile in suspitionem veniunt. Nam voluptas sola cor devincit, & familiaritas mentem metu & sollicitudine exsolvit. Qui itaque veritatibus abstractis & Metaphysicis non assueverunt eò faciliè adducuntur ut credant sibi suum fieri ab iis qui ad ipsos illuminandos totis contendunt viribus. Ideas quæ, nihil habent jucundi & sensibilis suspectas habent & horrent; Amorque quo erga quietem & felicitatem ducuntur, ipsis citò visum eripit rei quæ ipsos turbat, nec ad ullam voluptatem creandam idonea ipsis videtur.

Si quæstio a me nunc exagitata non esset gravissimi momenti, rationes jam a me allatæ & nonnullæ quas hic proferre necesse non est sufficere possent, nec me hac de re amplius loqui opus esset, satis enim video quæcunque possem super hac materiâ dicere quorundam hominum mentem nunquam esse pervasura. Sed illud dogma, Deum, scilicet, solum nos illuminare, ipsumque nos duntaxat per manifestationem rationis, aut sapientiæ immutabilis & necessariæ illuminare, Religioni adeo conforme mihi videtur, imò etiam ita prorsus necessarium ut cuicumque veritati certum & solidum subijciatur fundamentum, ut illud ad extremum usque explicare & defendere munus meum esse

arbi-

arbitrer; Phantasticus, *illuminatus*, fanaticus haberi, cæterisque nominibus quæ cavillatrix tenuium ingeniorum imaginatio rationibus quas non intelligit, seu quarum vim non potest declinare, obijcere solet, nuncupari malo, quàm fateri corpora posse me illuminare & erudire, me nihimetipsi esse magistrum, rationem & lucem; & sufficere, ut omnium solidam consequar cognitionem, si memet ipsum consulam aut homines, qui quidem aures meas ingenti strepitu possunt obtundere, sed qui sanè nullam lucem queunt menti meæ asfunderè, consulam. Adhuc igitur adhuc quædam argumenta ad confirmandum dogma in Capitibus quibus illustrandis hæc scribo positum.

Nemo est qui homines veritatem posse cognoscere non fateatur. Imperitiissimi etiam Philosophi homines nescio quam *rationem*, quam non determinant, participare consentiunt. Atque hanc ob causam hominem definiunt, *animal RATIONIS particeps*. Quippe nemo est qui confusè saltem non noverit, differentiam essentialem hominis consistere in conjunctione necessariâ quam habet cum ratione universali, quamvis pauci quis ille sit qui rationem illam includit cognoscant, aut cognoscere curent. Video, exempli gratiâ, bis dup esse quatuor, & amicum meum præferendum esse cani meo, ac neminem hominum esse qui id non cognoscat æquè ac ego pro certo habeo. Jam autem illas veritates in mente aliorum non video, sicut alii illas in meâ non vident. Neesse igitur est rationem universalem esse quæ me & omnia Entia intelligentia quæ existunt illuminet. * Nam si ratio quam consulo eadem non esset quæ Sinensibus respondet, manifestò patet me non posse æquè certè scire ac ego scio, Sinenses videre easdem veritates quas ego video: Itaque ratio quam consulimus, dum nosmet intra nos colligimus, est ratio universalis. Dico quum nosmetipsos intra nos colligimus; hic enim non loquor de ratione illâ quam sequitur homo affectu aliquo permotus. Quum homo aliquis vitam e-

* Si ambo videmus verum esse quod dicitur & ambo videmus verum esse quod dico, ubi quæso id videmus? nec ego utique in se nec tu in me, sed ambo in ipsâ quâ supra mentes nostra est incommutabili veritate. Conf. D. Aug. lib. 2. cap. 2. v. id. D. Aug. De libero arbitrio. lib. 2. cap. 8. & rationem.

Ideas rerum esse immutabiles, veritatesque & leges æternas esse necessarias pro comperto habeo; fieri nequit ut secus sint quàm sunt. Jam autem in me nihil video quod immutabile & necessarium sit; possum aut non existere, aut non esse talis qualis ego sum, possunt esse mentes mihi non similes; certus tamen sum non posse esse mentes quæ alias veritates & alias leges videant diversas ab iis quas video: Nam omnis mens videt necessariò bis duo facere quatuor, & amicum nostrum præferendum esse cani nostro. Concludamus igitur ra-

tionem quam omnes mentes consulunt esse rationem immutabilem & necessariam.

Insuper eandem illam rationem infinitam esse evidens est. Mens humana infinitum triangulorum, tetragonorum, pentagonorum intelligibilium, & aliarum similium figurarum numerum esse aut esse posse clare concipit. Non modò concipit ideas figurarum ipsi nunquam esse futuras, seseque novas semper reperturam, licet in æternum ad ejusmodi ideas duntaxat incumberet. Verùm etiam infinitum in ipsa extensione percipit, nec enim dubitare potest quin inexhausta sit idea quam habet de spatio. Mens clarè videt numerum illum qui multiplicatus per se ipsum facit 5. aut aliquem ex numeris inter 4. & 9. inter 9 & 16. inter 16. & 25. &c. esse magnitudinem, relationem, fractionem, cujus termini plus habent numerorum arithmeticoz quàm possunt esse ab uno orbis polo ad alterum. Clarè videt illam relationem talem esse, ut Deus solus possit illam complecti, utque ea accuratè exprimi nequeat, quia ad illam exprimendam opus est fractione cujus duo termini sint infiniti. Multa alia similia exempla possem asserere ex quibus non modò sequitur mentem humanam esse finitam, sed rationem etiam quam consulit esse infinitam. Et enim mens clarè videt infinitum in hac ratione, quamvis illud non capiat; uno verbo ratio quam homo consulit est infinita quia exauriri nequit, ac semper ipsi aliquid suppetit quod respondeat quacunque de re interrogetur.

Sed si rationem cujus omnes homines sunt participes universalem infinitam, immutabilem, & necessariam esse verum sit; inde illam ab ipsà Dei ratione non differre constat; solum enim ens universale & infinitum in se includit rationem universalem & infinitam. Omnes res creatæ sunt entia singularia; ratio igitur universalis non est creata. Nulla res creata est infinita; ratio infinita non est igitur res creata; sed ratio quam consulimus non modò est universalis & infinita, est præterea necessaria & a nullâ re pendens; immo illam Deo ipso certo sensu minùs ab hac illâve re pendentem concipimus. Námque Deus agere nequit nisi juxta illam rationem; ab illâ pendet aliquo sensu; illam consulere & sequi ipsum oportet; Jam autem Deus nihil consulit præter se ipsum; ab ullâ re non pendet. Illa igitur ratio ab ipso non distinguitur; ipsi est coæterna & consubstantialis. Deum plectere innocentem, mentes corporibus subicere non posse, ipsumque ordinem sequi teneri clarè videmus. Videmus igitur normam, ordinem, rationem Dei. Quam enim aliam sapientiam possemus videre præter sapientiam Dei, cum de illâ non dubitemus dicere Deum ad illam sequendam teneri?

Sed quicquid sit, an potest concipi sapientia quæ non sit sapientia Dei? Salomo, qui de Sapientiâ tam disertè loquutus est, an duas distinguit? Nonne nos docet sapientiam quæ ipsi Deo coæterna est, & per quam ordinem quem in ipsius operibus conspiciamus influit, eandem

dem esse quæ omnibus mentibus præest, quam consulunt Legislatores, ut leges iustas & rationi consentaneas ferant. Octavum Proverbiorum Caput legere sufficiet cuicumque si hujus Veritatis certior fieri voluerit. Non me later Scripturam sacram de sapientiâ quadam loqui, quam sapientiam sæculi, sapientiam hominum appellat: sed ibi de rebus ut apparent, ac secundum vulgi opinionem & captum loquitur. Nam in aliis locis sapientiam illam non modò coram Deo, verum etiam coram omnibus hominibus qui rationem consulunt, nihil esse præter stultitiam & abominationem nos docet.

Certè, si veritates & leges æternæ penderent a Deo, si a voluntate liberâ Creatoris institutæ fuissent; uno verbo, si ratio quam consulimus non esset necessaria & a nullâ re pendens; nullam ampliùs veram fore scientiam evidens mihi videtur. Et is in periculum erroris adduceretur, qui assereret Arithmeticam aut Geometriam Sinenisum esse similem nostræ. Etenim, si absolutè necessarium non esset bis 4. esse 8. aut tres angulos trianguli esse æquales duobus rectis, qui possemus certi esse illas veritates non esse similes nonnullis propositionibus in quibusdam tantum universitatibus receptis, aut quæ per aliquod tempus tantum vigent? An clarè videmus Deum non posse desinere velle ea quæ volunt voluntate prorsus liberâ & indifferenti? Vel potiùs, an clarè videmus Deum non potuisse quædam velle ad certum duntaxat tempus, in quibusdam locis, certorum duntaxat hominum aut certarum Entium specierum respectu; posito, ut volunt, Deum fuisse planè liberum & indifferentem in istâ voluntate? Ad me quod attinet, non possum concipere necessitatem in indifferentiâ, res adeo oppositas conciliare nequeo.

Attamen lubens supponam nos clarè videre, Deum voluntate omnino indifferenti ad omnia tempora & in omnibus locis instituisse veritates & leges æternas, quæ nunc immutabiles sunt propter ipsius decretum. At ubi qui talia supponunt vident illud decretum? An Deus aliquod creavit ens istius decreti repræsentativum? An dicitur decretum illud esse modificationem ipsorum mentis? Vident clarè illud decretum, siquidem ab illo acceperunt immutabilitatem veritatibus ex legibus æternis certò competere; sed ubi illud vident? Certè nisi illud in Deo videant, illud non vident. Nam illud decretum non potest esse, nisi in Deo sit, nec potest videri nisi ubi est. Philosophi igitur nihil quicquam certò tenere possunt nisi Deum consulant, & ab ipso responsum accipiant. Exclament super hoc quantum voluerint: ipsi aut cedendum est, aut silentium.

Sed, ut dicam quod res est, decretum illud est mera imaginatio nullo freta fundamento. Quum de ordine, legibus, & veritatibus æternis cogitamus, ipsarum causam non inquirimus; nullam enim habent. Necessitas illius decreti non apparet; ac de illo primâ fronte nunquam cogitatur. Sed contrâ simplici mentis intuitu evidenter percipi-

cipimus, naturam numerorum & idearum intelligibilium esse immutabilem, necessariam, nec a re quaquam pendentem. Clarè videmus omnino necessarium esse bis 4. facere 8. & quadratum diagonalis quadrati esse duplum illius quadrati. Absoluta illarum veritatum necessitas in dubium non vocatur nisi ab iis qui ab illarum luce oculos avertunt, qui falsis in ratiocinando nituntur dogmatibus, quique alibi quàm in illis veritatibus quæram sit ipsarum natura, immutabilitas, & *independentia*. Itaque decretum immutabilitatis illarum veritatum est figmentum mentis, quæ supponens se non videre in sapientiâ Dei id quod in ipsâ revera percipit, sciens tamen Deum esse causam omnium, arbitratur se non posse abstinere ab imaginando decreto ut asserat immutabilitatem veritatibus quas immutabiles agnoscere cogitur. Sed ista suppositio falsa est & ab eâ sibi cavendum est. In solâ Dei sapientiâ veritates æternas, immutabiles, & necessarias videmus. In hac solâ sapientiâ ordo quem Deus ipse, ut jam dictum est, sequi tenetur conspici potest. Mens duntaxat creata fuit propter illam sapientiam, & nihil certo sensu præter eam videre potest. Nam si videre queat res creatas, id fit quia ens illud quod videt, licet modo valde imperfecto per hanc vitam, illas omnes in essentia suâ immensitate modo intelligibili & menti accommodato, uti dixi, complectitur.

Si in nobismet ipsis ideam infiniti non haberemus, ac si omnia per conjunctionem naturalem mentis nostræ cum ratione universali & infinita non videremus, certè nec etiam libertate cogitandi de omnibus potiremur. Nam mens non potest velle se applicare nisi ad res quarum aliquam habet ideam, nec potest actu cogitare nisi de rebus ad quas potest velle se applicare. Si itaque mens ab eo sejungatur qui omnia in se includit, ipsi certè libertas de omnibus cogitandi tollitur. Præterea, cum nihil quicquam possimus amare, nisi illud videamus, si Deus nobis duntaxat daret speciales ideas, evidenter patet ipsum ita determinaturum esse omnes voluntatis nostræ motus, ut nihil omnino possemus amare præter entia specialia. Etenim si nullam infiniti ideam haberemus, illud non possemus amare, ac si illi qui positivè asserunt se nullam habere Dei ideam res dicere vellent ut sunt revera, haud verè dicere ipsos nunquam amasse Deum; nihil enim nos posse amare quàm quod videmus evidens mihi videtur.

Denique nisi ordo, & leges æternæ essent immutabiles ex naturæ suæ necessitate, argumenta Religionis clarissima & validissima ruere mihi viderentur in ipso suo principio, æquè ac libertas, & scientiæ certissima. Nam Religio Christiana quæ nobis Jesum Christum ut Mediatorem & Reparatorem proponit, naturæ corruptionem per peccatum originis evidenter supponit. Jam autem quo argumento probabitur illa corruptio? Caro pugnat adversus spiritum, inquiet aliquis, ipsum sibi submittit, ipsi dominatur. Concedo. Sed hoc non est contra ordinem, ajet Prophanus; Hoc Deo placet;

placet; id sic instituit; Arbitrator est decretorum suorum. Illum inter res a se creatas instituit ordinem qui ipsi magis allubescit. Quomodo Prophanus ille convinci poterit ordini repugnare ut mentes subjectæ sint corporibus, nisi idea clara ordinis, & ipsius necessitatis habeatur; ac nisi ceritò conspiciatur Deum ipsum teneri illum sequi per amorem necessarium quo seipsum complectitur? Præterea, si ordo ille pendeat a decreto libero Dei semper ad ipsum Deum erit recurrendum ut istius decreti certi fiamus. Consulendus erit Deus, fugiant licet nonnulli Docti ad ipsum recurrere: Isti veritati cedendum erit, nempe ad Deum necessariò esse confugiendum ut erudiamur. Verùm decretum illud liberum à quo ordo manavit, est merum ingenii figmentum, ob rationes a me jam allatas.

Si non sit ordo necessarius, hominem creari propter autorem suum, & voluntatem nostram esse conformem ordini qui est norma essentialis & necessaria voluntatis divinæ: Si verum non sit, actiones esse bonas aut malas, prout sunt conformes aut contrariæ ordini cuidam immutabili & necessario, ac eundem illum ordinem postulare ut priores præmio, posteriores verò poenâ afficiantur. Denique nisi omnes homines habeant ideam claram ordinis, immo ordinis qui ejusmodi sit ut Deus ipse non possit velle contrarium ab eo quod iste ordo præscribit, quia Deus non potest velle id quod ordini repugnat, si hæc omnia, inquam, non sint; certè nihil præter universalem confusionem & perturbationem video. Quid enim erit quod vitio possit dari in turpissimis & iniquissimis actionibus Ethnicorum, cum Deus nullas ipsis præscripserit leges? Quâ ratione poterunt judicari, si nulla sit ratio suprema quæ ipsos damnet, si nullus sit immutabilis ordo, nulla necessaria lex juxta quam judicari debent?

Poeta quidam dixit justum non potest secerni ab iniquo. Philosophus quidam dixit erubescere ac pudore suffundi ob turpissimas actiones esse infirmitatis & pusillanimitatis argumentum. Talia sæpe paradoxa in medium proferuntur, per subitaneum imaginationis impetum, ac per vehementem animi turbati motum. Sed cur ejusmodi sententiæ damnantur, si non sint ordo, regula, ratio universalis & necessaria; quæ iis qui in se reflecti norunt semper sese offerunt? Alios & etiam nosmet ipsos judicare in multis casibus non dubitamus. Sed quâ auctoritate id agimus; nisi ratio quæ intra nosmet ipsos judicat, cum judicia de nobis ipsis ac de aliis ferre nobis videmur, sit summa nostra & omnium hominum ratio?

Verùm enim verò nisi hæc ratio iis, qui seipsos intra se recipiunt præsens adesset, nisi Ethnici aliquam cum illo ordine de quo sermo est naturalem conjunctionem habuissent, cujus peccati aut cujus inobedientiæ consilii fuissent, aut qua justitiâ Deus illos punire potuisset? hæc dico quippe qui a Prophetâ acceperim, Deum ipsum non dedignari homines constituere iudices litis quæ ipsi est cum populo suo, dum

*Nec natura
potest iusto
Juveneri
iniquum
Lucret.
Diogenes.*

*Nunc ergo
habitatores*

Malbrançii de Inquisit. Verit. Tom. II. Mm modo

Jerusalem
& viri Ju-
dæe judica-
te inter me
& vineam
meam.
Hsaiæ 5. 3.

modo secundum ordinem justitiæ immutabilem & necessarium judicent. Nero trucidavit matrem suam, id quidem verum est: Sed qua in re peccavit? Motum naturalem odii sui sequutus est; Deus super hac re nihil ipsi præscripsit. Lex Judæorum in ipsius usum non fuerat lata. Dicit forte aliquis legem naturalem vetare ejusmodi facinora atque legem illam ipsi notam fuisse. Sed quid id probari poterit? Ego quidem id agnosco; quia id invictè probat esse ordinem immutabilem & necessarium; & omnem mentem habere cognitionem istius ordinis ed clariorem quò magis conjungitur cum ratione universali quòque impressi-
fioni sensuum & affectum magis resistit; uno verbo quò rationem magis participat. Sed jam oportet me elucidare, quantum in me erit, sententiam meam de ordine & lege divinâ seu naturali. Plerique enim iis quæ dico non acquiescunt fortè quia ea quæ cogito distinctè satis non assequuntur.

Deum in se modo intelligibili perfectiones omnium entium quæ creavit aut, potest creare includere, ac ipsum per illas perfectiones intelligibiles omnium rerum essentiam cognoscere evidens est; ut per proprias voluntates suas cognoscit ipsarum existentiam. Jam autem perfectiones illæ sunt etiam id quod immediatè obversatur menti humanæ, ob rationes a me jam allatas. Ergo idææ intelligibiles, aut perfectiones quæ in Deo sunt, quæque nobis representant id quod est extra Deum, sunt absolutè necessariæ & immutabiles. Jam autem veritates nihil sunt præter relationes æqualitatis sive inæqualitatis quæ sunt inter entia illa intelligibilia; quandoquidem verum non est bis 2. esse 4. aut bis 2. non esse 5. nisi quia est relatio æqualitatis inter bis 2. & 4. & relatio inæqualitatis inter bis 2. & 5. Ergo veritates sunt immutabiles & necessariæ æquè ac idææ. Semper verum fuit bis 2. esse 4. ac fieri nequit ut id falsum sit. Id clarum est; & nequaquam necessarium est, Deum ut summum Legislatorem has instituisse veritates; ut id ait Cartesius in responsione ad sextas objectiones contra suas Metaphysicas meditationes.

Artic. 6.
* 5.

Facile igitur quisque concipit quid sit veritas; sed difficiliori negotio, concipit quid sit ordo immutabilis & necessarius; quid sit lex naturalis & Divina, quid sit quod Deus vult necessariò, quodque etiam volunt justus. Ideo enim homo justus est quia ordinem amat; atque ipsi in omnibus suam accommodat voluntatem, quemadmodum peccator non est peccator, nisi quia ordo ipsi non placet in omnibus, ac illum vellet esse conformem iis quæ optat. Haud credo tamen hæc tam obscura & abstrusa esse quàm vulgò putantur; & causam cur tot in his reperiantur difficultates non aliunde oriri existimo, quàm quia mens ægrè sese attollere potest ad cogitationes abstractas & metaphysicas. Hæc sunt igitur aliquà ex parte quæ de ordine sentio.

Perfectiones quæ in Deo sunt, quæque entia creata aut possibilia repræ-

repræsentant, non esse omnes inter se æquales evidens est, perfectiones, exempli gratiâ, quæ corpora repræsentant non esse æquæ nobiles ac perfectiones quæ n entes repræsentant; ac etiam inter eas quæ nihil aliud repræsentant quàm corpora, aut nihil quàm spiritus, esse quædam aliis nobiliores utque ad infinitum. Id clarè & nullo negotio concipitur; quanvis simplicitas entis Divini cum varietate illâ idearum intelligibilem quam in suâ sapientiâ includit agrè possit conciliari. Etenim si omnes ideæ Dei essent æquales, nullam certè prehenderet differentiam in operibus suis; cùm non possit videre res a se creatas nisi in eo quod in se habet quo illæ repræsentantur, ac si idea horologii quod præter horas indicat etiam varios planetarum motus non esset perfectior idè horologii quæ horas duntaxat indicaret, aut idèa circuli vel quadrati, certè nec ipsum horologium esset perfectius circulo. Non possunt enim judicare de perfectione operum nisi per perfectionem idearum quas de ipsis habemus. Si horologii fabrica majora non præberet ingenii & sapientiæ argumenta quàm circuli descriptio non difficilior esset concipere machinas maxime compositas, quàm concipere quadratum aut circulum.

Si igitur verum sit Deum, qui est Ens universale, includere in se omnia entia modo intelligibili, & omnia illa entia quæ in Deo habent existentiam necessariam non esse æquè perfecta inter se; inter illa esse debere ordinem immutabilem & necessarium evidens est: ac quemadmodum sunt veritates æternæ & necessariæ, quia sunt relationes magnitudinis inter entia intelligibilia, debere pariter esse ordinem immutabilem & necessarium, propter relationes perfectionis inter eadem illa entia. Ordo igitur est immutabilis spiritus esse nobiliores corporibus, ut veritas est necessaria bis 2. esse 4. aut bis 2. non esse 5.

Jam autem huc usque ordo immutabilis videtur potius veritas speculativa, quàm lex necessaria. Nam si ordo duntaxat consideretur ut illum modò consideravimus, verum quidem esse patebit spiritus, exempli gratiâ, esse nobiliores corporibus; sed non apparet veritatem illam esse eodem tempore ordinem qui legis vim habeat, ac spiritus necessariò debere præferri corporibus. Attendendum igitur est Deum seipsum amare amore necessario, ac proinde ipsum magis amare id quod in ipso est quod repræsentat aut includit majorem perfectionem, quàm quod minorem. Adeo ut si supponere vellemus mentem intelligibilem esse millies perfectiorem corpore intelligibili, amor quo Deus seipsum amat, esset millies major erga mentem intelligibilem, quàm erga corpus intelligibile. Nam amor Dei necessario proportionem habet cum ordine qui existit inter entia intelligibilia quæ includit ipse Deus. Itaque ordo qui est merè speculativus, habet vim legis respectu ipsius Dei; posito quod certum est, nempe, Deum seipsum necessario amare; Nec Deus potest magis amare corpora intelligibilia quàm mentes intelligibiles, quamvis cor-

pora creata magis amare possit quàm mentes, ut mox sum explicaturus.

Ille autem ordo immutabilis qui respectu Dei ipsius legis vim habet, respectu nostrî evidenter legis etiam vim habere debet. Nam iste ordo nobis notus est, & amor noster naturalis ipsi se accommodat, cum apud nosmet ipsos collecti, sensibus & affectibus, libertate nostrâ poiuntur, uno verbo cum philautia non corrumpit amorem nostrum naturalem. Cum propter Deum firmus conditi, nec ab illo possumus omnino separari, in ipso hunc videmus ordinem, & ad illum amandum naturaliter ferimur. Ipsius enim lumine illuminamur, & ipsius amore animamur, quavis sensus & affectus nostri lumini isti tenebras affundant, & contra ordinem determinant impressionem illam qua ad amandum secundum ordinem ferimur. Sed irritâ concupiscentiâ quæ ordinem oculis nostris subducit, impeditque quominus illum sequamur, ordo est semper lex essentialis & ineluctabilis nostrî respectu, non modò respectu nostrî, sed respectu omnium entium intelligentium creatorum, immo respectu damnatorum. Haud credo ipsos a Deo tantopere longinquos esse, ut levem aliquam ordinis ideam adhuc non habeant, in illo pulchritudinem aliquam non agnoscant, utque ipsi sese accommodare non sint parati in casibus nonnullis quibus ipsorum philautia non læditur.

Corruptio cordis in repugnantia ordini consistit. Cum itaque malitia seu corruptio voluntatis æqualis non sit etiam inter damnatos, ipsos æqualiter ordini non repugnare evidens est, illumque ab iis in omnibus odio non haberi, nisi relatè ad odium quo Deum prosequuntur. Quemadmodum enim bonum odio esse nequit, quatenus consideratur simpliciter ut bonum, ordo pariter odio haberi nequit nisi quatenus affectibus nostris repugnare videtur. Sed quamvis inclinationibus nostris contrarius videatur, id tamen non obstat quo minùs ipse sit lex quæ nos damnat, atque nos cruciat vermi nunquam moriente.

Nunc igitur liquet quid sit ordo, quomodo vim legis habeat amore necessario. quo Deus seipsum complectitur. Liquet quomodo ista lex generaliter omnibus membris & ipsi Deo communis est: cur necessaria sit & omnino ineluctabilis. Denique aut concipitur, aut saltem in genere facillè concipi potest, quodnam sit principium omnium legum divinarum & humanarum, & secundum hanc legem omnia Entia intelligentia judicari, & omnes res creatas in ordine sibi congruo disponi.

Hæc omnia sigillatim explicari facillè non posse fateor, nec eam temeritatis veni ut illud aggrediar. Namque si quarundam legum cum lege generali, & quarundam agendi rationum cum ordine connexionem ostendere vellem, in difficultates forsitan incidere quas solvere penes me non esset, quibusque ab instituto meo longius abduceret.

Si.

Si quis tamen Deum nullâ aliâ lege quàm sapientiâ suâ & amore quâ illam prosequitur teneri attendat; omnes leges divinas ab illâ pendere debere facile concipiet. Et si animadvertamus mundum ab ipso conditum non fuisse nisi relatè ad illam sapientiâ & ad illum amorem, quoniam non agit nisi propter se; omnes naturales leges ad conservationem & perfectionem hujus mundi juxta ordinem inviolabilem, & dependenter ab amore necessario, tendere certò apud nos constabit. Namque sapientiâ & voluntate Dei omnia reguntur.

Istud dogma a me fusiùs exponi necesse non est. Quod jam dixi sufficit ut ita eliciatur consequentia, nempe, in primâ institutione naturæ fieri non potuisse ut mentes subjectæ fuerint corporiosis. Cum enim Deus sine cognitione & invitus agere nequeat, juxta sapientiâ suam, & motu amoris sui mundum creavit. Omnia per Filium & in Spiritu Sancto fecit, ut id nos docet Scriptura. Jam autem in Dei sapientiâ mentes corporibus sunt perfectiores, & per amorem necessarium quo seipsum complectitur Deus, perfectius minùs perfectò anseponit. Ergo fieri nequit ut in primâ naturæ institutione mentes corporibus submissæ fuerint. Alioqui dicendum foret Deum condendo mundum non sequutum fuisse leges sapienitiæ suæ æternæ, nec motus amoris sui naturalis & necessarij. Quod non modò non concipitur, sed manifestam involuit contradictionem.

Verum quidem est nunc mentem creatam corpori materiali & sensibili subjacere; sed id fit quia ordo consideratus ut lex necessaria rem sic postulat. Id fit, quia Deus seipsum amans amore necessario, qui lex inviolabilis semper ipsi est, mentes sibi contrarias amare, ac ideo eas corporibus in quibus nihil est mali aut quod Deus odio habeat, præferre nequit. Deu enim peccatores in se ipsis non amat. In mundo non subsistunt nisi per JESUM CHRISTUM. Ipsos Deus non conservat & amat, nisi ut si in peccatis perseverent, peccare desinant per gratiam JESU CHRISTI; vel ut ordine immutabili ac necessario, & judicio JESU CHRISTI, cujus vi subsistunt ad gloriam justitiæ Divinæ, in æternum damnentur. Nam sine Christo in nihilum prorsus redigerentur. Hæc obiter dicta velim, ut quæ difficultates quæ ex iis quæ alibi de peccato originis & de corruptione generali naturæ a me dicta sunt oriri possunt solvantur. Mentem res externas duabus tantum rationibus cognoscere, utilissimum est a nobis attendi; lumine, scilicet, & sensu. Lumine res videt, ubi earum clarâ habet ideam, & ipsam ideam consulendo, omnes proprietates quas queunt suscipere apprehendere potest. Res sensu videt, ubi earum rerum nullam ideam clarâ in se reperit quam possit consulere, ac proinde ubi earum proprietates clarè percipere nequit; easque dumtaxat cognoscit sensu confuso, sine lumine & evidentiâ. Lumine & ideâ clarâ mens videt essentias rerum, numeros & extensionem. Ideâ confusâ aut sensu de existentia rerum creaturarum judicat & suam ipsius cognoscit existentiam.

Vide
quintum
dialogum
Colle quoniam
Christi
ianorum,
sub finem.

Quæ mens lumine aut ideâ clarâ percipit, illa modo perfectissimo percipit: immo clarè cognoscit, si sit obscuritas aut imperfectio in ipsius cognitione, id fieri ob ipsius infirmitatem & parvam capacitatem, aut quia non satis attendit, non verò ob imperfectionem ideæ quam percipit. Quod verò mens sensu percipit, ipsi nunquam clarè innotescit; non quòd satis non attendat; ad ea enim quæ sensibus semper attentè incumbimus; sed quia idea est admodum obscura & confusa.

Hinc judicare est nos omnia quæ lumine aut per ideam claram cognoscimus in Deo ut in naturâ immutabili videre; non modò quia nunc duntaxat, extensio, & essentia eorum quæ, ut explicui, a libero Dei actu non pendent, lumine cernuntur, sed præterea quoniam hæc modo perfectissimo cognoscuntur, immo modo infinitè perfectò cognoscerentur, si nostra cogitandi capacitas esset infinita, eùm nihil desit ideæ quâ repræsentantur. Concludendum etiam est omnia quæ sensu cognoscimus in nobis ipsis videri. Non quidem quòd in nobismet ipsis possimus novam aliquam producere modificationem, vel quòd sensationes aut modificationes mentis nostræ possint repræsentare res objectas occasione quarum Deus illas in nobis excitat, sed id fit quia sensationes nostræ, quæ a nobis non distinguuntur, & quæ ideo nihil unquam a nobis distinctum possunt repræsentare, possunt tamen repræsentare existentiam entium, aut efficere ut judicemus illa existere. Cùm enim Deus in nobis sensationes nostras ad præsentiam rerum objectarum actione non sensibili excitet, a re objecta non modò ideam quâ ipsius essentia repræsentatur, sed etiam sensum cuius ope de ipsius existentia judicamus, nos accipere arbitramur. Nam in cognitione quam circa res ut actu existentes assequimur semper est idea pura & sensus confusus, si excipias cognitionem Dei & mentis nostræ. Existentiam Dei excipio; Illa per ideam puram & sine sensu cognoscitur, cùm ipsius existentia non pendeat ab ullâ causâ, & in ideâ entis necessarij includatur, ut æqualitas diametrorum includitur in ideâ circuli. Excipio etiam existentiam mentis nostræ; quia sensu interno sive conscientia scimus nos cogitare, nos velle, nos sentire; & quia nullam mentis nostræ claram habemus ideam, ut fuscè satis explicui Capite Septimo Secundæ Partis Tertii Libri & alibi.

Istæ sunt rationes quæ priùs allatis adjici possunt ad probandum Deum solum nos illuminare, atque id circa quod immediatè & directè versantur claræ nostræ & evidentes cognitiones immutabilem esse & necessariam naturam. Adversus istam opinionem quædam solent objici, quæ hic diluere conabor.

PRIMA OBJECTIO

Adversus ea quæ dicta sunt, Nempe Deum solum nos illuminare, omniâque in ipso videri.

Mens nostra cogitat quia id fert ipsius *natura*, Deus ipsam creando ipsam etiam cogitandi *facultate* donavit, idque sufficit; aut si id non sufficiat, iis quæ de sensibus nostris nos docet experientia immoremur. Illos idearum nostrarum causas esse satis experimur. Jam autem ii malè philosophantur, qui adversus experientiam ratiocinantur.

Responsio.

Cartesianos qui voces generales naturæ & facultatis meritò refugiunt, his tamen adeo lubenter hîc uti miror. Ægrè ferunt dum alios audiunt dicentes ignem urere naturâ suâ, & quædam corpora mutare in vitrum *facultate* naturali: & quidam inter ipsos non dubitant dicere mentem humanam in se producere ideas omnium naturâ suâ, & quia cogitandi *facultate* prædita est. Verum id ipsorum pace dictum sit, hîc voces plus non habent energiæ & significationis in ipsorum ore quam in ore Peripateticorum. Mens quidem nostra talis est naturâ suâ ut id necessariò percipiat quod ipsam afficit, sed Deus solus in ipsam agere potest: Ipse solus eam illuminare, ferire, atque modificare potest per efficaciam suarum idearum.

Scio quidem mentem cogitandi esse capacem; sed scio pariter extensionem esse capacem figurarum: mens est capax voluntatis, ut materia est capax motûs, sed non secus ac falsum est materiam, quamvis figuræ & motûs capacem, in se habere *virtutem, facultatem, naturam* quâ possit moveri, aut sibi figuram modò rotundam, modò quadratam adaptare; ita, quamvis mens naturaliter & essentialiter sit capax cognitionis & voluntatis, falsum tamen est ipsam *facultates* habere quibus possit producere in se ideas suas aut motum suum versùs bonum, * vult enim invictè felix esse. Multùm sanè discriminis est inter esse mobile, & seipsam movere. Materia naturâ suâ mobilis est & capax figurarum; immo sine figuris subsistere nequit. Seipsam tamen non movet, seipsam non modificat, nullâ ad id facultate prædita est. Mens naturâ suâ motûs & idearum capax est; id fateor; sed seipsam non movet, seipsam non illuminat: Deus omnis in mentibus non secus ac in corporibus efficit. Quis Deum omnes quæ in materiâ contingunt mutationes producere dicat, & mutationes quæ in mente contingunt ab eodem fieri neget? An ii Deo quod ad ipsum pertinet tribuunt, qui entium minima duntaxat ipsius arbitrio permittunt? Non omnium æqualiter arbitri est? Spirituum æquè ac corporum nonne est conservator & solus motor?

At,

* Non dico versùs hanc illam bonam: vid. Jam. illastrationem.

Vid. ultim.
illustratio-
nem de ef-
ficaciā cau-
sarum te-
cundarum.

At, qui volunt res creatas prædicas esse facultatibus quales concipi vulgò solent, dicant etiam corpora naturalia habere naturam quæ principium ipsorum motus & quietis sit, ut sentiunt Aristoteles & ipsius aristotelæ. Id omnes meas inveniunt ideas. Sed id potius concedam quàm concederem mentem seipsam illuminare. Mentem vim habere variè movendi brachia corporis, & cum ipsis communicandi sensum & vitam, dicant, si velint. Dicant etiam, si lubet, mentem sanguini calorem, spiritibus motum, & reliquo corpori magnitudinem, dispositionem & figuram impertiri; sed ne quis dicat mentem sibi ipsi impertiri motum & lumen ipsum. Si Deus omnia non efficit, ea saltem efficiat quæ in mundo maxima & perfectissima sunt. Et si res creatæ aliquid efficiant, corpora moveant, illaque pro lubitu disponant, sed saltem ne agant in mentes.

Dicamus corpora sese mutuo movere postquam unumquodque sibi ipsi motum impertit; seu potius variarum materiæ dispositionum causam ignoremus, id ad nos non attinet. Sed mentes nostræ ne ignorent unde sit lumen quo illuminantur; quæ sit illa *Ratio* ad quam essentialia habent relationem; quæ sit illa *Ratio* de quâ tam frequens est sermo, quæque tamen tam parum nota est; cognoscant a quo id accipiant quo beatissima & perfectissima possunt evadere, totam suam dependentiam, ut ita dicam, agnoscant, seque nihil actu habere quod

S. Bern. de
diligendo
Deo.

ipsis a Deo quotidie non impertiatur. Nam ut circa aliam rem dixit olim Sanctus Bernardus, est superbia & peccatum maximum uti datis tanquam innatis. Imprimis ne imaginemur rationem a sensibus erudiri. Mentem a corpore id accipere quod ipsum non habet. Præstat credere se a nemine pendere quàm credere nos a corporibus revera pendere. Satiùs est sibi ipsi dominum esse, quàm dominos querere inter res creatas nobis inferiores. Sed præstat veritati æternæ se summittere nobis in E-

* Matt. 23.
vid. librum
D. Augu-
stini de
Magistro.

vangelio asserenti ipsam solam nobis esse * magistrum; quàm sensum nostrorum aut quorundam hominum, qui magistrorum ad instar nos audient alloqui, testimonio credere. Experientia, quicquid dicatur, præiudiciis non favet. Namque sensus nostri, æque ac magistri nostri secundum carnem, nihil aliud sunt præter causas occasionales institutionis quam sapientia æterna in intimâ ratione nobis largitur. Sed quia hæc sapientia nos operatione non sensibili illuminat; oculos nostros aut verba illius qui aërem nostras contingentem percudit, hoc lumen in nobis producere, aut vocem istam intelligibilem qua erudimur edere, falsò arbitramur. Hanc ob causam, ut alibi monui, JESUS CHRISTUS nos modo intelligibili Divinitate suâ erudire non contentus, nos etiam modo sensibili humanitate suâ instituere voluit; voluit nos docere se esse magistrum nostrum omnibus modis. Et quia non sine labore apud nosmet ipsos secedimus, ut ibi ipsum tanquam veritatem æternam, ordinem immutabilem, lumen intelligibile consulamur, veritatem verbis suis sensibilem, ordinem exemplis suis amabilem, lumen cor-

corpore quod illud ad debilitatem nostram accommodat, visibile reddidit. Nihilominus ita fumus tanti beneficii immemores, injusti, stupidi, & infani, ut, ipso prohibente, tanquam magistros nostros habeamus, non modò ceteros homines, sed forsàn quoque corpora omnium maximè sensibilia & vilissima.

SECUNDA OBJECTIO.

Cùm mens corporibus sit perfectior cur in se includere non poterit id quod ea repræsentat? Cur idea extensionis non erit una ex ipsius modificationibus? Deus solus in eà agit, & ipsam modificat, id fatemur; sed cur corpora videbit in Deo, si possit ea in propriâ substantiâ videre? Non est materialis; id quidem verum est. Sed Deus licet mens pura, videt corpora in se: cur ergo mens ipsa non videbit sese considerando, quamvis sit spiritalis.

Responsio.

Quis non videt illud esse discrimen inter Deum & mentem, quòd Deus sit ens sine restrictione, ens universale, ens infinitum, mens verò sit genus entis speciale? Ea est Entis infiniti proprietas ut sit simul unum & omnia, innumeris constans, ut ita dicam, perfectionibus, atque simul ita simplex ut unaquæque quam possidet perfectio cæteras omnes sine ullâ reali distinctione includat; cùm enim infinita sit unaquæque Divina perfectio, totum Ens constituit Divinum; Verùm mens, utpote speciale ac finitum aliquod Ens, extensionem in se non potest includere quin materialis fiat, quin ex duabus componatur substantiis. Deus ergo includit in se corpora modo intelligibili; Ipsorum essentias aut ideas in sapientiâ suâ, & existentiam in amore aut in voluntatibus suis videt. Id sic dici necesse est, cùm Deus corpora condiderit, cumque quicquid fecerit cognoscat antequam quicquam factum fuisset. Sed mens in se videre nequit id quod in se non includit: immo id quod includit clarè videre non potest. Id duntaxat confusè sentire potest. Mentem meam explico.

Mens extensionem intelligibilem tanquam unam ex suis modificationibus non includit; quia hæc extensio non est *modus essendi* seu modificatio, est verè ens. Hanc extensionem solam concipimus de nullâ alia re cogitantes, sed non possumus concipere modificationes, quin *subiectum* aut ens cuius sunt modi percipiamus. Hanc extensionem percipimus de mente nostrâ neutiquam cogitantes; immo concipere nequimus hanc extensionem posse esse modum seu modificationem mentis nostræ. Cùm concipiuntur limites in eà extensione eo ipso in eà aliqua detegitur figura, sed mentis limites ipsam figurare non possunt.

Malebranchii de Inquisit. Verit. Tom. II.

N n Cùm

Cum hæc extensio constet partibus, potest dividi, eodem sensu quo extensa est, hoc est, in partes intelligibiles; sed nihil in mente deprehenditur quod sit divisibile. Ergo ista extensio quæ percipitur, non est modificatio mentis, ergo illam in se videre nequit mens.

Verum, inquires, ex his eisdem rationibus Deus in se videre non posset res a se creatas. Concedo, si rerum creatarum ideæ modificationes essent ipsius substantiæ; Sed Ens infinitum modificationum est incapax. * Ideæ quas Deus habet rerum creatarum nihil aliud sunt, ut ait D. Thomas, præter ejus essentiam, quatenus eam participare aut imperfectè imitari possunt; Deus enim quicquid est perfectionis in rebus creatis includit, sed Divinitus, sed infinito modo; Unus est & Omnia; Eas itaque in se, nec alibi quàm in se videre potest; neque enim aliunde quàm a se ipso suas haurit cognitiones. Mens verò quæ, etsi se sentiat, se ipsam tamen, propriasque modificationes non cognoscit, mens quæ speciale duntaxat aliquod Ens est, Ens utique imperfectissimum & arctissimis circumscriptum limitibus in se certè neutiquam videre potest quod nullo prorsus modo in ipsa est. Qui, quæso, in una entis specie omnes entium species possent videri, ac in ente speciali & finito triangulus in genere, & trianguli infiniti. Etenim mens triangulum aut circulum in genere percipit, quamvis contradictorium sit mentem posse habere modificationem in genere. Sensationes coloris quas mens alligat figuris, eas reddunt speciales, quia nulla modificatio entis specialis potest esse generalis.

Certè possumus asserere id quod clarè concipimus. Atqui clarè concipimus extensionem quam videmus a nobis esse distinctam. Ergo possumus dicere extensionem non esse modificationem entis, & esse aliquid reapse distinctum a nobis ipsis. Attendendum enim est, solem, exempli gratiâ, quem videmus, non esse solem quem aspiciamus. Sol & quicquid in hoc mundo materiali existat non est visibile per se; Id alibi probavi. Mens tantum videre potest solem cui immediatè conjungitur, solem qui ut ipsa nullum occupat locum. Jam autem clarè videmus, & distinctè sentimus, solem esse aliquid distinctum a nobis. Ergo adversus proprium lumen nostrum & conscientiam loquimur, dum dicimus mentem videre in propriis modificationibus omnia corpora quibus circumdatur.

Voluptas, dolor, sapor, calor, color, omnes sensationes nostræ & affectus nostri sunt modificationes mentis nostræ. Sed quamvis id sic se habeat, an ea clarè cognoscimus? An calorem cum sapore, odorem cum colore possumus conferre? An possumus deprehendere relationem quæ est inter rubrum & viride, immo inter viride & viride; De figuris res secus se habet, eas inter se invicem conferimus. Earum relationes accuratè cognoscimus; scimus accuratè quadratum diagonalis quadrati esse duplum istius quadrati. Quænam esse potest relatio inter istas figuras intelligibiles quæ sunt ideæ clarissimæ, & modifica-

*Vid. me-
um respon-
sum ad 3.
epist. post-
humam D.
Aroaldi.

dificationes mentis nostræ quæ nihil sunt præter sensationes confusas? Et cur crederemus hæc figuræ intelligibiles non posse percipi a mente, nisi ipsi sint modificationes, cum mens nihil cognoscat per ideam claram eorum quæ ipsi competunt, sed duntaxat per conscientiam aut per sensum internum: ut alibi probavi, & iterum in Illustratione sequenti sum probaturus. Si corporum figuræ in nobismet ipsis duntaxat cognosceremus, illæ contrà nobis essent *inintelligibiles*, nam nosmet ipsos non cognoscimus, nobismet ipsis nihil sumus quàm tenebræ, ut nos videre possimus, nos extra nosmet ipsos videre oportet; nec unquam quid simus cognoscemus donec in eo nos consideremus qui est lumen nostrum, & in quo omnia fiunt lumen. Nam in Deo solo entia maximè materialia sunt omnino intelligibilia; sed extra ipsum substantiæ maximè spirituales, omnino invisibiles fiunt. Nihil enim est intelligibile quàm quod entia intelligentia afficere potest. Certè solus Deus, sola ipsius semper efficax substantia mentes nostras, ut ait D. Augustinus, tangere, afficere, illuminare, nutrire potest. Alibi neutiquam possumus, non dico nos sentire, in nobismet enim duntaxat nos sentire possumus, sed dico nos clarè cognoscere, hoc est mentis nostræ naturam & proprietates detegere, quàm in æterno nostro & Divino exemplari, hoc est, non alibi quàm in luminosâ semper Numinis substantia, quæenus a re creatâ spirituali participari potest, vel quatenus ejus est *representativa*. Materia naturam & proprietates clarè cognoscimus, clarissima enim est idea extensionis quàm in Deo videmus. Sed quia in Deo ideam mentis nostræ non videmus, sentimus quidem nos esse, & quid actu habeamus; sed clarè non possumus deprehendere quid simus, nec ullam ex modificationibus nostris detegere.

TERTIA OBJECTIO.

In Deo nihil est mobile; in ipso nihil est figurati; Si sit sol in mundo intelligibili, sol ille sibi ipsi semper æqualis est; at sol visibilis grandior videtur quum horizonti proximus est, quàm quum ab eo remotus est. Ergo illum solem intelligibilem non videmus. De aliis rebus creatis res eodem se habet modo. Ergo in Deo opera Dei non videmus.

Responsio.

Respondere sufficeret nihil esse in Deo quod sit realiter figuratum, adeoque motus capax, sed esse in Deo figuræ intelligibiles, idèque intelligibiliter mobiles. Neque enim dubitari potest quin Deus corporum quæ creavit, & quæ indefinenter movet ideam habeat; certum est ipsum non alibi quàm in suâ substantiâ hanc ideam reperire posse,

ipsūque saltem eam ideam nobis impertiri posse, sed ut ea materia elucideretur attendendum est Deum in se includere extensionem idealem seu intelligibilem infinitam; Deus enim cognoscit extensionem, siquidem illam fecit, atqui eam non potest cognoscere nisi in se ipso. Itaque, cum mens possit percipere aliquam partem istius extensionis intelligibilis quam Deus includit, certum est ipsam posse percipere in Deo omnes figuras; nam omnis extensio intelligibilis finita necessariò est figura intelligibilis; cum figura nihil sit præter terminum extensionis. Præterea videtur aut sentitur hoc illudve corpus cum ipso idea, hoc est, hæc illave figura extensionis intelligibilis & generalis sit sensibilis & specialis colore, aut aliquā aliā perceptione sensibilis quā ipsas ideas mentem afficit, quāque mens ipsi adjungit; nam sensatione sua semper inluit ideam quā vividius afficitur. Itaque necesse non est in Deo esse corpora sensibilia aut figuras reales sive actuales in extensione intelligibili, ut ea in Deo videamus, vel ut ea in se videat, sufficit si ejus substantia, quatenus participari potest a re creatā corporē, variis modis percipi queat.

Præterea si concipias figuram extensionis intelligibilis factam sensibilis colore successivè sumi ex variis partibus istius extensionis infinitæ, aut si concipias figuram extensionis intelligibilis posse circa centrum suum agi, aut ad aliam successivè accedere, percipis motum figuræ sensibilis aut intelligibilis, cum tamen nullus sit motus in extensione intelligibili. Nam Deus non videt motum corporum in substantiā suā aut in ideā quam de seipso habet. Sed solum per cognitionem voluntatum suarum respectu ipsorum. Ipsorum existentiam non aliter etiam videt quàm hoc modo, quia ipsius voluntas dat esse omnibus. Voluntates Dei in ipsius substantiā nihil mutant; ipsam non movent. Eo sensu extensio intelligibilis est immobilis omnimodè, etiam modo intelligibili. Sed quamvis supponatur partes intelligibiles ideæ extensionis inter se semper servare eandem distantiam intelligibilis relationem, sicque sit immobilis etiam intelligibili modo, si tamen aliqua creata concipiatur extensio quæ ad aliquam hujus extensionis partem ut ad suam ideam respondeat, poterimus ex ipsā spatii quamvis intelligibiliter immobilis ideā compereire mobiles esse hujus extensionis create partes, quoniam idea spatii, quamvis supposita intelligibiliter immobilis, cum omnigenas distantiarum relationes necessariò repræsentet, eò nos adducit ut concipiamus partes alicujus corporis posse eundem inter se situm non servare. Cæterum, etsi corpora a nobis in se ipsis non cernantur, sed duntaxat per intelligibilem extensionem, (sive hæc supponatur extensio immobilis necne intelligibiliter) per eam videre possumus aut actu imaginari corpora quæ moveantur, quia nobis videtur mobilis propter coloris sensationem, aut imaginem confusam sensationi supersistentem, quam successivè alligamus variis partibus extensionis intelligibilis, quæ nobis est pro ideā, quum motum alicujus corporis videmus aut imaginamur.

Quæ

Quæ omnia facilius est concipere quàm explicare sine æquivocatione.

Ex suprà dictis intelligere est, cur videre possimus solem intelligibilem modò magnum modò parvum, quamvis idem semper sit respectu Dei. Ad id enim sufficit nos modò maiorem extensionis intelligibilis partem, modò minorem cernere, & affici sensatione vividâ luminis quam adjungamus huic extensionis parvi. Jam autem cum omnes extensionis intelligibilis partes sint ejusdem naturæ, omnes possunt representare quodlibet corpus.

Arbitrandum non est mundum intelligibilem tantam habere relationem cum mundo materiali & sensibili, ut exempli gratiâ, sol, equus, arbor intelligibilis destinatus sit ad nobis representandum solem, equum & arborem: eosque omnes qui vident solem necessariò videre eundem solem intelligibilem. Cum omnis extensio intelligibilis possit concipi sphaerica, aut habens figuram intelligibilem equi seu arboris, omnis extensio intelligibilis ad id inservire potest ut solem, equum, arborem representet, ac ideo potest esse sol, equus, arbor mundi intelligibilis, atque etiam fieri sol, equus, arbor-visibilis & sensibilis, si mens aliquam habeat sensationem occasione corporum quam his adjungat ideis, hoc est si hæc ideæ sensibilibus perceptionibus mentem afficiant.

Itaque, cum dixi nos videre varia corpora per nostram cognitionem perfectionum Dei, quæ ista representant corpora, haud præcisè sum arbitratus in Deo quasdam esse ideas speciales, quæ representarent unum quodque corpus sigillatim; nosque talem videre ideam, cum hoc vel illud corpus videmus. Nam profectò corpus illud modò magnum, modò parvum, modò rotundum, modò quadratum videre non possemus, si illud per ideam singularem, quæ semper eadem foret, videremus. Sed dico omnia nos in Deo videre, dum Deus menti nostræ nulle modis applicat extensionem intelligibilem; atque ita extensionem intelligibilem includere in se omnes perfectiones seu potius omnes differentias corporum propter varias sensationes seu mens adjungit ideis quas occasione eorundem istorum corporum habet. Alio equidem modo loquutus sum; sed id eo consilio feci ut argumenta mea validiora & magis sensibilia redderem; nec judicandum est ex his quæ modò dixi ea argumenta nulla jam esse. Hic traderem causas cur tam variè mentem meam aperuerim, si id foret necessarium.

Hæc ulteriùs & penitiùs tractare non audeo, ne res nimis abstractas & extraordinarias in medium proferam; vel, si quis malit, ne cò te-meritatis adducar ut res mihi ignotas, quasque non possum retegere explicare aggrediar. Sunt duntaxat nonnulli Scripturæ loci qui suprà dictis adversari videntur, quos hic explanare conabor.

N n 3

OBJEC.

Vid. meum
responsum
ad eras &
illas rie-
as; atque
in primis
ad jam D.
Areal. li
quas ubi

posth. Epist. aliisque nonnullos locos ex quibus solvi poterant omnes difficultates proponere possent suspicacissimi & attentissimi lectores.

ILLUSTRATIONES

OBJECTIO QUARTA.

Divus Johannes in Evangelio suo, & in primâ Epistolâ, dicit; Ne-
 Cap. 1. 18. *minem unquam vidisse Deum. Deum nemo vidit unquam, unigenitus qui*
 Cap. 4. 12. *est in sinu Patris ipse enarravit.*

Responsio.

Respondeo; Eum propriè non videre Deum, qui in ipso videt res creatas. Rerum creatarum essentias in ipsius substantiâ videre, non est ipsius essentiam videre; ut videre res objectas in speculo repræsentatas, non est ipsum speculum videre.

Nihil obstat quidem quò minus cum Divo Paulo, Augustino, Cor. cap. 13. Gregorio, & multis aliis Ecclesiæ Patribus, dicamus, Deum a nobis etiam in hac vitâ videri, quamvis modo imperfectissimo. Hæc sunt L. 31. c. 20. verba sancti Gregorii in suis Ethicis ad Jobum. *A Luce incorruptibili caligo nos nostræ corruptionis obscurat; cùmque & videri aliquatenus potest, & tamen videri lux ipsi sicuti est non potest, quàm longè sit indicat. Quam si mens non cerneret, nec quia longè esse videret. Si autem perfectè jam cerneret, perfectio hanc quasi per caliginem non videret. Igitur, quia nec omnino cernitur, nec rursus omnino non cernitur, recte dictum est, quia a longè Deus videtur. Quamvis sanctus Gregorius, ut explicet istum locum Jobi, oculi ejus a longè prospiciunt, dicat, in hac vitâ Deum non videri nisi a longè, attamen Deus nobis adest admodum præsens. Sed concupiscentiæ nostræ caligine nobis delitescit. Caligo nos nostræ corruptionis obscurat. Nam in aliis locis, post Divum Augustinum, lun. en Dei, quod est Deus ipse, lumini solis comparat quo circumdamur, quòque non videmus dum cæcutimus aut oculos claudimus ne ipsius fulgore perstringamur; In sole oculos clausos tenemus.*

Divus Augustinus rem Gregorio fidei ipsius discipulo pressius urget. Quamvis enim agnoscat Deum nunc non cognosci nisi admodum imperfectè, asserit tamen in multis locis, Deum nobis clariùs innotescere quàm multa quæ nos optimè nosse arbitramur. *Propinquior nobis qui fecit, quàm multa quæ facta sunt. IN ILLO ENIM VIVIMUS, MOVEMUR & SUMUS. Istorum autem pleraque remota sunt a mente nostrâ propter dissimilitudinem sui generis. Et inferiùs. Rectè culpaniur in libro sapientiæ inquisitores hujus sæculi; Si enim tantum, inquit, potuerunt*

De Gen. ad 3. *talere, ut possint astimare sæculum, quomodo ejus Dominum non facilius*
 lit. l. 1. c. 6. *invenirent? Ignota sunt fundamenta oculis nostris; & qui fundavit ter-*
 18. De Tri- *ram, propinquat mentibus nostris. Ideo sanctus ille Doctor putat iis*
 nitat. l. 8. *quibus charitas inest Christiana notiozem esse Deum quàm fratres. Ec-*
 c. 6. *ce, inquit, jam potest notiozem D. um habere quàm fratrem. Plurimò*
 Vid. prof. *collegetiozem, quia præsentiozem; notiozem, quia interiorem; notiozem, quia*
 collec. me- *certio-*

certiorem. Alia sententiæ Augustini argumenta non afferam. Similia multa reperientur apud Ambrosium Victorem in 2. Vol. *Philosophiæ Christianæ*.

Sed ut ad locum Beati Johannis redeam, *Deum nemo vidit unquam*. Existimo Evangelistam, dum asserit neminem unquam vidisse Deum, eò tendere, ut discrimen inter Vetus & Novum Testamentum patefaciat; inter JESUM CHRISTUM & Patriarchas, & Prophetas, de quibus scriptum est, ipsos vidisse Deum. Nam Jacob, Moses, Isaias & alii non viderunt Deum, nisi oculis corporeis, & sub formâ mutuatitiâ; illum ut in se est non viderunt; *Deum nemo vidit unquam*. Sed Filius unigenitus Patris, qui in ipsius sinu est, ea quæ vidit nos edocuit: *Unigenitus qui est in sinu Patris, ipse enarravit*.

taph. vel
responsum
ad veras &
falsas ideas
c. 7. & 21.
ubi meam
probo sententiam ex
Doctrinâ
Divi Augustini.

O B J E C T I O.

Divus Paulus ad Timotheum scribens, dicit Deum habitare lumen inaccessum, ipsum a nemine unquam fuisse visum, immo videri non posse. Si lumen Dei sit inaccessum in illo omnia videri nequeunt.

Responsio.

Divus Paulus non potest adversari Divo Johanni nobis * asserenti Jesum Christum esse verum lumen, quod omnes homines in hunc mundum venientes illuminat. Nam, mens humana, quam plurimi tres appellat *lumen illuminatum*, non illuminatur nisi lumine sapientiæ æternæ, quod idem Patres hanc ob causam dicunt *lumen illuminans*. David nos hortatur ad Deum accedere, ut ab illo illuminemur. *Accedite ad eum, & illuminemini*. Sed quomodo possumus ab illo illuminari, nisi possumus videre lumen quo sumus illuminandi? Itaque Paulus dicens hoc lumen esse inaccessum, id dicit de homine carnali qui apud seipsum non secedit ut lumen illud contempletur. Aut si de omnibus hominibus loquatur, id dicit quod nullus sit qui a perfectâ veritatis contemplatione non abducatur, quia corpus nostrum attentionem mentis nostræ indefinenter interruptit.

* Cap. i:
† Cyrillus
Alexand.
ad hæc verba Johan.
Erat lux
vera.
S. Aug. Tr:
14. ad B.
Joh. S.
Greg. c. 17:
ad cap. 18.
Jobi.
† Inaccessibilem dixit sed
omni homini
humani
sapientia.
Scriptura
quippe sacra
omnes carnalium
sensuatores
humanitatis
nomine
notare solet. S.
Grez. in
cap. 18. Jobi.
ipsum

O B J E C T I O.

Deus Mose ipsum videre optanti respondens dixit. *Non potes videre faciem meam, NON videbit homo & vivet*.

Responsio.

Sensum literalem hujusce loci supradictis non repugnare evidens est; haud enim sentio Deum posse videri in hac vitâ, eo modo quo Moses

ipsum

Sapientia
non inveni-
tur in ser-
vatoribus vi-
ventium.
Ioa. 18.
Matth. 5. 8.

ipsum videre optabat. Respondeo tamen moriendum nobis esse, ut Deum videamus; mens enim veritati conjungitur, quò magis a corpore abstrahitur. Ad hanc veritatem nemo satis attendit. Qui affectuum motus sequuntur, qui voluptatum usu imaginationem polluerunt, qui conjunctionem & nutuum mentis cum corpore commercium auxerunt; uno verbo, qui vivunt, Deum videre nequeunt; apud seiplos enim se recipere non possunt ut veritatem consulant. *Beatos itaque illos quorum cor purum est*, mens libera, imaginatio sana, qui mundo neutiquam, vix corpori adhærescunt! uno verbo beati illi sunt qui moriuntur, nam videbunt Deum. Sapientia id palam dixit in monte, idque iis seorsim dicti qui sese recipientes illam consulunt. Qui in se superbiæ concupiscentiam perpetuò excitant, qui sexcenta ambitiosa agitant consilia, qui mentem non modò corpori, sed iis etiam quibus circumdantur conjungunt atque etiam mancipant; uno verbo, qui *vivunt* non modò vitam corporis, sed etiam vitam mundi, non possunt videre Deum; nam sapientia in inimico rationis recessu habitat, illi verò sese perpetuò extrinsecus diffundunt.

Iob. 8. 2.

Videmus
nunc per
speculum
in ænigma-
te tunc au-
tem facie
ad faciem.
Nunc cog-
nosco ex
parte. 1.
Cor. 13.

At qui sensum vividitatem indefinenter mortificavit, qui imaginationis puritatem sedulo conservant, qui affectuum motibus strenuè resistunt, uno verbo, qui omnia vinula quibus alii corporis & magnitudinis sensibilibus sunt mancipia solvunt, innumeras veritates reigere, & sapientiam illam ab oculis omnium viventium absconditam videre possunt. *Vivere* aliquo modo desinunt, statim atque apud seipsose sese colligunt; corpus deserunt ubi ad veritatem accedunt. Nam mens humana inter Deum & corpora ita sita est ut a corporibus recedere nequeat quin ad Deum admoveatur; Quemadmodum cum ad ea præcepta currit, a Deo recedit. Sed quia ante obitum corpus omnino deserere nequit, fateor etiam ante illud tempus hominem Deo perfectè conjungi non posse. Jam juxta Divum Paulum, Deus videri potest confusè ac veluti in speculo, sed non potest videri de facie ad faciem. *Non videtis me homo & vivet.* Potest tamen videri ex parte, hoc est confusè & imperfectè.

Vitam in omnibus hominibus viventibus æqualem esse illamque in puncto indivisibili consilire arbitrandum non est. Imperium corporis in mentem, quod impedit quominus jungamur Deo per cognitionem veritatis, multos gradus suscipere potest. Mens in omnibus hominibus æqualiter non conjungitur corpori quod sensationibus suis animat, & aliis corporibus versus quæ affectuum ope fertur. Nec desunt qui voluptatum & superbiæ concupiscentiam ita enecant ut corpori & mundo vix amplius adhærescant. Atque sic sunt quasi mortui. Beatus Paulus hujusce rei nobis est exemplum insigne, corpus suum castigabat & in servitutem redigebat; atque sese ita humiliaverat & maceraverat, ut de mundo non amplius cogitaret, quemadmodum nec mundus de ipso. Gal. 6. 14. Mundus enim ipsi mortuus & crucifixus erat, sicut mundo crucifixus & mor-

mortuus ipse erat. Et hanc ob causam, inquit Gregorius, veritatis tantopere erat amator, & ad illa divina lumina quibus splendent ipsius epistolæ suscipienda paratus; quæ Epistolæ quantumvis lucidæ eos tamen duntaxat penetrant qui exemplo Pauli sensus & affectus crucifigunt. Nam, ut ipse ait, *Animalis homo non percipit ea quæ sunt spiritûs, stultitia enim illi est*; quia scientia hujus mundi, sapientia hujusce sæculi, ingenii subtilitas, delicatula mollietates, vivacitas, imaginationis egregiæ igniculi, quibus mundo vivimus, & mundus nobis vivit, stupiditatem &, ut ita dicam, stupendam insensibilitatem menti nostræ ingenerant respectu omnium veritatum, quæ perfecte capi nequeunt nisi silentibus sensibus & affectibus.

Mors illa igitur qua Deo conjungimur optanda est, aut istius mortis imago, quæ est somnus mysticus per quem omnibus sensibus externis sopitis, vocem veritatis internæ possumus audire, quæ nos non alloquitur, nisi per noctis silentium ubi tenebræ res sensibiles oculis nostris furripiunt, & mundus nobis veluti mortuus est. *Hinc est quoddam Sponsa*, inquit Gregorius, *in canticis canticorum Sponsi vocem quasi per somnium audierat*, qua dicebat; *Ego dormio, & cor meum vigilat*. Ac si diceret, dum exteriores sensus ab hujusce vitæ sollicitudinibus sopio, vacante mente, vivacitas interna cognosco. Foris dormio, sed intus cor vigilat, quia dum exteriora quasi non sentio, interiora solemter apprehendo. Bene ergo Eliu ait quod per somnium loquitur Deus. Ethica Gregorii ad cap. 33. Job.

1. Cor. 2. 14. Ad Moysen dicitur, non videbit me homo & vi-
vet; ac si
aperit diceretur: Nul-
lus unquam
Deum spiri-
tualiiter vi-
det qui
mundo car-
nalius vi-
vit, Greg.
ad cap. 18.
Job. c. 18.

I L L U S T R A T I O

ad Caput Septimum Secundæ Partis Tertii Libri,
in quo probro,

*Nos non habere claram ideam naturæ nec modificationum
mentis nostræ.*

ALicubi dixi, atque etiam tertio Libro de Inquisitione Veritatis me satis probasse arbitror, nos nullam habere claram mentis nostræ ideam; sed tantum *conscientiam* aut sensum internum; atque ita nos illam multò imperfectiùs cognoscere quàm extensionem. Id ita evidens mihi videbatur, ut rem fusiùs explicare necesse non duxerim. Sed Cartesii autoritas disertè dicentis; *naturam mentis esse notiore naturâ ullius aliûs rei*, ita præverit quosdam ex ejus discipulis, ut ea quæ super his scripsi nihil aliud effecerint quàm ut obtusi ingenii homo apud illos audirem, qui veritates abstractas assequi & tenaciter amplecti non possem, utpote quæ attentionem levare & continere non possint. Me

Responso
ad quintas
Objectiones
adversus
secundam
Mediationem,
sub finem.

Malebranchii de Inq. Verit. Tom. II.

O o ad-

admodum debilem, sensibilem, & crassum esse, mentem meam a corpore tot modis ut verbis exprimere nequeam pendere fateor. Id mihi notum est, id sentio, & in id perpetuo laboro ut istam mei cognitionem magis ac magis augeam. Etenim si non possumus miseriæ nostræ mederi, saltem illam cognoscere & sentire debemus. Sensu miseriæ internæ saltem *humiliter* nosmet deprimere, & quantum utile sit nobis liberari ab isto corpore mortis, quo omnes mentis nostræ facultates perturbantur & confunduntur, agnoscere par est.

Attamen quæstio nunc agitata ingenii capacitati ita accommodata est, ut ingenti mentis applicatione ad eam solvendam opus esse non censeam: & hanc ob causam huic non eram immoratus. Nam id me afferere merito posse arbitror; ignorantiam scilicet plerorumque circa mentem suam, circa ipsius distinctionem a corpore, circa ejusdem spiritualitatem, immortalitatem, & alias proprietates, sufficere, ut evidenter probemus, nos nullam illius claram & distinctam ideam habere.

Nos ideam corporis claram habere possumus dicere, quia sufficit consilere ideam quâ repræsentatur, ut agnoscamus modificationes quarum capax est. Illud quadratum, rotundum, in quiete, in motu esse posse clarè videmus. Nullo negotio concipimus quadratum posse dividi in duos triangulos, duo parallelogrammata, duo trapezia. Quum quis a nobis quærat, an aliquid pertineat, aut non pertineat ad extensionem, quid respondendum habeamus ambiguum non est: Quia cùm clara sit extensionis idea, nullo negotio & simplici mentis apprehensione videmus quid includat, quid verò excludat.

Nullam, ni fallor, mentis nostræ habemus ideam, quæ ita clara sit, ut eam consulendo possumus cognoscere modificationes quarum capax est. Si nullam unquam sensissemus voluptatem aut nullum dolorem, an mens illius sit capax necne scire nequiremus. Si homo quispiam melonem nunquam gustasset, dolorem nunquam esset passus, rubrum aut viride nunquam vidisset, certè frustra istam quam dicunt mentis suæ ideam consuleret, an harum vel illarum sensationum, seu modificationum esset capax, distinctè nunquam cognoscere posset. Nec id modò; quamvis actu sentiamus dolorem, aut actu videamus colorem, non possumus tamen simplici visu cognoscere an qualitates illæ pertineant ad mentem. Dolorem esse in corpore cujus occasione eum sentimus, & colorem in superficie rerum objectarum diffusum esse imaginamur, quamvis has res objectas a mente nostrâ distingui clarissimè concipiamus.

Ut certiores fiamus an qualitates sensibiles sint modificationes mentis necne; suppositam istam mentis ideam non consulimus: Ipsi Cartesii discipuli contrà consulunt ideam extensionis; & sic ratiocinantur. Calor, dolor, color non possunt esse modificationes extensionis: nam extensio nullius rei est capax quàm variarum figurarum, variorumque notum. Jam autem duo duntaxat sunt entium genera, spiritus & corpore.

pora. Ergo dolor, calor, color, & omnes aliæ qualitates sensibiles pertinent ad mentem.

Quandoquidem ad id adigimur ut consulamus ideam extensionis ad cognoscendum, an qualitates sensibiles sint modificationes entis, nonne evidens est nos claram mentis ideam non habere. Alioquin quorsum istud diviticulum? Quum Philosophus vult cognoscere, an rotunditas pertineat ad extensionem, num consulit ideam mentis aut aliquam ideam aliam ab ideâ extensionis? Nonne videt clarè in ipsâ extensionis ideâ rotunditatem ipsius esse modificationem, & nonne insaniret si ad id comperendum sic ratiocinaretur. Duo sunt tantum entium genera, spiritus & corpora; rotunditas non est modificatio spiritûs; ergo est modificatio corporis.

Igitur uno mentis appulsu, sine ratiocinatione, & solâ mentis ad ideam extensionis applicatione videmus rotunditatem, & quamlibet aliam figuram esse modificationem corporis & voluptatem, dolorem, calorem, omnemque aliam qualitatem sensibilem non esse modificationes corporis. Nulla potest moveri quæstio circa ea quæ pertinent aut non pertinent ad extensionem, cui facilè, promptè, & confidenter non satisfiat, solâ ideâ qua repræsentatur consideratione. Omnes homines super eâ se inter se consentiunt. Qui materiam cogitare posse autumant, illam hac facultate præditam esse non opinantur, quia extensa est, extensionem præcisè ut in se est consideratam cogitare non posse fatentur.

Sed eodem modo non consentiunt de iis quæ circa mentem & ejus modificationes credenda sunt. Sunt qui credant dolorem & calorem, aut ad minimum colorem ad eam non pertinere. Immo ii Cartesiani quibusdam ludibrium debent, qui dicunt mentem fieri actu cœruleam, rubram, flavam, illamque Iridis coloribus tingi, dum ipsam contemplantur. Multi sunt qui dubitent, & multò plures qui non credant, mentem, dum cadaver sentimus revera puridam fieri; & saporem sacchari, piperis, salis ad ipsam pertinere. Ubi igitur est clara mentis idea, ut illam Cartesiani consulant, & omnes unâ consentiant de subiecto cui scilicet colores, sapes, odores debeant competere?

Verùm licet Cartesiani super his inter se consentirent, hinc protinus non foret concludendum, ipsos claram mentis ideam habere. Nam si unanimo tandem dicant consensu mentem actu esse viridem aut rubram, dum viride & rubrum videmus, id non concludent nisi prolixis admodum ratiociniis; id nunquam uno & simplici visu videbunt: id nunquam comperient consulendo suppositam istam mentis ideam, sed potius consulendo ideam corporis. Asserent qualitates sensibiles pertinere ad mentem, dumtaxat quia non pertinent ad extensionem, cujus claram habent ideam. Hujusce rei eos nunquam convincent, qui utpotè tenui & parvo præditi ingenio, perceptionum complexarum aut ratiocinationum sunt incapaces, aut potius qui ideam corporis claram attentè

fatis non considerantes omnia confundunt. Semper erunt rustici, pueri, feminae & forsan eruditi atque etiam Doctores qui de his sine dubitaturi. Sed feminae, pueri, docti, indocti, ingeniosi & stupidi, nullo negotio capiunt, per ideam quam habent extensionis, ipsam esse capacem quarumvis figurarum. Extensionem doloris, saporis, odoris, aut alius cujuscunque sensationis non esse capacem facile concipiunt, dum ideam qua extensio repræsentatur attentè & fideliter consulunt. Nulla enim qualitas sensibilis includitur in ideâ quæ repræsentat extensionem.

Possunt quidem dubitare an corpus sit capax sensûs, aut possit aliquam recipere qualitatem sensibilem, an verò secus. Sed id fit quia per corpus aliquid aliud intelligunt quàm extensionem, nullam corporis hoc sensu accepti claram habent ideam. Sed dum Cartesius, aut Cartesiani quos alloquor, mentem corpore melius cognosci asserunt, per corpus nihil aliud intelligunt quàm extensionem. Quomodo igitur possunt defendere naturam mentis clariùs cognosci naturâ corporis; cum idea corporis aut extensionis adeo clara sit ut omnes inter se consentiant de iis quæ includit vel excludit, cùmque idea mentis ita confusa sit, ut Cartesiani ipsi quotidie disputent, an modificationes coloris ad ipsam pertineant.

Loco
suprà citato.

Natura substantia, inquit isti Philosophi post Cartesium, *est distinctius cognoscitur quò plura ejus attributa cognoscuntur. Jam autem nullus est cujus tot cognoscamus attributa quàm mentis; quia quotquot in aliis rebus cognoscuntur totidem possum recenseri in mente, ex eo quòd illa cognoscant. Atque ideo ipsius natura omnis alius rei naturâ notior est.*

Sed quis non videt multum esse discriminis inter cognoscere per ideam claram, & cognoscere per conscientiam. Quum cognosco bis duo esse quatuor, id clarissimè cognosco; sed clarè non cognosco id quod in me est quod hanc cognoscit veritatem. Id equidem sentio; Id novi per conscientiam aut per sensum internum; sed illius nullam habeo claram ideam, ut habeo de numeris, inter quos possum clarè deprehendere relationes. Possum *numerare* tres in mente meâ proprietates. Primam qua cognosco bis duo esse quatuor; secundam qua cognosco ternarium numerum ter repetitum esse 9. & tertiam quâ cognosco quaternarium numerum, quater resumptum efficere 16. Imò, si ita libuerit, tres istæ proprietates inter se different, & sic in me innumeras potero numerare; sed nego clarè a me cognosci naturam earum rerum quas in me *numeraturus* sum. Ut numerentur eas sentire sufficit.

Possimus dicere nos habere ideam claram enis alicujus ipsiusque naturam a nobis cognosci, quum illud cum aliis, quorum etiam claram habemus ideam, possumus componere, aut saltem cùm possumus conferre inter se modificationes quarum ens illud capax est. Claras habemus ideas numerorum & parium extensionis, quia hæc possunt inter se conferri. Numerus binarius cum quaternario potest comparari, quatuor

thor cum sexdecim; & unusquisque numerus cum omni alio. Quadratum cum Triangulo, Circulus cum Ellipsi, Quadratum & Triangulus cum omni alio Quadrato & omni alio Triangulo conferri potest; & sic possunt clarè cognosci relationes quæ sunt inter illos numeros, illasque figuras. Sed mentem nostram cum aliis mentibus non possumus conferre, ut aliquam illius relationem clarè cognoscamus. Relatio quæ est inter voluptatem & dolorem, calorem & colorem non potest clarè dignosci, vel, ut de modificationibus ejusdem generis duntaxat loquar, non potest accuratè determinari relatio quæ est inter viride & rubrum, flavum & violaceum, neque etiam inter violaceum & violaceum. Bene quidem cernimus alterum esse altero obscurius aut lucidius, sed nescimus & quantò sit obscurius aut lucidius; & quid sit esse obscurius aut lucidius. Nullam igitur claram habemus mentis aut ipsius modificationum ideam. Et quamvis videam aut sentiam colores, sapores, odores, possum dicere, ut dixi, me eas non cognoscere per ideam claram; cum illius relationes clarè cernere non possim.

Possum equidem deprehendere accuratas relationes seu analogias inter sonos; octavum tonum, seu diapason, exempli gratià, esse duplicem, quintarium tonum seu diapente esse ut 3. ad 2. quartum seu diatessaron ut 4. ad 3. sed istas analogias cognoscere nequeo per sensationem meam. Si novi octavum tonum esse duplicem, id novi quia experientià compertum habeo, eandem chordam dare octavum, ubi, postquam integra pulsata fuit, deinceps pulsatur postquam divisa fuit in duas partes æquales; & quia novi numerum vibrationum esse duplicem tempore æquali, aut aliquid simile; quia trepidationes aeris, vibrationes chordæ, & ipsa chorda possunt comparari per ideas claras; & quia distinctè cognoscuntur relationes quæ possunt esse inter chordam & ejus partes, sicut & velocitatem variarum vibrationum. Sed soni in seipsis non possunt comparari, seu quatenus qualitates sensibiles & modificationes mentis; nec eorum relationes dignosci.

Et quamvis Musici varias *consonantias* optimè distinguant; earum tamen relationes non cognoscunt per ideas claras. Solo aurium organo de sonorum differentià judicant, non ratione. Atqui nemo dicit aurem judicare per ideam claram, aut aliter quàm per sensum. Ipsi igitur Musici nullam sonorum claram habent ideam, quatenus sunt sensationes aut modificationes mentis. Unde consequitur nec mentem nec ipsius modificationes per ideam claram concipi, sed solum per conscientiam aut sensum internum.

Præterea, quâ in re consistant mentis dispositiones quibus ad agendum & ad sibi representandas res objectas promptior sit, nemo novit. Nequidem possumus concipere quâ in re ejusmodi dispositiones sitæ esse quant. Addo etiam neminem posse ratione certiorè fieri, an mens sola a corpore separata, aut sine relatione ad corpus considerata, habitum & memoriæ sit capax. Quomodo tamen hæc possumus ignorare?

si natura mentis sit notior naturâ corporis? Nullo negotio videmus quâ in re consistat facilitas quâ spiritus animales sese per nervos diffundunt, per quos jam sæpius fluxere; aut saltem nullo negotio comperimus, tubulis nervorum sese dilatantibus & fibris ipsorum certo modo inflexis, spiritus animales posse faciliè insinuari. Sed quid possumus concipere quod queat augere facilitatem mentis ad agendum aut ad cogitandum? Profectò fateor me rem non posse assequi. Centies mihi sum consulò ut has percipiam dispositiones, sed nihil est quod mihi respondeam super hac re; quâvis vividissimè sentiam istam facilitatem: quâ in me quædam excitantur cogitationes, ac nisi rationibus specialibus eò adducerer ut credam me revera tales habere dispositiones, quâvis illas non cognoscam in me, judicarem in trente meâ nec habitum nec memoriam spiritualem esse. Quicquid sit, cum circa hæc hæsitemus, id manifestò arguit nos res tam clarè non cognoscere quàm vulgò contendunt; nam dubia cum evidentiâ & ideis claris stare nequeunt.

Eccle. cap. 9. 1. Sed neque mihi sum iudico. Nihil enim mihi conscius sum. Sed non in hoc justificatus sum: qui autem iudicat me Dominus est. 1. Cor. c. 4. 4. Joh. 13. 37. Hominem oculatissimum, an dignus sit amore, an verò odio cum evidentiâ cognoscere non posse certum est, ut loquitur Sapiens, sensus internus, seu conscientia quam de nobismet ipsis habemus nihil nos certò docet hac de re. Paulus quidem dicit sibi suam conscientiam nihil exprobrare; non asserit tamen se justificatum esse; quâ asserit id ipsum non justificare, nec audere seipsum judicare, quia Dominus est qui iudicat ipsum. Sed cum claram habeamus ordinis ideam, si æquè claram haberemus mentis ideam sensu interno quem de nobismet ipsis habemus, evidenter cognosceremus an esset ordini conformis necne; possemus etiam accuratè cognoscere omnes ipsius habitus internos ad bonum & ad malum quotiescunque aliquem earum haberemus sensum. Sed si possemus nos cognoscere quales sumus reapse, superbire non effemus adeo obnoxii; Nec verisimile est Petrum dicturum fuisse Jesu Christo quem erat abnegaturus. *Cur te nunc non sequerer, vitam meam ponam pro te.* Nam illo virium suarum & sinceri affectûs sensu evidenter potuisset videre, an ipsi satis fuisset roboris & animi ad vincendam mortem, seu potius ad toleranda probra ancillæ & quorundam famulorum.

Si natura mentis naturâ cujuscunque alius rei notior esset; si idea quam de mente habemus æquè clara esset ac idea corporis hoc unum quæro. Cur videlicet tam multi illam cum corpore confundant? Duæ idæ claræ & omnino diversæ possuntne confundi? Dicamus quod res est. Qui idem nobiscum non sentiunt ratione sunt præditi æquè ac nos; eandem rerum habent ideas; eandem participant rationem. Cur igitur confundunt ea quæ distinguimus? An in aliis casibus unquam confundunt res quarum claras habent ideas? An unquam duos diversos numeros ab aliis confundi videas? An quadratum pro circulo acceperunt? Mens tamen longius differt a corpore quàm quadratum a circulo. Duæ enim sunt substantiæ nullâ in re inter se convenientes, nihilominus tamen eas confundunt, certè aliquam in agnoscendâ illarum differentiâ esse difficultatem

tem necesse est. Id simplici mentis appulsu non deprehenditur, & ratiocinii opus est ut concludamus alteram harum substantiarum non esse alteram. Attente consulenda est idea extensionis, & agnoscendum extensionem non esse modificationem corporis, sed corpus ipsum, cum nobis repræsentetur ut res subsistens, & ut principium eorum omnium quæ clarè concipimus in corporibus. Unde fit ut, cum modificationes quarum corpus capax est, nullam habeant relationem ad qualitates sensibiles, oporteat subjectum illarum qualitarum, vel potius ens cujus qualitates illæ sunt modificationes a corpore multum differre. Sine his aut similibus ratiociniis non possumus quin mentem cum corpore confundamus. Sed si ideam mentis claram haberemus, ut habemus corporis, certè ad ambages illas confugiendum non esset ut ab illo distingueretur. Id primo intuitu, & eadem facilitate qua cognoscimus quadratum non esse circulum, deprehenderetur.

Hic non immoror fufius probando mentem ipsiusque modificationes non cognosci per ideas claras. Quacunque nos inspicimus, id satis agnoscimus. Et iis quæ jam in libro de Inquisitione Veritatis super hac de re dixeram hæc duntaxat addo, in quorundam Cartesianorum gratiam qui istam meam carpebant sententiam. Si ipsis hac additione non fecerim satis; expectabo donec istam claram ideam quam in me frustra conatus sum reperire mihi ostendant.

Legi postea nona Christianarum Meditationum.

ILLUSTRATIO

ad Caput Octavum Secundæ Partis Tertii Libri.

De vocibus vagis & generalibus nihil significantibus: Quomodo ab aliis distinguantur.

UT intelligantur quæ in nonnullis locis dixi, eos rerum rationem non reddere, qui eas explicant per voces Logicas & per ideas generales, hoc ad animum revocare sufficit; nempe, quicquid existit, cum redigatur vel ad ens vel ad modos entis, omnem vocem qua neutrum horum distinctè & speciatim designatur nihil distincti significare. Id mihi evidentissimum videtur; sed quodcumque in se evidens est, tale semper non est respectu omnium. Apud homines iste mos invaluit ut verbis inanibus sese & alios pascant. Omnes voces quibus aures non laeduntur inter homines usu valent; & veritas in quotidianis hominum sermonibus ita negligitur, ut qui loquuntur non secus ac qui audiunt ad illam nequidem respiciant. Loquacitas omnium naturæ donum us est præstantissima; imaginationis sermo omnium *mediorum* ad per-

persuadendum est optimum, & memoria vocibus obscuris & incomprehensibilibus abundans semper præ cæteris omnibus præfulebit, quicquid dicant Cartesiani.

Ubi homines veritatem unicè diligunt, ad ea quæ sunt dicturi tunc attendunt; quæ audiunt accuratè examinant; voces sensu vacuas aspersionibus respiciunt, & ideis clavis duntaxat adhaerescunt. At quando homines veritatem unicè diligunt? ubi nimirum a corpore non amplius pendebunt, nullam amplius relationem necessariam ad res sensibiles habebunt, sese mutuo non amplius corrumpent, ac magistrum ipsos in intimo mentis recessu edocentem fideliter consulent, sed id in hac vitâ nunquam continget.

Interea tamen omnes veritatem æquè non negligunt, si multi sint qui verba sine examine effutiant, qui ea indiscriminatim audiant & recipiant, quique ad nihil aliud attendant quàm ad ea quibus moventur, sunt etiam qui ad veritatem adipiscendam & alios docendam seriò incumbant. Atque hos potissimum alloquor; his me rogantibus hæc scripsi.

Dico igitur quicquid est, sive actu existat sive non, ac ideò quicquid est intelligibile, redigi ad ens & ad modum entis. Per ens id intelligo quod est absolutum, aut quod potest concipi solum & sine relatione ad aliud. Per modos entis intelligo quod relativum est, aut quod solum concipi nequit. Jam autem duæ sunt species modorum entis; alii modi consistunt in relatione seu analogiâ partium totius ad aliquam partem ejusdem totius; alii consistunt in relatione rei alicujus ad aliam quæ non sit pars ejusdem totius. Rotunditas ceræ est modus entis primæ speciei, quia ipse rotunditas consistit in æqualitate distantie omnium partium superficiæ cum illâ parte quæ centrum constituit. Motus aut situs ceræ est modus entis secundæ speciei; nam consistit in relatione ceræ ad corpora eam circumstantia. Non loquor de motu accepto pro vi motrice: quippe hanc vim modificationem corporum nec esse, nec esse posse clarum est, quoniam quoquo modo modificata concipiuntur non possunt concipi ut vi motrice gaudentia.

Si certum sit quicquid intelligibile est ad entia aut ad modos entium reduci, omnem vocem quâ neutrum illorum designatur, nihil significare clarum est, & omnem vocem quæ non significat illud ens aut illum entis modum speciatim, esse vocem obscuram & consulam. Atque ideo nec quæ alii nobis dicunt nec quæ aliis dicimus possumus clare concipere, nisi ideas distinctas entis aut modi entis habeamus, quæ respondeant singulis vocibus quibus illi utuntur, aut quibus nos ipsi utimur.

Concedo tamen nos posse uti vocibus quæ ideas distinctas directe non excitant, immo nos ad id interdum adigi. Id possumus, quia non semper necesse est definitionem substituere in locum definiti, & quia formulis loquendi compendiosis quamvis in se confusis utiliter quandoque

doque utimur. Et ad id cogimur, cum necessitas incumbit loquendi de rebus quarum claram non habemus ideam, quasque non cognoscimus nisi sensu interno quem de nobismet ipsis habemus, ut cum de mente & ipsius modificationibus loquimur. Cavendum est duntaxat ne vocibus obscuris & æquivocis utamur quum claras habemus, aut quum adstantibus falsam ideam ingignere possunt. Hæc aliquo exemplo clariùs intelligentur.

Clariùs est dicere mundum a Deo creatum fuisse per ipsius voluntatem, quàm dicere mundum a Deo conditum fuisse per ipsius potentiam. Posterior vox est vox Logica; in mente nullam distinctam & specialem excitat ideam, & in hanc potest injicere opinionem, potentiam Dei scilicet posse esse aliquid diversum ab efficaciâ ipsius voluntatis. Ii clariùs loquuntur qui dicunt Deum peccatoribus condonare in JESU CHRISTO, quàm qui absolute dicunt, Deum peccatoribus condonare clementiâ & misericordiâ: Hæ voces sunt æquivocæ. In eam possunt inducere cogitationem, Clementiam Dei scilicet forsan contrariam esse ipsius Justitiæ; peccatum posse manere impune; satisfactionem JESU CHRISTI non esse necessariam, & alia ejuscemodi.

Vocibus vagis & quarum significatio non est præcisâ sæpe utimur, ubi de perfectionibus Divinis loquimur. Nec id culpandum est, nam acriteia Philosophica non est semper necessaria. Sed nefariâ stupiditate & negligentia plerique hisce vocibus generalibus ita abutuntur, & ex iis tot falsæ eliciuntur consequentiæ, ut quamvis omnes homines eandem Dei habeant ideam, illumque omnes ut ens infinitè perfectum considerent, nulla tamen imperfectio ipsi non fuerit tributa tempore idololatriæ, ac sæpe etiamnum de ipso sermones tantâ majestate indigni habeantur. Et omnia quidem ista ex eo oriuntur, quòd seriò plerique non conferunt ea quæ de Deo dicunt cum ideâ quâ representatur, seu potius cum ipso.

En aliud adhuc exemplum quod mihi mentem subit, quòdque magis est momenti.

Qui contendunt prævenientem delectationem sive gratiam JESU CHRISTI esse per se & naturâ suâ efficacem respectu consensûs voluntatis. Dico respectu consensûs voluntatis, per se enim procul dubio respectu voluntatis efficax est; cum semper effectum sortitur quòd eam moveat, & ad bonum ferat, quoniam ipsum præbet degustandum, atque omni tempore invisè volumus esse beati. Qui, inquam, contendunt per se efficacem esse Servatoris gratiam respectu consensûs voluntatis, siquis eis objicit eam sententiam libertati adversari, ut ipsi Concilii Tridentini judicio quo statuitur liberum arbitrium gratiâ motum ei posse, si velit, resistere, aut non consentire, tunc respondent suam libertati non adversari sententiam, atque nobis quidem esse potentiam resistendi gratiæ JESU CHRISTI, sed neminem ipsi tamen resistere, sive hanc ipsi resistendi potentiam nullum unquam effectum habere. Nonne potes,

Vid Jam
quatuor
Episto-
larum cir-
ca Episto-
las D. Ar-
naldi in
1. vol.
meorum
responsio-
rum; Ibi
quo sensu
Jesu Christi
gratia sit

Malebranchii de Inquis. Verit. Tom. II.

P p inqui-

per se effi-
cax expla-
nare conor
distinctis
ideis alli-
gatis ad
voces qui-
bus quæstio
proponitur.

inquirunt, si velis, te dejicere de fenestrâ, tibi nasum amputare, oculos effodere? Tibi certè sunt hæc potentia, aliæque permultæ, verùm extra omnem dubitationem positum est nec te nec quemquam alium iis usurum esse potentiis. Multæ igitur sunt potentia: quæ nullum unquam effectum habebunt; Atque talis est potentia quam libero arbitrio relinquit gratia JESU CHRISTI; Potest quidem, si velit, ei non consentire, sed id nunquam volet.

Ut hujus responsi vitium patefcat sufficit hanc elucidare vocem *potentiam*, ipsiusque æquivocationem tollere.

Manifestum est nemini potentiam esse de fenestrâ, se se dejiciendi nisi posito ipsi esse potentiam id volendi. Jam autem nihil velle possumus sine aliquo incitamento quo moveatur ea, quæ nobis est, innata atque invicta felicitatis cupiditas; Quid est enim aliquid velle nisi ei consentire incitamento quo ad illud volendum impellimur? Antè igitur cognoscendum est aut sentiendum quàm consentiatur.

Cùm igitur nobis non sit potentia quicquam volendi sine aliquo incitamento quod cum felicitatis cupiditate consentiat, multum abest ut nobis insit potentia nos de fenestrâ dejiciendi, quoniam periculum est ne aut graviter vulneremur, aut etiam pereamus, quod pro magno malo naturaliter spectatur. Cùm igitur quis dicit sibi esse potentiam se se præcipitem agendi, ea vox *potentia* nihil aliud significat quàm ipsi esse potentiam corpus suum ad arbitrium movendi, & talis revera ipsi inest potentia: Cùmque haud dubitanter asserit ipsum nunquam de fenestrâ se se præcipitem acturum, semper intelligendum est ipsum id nunquam lubenti animo facturum, aut sine urgentibus incitamentis quæ tunc non prævider, qualis esset metus ne vivus in cubiculo cremaretur, aut ab inimicis trucidaretur; quia nihil quisquam sine incitamento velle potest. An quis dicere posset D. Petrum etiamnum posse suum abnegare Magistrum, ut inde id colligeretur certas esse potentias quæ nullum unquam effectum forticntur? Potest quidem, si velit, sed id velle nequit, imo neque ambigere valet; quia nulla sunt ipsi incitamenta quibus ad id vel minimum impellatur, atque multa & invicta quidem ipsi sint quibus charo suo Magistro, Deo suo devinciatur atque totus devoveatur.

Verùm nunc cùm mens in corpore suo est in statu explorationis, cùm vita hominis est & esse debet pugna continua, quia tempus est sibi acquirendi merita gratiæ scilicet acquiescendo; An dici potest, cum ea nos impellit ad aliquod bonum opus exferendum, concupiscentiam non satis incitamentorum suppeditare ut menti saltem remaneat potentia consensum cohibendi, libertas cogitandi, otium examinandi, imprimis si sit bonum opus cujus habitum nondum contraxerit? Jam verò si ponatur eum cohiberi consensum per quindecim minuta, aut diutius quàm durat gratiæ delectatio, nonne sit evidens eam gratiam per se non futuram fuisse efficacem respectu consensûs, licet hæc eadem

dem gratia impulisset voluntatem ad bonum illud opus, si motum a gratia sibi impellum continuo fuisset secuta? Cum aliquis sollicitatur ad se se precipitem agendum, aut ad sibi effodiendos oculos, quoniam ipsi foret causa consensum cohibendi ad expendendum nummam securus sit eam suasionem?

Verum ubi gratia aliquem impellit ad se se e mundo subtrahendum, Ecclesiasticamque vitam amplectendam, procul dubio non ipsi desunt causae consensum cohibendi atque rem expendendi; Huic igitur, etsi a gratia impulsio, vera remanet potentia, quae nimis heu! frequenter effectum sortitur; priori fictitia tantum, quam qui ipsi tribuit equivocae potentiae voce abutitur; atque is hallucinatur, aut alios fallere tentat qui eo quem dixi modo clare & evidenter Concilii decisioni respondet.

Eam voco claram & evidentem; potentia enim illa quae a Concilio definitur, nempe potentia resistendi aut non consentiendi actuali gratiae motui, praeventienti delectationi quae voluntatem actu movet, potentia est exierendi actum qui in ea potentia designatur & clarissime quidem. Resistere enim aut non consentire sunt voces relativae ad actualem motum quem in voluntate producit gratia. Certè in sensu diviso, hoc est, cum gratia sive tentatio actu voluntatem non movet, gratiae aut tentationi resisti nequit; id enim esset nulli rei resistere, nulli rei consentire; ut voluntas actu possit gratiae motui resistere, oportet ut actu eam moveat gratia. Clara est itaque decisio Concilii, aequivoca non est, nec explicatione indiget. Quae enim potentia se se exferere non potest, nec ullum actum efficere, ea est potentia quae nihil potest, quaque ideo nulla est. Atqui si non modo Concilio sed sibi ipsi contradicunt qui affirmant libero arbitrio a gratia impulsio remanere quidem potentiam ipsi non consentiendi, sed contradictorium esse quod suam exerceat potentiam.

Si dixisset Concilium, Qui gratiae motui consentit, illi potentia est ipsi non consentiendi; tunc non immerito distingui potuisset dicendo, ipsi quidem ea est potentia, sed contradictorium est eam potentiam suam exferere actum, quia non potest voluntas ei simul consentire & non consentire: Contradictorium est quod Deus talem gratiam mihi simul & concedat & non concedat; atque itidem quod ei simul & consentiam & non consentiam; verum nulla est contradictio quod ex altera parte Deus mihi suam concedat gratiam, atque ego simul ipsi non consentiam, nisi supponatur nullam mihi esse posse causam consensum meum denegandi, aut mei consensus actum non esse liberum nec a me pendere.

Sed praecipue in rebus Physicis, hisce vocibus vagis & generalibus qui nullas distinctas entis aut modi entis excitant ideas, abutuntur Philosophi. Exempli gratia quum dicunt corpora ad *centrum* suum tendere; *gravitate* propria deprimi, *levitate* sursum ferri, *natura* sua mo-

veri, formas successivè mutare; virtutibus, qualitatibus, facultatibus, &c. agere; utuntur vocibus nihil significantibus; & istæ omnes propositiones sunt omnino falsæ eo sensu quem ipsi affingunt plerique Philosophi. Nullum est *centrum* sensu quo vulgò accipitur. Istæ voces *gravitatis, formæ, naturæ* & aliæ similes nec entis nec modi entis excitant ideam. Voces sunt sensu vacuæ, viris sapientibus cane pejus & Eccl. 11. 21. angue vitandæ. *Scientiâ inculpatis inenarrabilia verba*, inquit Scriptura. Istæ voces ad tegendam Pseudo-Doctorum ignorantiam & ad persuadendum stupidis & impiis Deum solum non esse veram omnium causam, duntaxat utiles esse possunt.

Id mihi certum & capiti facile videtur. Tamen plerique de omnibus liberè & confidenter loquuntur, an voces quibus utuntur claram & accuratam habeant significationem parum anxii. Immo sunt Authores qui plurima composuerunt volumina, in quibus aliquem observare locum ubi intellexerint quid scripserint difficillimum est. Itaque qui multa legunt, sermones vagos & generales falsorum Doctorum cum veneratione auscultant, in crassissimâ versantur ignorantia. Nec ab eâ ipsos posse liberari video, nisi statuant in nullius unquam verba jurare; & nisi ideas distinctas jungant cum vocibus maximè vulgaribus quibus alii utuntur. Istæ enim voces claræ non sunt ut vulgò putant. Claræ duntaxat videntur ob frequentem & perpetuum ipsarum usum; quia plerique se clarè intelligere arbitrantur quæ dicunt, aut quæ audiunt; cum dicunt aut audiunt res centies jam dictas & auditas, quamvis nunquam examinatas.

ILLUSTRATIO

ad Conclusionem Trium Priorum Librorum.

Medicos & quos vocant Directores nobis esse omnino necessarios. Sed ipsos in multis casibus consulere & sequi periculosum esse.

Homo ante peccatum omnia ad mentem & corpus in statu perfecto conservanda necessaria proculdubio habebat. Nec Medico nec Directore indigebat; Veritatem internam ut officii normam fallere nesciam consulebar; sensus ita fideles erant ut ipsum nunquam fallerent in usu Corporum quæ ipsum circumdabant, ad proprii ipsius corporis conservationem.

Sed post peccatum res valde fuerunt immutata: Affectus longè sæpius consulimus quàm veritatem aut legem æternam; & sensus nostri

ka

ita sunt inordinati, ut illos sequendo sanitatem & vitam interdum amittamus; & qui ubique peritiæ suæ satis fidunt ut seiplos regere possent credant, in errores crassos ut plurimum incidunt quibus seriùs experiantur se magistrum sequutos esse non sapientissimum.

Possum tamen ni fallor dicere peccatum omnes mentis facultates ita non perturbasse, ut in multis non possimus nosmetipsos consulere; ac sæpe evenire, ut vitam animæ aut corporis amittamus, quia ad Medicos artis suæ parum peritos confugimus, quique temperamentum nostrum satis non norunt, vel ad Directores Religionis & Doctrinæ de Moribus ignaros, quique conscientia adyta non rimantur, ut varia vincula variasque dispositiones eorum a quibus consuluntur deprehendere possint.

Quæ ad conclusionem trium priorum Librorum de Inquisitione Veritatis dixi, eò adduxerunt nonnullos ut crederent me in eà esse sententiâ, homines ad conservandam sanitatem & vitam, sensus & affectus suos in omnibus sequi debere; ac ut officium suum discant, ipsis inutile esse alios homines consulere, cum sapientiam æternam habeamus magistrum, quæ nos in intima ratione clarè alloquitur. Et quamvis nec dixerim, ac ne quidem cogitaverim Medicos & Directores esse inutiles, nonnulli ad judicandum & concludendum præcipientes hanc meam esse sententiam sibi persuaserunt, quia forsan ipsi sic sentiunt; & quia hominem non tam considerant ut nunc est, quàm ut erat ante peccatum. Hæc igitur mea est super hac quæstione sententia.

Homo in duplici statu potest considerari in sanitate & in morbo. Si in prosperâ valetudine consideretur, nullum, ni fallor, dubium est, quin ipsius sensus ad sanitatem illam conservandam ipsi longè sint utiliores ratione & peritissimorum Medicorum experientiâ. Medicus arcescendus non est ut notum fiat quodnam pondus homo possit sustinere; an lignum & lapides edere debeat; an præcipientem se dare possit. Sensus ipsum breviter ac tutò quid ipsi in his casibus frequentissimis agendum sit docebunt, & id sufficere mihi videtur ad ea quæ in conclusione trium priorum Librorum a me dicta sunt ab omni criminatione defendenda.

Verùm id non sufficit ut istud a me cogitatum aut etiam dictum in alio loco possim defendere; nempe, *sensus nostros officio suo mirè de- 1. Lib. fingi, & ad finem suum nos modo tam justo tamque fideli ducere, ut corruptionis & inordinationis immerito accusari videamur.* Nam semper existimavi mirum illum ordinem qui in sensationibus nostris relatè ad vitæ conservationem occurrit, non esse sequelam peccati, sed primam naturæ institutionem.

Obijcitur istum ordinem nunc valde interruptum esse, sique sensus nostros sequeremur, nos sæpe non modò venenum efuros esse, sed plus sæpe cibi sumpturos quàm stomachus ferre & concoquere valet.

Venena quod spectat; haud putem nos unquam sensum ductu illa sumpturos esse; ac si fortuito oculi nostri ad venenum degustandum nos excitarent, in eo saporem non sentiremus quo ad illud hauriendum incitaremur; dummodo tamen venena illa essent in suo statu naturali. Multum enim intercedit discriminis inter venena ut ea producit natura, & cibos veneno infectos; inter piper crudum, & carnes pipere conditas. Ad edendos cibos venenatos sensibus scrimur, id equidem fateor; sed ad edenda venena ii nos non ferunt; Immo satis mihi non constat an ad ea delibanda nos ducant, dummodo venena illa in eo sint statu in quo ea produxit Deus. Sensus enim nostri ad ordinem naturalem rerum a Deo institutum duntaxat extenduntur.

Concedo etiam sensus nostros nunc nos quandoque ferre ad utendum immoderate quibusdam alimentis; sed id fit quia illa alimenta non sunt in suo statu naturali. Forsan nintum frumenti non ederemus, si illud dentibus ad id comparatis moleremus. Sed molitur & in cerniculo cribatur; pensitur & coquitur ac saepe etiam lacte, butyro, & saccharo conditur. Præterea cum tragematis & variis condimentis, quæ appetitum provocant, comeditur. Non mirum itaque est quod sensus nostri ad usum immoderatum nos ferant, ubi ratio & experientia ad ipsos decipiendos unâ conspiraverunt.

De carne res non secus se habet; illam sensus horrent ubi cruda est & gruenta, ut solet videri ubi animal morte naturali extinctum est. Sed homines postquam cœperunt occidere bestias, sanguinem ex carnis elicere, eas coquere, condire; sensus corruptionis & inordinationis accusare sulsinent. Cum ratione utuntur ad sibi paranda alimenta diversa ab iis quæ natura ipsis administrat, fateor ipsos eadem ratione uti debere ut cibus moderate utantur. Si coqui artem invenerunt nobis condiendi attrita calcamentorum coria; rationis etiam usum in comedendo admittere debemus, & his cibis adulterinis quos Deus non instituit dissidere. Deus enim sensus nobis dedit duntaxat relatè ad ordinem naturalem rerum.

Observandum est præterea imaginationem & sensus in dissidentia versari, ubi alimenta nobis non ordinaria sumimus. Nam si quis de aliquo fructu nunquam edisset, aut nullum de illo edentem unquam vidisset, primâ fronte averfatione & timore afficeretur illum degustando: imaginatio & sensus forent naturaliter attentissimi ad saporem illius cibi; quanquam fame premeretur, parum tamen de illo ederet; sique fructus ille haberet qualitatem noxiam, illa qualitas aliquem flatum in illo excitaret horrorem. Ita ipsius machina disponderetur ut aliàs de illo non ederet; & ipsius averfatio externo oris habitu manifesta alios impediret quò minus de illo ederent. Omnia ista in ipso possunt evenire sine ullâ rationis participatione; hic enim non loquor de auxiliis quæ a ratione possunt suppeditari. Sed quia amici nostri cibus non salubribus vescuntur, ipsos imitatur; ex opinione vivimus aliorum.

aliorumque exemplum nos facit audaciores. Effectum quem hæc alimenta in nos producunt non examinamus, ac ea immoderate fumere non metumimus. Sed intemperantia sensibus potissimum imputari non debet.

Possunt quidem forsitan reperiri fructus quorum sapor homines ad sensuum testinonium attentissimos potest decipere, sed profecto id valde rarum est. Ex his casibus specialibus concludendum absolute non est, sensus nostros esse omnino corruptos, nosque ab ipsis ordinariè decipi etiam in iis quæ bonum corporis spectant. Forsitan illi fructus gustum nostrum fallunt, quia organum gullus vitaviimus alimento non naturali, & quo frequenter utimur. Nam cibos acuti saporis quibus vescimur particulis suis aculeatis fibras linguæ nostræ lædere, ipsique solertiam & sagacitatem demere certò constat. Id eorum quibus nulli cibi cibi præter condimenta arident exemplo probari potest. Nam si nullum saporem in frumento, & in carne crudâ reperimus id fit quia lingua nostra ciborum particulas quarum motus sunt moderati sentire amplius nequit.

At supponamus dari etiam fructus quorum sapor possit fallere sensus sagacissimos, & adhuc in perfectione suâ naturali perstantes, id a peccato oriri credendum non est; sed tantummodo fieri nequit ut juxta leges naturæ simplicissimas unicus sensus tantam habeat sagacitatem ut omne ciborum genus possit discernere. Præterea istius sensus defectus remedio non careret; quoniam quum matres fructus noxios averfuntur, averfationem suam cum infantibus communicant, non modò dum adhuc sunt in utero, sed etiam postquam in lucem editi sunt. Infantes enim nihil edunt præter ea quæ ipsis a matre offeruntur. Ac in iis mechanicè & per habitum faciei externum suum imprimunt horrorem fructuum noxiorum. Adeo ut Deus conservationi vitæ nostræ per sensus nostros sufficienter & ratione omnium optimâ consuluerit. Cum ordo possulet ut leges conjunctionis mentis cum corpore sint simplicissimæ debent esse maximè generales: nec leges speciales propter casus nunquam ferè eventuros statuere debuisset Deus. In hisce casibus ratio sensibus optulari debet, nam ratione in omnibus uti possumus. Sed sensus ad quædam judicia naturalia omnium utilissima, ut in primo libro probavi, determinati sunt. Nihilominus judicia illa nos quandoque fallunt: quia id aliter evenire nequit, nisi leges simplicissimæ conjunctionis mentis cum corpore multiplicentur.

Jam si homo in statu agrotationis consideretur, satendum est ipsum a sensibus sæpe falli, etiam in rebus quæ ad conservationem vitæ pertinent. Nam, cum œconomia ipsius machinæ sit turbata, fieri nequit quin pro illâ machinæ perturbatione in cerebro multi non regulares excitentur motus. Ipsi tamen sensus non sunt ita corrupti ut vulgò putant: Deus conservationi vitæ per leges conjunctionis mentis cum corpore adeo sapienter consuluit, ut, quanvis leges illæ sint simplicissimæ,

mæ, sufficiant tamen ad restituendam nobis sanitatem. Et illas leges sequi multò tutius est, quàm ratione nostrâ uti, aut ad quosdam Medicos qui ægrorum statum accuratè satis non consulunt, confugere. Quemadmodum enim vulnus per se coalescit & reficitur, dummodo sedulò purgetur & lambatur; ut solent animalia ubi sauciata sunt; morbi ordinarii citò sanantur, ubi in eo statu manemus, & istud vitæ regimen accuratè observamus ad quod isti morbi veluti instinctu & sensu nos compellunt.

Homini, exempli gratiâ, febricitanti, vinum videtur amarum; certè id fit quia vinum illi tunc temporis noxium est. Eidem homini prosperâ valetudine urenti vinum jucundum est, atque tum vinum ipsi utile est. Immo sæpe contingit ut vinum sit utilissimum ægrotis quibus videtur jucundum; dummodo voluptas quam ex ipsius sapore percipiunt non oriatur ex consuetudine quadam ebrietatis, & desiderium quod in ipsis excitatur nascatur ex præsentî dispositione corporis. Itaque dubium non est quin sensus nostri sint interrogandi, etiam in morbo, ut ab iis discamus rationem restituendæ sanitatis. Hac autem ratione sese hoc in negotio gerendum esse arbitror.

Ægroti attentissimi esse debent ad occulta quædam desideria, quæ præsens dispositio corporis in ipsis nonnunquam excitat; ac imprimis videant ne illa desideria sequantur ex aliquo habitu præcedenti. Quocirca imaginationi suæ sese securè permittere debent, nihil cogitantes quod ipsam determinet, observare ad quid sese ferri sentiant, & examinare an ea cupiditas in ipsis excitetur propter dispositionem in quâ tunc temporis versantur. Atque ita, illam sequi debent, sed moderatè admodum. Difficillimum enim est certò cognoscere an illæ inclinationes ex dispositione præsentî corporis orientur; & nonnunquam aliquem experientiâ consummatum super hac re consulere opus est. Si ægro imaginationi sese permittenti, ut monui, nihil in mentem veniat, quietus manere debet & a cibis abstinere; nam verisimile est diartam in ipso aliquod desiderium esse excitaturam aut humores ex quibus natus est morbus dissipaturam. Quod si morbus augeat, quamvis diartam observet & quietus maneat; tunc ad experientiâ & ad Medicos confugiendum est; Omnia igitur Medico perito cui temperamentum, si fieri possit, nostrum sit notum, sunt exponenda, morbi primordia, series, & status qui morbum antecessit ipsi clare explicanda, ut experientiâ & rationem relatè ad ægrum sibi sanandum consulere possit. Et quævis Medicus medicamenta amara & quæ revera quædam species veneni sunt præscribat, sumenda sunt tamen; quia experientiâ constat illa venena in corpore ordinariè non manere, & secum quandoque humores ex quibus morbus ortus erat ejicere. Tum ratio seu potius experientiâ sensibus prævalere debet, dummodo averlatio nostra erga medicamentum nobis porrectum nova non sit. Nam si hæc averlatio in nobis eodem tempore quo morbus supervenit excitata fuisset; id

id argumento foret hanc medicamenti speciem esse ejusdem naturæ ac maligni humores qui morbum pariunt, quo casu forsitan augetet morbum.

Nihilominus, antequam validum medicamentum, aut quod averfationem gignit, fumatur incipiendum esse cenfeo a lenioribus aut naturæ magis accommodatis. Ut, exempli gratiâ, multum aquæ bibere, aut aliquod vomitorium, si cibos fastidiat æger, ac vomitus difficilius non excutitur. Aqua humores nimis crassos resolvere, & circulationem sanguinis per omnes corporis partes faciliorem reddere potest; ac vomitoria stomachum purgantia efficiunt ut alimentum in eo non amplius corrumpatur, nec febres intermittentes amplius foveat: Sed his immorari meum non est. Credo igitur consulendos esse Medicos sapientes, qui temere nihil faciant, qui de remediis suis nimium non sperent; quique ad præscribenda medicamenta non sint æquo promtiores. Aëris enim pro unico medicamento utili multa semper porriguntur noxia. Cum ut plurimum illi satis patienter morbum non ferant, nec gloriosum sit Medicis aut Pharmacopolis lucrosum ægros visere nec illis quicquam præscribere; Medici rariùs æquo invilunt ægros, & ipsi medicamenta frequentius præscribunt. Itaque cum morbo laboramus Medicum noscere debemus, nihil periclitari, naturam sequi & illam si fieri possit roborare. Ipsi insinuare debemus nobis satis esse rationis & patientiæ, ut ægrè non feramus quòd sæpe nos invadat quamvis nobis nihil levaminis afferat; nam in his casibus si satis agunt qui nihil mali asserunt.

Existimo igitur Medicos meritò consuli, ipsisque esse obsequendum, si vitam velimus conservare. Quamvis enim restitutionem valetudinis certò nobis polliceri non possint, possunt tamen nobis multum prodesse, propter perpetua experimenta quæ circa varios morbos fecere. Pauci accuratè sciunt, plura tamen quàm nos; & dummodo temperamentum nostrum cognoscere satagant, omnia mali symptomata sedulò observent, & ad sensum internum quem de nobis habemus multum attendant, ab iis omne auxilium quod ab hominibus legitimè sperari potest, sperare debemus.

De Directoribus conscientiæ idem ac de Medicis esse debet judicium: In quibuscumque casibus eos consulere omnino necesse est; idque ordinariè utile est. Sed sæpe evenit ut sine maximâ inutilitate, ac interdum sine summo periculo non possint consuli; quod fusiùs explicandum est, & argumentis evincendum.

Ratio hominis errori obnoxia dici solet, sed in hoc est æquivocatio ad quam satis non attenditur. Arbitrandum non est rationem quæ ab homine consulitur esse corruptam, ipsumque ab illâ unquam falsi, quoticunque illam fideliter consulit. Hæc jam sæpe dixi iterumque repetito: solâ supremâ ratione rationales sumus; solâ superiâ veritate illuminamur; solus Deus nos clarè alloquitur, solusque nos erudire potest.

Malebranchii de Inquisit. Verit. Tom. II.

Qq

teff.

test. Unicum habemus verum Magistrum JESUM CHRISTUM Dominum nostrum, sapientiam aeternam, Verbum Patris, in quo omnes sunt sapientiæ & scientiæ Divinæ thesauri : Nec sine in pietate dici potest hanc rationem universalem quam omnes participant homines, & quâ solâ sunt rationales, obnoxiam errori & fallacem esse : Homo a ratione suâ non decipitur, sed a corde. Ipsi lumen non impedit quominus videat, sed tenebræ ; nec conjunctione quam habet cum Deo, nec etiam aliquo sensu conjunctione cum corpore, sed potius imperio corporis in mentem salitur ; vel potius decipitur quia vult seipsum decipere. Vult frui voluptate antequam ad examinandas res incubuerit ; vult quiescere antequam in locum in quo residet veritas pervenerit. Errorum nostrorum causas in multis locis Librorum de Inquisitione Veritatis accuratius explicui, & hîc quæ a me alibi dicta sunt suppono.

His ita positis ; ajo, Directores frustra consuli, ubi veritatem nos alloqui certum est ; Veritatem autem nos alloqui certum est, ubi evidentiam deprehendimus in responsis quæ nobis interrogantibus seu attentioni mentis nostræ dantur ; Itaque postquam in nosmet ipsos descendimus, silentiisque sensibus & affectibus nostris vocem adeo clarâ & distinctam audimus, ut de illius veritate dubitare nequeamus, huic voci obtemperandum, neglectis hominum eâ de re judiciis ; Consuetudo est nihili faciendâ ; inclinationibus oculis resistendum ; nec qui apud homines docti audiunt nimîâ veneratione prosequendi sunt ; a falsâ pietatis specie nos deludi sinendum non est, nec eorum oppositionibus qui nesciunt quo spiritu ducantur cedendum ; sed patienter ferendæ sunt eorum contumeliæ, nec damnandus eorum animus. Lumine veritatis quod nobis affulget modeste gaudendum est. Et quamvis ipsius responsa nos damnent, præferenda tamen sunt omnibus distinctionibus subtilibus quas excogitat imaginatio ad excusandos affectus.

Quicumque, exempli gratiâ, in seipsum descendere, ac sensuum & affectuum tumultum sedare potest, omnem motum quem Deus nobis indit ad ipsum debere terminari clarè cognoscit ; ac Deum ipsum nos ab officio quo ad illum amandum tenemur solvere non posse. Deum cessare propter seipsum agere, voluntatem nostram, ut aliud ab ipso velit, vel ut aliud velit quàm ipse vult, creare aut conservare non posse evidens esse. Haud enim video quomodo quis possit arbitrari Deum posse velle ut quod minus amabile est magis ametur, vel ut id summè amemus tanquam finem nostrum, quod non est summè amabile.

Haud equidem ignoro qui affectus suos consulunt, cum ordinem consultare deberent, eos facile imaginari posse, Deum voluntatum suarum non aliam habere normam quàm proprias voluntates ; ac Deum, si ordinem sequatur, eum sequi quia libet, eumque ordinem ab ipso fuisse constitutum voluntate liberâ & omninodè indifferenti. Sunt qui credant.

credant nullum esse ordinem immutabilem & necessarium naturâ suâ, ordinemque aut sapientiam Dei secundum quam fecit omnia, primam quidem esse omnium rerum creatarum, sed rem creatam tamen, factam voluntate Dei liberâ, non verò ex propriâ ipsius substantiâ genitam necessitate essentiae. Verum ista sententia, quâ omnia Ethices fundamenta ruunt, ordini, & legibus æternis quæ ab ipso pendent suam detrahendo immutabilitatem, quæque totum Religionis Christianæ ædificium diruit, JESUM CHRISTUM aut Verbum Dei Divinitate suâ spoliando, ista, inquam, sententia satis menti non affundit tenebrarum ut veritatem illam, Deum, scilicet, velle ordinem, ei intercipiat. Itaque ordine postulante ut tempus nostrum, seu duratio existentiae nostræ, sit propter illum qui nos conservat; ut omnis cordis nostri motus versùs eum a quo ille motus indefinenter imprimitur tendat; utque omnes potentiae mentis nostræ non agant nisi propter eum cujus virtute agunt; Deus non potest nos solvere a mandato quod ipse nobis per Moysen tradidit in Lege, quoddque per Filium in Evangelio renovavit, *Diliges Dominum Deum tuum ex toto corde, & ex totâ animâ tuâ, & ex totâ mente tuâ, & ex totâ virtute tuâ.* Marc. 12.

Sed quia omnem justum esse beatum, & omnem peccatorem esse infelicem; omnem actionem ordini conformem, seu omnem amoris motum versùs Deum, remunerationem accipere, & omnem actionem ordini contrariam puniri ordo postulat; hinc omnem hominem qui beatitudinem consequi cupit, ad Deum indefinenter tendere, ac id omne quod ipsius cursum moratur, aut motum versùs verum bonum minuit cum indignatione respuere debere evidens est. Directorem eo in negotio consulere opus non est, quum enim Deus loquitur, homines silere par est: ac ubi responsa quæ in intimo rationis secellu audimus nobis dari sine sensuum & affectuum participatione certò scimus, hæc responsa tum venerabundi auscultare debemus, ipsisque obsequi.

Ubi scire cupimus an choreæ & comœdiæ interesse debeamus; an diem in ludo aut in colloquiis inutilibus salvâ conscientiâ consumere possimus; an quædam commercia, quædam studia, quædam munera votis nostris & officiis sint conformia; in nosmet ipsos descendamus; sensibus & affectibus silentium imponamus; & ad lumen Dei confugiamus, ut ibi cognoscere valeamus, an propter ipsum hoc vel illud fieri queat: Illum qui est via, veritas & vita interrogemus, ut sciamus an iter quod sequimur nos ad mortem non ducat; Et, (cùm Deus sit essentialiter justus, & ad omnia quæ ordini non sunt consentanea punienda, ac quæ ordini sunt conformia remuneranda necessitiò teneatur) an possimus existimare nos aucturos esse aut firmaturos felicitatem nostram, cùm id faciemus quod cupimus.

Si amor Dei ad choream nos impellat, eamus ad choream; si ut cælum lucremur ludendum nobis est, noctu diuque ludamus; si in iu-

nere quo defungimur gloriam Dei nobis proponamus, exerceamus illud; hæc omnia cum gaudio faciamus, nam merces nostra erit magna in cœlis. Sed si officiis nostris accuratè examinatis, existentiam nostram ejusque durationem a nobis non pendere, nosque iniquitatem admittere, quam non potest quin puniat Deus, agnoscamus, dum in id solum incumbimus ut genio indulgeamus. Si magister & Dominus noster JESUS CHRISTUS qui nos sanguine suo acquisivit, modo clarissimo & maximè intelligibili nobis exprobet infidelitatis & ingrati animi crimen, quia secundum carnem & mundum vivimus, vitam mollem & delictis plenam agimus, opinionem & consuetudinem sequimur, tunc ipsius voci obsequamur: corda ne obduremus: Directores ne queramus qui nobis ob istas Magistri nostri exprobrationes solatio sint, qui adversus istas minas nos præmuniant; & lumini isti quo lædimur & penetratur jucunditas affundant tenebras.

Quum cæcus ducit cæcum, ambo, ait Evangelium, in præcipitium ruunt. At ubi cæcus qui se ducendum permisit cadit cum altero cæco a quo ducebatur, si Deus illum non excuset, quanto minus excusabit hominem oculatum, qui se cæci ductui permittit, quia cæcus illum per amœna ducit; & iter faciendo accommodatè ad inclinationes ipsum alloquitur. Cæcos illos voluntarios scire oportet Deum, qui nunquam fallit, tales esse deceptores sæpe permittere, ut iis corda quæ decipiunt puniantur: occæcationem esse pœnam peccati, quamvis illius etiam sit causa, sæpe contingere; justumque esse ut qui noluit sapientiam æternam auscultare, quæ ipsum alloquebatur, ut ad meliorem frugem rediret, finat denique se corrumpi ab hominibus qui ipsum eo periculosius fallunt, quò ipsi jucundius blandiuntur.

Difficile quidem est sese apud seipsum recipere sensus & affectus ad silentium adigere, an Deus loquatur an verò corpus discernere: sæpe enim argumenta a sensibus ducta pro rationibus evidentibus accipimus; atque ideo ad Directores confugere sæpe est necesse. At ipsos consulere semper necesse non est: Quid enim nobis agendum sit in multis casibus evidentissimè & clarissimè videmus. Ac tunc quidem Directores consulere periculosum est, nisi id fiat cum perfectâ sinceritate, & in spiritu *humilitatis* & obedientiæ, istæ enim dispositiones Deum ad id obligant ut non sinat nos decipi, saltem modo nobis noxio.

Ubi Directorem consuli casus postulat, eligendus est cui Religio sit nota, cui Evangelium sit veneratio, qui hominum cognoscat: cavendum est ne mundi contagione infectus sit, ne amicitia fractus nobis nimis indulgeat, nève a nobis quicquam timeat aut speret, unus eligendus est inter mille, inquit Sancta Theresia, quæ ut ipsa testatur, imprudentis Directoris inscitia in maximum salutis venerat discrimen.

Mundus deceptoribus plenus est, immo etiam deceptoribus qui bonâ fide decipiunt. Qui nos diligunt nos suâ indulgentiâ decipiunt; Qui nobis inferiores sunt nobis præ veneratione aut præ timore adulantur.

Qui

Qui supra nos eminent, contemptu aut negligentia nostris necessitatibus non consulunt. Præterea omnes homines consilia nobis dant juxta ea quæ ipsis de interno statu nostro repræsentamus, jam autem nobismet ipsis semper palpum obducimus; quippe manum vulnere sensim admovemus ut illud tegamus ubi illius nos pudet. Directores nostros sæpe fallimus, ut nosmet ipsos fallamus; nam nos in tuto esse credimus ubi eos sequimur. Nos eò ducunt quò tendebamus, ac irritis lumine & internis rationis objurgationibus ipsi nobis persuadere conamur, nos obedientia in eam partem determinari. Nosmet ipsos decipimus, Deo permittente: At ipsum qui pectoris penetralia scrutatur non fallimus; & quamvis aures quantum possumus ad vocem veritatis internæ obturemus, sentimus tamen exprobrationes istius veritatis æternæ dum nos permittit nobismet ipsis; sentimus ipsam in mediis tenebris nobis affulgere, & omnia phalaenæ artificia revelare.

Rationem igitur ad mentis sanitatem esse consulendam, sicut corpus ad valetudinis restitutionem, ac quum ratio nobis non respondet, ad Directores esse confugiendum, evidenter patet; quemadmodum ubi sensuum auxilium deest ad Medicos est recurrendum: Sed id cum judicio faciendum est, nam Directores ignari vitam spiritualem, quemadmodum Medici imperiti corpoream, possunt in nobis extinguere.

Cum hic leges quæ circa electionem & usum Directorum & Medicorum tradi possunt accuratè non explicem, animi mei sensa benignè accipi & explicari rogo; ne quis credat me id eo fine scripsisse ut impediam quominus ab aliis hominibus opem nobis necessariam mutuemur. Scio iis potissimum bene esse qui sententias suas sapientissimis submitunt: nec etiam inficiabor istam regulam, nempe, juxta solitas medicinæ leges moriendum esse, plerisque hominibus tutiorem esse omnibus aliis, quas ad vitæ conservationem possem statuere.

Sed quia apud seipsum secedere, Evangelium consulere, JESUM CHRISTUM auscultare, sive mentem nostram aut cor immediatè, sive aures aut oculos per fidem, alloquatur; ea quæ dixi a me dici posse arbitratus sum; nam ipsi Directores nostri nos fallunt, dum nobis aliquid fidei & rationi contrarium proponunt. Et quia honor Deo tribuitur, existimando ipsius opera necessaria omnia ad sui conservationem in se habere; hinc factum est ut mihi licitum esse duxerim homines edocere machinam ipsorum corporis modo tam admirabili esse constitutam ut per se quicquid ad sui conservationem necesse est facilius quàm per scientiam, atque etiam per peritissimorum Medicorum experientiam, reperiat.

ILLUSTRATIO

Ad Tertium Caput Quinti Libri.

Amorem differre a Voluptate & Gaudio.

MENS res valde diversas, ubi eodem tempore eveniunt, nec sibi invicem repugnant, sæpius confundit. In hoc tractatu multa hujus rei attuli exempla; quia in hoc errores nostri circa ea quæ in nobis aguntur potissimum consistunt. Cum per claram ideam non cognoscamus qua in re posita sit natura aut essentia mentis nostræ, aut ulla ex ipsius modificationibus; ut res planè diversas confundamus, sæpe sufficit illas in nobis peragi eodem tempore; ea enim quæ per ideam claram & distinctam non cognoscimus facillimè confundimus.

Non modò impossibile est clarè cognoscere qua in re sita sit rerum quæ in nobis aguntur diversitas. Immo etiam difficile est cognoscere illas inter se revera differre. Nam ut id cognoscatur intra nosmetipsos nos recipere oportet; non ut nos consideremus relatè ad bonum aut malum, quod quidem fit libenter, sed ut nos consideremus visu abstracto & sterili, quod non fit sine maximo labore.

Rotunditatem corporis ab ipsius motu differre nullo negotio concipimus; & quamvis experièntià notum sit sphæram in plano positam non posse pulsari quin moveatur, atque ita motum & rotunditatem simul juncta occurrere; utrumque tamen non confundimus, quia motum & figura per ideas clarissimas & maximè distinctas cognoscimus. Sed de voluptate & amore res eodem modo non se habet, ac illa penè semper inter se confunduntur. Mens nostra voluptate fit, ut ita dicam, mobilis, quemadmodum globus rotunditate; & quia nunquam existit sine aliqua impressione versùs bonum, statim movetur versùs rem objectam unde illa voluptas oritur aut oriri videtur. Itaque cum motus ille amoris in mente eodem tempore exciteretur quo sentitur voluptatem, id sufficit ut voluptatem cum amore confundat, quia nec voluptatis nec amoris claram habet ideam, ut habet de figurâ & motu. Hanc ob causam nonnulli voluptatem & amorem inter se non differre, & æquo majorem rerum numerum in singulis affectibus a me distingui existimant.

Verùm, ut clarè ostendam voluptatem & amorem duo esse diversa, duo voluptatum genera distinguo. Aliæ rationem prævertunt, ut sensationes jucundæ, & vulgò dicuntur voluptates corporis. Aliæ nec sensus nec rationem anteverunt, & voluptates mentis appellantur.

Ejus-

Ejusmodi est gaudium quod in nobis nascitur clarâ cognitione aut ex sensu confuso, aliquod bonum nobis evenisse aut eventurum esse.

Exempli gratiâ, vir quispiam fructum quem non cognoscit gustans, illum edendo voluptate afficitur, si ad ipsum nutriendum idoneus sit. Voluptas illa præveniens est, cum enim ipsâ afficiatur antequam sciat an fructus ille ipsi bonus sit, hanc voluptatem ipsius rationem prævertere evidens est. Venator fame pressus sperat se inventurum esse quod possit edere, aut actu invenit; actu sentit gaudium. Jam autem gaudium illud est voluptas nata ex cognitione boni sui præsentis aut futuri.

Per hanc distinctionem inter voluptatem quæ rationem sequitur & voluptatem quæ ipsam antevertit evidens mihi videtur nullam esse quæ non differat ab amore. Nam voluptas quæ rationem antecedit, amorem proculdubio antecedit; cum omnem cognitionem ipsa præcedat, amor verò aliquam supponat. Gaudium contrâ seu voluptas quæ cognitionem supponit, amorem quoque supponit; cum gaudium supponat sensum confusum, aut cognitionem claram nos possidere aut posselluros esse id quod amamus. Nam si rem possideremus, cujus amore nequam teneremur, ex eâ nullum perciperemus gaudium. Itaque voluptas ab amore longè differt, cum voluptas quæ rationem prævertit amorem prævertat & pariat; cumque voluptas quæ rationem sequitur, amorem necessario supponat ut effectus supponit causam.

Quod attinet ad amorem liberum res adhuc evidentior est. Si enim præveniens voluptas idem esset cum amore, nulla unquam esset voluptas sine amore, nec ullus amor sine voluptate, res enim sine seipsâ esse nequit. Tamen Christianus inimicum suum libere amat, filius probe educatus parentem suum quantumvis injustum & morosum diligit. Officii sui cognitio, timor Dei, ordinis & justitiæ amor, efficiunt ut non modò sine voluptate, sed etiam cum aliquo horrore, homines sibi non gratos amore prosequantur. Fateor ipsos nonnunquam sentire gaudium, dum cogitant se officium suum præstare; aut cum sperant se mercedem quam irerueri accepturos esse. Sed voluptas illa ab amore quo erga Patrem ducuntur longè differt, quamvis illius amoris sit sorte incitamentum. Quod spectat verò amorem *habitualement* certum est etiam ipsum a voluptate longè esse diversum; namque hic amor in nobis manet etiam per distractiones nostras & per somnum: Sed voluptas in mente subsistere posse mihi non videtur nisi quandiu se ipsi sentiendam præbet. Itaque amore seu charitate habituali manente in nobis sine voluptate aut sine delectatione, voluptatem & amorem unum & idem esse defendere nemo potest. Cum voluptas & dolor sint duò contraria, si voluptas idem esset cum amore, dolor non differret ab odio. Jam autem dolorem ab odio differre evidens est, nam dolor sæpe subsistit sine odio. Homo, exempli gratiâ, qui sese incautus vulneravit, dolorem maximè realem & acutum patitur; sed omni odio caret; nam causam

nam doloris sui aut id quod odio habere posset nequidem novit; vel potius causa ipsius doloris odium quo digna non est excitare nequit. Itaque istam doloris sui causam non odit, quamvis dolore ad odium feratur aut pronus fiat. Homo ille dolorem suum quidem odit, nam dolor est dignus odio. Sed odium doloris non est ipse dolor, illum supponit. Odium doloris non est odio dignum ut dolor; immo gratissimum est, nam doloris odio delectamur, ut ejusdem perpeffione contristamur. Dolor igitur non est odium, & voluptas quæ dolori contraria est non est amor qui odio adversatur. Ac ideo voluptas quæ rationem praverit idem non est cum amore. Eodem modo probò gaudium aut voluptatem quæ rationem sequitur ab amore distingui.

Cum gaudium & tristitia sint duo contraria, si gaudium idem esset cum amore, tristitia non differret ab odio; jam autem tristitiam ab odio differre evidens est; nam tristitia quandocque subsistit sine odio. Exempli gratia casu fortuito contingit ut homo quispiam rebus sibi necessariis destituatur, id sufficit ut tristitia afficiatur; sed id in ipso odium excitare nequit: sive quia nulla est causa quæ ipsum rebus necessariis privet; sive quia causa illa odium excitare nequit, utpote quæ illo sit indigna. Homo ille odit quidem privationem boni quod amat; sed illam odii speciem esse verum amorem evidens est. Nam homo iste non odit privationem boni, nisi quia amat bonum; cum autem fugere privationem boni nihil aliud sit quam tendere versus bonum, motum ipsius odii non differre a motu ipsius amoris liquet. Cum itaque odium contrarium non sit ipsius amoris, tristitiam ipsius non esse ipsius odium, ac proinde gaudium ab amore differre evidenter patet. Denique ubi quis tristitia afficitur, id ex alicujus rei quam odit præsentia, vel potius ex alicujus boni quod amat absentia oriri manifestum est. Itaque tristitia supponit odium, seu potius amorem: sed ab his duobus longè differt.

Haud quidem me latet Augustinum asserere, dolorem esse aversationem menti obortam ex eo quod corpus non sit dispositum ut ipsa optaret. Ac eundem Patrem sæpe confundere delectationem cum charitate, voluptatem cum gaudio, dolorem cum tristitia, cum aversatione aut cum odio. Sed sanctum illum Doctorem accommodatè ad captum vulgi pleaque quæ in nobis eodem tempore aguntur confundentis loqui verisimile est. Vel forsàn ipse hæc satis accuratè & Philosophicè non expendit. Existimo tamen me posse & debere dicere necessarium esse hæc accuratè distinguere, ut super plurimis quæstionibus ab Augustino agitatis, mentem clarè & sine æquivocatione possimus aperire. Li enim qui in diversas abeunt sententias istius Patris auctoritate niri solent, propter varios sensus quibus ipsius voces possunt explicari, utpote quæ minus sint accuratæ quam ut iis homines, qui disputandi potius animo quam in unum coalescendi ducuntur, conciliari possint.

ILLUSTRATIO

ad Caput Tertium Secundæ Partis Sexti Libri.

De efficaciâ causis secundis tributâ.

A Primi hominis peccato mens in externa indefinenter diffunditur; Sui ipsius, & illius a quo illuminatur & penetratur obliviscitur; & corporis sui, ut & eorum quibus circumdatur, imperio ita se mancipat, ut in iis perfectionem & felicitatem suam nancisci arbitretur. Qui solus in nobis agere potest oculis nostris sese nunc subducit, in ipsius operationibus nihil est sensibile; & quamvis omnia producat & conservet, mens quæ rerum omnium causam tanto ardore rimatur, ipsum vix potest agnoscere, licet ipsum singulis momentis reperiat. Nonnulli Philosophi *naturam* & quasdam *facultates* ut causas effectuum qui naturales vulgò dicuntur excogitare malunt, quàm honorem potentiæ Divinæ debitum tribuere; & quamvis nullum argumentum, ac ne quidem ullam ideam habeant istius *naturæ* aut istarum *facultatum*, ut me demonstraturum esse spero, loqui malunt, quid dicant inscîi, & potestatem merè imaginariam revereri, quàm ullo mentis conamine in id eniti ut illius agnoscant manum qui omnia in omnibus facit.

Non possum quin credam inter omnia mala à peccato originis orta pessimum in eo consistere, quòd omni prorsus erga Deum gustu & sensu destituamur, vel quòd illum nunquam gustemus aut reperiamus sine aliquo horrore & pavore. Deum in omnibus videre, ipsius vim & potentiam in singulis effectibus naturalibus sentire, ipsius sapientiam in admirabili rerum creaturarum ordine admirari; ac uno verbo ipsum solum in operibus suis adorare, timere, & amare deberemus. Sed nunc occulta quædam est inter Deum & hominem oppositio. Homo peccati sui conscîus latebras quærit; lumen refugit; Dei præsentiam extimescit; & in corporibus ipsi circumstantibus potentiam aut naturam cæcam quâ possit familiariter uti fingere mavult, quàm in iis terribilem Dei sancti & iusti omnia cognoscentis & efficientis potentiam reperire.

Fateor multos esse qui aliis quàm Philosophi Ethnici moti rationibus, ipsorum tamen sententiam circa naturam & causas secundas sequuntur. Sed spero fore ut ex hujusce explicationis serie pateat istos hanc duntaxat sequi opinionem ob præjudicium quo sese expedire nemo penè potest sine auxilio dogmatum Philosophiæ nondum satis notæ. Nam certè si illam Philosophiam cognovissent opinioni quam mihi propugnandam esse existimo assensum suum præbuisissent.

Malebranchii de Inquisit. Verit. Tom. II.

R r

Mul-

Multæ sunt rationes cur causis secundis seu naturalibus nullam vim, potentiam, aut efficaciam quicquam producendi tribuam: Sed præcipua in eo sita est, quòd ista opinio ne vel concipi quidem posse mihi videatur. Quicquid enitit ut illam concipiam, nullam in me ideam reperio quæ mihi repræsentet quid esse possit vis aut potentia quæ rebus creatis vulgò tribuitur. Nec me temerarium ferre iudicium credo dum assero, eos qui defendunt res creatas in se vim & potentiam habere, rem in medium proferre quam ipsi clarè non concipiunt. Etenim, si Philosophi causas secundas verà vi ad agendum & ad sibi simile producendum præditas esse clarè intelligerent, certè cum ego sim homo æquè ac ipsi, & supremæ rationis non secus ac ipsi sim particeps, ideam quæ hanc vim ipsis repræsentat me quoque percepturum esse verisimile est. Sed nullo mentis molimine eò possum devenire, ut ullam vim, efficaciam, potentiam cognoscam, nisi in voluntate entis infinitè perfecti.

Præterea cum varias mecum reputo hac de re Philosophorum opiniones, id me in meâ confirmat sententiâ. Nam si clarè viderent qua in re posita sit illa rerum creatarum potentia, aut quid in iis sit verà præditum virtute, hac in re inter se consentirent. Quum homines inter se non possunt convenire, nec ullo præiudicio aut affectu impediuntur, id manifestò arguit ipsos eorum quæ dicunt claram non habere ideam, nec sese mutuò intelligere; præcipuè si de rebus non complexis, quorum non sit longior discussio, disputant, ut in quæstione de qua hic agitur. Quippe solutu non esset difficilis, si homines virtutis aut potentiae creatæ claram haberent ideam. En igitur aliquot ex ipsorum opinionibus super hac re, ut quantopere dissideant quisque videre possit.

Harum opinionum maximè extraordinarias vide in metaph. Soar. Disp. 18. sect. 1. assert. 1. & 3. Scot. in 4. sent. dist. 12. 1. D. 37. 2. D. 17. Paludan. in 4. sent. D. 22. Q. 1. Art. 1. Perret. 8. Phys. cap. 3. Conimbr. in Phys. Aristot. & in aliis multis a Suarez citatis.

Sunt Philosophi qui asserant causas secundas per materiam suam, figuram & motum agere; atque hi aliquo sensu a ratione non abluunt. Alii per *formam substantialem*; Multi, per accidentia aut qualitates: Nonnulli, per materiam & *formam*; hi per *formam* & accidentia: illi per quasdam *virtutes*, aut facultates ab his omnibus distinctas. Sunt qui defendant *formam substantialem* producere formas, & accidentalem accidentia; alii formas producere alias formas & accidentia: alii denique accidentia sola posse producere accidentia atque etiam formas. Sed arduum non est eos, exempli gratiâ, qui dicunt accidentia posse producere formas virtute quam receperunt a formâ cui adherent, rem eodem modo intelligere. Alii volunt hæc accidentia non differe ab ipsâ vi aut virtute formæ substantialis: alii accidentia in se recipere influxum formæ, ac non agere nisi ipsius virtute; nonnulli denique accidentia nihil esse præter causas instrumentales. Sed hi postremi inter se planè non conveniunt quid per causam instrumentalem intelligendum sit, nec quanam sit virtus quam accipit a causâ præcipuâ. Immo Philosophi nequidem conveniunt de actione quâ causæ secundæ effectus suos producant. Sunt qui dicant *causalitatem* non debere produci, cum

cum ipsa producat. Alii censent illas agere reapse per *actionem* suam. Sed ut explicent quid præcisè sit illa actio, tantopere defundant, totumque sunt hac de re variae sententiæ, ut illas hic recensere non sustineam.

Vid. Metaph. Font. sec. qu. 13; sect. 3. Metaph. Soncinæ & Javell. super eadem questione.

Maximam hic vides sententiarum varietatem, licet Philosophorum priscorum aut in longinquis regionibus natorum opiniones non enumeraverim, sed ipsos non magis inter se convenire super virtute causarum secundarum, quam eos qui a me citati sunt, judicare pronum est; Avicenna, exempli gratiâ, substantias corporeas quicquam præter accidentia posse producere non censet. Et hoc est ipsius systema referente Ruvio l. 1. Ruvio: Deum substantiam spirituales perfectissimam immediatè producere existimat, hanc aliam producere minùs perfectam; hanc verò tertiam, & sic deinceps usque ad ultimam, quæ omnes substantias corporeas producit, substantiæ verò corporeæ accidentia. Sed Avicembrom non capiens quomodo substantiæ corporeæ, quæ sese penetrare nequeunt, possent sese alterare, vult solos spiritus posse agere in corpora, quia soli illa possunt penetrare. Cum enim isti Philosophi nec vacuum, nec atomos Democriti admittant, nec materia subtilis Cartesii ipsis satis nota esset, haud existimabant, ut Gassendistæ & Cartesiani, esse corpora ita subtilia ut possent subire poros eorum quæ durissima & solidissima videntur.

Ex hac sententiarum varietate colligere, ni fallor, possumus, homines sæpe loqui de rebus quas non cognoscunt, & potentiam rerum creatarum, cum sit merum ingenii figmentum, cujus naturaliter nullam habemus ideam, ab unoquoque pro arbitrio fuisse explicatam.

Hanc rerum creatarum potentiam per omnia sæcula realem & veram a plerisque habitam fuisse verum est: sed id sine ullo argumento quod in mentem attentam ullam facere possit impressionem. Nam argumenta confusa, quæ fallaci sensuum & affectuum testimonio duntaxat nituntur, ab iis qui legitimum rationis suæ admittunt usum accipi non debent.

Aristoteles de eo quod *natura* vocatur loquens dicit eos fore ridiculos qui vellent probare, corpora naturalia habere principium internum motus & quietis, quia, inquit, res per se nota est. Non dubitat quoque quin globus in alterum globum incidens præditus sit vi illum movendi. Id oculis sic videtur, atque id ipsi sufficit; namque sensuum semper, rationis judicium rarò sequitur. Id intelligine queat an contrà parum curat.

Cap. 1. lib. 2. Phys.

Qui nonnullorum Theologorum sententiam, qui adversus causas secundas scripserunt, impugnant, dicunt cum Aristotele sensus earum efficaciæ nos convincere. Hoc est primum & præcipuum ipsum argumentum. Ignem urere, inquirunt, solem lucere, aquam refrigerare evidens est. Si infantiur qui inficias eunt. Authoribus sententiæ contrariæ, inquit Averroes, non erat mens sana. Qui hanc efficaciam

V. Font. Ruvius, Suarez & alios jam citatos.

Rr 2 ne-

l. 1. Top.
cap. 1.

negant, iniquiunt penè omnes Peripatetici, argumentis sensibilibus sunt convincendi, & hoc pacto eò adducendi ut fateantur se a causis secundis posse moveri & lædi. Adversus illos hoc judicium jam tulit Aristoteles, quod oporteret executioni mandari.

Verùm ejusmodi demonstratio ridicula est. Nam mentis infirmitatem manifestò arguit, ostenditque Philosophos ipsos sensibus longè magis addictos esse quàm rationi. Id ostendit eos qui se veritatem inquirere gloriantur, ne quidem eum nosse quem de eà consulere debeant. An supremam rationem quæ nunquam fallit, quæque semper res ut in se sunt repræsentat; an verò corpus quod relatè tantùm ad sui conservationem, & vitæ commoditatem loquitur. Etenim nulla sunt præjudicia quæ non possint defendi, si sensuum a quibus omnia ferè nascuntur, ut in Opere de *Inquisitione veritatis* ostendi, judicio nitamur.

Quum video globum in alterum globum impingere; oculi mei mihi dicunt, aut saltem dicere videntur globum illum esse veram causam motus cum altero globo communicati. Nam vera causa quæ movet corpora oculis meis conspicua non est. Sed ubi rationem meam interrogo evidenter video corpora, cum seipsa movere non possint, ipsorumque vis * motrix nihil aliud sit quàm Dei voluntas quæ ipsa successivè conservat in variis locis, non posse communicare potentiam quam non habent, quàmque nequidem possent communicare, licèt illam haberent. Neque enim unquam mens concipiet corpus, quod merè passiva est substantia, in aliud transmittere posse potentiam qua ipsum transfertur, quicquid sit demum ea potentia.

* Eam probavi veritatem in 7. colloq. de Metaph. & alibi. Vid. etiam 5. & 6. ex Medit. Christianis.

Ubi oculos aperio, sol luce totus circumfulgere, nec tantùm-per se visibilis esse, sed omnia corpora circumjacentia visibilia efficere; terram floribus & fructibus coronare, vitam animalibus impertiri, ac ipsa terræ viscera calore penetrando, lapides, marmora & metalla in ipsâ producere mihi videtur. Ast ubi rationem meam consulo; horum omnium nihil video; immo quum illam fideliter consulo, me a sensibus decipi, Deumque omnia in omnibus facere clarissimè agnosco. Cum enim mihi notum sit omnes corporum mutationes nullum aliud principium habere, quàm varias motuum communicationes quæ in corporibus visibilibus aut invisibilibus fiunt; Deum omnia efficere video, cum ab ipsius voluntate istæ communicationes pendeant, ejusque sapientiâ regantur.

Motum localem generationum, corruptionum, alterationum, & in genere omnium mutationum quæ in corporibus eveniunt, principium esse suppono: Ista opinio apud Doctos nunc uno consensu admittitur. Sed quicquid hac de re sentiant nihil interest. Nam facilius mihi videtur concipere corpus ab alio in quod incidit pulsari, quàm concipere calorem & lucem ab igne produci, ipsùmque e materiâ educere substantiam quæ in ipsâ antea non erat. Si necessarium sit agnoscere Deum solum esse veram causam variarum communicationum motuum, potiori jure:

See EXPLICATIONES ad Lib. VI. 317

jure judicare debemus ipsum solum posse creare & annihilare qualitates reales & formas substantiales. Creare & annihilare dixi; æquè enim difficile mihi videtur e materiâ substantiam quæ in ipsâ non erat educere, vel substantiam in eam immittere denuo quæ tamen in eâ non sit, quàm illam creare aut annihilare. Sed vocibus non immoror. Istis utor, quia nullas esse novi, quæ clarè & sine æquivocatione exprimant mutationes quas Philosophi supponunt materiæ singulis momentis contingere virtute causarum secundarum.

Vix a me possum impetrare ut huc alia argumenta quibus virtus & efficacia causarum secundarum probari solent afferam; his enim qui præjudiciis resistunt, quique rationem sensibus anteponunt, adeo invalida videntur, ut homines ratione præditos iis persuaderi potuisse verisimile non sit. Quia tamen multi Philosophi iis utuntur illa proferam & resellam.

PRIMUM ARGUMENTUM.

Si causæ secundæ nihil agerent, inquit Suarez, Fonseca, & quidam alii, viventia a non viventibus distingui non possent; siquidem neutra actionum suarum principium internum haberant.

In metaph.
Disput. 18.
Sect. 1. affert. 1. In
metaph. A.
dist. qu. 7.
sect. 2.

Responsio.

Respondeo hominibus semper eadem futura esse argumenta sensibilia quibus distinctionis quam inter viventia & non viventia admittunt, convicti fuere. Animalia quasdam actiones facere, ut edere, crescere, clamare, currere, saltare, &c. semper viderent. In lapidibus nihil simile observarent. Atque hoc solo vulgus Philosophorum persuaderetur bestias vivere, lapides verò non. Arbitrandum enim non est ipsos visu claro & distincto mentis nosse quid sit vita canis; ipsorum hac de re judicia a sensibus reguntur. Si id necesse esset, principium vitæ canis admodum non disferre a principio motûs horologii hîc probarem. Nam vita corporum, quæcunque tandem illa sint, consistit duntaxat in motu partium: Nec difficile est judicare eandem materiam subtilem quæ in cane efficit fermentationem sanguinis & spirituum animalium, & in qua situm est ipsius vitæ principium, perfectiorem non esse materiâ quæ minorum horologiorum organa inovet, aut quæ in majorum horologiorum ponderibus gravitatem efficit, quæ gravitas principium est ipsorum vitæ, vel, ut cum vulgo loquar, ipsorum motûs.

Peripateticorum est Cartesianis ideam claram tradere illius entis quod nuncupant, *vitam brutorum, animam corpoream, corpus quod percipit, cupit, videt, sentit, vult*; ac postea ipsorum difficultates, si eas movere pergant, clarè solventur.

Rr 3

ALIUD

ALIUD ARGUMENTUM.

Differentiæ & virtutes elementorum cognosci non possent; ignis posset refrigerare non secus ac aqua; uniuscujusque rei natura non esset fixa & determinata.

Responsio.

Respondendo naturâ permanente in præsentî suo statu, hoc est, legibus communicationis motuum iisdem semper subsistentibus, contradietorium esse ignem non urere, aut non separare partes quorundam corporum. Ignis non potest refrigerare ut aqua, nisi fiat aqua; cum enim ignis nihil aliud sit quàm lignum cujus partes materiâ invisibili quâ circumdantur vehementer agitatz fuerunt; ut * demonstratu facile est; Fieri nequit quin partes illæ de motu suo communicent cum corporibus obviis. Cum autem istæ leges sint immotæ, natura, virtutes & qualitates ignis mutari nequeunt. Sed hæc natura istæque virtutes sequuntur necessariò ex Dei voluntate generali & efficaci, qui omnia in omnibus efficit. Itaque naturæ investigatio fallax est & omnino vana, ubi in eâ aliæ veræ causæ quærentur quàm voluntates Omnipotentis, sive leges generales ex quibus semper agit.

* Vid. sequentem illustrationem.

Ad Deum seu ad causam universalem, ubi effectuum specialium ratio postulatur, recurrendum non esse fateor. Is enim ludibrium deberet, qui diceret Deum exsiccare terram, aut glacie. constringere aquam fluminum. Dicendum est aërem siccare terram, quia agit & secum auferat aquam qua humectabatur; & aërem seu materiam subtilem aquam glacie constringere per hyemem, quia illo tempore satis motus non impertit paribus quibus constat aqua, ut ea fluida efficiatur. Uno verbo si fieri possit, effectuum de quibus agitur causa naturalis & specialis est explicanda; Sed quia actio istarum causarum consistit duntaxat in vi motrice quâ agitantur, illa verò vis motrix nihil aliud est quàm ipsa Dei voluntas, ipsas in se vim aut potentiam producendi aliquem effectum habere dicendum non est. Et quum inter ratiocinandum, tandem devenit ad effectum generalem cujus quæritur causa, is pessimè philosopharetur qui aliquam aliam a generali diversam quæreret. Quædam natura, *primum mobile*, *anima universalis*, aut aliqua similis chimerica entitas, cujus nulla est idea clara & distincta, fingenda non est: Ejusmodi ratiocinium solos Philosophos Ethnicos decet, exempli gratiâ, ubi quis quærît cur sint corpora in motu, cur aër agitur motum suum aquæ impertiat, vel potius cur corpora sese mutuo pellant; cum motus & ipsius communicatio sit effectus generalis a quo cætera dependent, non modò Christianus, verum etiam Philosophus ad Deum ut ad causam generalem recurrere necessariò debet. Nam ipsius volun-

tas

tas est vis motrix corporum, quæ etiam communicationem motuum efficit. Si in mundo nihil novi producere voluisset, ipsius partibus motum non indidisset: Ac si quædam inter entia quæ formavit incorruptibilia reddere aliquando velit, communicationes motuum respectu illorum entium velle desinet.

TERTIUM ARGUMENTUM.

Terram arare, irrigare, & quibusdam dispositionibus corpora præparare inutile foret, Deum enim subiecta in quæ agit præparare non opus est. Suarez eodem loco.

Responsio.

Respondeo Deum quidem posse facere quicquid ipsi libet, sine ulla præcedentibus dispositionibus in subiectis in quæ agit. At sine miraculo, aut per vias naturales, hoc est, secundum leges generales motuum quas ipse instituit, & juxta quas penè semper agit id efficere nequit; Deus voluntates suas sine causâ non multiplicat; per vias simplicissimas semper agit; & hanc ob causam concursu corporum utitur ad illa movenda: Non quòd ille concursus & mutua impulsio necessaria sit ad motum in iis excitandum, ut id nobis sensus dicunt: Sed quia cum mutua illa impulsio sit occasio communicationis motuum, admodum paucis legibus naturalibus opus est ad producendos omnes effectus admirabiles quos videmus.

Plantam ut crescat irrigare necesse est; quia juxta leges communicationis motuum vix aliæ quàm partes aquæ, motu suo & propter figuram suam, sese insinuare & ascendere inter fibras plantarum, talia quædam aut alia corpuscula secum evehere, ac unâ inter se coalescendo, figuram ad plantas nutriendas necessariam induere possunt. Materia subtilis quam Sol indefinenter emittit, agitando aquam, ipsam potest in plantas evehere; sed non habet satis motus ut partes crassiores terræ possit sursum terre. Attamen terra & ipse aër ad plantarum incrementum necessaria sunt. Terra ad conservandam aquam in radice; aër ad excitandum in eadem aquâ fermentationem moderatam. Sed cum actio solis, aëris & aquæ in solo partium motu consistat, Deus solus propriè loquendo agit. Nam, ut modò dixi, ille solus efficacîâ voluntatum suarum, & infinitâ cognitione suâ, communicationes motuum infinitas, quæ singulis momentis, & juxta proportionem accuratissimam & exactissimam, efficere & regere potest.

QUARTUM ARGUMENTUM.

Nemo adversus seipsum pugnat, nemo sibi ipsi resistit. Corpora sibi invicem occurrunt, sese mutuò impellunt, sibi que resiliunt. Ergo Deus

Deus non agit in ipsis nisi *concurso* suo. Si Deus motum in corporibus solus produceret & conservaret, illa averteret antequam sese mutuo impellerent; ipsa enim impenetrabilia esse novit. Cur corpora pelleret ut ea deinde repelleret, cur illa promoveret eodem momento removeret; cur motus inutiles produceret & conservaret? Nonne absurdum est dicere Deum adversus seipsum pugnare, & opera sua destruere; quum, exempli gratia, taurus adversus leonem pugnât, lupo ovem vorat, & ovis herbam, cui Deus dat incrementum, edit. Ergo dantur causæ secundæ.

Responsio.

Ergo causæ secundæ omnia efficiunt, Deus verò nihil. Nam Deus adversus seipsum agere nequit, at *concurrere* est agere. *Concurrere* in actionibus contrariis, est præbere *concurso* contrarios, & ideo actiones facere contrarias. Ad actionem rerum creaturarum quæ sibi invicem resistunt concurrere, est agere adversus seipsum. Ad motus inutiles concurrere, est agere inutiliter. Atqui Deus nihil agit frustra, actiones contrarias non edit, adversus seipsum non pugnât, ergo Deus ad actiones rerum creaturarum quæ se mutuo sæpe destruunt, & actiones seu motus inutiles faciunt, non concurrit. Vide quò ducat istud causarum secundarum argumentum. Sed audiamus rationem.

Deus omnia agit in omnibus, etque nihil resistit. Omnia in omnibus facit, quia ipsius voluntates omnes motus efficiunt & regunt; ipsi nihil resistit, quia facit quicquid lubet. Sed res sic concipi debet. Cum decreverit per rationes simplicissimas, utpote ordini maxime congruas, hanc producere infinitam rerum creaturarum varietatem quam miramur; corpora secundum lineam rectam moveri voluit, quia hæc linea est simplicissima. Sed cum corpora sint impenetrabilia, & ipsorum motus secundum lineas oppositas aut se se mutuo secantes fiant, necesse est ut sese impellant, ac ideo eodem modo moveri desinant. Id Deus prævidit; concursum tamen seu mutuam istorum corporum impulsione positivè voluit; non quia adversus seipsum pugnare amat, sed quia uti volebat hac impulsione corporum, ut occasione ad statuendam legem generalem communicationis motuum, quæ prævidebat innumeris mirabilibus effectibus productum iri. Persuasum enim habeo, duas istas leges naturales, quæ omnium simplicissimæ sunt: nempe, omnem motum fieri secundum lineam rectam, aut tendere ad lineam rectam; & in concursu seu mutuâ corporum impulsione, motus communicari juxta proportionem magnitudinis corporum quæ sese mutuo impulerunt, persuasum, inquam, habeo duas istas leges ad producendum mundum qualis nunc est, hoc est, cælum, stellas, planetas, cometas, terram & aquam, aërem & ignem: uno verbo elementa & omnia opera seu non *organizzata* aut non viventia, sufficere, si sapienter distribuuntur primi motus.

Nam

- Nam corpora organizata pendent a multis alijs legibus naturalibus penitus incognitis. Fortè etiam corpora viventia non formantur ut cætera per certum quendam numerum legum naturalium. Verisimile enim est illa ab ipsâ creatione mundi formata fuisse, ac tempore nihil aliud præter incrementum necessarium ut oculis conspicua fiant, recipere. Certum tamen ipsa illud incrementum recipere per leges naturæ generales, secundum quas cætera corpora formantur. Unde fit ut ipsorum incrementum non sit semper regulare, atque nonnulla gignantur monstra.

Dico igitur Deum, per primam legem naturalem, velle positiuè, ac proinde efficere impulsione corporum; & deinceps hac mutuâ impulsione uti, velut occasione ad statuendam secundam legem naturalem, quæ communicationem motuum regit; atque ita impulsione actualem esse causam naturalem aut occasionalem communicationis actualis motuum, quâ Deus eodem modo semper agens innumera producit mirabilia opera.

Si hæc seriò animadvertas nihil meliùs fieri potuisse clarè cognosces. Sed supponamus Deum rem sic non instituisse, & corpora quæ sese mutuò sunt impulsura auertere, quasi daretur vacuum ad illa excipienda: Primò corpora perpetuæ isti vicissitudini, quæ universi pulchritudinem constituit, non essent obnoxia: Nam quorundam corporum generatio non fit nisi quorundam aliorum corruptione; motuum contrarietas eorum varietatem efficit. Secundò, Deus non ageret per vias simplicissimas: Nam ut corpora sibi invicem occurrentia motum suum sine ullâ mutuâ impulsione continuarent, ipsa lineas curvas innumeris diversis modis describere oporteret; ac ideo innumeræ in Deo voluntates ad determinandos illorum motus essent admittendæ. Denique, si nulla esset uniformitas in actione corporum naturalium, ac si ipsorum motus secundum lineam rectam non fieret, nullum esset axioma quo certò possemus ratiocinari in Physicâ, & secundum quod in multis vitæ actionibus possemus nos gerere.

Lupos a leonibus, oves a lupis vorari, & oves herbam cujus Deus tantam gessit curam, ut omnia ad conservationem ipsi necessariâ, atque etiam semen ad speciei conservationem suppeditaverit, pascere contra ordinem non est. Id causarum secundarum virtutem non magis probat, quàm pluralitatem causarum, aut contrarietatem principiorum boni & mali, quam Manichæi, ut istos naturæ effectus explicarent, excogitaverunt. Id potiùs * magnitudinis, sapientiæ, & magnificentiæ *Vid. Colloq. de Metaph. in quibus Divinam explicatio Providentiæ certum argumentum est. Deus enim nulla opera facit quæ sapientiâ infinitâ digna non sint; & illa facit cum profusione quæ ipsius potentiam & magnitudinem satis denotat. Quicquid destruitur eadem lege qua destruitur reparatur, tanta est istius legis sapientiâ, potentia & secunditas! Deus novâ voluntate entium destructionem non prohibet, non modò quia prima sufficit ad ea reparanda, sed præcipuè quia

ipsius voluntates istorum entium reparatione longè præstantiores sunt; Immo ipsius voluntates omnibus effectibus seu operibus quæ producunt longè antecellunt: Ac si Deus hunc mundum visibilem condidit, licet per se indignum actione qua formatus fuit; id fecit propter fines Philosophis incognitos, & quia in Jesu Christo seipsum honore afficere potest, quem res creatæ ipsi deferre non possunt.

Quum domus aliquem virum probum lapsu suo obruit, ex hoc eventu majus emergit malum quàm quum bellua vorat aliam belluam, aut quum corpus reflecti cogitur ob impulsione corporis obvi: Sed Deus voluntates suas non multiplicat, ut iis quæ vel verè vel apparenter ordini repugnant, quæque necessariò sequuntur ex legibus naturalibus, medeatur. Deus leges suas nec corrigere nec mutare debet, quamvis monstra quandoque producant. Ordinem & simplicitatem viarum suarum confundere non debet: Parva negligere ipsum decet: hoc est, non debet voluntates speciales habere ut producat effectus qui ipsius voluntatibus inferiores sunt, ac actione causæ producentis indigni, Deus miracula non edit, nisi quum ordo quem semper sequitur id postulat; jam autem ordo vult ipsum agere per vias seu rationes simplicissimas, nec * ullas in ipsius voluntatibus admittit exceptiones, nisi quum consiliis ipsius omnino necessarium est, quum ipsius agendi rationis simplicitas & uniformitas tanto non afficiunt honore ejus præscientiam & immutabilitatem quanto ejus sapientiam, justitiam, bonitatem, aut aliud aliquod ex ejus attributis afficeret aliquod miraculum; uno verbo, in quibusdam occasionibus nobis penitus ignotis. Quamvis ordini aut sapientiæ Divinæ cuncti jungamur, omnes tamen ipsius leges non novimus. Quid facere debeamus in ipsâ videmus; sed in ipsâ non cognoscimus quicquid Deus velle debet, nec ad id cognoscendum nimis laborandum est.

Inigne hujusce rei nobis suppetit exemplum in damnatione innumeriorum hominum quos Deus in iis sæculis quibus error veritati omnino prævaluit perire permisit. Deus est summè bonus: omnia opera sua amat, omnes homines servari & ad cognitionem veritatis venire vult, illos enim omnes fecit ut ipso potirentur: maximus tamen eorum numerus damnatur, maximus numerus in erroris tenebris vivit & moritur, ac in æternum in iis permanebit. Undenam istud? Nunquid quia Deus agit per vias simplicissimas, & ordinem sequitur? * Jam docuimus secundum ordinem Deum non debuisse voluptatibus & indeliberatis prævertere voluntatem primi hominis ex cujus lapsu orta est naturæ corruptio. Omnes homines ab uno oriri operæ pretium erat, non modò quia hæc ratio est simplicissima, sed etiam ob rationes nimis Theologicas & nimis abstractas ut hic possint exponi: Id denique ordini quem Deus sequitur & sapientiæ quam semper consulit in suis consiliis formandis & exequendis conforme esse credendum est. Peccatum primi hominis innumera peperit mala; id negari nequit. Sed certe

*Vid. 7.
Christ. Me-
dit.

*Vid. Illust.
ad c. IV. 1. P.
Methodi.
† Vid. 1. Il-
lust. ad Cap.
K.

certe ordo postulabat Deum illa permittere mala, atque hominem in eo constituere statu in quo posset peccare, ut id alibi probavi.*

Deus opus suum reparaturus, nonnisi raro gratiam illam victicem largitur quæ pertinacissimorum peccatorum malitiam superat. Gratinus sæpe largitur inutiles ad eorum conversionem qui eas recipiunt, licet earum inutilitatem illorum respectu præviderit. Illas nonnunquam aspersim profundit quamquam tamen paucissimos tantum producat effectus. Cur tot ambages & viæ indirectæ? Sufficit ipsum positivè velle peccatoris conversionem, ut eam modo efficaci & invictò producat. Nonne igitur patet ipsum agere per rationes simplicissimas, & ordinem id postulare, quamvis ordo iste nobis semper non sit notus? Deus enim agere nequit nisi cum ordine & sapientiâ, quamvis ipseus ordo & sapientia menti humanæ sæpe sint impenetrabiles. Quædam sunt leges in ordine gratiæ simplicissimæ, secundum † quas Deus ordinariè agit. Námque ordo gratiæ suas habet leges æquæ ac ordo naturæ: Licet illas non cognoscamus ut leges communicationis motuum videre solemus. Sequamur modò consilia nobis ab illo cui leges gratiæ perfectè notæ erant in Evangelio tradita.

* Vid. 2.
Colloq.
Christ. edit.
Par. 1702,
p. 60. &
seqq.

† Vid. 2.
Sermonem
Tractatus
de naturâ
& gratiâ.

Hæc obiter dixi ut injustis peccatorum qui JESU CHRISTI consilia aspersionantur, & malitiam suam ac inordinationem Deo imputant querelâ satisfacerem. Deum in ipsum gratiam edere miracula vellent, ac leges gratiæ ordinarias sequi recusant. In deliciis sese volutant, honores ambiunt, vulnera suo cerebro rebus sensibilibus incussa perpetuò reficant, ac nova sæpe accipiunt; & Deum ipsos miraculo sanare exigunt; Aëris similes qui præ morbi acerbitate fascias vulneribus obductas ferre non valentes illa renovant, ac postea ubi mors imminet de eorum crudelitate queruntur qui vulnus curant. Deum ipsos salvare volunt; quia, inquiunt, bonus est, sapiens, potens; penès ipsum est nos felicitate donare, nos creare non debuit ut nos perderet. Sciant igitur Deum revera ipsos salvare velle, & in finem scisse quicquid secundum ordinem & sapientiam quam consulit fieri deberet. Nos ab ipso derelinqui credere non debemus, cum ipse proprium Filium suum ut esset Mediator noster & victima nobis dedit. Deus certe nos vult salvare, & quidem omnes; sed viis quas sedulò inquirere & accuratè sequi debemus. Deus non debet consulere affectus nostros in consilio suorum executione; solam sapientiam consulere, solumque ordinem sequi ipsum decet. Et ordo postulat nos Jesum Christum imitari, ipsiusque consilia sequi ut sanctificemur & salvemur. Quod si Deus omnes homines ad id non prædestinaverit ut essent conformes imaginì illius, qui est Electorum norma & exemplar, id fit quia Deus agit per vias simplicissimas relatè ad decreta sua, quæ ad ipsius gloriam omnia tendunt; quia Deus est causa universalis, nec debet agere ut causæ speciales, quæ circa singulas actiones suas voluntates habent speciales; quia Dei sapientia quæ hac in re nobis est inscrutabilis rem sic

*Vid. Col-
log. de Me-
taph. Trac-
tat. de nat.
& grat. re-
spons. ad
D. Arnal-
dum, ac
speciatim
ad ejus Dis-
sert. circa
miracula
V. T.

voluit; Denique quia hæc Dei œconomia Deo dignior est aliâ quæ reprobis magis faveret. Namque reprobi damnantur secundum ordinem non minus adorandum ordine secundum quem Electi sanctificantur & salvantur; ac solâ ordinis ignorantia, & plilautiâ eò adducuntur homines ut damnent dispensationem quam Angeli & Sancti in æternum mirabuntur. Alibi fusiùs respondeo ad difficultates quæ adversus Divinam Providentiam moventur. * Sed ad causarum secundarum efficaciam redeamus.

QUINTUM ARGUMENTUM.

Nisi corpora certam quandam *naturam*, aut *vim* ad agendum haberent, sique Deus omnia efficere in effectibus etiam maxime ordinariis, nihil non esset supernaturale, distinctio naturalis & supernaturalis adeo vulgata, & universali Doctorum consensu probata inepta foret & chimærica.

Responsio.

Respondeo hanc distinctionem in Aristotelis ore esse ineptam, namque natura ab isto Philosopho instituta est mera chimæra. Dico hanc distinctionem in ore vulgi de rebus per impressionem sensibilem judicantis non esse claram; nesciunt enim præcisè quid sibi velint, dum dicunt ignem urere naturâ suâ. Dico denique hanc distinctionem posse tolerari in ore Theologorum, si per effectus naturales eos intelligant qui sequuntur ex legibus generalibus, quas Deus instituit ad omnium productionem & conservationem, ac per effectus supernaturales eos qui non pendent ab his legibus. Hoc sensu ista distinctio vera est. Sed Philosophia Aristotelis conjuncta cum sensuum impressione illam distinctionem periculosam reddere mihi videtur; quia eos qui nimia veneratione miseri istius Philosophi colunt opiniones, aut qui sensus consulunt, cum apud seipsos secedere deberent ad veritatem consulendam, a Deo avertere potest. Itaque hac distinctione utendum non foret nisi simul explicaretur. Augustinus vocem * *fortune* qua usus fuerat repudiavit, licet pauci eâ decipi possent. Divus Paulus de † idolothytis loquens, idola nihil esse monet. Si *natura* a Philosophiâ Ethnicâ excogitata sit chimæra, si sit purum nihil, id monendi sunt Lectores; multos enim illa fallere possunt. Quamplurimi opera Dei imprudenter illi tribuunt, & huic idolo seu figmento cerebri fascinati honores soli numini debitos deferunt. Miraculorum & quorundam effectuum extraordinariorum magnitudine & sapientiâ ipsius aliquo sensu parum dignorum Deum authorem esse quidem fatentur. Sed effectus illos immutabiles & ordinarios quos soli sapientes admirari norunt, potentia *natura* suæ imaginariæ tribuunt. Immo hanc dispositionem admirabilem

*Lib. i. re-
tract.
†1. Cor. x.
19.

bilem qua omnia corpora viventia ad sese conservandum, & sibi simile producendum apta sunt, istius quam fingunt naturæ esse effectum autumant; nam juxta istos Philosophos sol & homo generant homines. Ordo supernaturalis multis adhuc modis ab ordine naturali distingui potest. Nam dicere possumus ordinem supernaturalem referri ad bona futura; institui propter merita Jesu Christi, primum & præcipuum esse in Dei consiliis, & alia quæ sufficiunt ad conservandam distinctionem quam sine causâ fortè aboleri timent.

SEXTUM ARGUMENTUM.

Præcipuum argumentum quo Philosophi causarum secundarum efficaciam teneant, ex voluntate hominis & ipsius libertate desumitur. Homo vult: Seipsum per se determinat; atqui velle & sese determinare, est agere. Peccatum ab homine admitti certum est. Deus ipsius non est author nec concupiscentiæ & erroris. Ergo homo agit.

Responsio.

In multis locis, Libri de *Inquisitione Veritatis*, ac præcipuè primo capite primi Libri, & in primâ Illustratione ad illud caput, satis ostendi quid per voluntatem & libertatem hominis intelligendum sit. Id a me nunc repeti inutile est. Hominem velle, ac seipsum determinare concedo: quia Deus efficit ut velit, ipsum versus bonum fert indefinenter, omnes ideas & sensationes, quibus se determinat in eo excitat: Peccatum quoque a solo homine perpetrari fateor: Sed quicquam ab ipso tum agi nego: nam peccatum, error, & ipsa concupiscentia nihil sunt. In primâ Illustratione hæc explicui.

Homo vult, sed ipsius voluntates sunt inefficaces in se, nihil producunt, non impediunt quominus Deus agat omnia. Namque Deus ipse in voluntatibus nostris agit, impulsione quam nobis dat versus bonum. Homo a se nihil habet præter errorem & peccatum, quæ nihil sunt.

*Nemo habet
de suo nisi
mendacium
& peccatum. Conc.
Araus, 2.
Can. 22.*

Inter mentes nostras & corpora quæ nos ambiunt multum est discriminis. Mens nostra vult, agit, sese aliquo sensu determinat, fateor. Hujus veritatem sensu interno quem de nobismet ipsis habemus, seu conscientia convincimur. Si nulla nobis esset libertas nec præmia nec poenæ futuræ essent; nam sine libertate nec bonæ nec malæ sunt actiones. Itaque Religio esset mera chimæra. At corpora vi agendi prædita esse: illud demum est quod nec clarè videmus nec concipi posse existimamus, & illud quoque est quod negamus, dum causarum secundarum efficaciam negamus.

Ipsa mens tantum non agit quantum vulgò putant. Me velle & libere velle equidem novi, nulla mihi suppetit dubitandi ratio validior

* Eo sensu
quo rem
explicui in
capite ad
quod hanc
affero ex-
plicationem.

sensu interno quem habeo de me ipso. Id etiam non nego. Sed voluntatem meam motus brachii mei, idearum mentis meæ, & cæterorum quæ voluntates meas comitari solent * veram esse causam nego: nullam enim deprehendo relationem inter res adeo diversas. Immo clarissimè video nullam posse esse relationem inter meam voluntatem brachium movendi, & agitationem spirituum animalium, hoc est, quorundam corpusculorum quorum nec motum nec figuram novi; quæ quosdam nervorum canales inter innumeros alios mihi ignotos eligunt, ut in me motum optatum, innumeris motibus quos nequaquam opto, excitent. Voluntatem meam in me producere ideas meas nego: quia nequidem capio quomodo illas possit producere, namque voluntas mea, cum non possit agere aut velle sine cognitione, ideas meas supponit, non efficit. Quid sit idea præcisè nequidem scio. Nescio an ex nihilo producantur, æque redigantur in nihilum statim atque illas videre desino. Juxta quorundam sententiam loquor.

Ideas meas, inquiet aliquis, produco per cogitandi facultatem quam Deus dedit mihi: Brachium moveo propter connexionem quam Deus instituit inter mentem & corpus meum. *Facultas, connexio*, sunt voces Logicæ; voces vagæ & indeterminatæ, nullum est eis speciale; nec modus entis qui sit *facultas* aut *connexio*. Hæ voces sunt explicandæ. Si connexio mentis cum corpore in eo consistere dicatur quod Deus velit ut, quum optabo brachium meum moveri, spiritus animales in musculis ex quibus constat diffundantur, ad illud movendum eo modo quo opto illud moveri. Illam explicationem intelligo & amplector. Sed idem illud est quod ego defendo; nam cum voluntas mea determinet voluntatem Dei; certè brachium meum movebitur non voluntate meâ, quæ inefficax est per se, sed voluntate Dei quæ effectu suo nunquam frustratur.

Intelligo Sed si connexio mentis cum corpore in eo consistere dicatur quod Deus vim veram us dederit mihi vim movendi brachium meum, ut corpori meo dedit vim excitandi in me voluptatem & dolorem; certè id supponitur quod & realem. est in questione & agitur circulus. Nemo habet ideam claram huius virtutis mentis in corpore & corporis in mentem. Qui id positivè asserunt satis non assequuntur quid dicant. Hanc a præiudiciis sententiam hausimus: Id pueri & statim atque sensus capaces fuimus, credidimus. Sed ejusmodi opinio a mente, ratione, & attentione non dictata fuit. Ex iis quæ in Libro de *Inquisitione Veritatis* dixi id satis patet.

At, inquiet aliquis, sensu interno actionis meæ cognosco me revera hac vi pollere; itaque non hallucinor dum id credo. Respondeo dum movetur brachium, nos sensu interno affici voluntatis actualis qua brachium movetur, nec quum nos hanc habere voluntatem credimus fallimur. Præterea sensu interno experimur quoddam conamen cum istâ voluntate conjungi, & istud conamen a nobis fieri etiam credendum est:

Deni-

Denique concedo nos * sensu interno cognoscere brachium moveri ipso momento conanimis, & hoc supposito nihil obstat quominus dicamus motum brachii fieri eo momento quo sentimus illud conamen, aut quo voluntatem *præticam* habemus illud movendi. Sed nego illud conamen quod nihil est præter modificationem & sensationem mentis nobis eo sine datum ut infirmitatis nostræ convincamur; & virium nostrarum obscurum & confusum sensum habeamus; nego, inquam, ejusmodi conamen posse communicare motum cum spiritibus, illumque determinare. Ullam esse relationem inter cogitationes nostras & motus materiæ, mentemque spiritus animales quibus utitur ut moveat corpus quod animat, ullatenus cognoscere nego. Denique etiam si spiritus animales mens accuratè cognosceret, & ipsos movere, aut ipsorum motum determinare posset; nego tamen ipsam posse eligere tubulos nervorum, quos nequam cognoscit, ut in eos spiritus impellat, & sic corpus eâ velocitate, proportionè, vi quæ in iis etiam observatur qui corporis structuram minùs cognoscunt, moveat.

Etenim supponamus voluntates nostras esse revera vim motricem corporum, quamvis id capto impossibile videatur; quomodo corpus actionem suam mente moveri potest concipi? Brachium, exempli gratiâ, non moveretur nisi quia spiritus instant quosdam ipsius musculos, ut autem motus spiritibus qui sunt in cerebro a mente impressus posset communicari cum iis qui sunt in nervis, hi verò cum aliis qui sunt in musculis brachii mentis voluntates multiplicari aut mutari oporteret, juxta innumeros concursus innumerasque impulsiones corporum ex quibus conficiuntur spiritus. Neque enim corpora per se movere possunt ea quibus occurrunt, ut id a me sufficienter probatum videtur. Verùm id concipi nequit, nisi innumerae voluntates ad minimum corporis motum in mente admittantur, cum, ut moveatur, necesse sit innumeras motuum communicationes fieri. Cum enim mens sit causa specialis, quæ quantitatè & agitationem innumerosum corpusculorum quæ sese mutuò impellunt, dum spiritus per musculos funduntur, accuratè cognoscere nequit legem generalem communicationis motuum istorum spirituum statuere eamque, si instituisset, sequi non posset. Itaque mentem brachium movere non posse evidens est, etiam si motum spirituum animalium determinare posset. Hæc clariora sunt quàm ut iis diutius insistere opus sit.

Res eodem modo se habet de nostrâ cogitandi facultate; nos de aliquid re cogitare velle, in id eniti, & ipso momento desiderii & conatus nostri ideam istius rei sese menti nostræ offerre sensu interno cognoscimus. Sed voluntatem nostram aut conatum ideam nostram producere sensu interno non cognoscimus. Id fieri posse ratione non per-

*Evidens mihi videtur mentem nequidem cognoscere sensu interno aut conscientiâ motum brachii quod animat. Unicam sensationem suam conscientiâ cognoscit, mens enim nullius rei habet conscientiam nisi cogitationum suarum; conscientiâ vel sensu interno cognoscimus nos sentire motum brachii nostri; sed conscientiâ non monemur de motu brachii, de dolore quem in eo patimur; nec de coloribus quos in rebus objectis videmus; vel si id mihi non concedatur; dico sensum internum non esse certum & errore cipiimus; vacuum, nam error

pene semper deprehenditur in hisce sensationibus complexis; ut in primo libro de Inquisitionibus peritis suis probavi.

cipimus; attentionem nostram aut desideria nostra causas esse idearum nostrarum ex præjudicio credimus; & quia centies quotidie experimur illas ideas cum desideriiis nostris conjungi. Cum in Deo ipsius operationibus nihil sit sensibile, nec quicquam aliud sentiamus quod idearum præsentiam præcedat nisi desideria nostra; nullam aliam posse dari causam idearum nostrarum quàm desideria nostra putamus. Sed ad rem attendamus. Certè in nobis nullam vim videmus quæ illas producere valeat: ratio ac sensus internus hac de re nihil nos docent.

Cætera argumenta quæ a causarum secundarum efficaciæ propugnatoribus afferri solent hic proponere operæ pretium non existimo: quia hæc argumenta adeo futilia mihi videntur, ut quis Philosophos illos a me de industriâ ludibrio exponi credere posset, ac ipse ludibrium deberem si illis seriò responderem. Author quispiam, exempli gratiâ, causam suam propugnaturus seriò dicit. *Entia creata sunt vera cause materiales, formales, finales, cur non essent cause efficientes aut efficaces?* Si in ventilando ejusmodi ratiocinio tam crasso & æquivoco, & discrimen inter causam efficacem, & causam illam quam Philosophis materialem dicere placuit, ostendendo tempus tererem, plus ni fallor fastidii quàm utilitatis Lectori crearem. Itaque ab ejusmodi argumentis crassis ad ea quæ ex Scripturâ ducuntur transeo.

SEPTIMUM ARGUMENTUM.

Qui causarum secundarum efficaciam defendunt hõsc scripturæ locos in medium proferre solent. *Germinet terra herbam virentem: Producant aqua reptile anima viventis & volatile: Producat terra animam viventem.* Ergo terra & aqua Verbo Dei receperunt potentiam producendi plantas & animalia. Deinde Deus jubet aves & pisces multiplicari. *Crescite & multiplicamini; & replete aquas maris, avesque multiplicentur super terram;* ergo ipsis animalia ejusdem speciei producendi dedit potentiam.

Jesus Christus quarto Capite Evangelii secundum Marcum, dicit semen quod in bonam cadit terram centuplum reddere, & *terram ulro producere primò herbam, deinde spicam, deinde plenum frumentum in spicâ.* Denique in libro Sapientiæ scriptum est, ignem in populi Dei gratiam virtutis suæ veluti oblitum fuisse. Ergo utriusque Testamenti testimonio constat causas secundas verâ vi pollere ad agendum.

Responsio.

Respondeo in scripturâ multos etiam esse locos, qui Deo suppositivam illam causarum secundarum efficaciam tribuunt. Ecce aliquot ex illis.

Ego

Etiam virtutis suæ oblitus est.
Cap. 16.

Ego sum Dominus faciens OMNIA, extendens celos SOLUS, stabilient terram & NULLUS mecum: Isaïæ c. XLIV. 24. Manus tuæ fecerunt me & plasmacerunt me TOTUM in circuitu. Job. X. 6. Nescio qualiter in utero meo apparuisti **** singulorum membra NON EGO IPSA COMPEGI, sed enim mundi creator, qui hominis formavit nativitatem, &c. Malach. I. 2. cap. VII. 22. 23. Cum ipsi: DEUS det omnibus vitam, inspirationem, & omnia, Act. Apost. XVII. 25. Producent fenum jumentis & herbam servituti hominum ut educaas panem de terra. Ps. CIII. & CXLVIII. Innumeri sunt alii loci. Sed hi sufficiunt.

Quoniam Author quilibet sibi contradicere videtur, & æquitas naturalis aut alia aliqua ratio nos ipsum secum conciliare jubet; ut quænam sit vera ipsius sententia possimus deprehendere hæc ratio iniri debere mihi videtur; nempe, attendendum est quando is adhuc juxta propria sua lumina, quando verò juxta opinionem vulgi loquatur. Ubi quis ut vulgus loquitur, hinc non sequitur ipsum cum vulgo sentire. Sed ubi contraria iis quæ dici solent positivè profert, quamvis id semel duntaxat dicat, meritiò judicare possumus ipsum mentem suam aperuisse; dummodo seriò & post legitimum examen loquatur.

Exempli gratiâ, Author aliquis de animalium proprietatibus loquens, centies dicet bestias sentire, canes Dominum suum agnoscere, ipsum amare, timere; & bis aut ter duntaxat dicet bruta non sentire, canes cognitionis esse incapaces, nihil amare, nihil timere. Quomodo author ille secum conciliari poterit, nam sibi ipsi contradicere videtur? An omnes loci inter se contrarii unâ congerentur ut ex majore illorum numero judicaretur utra sit ipsius sententia? Si res sic procedat, haud puto quenquam esse hominem cui tribui meritiò possit ipsum in eâ esse sententiâ quæ bruta animâ carere censet: Nam ipsi Cartesiani quàm sepiissime dicunt canem sentire quum percutitur, ac rarissime dicunt ipsum non sentire. Et quamvis ego in hoc Libro per multa impugnem præjudicia, multa tamen ex scriptis mei possunt depromi, quibus, nisi regula quam nunc explico admittatur, facillè erit probare me illa omnia quæ impugno præjudicia stabilire, & opinioni quæ efficaciam causarum secundarum adstruit quam nunc rescillo, favere; aut forsitan quis concludet librum de *Inquisitione Veritatis* esse Librum contradictionibus manifestis & crassis repletum ut revera concludunt nonnulli, quibus satis non est æquitas & judicii ut alienorum scriptorum judices se gerant.

Scriptura sacra, Patres, sapientissimi inter homines, de bonis sensibilibus, divitiis honoribus secundum opinionem vulgi sepius loquuntur quàm juxta veras quas de his habent ideas. Jesus Christus Abrahamum iniquo diviti dicentem inducit. *Fili ree pisti bona in vita tuâ*, hoc est divitiis & honores. Quod ex præjudicatâ opinione bonum vocamus, seu bona nostra, hoc est, aurum & argentum, in Scripturâ Malebrancii de *Inquisit. Veris*. Tom. II. T t sepe

sepe vocatur, *sustentatio* nostra aut *substantia*, immo *bonestas* nostra; Eccl. 1. 14. *Paupertas & bonestas a Deo sunt.* Certè istæ formulæ loquendi ab authoribus factis & a viris probis usurpatæ eò nos adducere non debent ut credamus ipsos sibi contradicere, aut divitias, honores revera esse bona respectu nostri, & nobis esse amanda & prosequenda, quia ejusmodi loquendi formulæ, utpote quæ præconceptis hominum opinionibus sint accommodatæ, nihil significant. Præterea Jesus Christus alibi divitias spinis assimilavit, dicens eas nobis esse aspernandas, eas esse fallaces, quicquid in mundum magni ducitur Deo abominationi esse. Scripturæ igitur vel Patrum loca non sunt congerenda, ut ipsorum sententiam per maximum horum locorum numerum agnoscamus, nisi præjudicio absurdissima ipsis perpetuò tribuere sustineamus.

Hoc potius, videmus scripturam positivè dicere Deum facere etiam herbam agrorum, ipsum lilia ornare ornamentis quæ Jesus Christus anteponit toti Salomonis gloriæ. Non duo vel tria duntaxat, sed innumera extant loca quæ Deo fictam causarum secundarum tribuunt efficaciam, & Peripateticorum naturam destruunt.

Matt. 6.
24. 29. 30.

Alterâ verò ex parte præjudicio veluti naturali ad id feruntur homines ut de Deo in effectibus ordinariis non cogitent, & vim arque efficaciam causis naturalibus tribuant: sola ut plurimum miracula mentem hominum ad Deum ut ad causam efficientem convertunt. Philosophi hanc tuentur opinionem quia, inquit, sensuum testimonio evincitur. Illud est validissimum ipsorum argumentum. Denique hæc opinio apud eos omnes qui sensuum judicio nituntur invaluit. Sermone deinde huic præconceptæ opinioni accommodato usi sunt homines; nec minùs frequenter dicere solemus ignem habere vim urendi, quam vocamus aurum & argentum bonum nostrum. Ergo loci ex Scripturâ aut Patribus de prompti ad adstruendam efficaciam causarum secundarum non magis probant quàm probarent loci quos avarus ex eadem scripturâ delumeret ut avaritiam suam excusaret. Sed de locis qui ad probandum Deum omnia efficere possunt asserri, res secus se habet. Cum ista sententia præjudiciis vulgi sit contraria, isti loci ad litteram debent explicari; eadem ratione qua concludere par est, Cartesianum existimare bestias non sentire, quamvis id bis duntaxat vel ter dixerit, & contra singulis momentis in familiaribus colloquiis dicat eas sentire, videre, audire.

In primo Capite Geneseos, Deus plantas & animalia jubet producere: aquis etiam præcipit ut pisces producant. Et proinde, inquit Peripatetici, aqua & terra virtutem hos effectus producendi acceperunt.

Hæc conclusio certè mihi non videtur: & quamvis istud caput per se & sine aliorum scripturæ locorum auxilio explicare teneremur, hanc consequentiam rejicere legitime possemus. Hæc ratio explicandæ creationis accommodata est nostro concipiendi modo. Itaque illam ad litteram

literam explicare opus non est. Nec illâ ad confirmanda præjudicia uti æquum est. Cùm animalia, & plantæ sint super terrâ, aves vivant in aëre & pisces in aquâ, Deus ut nobis ostenderet hæc res creatas ipsius voluntate in his subsistere locis, eas in illis producere voluit. Ex terrâ formavit animalia & plantas; non quodd terra quicquam possit per se gignere, aut Deus ipsi ad id vim seu virtutem quæ adhuc subsistat dederit; nam apud omnes in confesso est terram non gignere equos & boves. Sed quia ex terrâ corpora istorum animalium formata fuere; ut patet ex capite sequenti. *Formatis igitur Dominus Deus v. 12. de humo cunctis animalibus terræ & universis volatilibus cæli.* Animalia formata fuere de humo, non verò producta ab humo. Ac revera postquam Moses narrat quomodo animalia & pisces jussu Dei producta fuere, addit *Deum ipsum illa fecisse*, ne ipsorum productio terræ & aquæ tribuatur. *Creavitque Deus cete grandia, & omnem animam viventem atque motabilem quam PRODUXERANT AQUÆ in species suas, & omne volatile secundum genus suum.* Et inferius postquam de animalium formatione loquutus est addit, *Et fecit Deus bestias terræ juxta species suas & jumenta & omne reptile terræ in genere suo.*

Hic observari potest in his locis ubi habet *Vulgata*, *Germinet terra herbam . . . producant aquæ reptile anima viventis & volatile super terram*; quæ locutiones eò forte aliquem impellere possent ut crederet veram aliquam animalia plantasque producendi potentiam terræ & aquis inditam fuisse; in his, inquam, locis voces Hebræi textûs ab eâ interpretatione longè abscedere id tantum significant Deum dixisse, *Terra plantis ctegiur, aquæ piscibus abundanto, in aëre aves volitanto.* In his locis eandem radicem habent verba & nomina, quod in aliis linguis verti nequit. Idem est ac si diceret Moses *Terra viriditate virescit; volitanto volatilia.* Vocem *volitanto* omisit *Vulgata*, unde crediderunt nonnulli ex aquis educatas fuisse aves; verum in Hebræo textu existat & *Volatile volitet.* Quæ ultima vox omissa docet aves non ex aliquâ quæ aquæ inesset virtute productas fuisse. Moses igitur hic non voluit probare aquas recepisse veram potentiam producendi pisces & aves, sed designare voluisse locum unicuique rei jussu Dei assignatum, sive ut in eo viveret, sive ut in eo produceretur, & *volatile VOLITET super terram.* Namque ut plurimum cum dicimus terram producere arbores & plantas, tantum innuere volumus aquam & sales, ut semina germinare & crescere possint necessaria, ab ipsâ ministrari. Hic cæteris scripturæ locis efficaciæ causarum secundarum, si ad literam accipiantur, faventibus explicandis non immoror. Namque formulas loquendi judicii ordinariis juxta quæ sermo formari solet nixas ad literam accipere non modò necessarium non est; sed sæpe periculosum est; quia cùm vulgus hominum de omnibus loquatur juxta sensuum impressiones, & infantie præjudicia, ad ipsorum captum sese sæpe accommodavit spiritus Dei, ut simplices non secus ac sapientes instrueret. *Inclina-*

vis scripturas Deus usque ad infanctum & lallentium capacitatem inquit
D. Augustinus.

Eadem ratio quā impellimur ad explicandos ad litteram Scripturæ locos præjudiciis directè oppositos, nos eò etiam adducit ut credamus Patres eo consilio nunquam scripsisse ut causarum secundarum efficaciam & Aristotelis naturam tuerentur. Quamvis sæpe loquantur accommodatè ad præconceptas opiniones & judicia sensuum interdum tamen sermonibus suis satis aperiunt quænam sit circa id ipsorum mentis & cordis dispositio. S. Augustinus exempli gratiâ satis ostendit se existima-

S. Aug. de re Deum esse *vim* aut *naturam* cuiusque rei dum sic loquitur. *Omnia*
Civ. Dei. l. quippe portenta contra naturam dicimus esse, sed non sunt. Quomodo enim
21. cap. 8. est contra naturam quod sit Dei voluntate: cum voluntas tanti utique
conditoris condire rei cuiusque natura sit? Portentum ergo non sit contra
naturam, sed contrâ quàm est nota natura.

S. Augustinus sæpe quidem loquitur secundum præjudicia. Sed ex eo nihil inferri potest: nam soli loci præjudiciis contrarii ad litteram sunt explicandi. Hujus rei rationes modò attuli.

Si S. Augustinus in omnibus scriptis suis adversus causarum secundarum efficaciam nihil unquam dixisset, ac huic opinioni semper favisset, ad illam stabiliendam ipsius autoritate forsitan uti possemus. Sed; si ipsum hanc quæstionem seriò examinasse non liqueret, meritò existimare possemus ipsum hac de re fixum nunquam statuissè judicium, & impressione sensuum forsitan ad id adductum fuisse ut rem sine examine crederet quæ certa videtur donec ad examen sedulò vocetur.

Hæc sunt
nonnulla
ex Augu-
stini dog-
matibus.
Id quod
nunquam
peccavit
non posse
malum pa-
ti, jam verò
dolor est
malorum
maximus,
& bestię
patiuntur
dolorem,
Nobilius

Augustinum, exempli gratiâ, de brutis quasi animam haberent, semper loquutum fuisse constat; non dico animam corpoream. Nam S. ille Doctor mentem a corpore accuratius distinxerat quàm ut existimare posset esse animas corporeas: Dico animam spirituales; nam materia est incapax sensus. Existimo tamen satius esse Augustini autoritate uti ad probandum bruta carere animâ, quàm ad probandum illa animâ esse prædita. Nam ex dogmatibus quæ seriò examinavit & invictè probavit manifestò sequitur bruta carere animâ. Ut ostendit Ambrosius Victor in sexto volumine *Philosophiæ Christianæ*. Sed cum sententia quæ statuit bestias habere animam, aut dolorem ubi percutiuntur sentire, præjudiciis sit conformis, quippe nullus est Pater qui id non credat; meritò judicare possumus Augustinum de his accommodatè ad sermonem vulgi fuisse loquutum; hanc quæstionem seriò non examina-

non posse sibi in finem proponere id quod minus nobile est, jam verò secundum ipsum animam spirituales est & nobilior corporibus, bruta tamen nullum alium finem habent quàm corpora. Id quod spirituale est esse immortale, & animam brutorum, licet spiritualis sit, morti obnoxiam esse: multa alia sunt simili a dogmate apud Augustinum, ex quibus concludere possumus animam brutorum non esse spiritalem qualem illam in iis admittit. Vid. D. Augustinum Cap. XXII. & XXIII. de Animâ & ejus origine.

nasse; ac certe si eam in dubium vocare cœpisset & ad eam attenderet, propositiones dogmatibus suis adeo contrarias in medium nunquam protulisset.

Itaque licet Patres efficaciz causarum secundarum semper favissent, ipsorum sententiz etiam rationem habere forsân non teneremur, nisi notum foret eos hanc quæstionem sedulò examinasse, ac ipsorum dicta sermoni vulgi accommodata non esse. Verùm res secus omnino se habet. Nam Patres & viri piissimi semper alicubi in scriptis suis manifestum fecerunt quid hac de re sentirent.

Eruditissimi, imo plerique ex Theologis hinc videntes scripturam sacram adversari efficaciz causarum secundarum; inde verò impressionem sentium, suffragia publica & Philosophiam Aristotelis, quæ Doctis erat venerationi, illam statuere efficaciam; nam Aristoteles Deum nullam rerum singularum quæ in regione *sublunari* aguntur curam gerere, hanc curam ipsius magnitudine indignam esse, & naturam, quam in omnibus supponit corporibus, sufficere ad ea omnia quæ in his terris aguntur, existimat. Theologi, inquam, & eorum quidem maximus numerus, illud temperamentum ad conciliandam Fidem cum Philosophiâ Ethnicorum, & rationem cum sensibus, invenerunt, nempe causas secundas nihil esse acturas nisi Deus *concurso* suo ipsas adjuvaret. Sed quia concursus ille immediatus quo Deus agit cum causis secundis magnas involuit difficultates, nonnulli Philosophi illum rejecerunt, dicentes, sufficere, ut agant causæ secundæ, Deum ipsas conservare cum *virtute* quam ipsis in creatione indidit. Et quoniam hæc opinio præjudiciis valde accommodata est, quia operatio Dei in causis secundis nihil habet sensibile, ab hominum vulgo, & ab iis qui Medicinæ & Physicæ magis quàm Theologiæ & veritatis meditationi operam dederunt, admittitur. Plerique arbitrantur Deum omnia primò creasse, ipsis omnes qualitates aut facultates ad sui conservationem necessarias dedisse; primum, exempli gratiâ, motum materiæ indidisse, ac deinde ipsam sibi ipsi permisisse ut motuum suorum communicatione hanc quam miramur formarum diversitatem produceret. Corpora posse sese mutuò movere plerique supponunt; & hæc opinio ipsi Cartesio tribuitur, contrà quàm disertè dicit articulis 36. & 37. secundæ partis Principiorum Philosophiæ. Cum homines agnoscere cogantur res creatas a Deo dependere, istam *dependentiam* quantum in ipsis est minuunt; sive arcano in Deum odio, sive superbiâ erga ipsius operationem stupiditate. Sed quia hæc opinio apud eos ut plurimum qui Religioni meditandæ parum studuerunt, & qui sensus & Aristotelis auctoritatem potius quàm rationem & codicum sacrorum auctoritatem sequuntur, duntaxat; admittitur; illam altas in veritatis & Religionis amatorum mente radices acturam verisimile non est. Istius enim opinionis seriò examinatæ falsitas nullo negotio agnoscitur. Sed opinio *conkursus immediati* Dei in

singulis actionibus causarum secundarum cum scripturæ locis, qui sæpe eundem effectum Deo & rebus creatis simul tribuunt, consonare videatur. In ultimâ probabo illustratione (n. 43.) solum Deum menti rerum objectarum perceptiones impertire posse, nullamque rem creatam, nullum Ens intelligens nitum, quantâcunque donetur potentiâ, in eo casu præsto esse posse ad agendum, Deique concursum exigendum.

Animadvertendum igitur est loca esse in scripturâ ubi Deus solus agere dicitur: *Ego sum Dominus*, inquit Elías, *faciens OMNIA, extendens celos SOLUS stabiliscis terram, & NULLUS mecum*. Mater divinitus inspirata liberos suos alloquens dicit, *Nescio qualiter in utero meo apparuisti, singulorum munda* NON EGO IPSA COMPEGI, *sed mundi creator, &c.* Non ut * Aristoteles & scholæ Peripateticorum, sibi & Soli eos nativitatem suam debere dicit, sed mundi creatori. Jam autem

Lib. 2.

Mach. c. 2.

ψ. 12. & 23.

* Arist.

physf. Aufc.

L. 2. c. 2. vid.

D. Thom.

ad hunc

textum. Nec

qui concum-

bis, nec qui

seminat est

aliquid, sed

qui format

Deus: ipse

namque ope-

ratione quâ

nunc usque

operatur sa-

dit ut nume-

ros suos ex-

plicitent femi-

na, & a

quibusdam

latentibus

atque invi-

sibilibus in-

volueris in-

formas visi-

biles hujus

quod aspi-

cimus de-

coris exol-

vant. Aug.

de Civ. Dei

Lib. 22. c.

24. n. 2.

opinionibus vulgi seu præjudiciis non est conformis. Isti igitur loci, juxta dogma a me prius positum, ad litteram sunt explicandi, ac contrâ, cum sententia efficaciæ causarum secundarum sit conformis opinioni vulgi & impressioni sensibili, etiam si locos inveniremus qui disserteret dicere causas secundas agere solas, nullam tamen vim haberent, si cum his quæ opinioni vulgi adversantur illa conferas. Concursus igitur non sufficit ad concilianda varia Scripturæ sacræ loca: tota vis, potentia & efficacia soli Deo tribuenda est.

Verum licet concursus immediatus Dei cum causis secundis esset idoneus ad conciliandos diversos scripturæ locos, nescio tamen an admitendus esset. Namque Libri sacri in usum Theologorum hujusce temporis non unice compositi fuere; sed in usum etiam populi Judaici. Itaque si Judæi satis non eruditi essent aut subiles, ut concursum imaginarentur, qualis in Theologiâ scholasticâ adnuitur, & ut inter ipsos conveniret de re quam peritissimi Theologi non sine magno negotio explicant; hinc nî fallor sequitur scripturam sacram quæ Deo, immo soli Deo, productionem & conservationem tribuit, ipsos in errorem injecturam fuisse: & authores factorum codicum sermone usos fuisse non modò incognito verum etiam fallaci. Nam iis dicendo Deum omnia agere, nihil aliud designare voluissent nisi, Deum ipsis suum præbere concursum ad omnia producenda, & verisimile est Judæos de illo concursu nequidem cogitasse, cum ii qui inter Judæos non philosophantur, Deum facere omnia, non verò Deum concurrere ad omnia, existiment.

Sed ut de concursu turius statueretur judicium, varia scholasticorum hac de re systemata accuratè explicare operæ pretium foret. Nam præter obscuritates impenetrabiles omnibus opinionibus conitutes, quæ explicari & defendi nequeunt nisi vocibus vagis & indeterminatis; tanta est super hac materiâ opinionum varietas, ut illius causam deprehendere difficile non esset. Sed hic a discussione mihi & lectoribus fasti-

fastidiosâ superfedeo. Immo in id studere malo ut ostendam hypothesas meas aliquâ in re cum maximo Theologorum Scholasticorum numero convenire, quamvis hic diffiteri non debeam ipsorum voces esse valde æquivocas & confusas. Mentem meam clariùs explico.

Existimo, ut jam alibi dixi, corpora, exempli gratiâ, non prædita esse vi sese movendi, ac proinde ipsorum vim motricem nihil aliud esse quàm Dei actionem, vel ne utar vocibus quæ nihil distincti significant, ipsorum vim motricem nihil aliud esse quàm voluntatem Dei semper necessariò efficacem, quæ illa in variis locis successivè conservat. Haud enim puto Deum creare quædam entia, ut sint vis movens corpora: non modò quia hujusce generis entium nullam habeo ideam, nec video quomodo illa entia possint movere corpora: sed etiam quia illa entia indigerent quoque aliis entibus a quibus moverentur, & sic in infinitum. Deus enim solus simul est immobilis & motor.

Cùm hoc ita sit, ubi unum corpus impellit & movet alterum, possum dicere illud agere per concursum Dei; & illum concursum non distingui a propriâ ipsius actione. Nam corpus non movet aliud corpus in quod incidit nisi actione suâ aut vi motrice, quæ reapse nihil aliud est quàm voluntas Dei, quæ illud corpus successivè in diversis locis conservat: cùm translatio corporis non sit ipsius actio aut vis motrix, sed effectus ipsius virtutis motricis. Ac revera penè omnes Theologi fatentur actionem causarum secundarum non differre ab actione quâ Deus concurrit cum ipsis. Nam licet rem diversè intelligant, Deum in rebus creatis eadem actione qua res ipsæ creatæ ipsæ agunt, agere existimant. Et ipsos sic loqui necesse mihi videtur. Nam si res creatæ agerent actione quam Deus in ipsis non produceret, ipsarum actio, quatenus actio, a nemine, ut mihi videtur, penderet; jam autem credunt, ut par est, res creatas dependere immediatè a Deo, non modò quoad ipsarum essentiam, sed & quoad operationem.

Pariter, respectu causarum liberarum, existimo Deum menti indefinenter impressionem dare versùs bonum in genere, ac ipsum etiam determinare impressionem illam versùs bona specialia per ideas aut sensationes quas nobis imprimit, ut id in primâ Illustratione explicuit atque idem credunt Theologi asserentes Deum movere & prævertere voluntates nostras. Itaque vis quæ mentes nostras movet, est voluntas Dei quæ nos animat & versùs bonum fert: Deus enim nulla creat entia ut sint vires motrices mentium, iisdem de causis ob quas non creat entia ut sint vis motrix corporum. Cùm voluntates Dei per se sint efficaces, sufficit ipsum velle, ut faciat, ac inutile est entia sine necessitate multiplicare. Præterea quicquid in motuum nostrorum determinationibus reale est, ab actione Dei in nos etiam procedit. Nec enim hic loquor de consensu quem his præbemus determinationibus. Id ex primâ Illustratione clarè patet. Jam autem nihil agimus aut producamus nisi per voluntates nostras, hoc est per impressionem voluntatis

Divinæ.

Divinæ quæ est nostra vis movens. Nam voluntates nostræ non sunt efficaces nisi quatenus a Deo sunt; quemadmodum corpora nota alia non pulsant, nisi quatenus habent vim moventem quâ transferuntur. Ergo non agimus nisi per Dei concursum, & actio nostra considerata ut efficax & capax producendi aliquem effectum, non differt ab actione Dei. *Eadem est numero actio*, ut ajunt plerique Philosophi.

Vid. Suarez lib. 1. de Concursu Dei cum voluntate. cap. 4.

Jam autem omnes mutationes quæ in mundo eveniunt nullam aliam habent causam naturalem, quàm motus corporum & voluntates spirituum. Nam juxta leges generales communicationis motuum, corpora invisibilia, quæ circumdant visibilia, diversis modis suis omnes varietates, quarum causa oculos nostros fugit, producant. Et secundum leges conjunctionis mentis cum corpore, ubi corpora nobis circumjacentia agunt in nostrum, innumeras in mente nostrâ producunt sensationes, ideas, & affectus. Pariter mens nostra in se producit per voluntates suas innumeras diversas ideas: Nam voluntates nostræ applicant & modificant mentem nostram, ut causæ naturales, quarum tamen efficacia ex legibus a Deo institutis procedit. Et cum mens agit in corpus nostrum, in eo multas producit mutationes propter leges conjunctionis suæ cum illo. Et per corpus nostrum in iis quibus circumdamur maximum etiam mutationum numerum producit, per leges communicationis motuum. Itaque, omnes effectus naturales, nullam aliam habent causam naturalem aut occasionalem quàm motus corporum, & voluntates spirituum. Id si attentè animadvertatur nullo negotio concipietur. Nam hîc eos qui istæc legent ab istis blateronibus qui quod dicunt non intelligunt, qui entia quorum claras non habent ideas perpetuò fingunt, ac ea quæ ipsi non capiunt per obscuriora volunt explicare, præoccupatos non fuisse suppono. Cum itaque ostenderit Deum concursu suo seu potius voluntate efficaci exequi quicquid motus corporum & voluntates spirituum agunt ut causæ naturales aut occasionales; nihil est quod Deus non efficiat eadem actione qua res ab ipso creata agit, non quòd res creatæ per se ullam actionem efficacem habeant, sed quia Dei potentia cum ipsis aliquo modo communicatur per leges naturales a Deo in ipsarum gratiam institutas.

Vid. Durand. in 1. Dist. 1. Quest. & Dist. 37. *De Genesi ad lit. 1. s. cap. 10.

Hæc solâ ratione cogitata mea possunt conciliari cum sententiâ Theologorum qui concursus immediatus necessitatem defendunt, & Deum omnia in omnibus agere eadem actione qua res creatæ agunt. Cæteros Theologos quod spectat, ipsorum opiniones, ac præcipuè Durandi, & nonnullorum Antiquorum ab * Augustino refutatorum, qui concursus necessitatem negabant, causas secundas omnia per potentiam ipsis a Deo in creatione inditam agere dicentes, defendi non posse existimo. Quamvis enim hæc opinio cæteris minùs intricata videatur, scripturæ tamen ita adversa & præjudicijs ita conformis videtur, ut ipsam posse propugnari non arbitrer.

Schola-

Scholasticos qui concursum immediatum Dei dicunt esse eandem actionem ac actionem rerum creaturarum, rem ut eam explicui non omnino intelligere fateor: Et, si excipias Biel & Cardinalem de Alliaco, quoscumque legi, sentiunt efficaciam quæ producit effectus procedere a causâ secundâ non secus ac a primâ. Sed quia hanc mihi legem impono nihil asserendi quod certò non mihi constet, & eam semper amplectendi sententiam quæ cum Religione magis consonat, neminem fore confido qui agrè ferat me a sententiâ desistere quæ multis eò obscurior videtur quò attentius examinatur; & aliam statuere quæ non modò rationi, verùm etiam Religionis & Ethicæ Christianæ sanctitati consentanea sit. Hanc veritatem jam probavi in Capite quod hac explicatione illustro: sed ad plenam systematis apologiam abs re non erit si aliquid his adhuc subijciam.

in 4. sent.
Dist. 1. s. 1.
De Alliaco
ibid.

Deum a rebus a se creatis amari & coli velle ratione & Religione convincimur; vult amari ut bonum, & summâ coli veneratione ut potestas: Hæc veritas a nemine nisi impio & insano in dubium vocari nequit. Ut Deus ametur sicut vult amari & sicut meretur, oportet juxta primum legis & Evangelii præceptum, ac etiam juxta rationem, ut alibi dixi, ipsum amare totis viribus aut secundùm totam nostræ facultatis amandi capacitatem. Ipsum omnibus antepone non sufficit; amandus est præterea in omnibus. Alioquin amor noster imperfectus est; & Deo omnem amorem quem nobis imprimit, quemque propter se solum imprimit, cum non agat nisi propter se, non retribuimus. Pariter ut Deus veneratione debitâ colatur, ipsum ut summam potestatem adorare, & præ rebus ab ipso creatis timere non sufficit; timendus præterea & adorandus in omnibus rebus creatis; omnia studia nostra ad ipsum unum tendere par est, nam ad ipsum solum pertinet honor & gloria. Id Deus his verbis præcepit: *Diliges Dominum Deum tuum ex toto corde tuo, & ex totâ animâ, & ex totâ fortitudine tuâ.* Et his: *Dominum tuum timebis, & illi soli servies.* Itaque Philosophia quæ nos docet efficaciam causarum secundarum esse merum ingenii figmentum, naturam Aristotelis & quorundam aliorum Philosophorum esse chimæram, Deum solum satis fortem & potentem esse non modò ut agat in mentem nostram, verùm etiam ut minimum det motum materiæ; hæc, inquam, Philosophia cum Religione, cujus finis est Deo nos quam fieri potest arctissimè conjungere, omnino convenit.

Lib. 4. c. 1.

Deut. vi.

Ea tantùm solemus amare quæ aliquid nobis bonum conferre possunt; ista igitur Philosophia solum Dei amorem probat, & omnis aliùs rei amorem damnat. Id solum timere debemus quod nobis aliquid mali asferre potest: Ista igitur Philosophia solum Dei timorem probat, omnis aliùs rei damnato timore. Itaque omnibus justis & rationi consentaneis mentis motibus favet, omnes verò rationi & Religioni contrarios improbat. Hac enim Philosophiâ amor divitiarum, ambitio, luxuria, nunquam comprobabuntur; cum amor erga cor-

Malebranchii de Inquis. Verit. Tom. II.

Vv

pōra

pora juxta istius Philosophiæ dogmata absurdus & ridiculus videatur.

Act. Apost.
XIV. 15.
16.

Hæc est veritas indubitata ipsâ naturâ, & notione communi freta, causam voluptatis amandam esse, & quidem juxta proportionem felicitatis quam nobis impertitur aut imperiiri potest. Felicitatis nostræ causam, id esse quod amemus non modò justum, verum etiam necesse est. Itaque juxta hanc Philosophiam Deum solum amare debemus; Illa enim nos docet ipsum solum felicitatis nostræ causam esse. Juxta hanc Philosophiam corpora quæ nos circumdant non agunt in nostrum; potiori ratione non agent in mentem. Sol nos non illuminat, nobisque motum & vitam non impertitur. Ipse terram fructibus & floribus non coronat, nec alimenta nobis ministrat. Hæc Philosophia non secus ac Scriptura nos docet *Deum non sine testimonio semetipsum reliquisse beneficientem de Cælo, dantem pluvias & tempora fructifera, implemtem cibo & latitiâ corda nostra.* Juxta hanc Philosophiam dicendum non est naturam, vel Deum & naturam nos cumulare bonis, Deum solum id efficere dicendum est, & sic sine æquivocatione loquendum ne simplices decipiantur. Nam unica causa felicitatis nostræ distinctè est agnoscenda, si ipsam solum nobis amandam proponere velimus.

XLV. 7.

Amos III.
6.

Extra omne dubium quoque est ea esse timenda quæ nos malo afficere possunt, & id juxta proportionem mali quod nobis asserre valent. Sed hæc Philosophia nos docet Deum solum posse nos malo afficere, ipsum, inquit Isaias, *formare lucem & creare tenebras, suocere pacem & creare malum, nihilque contingere mali quod ipse non faciat*, inquit alius Propheta. Itaque ipse solus timendus est; nec pestem, nec bellum, nec famem, nec ipsos Dæmones timere par est. Deus solus est timendus, ab acie gladii nobis impendentis fugiendum, ignis est vitandus; a domo labante recedendum est; Sed hæc non sunt timenda. Corpora quæ mali causæ sunt occasionales removeri possunt; sed Deus solus ut vera malorum quæ in impios ruunt causa timendus est. Et solum peccatum, quod causam omnium bonorum ad id adigit ut fiat causa omnium malorum, odio habendum est, uno verbo omnes mentis motus ad Deum solum referri debent, nam Deus solus est supra mentem nostram; & corporis nostri motus ad corpora nobis circumstantia possunt referri. Hæc a Philosophiâ quæ causarum secundarum efficaciam non admittit docemur.

Sed efficacîâ causarum secundarum suppositâ, corpora non immeritò timeri & amari mihi videntur; ac, ut amor rationi accommodetur, sufficere exilimo Deum omnibus anteponi, & causam primam ac universalem causis secundis & specialibus. Deum totis viribus suis amare juxta hæc dogmata necesse non est. *Ex totâ mente, ex toto corde, ex totâ animâ, ex totis viribus*, inquit Scriptura.

Attamen, ubi Deum cultu & amore nostro omnibus præponere duntaxat contenti sumus, in id perpetuò non studentes ut ipsum solum in omnibus summè colamus & amemus; nos decipi; charitatem.

in.

in nobis extinguere, & bonis sensibilibus magis occupari quàm summo bono, sæpe contingit. Namque, si a pertinacissimis peccatoribus, & forsàn etiam ab Idololatriis quæras, an non præferant causam universalem specialibus; in effrænatiissimâ licentiâ & in densissimis erroris tenebris respondere tamen non dubitabunt, se officium adeo essentiale non negligere; nec ignorare quid Deo præstare debeant. Fateor eos falli & errare; sed efficaciam causarum secundarum rejectâ, nullo prætextu suum excusare possunt errorem; illâ verò efficaciam suppositâ hæc apud se possunt volvere, dum affectibus occæcantur & sensuum testimonio aures præbent.

Natus sum ut sim felix; non possum, immo non debeo mihi temperare ab amore & veneratione erga causam felicitatis meæ. Cur igitur non amarem & colerem res sensibiles, si veræ sunt causæ felicitatis qua ipsorum usu fruor? Ens summum cultu summo solum esse dignum agnosco. Illud omnibus præfero. Sed, cùm videam ipsum a me nihil exigere, fruor bonis quæ mihi secundarum ope causarum quibus me subiecit, largitus est, nec ipso inusuliter me occupo. Cùm nullum bonum per se & immediatè mihi conferat; hinc infero ipsum nolle, mentem & cor meum ipsi soli immediatè adhærere; aut saltem mentem & cor meum inter ipsum & res creatas dividi vult. Cùm solem gloriæ suæ participem fecerit, splendore & maiestate circumcinxerit, omnibus operibus suis præfecerit, cumque ab illius ingentis astris influxu omnia bona vitæ necessaria accipiamus, cur per aliquam vitæ nostræ partem ipsius lumine non gauderemus, & gratum ob ipsius magnitudinem ac beneficia animum ipsi non testaremur? Nonne ingrati animi criminis essemus rei, si a re creatâ tam præstanti omnium bonorum copiam recipientes, ipsis grates non perfolveremus? Et quis sine stupendâ cæcitate nullo venerationis & timoris motu duceretur erga illum cujus absentia nos frigore constringere & enecare, præsentia urere & destruere potest? Id jam dictum repeto; Deus omnibus anteposendus est, ac infinitè supra omnes res creatas venerandus; sed res ab ipso creatæ etiam sunt timendæ & amandæ. Hoc pacto ei qui eas condidit legitimus tribuitur honor; & ad nova in nos conferenda beneficia adigitur. Honorem rebus creatis præstitum ab ipso probari ex eo liquet quòd potentiam suam cum ipsis communicaverit, eùm omnis potentia honore sit digna. Sed quia honor tantò major esse debet quantò major est potentia, & potentia solis & aliarum rerum sensibilibus talis est, ut ab iis omne bonorum genus accipiamus, æquum est ipsas a nobis coli totis viribus, & nosmet ipsos totos post Deum ipsis consecrare.

Hæc sunt ratiocinia in quæ naturaliter dilabuntur, qui causarum secundarum efficaciam præiudicio favent. Et verisimile est primos idololatriæ Authores sic fuisse ratiocinatos. En tibi hac de re sententiam Doctoris inter Judæos celeberrimi, sic tractatum de Idololatriâ ordientis: *Tempore Enos homines in stupendos lapsi sunt errores, & sapientes illius*

R. Moser
Maimonides.

seculi sensu & ratione omnino destituti fuerunt. Enos ipse unus ex illis aberrantibus fuit. Hi sunt ipsorum errores. Cum Deus, aiebant, astra & celos ad regendum mundum creaverit, illa in loco edio collocaverit, splendore & gloriâ cinxerit, ac iis utatur ad sua exequenda mandata; æquum est ipsi a nobis honore affici. Voluntas Dei nostri est, nos honorem præstare iis quos creavit & gloriâ cumulavit: Quemadmodum Princeps vult suis ministris honorem deferri se præse, quia honor ministris tributus ad ipsum redundat. Postquam id in animum induxissent, templa in astrarum honorem adificare, ipsis sacra facere, ipsorum laudes dicere, & sese coram iis prosternere ceperunt; sibi hoc pacto Creatorem propitium reddere credentes. Hæc est origo idololatriæ.

Grati animi affectu moveri juxta bona quæ in nos conferuntur tam naturale & æquum est, ut * omnes penè populi solem adoraverint, quia bona quibus fruebantur ab ipso veluti a primâ causâ manare arbitrabantur. Ac si Ægyptii non modò Solem, Lunam, & Nilum, cujus inundatio Ægypto affert fertilitatem, adoraverunt, id factum est, † referente Cicerone, quia ex iis aliquam percipiebant utilitatem. Itaque, cum propensio illa qua homines versus veras felicitatis suæ causas naturaliter feruntur ab ipsorum mente excuti nec possit nec debeat, hinc evidenter patet aliquatenus saltem periculosum esse defendere efficaciam causarum secundarum, licet ipsi adjungatur necessitas concurrere immediati, qui concipi nequit, & præjudicatas opiniones nostras, quasi justæ essent, non secus ac Aristotelis Philosophiam, postquam eam amplexi sumus, approbat.

Sed tutissimum est nihil asserere quod clarè non percipiatur, & soli Deo potentiam & efficaciam tribuere, cum solæ ipsius voluntates necessarium & insolubilem habeant connexionem cum effectibus naturalibus. Fateor nunc homines satis habere cognitionis ut crassos respuant Paganorum & Idololatrarum errores. Sed ausim dicere mentem nostram, seu potiùs cor nostrum eodem sæpe modo disponi & infecti ac cor Paganorum, & semper aliquam in mundo Idololatriæ speciem esse grassaturam; donec JESUS CHRISTUS † omni imperio, dominatione & potestate, ut Drus sit solus in omnibus, devictis, regnum Patri restituerit. Etenim, nonne quædam est idololatriæ species ventrem sibi Deum constituere, ut loquitur Paulus. § Nonne ii sunt idololatræ ac Dei Mammonis cultores qui in acquirendis divitiis noctu diuque laborant? An ii Deo cultum debitum tribuunt, ipsumque in spiritu & veritate adorant, quorum cor alicujus rei sensibilis pulchritudine totum detinetur, & mens fulgore alicujus dignitatis imaginaria perstringitur?

Homines a corporibus omnes quibus potiuntur voluptates se accipere existimantes ipsi quàm arctissime possunt adhærent. Itaque erroris principium in eo situm est quòd impressione sensibili efficaciarum causarum secundarum convincantur. Sola ratio ipsis dicit Deum solum in ipsis agere: sed præter quàm quòd hæc ratio tam demissâ voce loquitur.

* Vid.
Voss. de
Idololatriâ.
lib. sec.

† Ipsi qui
irridentur
Ægyptii
nullam bel-
luam nisi ob
aliquam
utilitatem
quam ex eis
caperent,
consecraverant.

Cic. lib. 1.
De naturâ
Deorum.

† I. Cor.
XV. 24.

§ Quorum
Deus est
veniet.

Phil. II. 9.

Omnis for-
nicator, aut
immundus,

aut avarus
quod est
idolorum

servitus.

Eph. V. 5.

In spiritu
& veritate

oportet ado-
rare,

Joh. IV.

24.

tur ut eam vix audiant, & sensus qui ipsi adversantur tumultu suo ob-
tundunt; præterea, inquam, in præjudicio adhuc confirmantur ratione-
bus & argumentis eò perniciosioribus, quòd præ se ferant characteres
sensibiles veritatis.

Philosophi ac præcipuè Philosophi Christiani sensuum testimonia &
præjudicatas opiniones ac præcipue periculosas, qualis est, præconcep-
ta opinio efficacia causarum secundarum, impugnare perpetuò debe-
rent. Attamen, nescio quo moti incitamento, viri quos plurimum
& meritò quidem veneror, illud præjudiciū non modò confirmare
conantur; imò etiam sanctam hanc, puram, & solidam sententiam
quæ statuit Deum solum esse veram causam, vellent traducere ut do-
ctrinam superstitiosam & ineptam. Deum in omnibus amari & timeri
nolunt. Sed omnia, inquit, amari & timeri debent relatè ad Deum.
Res creatæ, inquit, sunt amandæ, quia bonæ sunt. Patri, Principi,
& superiori amor & honor est tribuendus, quia Deus id præcepit.
Id equidem non nego. Sed nego res creatas amandas esse ut bona
nostra, quamvis in se bonæ sint. Hominibus ut Dominis observan-
tiam & honorem posse legitimè tribui nego; Vel, ut clariùs aperiā
mentem meam, dico Domino suo non esse serviendum, nec patri aut
Principi obediendum alio fine quàm ut Deo serviamus & obediamus.

* Audiatur Paulus qui se omnia omnibus fecerat, & qui ad salutem
hominum procurandam ipsis in omnibus complacebat. *Servi, inquit,
obedite Dominis carnalibus cum timore & tremore, in simplicitate cordis
vestri SICUT CHRISTO: non ad oculum servientes quasi omnibus pla-
centes, sed ut servi Christi facientes voluntatem Dei ex animo, cum bo-
nâ voluntate servientes SICUT DOMINO ET NON HOMINIBUS:* Et in
aliâ Epistolâ. *Non ad oculum servientes, quasi hominibus placentes, sed in
simplicitate cordis Deum timentes; Quodcumque facitis ex animo operamini
SICUT DOMINO ET NON HOMINIBUS.* Patri igitur obediendum est, Prin-
cipi serviendum, superioribus honos deferendus UT DEO ET NON HO-
MINIBUS. Id clarum est nullisque obnoxium incommedis. Superioribus
major hoc pacto tribuetur honos & promptior præstabitur obedientia.
Sed Dominus, (id enim me posse asserere arbitror) qui honorem &
obedientiam exigeret, quasi in se aliam potentiam a potentiâ Divina
haberet, profectò impius esset; ac qui ipsi eo animo servirent essent
idololatræ; omnem enim honorem omnemque amorem qui versus
Deum non tendit esse species quasdam idololatriæ non possum quin cre-
dam. *Soli Deo honor & gloria.*

Hier. cap.
33. in
Mat.

* 1. Cor.
IX. 23. X.
33. Eph.
VI. 4. Co-
los. III. 22.
Nisi si ho-
minem pa-
trem voca-
mus hono-
rem etiam
deferimus;
non autho-
ritatem vi-
ta nostra
ostendimus.



A D M O N I T I O.


ETSI sequens dissertatio partim existit in Commentariis Regiæ scientiarum Academiæ, ipsam tamen huic operi subungere non abs re visum est, non modò quòd illustrationis loco esse possit circa ea quæ in hoc Opere disserui de luce & coloribus, verùm etiam quia Londini typis subiecta fuit pars ipsius ante decem annos, atque ad calcem Anglicæ versionis Tractatus de Veritatis Inquisitione: Timeo autem ut accuratè satis meam exhibeat sententiam hæcce versio, non ex culpa D. Taylor ipsius authoris, sed ex defectu manuscripti quod ipsi venit in manus. Optandum esset ut Interpretes ab Authoribus exquirerent quænam sint ipsorum operum quæ vertere sibi proponunt accuratissimæ editiones, sic enim utilior esset ipsorum labor & opera. Atque ideo partim Præfationi huiusce Operis catalogum subjeci optimarum Editionum Librorum meorum, quia, scilicet, ipsos fuisse versos comperi ex imperfectis non parum exemplaribus.

ILLUSTRATIO

De Luce & Coloribus, de ignis generatione, aliisque multis effectibus materiæ subtilis.

I. **U**T mea de naturalibus Lucis & Colorum causis sententia exponatur, ingentem concipiamus follem qui infinità penè vi extrinsecus comprimatur, & fluidà plenus sit materià cuius tam rapidus sit motus ut non modò circa commune quoddam centrum velocissimè tota simul circumagatur, verùm ut pars ejus unaquæque, quò suum totum impleat motum, hoc est, quò ex totà vi suà moveatur, circa centrum innumerorum minorum vorticum revolvi cogatur, atque ipsos inter fluere summâ celeritate. Uno verbo materiam in eo folli contentam talem propemodum concipiamus qualem descripsit Cartesius nostri materiam vorticis; nisi quòd ipsius secundi elementi globuli, quos duros supponit, nihil aliud sint ipsi quàm minores vortices, vel saltem non-

nonnisi per compressionem circumcingentis materiæ sint duri. Si enim per se duri essent hi globuli, * quod falsum esse satis superque mihi * Ultimò probasse videor, non possent, uti deinceps videbitur, lucem, variòs- cap. tract. que colores per idem transmittere punctum ubi se se decussant radii. de Inquisiti- Veritatis. Verum, si hæc hypothesis non facile concipi † possit, nunc sufficit † Infra sollem concipere aquâ, seu potius fluidissimâ materiâ, plenum, eamque probabîr insuper materiam summopere compressam. Circulus A, B, C, sectio tur. est hujus sollis per centrum.



II. His positis, si in eo solli foraminulum aperiatur, ut in puncto A, omnes dico aquæ partes, ut quæ, verbi gratiâ, sunt in punctis R, S, T, V, versùs punctum A per rectas RA, SA, &c. defluxuras esse; omnes enim ipsius partes quæ æqualiter undique premebantur, cum jam præmi desinant ex parte quæ foramini A respondet, versùs illud A tendere debent, quoniam omne corpus pressum huc debet tendere ubi minorem patitur resistentiâ.

Verum si applicetur embolus ad foramen A, atque is intus celeriter immitratur, eadem tunc partes R, S, T, V, eò simul omnes tendent ut per easdem rectas lineas AR, AS, &c. a puncto seu foramine A recedant; quia eo momento quo progreditur embolus, in eâ parte quæ huic directè respondet foramini plus comprimuntur quàm ullibi.

Denique, si concipiatur embolus celeritè immitti & retrahi, omnes utique materiæ fluidæ sollem accuratè replentis partes, quarum ingentem

gentem esse vim elasticam suppono, seu quæ tales sunt ut non nisi difficile comprimantur, magnæque vi intendantur, eæ, inquam, omnes partes innumeras patientur succussiones, quas voco *pressionis vibrationes*. Hæc jam ad lucem & colores, si placet, applicemus.

Cùm omnia sint plena, oculi nostri, etsi clausi aut in tenebris versantes, actu tamen comprimuntur; sed nullam colorum sensationem excitat hæcce nervi optici compressio, quia semper æqualiter comprimitur hicce nervus; quemadmodum aeris nos circumcingentis pondus non sentimus, etsi pondus æquet viginti & octo hydrargyri pollicum. Sed si aliquis concipiatur oculus in T, vel in alio quovis puncto, qui versùs faciem A sit conversus; flammæ partes, cùm continuo agitentur motu, fortius quàm in tenebris, & velocissimis succussionibus sive vibrationibus, subtilem materiam quoquoeversum, ac ideo, cùm omnia sint plena, usque in intimum oculum comprimunt; atque nervus opticus solito magis compressus, vibrationibusque succussus lucis & videndi splendidiq; candoris sensationem in mente excitabit.

Si in S corpus nigrum, M, supponatur, tunc utique cùm materia subtilis ab ipso versùs oculum ad hanc partem conversum non reflectatur, neque nervum succutiat opticum, niger conspicietur color, uti cùm oculos detorques versùs cryptæ alicujus spiraculum, aut in puvillæ foramen introspicias.

Si tale sit corpus M ut subtilis materia quam fax succutit ab ipso versùs oculum reflectatur, atque vibrationes æqualiter celeres in eo producat, album videbitur hocce corpus, atque tantò magis album quò plures erunt radii reflexi. Imo luminosum videbitur uti facis flamma, si perpolitum sit illud corpus, sicque omnes, vel plerique saltem eodem ordine reflectantur radii; quia ex vi vibrationum splendor, ex earundem celeritate color enascitur. Sed si corpus M tale sit ut inde reflexa subtilis materia vibrationes plus minùsve celeres, juxta certos gradus, quos accuratè definiri non posse credo, in oculo excitet, hic vel ille conspicietur ex simplicibus homogeneis sive primariis coloribus, quales sunt ruber, flavus, cæruleus &c. atque cæteri compositi colores, imò & candor, qui omnium est compositissimus, conspiciuntur pro diversis mixtionibus radiorum quorum vibrationes diversas habebunt velocitates. Dico candorem omnium colorem esse compositissimum, quia constat ex collectione vibrationum velocitate diversarum quas unaquæque pars flammæ diversâ in materiâ subtili producit. Cùm omnia sint plena atque summopere compressa, unusquisque radius in totâ suâ longitudine eandem conservat vibrationum velocitatem quam habet exigua pars flammæ eum producentis. Et quia flammæ partibus varius inest motus, colorum radii diversas necessariò vibrationes habent, diversâsq; patiuntur refractiones. Verùm hanc in rem legenda essent experimenta quæ in præstanti D. Newtoni opere exstant.

Ea sunt quæ intelligebam cùm in nonnullis Librorum meorum dixi
locis non in aliâ re consistere lucem & colores quàm in * diversis ma-
teriaz æthereæ succussionibus sive vibrationibus, *vel in plus minúsve ce-*
leribus pressioni vibrationibus quas in retinâ producebat subtilis materia.

* 1. part.
Meth. c. 4.
De Me-
taph. 12.
Colloq.
n. 1.

Simplex illa meæ sententiæ expositio ipsam fortassis non parum ve-
rosimilem reddet, iis saltem qui D. Cartesii Philosophiam norunt, nec
eam approbant colorum explicationem quam tradit Doctus ille Vir.
Verùm ut solidius de meâ opinione ferri queat iudicium, ipsam expo-
suisse non satis est, ea insuper aliquatenus probanda est.

III. Quod ut præstetur ante omnia observandum est;

1°. Sonum non aliter audiri quàm per aëris vibrationes quæ nervum
auditorium concutiunt; cùm enim ex anthliâ pneumaticâ aër, quantum
fieri potuit, extractus est, sonus mediocris jam ex eâ non auditur,
vel tantò minùs auditur quantò rarior ibi est aër.

2°. Tonorum differentiam non ex vi aëris vibrationum effici, sed ex
majori minorive earum velocitate, uti omnes norunt.

3°. Essentialiter differre sensationes quas mens experitur ex impres-
sionibus quas in organa sensuum operantur res objectæ, etsi quando-
que eæ impressiones non aliter quàm gradibus inter se differant. Nul-
læ sunt sensationes sibi magis oppositæ quàm dolor & voluptas. Qui
tamen se cum voluptate scabit, dolorem sentiet si aliquantò fortius se
scabat; quia major vel minor motus in fibris essentialiter differt tamen
relatè ad bonum corporis, jam autem hanc duntaxat relationem nos
edocent sensus nostri. Dulcedinem & amaritudinem, quæ tam oppo-
sitas creant sensationes, non aliter verosimile est inter se differre quàm
gradibus; multis erim id amarum est quod aliis dulce videtur. Fru-
ctus quidam hodie dulces cras erunt amari; vel minima igitur in cor-
poribus differentia sufficere, potest ut oppositissimas creent sensationes.
Verbo, arbitrarie sunt leges conjunctionis mentis cum corpore, atque
in rebus objectis nihil est quod simile sit sensationibus quas in nobis ex-
citant.

IV. Colores ex succussione organi visus pendere certum est. Ea
autem succussio non alias suscipere valet differentias nisi quòd fortis aut
debilis, lenta aut rapida esse potest. Verùm experientiâ constat colo-
ris speciem non mutari ex majori minorive nervi optici succussione,
quandoquidem non oppositos ac diversæ speciei colores efficit major mi-
norve lux, unde tamen pendet major minorve succussio; Hinc ergo
necessariò colligendum est diversos esse colores pro majori minorive vi-
brationum nervi optici, sive succussionum spirituum in eo contentor-
um celeritate, ac proinde, harum sensationum causam primariò oriri
ex vibrationibus plus minúsve rapidis subtilis materiæ quæ retinam com-
primunt.

Eadem est igitur ratio lucis & variorum colorum, ac soni diverso-
rumque tonorum. *Soni intensitas* ex majori minorive crassi aëris vibra-

Malebraucii de Inquisit. Verit. Tom. II.

X x tio-

tionum *validitate*, *tonorum* verò *diversitas*, uti omnes fatentur, ex majori minorive earumdem illarum vibrationum *celeritate* oritur.

Sic & colorum *intensitas* seu splendor ex majori minorive pendet vibrationum *fortitudine* non aëris sed subtilis materiæ; atque *diversa colorum species* ex majori minorive earumdem harum vibrationum *celeritate* oriuntur.

V. Cùm aër non nisi per atmosphæræ pondus comprimat, certo quodam opus est tempore ut unaquæque aëris particula sibi vicinam moveat. Ideo lentè satis transmittitur sonus. Intra unum minutum secundum centum & octoginta duntaxat percurrit hexapedas. Verùm de luce res secus se habet; quia se se tangunt omnes æthereæ materiæ particule, quia sunt fluidissimæ, atque imprimis quia comprimuntur per pondus, ut ita dicam, omnium vorticum qui ipsi per vim infinitam, quæ infinitæ Creatoris potentie respondet, aut saltem per vim penè infinitam, comprimuntur; Ita ut pressiois vibrationes, sive corporis lucidi actio uno momento, vel brevissimo tempore, se se transmittere debeat. Atque si infinita esset compressio partium ex quibus noster constat vortex, uno momento necessariò peragerentur pressiois vibrationes.

Fig. 9.


D. minus Hugen in suo *de Luce tractatu* ex Eclipsibus satellitum Jovis colligit lucem sexcenties mille vicibus velociorem esse sono. Atque revera totius cælestis materiæ pondus seu compressio longè utique majus est compressione quam super terrâ producit atmosphæræ pondus. * Alibi mihi satis demonstrasse videor corporum duritiem ex subtilis materiæ compressione pendere. Si res ita se habeat, ea compressio maxima esse debet, cùm sint corpora quædam ita dura, ut eorum vel minimæ partes non nisi vi maximâ separari queant. Relatio autem ponderis ætheris ad pondus atmosphæræ multò mihi major videtur quàm sexcenties mille vicium ad unam, imò ipsam ut infinitam quadantenus haberi posse existimo; Dominus enim Cassini quasdam Jovis satellitum Eclipses in diversis a terrâ distantis observavit, quæ cum sententiâ Domini Hugens nequaquam conveniunt.

* Inquit Verit. cap. ultimo.

VI. Nunc itaque ponamus omnes ætheris aut subtilis invisibilisque materiæ partes ex quibus constat vortex noster infinità penè vi a circumcingentibus vorticibus comprimi, atque ejus partium unamquamque fluidissimam esse, nec aliunde duram esse, quàm ex motu earum quæ ipsam circumcingunt & undique comprimunt; Atque videamus quomodo in eo quod propono systemate fieri queat ut innumerorum radiorum, sive diversorum colorum impressiones imperturbatæ se se communicent. Videamus quid fieri queat ut decies mille radii qui se se in puncto physico seu sensibili decussant, per idem illud punctum diversas omnes suas vibrationes transmittant; quoniam modò probavi non aliunde oriri posse colorum differentiam quàm ex majori minorive earumdem harum vibrationum velocitate. A vero videlicet non abhor-

rebit

rebit illud mundi systema quod magnam hancce difficultatem elucidare poterit.



A P E N esto alicujus cubiculi innumeris picti coloribus sectio, imo ita dispositi sunt hi colores ut in puncto A sit albus proximus nigro n, cæruleus b proximus rubro r, flavus i proximus violaceo v. Si ex omnibus his punctis A, n, b, r, i, v, ducantur lineæ rectæ quæ in certo puncto, ut in Q, se se decussent; atque oculus stet ulterius ut in E, c, d, f, g, b, varii hi omnes colores conspiciuntur per punctum intersectionis Q. Cùmque hæc figura unum modò colorum ordinem exhibeat, cùm contrà totidem fingi debeant colores quot sunt partes quas oculus distinguere valet in integrâ spherâ, punctum utique intersectionis Q plurimas excipere & transmittere debet varias impressiones, & tali quidem ratione ut aliæ alias se se non destruant.

VII. Si punctum physicum, sive globulus Q, corpus esset durum, uti supponit D. Cartesius, non posset oculus in E candorem videre in A, nec alius oculus in c nigrum conspiceret colorem in n. Cùm enim perfectè durum est aliquod corpus, si aliquantulum progrediatur aliqua pars hujus corporis, aut directò tendat versùs nervum opticum ex A, verbi gratiâ, versùs E, cæteras omnes hujus ejusdem corporis partes eodem tendere necesse est. Ergo ne candidus quidem & niger color eodem tempore conspici poterunt per radios qui se se decussent in Q.

D. Cartesius vult adhuc rubrum confici colorem per *gyrationem* globulorum quæ sese ab uno ad alterum communicat in toto radio a re objectâ ad oculum usque. Quæ opinio defendi nequit multis quidem de causis; sed ut evertatur, considerare sat est quòd si globulus Q ver-

X x 2 tatur

tatur super axe PN, ex r , ubi est ruber color, in f , ubi est oculus, non poterit simul revolvi super axe r, f , ex N, ubi adhuc suppono rubrum colorem, in P, ubi alium suppono oculum.

Cæterum cum dico sese decussare radios in globulo, sive exiguo vortice Q, non contendo minimos hosce vortices accuratè sphericos esse, neque etiam dico visibiles radios non aliam habere spissitatem præter eam quam haberet globulus secundi elementi, aut minimi vorticis; Quæ debeat esse horum radiorum crassitudo, ut nervum opticum sufficienter succuriant ad ostendendos colores, non definio; verum quæ de uno dixi globulo, de mille radiis aut de centum radiis myriadibus intelligenda sunt, si unus radius, ut sit sensibilis, æquè extensus esse debeat ac mille radii aut centum myriades globulorum aut vorticum.

VIII. Fieri itaque nequit ut globulus Q aut ejus similes eam lucis actionem transmittant quæ apta est ad omnigenos ostendendos colores, si duri ponantur hi globuli. Sed si infinitè fluidi aut molles concipiantur, qualia simplex idea materię omnia exhibet corpora, cum nulla quieti vis insit, cum unicuique alicujus corporis parti sit indifferens vicinam tangere aut ab eâ removeri, cum ab eâ faciliè separari debeat, si vis aliqua, aut motus aliquis eam non retineat, nulla enim alia vis in corporibus concipitur præterquam eorum motus; si, inquam, vel mollissimi concipiantur hi globuli, vel potius, quod verum mihi videtur, ut minimi vortices ex * materiâ veluti infinitè fluidâ, & summo pere agitâtâ constantes, innumeras suscipere poterunt varias impressiones quas cum aliis quibus innituntur, & quibuscum sunt quasi infinitè compressi, communicare poterunt. Atque id est quod explicare & demonstrare jam conandum est.

* Id infra
probabitur,
& conse-
quentiæ
deducen-
tur.

IX. Quod ut præstetur probè intelligendum est reactionem, quæ non secus ac actio per rectam lineam se se communicat, actioni hîc necessariò esse æqualem, ex hac quidem ratione, quæ effectui de quo agitur essentialis est, quòd vortex noster sit veluti infinitè compressus, ac proinde nullum possit esse vacuum. Si, verbi gratiâ, contra murum inconcussum impellat baculum, eadem vi retropellentur & manus & baculus quâ impuleris. Actioni æqualis erit reactio. Jam verò etsi non duri sint radii uti sunt baculi, idem tamen evenit respectu reactionis, propter compressionem ac plenitudinem vorticis nostri. Si enim ponatur dolium aquâ plenum, sive follis, qualem vides in primâ figurâ, qui sit aëre plenus, atque, tubo ad ipsum adaptato, in eum tubum impellatur embolus, tantumdem repellatur embolus quantum impulsus fuerit: si præterea in medio embolo foraminulum fiat per quod gliscere, ac e dolio effluere possit aqua, ubi embolum impuleris, tota aqua, quæ per embolum comprimetur, propter suam fluiditatem simul tendet per actionem ad recedendum ab unoquoque hujus emboli puncto, simul & per reactionem ad foramen in medio sæctum accedet. Si enim satis vehementer atque sufficienti velocitate immitteretur embolus,

lūs, rumpetur dolium in parte debiliori, ubicumque foret illa pars, quo demonstratur aquam per emboli actionem ubique dolium pressuram, atque, si vel tantillum impelleretur embolus, continuo resoluturam per foraminulum propter reactionem. Atque hæc omnia sic evenirent quia in pleno actioni æqualis est reactio, & quia sat mollis aut fluida est aqua, sive subtilis materia, ut unaquæque pars talem induat figuram, atque ita se se disponat, ut omnigenis cedat impressionibus.

X. Observandum est, quò vehementius in dolium impellitur perforatus embolus, eò etiam vehementius aquam, etsi versùs concavam doli superficiem impulsam, versùs embolum repelli, atque vehementius resiliere per ejusdem foramen. Unde judicare pronum est nigrum ali-quod punctum in chartà albà visibilis esse debere quàm in ceruleà; quia cum albus color lucem repellat majore vi quàm omnis alius color, non modò nervum opticum vehementer concutit, sed etiam in causà est cur subtilis materia majore vi ad nigrum punctum per reactionem tendat. Verùm si non esset infinitè mollis aut fluida subtilis materia, clarè patet globulos, qui albi coloris impressionem transmittunt, cum sint duri, nigri coloris impressioni obstaculo futuros esse, quia, cum se se invicem suffulciant hi globuli, versùs punctum nigrum non possent tendere. Atque si non comprimeretur ea ætherea materia, nulla foret reactio.

Quæ jam de albo & nigro dixi ad cæteros colores se se accommodare debent. Verùm eos persequi singulos, atque difficultatibus quas multi movere possent respondere difficillimum foret; Multa enim obijcere in rebus obscuris facillimum est. Verùm qui certa quadam obijcere norunt non ii semper omnes omnia valent intelligere dogmata unde pendet ipsorum difficultatum solutio. Non omnino supra captum est quì punctum sensibile materiæ infinitè fluidæ & undique compressæ innumeras veluti diversas impressiones simul accipiat, si modò duo hæc-
ce observentur. 1°. Ad infinitum usque divisibilem esse materiam, atque vel minimam spheram omnibus majoris spheræ partibus *correspondere possit*. 2°. Unamquamque partem eò tendere & progredi ubi minorem patitur pressionem; ac proinde molle quodlibet corpus inæqualiter compressum omnia formæ, ut ita dicam, circumcingentis lineamenta recipere, & eò quidem celerius quò fluidius est & magis compressum. Mitto igitur consequentiarum expositionem quæ ex his dogmatibus sequuntur, ex quibus consequentis vel solvi vel saltem minui posse mihi videtur stupenda illa difficultas, quòd, scilicet, diversorum colorum radii suas, se se decussando, vibrationes confundere deberent. Atque talis mihi videtur ea difficultas ut non aliter queat enucleari quàm per verum naturæ subtilis materiæ systema. Quicquid sit, sufficienter mihi probasse videor non in alià re diversos consistere colores quàm in diversà vibrationum pressionis materiæ subtilis velocitate, quemadmodum diversi Musicæ toni non aliunde oriuntur quàm ex diversà vibra-

tionum aëris celeritate, uti constat experientiâ; quæ semper vibrationes sese imperturbatæ decussant. Nec physicam modi quo se se communicant hæc omnes vibrationes rationem reddi posse arbitror, nisi modo exposita dogmata admittantur.

Cæterum, non ex iis arbitrandum est eveni D. Cartesii physicam quæ de globulis secundi elementi dixi, quos, nedum duos existimem, esse credo potius minimos fluidæ cujusdam materiæ vortices. Contrâ ad id prodesse potest mea sententia ut quod in ejus systemate generale est corrigatur & perficiatur. Si enim ad explicandam lucem cum suis coloribus inservire potest opinio mea, ad id etiam aptissima mihi videtur ut, juxta hujus Philosophi placita & methodum solvantur generaliores physicæ quæstiones, ut explicentur, exempli gratiâ, ignis generatio atque miri effectus; ut jam ostendere aggredior.

De Ignis generatione.

XI. Cum corpora nullum naturâ queant motum excipere nisi a certis quibusdam aliis corporibus ille motus cum ipsis communicetur, hinc clarè patet ignem accendi non posse, nisi subtilis materiæ motus cum crassis corporibus communicetur. Contendit D. Cartesius, uti omnes norunt, solum elementum primum suum communicare motum cum tertio ex quo constant crassa corpora, eaque accendere. Secundum ejus placita, cum ignis e silice excutitur, vi excutitur silicis particula; (ego potius arbitrarer accendi particulam e chalybe excussam, cum enim microscopio spectantur collectæ ignis scintillæ, comperitur ipsam chalybem liquefactam fuisse, atque vel in globulos, vel in sinuosos ductus reductam; nec ullam animadverti mutationem in fragmentis e silice excussis. Verum id ad rem nil facit.) Hæc igitur e ferro excussa particula in gyros se se vehementer agens secundi elementi globulos pellit, ita ut in ipsam refluat primum elementum quod ipsam undique circumcingens cum ipsâ partem sui motus rapidi communicat, ex quo accensa apparet. Ea est propemodum Cartesii de ignis generatione sententia. Eam fusiùs expositam videre poteris in quartâ ejus placitorum parte, n°. 80. & seqq. Sed si duri sint globuli, & se se tangant omnes, uti ponit ad explicandos colores, non faciliè concipitur qui versus partem e ferro excussam refluere posset primum elementum satis copiose ad eam circumcingendam atque accendendam, nec eam modò, verum etiam totum torrenti bellici, aut cuniculorum pulverem pyrium, cujus tam prodigiosi sunt effectus. Primum enim elementum quod refluere valet, nihil ad summum esse potest quàm minima materiæ subtilis portio, quæ triangularia & concava replet interstitia, quæ inter se relinquunt globuli se se tangentes; sed præterea non satis est valida, uti probare facile est, vis quâ refluxerit primum elementum, & premetur secundum. Sic ergo explico ignis generationem & violentos effectus,

fectus, ponendo scilicet secundi elementi globulos nihil aliud revera esse quàm minimos vortices fluidæ cujusdam & agitatissimæ materiæ.

XII. Verùm observandum est ante omnia, etsi non necessarius sit aer ad aliquam ignis scintillam excitandam, deficiente tamen aëre ignem extinguere continuo, ac ne ad pulverem pyrium quidem, ut ut accensu facillimum, posse transmitti. Cùm emittitur in anthliâ pneumaticâ minor scopetus pulvere pyrio recens instructus, experientiâ constat deficiente aëre non accendi pulverem pyrium, atque vel minimam ignis scintillam observare difficillimum esse. Denique norunt omnes aëre deficiente ignem extinguere, ipsumque accendi sufflando. His positis, sic ego ignis generationem velocissimamque in cuniculis effectum explico.

Si in vacuo silex chalybe affricetur, ictus vehementiâ excutitur e ferro aut e chalybe minima quædam particula. Hæc particula in gyros sese agens, atque nonnullos impingendo secundi elementi minimos vortices qui sese cuncti necessariò contrà premunt, ipsorum æquilibrium facillè tollit, potest enim tolli vel minimâ vi, atque ideo ipsorum partes determinat ad eam circumcingendam, deinde ad eam agitandam & accendendam. Verùm horum vorticum materia quæ nimis agitata fingi nequit, postquam uno momento multos habuit anomalos motus, partim sese celeriter restituit in novos vortices, propter resistentiam quam in suo patitur motu, partim in interstitia circumcingentium vorticum erumpit, quæ interstitia majora sunt, cùm ad particulam e ferro excussam hi accedunt vortices; nec ampliùs rumpuntur hi novi vortices, quia ferri particula rotundata, vel propemodum cylindrica, cùm circum suum centrum, vel longirudinem suam agatur, vortices circumcingentes non ampliùs ita impingit ut eos rumpat. Hæc omnia uno veluti momento peraguntur, cùm ferro silex affricatur in loco aëre vacuo, atque ferè non est visibilis scintilla, nec diu subsistit.

XIII. Verùm ubi patenti in aëre silex chalybe affricatur, particula e chalybe excussa, se se vehementer in gyros agens, non modò minores aliquot vortices impingit & concutit, sed plurimas etiam aëris partes, quæ ut pote ramosæ multò plures motu suo vortices impingunt & rumpunt quàm sola ferri particula. Unde cùm subtilis horum vorticum materia ferrum & aërem circumcingat, ipsis sat diversis imprimat motus ad reliquos vehementer repellendos vortices, vividamque in nobis lucis sensationem excitandam. Scintillæ itaque in aëre quàm in vacuo splendiores multò esse debent; ut & diutius manere, vimque pulveris pyrii accendi habere. Hic autem pulvis pyrius subtili materiâ carere nequit quâ agitur & accendatur, quantacunque sit pulveris quantitas, quia non sola primi elementi, uti credidit D. Cartesius, sed multò potius ipsa secundi elementi, sive minorum vorticum ruptorum materia extraordinarium ignis motum in cuniculis producit. Si attendatur quid in igne eveniat, ubi in eum sufflatur, hoc est ubi ingens aëris quantitas contra ipsum impellitur, nemo dubitabit quin apertissimæ sint

aëris

aëris partes ad plurimos secundi elementi vortices rumpendos, ac proinde ad eò adigendam subtilem materiam ut cum igne sui partem motus communicet. Non aliunde enim quàm ex hac materia vim suam aut motum ignis valet ducere, cum certò constet non aliter se le movere posse aliquod corpus quàm per actionem circumcingentium aut impingentium. Mirificentissimi speculorum ardentium effectus satis clarè comprobant veram ignis causam esse subtilem materiam: Cum lucis radii sese in foco horum speculorum decussent, minores ætheræ materiæ vortices, ex quibus hi constant radii, circularem suum in diversos sensus motum mutare debent, atque cò tendere ut omnes eodem sensu moveantur, hoc est secundum axim conorum lucis reflexæ, sicque penetrare atque concutere partes corporum quæ obvia habent.

Probatur hæce quam posueram hypothesis, parvis vorticibus necessariò constare subtilem sive ætheream materiam; eosque vortices naturalem esse omnium quas patitur materia mutationum causam; quod ex generalium physicæ effectuum explicatione confirmo, quales sunt corporum durities, fluiditas, gravitas, levitas, lux ejusque radiorum refraction & reflexio.

XIV. Non arbitraria est ea quam posui hypothesis, innumeris scilicet subtilem aut ætheream materiam constare vorticibus, qui summâ celeritate circa sua centra revolvuntur, quisque sibi invicem sunt æquilibrium, uti majores illi vortices quos in *Philosophiâ suâ* explicuit D. Cartesius; Cùmque persuasum habeam hoc esse verum principium generalis physicæ ex quâ pendent speciales effectus, ea nihîl probanda videtur, atque inde deducenda nonnullarum magni momenti veritatum consequentia. Verùm id oro Lectorem ut attentione suâ placita suppleat quæ iis arbitror esse nota qui Physicam callent, atque suum cohibeat iudicium donec argumenta mea legerit & aliquandiu meditatus fuerit.

Materiæ subtilis motus rapiditas evidenter probatur tonitruum aut potius pulveris pyrii effectibus. Corpus enim non aliàs moveri evidens est quàm cùm impellitur, nec impelli posse quàm ab eo quod ipsum immediatè tangit. Ferreus itaque globus ideo duntaxat e tormento erumpit quòd a pulvere pyrio protrudatur, nec aliter * agitur aut accenditur pyrius ille pulvis quàm a subtili materiâ quæ ipsum tangit & pervadit. Ac proinde summâ velocitate movetur subtilis materia; cùm primaria sit violenti motus globi causa.

Necesse

* Vid.
sup. artic.
de ignis
generatio-
ne,

Necesse est insuper ut in parvos se se constituat moveátque vortices, qui se se alii alios per vires centrifugas contrà premant, útque hi vortices ita sibi sint æquilibrio, ut omnes æqualiter comprimantur. Cùm enim omne corpus eò prorumpat ubi minus comprimitur, si qua pars ætheris minus comprimeretur cæteris, in ipsam utique reliquæ omnes reciderent. Facile quivis intelligit quòd si non æqualiter comprimeretur ætherea materia, diversi colores seu diversæ pressions vibrationes per immensâ spatia, uno * momento, atque salvâ semper eâdem vibrationum velocitate, se se transmutare non possent. * Supra No. III.

Ex dictis ergo, & alias propter rationes quas referre necessarium non existimo, certum mihi videtur non totum infumi materiæ æthereæ motum in circulari propemodum sive elliptico majorum vorticum cursu qui præcipuos planetas circum solem abripiunt, eorúmque satellites circum solem simul & planetam cujus sunt satellites. Rapidissimos insuper motus habent omnes hujus materiæ partes. Et quia infinitâ aut penè infinitâ vi comprimitur Orbis Universus, nec ullum datur ullibi vacuum, quoniam hæc subtilis materiæ partes mutuò sibi resistunt diversis suis & specialibus motibus, necessario semper se se dividere debent, atque minores constituere vortices, imo intra hosce alios adhuc minores efficere, aliòque iterum minus durabiles in concavis interstitiis quæ inter se relinquunt vortices se se tangentes. Quæ omnia ita se se habent, quia in infinitum usque divisibilis est inateria, atque unaquæque pars nullâ vi eam refugit divisionem, siquidem nulla quieti vis inest, nec aliunde oritur corporum durities quàm ex eorum motu quæ ipsa comprimunt, uti susè probavi in ultimo capite de Methodo.

Constat ergo mihi subtilem materiam, cujus summa est velocitas, in exiguos vortices se se constituere & movere, eosque vortices sibi invicem esse æquilibrio. Si enim hæc materia in eandem partem moveretur, omnia quæ circumfluit corpora in ipsius cursu velocius ictu fulmineo abriperentur; pulveris enim pyrii non secus ac tormentarii globi velocitas primariam habet causam ipsam æthereæ materiæ velocitatem; atque ex eâdem ratione propter quam Terra, aër, urbes &c. intra viginti quatuor horas a magno qui nos circumcingit vortice abripiuntur. Sed cùm minores hi vortices mutuâ suâ resistentiâ cogantur se se unâ componere, atque ita sese mutuò contrà premere, ut motus suos peragere valeant, se se veluti in æquilibrio inter se constituendo, cæterorum corporum partes comprimunt duntaxat alias contra alias, ubi se se immediatè tangunt horum corporum partes; siquæ ea reddunt dura, ita ut ad frangenda ea corpora, sive ad separandas eorum partes, certâ vi opus sit, (aut certo motu, vis enim * corporum nihil aliud est quàm ipsorum motus,) quæ vincere valeat vim de maiorum centrifugam horum vorticum qui inter se comprimunt durorum corporum partes. * Uti Cap. de maiorum

Vortices itaque æthereæ materiæ qui cum pulvere pyrio mixti sunt, eúmque circumcingunt, cum inter se sint in æquilibrio, in eo nullam creant mutationem; Eius partes comprimunt, nedum moveant atque separent. Verum ubi accenditur, hoc est, ubi sublatum est vorticum æquilibrium, atque pulveris partes involutæ sunt & natant in cursibus seu exiguis novis torrentibus materiæ multorum fractorum vorticum,

* N°. XII. * uti jam explicatum atque, opinor, satis probatum est, tunc utique pulveris partes ab iis aliquantulum accipiunt ex ipsorum motu cujus sextam adhuc duntaxat partem globo tormentario imperiunt, posito quod optimus pulvis in tormentum injectus duntaxat occupet in suo nucleo longitudinem diametri ipsius oris, quoniam cylindrica cava superficies, contra quam pulvis agit, æqualis est sex planis circularibus diametri oris tormenti. Dixi pulverem *aliquantulum* duntaxat accipere motus materiæ circumcingentis, non modò quia non totus nec eodem momento accenditur pulvis pyrius, sed etiam quia non diu natat in cursu materiæ ipsum abripientis. Cum enim non aliter movetur aliquod corpus quàm per communicationem fluidi circumfluentis, non uno accipit momento tantundem motus quantum fluidum; sed insuper exigui subtilis materiæ torrentes, cum omni sensu sint varii, inuicem sibi resistunt.

XV. Evidenter ergo patet æthereæ materiæ motum terribilis esse velocitatis, quoniam tantà velocitate e tormento erumpit ferreus globus gravissimus qui tamen non nisi exiguam ejus velocitatis partem ab ipsa accipit. Jam verò, cum demonstratum sit * vim corporum centrifugam æqualem esse quadrato ipsorum velocitatis per circuli in quo circumagi coguntur diametrum divisò; non mirum est quòd chalybis durities sit effectus compressionis minorum vorticum subtilis materiæ, si præcipuè summè exigui ponantur, tales, verbi gratià, ut multi millions diametrorum horum vorticum vix æquarent unam longitudinis lineam. Jam verò omnino necesse est uti multi sint tales minutissimi vortices, quoniam facillè non modò vitri, ad transmittendam lucis actionem, verum etiam chalybis poros permeent, centum fortè, aut etiam mille numero in singulis poris. Cum enim nulla alia vis insit corporibus præterquam ipsorum motus, ideo duntaxat resistit gladius, ubi quis eum insæctit, atque ad se se reflectendum tendit, quia minutissimi ætheris vortices qui sunt intra ejus poros, circularem suum peragere motum non possunt, quia gladii inflexio rotundam pororum in quibus circumagi coguntur figuram in ellipticam necessariò mutat. Si igitur per se ipsam multiplicetur stupenda subtilis materiæ velocitas, atque deinde dividatur per infinitè penè parvam diametrum circuli quem describunt hi minutissimi vortices, reperietur quantitas vis centrifugæ, ut ita dicam, infinitè magna relatè ad alias ejusdem naturæ vires, reperietur tanta vis ut non amplius mira futura sit adamantis durities quæ procul dubio aliun-

* Exstat demonstratio ad calcem operis.

aliunde oriri nequit quàm ex ætheris compressione, uti probavi de duritie omnium corporum.

XVI. Si quis contrifugam vim minimorum vorticum cum vi centrifugâ majorum conferre velit, ad judicandum exinde an prior earum virium duritiei & vis elasticæ corporum causa esse possit; conferre potest vim centrifugam minimæ partis aut puncti physici alicujus minimi vortici, quâ tendit ad recedendum a centro suo, cum vi centrifugâ quam habet similis terræ portiuncula ad recedendum a sole qui centrum est circuli quem describit, vel cum simili parte voluminis æthereæ materię quæ cum terrâ æquilibrium constituit, quæque eam cogit vi centrifugâ æquali ejus vi centrifugæ ad manendum in eadem a sole distantia.

Quod ut præstetur ponamus velocitatem puncti alicujus physici minoris vortici decies duntaxat esse majorem velocitate globi e tormento erumpentis. Non parum, procul dubio, ætheris minuo velocitatem, id evidenter patet ex modò dictis. Ponamus etiam physicum aliquod punctum terræ, quæ circum solem intra unum revolvitur annum, millies velocius esse globo tormentario. Ejus fortassis augeo motum, ut id ex calculo comprobari potest; Noscitur enim propemodum quodnam intra unum minutum secundum percurrat spatium globus tormentarius, sicque quodnam percurreret intra unum diem aut unum annum. Notum est etiam distantiam Terræ a Sole esse ad minimum decies mille diametrorum terræ, sicque noscitur quodnam terra percurrat spatium intra unum diem aut unum annum. Potest ergo propemodum detegi harum duarum velocitatum relatio, scilicet velocitatis terræ circa solem cum velocitate globi tormentarii, ac proinde cum velocitate subtilis materię quam probavi saltem decies esse majorem velocitate globi.

Ponendo igitur velocitatem puncti alicujus physici minoris alicujus vortici esse $\frac{1}{100}$ velocitatis puncti physici magni vortici, quadratum numeri $\frac{1}{100}$ erit $\frac{1}{10000}$. Nunc quæramus relationem diametrorum circulo-
rum. Diameter orbitæ Terræ est saltem viginti millium diametrorum Terræ, atque unaquæque diameter saltem continet hexapedarum sexagesies centena millia. Earum continet 6, 538, 594. juxta mensuram Illustrissimorum Academicorum, verum hæc negligo quingenta & tot millia hexapedarum, quanquam hic numerus multum auget relationem vis centrifugæ minorum vorticum ad vim centrifugam majorum. Denique unaquæque hexapeda totidem saltem continet poros aut minores vortices. Id in dubium non revocabunt qui bonis utuntur microscopiis. Sunt enim animalcula ita parva uti * ducenties centena millia ipsorum comprehendi possent in uno papilionis oculo. Id minus adhuc in dubium revocabitur si ad partes organicas insectorum, vel potius germinum ex quibus nascuntur, partes attendatur; eorum enim minutissima organa suam non possunt figuram diversamque stabilitatem
* Epist. II. Puzos pag. 124.

aliunde accipere quàm per pressionem minutissimorum vorticum ea circumcingentium. Ita ut possem adhuc meritò multis centenis centenarium myriadam myriadibus minorum vorticum diametros minuere; verbo, iis indefinitam parvitatem tribuere, unde ad infinitum usque augetur vis eorum centrifuga.

Igitur ponendo unam hexapedam duntaxat continere 6000.000 vicibus minoris Vorticis diametrum, ut reperiretur quoties hæcce diameter contineatur in diametro orbitæ quam Terra circa solem describit, hoc est, juxta suppositionem, in 20.000 vicibus 6.000.000 hexapedis, multiplicandus esset per se ipsum numerus 6.000.000, atque ejus productum per 20.000, sicque reperiretur diametrum minimi vorticis esse ad diametrum magni vorticis ut 1. ad 720.000.000.000.000. Jam verò centrifuga vis corporum æqualis est quadrato ipsorum velocitatis diviso per diametrum circuli in quo sunt compressa, & revol-

vi coacta. Ergo dividendo $\frac{1}{10000}$ quod est quadratum velocitatis minoris

vorticis collatum cum velocitate majoris, per $\frac{1}{720.000.000.000.000.000}$


quæ est diameter minoris vorticis collata cum diametro majoris, habebitur 72000.000.000.000 pro vi centrifugâ unius puncti physici minoris vorticis, quæ erit ad vim centrifugam unius puncti physici majoris ut magnus ille numerus est ad unitatem. Hic calculus, etsi parum accuratus, quadantenus indicare potest quàm stupenda sit minimorum vorticum vis centrifuga, quæ sola est duritiei corporum causa, & conatui quo ea frangere nitimur resistit.

XVII. Quod attinet ad corporum, aquæ, exempli gratiâ, fluiditatem, facile quivis intelligit, absque ulteriori tractatione, minores vortices ipsis hanc qualitatem impertire posse. Non solum enim particulas ex quibus constant fluida corpora undique circumcingunt & comprimunt, nec enim aliunde hæ particulae suam ducere possunt figuram & firmitatem, secundum ea quæ modò dixi, verum etiam eas certo a se invicem distantes intervallo sustinent, ita ut aliæ super alias facile gliscant, in quo sita est eorum corporum fluiditas. Cùmque aëre etiam circumcingantur, & graves sint, inter se gliscunt, nec nisi post aliquod tempus se se omnino separant.

Ex ignis generatione facile etiam concipitur quò diverse nascantur fermentationes ex diversis simul mixtis liquoribus. Ubi enim acida simul cum alcalinis se se immiscent, plures vel pauciores rumpunt vortices; ac proinde motus seu fermentationes majores aut minores edunt. Verum non clarè exponi possunt speciales uniuscujusque fermentationis rationes. Conjecturas ergo mittamus, atque ad gravitatem cujus ita occulta videtur causa veniamus.

XVIII. Multi Philosophi qui Cartesii sententiam non bene acceperunt,

runt, vel potius, qui eam ex ejus epistolis posthumis, potius quam ex ejus *philosophicis placitis*, quæ vivus in lucem ediderat, hauserunt, corporum gravitatem tribuunt vi centrifugæ quam subtilis materia ex suo circa terram motu circulari ducit. Verùm, uti a multis probatum est, & ab iis ipsis, qui hanc amplexi sunt sententiam, aut eam defendere volunt, oporteret ut hæc materia decies septies circiter æquè velociter revolveretur ac ipsa terra, ita tamen ut simul perpendicularem plumæ casus directionem non mutaret, nec vel minimam opposeret resistentiam homini qui contra ejus motum ambularet, quamvis maximam opponat resistentiam homini se se e terrâ attollere conanti, in quo manifesta videtur esse contradictio. Si enim subtilis materia se se decies septies æquè celeriter ac terra revolvendo trans plummam transiret, ita ut ejus perpendicularem casum nequaquam mutaret, hoc est, ita ut nullam sui motus partem cum ipsâ communicaret, mihi videtur corpora sursum projecta deorsum recidere non debere, quandoquidem subtilis materia ita posset ea trajicere ut ipsa non repelleret, cùmque ejus vis centrifuga cum ejus celeritate ne conferri quidem possit. Mihi contra evidens est corpora quæ involuta sunt in fluido pleno aut quod totum replet aliquod spatium, quæque in eo, cujuscunque sit naturæ, fluido natant, impressionem ab ipso accipere debere, atque post aliquod tempus æquè celeriter ferè progredi ac ipsum fluidum. Si res secus se haberet, fieri non posset ignis generatio: *Miraculosi* essent seu *supernaturales* pulveris pyrii effectus. Pulvis enim qui globum tormentarium impellit moveretur, licet non impulsus cursu subtilis materiæ, quæ tamen solum est corpus agitissimum quod pulverem immediatè tangat, quod est contra legem naturalem, nullum scilicet corpus ab alio posse moveri corpore quàm ab eo quod ipsum tangit. Contra arbitror planetas non aliâ ex causâ circa sua centra revolvî quàm ex motu fluidi ipsos circumcingentis: hoc est, si Deus ipsos non creavisset motu gaudentes, sed subtilem duntaxat materiam ipsos circumcingentem & pervadentem motu donasset, attamen post aliquot menses aut annos ipsi ut nunc revolventur. Non loquor de aliis quibusdam difficultatibus quæ adversus hanc gravitatis explicationem motæ sunt; ut, verbi gratiâ, corpora debere perpendiculi super axem terræ incidere non directè versùs ejus centrum, cui difficultati ingeniosissimè atque subtiliter admodum responsum est. Mihi, inquam, alias difficultates adversùs hanc de gravitate opinionem, meamque jam propono. Magnam suppono attentionem haberi ad vim centrifugam minorum vorticum qui se se undique premunt, & sibi sunt æquilibrio.



Concipiamus lapidem P. æthere E, E. undique circumcinctum; Evidens est ætherem lineâ AB ad terræ superficiem concentricâ inferiorem, non secus ac eum qui lineâ CD superior est, in perfecto esse æquilibrio, cum enim ejusdem sit naturæ, minimis constans vorticibus, omnes ejus partes vi suâ centrifugâ se se premunt, & æqualiter librant. Verùm ætherea materia quæ lineas AB & CD interjacet non est cum lapide in æquilibrio; quia lapidis partes nullum habent circularem motum, aut vim centrifugam per quam agant, & ad undique erumpendum tendant, uti agunt minimi vortices. Sic ergo æther supra lapidem se se attollere debet, eumque duas ob rationes deprimere. 1^o. quia nimirum minimi vortices supra quàm infra lapidem laxius esse possunt, quoniam ætheris velocitas in inferiori parte major est quàm in superiori, quandoquidem diversæ ejus a centro distantie inter se sunt reciproce ut quadratum ejus velocitatis in suis distantis, uti brevi videbitur. 2^o. quod palmarium judico, quia reactio quam patiuntur minores vortices multò major est a parte centri magni terræ vortices quàm ab omni aliâ parte. Atque hæc est ratio cur crassa corpora directè decidant versùs terræ centrum, uti jam demonstrare conabor.

Certum est Terram RST, vel ejus centrum O, tantumdem premi

mi a parte inferiori quantum a superiori, a sinistra quantum a dextera, relatè ad proprium ipsius vorticem qui eam undique aequaliter comprimit: Itaque actio vis centrifugæ omnium minorum vorticum qui defuper in lineâ AO dispositi sunt, in ipsos recidit, propter immobilitatem sive resistentiam centri O quod aequaliter pellitur a vorticibus qui sunt in parte inferiori. Si concipiantur duo minimi vortices 1. 2. alter alteri innitentes, atque compressi ab iis qui ipsos undique circumcingunt, actio vis centrifugæ prioris, per quam tendit ad erumpendum versùs O, tota in ipsum recidet, propter immobilitatem centri O. Secundus vortex magis adhuc quam prior repellitur a centro; præter quam quòd enim propria ipsius actio in ipsum recidet secundum lineam OA, pellitur adhuc per prioris reactionem. Si tertius superadjiciatur, plus adhuc repellitur quam secundus, & sic deinceps. Verum observandum est nova hæc incrementa minui prout abscedendo a centro in plures distribuuntur vortices; ita ut ad certam a centro distantiam cessent hæc incrementa, aut potius nulla ferè fiant.

Quòd si nunc pro vicefimo vortice corpusculum aliquod solidum concipiatur sine ullo motu, aut sine ullâ vi centrifugâ quæ in ipsum recidere possit, id corpus sursum quidem pellitur a novemdecim vorticibus qui ipso inferiores sunt, quique sunt in æquilibrio cum lateribus novemdecim, sed non tantumdem repellitur quantum vicefimus, utpote cui non inest ut vicefimo vorticis vis centrifuga quæ in ipsum possit recidere, ipsumque a centro terræ remove.

Inde igitur sequitur omnes minimos vortices lineâ AB inferiores, atque lineâ CD superiores aequaliter a centro O distantes, in æquilibrio esse, eandemque pati reactionem ex inferiori parte in superiore; verum in æquilibrio non sunt ii qui lineas AB & CD interjacent. Cum enim plures sint vortices in spatio EE, quam in lapide P. plus sursum pellitur æther qui est in spatio EE per eam quam patitur reactionem, quam lapis, & quidem eò magis quò plures sunt ibi vortices quam in lapide. Itaque cum æther plus pellatur sursum quam lapis, & undique comprimat, se se in lapidem effundit, propter summam suam mobilitatem & fluiditatem, eumque versùs terræ centrum depellit, idque fit eadem ratione quâ fit ut aqua, utpote plus impulsâ deorsum quam lignum, super lignum gliscat, illudque attollat.

Jam autem concipiamus magnum subtilis materiæ vorticem terram circumcingentem, cum undique aequaliter comprimat, hanc quam continet materiam versùs terram pellere, atque pro minimis vorticibus nihil aliud ibi esse quam globulos infinitè duos & solidos, ac proinde non elasticâ, non centrifugâ vi præditos; globuli 1, 2, 3 sustinebunt pondus quod eos aequaliter comprimit ab utrâque centri terræ parte, sed non resilient, utpote quibus nulla sit vis elastica; neque enim aliter quam per vim elasticam resiliunt corpora, uti vidimus in legibus communicationis motuum; atque modò vidimus non aliunde pendere vim

vim elasticam quàm ex vi centrifugâ minimorum vorticum qui sunt intra poros corporum. Si igitur non resiliant, lapis P flabit in æquilibrio cum æthere EE qui ipsum circumcingit.

Expendamus adhuc numnam oriatur lapidis gravitas ex eo quòd circa terram multò celerius revolvatur subtilis materia quàm ipse lapis, ita ut per vim centrifugam, quæ ex summâ ejus velocitate oritur, tendens ad se supra lapidem attollendum, ipsum sic versus terram depumat. Verùm ut utilius & gratius fiat illud examen, quaratnus ante omnia quæ causa sit gravitatis planetarum quæ eos circa solem revolvit cogat, uti videamus an eadem sit quæ gravia corpora hic in terris depicit.

Pono 1^o. agitattillimam esse materiam in magno cujus sol est centrum vortice comprehensam, & quæ omnes præcipuis planetas eorùmque vortices abripit, ipsamque ideo circulum describere cogi, quòd æqualiter ab aliâ circumcingente materiâ undique comprimatur. 2^o. Hanc externam compressionem, cum æqualis supponatur, totam æqualiter comprimere materiam vorticis versus solem qui ejus est centrum. 3^o. Compressam materiam per vim centrifugam, quam ex celeritate motus sui ducit, vim compressionis, quæ ipsam versus solem impellit, contrâ librare. Hæcce compressio, sive hæcce gravitatis species subtilis materiæ vi centrifugæ æqualis est. Omnes enim orbis universi partes vel sunt jam in æquilibrio, vel ad sese in æquilibrio constituendas tendunt; juxta illud scilicet generale physicæ axioma, omne corpus a certâ parte minus pressum quàm ab aliâ tamdiu moveri donec undique æqualiter prematur. His positis, atque sepositis difficultatibus quæ adversus has hypotheses moveri possunt, concipiamus totam cœlestem magni hujus vorticis materiam, vel solummodo eam quæ jacet in plano eclipticæ e quo non multum aberrant planetæ, in varia dividi strata, a superficie vorticis ad solem usque. Cuncta illa circularia strata inter se erunt ut ipsorum diametri, seu ipsorum a sole distantia. Unde sequitur ex generali mechanices axiomate, vel ex hac communi notione, nullum esse æquilibrium quàm ubi contrariæ vires æquales sunt, inde, inquam, sequitur, ut omnia illa superiora & inferiora strata in æquilibrio stent, atque gravitatem seu pondus suæ versus solem compressionis æqualiter sustineant, non per simplicem ipsorum velocitatem, sed per vim centrifugam quæ ex ipsorum velocitate nascitur, sequitur, inquam, ut res ita se habeat, oportere ut sint inter se in reciproâ ratione quadratorum ipsorum velocitatum. Vis enim centrifuga uniuscujusque puncti horum stratorum non est æqualis ejus velocitati, sed æqualis est quadrato ejus velocitatis diviso per diametrum ejus orbitæ. Hujus rei argumentum exstat, si opus sit, ad calcem hujus operis. Oportet igitur ut, cum reciprocè augeatur stratorum velocitas ut stratorum vel diametrorum, vel denique distantiarum a sole radices, nam circumferentiæ, sive strata in eadem sunt proportionem ac ipsorum radii sive diametri; oportet, inquam, ut stupendum in modum

dum rapida sit velocitas ætheræ materiæ Soli proximæ. Posito enim nostram hîc a centro Solis distantiam esse trecenties centenorum millium leucarum, atque materiam, quæ solis superficiem lambit, ab ejus centro distare triginta millibus leucarum, necesse est, ad servandum æquilibrium, ut velocitas subtilis materiæ Soli proximæ ad eam quæ terram circumlambit sit ut radix trecenties centenorum millium ad radicem triginta millium, atque adeo plus quàm quinquies mille vicibus major quàm hîc est, & plus quàm quinquagesies mille vicibus major quàm in Saturno, qui nimirum non omnino proximus est extremitati vorticis. Attamen cœlestis materia ubique est in æquilibrio ad Solis usque superficiem, ubi tollitur æquilibrium, quia revolvitur Solis superficies intra viginti & septem dies cum semisse, cùm revolvi deberet intra tres vel circiter horas ad servandum æquilibrium quemadmodum superiora vorticis cujus est centrum strata. Itaque subtilis materia non habet in Solis superficie vel decentesimam partem velocitatis circularis quæ necessaria esset uti per vim centrifugam compressionem seu gravitatem vorticis sustineret; gravitas enim vocari potest quicquid materiam propellit ad centrum circa quod revolvitur. Legi potest computatio velocitatis circularis quâ donari oporteret cœlestem materiam in Solis superficie, ut ibi æquilibrium servaret, in sexto capite novi systematis D. Villemot, quod opus certè Authoris magnam ingenii extensionem atque intentionem prodit.

Ex dictis sequitur, ut mihi quidem videtur, solem nihil aliud esse quàm ignem, hoc est, acervum fractorum vorticum, ipsùmque vorticis gravitatem seu pondus, cùm per solam non possit vim centrifugam, quæ ex circulari materiæ ex quâ constat celeritate nasceretur, sustinere strata repellendo sibi proxima, non per uniformem pressionem, qualis est pressio superiorum stratorum, quæ pressio æquilibrium duntaxat servaret in materiâ vorticis, non verò lucem, aut calorem in eodem produceret, nihil enim producit solum æquilibrium. Sed illud sustinet pondus per velocissimas vibrationes, quæ totam ex quibus constant diversa corpora materiam, ut ita dicam, animant, easque omnes mutationes producunt quas in variis anni tempestatibus videmus. Verùm ea non sunt mei propositi.

Certum est itaque ex generali mechanices axiomate, omnia circularia strata, a solis superficie ad vorticis extremitatem, in æquilibrio stare non posse, atque per solas centrifugas vires æqualiter ferre compressionem aut gravitatem quæ cuncta versùs centrum pellit, nisi inferiora strata sint ad superiora in ratione reciproci quadrati ipsorum velocitatum. Constat etiam ex Observationibus Astronomorum, quadrata temporum revolutionis præcipuorum planetarum circa Solem, atque imprimis Satellitum Jovis & Saturni circa duos hosce planetas, esse inter se ut cubos distantiarum a centro suæ orbitæ. Unde sequitur astronomicas observationes planè concordare cum iis quæ ex ratione probata sunt. Si enim in proportionem, quæ ducitur ex observationibus, temporibus

Malebraucii de Inquisit. Verit. Tom. II.

Zz

sub-

substantiantur eorum valores, hoc est, planetarum revolutiones per ipsorum velocitates divisæ, eadem reperietur proportio ac ea quæ secundum rationem necessaria est, ad servandum æquilibrium in stratis subtilis materiæ. Horum specialem operationem mox tradam. Ex his liquet planetis eandem esse velocitatem ac stratis circumcipientibus, seu potius ipsos intra idem temporis spatium integram suam revolutionem peragere. Integram dico revolutionem, Planetæ enim aliquantò lentius procedere debent, cum suam augment velocitatem strata, velocius aliquantò, cum lentius procedunt strata in variis suæ revolutionis partibus, sed integram ipsam absolvunt simul cum suis stratis; alioquin enim post suas revolutiones non in eadem versarentur a Sole distantia, ut & neque satellites in eadem a suis planetis.

Liquet ergo veram Planetarum & circularium stratorum gravitatem illam, nempe, quæ pelluntur ad centrum vorticis, illam quæ circumulum describere coguntur, illam denique cui per centrifugam vim, quæ ex ipsorum velocitate nascitur, resistunt, illam, inquam, gravitatem e centro vorticis non oriri, sed ex externâ ipsius compressione. Contrâ corporum gravitas prope terram aut prope Planetas oritur ex reactione quam eadem hæc externa compressio patitur in centro vorticis æqualiter undique in partes contrarias pressi. Hæc gravitas, uti jam supra exposui, oritur ex vi centrifugâ minorum vorticum qui, veluti totidem minima *elateria* ex compressione, quam propter terræ seu Planetæ immobilitatem patiuntur, intenta, se se supra crassa constituunt corpora quæ his elateriis partim privata sunt, minores enim vortices considerari possunt ut *elateria*, quia sine his nihil est elasticum.

Accuratè igitur observandum est, ubi inferiora strata superioribus non nisi per vires centrifugas resistunt, sive vorticis compressionem aut pondus sustinent, tunc opus esse, ad servandum æquilibrium, ut accuratè observetur regula Kepleri. Id liquet ex ratione, & constat ex astronomicis observationibus. Cum autem a centro vorticis distantiora sunt strata, reactio quæ ex compressione oritur, cum decrescat & minuatur simul ac a centro recedit, non usque ad hæc remotiora ascendit strata, atque vel nullatenus vel parum concurrat cum eorum centrifugis viribus ad sustinendam gravitatem superiorum stratorum. Sic ergo Kepleri regulam sequi debent satellites Jovis, ut & strata quæ ipsos abripiunt.

Ex eadem ratione, si stratum subtilis materiæ, quæ Terram circumcingit, vorticis compressionem per suam duntaxat vim centrifugam sustineret, vel, quod ad idem redit, si gravitatem procrearet per eam vis centrifugæ speciem, certò demonstratur hoc stratum subtilis materiæ sedecies circiter fore velocius quam æquatorem terræ. Sed reactio quæ nascitur ex compressione in centro immobili sedecies tantum dem concurrat ad sustinendum pondus superiorum stratorum, æquilibriumque servandum, quantum vis centrifuga hujus strati; atque hic est con-


concurfus, hæcque reactio quæ causa est veræ crassorum corporum gravitatis. Cum enim necessarium sit ut stratum materiæ subtilis nos circumcingentis habeat ex regulâ Kepleri decies septies tantumdem velocitatis quantum terra ad servandum æquilibrium per vim suam centrifugam, inde sequitur quod si minùs celeriter revolvitur, ipsi addenda est vis æqualis ei quæ ipsi deest, alioqui tolleretur æquilibrium. Cum igitur idem sit conatus subtilis materiæ a centro ad circumferentiam, sive cum eadem sit resistentia quam hîc in terris superioribus stratis opponit, sive decies septies revolvatur æquè celeriter atque terra, sive secus, quoniam necesse est servari æquilibrium, atque sustineri superiora strata; inde sequitur nihil certi posse colligi circa velocitatem subtilis materiæ, neque per comparisonem ad velocitatem Lunæ, neque sequendo regulam Kepleri.

Observandum est regulam Kepleri non aliis probari quàm duobus quæ attuli argumentis, quorum alterum e mechanicis deducitur, & certissimum est. Verùm supponit cælestia strata non nisi per centrifugas suas vires sibi resistere, vel se se mutuò contrâ librare. Jam autem id certè non verum est respectu stratorum quæ centris vorticum sunt proxima. Alterum, quod ex astronomicis deducitur observationibus, rectè etiam concludit respectu Planetarum & stratorum remotorum quæ ipsos abripiunt. Verùm evidens est nullas esse posse observationes quibus doceamur quænam sit cælestium stratorum Planetis proximorum velocitas. Contrâ ex observationibus discimus neque Solem, neque Terram, neque Jovem æquè celeriter revolvî atque id postulat Kepleri regula, unde meâ quidem sententiâ satis verosimiliter probatur subtilem materiam, quæ ipsos immediatè circumcingit, eam non observare regulam. Verùm tot sunt alia demonstrativa argumenta materiam scilicet non decies septies æquè celeriter ac terram revolvî, eâque detegere ita facile est, ut Lectori tædium afferre mihi videret, si eis diducendis immorarer.

Uti meliùs adhuc concipiatur naturalium effectuum generale principium esse minorum vorticum velocitatem & vim centrifugam, quod hoc in scripto mihi præcipuè propono, demonstrare jam tentabo iude unicè pendere certas quasdam lucis proprietates, eamque præcipuè quæ reflectitur & refractionem patitur ad superficiem, seu potius prope superficiem corporum; antea tamen hîc eam tradam demonstrationem quam modò promisi, quàmque suo in loco non scripsi, quia eâ non indigent nonnulli Lectores, plerique eam intelligere non poterunt, vel legere solent. Ea est autem.

Probatur id quod modò dixi, si, nempe, in cognita temporum periodicorum planetarum ad suas a sole distantias proportionem pro temporibus eorundem subjiciatur pretium, eandem d:ccum in proportionem ac quæ æquilibrium servat in cælestibus vorticis stratis.

Docent Astronomicæ observationes quadrata temporum revolutionum Planetarum esse inter se ut cubos ipsorum distantiarum a communi centro ipsorum revolutionis. Sic *tt. TT.:: d³. D³*. Si fumatur *t* pro tempore revolutionis Planetæ inferioris, *d* verò pro ejus distantia a centro, & pariter *T* & *D* respectu superioris.



His positis si vocetur *v* velocitas alicujus puncti B circuli vel arcus inferioris AB: *x* verò velocitas alicujus puncti D arcus superioris CD: Tempus *t* revolutionis puncti B circa Planetam vel

Solem S erit $\frac{c}{v}$ & quadratum *tt* erit $\frac{cc}{vv}$,

vocando *c* arcum seu circumulum AB: Tempus enim est æquale spatio diviso per velocitatem.

Atque eadem ratione habebitur $TT = \frac{CC}{xx}$.

vocando *C* arcum five circumulum superiorem CD. Cum igitur hi Planetæ eadem revolvantur velocitate, seu, cum integram suam absolvant revolutionem intra idem tempus ac fluidum quod ipsos circumcin-

git & transfert; habebitur *tt. TT. vel* $\frac{cc}{vv} \cdot \frac{CC}{xx} :: d^3. D^3$. vel, si diametri ponantur pro peripheriis, quæ ipsis sunt proportionales,

$\frac{dd}{vv} \cdot \frac{DD}{xx} :: d^3. D^3$. ergo $\frac{d}{xx} = \frac{D}{vv}$. Oportet igitur secun-

dum observationes ut *d* sit ad *D*, vel *c* ad *C* ut *xx* ad *vv*, hoc est ut quadratum velocitatis puncti B, five arcus AB, qui eadem decurrit velocitate, sit ad quadratum velocitatis arcus CD, ut arcus CD ad arcum AB, hoc est, in reciproca ratione arcuum, vel circumulorum, vel diametrorum, quod æquilibrium creat in cælesti materia.

Sed si Astronomi ex suis non agnovissent observationibus relationem temporum revolutionum Planetarum ad ipsorum distantias a communi ipsorum revolutionum centro, id detegi posset ex ratione quæ sequitur, per cognitionem centrifugarum virium. Necessarium est in vorti-

vortice ut sphaeræ quibus constat se se contrà librent, & sint in æquilibrio, quia si sphaera quam repræsentat arcus AB in æquilibrio non statet cum sphaerâ arcus CD, in eo se se continueret, ex eo scilicet axiomate, omne corpus eò tendere ubi minus pressum est. Ut autem stratum sphaericum inferius AB in æquilibrio stet cum superiori CD, siue æqualiter ferat pondus compressionis vorticis, necessarium est, ex generali Mechanices axiomate, ut eorum centrifugæ vires cum ipsis sint in ratione reciproca. Cùm itaque vis centrifuga alicujus puncti æthereæ materiæ ex quâ constat inferius stratum AB sit ex virum centrifugarum demonstratione $\frac{vv}{d}$, vis centrifuga totius strati erit $\frac{vvv}{d}$. At-

que ex eadem ratione vis centrifuga superioris strati erit $\frac{XXCC}{D}$. Cùm autem æquales debeant hæ duæ vires, ut æqualiter vorticis compressioni resistant, habebitur æquatio $\frac{vvv}{d} = \frac{XXCC}{D}$ vel $vvv = XXC$,

quia $\frac{v}{d}$ æquale est $\frac{C}{D}$, vel denique $vvv = XXD$. Atque si in

hac ultimâ æquatione pro v & X subjiciatur ipsorum pretium, nempe peripheriæ per tempus revolutionum divisiæ, vel pro peripheriæ diametri quæ in eadem sunt proportionem ac peripheriæ, habebitur

$$\frac{Dv}{TT} = \frac{dV}{\mu} \text{ vel } \mu : TT :: d^3 : D^3, \text{ quod est id ipsum præcisè quod}$$

suis detexerunt observationibus Astronomi. Ratio hîc igitur cum experientia consonat, quia in perfecto est æquilibrio tota cælestis materia, vel eò tendit ut in eo se constituat. Nunc transeo ad lucis proprietates.

XIX. Cùm radius lucis AC in rarâ versatur aut subtili materiâ, qualis est aër, atque obliquè incidit in superficiem MN pellucidi corporis quod sit aëre densius & gravius, qualia sunt aqua aut vitrum, constat experientiâ hunc radium, vel ejus actionem aut pressionem, secundum duas dividi lineas, quarum altera vitrum ingreditur, ipsûmque ingrediendo declinat versùs lineam TC quæ perpendicularis est ad lineam MN quæ aërem ab aquâ separat, altera verò reflectitur secundum lineam quæ format cum eadem perpendiculari reflexionis angulum angulo incidentiæ ACL æqualem. Hæc docet experientia.

superficiem ingrediuntur, quantumvis sint obliqui, quamvis unus minuti secundi aut tertii duntaxat esset angulus quem cum superficie obliquus format radius RC , omnes, inquam, illos radios aquam penè ingredi. Illorum verò, qui ex aqua versùs aërem tendunt, ne unum quidem ipsum ingredi, quamdiu angulus quem cum superficie faciunt minor est quàm 41 gradibus 25 minutis quæ est magnitudo anguli rCS , quia refraçtio aquæ relatè ad aëris refractionem est ut 3 ad 4. Quòd si e vitro in aërem transirent radii, nullus e radiis ipsum ingrederetur quamdiu angulus quem cum superficie faceret minor esset quàm 49 gradibus, quia vitri refraçtio est ad aëris refractionem ut 20 ad 31.

5°. Observandum est quòd si aliquantulum, ut uno gradu augeretur angulus obliquitatis rCE lucis quæ ex aqua incidit in aërem, tunc omnes serè radii eum ingrediuntur, atque, uti videtur, non copiose minùs quàm si decies magis augetur.

6°. Denique quò densiora sunt aut gravia corpora pellucida, cò major est refraçtio radiorum ipsa ingredientium; quibus positis experimentis eorum nunc physicas quæramus causas.

Non arbitrandum est radiorum reflexionem itidem fieri uti fit corporum durorum & elasticorum contra planam superficiem impulsorum reflexio. Cùm omnia sint plena & infinitè compressa, se se reflectunt radii, suàmque transmittunt actionem ita ut locum non mutant minores ætheris vortices. Ibi fit pressio duntaxat sine motu, nisi fortè qui necessarius concipitur vibrationibus pressionis, atque diversè reflectuntur aut refranguntur radii secundum rectam lineam diversarum pressionis determinationum.


Vulgò arbitrantur ideo tantùm reflecti radios quia impingunt adversùs solidas vitri partes quæ ipsis resistunt. Verùm plures ob rationes defendi nequit hæcce: ut ut naturalis verosimilisque, opinio.

1°. Non fit verosimile radios maxime obliquos in aquæ seu vitri superficiem, quique ipsam lambunt, ipsam facile & plerosque ingredi posse quin crassissimas offenderent partes a quibus reflecterentur, atque ne unum quidem e radiis qui e vitro in aërem transeunt ipsum ingredi posse quin maximus sit ipsorum obliquitatis angulus. Quis enim credat aërem, qui lucem tam facile transmittit, longè plures crassas habere partes a quibus reflectatur, quàm habent aqua & vitrum; atque non esse nonnullos saltem radios qui e vitro egredientes aliquem reperiant locum per quem possint aërem ingredi, & in eum suam transmittere actionem, cum angulus obliquitatis 39 graduum aut etiam minor esset?

2°. Quis concipiat e radiis qui ex aqua aut e vitro egredi conantur ne unum quidem ea posse ingredi cùm angulus ipsorum obliquitatis minor est quàm 40 gradibus, eam scilicet ob rationem quòd eas reflectunt crassæ aëris partes, dum tamen, si vel tantillum augeatur obliquitatis angulus, omnes penè ingrediuntur, atque totidem minimam,

rum, cum uno gradu augetur angulus, quot si viginti gradibus augetur? Hæc nonne aliam evidenter produnt causam reflexionis quæ ad superficiem aëris duntaxat peragitur quàm crassarum ejus partium occursum? Verùm en adhuc demonstrativum magis argumentum.

Si luforia charta perforetur, atque Soli vel splendide luci exponatur, tum subjiciatur vitrum in quod incidat interceptus radius, conspicietur duo minimi circuli lucidi, quorum alter conspicietur per lucem quæ ad vitri superficiem reflectit, alter verò per lucem quæ reflectitur ad inferiorem aëris superficiem cum ipsam ingreditur radius. En tibi quod sequitur iter, poneudo vitrum planum & æqualis spissitatis.



Radius interceptus AC offendens vitrum FK in puncto C reflectitur in L, atque totâ diminutus reflexâ luce vitrum ingreditur, & refrangitur in B, ex B refrangitur adhuc ad D, atque directâ diminutus luce ad M reflectitur, tandem luce diminutus reflexâ ad 7 per secundum aëris occursum, refrangitur ad N, lineæque MN, quæ, ex Legibus optices, & secundum experientiam, parallela est ad CL, est linea radii qui ostendit circulum minus lucidum, nec aliunde suam mutuatur lucem quàm ab illâ quæ reflectitur e radio CB, dum transit e vitro in aërem infra positum. Jam verò dici nequit radium BMN reflecti ab inferiori vitri superficie; non nisi a subtili materiâ aut a crassius aëris partibus reflecti potest.

Experientiâ autem constat ipsum non reflecti a crassis partibus aëris. Cum enim in anthliâ pneumaticâ appositum est vitrum, atque exinde extractus est, quantum fieri potest, crassus aër, id nullam attulit sensibilem mutationem in vi radii reflexi; quamvis autem non possit extrahi totus aër, juxta Boileum ne decies millesima quidem ejus pars remanet.

remanet. Jam parum ipsius remanet ut æquè celeriter, specie tenus, ibi decadat pluma ac plumbi frustum, certum est autem non nisi propter aëris resistentiam lentè decidere plumam. Evidens est ergo radiorum reflexionem non ex crassarum vitri, aquæ, aëris, aut alius crassi corporis partium occurſu oriri.

Quid sit ergo de radiis qui solidas offendunt particulas ex quibus constant vitrum aliæque omnia corpora? Eos exſtingui puto; En tibi quare & quo pacto. Cùm radii duntaxat conſiſtant in vibrationibus preſſionis in rectam lineam intra minimos vortices qui omnes ſtant in æquilibrio, ſibiſque per vires centriſugas mutuò reſiſtunt; non utique repelluntur ubi in ſolidam vitri, cui nulla eſt vis centriſuga, particulam incident; Idem eſt ac ſi in mollem aliquam particulam inciderent: Dura quidem eſt, ſed cùm non aliter dura ſit quàm per compreſſionem vis centriſugæ minimorum vorticum qui ipſam circumcingunt, & ex quibus, non ſecus ac omnes in genere ex quibus corpora conſiſtant particulæ, ſuam & figuram & firmitatem ducit, uniſcuſjuiſque preſſio vibrationis quæ in hanc incidit particulam, ſe ſe non regulariter diſſundit in vortices ipſam comprimentes. Sic autem exſtinguitur radius ut pote qui non in aliâ re conſiſtat quàm in vibrationibus preſſionis in rectam lineam, atque ſic modò paulatim excitatur aliquis calor, calida enim corpora ideo duntaxat calida ſunt quòd ſuccutiantur particulæ ex quibus conſiſtant. Atque ideo etiam nigra corpora ſoli expoſita multò plus incaleſcunt quàm alba corpora quæ radios reſſectunt, & quàm pellucida quæ eos ſerè omnes tranſmittunt.

Quòd ſpectat autem reſractionis cauſam variæ propoſitæ fuerunt ſententiæ quarum hæc eſt verofiſſima quòd ſcilicet, cùm aër ſit craſſior ſubtili materiâ quæ pellucidorum corporum poros replet, radios ipſa ingredientiſ ab aëre craſſo ipſiſ reſiſtente repelli oporteat, atque ſic ad perpendicularem reſfrangi; verùm cum eâ ſententiâ conſentire nequeunt ſuperius experimentum & alia nonnulla quæ inſtituta ſunt: Ac ſanè radii qui craſſas aëris partes offendunt, eâſque ſuccutiunt, ſe ſe, uti dixi, exſtinguunt, vel ab ipſiſ non repelluntur ſaltem quomodo neceſſe foret ut ipſius vibrationes continuarent, vel tranſmitterent, neque ſatis vehementer ad ſrangendos radios æquè ſortes atque ſunt in ſuperficie vitri aut adamantis, quorum reſractione eſt propemodum ut § ad 2.

* Hic enim in terris, ubi aër per pondus Atmosphæræ comprimitur, in certo volumine quod conſtat ex aëre & ſubtili materiâ, iſtius voluminis ne decies quidem milleſimam partem occupat craſſus aër.

Cùm igitur neque per aëris, neque per vitri actionem efficiantur reſlexio & reſractione radiorum cùm e priori in alterum tranſeunt, cenè ipſarum cauſam ex ipſâ ſubtiliſ materiæ actione duci neceſſe eſt, ibi enim nihil eſt præter aërem, vitrum, & ſubtilem materiâ.

Quod quâ ratione fiat ut explicetur, obſervandum eſt, omnes ætheriſ partes, ſeu cunctos illos ex quibus ipſum conſtare mihi videor de-

Malebrancii de Inq. iſu. Veru. Tom. II.


Aaa

mon-

* Juxta
Newto-
niani pag.
171. ſuz
Optics.

monstrasse vorticulos, æqualiter undique comprimi, & inter se in æquilibrio stare, aut eò indefinenter tendere ut in æquilibrio se se constituent. Cum enim omne corpus in eam actu partem moveatur ubi minus premitur, si quæ pars ætheris minus quàm reliquæ premeretur, in eam utique inciderent reliquæ, eamque tantum comprimerent quantum ipsæ compressæ sunt. Quo sine æquilibrio, vel sine hac pressionis æqualitate, in quâ per vires centrifugas se se constituunt vorticuli, ad nos usque non possent uno sese transimittere momento diversæ ipsorum vibrationes quas efficiunt varii motus particularum ex quibus constant stellæ, quarum alia caruleo, alia subrubro tincta colore apparet. Interrumpi quidem posset ipsarum conspectus, interruptis scilicet pressionis vibrationibus quæ ipsam efficiunt, imo diutius quàm vulgò fit interrumpi posset, cum corpusculum aliquod in aëre volitans lineam trajicit juxta quam ad nostros oculos veniunt ipsarum radii; propter enim maximam stellarum distantiam, quæ talis est ut telescopiis conspiciatur, quæ tamen Planetas tantopere augent, instar luminosi puncti appareant, tam parum spissa est omnium ipsarum radiorum collectio, ut vel minimæ particulæ crassæ, & ab æthere diversæ, dum ipsarum radios singulis trajiciunt momentis, ipsorum actionem inturbent, ipsasque scintillantes efficiant.

Posito ergo æqualiter & veluti infinitè compressos esse omnes ætheris vorticulos, ipsosque se se per vires centrifugas cunctos contrâ librare, ubi primum luminosi corporis particulæ vorticulos premunt quos offendunt, ipsorum pressio ad reliquos omnes ad nos usque transmittitur, & intra unum quidem momentum, quia nullum datur vacuum. Hæ particulæ luminosi corporis, cum sibi obstantes vorticulos variis suis motibus per succussus iterum atque iterum premant, in iis vibrationes pressionis efficiunt. Jam verò hæ omnes pressionis vibrationes, juxta lineam rectam, quamdiu in æthere sunt, peraguntur: Cum enim per centrifugas vires se se contrâ librent, ad dextram æquè ac ad sinistram comprimuntur radii seu pressionis vibrationes. Directionem itaque mutare nequeunt radii. Verùm ubi obliquè offendunt virtri superficiem, in eâ refractionem patiuntur, & ad lineam quæ isti superficie perpendicularis est divertunt, atque tantò major est ista refractione, quantò corpora quæ ingrediuntur iis sunt graviora aut densiora ex quibus egrediuntur. Cujus quidem rei jam ratio intelligitur, verùm tamen distinctius est explicanda.




Ponamus vitri alicujus superficiem repræsentari per *FK*, solidas verò hujus superficiæ partes per 1, 3, 5, 7, poros denique æthereis vorticulis plenos per 2, 4, 6. Idem ponamus respectu inferioris hujus ejusdem vitri superficiæ, atque radium *AC*, sive lineam secus quam sunt pressioniæ vibrationes obliquè incidere in vitrum, evidens est istum radium ad perpendicularem divertere debere. Cum enim plures sint in aëre vortici quàm in vitro, plures sunt utique centrifugæ vires, cumque non æqualiter ampliùs prematur radius per centrifugas circumcingentium vorticum vires, ad partem debiliorem diverstat necesse est pressioniæ vibrationum directio. Cum autem eadem sit relatio inter vim centrifugam vorticum qui sunt in aëre infra & supra vitrum, & eam quæ est in ambabus vitri superficiebus, tantumdem a perpendiculari recedit radius in eo superficiæ puncto per quod e vitro egressus est, quantum ubi in illud ingressus est. Sed si inferior vitri superficies aquam tangeret, cum in aquâ pauciores sint vortices quàm in aëre, plures verò quàm in vitro, quandoquidem aëre gravior, vitro minùs gravis sit aqua, radius utique e vitro aquam ingrediens aliquantulum adhuc debet quidem a perpendiculo recedere in puncto *B*, sed tantò minùs quàm si aërem ingrederetur, quantò pauciores sunt vortices, minòrque vis centrifuga in aquâ quàm in aëre. Denique si ad inferiorem plani cujusdam vitri superficiem aliud applicetur convexum vitrum quod ipsam in puncto sensibili tangat, quale esset objectivum telescopii vitrum, radii qui transeunt per punctum tangens ibi nec refranguntur, nec refl.untur, cum totidem sint vortices, & æqualis vis centrifuga in utroque vitro, objectivum vitrum in puncto contactus perforatum videbitur. Denique in experimento de quo jam locutus sum, radii nempe intercepti per foraminulum in chartâ, atque excepti

in vitro quod duplicem peragit reflexionem maxime sensibilem, si in aquam immergatur inferior vitri superficies in qua secunda peragitur reflexio, adeo illa debilitabitur, ut vix animadverni queat lux ejus debilis; debilis, inquam, relatè ad lucem prioris reflexionis, atque tantò debilior quanto pauciores sunt in aqua vortices quam in aëre.

Ex his omnibus evidenter sequitur radiorum reflexionem & refractionem, sive diversionem lineæ pressorum lucis, cum neque ex crassiss quæ in æthere dantur aëris partibus, neque ex iis ex quibus constat vitrum oriatur, eam, inquam, diversionem non aliunde oriri posse quàm ex vi centrifugâ vorticum subtilis materiæ quæ se se invicem & omnia quæ cingunt corpora comprimunt, ad æquilibrium inter contrarias vires conservandum, secundum naturalem legem, omne scilicet corpus eò tendere ubi minus premitur.

Verùm ut distinctius adhuc concipiatur meæ sententiæ veritas, ex eâ jam deducam constantem esse debere sinuum angulorum incidentiæ & reflexionis relationem, atque eandem semper in omnibus diversis obliquitatibus juxta quas radii in vitri superficiem incidunt.



Concipiamus ante omnia circulum R. T. V. Q. exhibere nobis globum aliquem vitreum, si vitrum æqualis ubique sit densitatis, radius RC neque in puncto C neque alibi refrangetur. Sed si ponamus abscindi superius hemisphaerium, atque supra lineam MN quæ erit ipsa vitri superficies, nihil esse præter vortices cum minimâ crassi aëris quantitate, atque in ipsa vitri superficie MN nihil pariter esse præter vortices

tices cum minimâ aëris quantitate, sed cum plurimis crassis partibus ex quibus constat vitrum, tum & radium lucis obliquè secare duo hæc materia strata, vorticum numero atque ideo vi inæqualia, evidens est ipsum, cum ex aëre in vitrum transibit, diversurum esse ad eam lineam quæ perpendicularis est ad hæc duo strata vi inæqualia, idque prout obliquè magis secabit lineam MN. Si enim perpendiculariter incidet, æqualiter ex utràque perpendicularis parte premeretur, ubi vitrum ingrederetur.

Atque ut distinctior adhuc habeatur idea sive horum quæ modò dixi, sive eorum quæ deinde dicam, fingamus per figuram MT, NQ unum ex his representari vorticulis qui non per motum suum, sed per suam pressionem, luminosi corporis actionem transmittunt, atque illum vorticulum duo quæ modò dixi materia strata vi inæqualia interficere, si radius incidens, vel linea juxta quam fit ejus pressio sit AC, evidens est stratum superius, illud scilicet in quo plures sunt vortices, ac ideo vis major centrifuga, fortius quàm alterum stratum pressurum esse vorticulum secundum perpendicularem TC. Hæc autem perpendiculis pressio secundum TC tota non innititur secundum AC radio sive lineæ juxta quam fiunt pressiones; sed tota pressio secundum TC est ad partem hujus ejusdem pressionis quæ radio AC innititur, ut TC est ad perpendicularem ductam a puncto T in AC, quæ quidem æqualis est lineæ AB, cum utraque sit sinus anguli incidentiæ ACT. Idem est omnis alius radii respectu. Sinus RP, verbi gratiâ, anguli incidentiæ RCT, obliquissimi radii RC vim pressionis exprimit quæ stratum, in quo plures sunt vortices, ipsum comprimet. Cum itaque sinus Angulorum incidentiæ diversorum radiorum varias exprimant vires quarum vis integra quæ eadem semper manet, & per perpendicularem CT exprimitur, his innititur radiis, eosque premit, inde sequitur quòd cum diversiones horum radiorum inter se debeant esse ut vires quæ ipsas creant, sinus angulorum refractionis diversorum radiorum eandem necessariò relationem habere debent cum sinibus eorum angulorum incidentiæ; hoc est $RP. AB :: rS. ab$. Et $RP. rS :: A. B. ab$. Cùmque Sinus R P radii obliquissimi pro semi-diametro sumi queat, omnes sinus angulorum incidentiæ sunt ad sinus refractionis ut semi-diameter est ad sinum anguli refractionis radii obliquissimi, hoc est ut MC est ad CE quæ æqualis est lineæ S r.

Patet igitur centrifugam vim vorticulorum, atque æquilibrium in quo indefinenter sese constituere conantur, physicam facile rationem reddere veritatis quæ totius optices fundamentum est, atque mirabilis oculorum nostrorum constructionis, quam explicabo in illustratione sequenti.

Quod attinet ad reflexionem radiorum satis mihi videor demonstrasse ipsos non reflecti a crassis partibus corporum quæ pellucida dicuntur, & quæ reapse cæteris multò sunt magis pellucida, qua-

lia sunt aër, aqua, & vitrum. Dixi *quæ pellucida vocantur*, pellucida enim sunt omnia corpora tenuiora, quippe quæ omnia poros habeant, per quos certæ quædam pressions vibrationes vorticulorum foras transmittuntur; ipsum aurum, quod omnium metallorum densissimum est & gravissimum, eadem gaudet pelluciditate; Alios enim reflectit radios, alios transmittit. Illos reflectit, scilicet, quorum pressions vibrationes flavum produnt colorem, cùm que in folia tenuissima redigitur, illos transmittit quorum vibrationes caruleum ostendunt. Verùm etsi nullus conspiceretur color trans aurea folia, inde tamen colligendum non esset nullos esse radios qui ipsa trajectant, sed eos ita duntaxat paucos esse, ut sufficientes non sint ad retinam & cerebrum eâ ratione concutienda, quæ necessaria est ut aliquam mens experiatur sensationem. Materia enim quæ magnetem circumvolvitur ipsum aequè libere permeat atque aërem, imo ipsa aqua, cùm in ampullâ aureâ nimis comprimitur, aurum ceu sudor traiecit, atque in guttas coalescit. Evidens est itaque vorticulos quorum plerique saltem iis quibus constat aurum particulis minores sunt, ut pote qui his ipsis particulis firmitatem suppeditent per vim suam centrifugam; Evidens est, inquam, hos vorticulos, vel eorum saltem nonnullos suas vibrationes juxta rectam lineam posse transmittere, & pellucida esse omnia corpora parum spissa; Atque hæc obiter dicta sunt. Ad radiorum reflexionem veniamus, quâ sine nihilo nisi luminosa corpora conspicere possemus.

Satis superque, ut mihi quidem videtur, probavi radiorum reflexionem neque a crassis quibus constant vitrum & reliqua corpora partibus, neque ab aëre ipsa circumcingente oriri, unde colligere est ipsam effici per centrifugas ipsorum vorticum vires.

Cùm neminem lateat cur durissimus atque perfecte elasticus globus, ubi obliquè in planam aliquam superficiem incidit, ita per resistentiam superficiei resiliat ut angulus reflexionis angulo incidentiæ sit æqualis, ideo non repetenda arbitror quæ omnes norunt satis, sed ad explicandam lucis reflexionem sufficere si harum reflexionum differentiæ notentur.

1°. Movetur globus, quiescunt vortices; reflexio enim alicujus radii nihil aliud est quàm nova determinatio in lineâ secundum quam fit pressio vorticulorum qui in suo remanent loco.

2°. Radiorum reflexio non ibi peragitur ubi radius & vortices solidas vitri tangunt partes, quibus nulla est vis centrifuga, sed in vorticibus quos premunt, quique ad perpendicularem divertunt per majorem numerum vorticum qui vitro sunt superiores, ut jam explicui.

3°. Radiorum reflexio, hoc est, vorticum pressio non tota reflectitur, major pressio in vitro peragitur, ipsumque traiecit. Cùm non aliunde oriatur pressio reflexa quàm ex reactione vorticum qui premuntur per actionem eorum qui sunt supra vitrum, quique eos detorquent ad

ad perpendicularem, certè reflexus radius refractò longè debilior est.

4°. Non aliunde oritur vis elastica quàm resilit globus quàm ex centrifugà vi vorticulorum qui sunt intra ejus poros. Ea verò quàm resiliunt radii nihil aliud est quàm vis centrifuga ipsorum vorticulorum ex quibus constat radius.

Denique ob similem rationem in radio ut in globo perfectè elastico angulus incidentiæ æqualis est angulo reflexionis. Ea sunt quæ sentio de radiorum reflexione, quæque mihi sequi videntur ex proprietatibus lucis quas explicare & probare conatus sum.

Nunc, opinor, clarè apparent rationes physicæ, hoc est rationes quæ ab illo pendent indubitato axiomate, omnia scilicet ad æquilibrium tendere; sive omne corpus tunc moveri ubi inæqualiter premitur; Clarè, inquam, apparere arbitror,

1°. Cur radii, qui per diversa transeunt fluida refractionem patiuntur, eandem eundo & redeundo viam sequantur; sique luminosum seu illuminatum corpus ad suum transferat focus, illum intelligo locum ubi ejus apparet imago, eadem conspicietur imago eodem in loco unde translata fuit.

2°. Cur sinus angulorum incidentiæ omnium etiam diversè inclinatorum radiorum eandem omnes relationem habeant cum sinibus angulorum refractionis, & cur radiorum incidentium sinus radiorum fractorum sinibus æquales sint.

3°. Cur imprimis dura corpora refractionem plerumque patientur tantò majorem minorève pro majori minorive gravitate. Cùm ex eadem causâ procedant refractionis & gravitas, nempe ex eo quòd plures sint vortices, atque ideo major vis centrifuga in aere quàm in corporibus gravioribus & durioribus. Concedo tamen refractionem non ita accuratè sequi gravitatis proportionem in fluidis quibus eadem ferè est gravitas. Aqua exempli gratiâ, etsi aliquantò gravior spiritu vini, non tantam patitur refractionem, uti patet ex experimentis quæ in hanc rem sumpta sunt; Atque hujus quidem phænomeni hæc utique est una e præcipuis causis, quòd, etsi fluidorum particulæ non tantà gaudeant vi centrifugâ quantà vortici, ipsis tamen aliqua vis infit, utpote quæ, quatenus fluidæ, aliquo donentur motu. Plus itaque vel minùs circumcingentibus vorticibus valent resistere pro varietate suorum motuum. Cùm autem aquæ gravitas a spiritu vini gravitate non multum differat, neque ideo vis vorticulorum qui duos hosce liquores circumcingunt; talis esse potest motuum variorum differentia in particulis aquæ & spiritus vini ut gravitatis ad refractionem proportionem perturbata sit. Aliæ adhuc concipi possunt ejusdem phænomeni causæ, sed præcipuam dubio procul attuli. Observandum est enim eandem aquam non eandem semper refractionem peragere; cùm calida est minorem peragit quàm cùm est frigida, quia tunc non modò minùs

gravis est quàm antea, sed & quia majori motu donantur partes quibus constat. Sed cum ex duobus objectivis telescopii vitris æqualiter affabre factis, & in eadem pelvī positis, alterum optimum est, alterum verò pessimum, id oritur ex inæquali duntaxat vitri partium densitate aut gravitate quæ refractionis inæqualitatem creat.

Cum certò constet omnes diversorum colorum radios se se indefinenter decussare, ita tamen ut imperturbati maneant, hinc evidenter patet ipsorum actionem non in directo vorticulorum motu consistere, sed in pressione duntaxat quam a luminosis & illuminatis corporibus accipiunt, quàmque ipsis continuò restituant per vim suam centrifugam. Non enim quoquoersum simul vortex se se movere potest, sed in omnes partes simul & premere & premi potest.

Ponamus itaque colorum varietatem non aliunde oriri quàm a diversâ pressionis vibrationum celeritate, uti sufficienter probavisse mihi videor. Facile intelligitur quare simplices omnes radii, nempe, ruber, aureus, flavus, viridis, cæruleus, indicus, & violaceus suum colorem, sive vibrationum celeritatem non mutant, eorūque refractiones eandem semper aliæ cum aliis relationem habeant, quod probavit Celeberrimus Newtonus multis experimentis rem decidentibus. Cum enim nullum sit vacuum, cum omnia sint plena & infinitè compressa, radii aliquis ex unâ extremitate premere non potest quin simul ubique ad nervum usque opticum premat, ubi ipse exstinguitur vel debilitatur, postquàm eum nervum ipsūque cerebrum ita concussit ut mens eâ occasione talem experiretur coloris sensationem.

Viridis quidem conspicitur color ubi flavus radius unâ cum cæruleo aliquam premit retinæ fibrā. Verùm iste color, etsi similis, quatenus sensatio, colori quem producit simplex radius viridis, diversissimam habet causam. Si enim per vitrea prismata transmittatur simplex viridis radius, viridis semper remanet, alter verò per prismā fiet flavus & cæruleus; quia minorem patitur refractionem flavus quàm cæruleus, ideo se se separabunt hi duo radii. Neque enim ex sensatione judicandum de causâ quâ producitur: Facile intelligitur quī duæ vel plures inæquales vibrationes, eidem optici nervi fibræ simul innitentes, præcipuam cerebri partem eodem modo concutere possint ac mediæ vibrationes. Nullus est, verbi gratiā, simplex radius albus. Omnis albißimus radius omnibus constat simplicibus rubro, flavo, cæruleo &c. quī singuli diversas peragunt vibrationes & refractiones; neque aliunde procedunt omnes quibus obiecta apparent corpora colores quàm ex variis simplicium radiorum, vel transmissorum vel per pellucidas corporum opacorum particulas reflexorum commixtionibus.

Verosimilimum est vorticulos quo tempore prorumpunt e sole in quo nihil stat in æquilibrio, & in quo tota quæ constat materia variis repellit motibus sphericum vorticulorum stratum quod, uti dixi dum de planetarum gravitate loquebar, cum superioribus stratis stat in æquilibrio,

librio, vorticulos, inquam, quo tempore e sole prorumpunt, eò adigi ut suas vibrationes peragere consuevant intra momenta quæ inter se commensurabilia sunt, cû per anomalos partium solis motus producuntur; atque unumquemque radium, ubi semel inita fuit ea confensio, sive acquisitum est hocce veluti æquilibrium, eandem in suis vibrationibus celeritatem deinceps fervare. Unde sequitur determinatum esse simplicium radiorum numerum, qui eandem semper in suis vibrationibus celeritatem servant, eandem semper refractionis quantitatem patiuntur, quod certò constat ex experimentis celeberrimi Newtoni. Quemadmodum enim ubi harmonicè dividitur diapason, hoc est, ita ut diversi quos complectitur toni inter se sint commensurabiles, sive ut aëris vibrationes a quibus producuntur inter se consentiant, simulque quàm citissimè fieri potest, se se non destruentes rursus incipiant, determinatus duntaxat esse potest tonorum numerus, determinatus pariter duntaxat esse potest simplicium radiorum numerus. Ideoque Celeberrimus Newtonus in suo experimento pag. 104, ut specialem uniuscujusque simplicis radii refractionis quantitatem accuratè determinaret, harmonicè divisum esse reperit simplicium colorum numerum. Simples hosce colores diversorum ope prismatum accuratissimè separaverat, uti videri potest in præstanti ipsius Opere. Inde igitur verosimilimè colligi posse mihi videtur rubrum radium, cui maxima vis inest, quippe qui minorem quàm reliqui refractionem patiatur, non ita celeriter repellitur, sive has minus frequenter repetere vibrationes quàm qui ipsum sequuntur; violaceum verò, qui omnium est ultimus & debilissimus, illum esse cujus minimæ sunt & celerissimæ vibrationes, seu frequentissimè reperiuntur.

Cùm plano vitro convexum subjicitur, per reflexionem in puncto contactûs nigrum conspicitur punctum, plures iidem apparent circumcingentes concentricæ coronæ diversorum & maximè sensibilium colorum, cùm imprimis parum convexitatis habet alterum vitrum. Sed si quis trans illa vitra perspiciat, candidum videbit quod nigrum antea videbat, rubrum quod cæruleum, violaceum quod flavum ipsi apparebat. Uno verbo per reflexionem & refractionem plerumque conspiciuntur colores oppositissimi. Hinc, opinor, evidenter liquet non mutari vibrationum celeritatem, atque eandem ubique concussionem pari lineam juxta quam fiunt alicujus radii pressiones, & ideo denique duntaxat corporum unumquodque hoc illòve colore tinctum conspici, quia ex luce quæ simplices omnes complectitur radios certi tantum reflectuntur radii quorum variae commixtiones diversos omnes peragunt colores.

Cæterum hoc mihi observandum videtur scilicet pro meris habenda esse conjecturis, atque hypothesibus generalibus non sufficienter probatis quæcumque modò dixi in novissimis articulis ut præcipuorum rationem redderem experimentorum quæ tam accuratè sumpsit celeberrimus

Malebranchii de Inquisit. Verit. Tom. II.

Bbb

Newton

Newtonus, doctus ille Geometra apud Anglos & ubique inclitissimus, ut de ipsorum veritate dubitare non possum. Hic enim præcipuus mihi finis erat in hac illustratione, ut scilicet ostenderem totam pendere Physicam ex cognitione subtilis materiæ; hancce materiam vorticulis duntaxat constare, qui, per suarum centrifugarum virium æquilibrium, firmitatem operantur omnium corporum, ut & omnes efficiunt quæ in mundo eveniunt mutationes, ubi suum rumpunt æquilibrium, quod restituere indefinenter conantur. Præcipuus mihi finis fuit ostendere nullam vim esse quieti, omnia per motum fieri, atque motus originem ex invisibili hâcce- duci materiâ, quam pro nihilo habent nonnulli cæteroqui doctissimi, vel quam, cum stat in æquilibrio, neque fit sensibilis, esse existimant inertem & inefficacem materiam.

Multæ possent adhuc aliæ deduci consequentiæ ex his quæ antea dixi ut gravitatis rationem redderem. Plumam verbi gratiâ, perpendiculariter decidere debere in terræ superficiem, & quidem sub polis uti sub æquatore. In Zonâ temperatâ terræ superficiem eadem omnino celeritate revolvî ac ætherem qui superficiem respondet, atque alibi ubique eâ velocitate cujus differentia non debet esse maximè sensibilis. Gravitatem sub æquatore & polis sensibilibiter æqualem esse debere, ac ideo rotundam esse terram. Omnes planetas ingentibus vorticibus, atque hisce, de quibus modò dixi, vorticulis circumcinctos esse debere; sine iis enim nulla foret gravitas, ideòque nullus crassæ materiæ ab æthere diversæ acervus. Cùm ætherea materia constet vorticulis in æquilibrio stantibus, quique summæ sunt exilitatis & fluiditatis, nullam sentiri debere resistantiam in horizontali motu. Velocitatem in lapsu corporum non sequi proportionem ipsorum gravitatis, quippe quæ omnia pari celeritate deciderent, nisi daretur aeris resistantia, atque plumam in vacuo plumbi celeritatem æquaturam esse. Durorum corporum gravitatem accuratè æqualem esse debere ipsorum massæ, hoc est quantitati materiæ propriæ & quiescentis quæ ipsis inest, non habitâ ratione ad ipsorum poros vorticibus plenos. Verum si hâcce singulatim consequentias persequeretur, & eas omnes quæ ex eâ deduci possunt hypothese quam ad Lucis & colorum transmissionem, ignisque generationem explicandam proposui, scilicet, ætheream materiam vorticulis duntaxat constare infinîtè compressis, qui per suas vires centrifugas se se alii alios contrâpremunt, si has, inquam, singulatim persequeretur consequentias, ea omnia in regionem brevi me ducerent in quâ diutius peregrinari metuo, & ubi dubio procul a rectâ aberrarem viâ. Satis est quòd meam probaverim hypotheseim ex stupendâ æthereæ materiæ rapiditate, atque ex resistantiâ quam experitur in pleno, a quo hæc partes in omnem motæ seysum in vortices se se constituere coguntur, satis est quòd mea insuper argumenta confirmaverim ex generationibus physicæ effectibus, quales sunt Lucis & colo-

colorum transmissio, ignis productio & effectus, corporum gravitas, durities, fluiditas ex quibus omnes pendent naturales effectus quorum causas inquirunt Physici; eas certe nullibi unquam reperient quàm in æthereâ materiâ, hac ex evidenti ratione, quòd ea scilicet sola omnium sit origo motuum, nec quicquam absque motu fiat.

Multò sanius esset, vel saltem Lectoribus longè utilius hùc infinitæ Creatoris sapientiæ immorari, qui, cùm Orbem universum creavit, diversis materiæ portionibus motum ita distribuit & determinavit, ut ex iis opus esserit cuius omnes partes a se mutuò dependent, quod se se conservat & indefinenter renovat per hancce duntaxat generalem, & omnium quæ concipi possint simplicissimam Legem, ut omne scilicet corpus cò tendat quò fortius pellitur, & tantò celerius quò fortius pellitur; quæ quidem Lex, attente Lector, suam a materiâ non ducit efficaciam, quippe quæ sit substantia merè passiva, & cujus vis motrix nihil sit quod ad ipsam pertineat, aut ipsi insit, ut id in XVâ. Illustratione & alibi probavi; sed eam Legem instituit & accuratè sequitur Omnipotens in ordinatio suæ generalis circa corporum dispositionem Providentiæ cursu, neque id modò ut attributorum ejus characterem præ se ferat ejus agendi ratio, in quibus attributis suam ipse legem, suâque incitamenta reperit, ut alibi probavi, sed ut hominibus etiam & ipsis animalibus certas suppeditaret regulas, ex quibus se se conservare & regere possent. Si enim regulariter Deus non sequeretur hanc Legem, quam non instituit nisi postquam ejus omnes prævidit sequelas, primòsq; definivit motus infinitâ sapientiâ & bonitate; si eodem ageret modo ac speciales causæ, atque finita Entia intelligentia, nihil in physicâ foret certum, nulla veritas experienciâ nixa; omnia denique nostro respectu in confusum aliquod cahos reciderent, ubi nihil possemus intelligere. Verùm Deus accuratâ hujus Legis observatione Lucem, ut modò explicui, producit, cujus ope nos non solum inter nos conjungit, sed cum immensis etiam spatiis. Lucem enim exstinguite, vel vorticuli nos circumcingentes desinant aliorum pondus sustinere, atque in æquilibrio stare cum iis qui sunt in Cœlis, atque ab ipsis non amplius ex Lege statutâ pressionis vibrationes recipiant; tunc nulla utique amplius erit inter homines societas, desinet ea colorum varietas cujus ope res objectas discernimus. Non amplius coletur Terra, imò etsi culta nihil producat, deficiente, scilicet, illo calore qui ex Luce, aut ex vibrationibus ejus radiorum sequitur. Ille autem qui dixit *fiat lux*, ille est qui oculos hominum animaliumque formavit. Omnes enim partes quibus oculus constat tam justam habent relationem, tamque sapienter accommodatæ sunt ad Lucis actionem, quemadmodum jam jam videmus, ut sibi invicem evidenter facta sint lumen atque oculi, atque ab eadem manu orientur, a manu scilicet Omnipotentis, cujus infinitæ sunt sapientiæ & bonitas. Si pariter attendatur ad utilitates

folis, ignis, corporum gravitatis, diversæque fluiditatis & duritiei, quæ qualitates ad omnium formationem & generationem necessariæ sunt, si attendatur hæc omnia pendere a vi motrice quâ Deus materiam, ut ita dicam, animat, relatè ad innumera consilia quæ per unam Legem exsequitur, faciliè quivis intelliget infinitam esse Creatoris sapientiam. Verùm in sequenti Illustratione mirificam Providentiæ sapientiam in oculorum constructione, atque in usu partium quibus constat, fusiùs exponam.

Si accuratè vera sint quæ in hoc additamento dixi de generali physiciæ principio, atque certo nixa axiomate, quod quidem attentis & cordatis Lectoribus discutiendum relinquo, nonnulla adhuc essent emendanda loca in eâ quam tradidi Capite 4^o. 2^a. partis Libri 6ⁱ. Illustrissimi Cartesii physiciæ epitomè; Verùm cum in hœc quarto capite præcipuus mihi finis esset docere quantum esset discrimen inter ipsius philosophandi rationem, & Aristotelis placita, non mihi omnino visum est reformandum ejus systema secundum illud quod modò proposui, quod quidem Cartesiano systemati non omnino consonat, etsi ab ipso pendeat. Lectorum est eam emendationem adferre, si vacet, & istud argumentum ipsis gratum, ipsorumque attentione dignum videatur, si denique judicent satis esse demonstratum quod modò scripsi.




ULTIMA ILLUSTRATIO.

Descriptionem continens partium quibus oculus constat, atque præcipuas ipsarum constructionis causas, ut faciliùs intelligantur quæ de erroribus visûs dicuntur in primo Libro.

IN primo Libro supposueram levem aliquam saltem Lectori fore Opticæ notitiam, aut ipsum eam edisciturum in aliquo ipsius tractatu, ut in Dioptricâ Cartesii quam indicaveram; si enim explicandis generalioribus omnium scientiarum quæ aliquam habent ad suum propositum relationem principiis immorari vellent Authores, nihilque Lectoribus notum supponerent, præterquàm quòd Doctis tædium afferrent, eòsq; læderent, nihil unquam tractare possent quin immensâ scriberent volumina. Ea igitur repetere mihi necesse non duxeram quæ tot alii dixerent, quæque alibi reperiri poterant circa partium quibus constat oculus constructionem & usum. Ut tamen iis satisfacerem qui Opticæ ignari sunt, nullo simul iis allato tædio qui ipsam callent, sequentia mihi subjungenda visa sunt ad calcem hujus voluminis. Qui enim Opticæ ignari sunt non ad alium librum confugere opus habebunt, ut ea inel-

intelligent quæ de erroribus, naturalibusque visus judiciis differo; Levis quidem labor esset, nec eum tamen lubenter suscipit negligens Lector; Alii autem facile poterunt ea non legere ex quibus nihil edificare possunt. Cæterum monendos opinor Lectores, satis esse ut innumeras detegere possint, non Physicæ duntaxat, sed Metaphysicæ veritates de idearum naturâ, de bonitate, universalitate, atque incomprehensibili Providentiæ Divinæ sapientiâ, si probè calleant quæ res objectæ conspiciantur.

Oculi Constructio.



Singula accuratè observanda sunt in constructione oculi, ut eorum intelligantur rationes quæ deinceps tradentur. Vide 1. figuram.

1. Si per dimidiam partem secaretur oculus aliquis, ita ut planum secans per mediam transiret pupillam, & per medium nervum opticum, neque tamen effunderentur humores, talis appareret qualis repræsentatur hæc figura. ABCZ membrana est dura spissaque totum circumcingens oculum. Pars ipsius ABC

Tres membrana oculi involunt.

cornea dicitur quia dura & pellucida est ut cornu. Pars ea multò quàm altera convexior est. Secunda membrana, quæ in foramine pupillæ TV definit, tenuior est, vocaturque *Uvea*, sive *Choroïs*, priorum intrinsecus vestit, ut ita dicam, atque ei fortiter annexa est in punctis A & C, per certum ligamentum *Ciliarium* dictum.

Iris vocatur ea hujus membranæ pars quæ a D usque ad T, & ab F usque ad V extenditur, & cujus convexa superficies quæ trans corneam conspicitur in aliis est nigra, in aliis cærulea, vel variis conspersa coloribus. Verùm concava Iridis & Choroïdis superficies tota nigra est in homine, etsi talis non sit multis in animalibus. Tertia membrana quæ *Retina* appellatur totum vestit oculi fundum, Choroïdæque sequitur usque in D duntaxat & F.

Bbb 3 .

2. Pri-

*Earum ori-
gō.*

2. Prima oculi membrana originem ducit a primâ membranâ nervi optici L Y, quæ suam ipsâ ducit ex primo cerebri involucri quod dicitur *dura mater*. Secunda membrana sive *Chorois* suam ducit originem ex secundâ ejusdem nervi membranâ quæ suam ipsâ ducit ex secundo cerebri involucri quod *pia mater* vocatur. *Retina* denique suam ducit ex ipsâ nervi Optici medullâ. Sola enim expansio filamentorum quibus constat hujusce nervi medulla, cum nonnullis venis, nonnullisque arteriis tenuissimis, textile illud delicatissimum constituit quod retina appellatur. Hæc autem minuta fila inclusa sub membranis optici nervi suam ducunt originem ex eâ cerebri parte quæ *medulla elongata* dicitur, nec aliud sunt procul dubio quàm continuatio filorum sive canaliculorum quibus constat hæc medulla, & per quos se se distribuunt spiritus animales; Observandum est Retinam albo tinctam esse colore, nervûrque opticum crassissimum esse relatè ad nervos oculi motores, atque plurima ideo fila continere.

*Ligamenta
ciliaria.*

3. In loco notato A D e ligamento ciliario, de quo modò locutus sum, prodeunt innumera exigua fila nigerrima quæ extenduntur usque ad crystallinum R N, ipsûrque suspensum tenent in situ ad id necessarium ut distinctæ cernantur res objectæ; hoc est ut linea B P quæ per medium pupillæ foramen transit perpendicularis sit ad tres convexitates A B C, R O N, R P N, atque ob alias rationes de quibus postea.

Pupilla.

4. Determinatæ non est magnitudinis pupillæ foramen. Contrahitur, ubi retinam offendere possent res objectæ nimîâ luce collustratæ, vel cum fixo obtutu conspicitur propè adstans res objectæ; ita ut Iris sit instar musculi admodum singularis, qui motu suo perfectam hominis pupillæ rotunditatem conservat. Nunc ad pellucidos oculi humores veniamus.

*Tres humo-
res in oculo.*

5. Tres sunt pellucidissimi Humores, Aquosus, scilicet, Crystallinus, Vitreus. Aquosus replet spatium A B C N O R. Aquæ fluiditatem æmulatur, eandemque proinde refractionem operatur. Crystallinus, qui tenuissimâ circumcinctus est pelliculâ, replet spatium R O N P. Aliquantulum est viscosus, atque albuminis ovi cocti adinstar propemodum durus, sed æquè pellucidus atque crystallus. Reliquam oculi capacitatem replet vitreus, atque ejusdem est viscositatis ac albumen ovi non cocti. Cum plerumque augeantur refractiones pro densitate pellucidorum corporum quæ trajiciunt Lucis radii, omnium ideo minima est ea quam aquosus, omnium maxima quam crystallinus, media quam vitreus operatur humor.

*Infra
num. 13.*

Si nunc concipiatur figuram planam, excepto nervo optico, atque foramine quo oculum ingreditur, semi-circulum describere super axi B E, clara & completa habebitur idea globi oculi, eorûrque omnium quæ includit, & ad meum propositum necessaria sunt. Sed tamen ut

hæc

hæc omnia uno obtutu cernerentur non abs re foret oculi alicujus magni animalis dissectioni adesse.

6. Quod externas oculi partes spectat, non est quòd de iis hîc lo-
 quar nisi de musculis oculum moventibus & comprimentibus. In ho-
 mine sex duntaxat sunt numero, quatuor scilicet *recti* dicti, atque duo
obliqui, qui omnes ex unâ parte ad ossa quæ in fundo oculi sunt alligan-
 tur, partimque ad externam nervi optici membranam, ex alterâ parte ad
 ipsum oculi globum. Quatuor *recti* latam constituentes & tendinosam cau-
 dam rectâ eunt se alligatum ad externam globi oculi membranam, ibi-
 quenovam constituunt membranam; Ii certè profunt ad oculum moven-
 dum, alter sursum, alter deorsum, tertius ad dexteram, quartus ad sinis-
 tram. Sed aliis usibus de quibus postea dicam ipsos inservire opinor.

7. Ex duobus obliquis superior, qui longior est & strictior, suam *Duo obli-*
 ducit originem juxta originem musculi qui oculum sursum trahit, at-
 que statim pergit ad internum oculi angulum, ubi transit in cartilagi-
 nem quæ per membranofum ligamentum ad os maxillare alligatur,
 quæque ipsi est tanquam reditus trochlea. Inde ad superiorem oculi
 partem revertitur, atque sub eodem transiens musculo qui sursum trahit
 oculum, juxta eum Oculi locum venit se alligatum ubi alligatur mus-
 culus qui eum versùs externum trahit angulum. Obliquus inferior
 priori oppositus ad os alligatur juxta internum oculi angulum, inde
 transit infra oculum ad externum ejus angulum, atque tantillum as-
 cendens ad globum oculi venit se alligatum juxta locum ubi alligatur
 superior obliquus. Cùm ambo & quatuor recti simul agunt, atque
 ille speciatim e quatuor rectis qui proximè alligatur ad eum oculi lo-
 cum ubi alligati sunt duo obliqui, oculi globum comprimunt, sicque
 crystallinum a retinâ remonent, quantum necesse est ut e propinquo
 visio fiat distincta. Veritas enim est Geometricè demonstrata, e pro-
 pinquo & e longinquo distinctum non posse esse visionem, quin ali-
 qua fiat in oculis mutatio, ut deinde probabo. Ii autem sex muscu-
 li suum singuli habent nervulum motorem, iners enim est omnis mus-
 culus nisi adsit nervus qui in eum spiritus effundat animales.

Sufficienter nunc explicata mihi videtur oculi constructio, sed non-
 dum expresse sunt partium quibus constat, atque lucis proprietates;
 quæ tamen aliquatenus noscendæ sunt ut cognoscatur quid fiat visio,
 utque aliqua, levis semper, habeatur idea infinitæ Creatoris Sapientiz
 in oculorum nostrorum formatione.

De naturâ & proprietatibus lucis.

8. Cùm fax in tenebris accenditur, uno momento ejus lux con-
 spicitur ex omnibus locis unde spectatur. Inde colligendum est hujus
 facis flammam in oculis nostris agere simul & in omnibus quæ illumi-
 nat rum.

*Sex oculi
 musculi,
 quatuor
 recti.*

*Quomodo
 transmitta-
 tur alio
 luminoso-
 rum corpo-
 rum.*

nat spatii. Jam verò evidens est ipsam non immediatè in his omnibus spatiis agere. Cum enim flamma particulis duntaxat ceræ conflet, quæ motu donantur, cùmque earum particularum nonnulli quantitatem infinitè parvam singulis momentis dissipet & foras pellat, manifestum est hanc infinitè parvam particularum quantitatem totum non posse implere illuminatum spatium. Concipiendum est ergo subtilem aërem sive ætherem, ceræ particulas immediatè circumcingentem, ab ipsis undique premi, ut pote quæ sint inflammatae, adeoque agitativissimæ; ab hoc æthere alium ipsi proximum pariter, & sic deinceps ad nos usque, & uno quidem momento, cùm omnia sint plena, nec ullum naturaliter esse queat vacuum. Hæc autem pressio quam flamma in subtili materiâ creat, sive potius collectio innumerorum penè succussuum aut pressio- nis vibrationum, quas in subtili aëre procreant innumeræ penè flammæ partes, ad nostros usque oculos, atque per eos ad cerebrum transmissa, in nobis sensationem excitat lucis & candoris, juxta leges conjunctionis mentis cum corpore. Si quis enim in obscuro loco per succussus sibi oculi angulum premat in eo loco ubi ipsum intus vestit retina, lucem certè conspiciet in parte loco presso oppositâ, quod satis probat sensationem lucis excitari novâ quadam pressione, & majori quidem quàm quâ nocte aut oculis clausis retina comprimitur.

Quomodo
& sensatio
colorum.

* Vide
Illustratio-
nem de lu-
ce & co-
loribus.

9. Diversis credo pressionis vibrationibus diversitatem creari colorum, idque probare conatus sum hocce * in opere; hic verò dico excitari candoris sensationem ex omnium quæ omnes colores procreant vibrationum collectione.

Si enim, postquàm vitreo prismatico diversis colorata coloribus Solis imago excepta fuerit, eadem vitro convexo lato satis excipiat ut ipsam totam amplecti queat, omnibus hisce coloribus se se in convexi vitri foco commiscens, hæc imago in chartam incidens tota apparebit alba, non amplius diversis coloribus.

Tum &
lux e rebus
objectis re-
flexa.

10. Nec luminosa duntaxat corpora undique cernuntur & secundum lineam rectam, eodem etiam modo omnia conspiciuntur opaca corpora cùm illuminata sunt. Unde sequitur lucis pressionem in corpora quæ ipsam non ut nigra corpora dissipant, in subtilem aërem ipsa circumcingentem recidere, ipsumque undique pressum. Quia omnia sunt plena, certoque repleta fluido cujus omnes partes inveniuntur. † Verum id est physicæ dogma de quo loqui nefas. Radium itaque lucis, seu simpliciter radium voco rectam lineam e luminoso aut illuminato corpore ductam per quam transmittitur actio quæ ipsum visibile reddit. Cùm autem undique cernantur res objectæ, inde sequitur unumquodque rerum objectarum punctum radios in sphaeram remittere quoquoqueversum.

† Vide
preceden-
tem illu-
strationem.

11. Ut aliqua nunc idea habeatur diminutionis lucis aut ipsius in retinam pressionis, observandum est lucem, quam excipiunt res objectæ

ex

ex unoquoque corporis alicujus luminosi puncto, diminui secundum quadrata distantiarum harum rerum objectarum ab unoquoque loco. Lux, verbi gratia, quam excipit nummus coronatus a cereo uno pede distans est ad illam quam excipit ubi ab eodem viginti distat pedibus ut 1 est ad 400, quod est quadratum numeri 20. Umbra enim quam projicit coronatus nummus a cereo uno distans pede in murum viginti distantem pedibus, 400 vicibus major est ipso nummo. Lux itaque hujus nummi ad viginti pedes siti est tantum $\frac{1}{400}$ pars prioris lucis, hoc est illius quæ intercipitur a nummo uno pede distanti a puncto luminoso. Jam verò ille nummus a cereo 20. pedibus distans undique adhuc conspici potest, nec aliter quam per reflexam actionem, aut pressionem quadringentesimæ partis prioris lucis, quam excipiebat ubi uno tantum pede a cereo distabat. Ponamus ergo ipsum in panno nigro positum ad viginti pedum distantiam adhuc posse conspici, cum pupillæ foramen nummi æquaret magnitudine, nec undique spargeretur secundum lumen, sed duntaxat per spatium quod circiter determinat magnitudo nummi ad distantiam unius pedis a panno nigro positi, oculum duntaxat ingrederetur prioris lucis pars

$\frac{1}{160000}$. Si autem pupillæ foramine decuplo major sit nummi diame-

ter, oculum duntaxat ingrederetur pars centesima partis $\frac{1}{160000}$, hoc

est pars $\frac{1}{16000000}$ lucis exceptæ in nummo uno pede a cereo distanti.

Denique oculum ingrederetur duntaxat pars ducentesima partis $\frac{1}{16000000}$,

si ab eâ seponatur lux a nummo reflexa quæ in reliquis omnes partes respergitur, posito quòd conspici posset ad distantiam 20. pedum. Pars enim dimidia sphericæ superficiei duobus circulis æqualis est qui sphaeram per ejus centrum secant. Ponendo igitur sphaeræ radium unius esse pedis, atque radium peripheriæ nummi decimam esse pedis partem, dimidia pars sphericæ superficiei ducenties contineret nummi superficiem, quoniam inter se sunt circuli ut suorum quadrata radiorum. Debilis tamen illa lux delicatissimas retinæ fibras valet succutere, posito quòd hîcce nummus undique cerni queat ex distantia viginti pedum, per lucem quam reflectit.

12. Ut etiam quæ possit esse fibrarum retinæ tenuitas propemodum detegatur, panno nigro soli exposito applicetur modò chartula unius lineæ quadratæ, tum observetur e quâ distantia illa conspici queat, siquæ hæc instituaturs proportio. Ut distantia e quâ conspiciatur est ad oculi diametrum, quæ quidem est sex linearum aut circiter, ita est

Malebranchii de Inquisit. Verit. Tom. II.


Ccc una

De tenuitate fibrarum retinæ.

una linea ad eam imaginis chartæ partem quæ est in fundo oculi. Atque si quadretur quartus hæc terminus, ut hujus imaginis quadratum habeatur, ipsius habebitur spatium quod quidem reperitur plurimis centenis vicium myriadibus minus extensum quam quadrata linea. Per chartæ imaginem ipsissimum intelligo locum in quo præcisè recolliguntur super retinâ radii quos illa reflectit charta; fieri enim potest ut fibræ retinæ, in quibus fit radiorum collectio, vicinas aliquantulum succutiant. Nunc ad lucis refractiones veniamus.

Refraclio
Lucis.

Vid. iam
Figuram.



13. Cum e medio raro, ut ex aëre, in densius, ut in vitrum aut aquam, transit aliquis radius, divertit, aut refractionem patitur ingrediens; verum ubi semel ipsum ingressus est, rectâ pergit donec ex ipso egrediatur. Si, verbi gratiâ, linea BCD desuper aëre lamberetur, ipsique subjaceret vitrum, atque pergeret aliquis radius ex A ad C, (cum dico pergeret, semper intellige, lector, ad pergendum tenderet, aut premeret ex A ad C:) non ad K pergeret ille radius, sed ad F divertiret, ex aëre scilicet vitrum ingrediendo. Cujus quidem phaenomeni hæc est ratio, quod omne corpus motum, vel quod ad sese movendum tendit, rectam semper sequatur cum æqualem undique resistantiam experitur, atque eò semper pergat ubi minorem patitur. Jam verò minorem experitur radius in vitro & densis corporibus quàm in aëre & in aquâ; cujus rationem videre est in num^o. XIX. superioris illustrationis. Quum dico in vitro, poros vitri intelligo per quos transire, sive actionem suam transmittere potest radius, non verò solidas vitri partes in quibus exstinguitur, eas aliquantulum succutiendo, quemadmodum alibi explicui.

Radius ergo AC cum minorem resistantiam experiat suam in vitrum transmittendo actionem quàm in aquam, minorem verò ubi per poros aquæ quàm ubi per aërem transit, frangi debet utique versus lineam CG, quæ ad BD perpendicularis est, sicque angulum efficere GCF minorem angulo LCK.

Refraclio-
nis men-
sura.

14. Lineæ KL & FG perpendiculariter ductæ e punctis K & F in PQ, quæ ipsâ perpendiculariter secat lineam BD duo media separantem; hæc, inquam, lineæ KL, FG, sinus vocantur duorum angulorum LCK & GCF. Cum autem angulus LCK æqualis sit angulo HCA, qui incidentiæ angulus appellatur, ipsius sinus AH idem æqualis est sinui LK. Exprimuntur ergo refractiones quas patiuntur radii, dum e medio in medium transeunt, per relationem quæ datur inter lineas AH & FG, quæ sinus sunt angulorum incidentiæ & refractionis.

fractionis. Cum refractione, verbi gratia, quam patitur radius ex aëre in vitrum transiens, sit ut tria ad duo, radius AC per punctum F transibit, si sinus GF sit $\frac{3}{2}$ sinus AH; atque eadem ex ratione, si e vitro egrediretur radius FC, & in puncto C aërem ingrederetur, versus A diverteret.

15. Præcipua Lex quâ nititur Dioptrica hæc est, omnium, scilicet, incidentiæ angulorum sinus, quicunque sint, plus minús obliquos, eandem singulos relationem habere ad suum refractionis sinum. Si, exempli causâ, radius aliquis ex aliquo quocunque proficiscatur puncto, sive supra sive infra punctum A, atque per punctum C transeat, ut, verbi gratia, radius OC, transibit per punctum R. Atque sinus OP anguli incidentiæ erit ad sinum QR anguli refractionis ut 3 ad 2, ut AH ad GF. Eadem est ratio cujusunque alius radii, qui superficiem offendit in puncto C.

*Lex quâ
tota nititur
Dioptrica.*


Cum igitur per accuratum aliquod experimentum cognita fuit refractionis quantitas radii cujusunque qui e medio in medium transit, Geometricè determinari queunt anguli quos reliqui omnes radii efficere debent cum lineâ quæ superficiem hæc media separantem perpendiculariter secat. Verum quoad præsens propositum meum nosse in genere sufficit lucis radios in oculo eam pati refractionem quâ ad axim recolliguntur, quia scilicet aëre densiores sunt oculi humores: Refractione, scilicet, radii qui ex aëre aquosum humorem ingreditur circiter est ut 4 ad 3. ubi in crystallinum deinde transit, refractione est ut 3 ad 2, ubi denique vitreum ingreditur humorem refractione est ut 10 ad 7, vel circiter.

16. Cum e puncto luminoso aut illuminato plurimi proficiscuntur radii, atque ex aëre in densum corpus, in vitrum, verbi gratia, transeunt, cujus convexa sit superficies, ille qui in hanc superficiem perpendiculariter incidit, cum ab aëre circumcingente æqualiter undique prematur, nullam in vitrum ingrediens patitur refractionem, sed majorem minoremve reliqui omnes patiuntur, prout vitrum ingrediuntur per punctum plus minúsve distans a puncto H * axis AH, quia quod obliquiores incident in superficiem, vel super tangentem quæ transiret per punctum in quo vitrum ingrediuntur, eò magis divertunt, quoniam sinus angulorum incidentiæ quos omnes hi efficiunt radii cum lineis ad superficiem perpendicularibus, eandem semper relationem habent cum homologis sinibus angulorum refractionis.

*Differentia
refractionis
radiorum qui in
convexum
vitrum in-
cidunt.*

**Vid. fig.
sequentem.*

Focus ho-
rum vitro-
rum.



17. Exempli gratiā, si in lentem, aut vitrum convexum perpendiculariter incidat radius AH, iter suum rectā persequetur, atque per centrum convexitatis transibit. Si radius præcedenti proximus eam secet in *d*, diverter ille radius, atque axim ibit sectum in C, & illud punctum C id erit quod vocatur punctum concursus radiorum axi proximorum, atque locus imaginis corporis AP. Cæteri radii Ae, Af, Ag, fient ei, fk, gl: Ita ut qui lentem ingressi fuerint per puncta remotissima a puncto H, ipsi erunt omnium proximā cum axim secabunt. Linea quæ per punctum *d* transiit, verbi gratiā, quod puncto H proximū est, axim HC, secat in puncto C, atque id punctum ab H remotius est quā punctum *x* vel punctum *g* linearum quæ vitrum ingredientes ab H sunt remotissimæ. Hi autem radii qui lentem non satis prope punctum H ingrediuntur, confusam reddunt rerum objectarum imaginem quæ lentis in foco pingitur, atque tantò confusior quantò remotiores sunt a puncto H, etsi vividiorē seu spendidiorē efficiant hanc imaginem. Si enim e puncto P corporis AP perpendicularis

ris duceretur linea super lentem inter A & d, atque ex eodem puncto P ducerentur etiam radii iis similes qui ab A ducti sunt, radius huicce novæ perpendiculari proximus, eam post refractionem secaret prope punctum C ex alterā parte axis AHC: Atque punctum in quo radius ille novam hancce perpendicularē secaret, punctum esset concursus quod puncto P responderet. Radii autem ducti a puncto A ab axi paulò remotiores quā Radius Ad qui eum in puncto C secat, per illud etiam idem concursus punctum transirent quod puncto P responderet, & proximum est puncto C. Sic itaque nonnulli radii e puncto A ducti se se cum iis immiscerent qui e puncto P proficiscerentur, eorūque actionem turbarent. Quæ autem dixi de radiis ductis e punctis A & P, ea concipienda sunt de aliis ejusdem corporis punctis, quorum radii e suis perpendicularibus remoti splendidiorem quidem reddunt imaginem, sed tantò confusiorē quò plures ingrediuntur. Ex alterā parte si lens obtegatur, atque in eā exigua dunta-

duntaxat relinquitur rotunda apertura, ut excludantur radii ab axe remoti, exigui lucis conus qui per illam transibunt aperturam, sive collectio omnium radorum ex unoquoque rei objectæ puncto proficiscens non satis splendoris habebunt ut sensibilis fiat imago quam in lentis foco formabunt. Unde ut quàm distinctissima fieri potest appareat rerum objectarum imago in lentis foco, atque ita simul illuminata ut sensibilis fiat, lentis aperturam necesse est determinatam habere proportionem cum lucis quantitate quæ res objectas unde proficiscuntur radii illuminat; ratione simul habitâ ad visum uniuscujusque. Illi enim distinctior apparebit imago, cui delicatior erit visus, si minor sit lentis apertura.

18. Hæcce singula geometricè demonstrare non fuscipio, ne illos fatigem quibus non arridet Geometria, simulque quia linearum quæ triangula efformant longitudinem metiri me tædet; præter quàm quòd qui Geometriam callent jam satis nòrunt quæ post multos alios dicere possem, vel ea edificare possunt in Libris qui de Dioptrica agunt. Sed qui experientiâ & sensibili modo eorum quæ jam dicebam certiores fieri volunt, radios, scilicet, ab axi HC remotos ut Ag , Am , se se in Axi A post suam refractionem secare propiùs H quàm reliquos, ii duntaxat chartâ omnino obtegant sat magnam lentem ut aciculâ quatuor in eâ potuerint fieri foramina secundum rectam lineam disposita, quorum duo æqualiter & maximè sint ab axe remoti, atque ab lentis extremitatibus sibi respondeant, duo alia verò ab axe non multùm distent. Expositâ enim Soli illâ lente, ut per eam solis lux in chartâ pone sitâ excipiat, videbunt paulatim removendo hancce chartam a lente, remotiores radios celerius ad se se accessuros, citiusque quàm reliquos se se decussaturos, atque propiùs quidem punctum H .

19. Ut etiam experientiâ constet non aliter distinctas & satis vividas esse posse imagines quas in suo foco vitra pingunt convexa, quàm si determinata sit relatio lentis aperturæ cum quantitate lucis quâ illuminatæ sunt res objectæ in imagine depictæ, sumatur duntaxat artificialis oculus, hoc est tubus intrinsecus obscuratus, tribus verbis gratiâ, aut quatuor pollicibus longus, atque uno saltem pollice latus, ad alteram ipsius extremitatem lens apponatur, ad alteram verò, nempe in lentis foco tenuissima charta, sive planum vitrum arenâ contritum, sicque impolizum & album effectum. Tunc enim si successivè plus minus & magnâ quidem cum differentiâ aperiat lens versùs res objectas sole, ut sensibilis sit experimentum, collustratas conversâ, constabit splendidiorem, sed trinùs distinctam fore imaginem in chartâ exhibitam, atque tantò maiorem esse debere aperturam quò magis obscuratur Cælum.

20. Si a lente recederet corpus AP cujus imago est in C ubi radii axi propiores ipsum post suam refractionem secant, aliquantulum semper versùs H accederet hujus rei objectæ imago. Si ad lentem

Ccc 3

acce-

*Experientiâ
probat
confusus ef-
fici imagi-
nes a radiis
ab axe re-
motis.*

Fig. 3:

*Aliud ex-
perimentum
quo proba-
tur relatio
aperturæ
lentium
cum lucis
quantitate.*

accederet, multum semper ab H recederet ejus imago. Multum abest quin idem sit motus imaginis seu puncti concursus, cum ad lentem accedit, & cum a lente recedit ipsa res objecta. Posito enim ipsam æquali & uniformi motu recedere & accedere, motus ipsius imaginis versus punctum H minuatur semper quum a lente recedit res objecta, neque unquam transgredietur punctum x, si illud punctum sit ipse lentis focus, hoc est punctum concursus radiorum axi parallelorum. Sed contra cum ad lentem accedit res objecta, in infinitum semper crescet ipsius imaginis motus quo tendit ad recedendum a lente. Itaque ubi accesserit res objecta ad punctum quod vocatur negativus lentis locus, hoc est ad focum ex alterâ lentis parte sumptum, punctum concursus proximorum radiorum, qualis est radius Ad, infinitum p reurrit spatium, atque hi radii post suam refractionem axi HC erunt paralleli.

Inde sequitur rerum objectarum centum hexapedis distantium imaginem eodem ferme in loco depingi ac imaginem earum quæ 1000 hexapedis distant, tum & etiam solis ac stellarum. Contrâ, imaginem rei objectæ duobus duntaxat pedibus a lente distantis alio longè in loco depingi atque imaginem rei objectæ quæ ab eadem lente semi-pede tantummodo distat, atque si focum haberet lens unius semi-pedis, imaginem, infinito percurso spatio, dissipatum iri.

*Quomodo
diversa
imaginum
distantia
determinantur, da-
tis rerum
objectarum
distantiis.*

** ad cal-
cem hujus
voluminis
extat ipsius
demonstra-
tio.*

21. Si quis specialiter scire cupiat quantum a lente distet imago alicujus corporis a lente semi-pede distantis, atque deinde quantum ad eandem lentem accedat hæc imago, cum corpus ipsum a lente duobus removetur pedibus, ut eâ ratione judicetur quantum ad crystallinum accedere debeat retina ut distinctè cernat res objectas ad semi-pedem & ad 2 pedes distantes; * Hæc noscenda est propositio quæ in Dioptricâ demonstratur. Ut punctum imaginis quod rei objectæ puncto respondet habeatur in lineâ quæ duo hæc puncta jungit, hæc instituenda est proportio. Ut distantia rei objectæ a lente, substractâ Vitri convexitatis semi-diametro, est ad integram rei objectæ distantiam, ita semi-diameter convexitatis vitri est ad quæsitam imaginis distantiam. Posito itaque oculi humores eandem efficere refractionem quam efficit lens exigua æqualiter utrinque convexa, cujusque convexitatis diameter sex lineis longa sit, neglectâ vitri spissitate: Hæc habebitur proportio: Ut 72 lineæ, substractis 6 aut 66 lineis (quæ tantumdem valent ac semi-pes distantie rei objectæ, substractâ convexitatis vitri semi-diametro, quæ sex linearum est) sunt ad 72 lineas (quæ tota est rei objectæ distantia) ita 6 lineæ sunt ad distantiam imaginis, quæ erit

ergo $\frac{72 \times 6}{66}$ vel $\frac{72}{11}$. Hæc alia perinde instituetur proportio. Ut 288

lineæ, substractis 6 aut 282 (quæ tantumdem valent ac 2. pedes, seu secunda rei objectæ distantia, substractâ semi-diametro) sunt ad 288 (quæ tota est distantia:) ita 6 lineæ sunt ad quæsitam distantiam, quæ ergo

ergo est $\frac{288 \times 6}{282}$ aut $\frac{288}{47}$ atque si de $\frac{288}{17}$ lineis tollantur $\frac{288}{47}$, com-

perietur rei objectæ imaginem, cum duobus distat pedibus, lenti propiorem esse paulo plus quam $\frac{1}{2}$ lineæ, atque sic juxta suppositionem, parum quidem accuratam, oportere retinam ad crystallinum propius accedere $\frac{1}{2}$ lineæ, ut distinctè cerneretur res objectæ ad duorum pedum distantiam sita, quàm si ad semi-pedis distantiam flaret. Atque eadem comperietur operatione oportere retinam ad crystallinum propius adhuc accedere unâ lineâ & $\frac{1}{4}$ parte lineæ, ut ad trium pollicum distantiam cerneretur. Sed si quis modo sensibili certior fieri velit rerum objectarum imaginem a lente recedere cum res objectæ ad eam accedunt, eamque ad eam accedere quum ab ipsâ recedunt res objectæ, utatur rursus artificiali oculo cujus suppono tubum se se elongando aut abbreviando posse ab objectivo vitro remove, vel ad ipsum admove impolitum illud vitrum ubi pinguntur imagines rerum externarum; atque locum mutabunt hæ imagines tantò sensibilius quantò lens minùs erit convexa: sed sufficit eam habere focum ad 3 aut 4 pollices ut sensibilius experimentis de assertionem meâ constet. His itaque positis Dioptrices veritatibus, expendamus nunc quæ cernantur res objectæ, atque rationes admirabilis constructionis organi visus.

Retina præcipua pars est oculi, per eam enim Lux suam ad cerebrum actionem transmittit.

22. Ex constructione oculi atque Lucis proprietatibus constat tunc tantum distinctè cerni res objectas cum distinctæ sunt ipsarum imagines, hoc est ubi diversi radii qui ex unoquoque rerum objectarum puncto proficiuntur, accuratè in fundo oculi colliguntur. Sed cum oculi fundum vestiat chorois æquè ac ipsa retina, sunt qui credant in choroide potius quàm in retinâ recolligi debere radios, sicque in eâ & per eam visionem fieri. Duo præcipua suæ opinionis afferunt argumenta.

*In retinâ
pingi de-
bent res ob-
jectæ: duo
objiciuntur.*

Prius hoc nititur experimento. Si nigro aut obscuro panno duæ aligentur chartulæ albæ ad eandem altitudinem, atque a se invicem tribus aut quatuor distantes pedibus, si deinde quis ab iis chartis triplo circiter magis recedat quàm a se invicem distant, atque unum claudat oculum, sinistram verbî gratiâ, fixoque obtutu oculo dextro conspiciat chartam quæ stabit ad sinistram, tunc evanescet charta quæ stat ad dexteram. Cur autem ita evanescit charta dextra quæ tamen appareret, si in eodem situ manente spectatore, ipsa alibi collocaretur? quia, scilicet, præcisè incidit ejus imago in choroidis foramen, quâ nervus opticus in oculum se se insinuat, ut ibi reinam formet; Ergo, inquirunt, cum non choroidem sed retinam offendant radii qui hanc evanescentem efformant imaginem, constat inde choroidem non retinam visioni inscrivere.

Alte-

Alterum argumentum est quòd radios excipiant nigra, reflectant alba corpora: Atqui nigra est choroïs, alba verò retina: Ergo.

*Ad prius
respondetur
argumen-
tum.*

23. Ad prius respondeo argumentum verum esse quidem experimentum, atque imaginem chartæ evanescantis præcisè in illud incidere foramen ubi nervo optico transitum præbet choroïs. Errant enim certè Anatomici qui nervi optici ingressum collocant directè contra pupillæ foramen; ad internum oculi angulum aliquantò propior est ille ingressus. Sed cùm in eo loco nervi optici fila undique se se expandant & diducant ad se se respergendum in choroïdem, ibi se se disponunt in formam infundibuli recurvi, ita ut imaginis radii, obliquè in hæc fila incidentes, suos succussus aut vibrationes ad id necessarias ut illius imaginis excitetur sensatio, ipsis non possint impertire. Ut enim distinctè cernatur res aliqua objecta, præcipuos oportet uniuscujusque illius rei objectæ puncti radios in retinam perpendiculariter incidere, ut suas pressiones vibrationes fortiter illi impertiant retinæ atque spiritibus qui continentur in iis quibus constat canaliculis, ita ut ipsorum motus ad præcipuam usque cerebri partem transmitti queat. Nulla in mente eveniret sensatio sine hac ultimâ communicatione, quia non oculus, sed mens ipsa videt, siquidem cæcitas efficitur ubi nervus opticus aliquo obstruitur humore, etsi in oculo nihil sit vitiosum.

Supposui fila retinæ cava esse, spiritibus animalibus plena, atque a fundo oculi ad præcipuam cerebri partem, hoc est ad illam cujus diversæ mutationes varias etiam mentis sensationes habent comites, semper continua. Id, inquam, supposui, quia hæc mihi videtur commodior hypothesis ad explicandum quid ad cerebrum usque transmittuntur lucis in fila retinæ vibrationes. Certè enim si per succussus digito premeretur ex unâ extremitate tubus aquâ accuratè plenus, ex alterâ pariter premeretur, atque ab ipso repelleretur digitus. Sed si corpori molli & instar intestini elongato digitus inniteretur, ab ipso non repelleretur, postquam in eo foramen fecisset, nec ex unâ ad alteram extremitatem digiti motus communicaretur.

*Ad secundum
respondetur.*

24. Ad secundum itaque respondeo argumentum, 1^o. Ideo choroïdem non posse ad cerebrum usque lucem transmittere quia nigra est, sicque ipsius vibrationes exstinguit: contrà verò cùm retina alba sit, radiosque quibus pressa fuit repellat, eandem fieri in spiritibus quos continent ipsius fila vibrationem quæ fit in ipsis lucis radiis, ut in exemplo allato tubi aquâ pleni.

2^o. Cùm non aliunde originem ducat choroïs quàm a piâ matre, quæ in cerebrum non penetrat ut nervi optici fila, nullatenus est probabile ipsam, etiam si vibrationes lucis non exstingueret, eas ad præcipuam cerebri partem transmittere posse. Certum est ergo retinam ipsam excipere & ad cerebrum transmittere lucis radiorum actionem a rebus objectis reflexam, atque ideo tantùm nigram esse choroïdem ut excipere possit & exstinguere nonnullos inutiles radios, qui postquam retinam

tinam pervaserunt, vibrationes ipsius, si reflecterentur & in ipsam reciderent, perturbarent. Evidens est enim inferiorem Iridis partem, ligamentaque ciliaria ideo duntaxat esse nigra ut radios exstinguant e retinâ reflexos, qui visionem perturbarent, si in ipsam confusè reciderent.

Hac posita veritate infinitam Creatoris sapientiam partim detegere conemur in rationibus quibus eum executus est quem sibi proposuerat finem oculos homini concedendo, atque in ipso ratione semper uniformi & constanti agendo, hoc est secundum leges generales quæ ordinem naturæ constituunt.

De Sapientiâ Dei in oculorum constructione.

25. Certè mens in se ipsâ non potest producere omnes perceptiones, *Rerum ob-*
 quas de rebus sensibilibus ipsam circumcingentibus habet ubi primum *jectarum*
 oculos aperit, atque in aperto campo circumspicit. Præter quàm quod *perceptiones*
 enim eas res objectas tunc etiam nolens conspicit, ne vel minimè qui- *Deus solus*
 dem cognoscit quæ sit oculorum cerebrique structura, atque eorum om- *nobis im-*
 nium quæ in iis peraguntur ignara prorsus est. Certum est pariter in *perire po-*
 mente nostrâ non agere corpora quæ nos circumcingunt, imo neque *test.*
 cerebrum. Non modò enim materia, quæ substantia est etiam merè
 passiva, in mentem agere nequit, non modò nulla est inter certos fi-
 brarum cerebri motus Luce a rebus objectis reflexâ productos, earum-
 demque rerum objectarum perceptiones, necessaria relatio, verum etiam
 motus iidem diversas, diversi eandem perceptiones habent comites, uti
 deinceps videbimus. Et hæc omnia certis diriguntur ratiociniis tam
 perfectam Optices & eorum omnium quæ peraguntur in corpore noti-
 tiam postulantibus, ut nullum sit ens intelligens quod hæc omnia nec-
 tere valeat ratiocinia eo ipso momento quo aperiuntur aut convertun-
 tur oculi. Quantâcunque igitur in mentem polletet ad ipsam modifi-
 candam, non dico cerebrum, sed aliquod etiam ens intelligens, ei
 nunquam omnes impertire posset quibus gaudet perceptiones eo ipso
 momento quo aperiuntur ejus oculi in medio aliquo campo. Verbo,
 Deum pono solum esse qui sensationes nostras nobis impertiat. Sed
 cum Deus semper ut Deus agere debeat, atque postulent ipsius attri-
 buta ut uniformi ratione & per generales leges agat ut plurimum, alio-
 qui nullus utique in naturâ foret statutus ordo, nihil quicquam certum
 in physicâ, generalem instituit legem conjunctionis mentis cum cor-
 pore: Hæc Lex aut voluntas generalis atque efficax creatoris est in
 genere, uti eæ mutationes, quæ in certâ cerebri parte accidunt, sen-
 sationes mentis comites habeant, utque vicissim certa mentis desideria
 comitentur cursu spirituum qui certas corporis partes moveant.

26. Verum, ut de iis modò dicamus quæ visum spectant, Deus per *Lex gene-*
 hancce generalem legem nobis omnes rerum objectarum indit per- *ralis quam*
 ceptiones quas ipsi nobis impertiremur si accurata nobis esset notitia, nec *sequitur*
Deus.

Malebranchii de Inquisit. Verit. Tom. II.

D d d

mo-

modò eorum quæ in cerebro & in oculis peraguntur, verùm & sitûs & motûs nostrî corporis, si & insuper Opticem & Geometriam callemus, atque ex his actualibus cognitionibus, non ex aliis quas aliunde duxissimus, uno momento innumera possemus accurata neclere ratiocinia, & eodem momento in nobis secundùm hæc ratiocinia agere, siquæ varias omnes nobis impertire, siue distinctas, siue confusas perceptiones quas habemus de rebus objectis quas uno obtutu cernimus, omnes, inquam, quas habemus perceptiones de ipsarum magnitudine, figurâ, distantia, motu, aut quiete, diversisque coloribus.

*Ad Legem
Dei nullam
habent relationem
cognitiones
nostra speciales, nec
ei quicquam
mutationis affertur.*

27. Observandum est me exclusisse in præcedenti suppositione cognitiones quas aliunde haussemus, eorum quæ actu in oculis nostris aguntur, quia tales revera cognitiones in nostras non influunt sensationes, si nihil in cerebro nostro mutant. Exempli gratiâ etsi compertum habeam solem lunâ pluribus vicium myriadibus esse majorem, eum tamen cerno ejusdem propemodum magnitudinis, quia ejus in retinâ imago æqualis est imagini Lunæ, nihilque præterea in meis peragitur oculis unde ipsorum distantia differentiam agnoscere possum. Verùm etsi infantis a me decem pedibus distantis imago in retinâ æqualis sit imagini gigantis triginta distantis pedibus, gigantem nihilominus infante triplo majorem conspicio, quia in meis aliquid peragitur oculis unde ipsorum distantia differentiam possum agnoscere; Talis est interpositorum corporum imago, vel diversa oculorum meorum dispositio, quum utrumque intueor, ut distinctè cernam, vel quædam ex aliis rationibus quibus rerum objectarum distantia dignosci potest, de quibus in nono primi Libri capite verba feci. Cùm itaque nota sit mihi distantia infantem & gigantem interiacens, atque, secundùm suppositionem, perfecta insuper mihi insit Optices notitia, quâ decrefcere doceor rerum objectarum imaginem pro ipsarum distantia, ipse mihi perceptionem efformo gigantis perceptione infantis triplo majorem. Quorum omnium hæc est ratio, quòd cùm ad videndum facti sint oculi, non alibi quàm in mutationibus quæ in ipsis, siquæ in præcipuâ cerebri parte eveniunt, querenda sit occasionalis causa quæ Creatoris efficacem voluntatem ad id determinat ut in mente nostrâ agat, nobisque conspiciendas præbeat res objectas non ambientes. Nunc expendamus quo pacto Deus oculum disposuerit, ut mentem moneat, quæ cuncta quæ modò dixi & nosset, & posset, ut de præsentia diversisque qualitatibus rerum objectarum, relatè ad corporis necessitates, vitæque conservationem certior fieri posset.

*Cur oculus
humoribus
plenus sit.*

28. Si loco lentis artificialis oculi corpus apponeretur opacum, sed perforatum, atque converteretur ad corpora sole collustrata, ea picta cernerentur in vitro impolito, siue ad foramen admoveretur siue ab ipso removeretur. Sed si versùs res parum illuminatas dirigeretur ille artificialis oculus, eæ non cernerentur. Itaque si omnes res objectæ æqualiter omni tempore, atque vivido collustratæ lumine, omnes æquè splen-

splendidæ, cujuscunque coloris forent, ac apparent alba corpora soli exposita, inutilis utique foret tota hæcce humorum oculos replentium varietas, si pupillæ foramen acûs acie majus non foret, imo hoc in eo commodum esset quòd e proximo cerni possent res objectæ. Verùm cùm opus sit ut certas res objectas cernere valeamus decies mille vicibus minùs fulgidas quàm quas conspiciere possemus si tam exiguum foret pupillæ foramen, Deus ideo oculi globum variis replevit humoribus ita sitis ut mille radii similes illi qui per illud foraminulum transiret, in unum super retinâ punctum coeant, sicque eam æquè circiter concutiant ac si millies illustratio esset res objectæ. Omnes enim radii, *Vide præ-*
qui e puncto G proficiuntur, versùs axim GBE divertunt, cùm aquosum *manu figu-*
inde crystallinum, inde rursus vitreum ingrediuntur humorem, atque in *ram.*
E colliguntur, ubi easdem pressioris vibrationis producunt atque in puncto G. Ita ut in puncto E imaginis rei objectæ idem conspiciatur color qui in puncto G cernitur, uti videri potest in artificiali oculo. Omnes itaque radii, qui e puncto G prodeunt per pupillæ foramen transeunt, atque super retinâ in puncto E colliguntur, duos veluti efficiunt lucis conos quorum vertex in eodem sunt axi GE. Quod de radiis e puncto G prodeuntibus dico, id non modò de punctis H & I concipien- dum est, verùm & de singulis rei objectæ punctis.

29. Verùm ubi æquo majus est pupillæ foramen, remoti axis GE *Quære im-*
radii, qui in obscurissimo loco prodesse possunt ad res objectas etsi con- *mobilis sa-*
fusè discernendas, confusam reddunt ipsarum imaginem ubi vivido col- *Iris, sui-*
lustrantur lumine, uti jam probavi; unde ad perfectionem organi vi- *disque a-*
sûs necesse est uti pupillæ foramen accuratè crescat aut minuat pro *quoque hu-*
majori minorive rerum objectarum luce, imo prout cupidi sumus, ip- *mor.*
sas e propinquo considerando, earum singulas discernere partes. Ubi *Supra*
enim vividâ luce collustratæ sunt, quò minus est pupillæ foramen, eò *num. 17.*
distinctior ipsarum in retinâ pingitur imago. Id etiam ad visum con- servandum requirebatur. Si enim æquo major remaneret pupillæ aper- tura ubi nimis fulgidæ conspiciendæ sunt res objectæ, earum radii in retinâ collecti tenues ipsius fibras brevi dissiparent, uti videre est solis radios lente collectos quicquid ipsius foco exponitur comburere, vel saltem retinæ fibrarum tenuitatem minuerent, ita ut nihil ampliùs cerni posset in loco obscuro, vel parum illuminato. Hæcce autem pupillæ aper- turæ mutatio in hisce quas modò dixi circumstantiis facillè in infantibus præsertim observatur. Deus itaque in tenuissimâ illâ Iridis pelliculâ elateria indidit ita ab actione lucis in nervum opticum, ut & ab actione quæ sequitur ex cupidine distinctè cernendi minutas alicujus rei objectæ nobis proximæ partes pendentia, ut simul omnia conformiter agant, atque tali quidem ratione ut tenuis illa pellicula accuratam semper in oculis hominis, sive multum sive parum aperiantur, rotunditatem servent. Et quia hæcce Iridis pellicula tenuior est quàm ut sibi in humore æquè denso atque sunt vitreus & crystallinus, transitum aperiat, ca-

vit ideo Deus ut in humore nateret æquè fluido atque aqua est, quæ facilitè utique separatur, & celerrimè rursus rejuungitur.

Cur speculior convenior su cornea; atque diversi sint & diverſe dispositi humores.

30. Cùm propter varios ipsius usus oculum oporteat esse mobilissimum, atque in omnes partes facile posse converti, rotundum ideo Deus ipsum effecit. Sed si æqualis ubique foret convexitatis, aut convexitate parum differrent cornea & dura membrana, atque uno plenus esset humore oculi globus, etiamsi æquè densus foret ac vitrum, aut æqualem efficeret refractionem, tunc utique, cùm unam duntaxat in eo refractionem paterentur radii a rebus objectis prodeuntes, in retinâ non possent colligi, sed longè ultra retinam coirent. Præter quàm quòd, etiamsi ibi possent colligi cùm a remotis rebus objectis proficiscerentur, saltem non possent ubi e corpore proximo prodirent; Ideo Deus, uti radorum collectionem properaret, atque rerum objectarum imaginem in ipsâ collocaret retinâ, 1°. corneam cui subjacet aquosus humor convexiorem fecit reliquo oculi globo, quia convexiores lentes radios citius colligunt; 2°. aquoso humori crystallinum subjecit qui densioris est materiæ, & cujus adeo refractio major est quàm reliquorum humorum, ipsum insuper multò convexiorem effecit, imprimis in inferiori parte quâ vitreum tangit humorem. 3°. ut crystallinus, a retinâ multùm distaret, necessariùmque interjaceret intervallum ut radii ex ipso convergentes egressi accuratè in retinâ colligerentur, vitreum interposuit humorem multò copiosorem, & latius occupantem spatium quàm duos alios simul. Radii itaque qui ex unoquoque visibili rei objectæ puncto promanant, ut accuratè super retinâ in totidem puncta coalescant, tres patiuntur refractiones quæ omnes ipsos ad axim BE reducunt; priorem, scilicet, ubi aquosum ingrediuntur humorem, pro nullâ enim ea habenda est quam in corneâ patiuntur ingredientiæ & egredientes; secundam, ubi in crystallinum intrant, tertiam ubi ex ipso exeunt, quæ magna satis adhuc mihi videtur esse propter magnam crystallini convexitatem ex eâ parte quâ vitreum tangit humorem.

Cur ita dispositi sint musculi & imprimis obliqui.

* Num. 10.

31. Ast cùm ad visus perfectionem requiratur ut proxima & remota perinde cernere possimus corpora, neque accuratè queant in retinâ colligi radii ex eadem re objectâ, sed in diversis distantis posita, proficiscentes, quemadmodum suprâ * probavi, Deus ideo crystallinum duos inter alios humores interposuit, utpote cujus major sit refractio, atque ita per ciliaria ligamenta suspendit, ut a retinâ aliquantulum possit recedere, cùm propiores sunt res objectæ quàm ut distinctè cernantur. Atque hoc modo res mihi videretur peragi.

Cùm crystallinus in solitâ situs est a retinâ distantia, quæ talis est ut res objectæ ad mediocrem distantiam sitæ cernantur, tunc, si incesse- rit cupido minutissimum quid, muscam, exempli gratiâ, e proximo conspiciendi, ut ejus omnes distinguantur partes, quatuor musculi recti æqualiter tensi oculi globum in fixo situ retinent, duo verò obliqui qui cum ambiunt etiam tensi ipsum comprimunt; recordandum est enim utrum- que

que alterum alteri proximum alligari ex unâ parte ad globum oculi, ex alterâ ad internum oculi fundum. Obliquus quidem superior ad os alligatur, procul ab interno angulo, sed cum ad internum oculi angulum per membranosum ligamentum alligata sit trochlea per quam transit, spectari potest ille musculus quasi ad eum alligatus esset. Cum igitur hi duo obliqui musculi contrariis suis tensionibus globum oculi quem ambiunt comprimant, vitreum tantisper premunt humorem qui antrosum pellit crystallinum, atque forsân retinam repellit. Cum crystallinus antrosum progreditur, ciliaria tunc ligamenta quæ ad illum rectâ tendebant, aliquantulum inflectuntur ad vitreum humorem duas ob rationes: 1^o. quia crystallinus progrediens ad strictiorem accedit globi oculi circumferentiam, unde relaxantur ciliaria ligamenta: 2^o. quia cum aquosum humorem premat crystallinus, ipse aquosus humor circumcincta premit, ut sibi locum faciat, ipsiusque actio in id recidit quod ipsi minus resistit, hoc est in ciliaria ligamenta quæ relaxata sunt, ipsa itaque incurvat circum crystallinum, atque decurrit in spatium quod ei relinquit ipsum incurvatio. Corneam pariter verosimile est aliquantulum recedere per compressionem aquosi humoris. Sufficiens itaque augetur crystallini a retinâ distantia, ut distinctè cernatur res proxima quamdiu globum oculi fortiter comprimunt musculi. Verum ubi ipsum comprimere desinunt, rotunditatem suam necessario recipit, ac proinde solitum suum situm cuncti recuperant humores. Hæc est, ni fallor, mutatio quæ oculis accidit, ubi vis, ut ita dicam, ipsis infertur, hoc est, ubi e proximo minutas res cernere conamur.

32. Aliâ quidem ratione accuratè posset in retinam incidere rerum objectarum imago; si, nempe, per contractionem aut relaxationem ciliarium ligamentorum figuram mutare posset crystallinus, si suam augere posset convexitatem ubi propiores sunt res objectæ, diminuere, ubi remotiores. Verum impossibilis mihi vide ut hæc secunda ratio, quia satis durus est & viscosus crystallinus, nec ullâ gaudet fluiditate, unde figuram non potest singulis mutare diebus; suam ergo non potest per relaxationem ciliarium ligamentorum augere convexitatem, uti nec minuere per ipsum contractionem. Ad id tantum profunt hæc ligamenta ut ipsum in tali inter cæteros humores situ retineant, ut per roediam semper pupillam transeat duarum quibus constat convexitatum axis. Cum autem, ut in retinam accuratè incidat rerum objectarum imago, sive propiores sive remotiores sint, necessario requiritur aut ut convexitatem mutet crystallinus in eodem semper remanendo loco, aut eâdem remanente convexitate, locum ipse mutet, ad retinam accedendo, aut ab ipsâ recedendo, inde sequitur veram esse priorem quam indicavi rationem, eamque quam Deus adhiberi voluit. Etenim ubi quis e proximo minutum quid conatu aliquo cernere enititur, musculorum is sentit conatum qui oculos comprimunt, qui conatus is etiam dolorem creat qui minutissimis e proximo conspiciendis non sunt assuefacti. Imo

Figuram non mutat crystallinus sive proxima sive remota sine qua cernuntur.

mihi pro certo constat ideo tantum formatam, & in eo loco collocatam fuisse trochleam, ut musculum juvaret in accuratâ & semper aequali compressione, quam ipsum efficere opus est ut distinctè & diu cerni queat res proxima, quod ad majorem visus perfectionem requirebatur.

*De præci-
pui trochleæ
usu.*

33. Ut hæc ritè intelligantur sciendum est 1°. augeri radiorum oculi ingredientium quantitatem in reciproca ratione quadratorum diversarum rei objectæ distantiarum, ita ut si res objecta quædam duobus ab oculo distet pollicibus, oculum ingrediantur novies plures radii quam si sex pollicibus ab eo distaret. 2°. Cum determinatâ duntaxat opus sit radiorum quantitate ad retinam sufficienter succutiendam, ut cernantur res objectæ, quò plures essent lucis radii, eò minorem esse posse pupillæ aperturam: 3°. Quò minor est apertura, eò distinctiorem esse rei objectæ imaginem, quia pauciores oculum ingrediuntur ex iis ab axe remotis radiis qui ipsam confusam reddunt. Unde colligendum est e propinquo, quantum fieri potest, conspiciendas esse res objectas, ut minutæ ipsarum partes rectè distinguantur. Verum non sine nisu quodam e proximo cerni queunt, atque crystallinum a retinâ per globi compressionem removendo. Cum autem durum sit & elasticum ejus involucrium, musculo ipsum comprimenti semper resistit, atque si vel tantillum inæqualiter ibi tensus esset ille musculus ubi alligatus est ad hocce involucrium, inæqualitas continuò eveniret in distantia crystallinum & retinam interjacente, proinde in claritate imaginis, relique objectæ perceptione. Què ergo tam perfecta reddi poterit visio quam esse potest relatè ad necessitates nostras? Sic nempe. Cum tenuissimus musculus diu vix, ac ne vix quidem, æqualem omnino servare possit tensionem, Deus ut musculum, qui oculum comprimit, juvet, atque insensibiles reddat minimas ejus tensionis inæqualitates, ipsum traducit per illam cartilaginem quæ trochlea appellatur, uti collisio musculi contra cartilaginem partim resistat actioni vis elasticæ involucri oculi. Exempli gratiâ, si mihi gravissimum esset corpus ad extremitatem funis alligatum, ipsumque e terrâ attollere vellem, atque diu ad eandem omnino altitudinem suspensum retinere per æqualem semper musculorum brachii mei tensionem, brevi certè fatigarer, nec ipsum ad eandem altitudinem omnino possem retinere. Verum id facile possem efficere, minùsq; defatigarer, si funem traducerem per anulum firmiter alicubi alligatum, atque funem deinde e superiori in inferius traherem, ipsius enim contra anulum collisio mihi levamento esset, sicque facilius ad eandem semper altitudinem suspensum retinere possem hocce corpus grave. Certum igitur mihi videtur præcipuum trochleæ usum eò tendere ut superiorem obliquum musculum levet in ipsius actione contra vim elasticam cutis duræ oculi quam comprimit, & æqualiter semper comprimere debet, ut res propiores æquè distinctè & sine interruptione cerni queant.

Cæterum certò mihi constare videtur præcipuum obliquorum musculorum usum non eò tendere ut oculum volvant eo modo quo volvi conspi-

conspicitur, globus enim oculi super axim proprium non revolvitur. Alioqui obliqui muscoli possent soli eum revolvere, jam verò sic se res non habet, nec habere potest, imo foret inutilis. Illa autem oculorum volutio qualis conspicitur per successivam rectorum musculorum actionem facile fieri potest. Cum enim in circulum oculi revolvuntur, sufficienter percipitur non uniformem esse hancce volutionem, qualis esset si a musculis obliquis ipsos ambientibus unice efficeretur, verum ipsam per succussum effici, qui successivam diversorum musculorum actionem denotant.

34. Aliquis fortasse dicet durius esse oculi involucrum quàm ut oculi ^{Obiectio cum respon-} li musculorum conatus cedat, verum facilis est responsio. Cum enim durius est, nihil distinctè cerni potest e proximo. Idque senibus contingit quibus duriores effecit ætas hancce cutem. Verum hi iidem senes ante senectutem e propinquo & e longinquo perinde videbant, sed cum inflexibile factum fuerit ipsorum oculorum involucrum, nihil amplius in ipso mutare valent muscoli. Ideo senes ad secundam opus est confugere rationem, ut e propinquo videant convexisque uti conspici-
lis quibus radiorum collectio properetur, ita ut in retinâ accuratè fiat, cum crystallini convexitatem augere nequeant. Cæterum, si vel tantillum comprimatur humor vitreus, is, ut pote copiosus, magnopere debet a retinâ crystallinum remove, propter hujus situm, quippe qui inter duos humores in æquilibrio suspensus sit. Quum dico per compressionem magnopere a retinâ removeri debere crystallinum, id utique intelligo relatè ad minimam cutis oculi mutationem. Intelligo crystallinum per eam compressionem sufficienter removeri ut radii prodeuntes e re objectâ semi-pede, exempli gratiâ, distante, accuratè in retinâ colligantur. Minima est autem differentia quæ interest inter distantiam in quâ crystallinus a retinâ esse debet, ut ibi radios colligat a corporibus infinitè remotis a stellis, exempli gratiâ, proficiscentes, & necessariam distantiam ut ibidem colligantur radii a re objectâ semi-pede ab oculis distante prodeuntes. Juxta eam quam * crystallini cum * Num. 21: lente quæ focum haberet ad sex lineas institui comparatione, ea differentia $\frac{1}{2}$ unius lineæ esse deberet. Si verò refractione humorum oculi cum lenis refractione quæ ad 4 lineas focum haberet comparetur, ea differentia esset tantummodo $\frac{1}{4}$ lineæ. Si ergo vel tantillum agant in humorem vitreum muscoli oculum comprimentes, crystallinum a retinâ sufficienter remove possunt, ut radii objectarum rerum ab unius semi-pedis distantia ad infinitam usque distantiam in retinâ colligi queant.

Observatio in infinitam Dei sapientiam quæ non modò in præstantiâ ejus Operum elucet, sed lucidiùs adhuc in simplicitate viarum quibus ea format Opera.

35. Hæ sunt præcipuæ rationes oculorum compositionis, humorum-
que

que pellucidorum quos includit dispositionis: Jam verò quicumque ad hæc vel tantillum attendet, evidenter videbit ipsos a Deo formatos fuisse relatè ad lucis proprietates, sive relatè ad actionem ætheriæ materiæ cujus etiam est auctor & motor, ut dum uniformi semper & constanti ratione in mundo ageret per generalem motuum communicationis legem (radiatorum enim transmissio, eorumque diversæ refractiones ab eâ sequuntur,) atque in membris nostris per generalem ipsarum cum corporibus nostris conjunctionis legem, hoc est ex consequentiâ eorum quæ per oculos nostros in cerebro nostro evenirent, dum, inquam, sic semper ageret Deus, omnium rerum nos circumcingentium præsentia atque differentia sufficienter ad societatis bonum, vitæque conservationem moneremur. Evidens est reliqua omnia ab eodem facta fuisse qui oculos formavit; Evidens est eum qui radios e corporibus luminosis aut illuminatis prodeuntes vel reflexos, radios diversæ quidem speciei, quique imperturbati se se indefinenter decussant, uno momento, rectâ, & quoquoque transmittendi artem invenit, illum, inquam, eundem sibi simul id proposuisse ut tales, scilicet, oculos efformaret ut, eorum radiorum ope, & in nobis, omnibusque nos circumcingentibus, uniformi agens modo, nos posset cum aliis suis operibus conjungere, ipsorumque ordinis, magnitudinis, venustatum nobis admirationem inlicere. Verbo, evidens est omnia ab eadem digesta fuisse Sapientiâ, ab eadem producta fuisse Potentiâ, ab eadem conservari Providentiâ.

36. Verum enim verò si Dei Sapientiam in paucis illis elucentem quæ de oculorum constructione nobis innotescunt, jam demiremur, quanto percelleremur stupore, si minutissima nervi Optici fila in cerebrum usque persequi possemus, atque ea cernere quæ in præcipuâ ejus parte peraguntur? Hæc fila quæ ejus sunt tenuitatis quam vix imaginari valemus, quæque luce a rebus objectis reflexâ levissimè concutuntur, per se procul dubio tot motus non possent in corpore nostro ciere, quot in eo revera excitant; quænam verò sunt elateria quæ laxant in cerebro, vel potius, qui spiritus in eo contentos ad id valent determinare, ut se se in corpus diffundant, variisquæ quos postulat rerum objectarum differentia motus excitent? Hæc sunt minutissima fila eâ ratione succussa quæ spirituum animalium in membra nostra effusione dirigunt, sentimus enim id in nobis sine nobis peragi, qui ergo eos in hoc illudve membrum potius quam in aliud effundunt, cur eos modò lentè & parvisimè, modò rapidè & assatim spargunt, atque ut plurimum relatè ad corporis bonum?

Cum lapis, exempli gratiâ, versùs me rectâ pellitur, ipsius imago, quæ in retinâ meâ depicta est, celeriter augetur pro ipsius velocitate, ibique vel nullatenus, vel parum omnino mutat locum. Qui fila hujus imaginis ad cerebrum ulque continuata celeriter satis & copiosè spiritus possunt impellere aut determinare ut subito caput vertere & inclinare possim? Non ipsa præcisè lapidis imago eò me adigit ut caput ver-

tam

tam, neque subitum ipsius imaginis incrementum, si locum in oculis meis mutat, uti fit cum ille lapis ad me non directè pergit. Caput igitur veluti automaton inclino & verto, istud declinandi causà, propter ipsius imaginis subitum incrementum, earundemque retinæ meæ fibrarum concassationem; verùm quænam sunt organa quorum ope peraguntur hæcce & innumera similia? Id est quod nunquam intelligent homines.

37. Nervum opticum sic ad præcipuam usque cerebri partem ad quam referuntur omnes corporis nostri partes persecuti sumus, nunc retrogrediamur, atque aliquid detegere nitamur in mediis quibus ad formandas, alendas, nutriendâque partes oculos nostros componentes utitur Deus, in hisce omnibus nonne profundam Creatoris Sapientiam sentimus? Quomodo constructa sunt illa vascula quæ inter diversas quibus constat sanguis partes illas accuratè seligunt quæ ad transitum luci præbendum aptæ sunt, ad eas deinde in pellucidos humores diffundendas; quo pacto & constructa sunt illa quæ nigrum illum humorem ad extinguendos lucis radios aptum separant, ipsûmque ita eunt alligatum ad ciliaria ligamenta atque infra iridem, ut qui ipsûm tangunt humores, ipsûm ab iis separare nequeant, nec ipsûm dissolvere? Quo pacto ea vascula liquores e sanguine hauriunt tam diversæ densitatis, fluidissimos, scilicet, aquoso humori, alios qui firmi fieri queant crystallino, alios denique mediocris densitatis vitreo distribuendos? Qui ipsos æqualiter in utroque oculo distribuunt, crystallinûmque æqualiter convexum reddunt? si enim eveniat ut alteruter convexior sit, eo conspiciuntur oculo & minutura & propiora. Qui peraguntur hæcce omnia, innumerique similes effectus? Mens certè infinitum, ut ita dicam, in innuabili Creatoris arte sentit, sed ipsius id duntaxat intelligere potest quod ad ipsius captum est accommodatum.

38. Pauci quidem sunt, imo fortè nulli qui levi quodam in oculis nævo non laborent; verùm rarissimi sunt qui ingentibus laborent vitiis, vel quibus aliquid desit quod ad visionem necessariò requiratur. Cum autem vera horum vitiatorum causâ cognoscitur, nedum inde minuatur summa quæ Creatoris sapientiæ idea habenda est, mens contrà in iis talem habet prospectum ut inde detegat eam infinitam esse sapientiam. Ut hæc bene intelligantur, sciendum est corpora sexcentis modis organizationis relatè ad speciales fines, generalibus construi non posse communicationis motuum legibus quæ ab hæcce pendent, omne corpus scilicet pro vi impellente moveri, atque eam in partem versùs quam impellitur, omnemque qui ex his relatè ad organizzata corpora percipi potest usum esse quod partes ex quibus constant embria animalium aut semina plantarum evolvant & mole augeant. Quicumque autem vel minimâ imbuti sunt anatomix notitiâ, stupendûmque animadvertunt alicujus animalis partium numerum, illarum simul partium connexiones mutuas, diversâque ad quos destinatæ sunt usus, ii procul dubio judicabunt

Malebrancii de Inquisit. Verit. Tom. II.

E e e v i v e n -

viventia quidem corpora posse per impactum destrui, verum solo impactu haud quaquam eorum construi posse diversâ organa. Un te facile colligitur Deum, qui ordinariâ suâ Providentiâ Entia materialia per leges motûs gubernat, in primis nostris parentibus omnes ab iis nascituros ab initio mundi formavisse, ipsum eodem se gessisse modo in plantis atque animalibus, sicque iis dedisse fecunditatem, atque sui similia producendi facultatem. Neque tamen ex iis colligendum esset hodiernos homines eandem in indefinitâ suâ exilitate membrorum suorum proportionem Adami tempore habuisse quâ nunc gaudent, verum ipsos tantummodo tales tunc exstitisse ut ex Legibus motûs paulatim per sexies mille annos ita crescerent ut hodie tales essent quales cos conspiciamus. Si enim his minutissimis embriis, sive potius embriorum &c. embriis defuisset, verbi gratiâ, crystallinus, aut nervus opticus, aut illa de quâ locutus sum reditiûs trochlea, aut si defuissent prima harum omnium partium ad eundem finem destinatarum rudimenta, evidens utique fit generales motûs leges hæcæ omnes partes construere nunquam valituras fuisse.

39. Certum itaque mihi videtur Deum specialibus voluntatibus initio formavisse hominem & diversas omnes animalium plantarumque naturas, atque simul id unicuique ipsarum indidisse unde suam possent speciem perpetuare, tum simul, etiam specialibus voluntatibus, (id enim secus fieri non poterat ante corporum impactum,) ita primos materiæ motus rexit ut, observatâ sequentibus temporibus simplici illâ & generali lege, omne, scilicet, corpus moveatur pro vi quâ pellitur, atque in eam partem quod fortius pellitur, exigua embria paulatim crescere & se se evolvere possent. Nec enim videmus Deum novas nunc animalium & plantarum species formare, sed contrâ singulis conspicimus diebus novissima e prioribus oriri; hodie enim explosa est ridicula illa opinio, e putredine nasci insecta, in quibus sæpe plures sunt organicæ partes, ærsque major elucet quàm in crassis animalibus. Nunc Deus quiescit, uti nos docet Scriptura, non quod agere desinat, eadem enim Scripturâ docemur ipsum indefinenter agere, sed quod generales modò sequatur quas instituit leges. Jam verò hæc est Legum motûs sequela, ex quibus legibus in ordinariâ suâ providentiâ Deus & agit & agere debet in materiam; ut exigua embria, quæ non possunt non esse materialia, a sexies mille annis crescant & sese evolvant, atque ideo hæc est etiam earundem legum sequela, ut hic illève luscio-lus sit, vel ita convexum habeat crystallinum ut nisi propè admoda non cernat. Misit itaque iis qui acres & acutos habent oculos, cur hic illève convexiorem habeat crystallinum? quia Deus speciali voluntate non ejus formavit oculos quales hodie sunt; quia jam abhinc sexies mille annis facti sunt, ipsique Deus paulatim ad hunc in quo sunt statum adduxit per efficaciam legis seu voluntatis generalis, iam simplicis ut ad destruendum aptior videatur quàm ad formandum organum

aque

æquè mirum ac est organum visus. Reapse per hanc eandem generalem legem se se destruunt & oculi & ipsa corpora nostra, ut & per eandem crescunt, & se se evolvunt, postquam tamen Deus ipsa creavit, & ad suum ab ipsa accipiendum incrementum præparavit. Sed si Deus speciali quadam voluntate hujus hominis oculos formavisset, ut etiam remota clarè cerneret, eo certè vitio non laboraret, perfectus esset, ut perfecti fuerunt quæcunque Deus initio mundi creavit; perfectissima enim tunc erant omnia ipsius opera, quemadmodum Scripturâ perinde & ratione docemur. *Viditque Deus cuncta quæ fecerat, & Gen. 1. erant valde bona.*

40. Mentem ergo attollit quadatenus hujus viri de quo modò loquebar causæ cognitio, ipsamque ibi, ut ita dicam, collocat unde tam profunda videtur, tamque fulgida emicat Creatoris sapientia, ut mentis aciem perstringat, nec sine periculo cerni queat. Omnem enim imaginandi facultatem longè superat stupenda primigeniarum, quibus creationis tempore oculi nostri constabant, parium exilitas, tantò magis ipsarum configuratio & dispositio, tantò magis adhuc ipsarum incrementum & evolutio per tot annos, atque per unicam hujus tam simplicis legis efficaciam, omne, scilicet, corpus moveatur pro vi impellente, atque in eam partem versùs quam fortius impellitur. Paulò convexior factus est hujus hominis crystallinus, concedo. Verùm eosdem effectus diversis in circumstantiis producere nequeunt generales Leges. Hæ Leges quàm sapientissimè fieri potest constitutæ sunt, cùm ipsarum fecunditas ipsarum simplicitati respondet, hoc est, cùm ipsarum simplicitatis relatio cum operis quod efficiunt præstantiâ, attributa creatoris, quàm perfectissimè fieri potest, exprimit. Neque enim ex solâ operis sui præstantiâ Deus se se honorare vult, verùm & ex sapientiâ viarum suarum. Si Operis præstantiam duntaxat sibi proponeret, utrum potius eligeret ut sese perfectè honoraret, cùm alia aliis perfectiora ad infinitum usque possit efficere Opera? Verùm quàm sapientissimè fieri potest, vel ratione attributis suis dignissimâ semper agit, utpote qui in eorum attributorum ordine suam reperiat legem, suæque omnia incitamenta, nec ea possit negligere, aut aliter quàm postulant agere, invictè enim ipsa amat, quum nihil aliud sit ipsius voluntas quàm ipse quo ea prosequitur amor; Agit, inquam, Deus quàm optimè fieri potest, quum ex omnibus possibilibus Operibus illud decernit efficere, non quod in omnibus partibus erit perfectissimum, sed quod habito respectu ad vias quibus productum est, Dei attributa quàm perfectissimè exprimit. Quamvis itaque nonnulla sint in quorundam hominum oculis vitia, Deus solus eorum est author, nec, ut eorum reddatur ratio, ad cæcæ nescio quam naturam, ad plasticas formas, ad matris aut eorum qui hæc laborant vitii mentem recurrendum est. Si ex Creatoris reverentiâ ea imaginentur nonnulli, pius quidem eorum est animus, verùm meras sic sibi fingunt chimæras. Satiùs esset opinari vel

Eee 2 ad

ad totius Operis perfectionem conferre hæcæ nonnullorum oculorum vitia, vel iis Deum semper uti ad eorum ipsorum bonum qui iis laborant.

41. Cùm entis infinitè perfecti ideam attentissimè consulimus, ipsius agendi rationem, non secus ac essentiam a nostrâ infinitè diversam esse debere comperimus. Verùm ubi præterita sunt hæcæ momenta seriæ attentionis, ipsum & cogitare & agere supponimus eâ prorsus ratione quâ ipsi nos cogitaturos & acturos esse sentimus. Cùm enim se se sensibilem non reddat Numinis idea, ipsâ faciliè evanescit, aut obscura fit, cùm contrâ mens sibi semper sit præsens, seque semper ipsâ sentiat. Inde fit ut ad omnia, ipsumque Numen humanâ induendum naturâ tantopere prona sit. Ideo alii Deum imaginantur omnia specialibus operari voluntariis, alii ipsum Angelis aut chimericis Entibus Mundi regimen committere. Hi Deum volunt unicuique rei creatæ initio realem tribuisse potentiam, nonnullâque præterea certis imbuisse cognitionibus quas, ut eas deprimant, instinctus cognitiones vocant, quæ tamen sæpe tales sunt ut nemo tales acquirere valeat; Deumque his peractis, quietum remanere, nec ullius jam rei satagere. Illi religiosiores, sed eadem nihilominus sentientes, Deum semper agere merito tuentur, verùm totam ipsius actionem in ordinariâ Providentiâ nihil esse quàm simultaneum concursum quo sine nihil agere possunt causæ secundæ. Hæc ideo tantùm observo ut mentibus altè infixum maneat, maximâ, quantum fieri potest, attentione consulendam esse Entis infinitè perfecti ideam, ne humana reddatur Divina Providentia, qui summus quidem est error, innumerorûque aliorum periculosissimorum fons & origo; Enti illi perfectissimo ea tribuenda est Providentia quæ infinitæ Sapientiæ characterem præ se fert maximè, ut quisque sic sibi respondere valeat circa difficultates quæ, ex eâ nobis innatâ propensione ad omnia humano induenda vultu, contra opinionem meam enasci possunt.

42. Stupescit, fateor, imaginatio indefinitam illam exilitatem, quâ Adami tempore donari debebant, non modò corpora nostra, sed organicæ ipsorum partes, quarum etiamnum plurimæ, ut ut omnino jam exsolutæ, ita sunt exiguæ ut omnem oculorum aciem effugiant. Cùmque sint femina & insecta, quæ nonnisi optimis microscopiis cerni queunt, multò magis adhuc oblupefcit imaginatio, ipsâque ratio perterretur, cùm calculo quaritur quantula essent hæc omnia ante sexies mille annos, vel quâ intra se contineant ea quæ ad finem usque sæculorum ab ipsis enascentur. Ratio tamen terreri desinit ubi ex unâ parte Geometriâ convincimur materiam in infinitum esse divisibilem, & ex alterâ, fide & ratione ipsâ docemur nullos habere fines Dei sapientiam: Persuasum enim habeo Deum, qui innumeras diversæ naturæ substantias proculdubio creare valebat, quoniam, cùm infinita sit ejus essentia, innumeris modis est participabilis, Deum, inquam, præter spiritus quæ eo sine produxit.

produxit ut ipso fruerentur, materiam insuper selegisse, quia feligere voluit subiectum aliquod in infinitum divisibile, quod sic inexhaustæ ipsius sapientiæ responderet, subiectum quod essentia suâ nullos afferre posset limites ipsius artis & potentiæ exercitio; persuasum habeo Deum e nihilo nunquameducturum fuisse materiam, si divisione suarum partium vel ad nihil redigeretur, vel ad partem aliquam indivisibilem; sicque simplicem & secundum Providentiæ cursum sistere posset. Quicquid sit, mihi fit evidens hancce, quam Dei agendi rationis * tradidit, ideam sapientiæ infinitæ characterem lucidius præ se ferre eâ quæ vulgò fingitur; quod si res ita se habeat, ad veritatem certum est eam propius accedere, Deus enim semper ut Deus agit, semper secundum immutabilem suorum attributorum ordinem, quæ ipsi sunt & Lex & incitamentum, quia in iis delectatur, nec ea potest negligere, aut aliter quam postulant se gerere. Ignoscent mihi, spero, Lectores hancce digressionem ad quam me deduxit ipsum quod tractabam argumentum.

* Accur-
ratur &
superior Pro-
videntiæ
explicatio
traditur in
colloquio
de Meta-
physicâ &
Religione.
Colloq. 9.

43. Præcipuas mihi videor rationes tradidisse oculi compositionis, ipsiusque partium dispositionis, cuius certè observandus est finis, nempe, ut Deo in mente nostrâ semper eo agente modo qui ipsius attributis maximè convenit, hoc est semper uniformi atque constanti ratione, secundum ea quæ in cerebro nostro per oculos eveniunt, sufficienter ad societatis bonum, vitæque conservationem, omnium rerum objectarum nos circumambientium præsentia & differentia moneamur. Deus enim solus in nobis agit, nosque eorum omnium commonefacit; sed cum id in nostri gratiam, & in nostro loco peragat, propter ignorantiam nostram & imbecillitatem, id non aliter exequitur quàm ipsi exequermur, si in nobis agere possemus juxta cognitionem quæ nobis inesset eorum quæ in oculis nostris & in cerebro nostro præsentibus rebus objectis peraguntur. Posito igitur menti nostræ inesse omnem scientiam, & potentiam, & reliqua quæ supra notavi num. 26; videamus quo pacto id detegeret quod in corporibus nos circumcingentibus eveniret.

10. 11. 12.
& 13.

Vide hanc
Num. 24.

In medio campo oculos aperio; atque eo ipso momento innumeras cerno res objectas alias aliis distinctiores, omnesque inter se differentes vel figuris, vel coloribus, vel distantis, vel motibus suis &c. Inter alia ingentem conspicio album equum a me centum distantem passibus, qui ad dexteram incitatissimo cursu fertur. Qui ergo eum talem conspicere possum ex eâ quam posui hypothesi? Sic nempe.

1^o. Ex hypothesi posita in num. 26. scio omnes lucis radios secundum rectam procedere lineam, eosque qui ab incognita re objectâ, equo nempe, reflectuntur, oculumque meum ingrediuntur, in retinâ meâ colligi, eamque imprimis fortiter concuti a præcipuo radio qui amborum exiguorum conorum, quos † supra exposui, communis est axis. † Nam 28.
Mihi ergo judicandum est perpendiculariter in retinam incidere huncce
Ecc 3
radius,

radium, ac proinde eum equum alicubi secus eam perpendicularem lineam esse, verum ejus nondum mihi nota est distantia.

2°. Ipsum ad dexteram caput conversum habere cognosco, atque pedibus suis stare, quamvis inversa sit ipsius imago mea super retinâ. Cum enim sciam non planam esse, sed concavam retinam meam, Geometriâ doceor necessariò se se decussare lineas perpendiculares in concavam superficiem, nec aliter esse posse inter se parallelas, quam ubi in planam superficiem incidunt, ac proinde mihi judicandum esse ipsum in situ inverso esse ad ipsius imaginem.

3°. Novi itidem ipsum circiter centum a me distare passibus, quia, cum simul in retinâ picta sit ipsius & campi in quo est imago, cujus agri extensionem novi propemodum a me ad equum usque, hinc de ipsius distantia judico, ut & etiam ex aliis rationibus quas hic explicare non necesse est.

4°. Ingentem esse equum cognosco; cum enim mihi nota sit simul & ejus distantia, & ipsius imaginis magnitudo, & diameter oculorum meorum, hanc instituo proportionem, ut diameter oculorum meorum est ad ejus imaginem, sic hujus equi distantia est ad ejus magnitudinem; atque tam cum aliorum quos vidi equorum magnitudine conferendo, eum esse judico unum ex magnis equis.

5°. Ipsum currere judico, quia ejus imago locum mutat in oculis meis, atque ipsum incitatissimo cursu ferri, quia notum est mihi spatium quod celeriter in meâ percurrit retinâ ipsius imago, unde, eandem instituendo proportionem, colligo ipsum brevi tempore magnum percurrere spatium.

6°. Ipsum album esse conspicio, quia novi quam succussus speciem in meâ retinâ producant radii quos reflectit, atque me, cum in me agere possim, semper mihi talem impertire sensationem absque ullo errore, ubi eo modo quatur mea retina, & per ipsam meum cerebrum.

7°. Denique si caput inclinem, vel si in gramine recubem, huncce semper equum conspiciens, locum mutabit in retinâ meâ ejus imago, nec eandem amplius fibras concutiet, eodem modo tamen ipsum semper conspiciam. Vel si ipse gradum sistat, ego contrâ currere incipiam, locum mutabit ipsius imago in fundo oculorum meorum, ipsumque tamen immotum videbo. Quia nempe simul novi inclinatum esse meum caput, novi quis sit oculorum meorum situs, vel quanto præcisè motu ferar currendo, & accuratè ratiocinans comperio totum a me motum oriri.

8°. Si ad hunc accedam equum ipsum conspiciendo, ipsum ejusdem semper videbo magnitudinis, utut semper augeatur in retinâ meâ ipsius imago, sitque decuplo major hujus imaginis altitudo, ubi ab ipso decem tantum passibus remotus sum, quàm ubi centum ab ipso passibus distabam. Quia, scilicet, Opticâ doceor diversas imaginum alicujus rei objectæ altitudines esse inter se in ratione reciproca distantiarum hujus rei objectæ, cognoscens itaque eandem semper esse hancce rationem

lin-

singulis passibus, eandem mihi pergo sensationem impertire.

Hæc sunt nonnulla e iudiciis ratiociniisque quæ, ex suppositione factâ, * mentem formare oporteret, ut vel unicam conspiceret rem objectam; taliæque ipsam necesse opus esset respectu omnium rerum objectarum quas uno conspicit intuitu, opus esset, ipsam ea intra unum momentum necesse, novæque semper formare ad minimum oculorum motum, eadem denique, sine ullo errore, cum in eodem essent statu oculi. Nec ergo nos ipsi ea formamus iudicia & ratiocinia, ipse Deus & solus quidem ea pro nobis format. Ideo *naturalia* vocavi † hæc iudicia & ratiocinia, eo ipso tempore quo, ut cum aliis loquerer, ea menti tribuebam; per eam enim vocem innuebam non mentem ipsam ea formare iudicia & ratiocinia, sed ipsum naturæ authorem in ipsâ & pro ipsâ. Atque de his iudiciis loqui necesse fuit, quia sine his diversarum nostrarum sensationum ratio reddi nequit, quoniam eæ ipsa supponunt, & ab ipsis necessariò pendent.

* Nam. 16.

† Primi
Libri
cap. 7.

Ex dictis multæ deduci queunt consequentiæ quæ magni omnes sunt momenti.

1°. Deum solum posse nobis diversas quas de rebus objectis habemus perceptiones impertire ad unumquemque nostrorum oculorum motum. Id quidem post ea quæ modò lecta sunt evidentius est quam ut ipsi probando inmoremur. Notasse sufficiat nec mentem nostram, imò nullam finitam mentem innumera illico necesse posse ratiocinia, nullumque Ens creatum & speciale generalem esse posse causam quæ unoquoque momento in omnibus omnino hominibus agat.

2°. Unde sequitur nullum hic esse simultaneum concursum; talis enim concursus causam supponit efficacem quandam quæ ad agendum præsto est, & quacum Deus suum jungat concursum. Nulla autem causa, quantacunque ipsi liberaliter tribuatur potentia, eo concursu hic uti potest, quoniam ipsius usus a ratiociniis pendet quæ uno temporis momento fieri debent, quæ tamen necesse haudquaquam valet.

3°. Deum generalibus agere voluntatibus aut legibus, eandem semper iisdem in circumstantiis ratione; causasque occasionales, quæ harum legum efficaciam ad id determinant ut suos edant effectus; esse mutationes quæ per oculos cerebro accidunt collatas cum iis quæ situm & ordinem corporis motum comitantur. Atque Deum in ordinario providentiæ suæ cursu per generales leges agere necesse est, non modò quia Divinæ sapientiæ & immutabilitatis characterem præ se fert hæc agendi ratio, verum & quia nullus alioqui foret in naturâ ordo, nihil nisi fallax in physicâ, nulla certa regula agendi rationis.

4°. Generales hæc leges ex immutabilibus Geometriæ veritatibus statui, quantum id fieri potest. Si enim, exempli gratiâ, oculorum altero clauso tenuis quadam res objecta ad 3 vel 4 pedes filo suspensa conspiciatur, non æque accurata esset ipsius distantie perceptio ac foret, si ambobus conspiceretur oculis, quia ubi in triangulo dantur aut cognos-

cognoscuntur unus duntaxat angulus & unum latus, non determinatum est triangulum; Vide cap. 9. Lib. I. n. 3. ubi hæc exponuntur.

Inde sequitur denique corpora a nobis non in se ipsis cerni, acque nos eadem quæ videmus perinde tunc ex generalibus mentis cum corpore conjunctionis legibus visuros, cum annihilata fuerint, ac proinde omnino invisibilia omnia externa corpora, si nen pe in cerebro, vel cursu spirituum animalium, vel aliâ quadam ratione, motus cierentur iis similes quos nunc experimur cum apertos habemus oculos; & id ipsum est quod in somno, quod ardente febri laborantibus, quod vetanis contingit. Quid est ergo quod immediatè & directè videmus, quid est id quod immediatè in mente agit nostrâ, eamque omnibus quas de rebus objectis habemus perceptionibus modificat? Ea & procul dubio omnium gravissima quæstio; Eam in tertio hujus Operis Libro solvere nisus sum, dum de idearum naturâ loquebar, eaque, spero, ibi elucidata reperietur, imo demonstrata, si præsertim iis addantur mea ad Celeberrimum Arnaldum responsa, vel illud modò quod tertiæ ipsius Epistolæ respondi, quòdque typis subiectum est in quarto meorum responso volumine.

Ut autem hoc utiliter absolvam additamentum, Lectorem oro in mente volutet quæ dixi de arte mirabili quæ in oculorum constructione apparet, de relatione quam cum lucis proprietatibus habent, de ipso cum cerebro, & per cerebrum cum toto corpore connexionem, de simplicitate generalis legis quæ ipsis evolvit, & paulatim ad eum ubi sunt statum adduxit, atque de ratione quâ Deus ex legibus mentis cum corpore conjunctionis iis uritur, & singulis momentis, & in omnibus hominibus. Ex sensu visus ad sensum auditus transeat, qui mihi, quod ad ipsius constructionem attinet, mirabilior videtur, etsi ad vitam præsentem sit minùs necessarius; ex hoc secundo sensu ad tertium transeat. Ex homine ad elephantem descendat, ad culicem usque qui elephante videtur, imo forsân ipso homine est organis ditior. Homini unus est in singulis oculis crystallinus, culici plura sunt crystallinorum millia, quæ microscopio faciliè distingui queunt. Inde plantas percurrat animalibus infinitè secundiore adhuc. Neminem enim latet renasci, ut ita dicam, sectam arborem, atque singulis amputatis ramis plures alios succrescere, qui singuli & flores & fructus ferunt, quorum vel unum semen integras temporis successu sylvas produceret. Si ad hæc omnia tales fiant considerationes quales ipse edidi circa rationem quâ oculi nostri abhinc sexies mille annis explicati sunt, multò magnificentior procul dubio Divinæ Sapientiæ habebitur idea. Verùm mihi observandum videtur quòd, etiamsi totus percursus fuisset Univerfus, omnes miræ detectæ fuissent materiæ dispositiones, etiam in iis animalibus quæ innumeris vicium myriadibus muscâ minora sunt, nihil adhuc conspèctum fuisset, ut cum Scripturâ loquar, quàm id quod

futuri

Vide literas D. Puget & D. Leew-enoock.

Prov. c. 8.

ludendo facis sapientia Dei, quàm perituum opus, umbram & figuram

futuri mundi qui in æternum subsistet, quia ille est quo Deus ab æterno delectatus est, quia est finis operum ejus, præcipuumque opus.

*Beati qui habitant in domo tuâ, Domine, in secula
seculorum laudabunt te.*




ADDITAMENTUM

Coronidis loco.

Optarunt nonnulli ut hîc duas subjungerem demonstrationes quas pro cognitis posueram, ut qui eas non cognoscunt, aut forsân in quo existent opere ignorant, eas legere possent: Hæc est igitur prior.

Centrifuga vis corporum æqualis est quadrato ipsorum velocitatum per diametrum circuli quem uniformi motu suo describunt diviso.



Corpus quodcunque A filo AC in C fixo alligatum, cum revolvitur circa punctum C, filo obnuitur, quia conatur aufugere secundum tangentem AT. Id in confesso est apud Physicos, isque conatus *vis centrifuga* appellatur.

Demonstratio.

Sumatur in circulo ARF arcus ut AE, quem pono infinitè parvum, ideoque suæ chordæ æqualem, concipiendo, scilicet, circulum uti polygonum innumerorum laterum. Fingatur & exiguum parallelogramma ABED. Per tempus infinitè breve quo corpus A arcum
Malebranchii de Inquisit. Veris. Tom. II. Fff seu

seu chordam AE describit, duabus pellitur viribus, nempe juxta tangentem AT, & secundum lineam AC. Ipsius velocitatem exprimit linea AB, vel DE, vim centrifugam, per quam filum intendit, linea AD vel BE. Eo enim in casu differentia BN lineæ AB, hoc est, excessus quo chorda AE lineam AE superat, pro nihilo habenda est, ut & ille excessus quo AF superat lineam FD quæ differentia est secundi generis, siquidem ED quid infinite parvum supponitur relatè ad FA. Itaque BE æqualis & parallela supponi potest lineæ AD, atque Geometrica hæc proportio ex circuli proprietate institui potest,

FA. DE.: DE. AD vel BE quæ æqualis est lineæ $\frac{D E^2}{F A}$. Vis ergo


centrifuga BE quadrato velocitatis corporis A per diametrum diviso æqualis est. Id significat vim quæ unoquoque agit momento, seu infinite parvo temporis articulo, quæque per BE exprimitur, esse ad vim, seu ad velocitatem corporis A, quæ eodem agit momento, atque per lineam DE exprimitur, ut hæc velocitas esset ad velocitatem seu vim quâ eodem infinite parvo temporis articulo percurreretur Diameter AF. Vires enim aut velocitates exprimunt AD. DE & AF. Itaque in eâ quam posuimus hypothesi, nempe, infinite parvam esse lineam DE, linea AD est aliquid infinite parvum secundi generis, atque excessus BN lineæ BA vel ED tertii generis. Si autem supponamus infinite parvam esse AD, quæ vim centrifugam exprimit, AF erit quid infinite magnum secundi generis, & vim exprimet infinitam secundi generis, relatè ad vim centrifugam.

Explicantur ea quæ dixi suprâ §. XXI. *Generalis Dioptrica propositio cujus nihil aliud est quàm corollarium ea quæ pro verâ posita fuit in §. 21. novissimæ illustrationis.*

Dato vitro earundem seu diversarum convexitatum aut concavitatum sphericarum, vel ex unâ parte concavo, ex alterâ convexo, aut denique ex unâ parte plano, ex alterâ aut concavo aut convexo; inveniatque super axe vitri punctum concursus aut collectionis radiorum qui e puncto aut corpore luminoso vel illuminato proficiscentes, & duas diversas refractiones passi, in vitrum scilicet ingredientibus, & ex ipso egredientibus, tandem coeunt; uno verbo reperiat locus imaginis quæ rem objectam representat. Cùmque non alij radii distinctam reddant imaginem quàm qui sunt axi proximi, cæteri ipsam confusam efficiant, hic agitur duntaxat de puncto concursus radiorum proximorum. Supponitur esse refraçtio vitri propemodum ut 3 ad 2. quod quidem ex multis notitur experimentis; Id nempe significat sinum anguli incidentiæ esse

esse ad sinum anguli refractionis Ut 3 ad 2, cùm ex aëre radius in vitrum ut ingreditur, ac proinde ut 2 ad 3 cùm e vitro in aërem ingreditur.

Præparatio ad demonstrationem.



Sit A punctum rei objectæ ex quo manant radii. BK arcus circuli qui vitri convexitatem efformaret, si super radium suum BC revolveretur. AIM unus est ex iis radiis qui e puncto A proficiuntur, quem vitrum ingredi suppono prope punctum B, ita ut tres lineæ AI, AD, AB, atque duæ breves DI, & BI inter se æquales habeantur. E puncto C, quod centrum est convexitatis BIK, ducatur perpendicularis CM in radium AIM, atque alia iidem CN in fractum radium IF. Hæ duæ breves lineæ sinus erunt angulorum incidentiæ & refractionis; cùmque anguli recti in M & in N eandem habeant hypothensulam IC, qui radius est convexitatis vitri; CM erit sinus anguli incidentiæ, & CN sinus anguli refractionis, ac proinde CM erit ad CN ut 3. ad 2. Ducantur nunc e puncto f, ubi axim Af offendit radius fractus If, linea fIP, atque e puncto H brevis linea HG: E minori centro c aliterius convexitatis vitri EHK, ducantur perpendiculares cP in productionem radii primâ refractione fracti, & cQ in FQ, qui radius esse debet secundâ refractione fractus, dum egreditur e vitro in puncto H, ad ingrediendum in aërem. cP erit ergo ad cQ ut 2 ad 3. similibus ex rationibus. Hoc posito, atque ex iis, quæ in novissimâ illustratione de refractionibus dixi, sufficienter probato, inveniendum est super axi Af punctum concursus F radiorum qui e puncto A rei objectæ promanant, hoc est invenienda est distantia BF, postquam comperta erit distantia Bf.

Quod ut peragatur nominentur indeterminatæ, nempe distantia rei objectæ $AB = d$. Radius circuli BIK, nempe $BC = r$. Sinus anguli incidentiæ vel $CM = s$, & $CN = \frac{2}{3}s$, incongnitæque $Bf = x$. Alias nominabo lineas cùm punctum f reperero. Sic nempe vitabitur litterarum confusio.

Fff 2 Ut

Ut reperiamur incognita Bf = x.

Cum radius AI axi sit proximus, habebitur, AC ($d+r$) est ad AD vel AB, (d) ut CM (s) est ad DI $= \frac{s \cdot d}{d+r}$.

Tum Bf (x) est ad fC ($x-r$) ut DI ($\frac{s \cdot d}{d+r}$) est ad

CN ($\frac{2s}{1}$). Unde deducitur æquatio $\frac{2sx}{1} = \frac{sdx - sdr}{d+r}$ quæ

ad hancce redigitur Bf vel $x = \frac{2dr}{d-2r}$.

Liquet ex hocce valore litteræ x parallelos fore radios, si d æqualis esset $2r$, radios se se secturos infra vitrum ut in figurâ, si d maior esset quàm $2r$, tum punctum f ultra punctum A occurreretur, si minor esset, adeo ut divergentes adhuc essent radii post refractionem, quia eo in casu negativus esset valor litteræ x . Liquet focus prioris convexitatis, si infinita esset d , distantem fore triplici radio; $2r$ enim fieret o relatè ad d . Si verò infinita foret r , hoc est, planum esset vitrum, punctum concursus occurreret infra punctum A, atque ab ipso distaret

summâ $\frac{1}{3}d$, quia negativus fieret valor litteræ x . Liquet denique,

si ex his tribus magnitudinibus x , d & r , duæ cognoscantur, tertiam

facile haberi per æquationem $x = \frac{1}{2} \frac{dr}{d-r}$. Ponamus, exempli gratiâ,

dari radium r convexitatis vitri, & distantiam Bf imaginis, facile reperietur distantia d rei objectæ AB. 1°. unumquodque æquationis membrum per $d-2r$ multiplicando. 2°. ex utrâque parte subtrahendo $3dr$, atque addendo $2rx$. 3°. dividendo per $x-3r$, atque reperietur $d = \frac{2rx}{x-3r}$, ex quâ æquatione eadem deduci queunt con-

sequentia atque ex priori. Hæc tantum dico ut generalium Algebrae resolutionum secunditas & utilitas intelligatur. Nunc examinandus est effectus secundarum refractionum quas patiuntur radii e vitro egredientes, quæ dant punctum F concursus post duas refractiones.

Inveniamur incognita EF = z.

Quod ut peragatur nominetur spissitas vitri BE = c , Ef, vel Gf, vel Hf = y . Radius convexitatis EHK qui est Ee = a . Sinus anguli incidentiæ radii fracti per priorem refractionem, dum e vitro egredie-

egrediebatur in puncto H. Sinus hicce est $cP = t$. Ac proinde sinus anguli secundæ refractionis $cQ = \frac{1}{2}t$. Denique FG, vel FH, vel FE = z.

Cum radius fH axi sit proximus, habebuntur hæc proportionēs, fc ($y+a$) est ad fE (y) ut cP (t) est ad $GH = \frac{ty}{y+a}$, Et cQ ($\frac{1}{2}t$) est ad GH ($\frac{ty}{y+a}$), ut Fc ($z+a$) est ad FE (z)

Multiplicatis igitur extremis & mediis hujus proportionis, habebitur æquatio hæc $\frac{1}{2}tz = \frac{tyz + azy}{y+a}$, cujus si unumquodque membrum dividatur per t , & multiplicetur per 2 & per $y+a$, habebitur $3yz + 3az = 2yz + 3ay$, ex quâ si ex utrâque parte tollatur $3yz$, habebitur $3az = 2ay - yz$; atque tandem ipsam dividendo per $2a - z$ habebitur $y = \frac{3az}{2a-z}$. Atqui y , vel Ef , æqualis est valori $x - e$, vel $Bf - BE$. Habebitur ergo æquatio $x - e = \frac{3az}{2a-z}$, in quâ si pro x ejus valor substituatur $\frac{3dr}{d-2r}$,

habebitur $\frac{3dr}{d-2r} - e$ vel $\frac{3dr - ed + 2er}{d-2r} = \frac{3az}{2a-z}$ atque unumquodque membrum multiplicando per $d-2r$ & per $2a-z$, hæcce alia habebitur $6ard - 2aed + 4aer - 3drz - 2erz = edz = 3adz - 6arz$, in quâ si mutantur tres termini in quibus occurrit incognita z , habebitur $3adz + 3adz - edz - 6arz + 2erz = 6ard - 2aed + 4aer$, ac proinde habebitur incognita

$$I. z = \frac{6ard - 2aed + 4aer}{3ad + 3rd - ed + 2er - 6ar} = EF$$

Si negligatur vitri spissitas, expungentur omnes termini in quibus occurrit $e = 0$, & habebitur

$$II. z = \frac{2ard}{ad + rd - 2ar}$$

Si infinita sit objecti distantia, aut paralleli censeantur radii in vitrum incidentes, uti fit cum remotæ sunt res objectæ, deletis omnibus terminis in quibus d non reperitur, secundus valor litteræ z ad huncce redigetur.

$z = \frac{2ar}{a+r}$; atque si æquales sint duæ convexitates, habebitur $z = r$. Verum si distantia d minor sit quàm ut paralleli reddantur radii,

Fff 3

radii, habebitur $z = \frac{r-d}{d-r}$, quæ est propositio quam posui in §. 21.

superioris illustrationis.

In figurâ, ut & in ratiociniis quæ facta sunt ad resolutionem problematis, vitrum positum est utrinque convexum, verum non ideo minus generalem suppeditant ipsius solutionem formulæ; si modò in ipsis nonnulla mutantur signa, atque nonnulli tollantur termini, quod specialis unusquisque casus determinat.

Si ponatur, exempli causâ, concavum esse vitrum a parte rei objectæ, convexum ex alterâ, atque secundus litteræ z valor adhibeatur, mutandum erit modò signum terminorum ubi r occurrit, quia eo in casu radius convexitatis BIK negativus est, vel contrario sumitur sensu atque quo instituti sunt calculi qui formulam suppeditarunt, sicque

$$\text{habebitur } z = \frac{-ard}{a - rd + zar}, \text{ vel } \frac{ard}{rd - ad - zar}.$$

Sed si convertatur hoc idem vitrum, in formulâ mutandum erit signum terminorum in quibus occurrit radius a . Si denique ab utrâque parte concavum sit vitrum, mutanda erunt signa ubi soli sunt radii r & a , nec quicquam mutandum erit in terminis in quibus occurrunt ambo simul, productum enim termini $-r$ per $-a$ reddit $+ar$.

$$\text{Habebitur ergo } z = \frac{ard}{a - rd - zar}. \text{ Atque negativus semper}$$

erit iste valor, & punctum concursus F in eâdem parte occurret ex quâ in vitrum incidunt radii.

Si ponatur vitrum esse planum a parte rem objectam spectante, convexum ex alterâ; tunc utique, cum infinitus fiat radius r , tollendus erit, ut pote nullus, e secundo valore litteræ z terminus ard , ubi r non occurrit. Atque eâdem ex ratione terminus rd , si convertatur vitrum. Facile intelligitur quid agendum foret si vitrum planum esset ex unâ parte, concavum ex alterâ.

Denique si convergentes ponantur incidere radii in vitrum, h. e. alii ad alios accedentes, tunc distantia AB (d) erit negativa, atque punctum A, quò in eo casu tendunt radii, ex eâdem parte erit ac punctum F. Mutato itaque in secundo valore litteræ z , vel in valoribus specialium casuum de quibus modò, signo terminorum in quibus occurrit d , habebitur quæsitus valor.

Liquet ex his æquationibus cognitum iri tertium, si modò detur z cum alterutro ex duobus aliis, atque ex aliis extricetur, uti jam peractum est.

Ergo patet duas priores formulas, vel valores litteræ z , generalem suppeditare solutionem omnium diversorum possibilium caluum problematis, ponendo refractionem lucis ex aëre in vitrum transeuntis esse ut 3 ad 2. Sed si exigatur formula cujus indeterminata sit refraction ut m ad n , ita ut sumi queant m & n pro quocunque numero,

ro,

ro, nominandi sunt duntaxat sinus CN & cQ angulorum refractionis $\frac{n}{m}s$ pro formula $\frac{x}{3}s$; & $\frac{m}{n}t$ pro $\frac{3}{2}t$ in proportionibus quæ ad problematis solutionem institutæ sunt, atque calculum absolvendo, habebitur, substituendo p pro $m-n$

$$EF \text{ vel } z = \frac{m n a r d - n p a e d}{m p a d + m p r d - p p e d} + \frac{n n a r e}{+ n p r e - m n a r,}$$

vel neglectâ spissitate e vitri.

$$z = \frac{n a r d}{p a d + p r d - n a r.}$$

Evidens est istud unum problema generaliter solutum integram continere, ut ita dicam, Dioptricæ scientiam, quæ tota in eo jacet uti determinetur figura vitrorum ad radios e rebus objectis profluentes colligendos, parallelos, convergentes, divergentes reddendos, & ipsorum imagines ad arbitrium amplificandas aut minuendas, ipsos per plura vitra trahiendo. Si enim spectetur punctum E, ubi est imago rei objectæ A, quasi esset ipsum punctum A, atque objecto, super eodem axi, vitro convexo infra punctum F, vel concavo vitro supra idem punctum F, ita ut in eodem puncto F occurrant & focus convexi, & negativus concavi focus, ex his secundis vitris paralleli exhibunt radii, quod necessarium est ut res objectas distincte ii cernant quibus est visus acer. Sed quia videtur inversa res objecta, cum per duo vitra convexa transierunt radii, si tertium addatur convexum, ad axim coibunt radii, atque spectato rursus hocce novo foco quasi esset punctum A rei objectæ, si quartum addatur vitrum ejusdem ac tertium convexitatis, ita ut id punctum A sit in foco horum novissimorum duorum vitrorum, paralleli exhibunt radii, atque rei objectæ imago recta apparebit, & longè major.

Hæc fusiùs non persequor, nec aliud hic tradidi quàm generalia quædam corollaria quæ ex secundâ deduci possunt formulâ, ad novas inde efformandas, diversis problematibus adaptatas. Hoc mihi duntaxat proposui uti veritatem ostenderem eorum quæ dixi sub finem quinti capitis methodi de utilitate Algebræ & Analyseos. Plura haberi possunt corollaria deducta ex generali solutione problematis quam tradidit D. Guisnée in commentariis Academiæ anni 1704. ubi doctus ille Geometra illud solvit problema non modò posito vitra secta esse per plana aut circuli arcus, sed etiam si per duas qualescunque curvas, ejusdem, aut diversæ naturæ, secentur.

1851



